



MARTYROLOGIUM
ROMANUM

MARTYROLOGIUM ROMANUM



MARTYROLOGIUM ROMANUM

EX DECRETO SACROSANCTI ECUMENICI
CONCILII VATICANI II INSTAURATUM
AUCTORITATE IOANNIS PAULI PP. II
PROMULGATUM

EDITIO ALTERA



TYPIS VATICANIS
A.D. MMIV

Editio typica 2001
Editio altera 2004

© «Copyright) apud Administrationem Patrimonii Sedis Apostolicae in Civitate
Vaticana 2004.
Venditio operis fit cura Librariae Editricis Vaticanae
(Libreria Editrice Vaticana, Citta del Vaticano)

CONGREGATIO DE CULTU DIVINO ET DISCIPLINA SACRAMENTORUM

Prot. N. SS1/00/L

DECRETUM

Victoriam paschalem Christi in Sanctis suis utriusque Testamenti inde a priscis temporibus celebravit Ecclesia, fidelium consortium in communione mystici corporis eiusdem Dómini Iesu Christi Salvatoris nostri læte confitens.

Sæculorum decursu multimode Memoriam nominum et rerum gestarum Sanctorum ipsa servare curavit. Unde étiam Martyrologium Romanum, cuius editio princeps Gregorii papæ XIII iussu prodiit anno 1584, ad novam Calendarii rationem et ecclesiasticæ historiæ veritatem restitutum, aliorum Romanorum Pontificum mandato pluries recognitum est, emendatum et auctum usque ad annum 1960. Verumtamen profluebat ex antiquissimo Martyrologio Latino, Hieronymiano nuncupato, quod redactum est ex confluentibus variis Calendariis, scilicet Romano, Africano et Syriaco, posteaque gradatim nominibus multorum Sanctorum ex aliis regionibus ampliatum, passim tamen geminationibus, confusionibus aliisque erroribus obscuratum.

Ad normam vero Constitutionis «Sacrosanctum Concilium » Concilii Œcumenici Vaticani II de Sacra Liturgia, ut «passiones seu vitæ Sanctorum fidei historicæ reddantur» (art. 92 c), necesse est nomina Sanctorum in Martyrologio adscripta eorumque elogia iudicio historicæ disciplinæ subicere et diligentius tractare quam antea. Præterea Sanctos et Beatos inscribere oportuit, qui publica veneratione ab Ecclesia comprobata gaudent, sive cultu immemorabili, etiam locali, sive declaratione sollemni inde ab anno 1960 facta.

Quod opus ingens et laboriosum longo temporis spatio ductum nunc ita peractum est, ut, tertio millennia ineunte, in lucem possit prodire et fidelibus cotidie nomina exemplaque Sanctorum proponere.

Proinde hanc editionem Martyrologii Romani Summus Pontifex Ioannes PAULUS Pp. II auctoritate sua Apostolica approbavit et Congregatio de Cultu Divino et Disciplina Sacramentorum nunc promulgat atque typicam esse declarat. Ipsa editio, lingua Latina exarata, statim ac prodierit vigere incipiet.

Contrariis quibuslibet minime obstantibus.

Ex redibus Congregationis de Cultu Divino et Disciplina Sacramentorum, die 29 mensis iunii anni 2001, in sollemnitate Ss. Petri et Pauli, Apostolorum.

GEORGIUS A. Card. MEDINA ESTÉVEZ
Præfectus



FRANCUS PIUS TAMBURRINO
Archiepiscopus a Secretis

CONGREGATIO DE CULTU DIVINO ET DISCIPLINA SACRAMENTORUM

Prot. N. 1140/04/L

DECRETUM

A progenie in progenies misericordia Dei Patris omnipotentis, qui verbum veritatis Evangelii in universo mundo uberat, ut magnum consilium salutis ad omnem plenitudinem in Christo perveniat, christifidelibus omnium Sanctorum merita tribuit venerari, ut desideratam hominibus Domini propitiationis abundantiam, multiplicatis intercessoribus, largiretur. Quæ mirabilia Sanctissimæ Trinitatis dilectionis, Deum ipsum mirabilem et unum Sanctum in omnibus sanctis adorans, indefesse colit et proclamat Ecclesia in cultu Sanctorum, quibus Dominus divisiones gratiarum in terra et unam in cælo mercedem gloriosam contulit.

Signum præstans huius populi Dei erga Sanctos devotionis exstat Martyrologium Romanum nuperrime ex decreto Sacrosancti Œcumenici Concilii Vaticani II recognitum, cuius editio typica 29 iunii anni 2001 promulgata est. Parva ergo interposita mora, attento nunc usu, qui e liturgica oritur instauratione, acceptisque peculiaribus consiliis eorum, qui ad studium tanti ac laboriosi operis se contulerunt, visum est emendationes quasdam inducere, quo ditior ac clarior textus fieret.

Haud pauci, igitur, servi Dei a Summo Pontifice IOANNE PAULO Pp. II ad dignitatem Beatorum vel Sanctorum evecti hanc in editionem inserti sunt, ut protinus opportunis elogiis die suo natali colerentur. Aliquæ variationes inductæ sunt, quæ plerumque ad Sanctos pertinent, cuius mentio in præcedenti editione defuerat vel dubia quædam historiæ ratione panderat; immutationes insuper minores linguam latinam et orthographiam expoliunt.

Proinde Congregatio de Cultu Divino et Disciplina Sacramentorum editionem hanc alteram Martyrologii Romani vigore facultatum specialium a Summo Pontifice IOANNE PAULO Pp. II ipsi tributarum nunc promulgat et «typicam» esse declarat. Conferentiis Episcoporum curæ erit textum, qui in hac editione invenitur, in linguas vernaculas vertere et ad hoc Dicasterium mittere recognoscendum.

Contrariis quibuslibet minime obstantibus.

Ex ædibus Congregationis de Cultu Divina et Disciplina Sacramentorum, die 29 mensis iunii anni 2004, in sollemnitate Ss. Petri et Pauli, Apostolorum.

FRANCISCUS Card. ARINZE
Præfectus

+DOMINICUS SORÆNTINO
Archiepiscopus a Secretis

PRÆNOTANDA

PRÆNOTANDA

I

DE SANCTITATE IN ŒCONOMIA SALUTIS

De universali vocatione hominum ad sanctitatem

1. Deus Pater universos homines ad divinam imaginem conditos (cf. Gn 1, 26-27) salvos fieri vult et ad agnitionem veritatis venire (cf. 1 Tim 2, 4), quæ Dominus Iesus Christus est, via hominum ad Patrem (cf. Jo 14, 6). Omnes, proinde, in primis christifideles cuiuscumque status vel ordinis, ad vitæ christianæ plenitudinem et caritatis perfectionem vocati sunt, qua sanctitate in societate quoque terrena humanior vivendi modus promovetur.¹
2. Quinimmo Deus Pater, omnia in Christo instaurans (cf. Eph 1, 10), voluntatem suam manifestavit, hominum scilicet sanctificationem (cf. 1 Thess 4, 3); quæ per Christum, cum Christo et in Christo,² magis magisque in dies, ad maiorem gloriam unius et indivisæ Trinitatis atque ad uberiores Ecclesiæ sanctitatem in vita christifidelium augescit.³
3. Ipse vero, cum sit Sanctus (cf. 1 Pt 1, 16), ut omnes unum in Christo Iesu fiant, eos eripuit de potestate tenebrarum et transtulit in regnum Filii dilectionis suæ (cf. Io 11, 51-52) ac sociat in sanctitate sua et virtute Sancti Spiritus, in laudem gloriæ gratiæ suæ (d. Eph 1, 6.12).

De sanctitate in Christi mysterio

4. Magister et exemplar Dominus Iesus Christus, Dei Filius, qui cum Patre et *Spiritu* «solus sanctus» celebratur,⁴ et omnis sanctitatis fons est et virtutum origo, sanctitatem vitæ, cum ipse auctor et consummator eius exstet, omnibus et singulis discipulis prædicavit: «Estote ergo vos perfecti sicut et Pater vester cælestis perfectus est» (Mt 5, 48).⁵ In ipso Patris mysterio, quod Christus est, christifideles Spiritus Sanctus in baptismo confirmat et eos ad propositum certamen impellit, ut immarcescibilem coronam gloriæ (cf. 2 Tim 4, 7-8; 1 Cor 9, 25; Apoc 2, 10) in communione omnium Sanctorum consequantur.⁶ Christifideles ipsi in Christo Iesu, iuxta eiusdem monitum: «Si quis vult post me venire, abneget semetipsum et tollat crucem suam et sequatur me» (Mt 16, 24; cf. Mc 8, 34; Jo 12, 26), imitatores eiusdem

Salvatoris esse nituntur, ita ut, fide, spe, caritate suffulti, per fratres iam in Christo viventes ad mysteria salutis implenda conversationes inveniant, ipsorum insigni incitentur exemplo et pia intercessione perpetuo commendentur.⁷

De sanctitate in Ecclesiæ vita

5. Deus Pater autem Sanctorum confessione mirabili Ecclesiam suam nova semper virtute fecundat et fidelibus certissima præbet suæ dilectionis indicia.⁸

Christus Dominus quoque Ecclesiam tamquam sponsam suam diligit, pro qua seipsum tradidit, ut illam sanctificaret (cf. Eph 5, 25-26), eamque sibi utpote Corpus suum coniunxit atque sanctitatis dono cumulavit ad gloriam Dei.⁹

Spiritus Sanctus idem Christi corpus animat, ut ab ipso accipiat sanctitatem, cum ipso regnum veritatis et vitæ, regnum scilicet sanctitatis et gratiæ, regnum iustitiæ, amoris et pacis¹⁰ clarificet; in ipso omnes fideles a servitute corruptionis in libertatem gloriæ filiorum Dei (cf. Rom 8, 21) constituuntur.

6. Proinde Ecclesia sancta simul et semper purificanda est,¹¹ ad quam tamen in Christo vocati sunt omnes et in qua, per gratiam Dei omnipotentis, Sanctorum consortia gaudeant, donec eorundem gloriosa in Christo communio in fine temporum consummetur. Ipsa Ecclesia, Sanctorum Mater, sedulo semper curat, ut christifideles vocationem ad sanctitatem foveant et ad ipsam perveniant. Præsertim in adiunctis huius temporis novæ evangelizationis, maximi momenti est ut totum pastorale iter in ipsa sanctitate collocetur, quæ intellegi oportet non quidem uti via extraordinaria aliquorum tantum, sed ut intentio omnium christifidelium ad vitæ christianæ plenitudinem. et caritatis perfectionem.¹²

II

DE SANCTORUM MEMORIA SEU VENERATIONE

De Christi vita: Memoria in Sanctorum vita

7. Clementissimus Pater, qui per Filium dilectionis suæ, sicut conditor generis est humani, ita Benignissimus reformator,¹³ Sancto Spiritu adiuvante, Sanctorum conversatione exemplum, communionem consortium, intercessione subsidium

unicuique christifideli largitur.¹⁴

8. Ecclesia autem Trinitatem confitetur mirabilem in Sanctis ipsis, qui vivam Salvatoris in mundo præsentiam atque germanam Ecclesiæ ipsius naturam omnibus hominibus patefaciunt, utpote imagines divinæ sanctitatis, ex qua illa exoriuntur Sanctorum opera, quæ simul et Christi mirabilium sunt manifestatio.¹⁵

9. Omnis enim Sanctorum liturgica commemoratio in Ecclesiæ vita exhibita suapte natura tendit ad Christum ac terminatur in eo, qui est «corona Sanctorum omnium»,¹⁶ et per ipsum, Spiritu Sancto comitante, ad Patrem, qui est mirabilis in Sanctis suis et in ipsis magnificatur (cf. 2 Thess 1, 10).¹⁷

10. Sanctorum quidem vita per temporis decursum quasi continuatio seu memoria Christi vitæ et in hoc saeculo elucet, resurrectionis ipsius gloriam demonstrans,¹⁸ et in cælestium gloria atque veluti stella a stella differens in claritate (cf. 1 Cor 15, 40-41) christifidelibus proponitur: «omnia prætereunt, Sanctorum gloria durat in Christo, qui cuncta novat dum pennanet ipse».¹⁹

11. Proinde eadem memoria liturgica Sanctorum innititur, non tantum ut exempla eorum omnibus fidelibus proponantur imitanda, sed magis adhuc ut totius Ecclésiæ unio in Spiritu roboretur (cf. Eph 4, 1-6). Nam sicut christiana inter viatores communio propinquius nos ad Christum adducit, ita consortium cum Sanctis nos Christo coniungit, a qua tamquam e fonte et capite omnis gratia et ipsius Populi Dei²⁰ vita promanant.

12. Qua de causa, dies transitus Sanctorum ex hac vita ad æternum consortium fulcitur Christi vita, videlicet eius Paschali Mysterio, et merito nominatur et «dies natalis» eorum est, de more in sacra liturgia commemoratus.

De Sanctorum cultu

13. Ecclesia viatorum inde a primævis vitæ suæ temporibus Apostolos et martyres Christi celebravit, qui sui sanguinis effusione, ad imitationem Salvatoris patientis super Crucem, in spe resurrectionis supremum fidei et caritatis testimonium dederunt (cf. Apoc 22, 14).²¹

14. Exinde Sancti iuxta genuinam traditionem in Ecclesia coluntur,²² quæ peculiari et filiali christifidelium venerationi commendat Beatam Mariam semper

Virginem, Dei Matrem, quam Christus hominum omnium Matrem constituit, atque verum et authenticum promovet cultum aliorum Sanctorum.²³

15. Cultu publico eos tantum Dei servos venerari licet, qui auctoritate Ecclesiae in album Sanctorum vel Beatorum relati sunt.²⁴ Eorum reliquiae authenticae necnon effigies in veneratione habentur, prout cultus Sanctorum in Ecclesia mirabilia quidem Christi in servis eius praedicat et fidelibus opportuna praebet exempla imitanda.²⁵

16. Quoad sanctos Archangelos Michaelem, Gabrielem et Raphaellem, Angelos Custodes atque innumeras turbas Angelorum, qui coram Deo omnipotenti astant, ut die ac nocte serviant ei vultus Dei gloriam incessanter contemplantes,²⁶ quorumque nomina ab eo tantum cognoscuntur, ipsis tantummodo tribuatur cultus, qui libris liturgicis vel genuina Ecclesiae traditione admittitur.

De Sanctorum communione in Liturgia exercita

17. In sacra Liturgia divinae maiestatis laudem socia exultatione Ecclesia tota concelebrat.²⁷ Universi enim qui Christi sunt, Spiritum eius habentes, in unam Ecclesiam coalescunt et invicem cohærent in ipso (cf. Eph 4, 16).

18. Ex eo deducitur quod cælites intimius cum Christo uniuntur, totam Ecclesiam in sanctitate firmiter consolidant, cultum, quem ipsa hic in terris Deo exhibet, nobilitant ac multipliciter ad ampliorem eius ædificationem contribuunt.²⁸ Quos imitantes fideles, dum in itinere ad Patrem Christi vestigia sequuntur, semper, ut invicem adiuvent, enituntur. Eorum vitam in Christo contemplantes, lucem quaerunt etiam ad mysteria Dei investiganda. Nam in vita Sanctorum, qui, humanitatis nostrae consortes, ad imaginem tamen Christi perfectius transformantur (cf. 2 Cor 3, 18), Deus praesentiam vultumque suum hominibus vivide manifestat. In eis ipse nos alloquitur signumque nobis praebet Regni sui.²⁹ Quod speciali modo apparet in illis sanctis, qui peculiaribus donis Spiritus Sancti praediti non tantum vitae, sed doctrinae quoque excellentia eluxerunt. Hoc autem non unice considerandum est de scientia theologica, sed etiam de «scientia amoris» illa, quae ab illuminatione Spiritus Sancti derivatur per experientiam mysteriorum Dei.³⁰

19. Sanctorum intercessione, in Christo aeterno et summo sacerdote (cf. Heb 3, 1; 4, 14; 5, 10; 7, 26; 9, 11), mediatore Dei et hominum (cf. 1 Tim 2, 5), in Ecclesia communio magis magisque in dies augescit, cum liturgica celebratio peragitur. Quod praesertim fit in Eucharistiae celebranda, ubi praecipua ratione gratias agendo

universa iungitur Ecclesia cum cælitibus communicans memoriamque venerans omnium Sanctorum,³¹ et in Liturgiæ Horarum celebratione, in qua laus Sanctissimæ Trinitatis per Sanctos eius numquam cessat.

III

DE MARTYROLOGIO ROMANO

De Martyrologii indole naturaque liturgica

20. Sæculorum decursu, inter libros pro liturgicis celebrationibus ad cultum Sanctissimæ Trinitati digne, ut decet,tribuendum computatum est Martyrologium, cuius natura liturgica gradatim in dies eluxit.

21. Relationes inter antiquissima Caledaria liturgica et Martyrologium, aptis additis indicationibus practicis mutuorum inter eadem nexuum ac divinorum mysteriorum celebrationum, sensim auxerunt usque ad hodiernam indolem, ubi finis et usus præcipue liturgici patent.

De Martyrologii instauratione

22. Sæculis procedentibus, Martyrologium pluries renovatum est ac nuperrime eiusdem instauratione ex decreto Sacrosancti Œcumenici Concilii Vaticani II, simulque promulgatio aliorum liturgicorum librorum instaurationum, urget, ut ipsum Martyrologium, debita historica investigatione præmissa, cum aliis Ritus Romani libris denuo apte congruat.

23. Elenchus tamen Sanctorum necnon Beatorum in Martyrologio, cum eos respiciat Sanctos et Beatos, de quibus supra, n. 15, ex inveterata et usitata traditione a mense ianuario usque ad decembrem, sicut in Calendario Romano, civilis anni cursui respondet, licet minime anni liturgici cursum parvi pendere curet.

De necessitudine Martyrologii cum aliis liturgicis libris

24. Celebratio liturgica prout manifestatio et actualizatio amoris Ecclesiæ pro Sponso Iesu Christo, cuius totum mysterium anno progrediente explicat et recolit,

étiam cultum Sanctorum refert. Sancti enim, per multiformem Dei gratiam, ad perfectionem provecti atque æternam iam adepti salutem Deo in cælis laudem perfectam decantant et pro christifidelibus præsertim, verum pro omnibus quoque hominibus, intercedunt. Proinde Christi mysterium et cultus Sanctorum ita mutuo coalescunt, ut in Ecclesiæ liturgia relationes adsint inter Martyrologium et alios libros liturgicos pro Christi mysterii celebratione, in qua et Sancti inveniuntur.

25. Qua de causa, Ecclesia, ne Sanctorum festivitates celebrationibus ipsa mysteria salutis recolentibus prævaleant, cum elencho Sanctorum Beatorumque et normas liturgicas præbet, quarum virtute statutis diebus eorum memoriæ celebrari queunt.³²

26. Compertum enim est, præter sollemnitates vel festa Sanctorum necnon memorias obligatorias, in feriis, quæ admittunt celebrationem memoriæ ad libitum, iusta de causa celebrari posse, eodem gradu, officium et Missam alicuius Sancti inscripti eo die in hoc Martyrologio Romano aut in Proprio Martyrologii, id est in Appendice propria Martyrologii Romani rite approbata.³³

De Sanctorum Beatorumque elencho in Martyrologio

27. Martyrologio Romano, quod liber liturgicus censendum, propositum est nec exhaustivum præbere elenchum omnium Sanctorum ac Beatorum, nec proluxa ipsorum elogia, e quibus vel tractatus asceticæ ædificationis vel historia Ecclesiæ utpote Sanctorum familiæ et gentis sanctæ ex divina acquisitione (cf. *1 Pet* 2, 9; *1 Thess* 5, 9-10; *2 Thess* 2, 13) erui deducique possint.

28. Martyrologium vero elenchum refert memoriarum imprimis quidem Beatæ Mariæ Virginis, Dei Genitricis, dein Angelorum et demum christifidelium, qui in cultu Ecclesiæ sive universalis sive particularis ac religiosæ cuiuslibet familiæ hodiernis temporibus adsunt, non vero integrum catalogum omnium, qui beatissima atque æterna Dei visione gaudent.³⁴

29. Quas ob causas, Martyrologium Romanum Sanctos refert in Calendario Romano inscriptos, cum momentum universale præ se ferant in universa Ecclesia Ritus Romani, necnon plures, sed non omnes, ex his, qui Ecclesiæ cuique particulari vel religiosæ familiæ commendati sunt et liturgico quovis gradu commemorati. Status hic particularis seu localis commemorationum Sanctorum antiquiorum ac Beatorum omnium a Media Ætate usque ad hodierna tempora asterisco (*) indicatur iuxta numerum, qui ordinem chronologicum Sanctorum ac Beatorum in die designat.

IV

DE MARTYROLOGII USIBUS

De celebratione Sanctorum vel Beatorum

30. Sicut supra, n. 26, relatum est, Missa vel etiam Officium alicuius Sancti in Martyrologio Romano aut in Proprio Martyrologii rite approbato inscripti celebrari potest, iusta de causa, die quo nomen eius inseritur, in feriis, quibus celebratio memoriæ ad libitum admittitur.³⁵

31. Huiusmodi celebratio alicuius Beati in Martyrologio aut in Proprio Martyrologii rite approbato inscripti dioecesi, nationi seu ampliori ditioni aut familiæ religiosæ reservetur, quibus ab Apostolica Sede concessa est.³⁶

32. Oportet ut quævis dioecesis vel familia religiosa suum Calendarium Proprium habeat³⁷ ac singulæ vero Conferentie Episcoporum conficiant Calendaria Propria suæ quæque nationis vel, una cum aliis Conferentiis, Calendarium amplioris ditionis, quæ omnia cum Martyrologio Romano debite congruenda sunt et Sedi Apostolicæ approbanda seu confirmanda.

33. Si vero dies natalis alicuius Sancti vel Beati in Martyrologio indicatus alia celebratione superioris gradus quotannis impeditur, Sanctus vel Beatus iste commemorari potest in Calendariis Propriis die libero proximo vel, si casus fert, die alia ratione ipsi proprio, ut, exempli gratia, die inventionis, elevationis aut translationis corporis, vel etiam die canonizationis aut beatificationis, qui tamen de more minus conveniens censendus est.³⁸ Quod si fuerit, in lectione Martyrologii loco suo una alterave e formulis infra, p. 30, n. 12, propositis adhibeatur.

34. Quivis Sanctus in Martyrologio Romano inscriptus eligi potest ut titulus ecclesiæ. Si vero de Beato agatur, ab Apostolica Sede indultum petere oportet,³⁹ nisi Beatus ipse in Calendario diocesis vel nationis iam rite inscriptus sit.⁴⁰

De lectione Martyrologii

35. Elogia Sanctorum alicuius diei semper præcedenti die leguntur.

36. Lectio Martyrologii laudabiliter fit in choro, sed etiam extra chorum peragi potest.

37. In Martyrologio legendo servetur ordo, qui infra invenitur.

V

DE PROPRIIS MARTYROLOGII

38. Unicuique diocesi, nationi vel familiæ religiosæ exarare licet Proprium Martyrologii seu Appendicem Martyrologii, in qua Sancti et Beati enuntientur in Calendario Proprio inscripti, qui a Martyrologio Romano absint vel diverso die celebrentur vel alio gradu celebrationis peragantur vel quorum elogium opportune aliquantulum amplificare visum est. Huiusmodi Proprium ad Congregationem de Cultu Divino et Disciplina Sacramentorum transmittatur ad recognitionem et approbationem seu confirmationem obtinendam.

39. Quæ tamen amplificata elogia ne mere ad modum generis litterarii «Vitæ» vel «Legendæ» componantur, sed, quantum fieri potest, victoriam paschalem Christi in servis suis patefaciant et distinctivam gratiam unicuique tributam fidelibus exhibeant.⁴¹ Fides insuper historica semper stricte servetur,⁴² nec admittantur elementa homiletica seu «ædificationis». Ne elogia insuper quadraginta fere verba excedant.

VI

DE APTATIONIBUS QUÆ CONFERENTIIS EPISCOPORUM COMPETUNT

40. Conferentiarum Episcoporum est versiones in linguas vulgares Martyrologii Romani comparare, integritate et fidelitate adamussim servatis attentisque generis litterarii notis peculiaribus.

41. Convenit ut in Martyrologio edendo elogia cuiusvis diei, quæ totius nationis vel dicionis ex concessione Sanctæ Sedis censenda sunt propria, primo loco ponantur post elogia, quæ ad celebrationes pertinent in Calendario Generali inscriptas, et eisdem imprimantur typis. Illa vero elogia, quæ regionis vel diocesis

sunt propria, in Appendice particulari locum semper habeant. Textus autem cuiuscumque editionis Conferentiæ Episcoporum ad normam iuris approbandus est et Sedi Apostolicæ recognoscendus. Quod valet, mutatis mutandis, pro quavis familia religiosa.

42. In editionibus parandis, omnino distinguendum est inter versions Martyrologii Romani, quæ integræ esse debent, et collections partiales, quæ, ex Martyrologio Romano ad usum pastorem excerptæ, ad usum liturgicum ne destinentur

DE PRONUNTIATIONE LUNÆ AD LIBITUM PERAGENDA

Quamvis ubique terrarum calendarium solare cognitum et vulgatum habeatur, opportunum tamen visum est enuntiandi diem iuxta calendarium lunare consuetudinem servare, quæ vero ad lectionem liturgicam Martyrologii ad libitum fieri potest.

Momentum computationis diei lunaris elucet ex eo quod, maxima Sollemnitas Paschalis, cum præcedenti Quadragesima et subsequenti tempore paschali, a plenilunio mensis aprilis pendeat. Ideoque in hac typica editione Martyrologii computatio lunaris asservatur, ut peculiaris nexus inter populum Antiqui et Novi Frederis, etiam in mysterio paschali celebrando, eniteat. Ceterum, computatio lunaris ab Ecclesiis Orientalibus et a plurimis non christianis religionibus et culturis in universo orbe custoditur.

In hoc Martyrologio dispositæ supra notitias Sanctorum triginta exstant litteræ, quot sunt numeri ex quibus cyclus epactarum lunæ a chronographis compositus est, quæ singulis diebus totius anni, convenienti computo peracto, indicant quota luna sit pronuntianda; singula littera ad convenientem præterea remittit numerum ipsi subiacentem in seriem triginta vel undetriginta notarum ordinatum, qui singulas designat dies mensis lunaris. Usus huiusmodi ordinum litterarum numerorumque lunæ reperiendæ commodorum a convenientibus tabulis temporariis rectus est, in quibus unicuique anno proprius *numerus aureus* respondet, qui positionem curæntis anni indicat intra cyclum lunarem undeviginti annorum in his computationibus adhibitum, necnon epacta, seu discrimen undecim dierum occurrens inter finem anni lunaris et initium anni solaris, et *littera Martyrologii* postremo huic supradictæ epactæ intime ac facile connexa, quemadmodum appositus ostendit prospectus:

a	b	c	d	e	f	g	h	i	k	l	m	n	p	q
I	II	III	IV	V	VI	VII	VIII	IX	X	XI	XII	XIII	XIV	XV
r	s	t	u	A	B	C	D	E	F/F	G	H	M	N	P
XVI	XVII	XVIII	XIX	XX	XXI	XXII	XXIII	XXIV	XXV	XXVI	XXVII	XXVIII	XXIX	*

Quæ omnia elementa computationi lunæ necessaria quoad spatium temporis inter annum 2004 et 2033, in tabella temporaria infra⁴³ reperiuntur. Ad pronuntiandum, itaque, diem lunationis singulis diebus uniuscuiusque anni, noto numero aureo, sumenda est epacta et mox littera ei respondens, quæ detecta in tabellis reequationis in Martyrologio super notitias Sanctorum positis numerum diei lunaris ei respondentem ostendet, nempe quota sit luna pronuntianda singulis diebus totius anni usque ad ultimam diem decembris. Exemplum: Anno 2005, numerus aureus curæns est ¹¹, cui respondet epacta XIX et littera Martyrologii «**u**», quæ toto eo anno inquirenda est in tabellis reequationis in Martyrologio; quibus consultis, diei primæ seu kalendis ianuarii litteræ «u » respondebit numerus 20, qui est luna pronuntianda; et diei secundæ seu quarto nonas augusti numerus 26.

Quibus autem annis numerus aureus 1 currit, a kalendis ianuarii luna semper pronuntianda est una die minor quam in Martyrologio adnotatur usque ad finem illius lunationis. Exemplum: Anno 2204, quo numerus aureus curæns est 1, respondet epacta XXVII et littera Martyrologii «**M**», quæ toto eo anno inquirenda est in tabellis reequationis; quibus consultis, die prima seu kalendis ianuárii litteræ «**M**» respondere videbitur numerus seu dies lunationis 29, in cuius locum tamen 28 est luna pronuntianda; quo modo proseguendum est usque tantum ad diem secundam seu quartum nonas ianuarii, cum luna erit 29 (etsi numerus 30 notetur), dum vero diei tertire seu Tertio nonas ianuarii Régulariter respondebit luna 1. Huic normæ modo derogatur quotiescumque dicto numero aureo 1 respondebit littera Martyrologii «**P**» maiuscula, sub qua semper luna pronuntianda erit ut numerus in tabellis reequationis indicat, nempe quemádmódum et in áliis annis fieri solet.

Si quis annus forte in epactam vigesimam quintam incidit, cui duplex littera «**F**» maiuscula respondet alia nigro alia rubro colore notata, dies lunationis cernenda est prout numerus aureus sit e prioribus undecim vel a 12 usque ad 19. *Exemplum*: Anno 2011 numerus aureus 17 correspondet epactæ XXV et scilicet litteræ Martyrologii «**F**». Die decima tertia seu idibus aprilis illius anni sub littera «**F**» varia indicatur luna, quæ tamen, cum numerus aureus sit maior quam 12 inclusive, pronuntianda est quemadmodum sub epacta nigra, nempe 10. Vertente autem anno 2303, cui numerus aureus 9 respondet et ipsa epacta XXV, iisdem idibus aprilis, cum numerus aureus minor sit quam 11 inclusive, pronuntianda est dies lunationis sub littera Martyrologii «**F**» rubro colore exarata, nempe 9.

Tabella temporaria modo valet ad annum usque 2199; alire vero construi possunt auxilio peculiarium tabularum Perpetuarum reequationis cycli epactarum, e quibus pro aliquot annis desumi possunt, noto numero aureo,⁴⁴ epacta ⁴⁵ et littera Martyrologii unicuique anno respondentes. Quæ novæ tabellæ, instar subsequæ

speciminis depromptæ, vicissim tantum ad tempus usque mutationis cycli epactarum valent. *Exemplum:* Ab anno 2200, cui numerus aureus 16 respondet, a quo appositum specimen initium capit, usque modo ad annum 2299 componi potest proposita tabula, ubi omnia recolliguntur necessaria elementa ad inquirendum quota luna tantum in illo temporis spatio pronuntianda sit.

**TABELLA LITTERARUM MARTYROLOGII
RESPONDENTIUM AUREIS NUMERIS ET EPACTIS
AB INITIO ANNI 2200 USQUE AD FINEM ANNI 2299**

<i>Num. aurei</i>	16	17	18	19		1	2	3	4	5
<i>Epactae</i>	XIII	XIV	V	XVI		XXVIII	IX	XX	I	XII
<i>Litt. Mart.</i>	n	E	e	r		M	i	A	a	m
<i>Num. aurei</i>	6	7	8	9	10	11	12	13	14	15
<i>Epactae</i>	XXIII	IV	XV	XXVI	VII	XVIII	XXIX	X	XXI	II
<i>Litt. Mart.</i>	D	d	q	G	g	t	N	k	B	b

Anno 2248, ergo, cui numerus aureus est 7, respondebit epacta IV et scilicet littera Martyrologii «**d**» minuscula, a qua, sicut supra dictum est, dies lunationis singulis diebus illius anni reperitur.

**TABELLA TEMPORARIA
EPACTARUM ET LITTERARUM MARTYROLOGII**

Annus Domini	Numerus aureus	Epacta	Littera Martyrologii	Annus Domini	Numerus aureus	Epacta	Littera Martyrologii
2004	10	VIII	h	2019	6	XXIV	E
2005	11	XIX	u	2020	7	V	e
2006	12	*	P	2021	8	XVI	r
2007	13	XI	l	2022	9	XXVII	H
2008	14	XXII	C	2023	10	VIII	h
2009	15	III	c	2024	11	XIX	u
2010	16	XIV	p	2025	12	*	P
2011	17	XXV	F	2026	13	XI	l

2012 2013	18 19	VI XVII	f s	2027 2028	14 15	XXII III	C e
2013 2015 2016 2017 2018	1 2 3 4 5	XXIX IX XXI II XIII	N k B b n	2029 2030 2031 2032 2033	16 17 18 19 I	XIV XXV VI XVII X	p F f s N

ORDO
LECTIONIS MARTYROLOGII

I

ORDO LECTIONIS MARTYROLOGII INTRA LITURGIAM HORARUM

1. In choro lectio fit de more ad Laudes matutinas, post orationem conclusivam Horæ. Lector absolute incipit a diei insequentis mentione. Lectio concluditur his verbis:

Ÿ. Pretiosa in conspectu Dómini.

℞. Mors Sanctórum eius.

2. Deinde sequi potest una ex lectionibus brevibus infra propositis, pp. 41-60, quam lector concludit acclamans:

Ÿ. Verbum Dómini.

℞. Deo grátias.

3. Post lectionem sacerdos vel diaconus, qui celebrationi præest, unam dicit ex orationibus infra propositis, pp. 63-68. Item facit laicus, qui, absente ministro ordinato, celebrationem moderatur.

4. Deinde fit benedictio et dimissio, iuxta has formulas:

Dóminus nos benedicát
et ab omni malo deféndat
et ad vitam perdúcat ætérnam.

Et fidélium ánimæ
per misericórdiam Dei
requiészcant in pace.

℞. Amen.

Ÿ. Ite in pace.

℞. Deo grátias.

5. Si autem hoc minime oportere videtur, nihil obstat quominus Martyrologii lectio ad quamlibet Horam minorem simili modo peragatur.

6. Ad Horam minorem lectio fit statim post orationem conclusivam, ut supra

proponitur. In fine versiculus additur Pretiósá, dénique acclamatio Benedicámus Dómino et responsum modo consueto vel ut supra, n. 4.

7. In lectione elogiorum peragenda nuntiatur primo loco, si casus fert, celebratio mobilis, formulis adhibitis quæ infra, pp. 35-37, ponuntur. Die tamen Resurrectionis Domini, antequam elogia diei sequentis legantur, præponatur memoria Dominicæ Paschatis.

8. Feria V Hebdomadæ sanctæ, Feria VI in Passione Domini et Sabbato sancto, lectio Martyrologii omnino excludatur, elogiis Sanctorum hac vice omissis.

9. In vigilia Nativitatis Domini, post enuntiatum diem vicesimum quintum mensis decembris, annuntiatio sollemnis Nativitatis cantatur modo peculiari, ut infra, pp. 71-74.

10. In Martyrologio proclamando, indicatio diei lunaris ad libitum fit post diei enuntiationem, quomodo infra, pp. 23-26, describitur.

11. Elogia Sanctorum vel Beatorum asterisco indicata tantum in direcesibus vel in familiis religiosis leguntur, quibus cultus huius Sancti vel Beati concessus est.

12. Si qua Memoria in alium diem transferri vel reponi contigerit, in fine correspondentis elogii addatur mentio diei translati aut repositi:

Pro innuendo die translato:	ipsíus autem memória (hoc anno) apud nos fiet die ...
-----------------------------	---

Pro innuendo die reposito:	Sancti N., cuius dies natális recensétur die ...
----------------------------	--

II

ORDO LECTIONIS MARTYROLOGII EXTRA LITÚRGIAM HORARUM

13. Adunato cretu sive in choro sive in capitulo sive ad mensam, lector absolute incipit a mentione diei insequentis, singulorum Sanctorum et Beatorum proclamat elogia et lectionem concludit dicens:

℣. Pretiósá in conspéctu Dómini.
℞. Mors Sanctórum eius.

14. Deinde sequi potest una ex lectionibus brevibus infra propositis, pp. 41-60, quam lector concludit acclamans:

℣. Verbum Dómini.
℞. Deo grátias.

15. Post lectionem sacerdos vel diaconus, qui celebrationi præest, dicit unam ex orationibus infra propositis, pp. 63-68. Item facit laicus, qui, absente ministro ordinato, celebrationem moderatur.

16. Post orationem ritus concluditur Benedictione et dimissione, iuxta has formulas:

Dóminus nos benedicát
et ab omni malo deféndat
et ad vitam perdúcat ætérnam.

Et fidélium ánimæ
per misericórdiam Dei
requiéscent in pace.
℞. Amen.

℣. Ite in pace.
℞. Deo grátias.

17. Quoad modum elogia cum additionibus legendi, adhibeantur quæ supra, nn. 4-9, exponuntur.

ELOGIA
PRO CELEBRATIONIBUS MOBILIBUS

ELOGIA PRO CELEBRATIONIBUS MOBILIBUS

Celebrationes mobiles, cum suæ naturæ ratione singulis annis mutantur, in mensium dierumque decursu adscribi nequeunt; quapropter hoc in loco positæ sunt, ut unaquæque earum, post indicationem diei ac mensis, immediate præponatur elogiis Martyrologii illius diei, qua eo anno celebranda est.

1. *Dominica I Adventus*

Dóminica prima Advéntus Dómini nostri Iesu Christi, quo témpore primus Dei Fílii advéntus inter hómīnes recólitur ac simul secúndus eius advéntus in fine témporum exspectatur.

2. *Dominica quæ occurrit infra octavam Nativitatis Domini vel, ea deficiente, die 29 decembris*

Festum Sanctæ Famíliæ Iesu, Mariæ et Ioseph, ex qua christiánis famíliis sanctíssima proponúntur exémpła et opportúna invocántur auxilia.

3. *Dominica quæ occurrit post diem 6 ianuarii*

Festum Baptísmatis Dómini nostri Iesu Christi, in quo diléctus Dei Fílius mirábīliter decláratur, aquæ sanctificántur, purificátur homo, orbis terrárum exsúltat.

4. *Feria IV Cinerum*

Dies Cínerum et initíum sacratíssimæ Quadragésimæ: ecce advéniunt dies preniténtire ad rediménda peccáta, ad salvándas ánimas; ecce tempus acceptábile, quo ad montem sanctum Páschatis ascénditur.

5. *Dominica I Quadragesimæ*

Domínica prima in Quadragésima, qua, Dómino nostro Iesu Christo exémpłum præbénte, exóritur venerábile sacraméntum ánnuæ observatiónis quadragesimális.

6. *Dominica in Palmis de Passio ne Domini*

Domínica in Palmis de Passióne Dómini, quando Dóminus noster Iesus Christus, iuxta Zachariæ prophetiam, sedens super pullum asinæ, Hierosólymam intrávit, cui turba cum ramis palmárum óbviám venit.

7. *Feria V Hebdomadæ, feria VI in Passio ne Domini et Sabbato sancto*

Lectio Martyrologii omittitur.

8. *Dominica Paschæ in Resurrectione Domini*

Hac die, quam fecit Dóminus, sollémnitas sollemnítatum et Pascha nostrum: Resurréctio Salvatóris nostri Iesu Christi secúndum carnem.

Deínde pronuntiatur mentio diéi sequentis ac mensis, et leguntur elogia diei sequentis.

9. *In Ascensione Domini* ⁴⁶

Sollémnitas Ascensiónis Dómini nostri Iesu Christi, quando quadragésimo post resurrectionem die coram discipulis elevátus est in cælum, ad dexteram Patris sedens, donec véniat in glória iudicáre vivos et mórtuos.

10. *Dominica Pentecostes*

Dies Pentecóstes, qua conlúditur sacrum quinquagínta diérum Paschæ ac commemorántur, simul cum effusióne Spíritus Sancti in discipulos Hierosólymis, primórdia Ecclésiæ atque inítium apostólicæ missiόνis ad omnes tribus, linguas, pópulos et natiónes.

11. *Dominica post Pentecosten*

Sollémnitas sacratíssimæ et indivíduæ Trinitátis, qua unum Deum in Trinitáte et Trinitátem in unitáte confitémur ac venerámur.

12. *Feria V vel Dominica post Sanctissimam Trinitatem* ⁴⁷

Sollémnitas sanctíssimi Córporis et Sánguini Christi, quibus sacris alimóniis ipse remédium immortalitatis et pignus resurrectionis præbet.

13. *Feria VI post Dominicam II post Pentecosten*

Sollémnitas sacratíssimi Cordis Iesu, qui, mitis et húmilis corde, in cruce exaltátus, fons vitæ et dilectiónis factus est, ex quo háuriant gentes univérsæ.

14. *Sabbato post sollemnitatem sacratissimi Cordis Iesu*

Memória Immaculáti Cordis beatæ Maríe Vírginis, in quo ipsa, Memóriam mysteriórum salútis in Fílio suo effectórum consérkans, eórum perfectiónem in Christo ardéter expectávit.

15. *Dominica ultima «per annum»: Domini nostri Iesu Christi universorum Regis*

Sollémnitas Dómini nostri Iesu Christi, universórum Regis. Ipsi soli impérium, glória et maiestas in infinita saécula saeculórum.

¹ Cf. Concilium Œcumenicum Vaticanum II, Const. dogm. de Ecclesia *Lumen gentium*,

² Cf. Missale Romanum, doxologia Precum eucharisticarum.

³ Cf. Conc. Œc. Vat. II, Const. dogm. de Ecclesia *Lumen gentium*, n. 47.

⁴ Cf. Missale Romanum, hymnus *Gloria in excelsis*.

⁵ Cf. Conc. Œc. Vat. II, Const. dogm. de Ecclesia *Lumen gentium*, n. 40; Origenes, *Commentarium in Romanos* 7, 7 (PG14, 1122B); Ps. - Macarius, *De Oratione*, 11 (PG 34, 861AB); S. Thomas Aquinas, *Summa Theol.* II-II, 9, 184, a. 3.

⁶ Cf. Missale Romanum, *Praefatio I de Sanctis*.

⁷ Cf. Missale Romanum, *Praefatio II de Sanctis*.

⁸ *Ibidem*.

⁹ Cf. Conc. Œc. Vat. II, Const. dogm. de Ecclesia *Lumen gentium*, n. 39.

¹⁰ Cf. Missale Romanum, *Praefatio de Christo universorum Rege*.

¹¹ Cf. Missale Romanum, Ordo Missae: *Professio fidei*; Conc. Œc. Vat. II, Const. dogm. de Ecclesia *Lumen gentium*, n. 8.

¹² Cf. Ioannes Paulus II, Ep. Ap., *Novo Millennia ineunte*, diei 6 ianuarii 2001, n. 30: AAS

93 (2001) p. 267.

¹³ Cf. Missale Romanum, *Praefatio communis III*.

¹⁴ Cf. Missale Romanum, *Praefatio I de Sanctis*.

¹⁵ Cf. Conc. Œc. Vat. II, Const. de sacra Liturgia *Sacrosanctum Concilium*, n. 111.

¹⁶ Cf. Liturgia Horarum, *Preces in sollemnitate Omnium Sanctorum*.

¹⁷ Cf. Conc. Œc. Vat. II, Const. dogm. de Ecclesia *Lumen gentium*, n. 50.

¹⁸ Cf. Ioannes Paulus II, Ep. Ap., *Dies Domini*, diei 31 maii 1998, n. 78: AAS 90 (1998) p. 761.

¹⁹ Cf. S. Paulinus Nolanus, Carmina, XIV, 3-4: CSEL 30, 67.

²⁰ Cf. Pius PP. XII, Litt. Encycl. *Mediator Dei*: AAS 39 (1947) pp. 581-582.

²¹ Cf. Conc. Œc. Vat. II, Const. dogm. de Ecclesia *Lumen gentium*, n. 50.

²² Cf. Conc. Œc. Vat. II, Const. de sacra Liturgia *Sacrosanctum Concilium*, n. 111.

²³ Cf. Codex Iuris Canonici, can. 1186.

²⁴ *Ibidem*, can. 1187.

²⁵ Cf. Conc. Œc. Vat. II, Const. de sacra Liturgia *Sacrosanctum Concilium*, n. 111; cf. etiam Codex Iuris Canonici, cann. 1188-1190.

²⁶ Cf. Missale Romanum, *Prex Eucharistica IV*, Praefatio.

²⁷ Cf. Missale Romanum, Praefationes, *passim*.

²⁸ Cf. 1 Cor 12, 12-27; Conc. Œc. Vat. II, Const. dogm. de Ecclesia *Lumen gentium*, n. 49.

²⁹ Cf. Conc. Œc. Vat. II, Const. dogm. de Ecclesia *Lumen gentium*, n. 50.

³⁰ Cf. Ioannes Paulus II, Litt. Ap., *Divini amoris scientia*: Sancta Teresia a Iesu Infante et a Sacro Vultu Doctor Ecclesiae universalis renuntiatur, n. 7: AAS 90 (1998) p. 936; et Conc. Œc. Vat. II, Const. dogm. de divina revelatione *Dei Verbum*, n. 8.

³¹ Cf. Missale Romanum, *Prex Eucharistica I seu Canon Romanus*, Communicantes.

³² Cf. Conc. Œc. Vat. II, Const. de sacra Liturgia *Sacrosanctum Concilium* n. 111.

³³ Cf. *Institutio generalis de Liturgia Horarum*, nn. 244, 234-239; S. Congregatio Pro Cultu Divino, Instr. *De Calendaria particularia*, nn. 8-10: AAS 62 (1970) pp. 653-654.

³⁴ Cf. *Institutio generalis Missalis Romani*, n. 316.

³⁵ Cf. *Institutio generalis Missalis Romani*, n. 316; *Institutio generalis de Liturgia Horarum*, n. 244.

³⁶ Cf. S. Congregatio Pro Cultu Divino, Instr. *Calendaria particularia*, nn. 8-9: AAS 62 (1970) pp. 653-654.

³⁷ *Normae Universales de Anno liturgico et de Calendario*, nn. 48-55; S. Congregatio Pro Cultu Divino, Instr. *Calendaria particularia*, diei 24 iunii 1970, nn. 1-9, 12: AAS 62 (1970), pp. 651-654.

³⁸ Cf. S. Congregatio Pro Cultu Divino, Instr. *Calendaria particularia*, n. 21: AAS 62 (1970) p. 656.

³⁹ Cf. S. Congregatio Pro Cultu Divino, Instr. *Calendaria particularia*, n. 34: AAS 62 (1970) p. 659; Pontificale Romanum, *Ordo Dedicationis ecclesiae et altaris*, editio typica, 1977, caput II, n. 4.

⁴⁰ S. Congregatio Pro Cultu Divino ET Disciplina Sacramentorum, Notificatio de dedicatione aut benedictione ecclesiae in honorem alicuius Beati, diei 29 novembris 1998: Notitiae 34 (1998) p. 664.

⁴¹ Cf. Conc. Œc. Vat. II, Constitutio de sacra Liturgia *Sacrosanctum Concilium*, n. 92.

⁴² *Ibidem*, n. 111.

⁴³ Vide p. 26.

⁴⁴ Computata parte integra in ratione inter annum, cuius interest elementa invenire, et 19, numerus aureus evincitur subtrahendo de illo eodem anno, addito uno, supradictam partem integram undevicies multiplicatam.

⁴⁵ Computata summa, quæ ex multiplicatione efficitur inter numerum aureum anni, cuius interest epactam invenire, et 11, abhinc usque ad annum 2099 epacta evincitur: a) si huius multiplicationis summa maior est quam tredecim, unum addenda reliquo quotientis integri, qui ex illa eadem summa fit, deducto tredecim, in triginta divisa; b) si vero minor est quam tredecim, unum addenda summæ supradictæ multiplicationis, addito triginta et tredecim deducto (seu, scilicet, summæ multiplicationis duodeviginti addenda). Ab anno 2100 usque ad 2199, loco numerorum tredecim et unius, numeri respective quattuordecim et duo erunt adhibendi.

⁴⁶ Ubi sollemnitas Ascensionis Domini non est de praecepto servanda, assignatur, tamquam

diei proprio, dominicae VII Paschae

⁴⁷ Ubi sollemnitas sanctissimi Corporis et Sanguinis Christi non est de praecepto servanda, assignatur, tamquam diei proprio, dominicae post Ss.mam Trinitatem.

LECTIONES BREVES

LECTIONES BREVES

I

PROPRIUM DE TEMPORE

1. *Tempore Adventus*

Is 33, 2-3.5-6

Dómine, miserere nostri, te enim exspectávimus; esto bráchium nostrum in mane et salus nostra in témpore tribulátionis. A voce fragóris fugérunt pópuli, ab exaltatióne tua dispérsæ sunt gentes. Sublímis est Dóminus, quóniam hábitat in excélso; implet Sion iudício et iustítia. Et erit firmitas in tempóribus tuis; divítiæ salútis sapiéntia et sciéntia: timor Dómini ipse est thesáurus eius.

Verbum Dómini.

℞. Deo grátias.

2. *In Nativitate Domini*

Rom 1, 1-3.5-6

Paulus servus Christi Iesu, vocátus apóstolus, segregátus in Evangélium Dei, quod ante promiserat per prophétas suos in Scriptúris Sanctis de Fílio suo, qui factus est ex séminæ David secúndum carnem. Per quem accépinus grátiam et apostolátum ad obœditióem fidei in ómnibus géntibus pro nómine eius, in quibus estis et vos vocáti Iesu Christi, Dómini nostri.

Verbum Dómini.

℞. Deo grátias.

3. *In Nativitate Domini et per Octavam*

Hebr 1, 8-12

Thronus tuus, Deus, in sáeculum sáeculi et virga æquitátis virga regni tui. Dilexísti iustítiam et odísti iniquitátem, proptérea unxit te Deus, Deus tuus, óleo exsultatiónis præ participibus tuis. Tu in princípío, Dómine, terram fundásti et ópera mánuum tuarum sunt cæli. Ipsi períbunt, tu autem pérmanes; et omnes ut vestiméntum veteráscent et velut amíctum invólves eos, sicut vestiméntum et mutabúntur. Tu autem idem es et anni tui non defíciant.

Verbum
℞. Deo grátias.

Dómini.

Die 26 decembris:

4. *In festo sancti Stephani, protomartyris*

Act 7, 55-56.59-60

Cum esset Stéphanus plenus Spíritu Sancto, inténdens in cælum, vidit glóriam Dei et Iesum stantem a dextris Dei et ait: «Ecce vídeo cælos apértos et Fílium hóminis a dextris stantem Dei». Et lapidábant Stéphanum invocántem et dicéntem: «Dómiræ Iesu, súscipe spíritum meum». Pósis autem génibus clamávit voce magna: «Dómine, ne státuas illis hoc peccátum»; et, cum hoc dixisset, obdormívit.

Verbum Dómini.
℞. Deo grátias.

Die 27 decembris:

5. *In festo sancti Ioannis, Apostoli et Evangelistæ*

Eccli 15, 1-5

Qui timet Deum, faciet hæc et, qui cóntinens est legis, apprehéndet illam; et obviábit illi quasi mater honorificáta et quasi múlter a virginitáte suscípíet illum. Cibábit illum panem vitæ et intelléctus et aqua sapiéntiæ salutáris potábit illum et firmábitur in illa et non flectétur et confídet in illam et non confundetúr; et exaltábit illum præ próximis suis et in médio ecclésiæ apériet os eius et adimplébit illum spíritu sapiéntiæ et intelléctus et stola glóriæ véstiet illum.

Verbum Dómini.
℞ Deo grátias.

Die 28 decembris:

6. *In festo sanctorum Innocentium, martyrum*

Apoc 14, 4-5; 22, 14

Hi empti sunt ex homínibus primítiae Deo et Agno; et in ore ipsórum non est invéntum mendácium: sine mácula enim sunt ante thronum Dei. Beáti, qui lavant stolas suas, ut sit potéstas eórum super lignum vitæ et per portas intrent in civitátem.

Verbum Dómini.
℞. Deo grátias.

Die Dominica infra octavam Nativitatis Domini:

7. *In festo sancta: Familia: Iesu, Maria et Joseph* Phil 2, 5-8

Hoc sentíte in vobis, quod et in Christo Iesu: qui cum in forma Dei esset, non rapínam arbitrátus est esse se æquálem Deo, sed semetípsum exinanívit formam servi accipiens, in similitúdinem hóminum factus; et hábitu invéntus ut homo, humiliávit semetípsum, factus obœdiens usque ad mortem, mortem autem crucis.

Verbum Dómini.
℞ Deo grátias.

8. *In vigilia Epiphania: Domini* Gal 4, 4-7

Ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptiónem filiórum reciperémus. Quóniam autem estis filii, misit Deus Spíritum Fílii sui in corda nostra clamántem: «Abba, Pater!» Itaque iam non es servus, sed fílius; quod si fílius, et heres per Deum.

Verbum Dómini.
℞ Deo grátias.

9. *In Epiphania Domini* Is 60, 1.3.6

Surge, illumináre, Ierúsalem, quia venit lumen tuum et glória Dómini super te orta est. Et ambulábunt gentes in lúminæ tuo et reges in splendóre ortus tui. Inundátio camelórum opériet te, dromedárii Máidian et Ephá; omnes de Saba vénient, aurum et tus deferéntes et laudem Dómino annuntiántes.

Verbum Dómini.
℞. Deo grátias.

10. *Per Quadragesimam* Is 55, 6-7

Quáerite Dóminum, dum inveníri potest; invocáte eum, dum prope est. Derelínquat ímpius viam suam et vir iníquus cogitatiónes suas; et revertátur ad Dóminum, et miserébitur eius, et ad Deum nostrum, quóniam multus est ad ignoscéndum.

Verbum Dómini.

℞. Deo grátias.

Vel:

Bar 5, 5-7

Surge, Ierúsalem, et sta in excélso et circúmspice ad oriéntem et vide congregátos filios tuos a solis ortu usque ad occásu verbo Sancti, gaudéntes in memória Dei. Exiérunt enim abs te pédites abdúcti ab inimícis; indúcet autem illos ad te portátos cum glória sicut thronum regni; constituit enim Deus humiliáre omnem montem excélsum et rupes perénnes et conválles implére ad æqualitátem térræ, ut ingrediátur Israel in securitáte glóriæ Dei.

Verbum Dómini.

℞. Deo grátias.

11. *Dominica de Palmis in Passio ne Domini ac feria II, III et IV Hebdomadæ Sanctæ*

Is 50, 5-7

Dóminus Deus apéruit mihi aurem; ego autem non rebellávi, retrórsum non ábii. Dorsum meum dedi percutiéntibus et genas meas velléntibus, fáciem meam non avérti ab increpatiónibus et sputis. Dóminus Deus auxiliátor meus; ídeo non sum confúsus, ídeo pósui fáciem meam ut petram duríssimam et scio quóniam non confúndar.

Verbum Dómini.

℞. Deo grátias.

12. *Feria V Hebdomadæ sanctæ, feria VI in Passio ne Dómini et Sabbato sancto*

Lectio Martyrologii omittitur.

13. *Dominica Paschæ in Resurrectione Domini et per Octavam* Col 3, 1-4

Si conresurrexístis Christo, quæ sursum sunt, quærite, ubi Christus est in dextera Dei sedens; quæ sursum sunt, sápite, non quæ supra terram. Mórtui enim estis et vita vestra abscondita est cum Christo in Deo! Cum Christus apparúerit, vita vestra, tunc et vos apparébitis cum ipso in gloria.

Verbum Dómini.

R. Deo grátias.

14. *Per tempus paschale usque ad Vigiliam Ascensionis Domini inclusive*
1 Cor 15, 13-14.16-17.20

Si resurrectio mortuorum non est, neque Christus suscitatus est! Si autem Christus non suscitatus est, inanis est ergo praedicatio nostra, inanis est et fides vestra. Nam si mortui non resurgunt, neque Christus resurrexit; quod si Christus non resurrexit, stulta est fides vestra, adhuc estis in peccatis vestris. Nunc autem Christus resurrexit a mortuis, primitiae dormientium.

Verbum Dómini.

~~R.~~ Deo grátias.

Vel: Act 13, 30-33

Deus suscitávit eum a mórtuis; qui visus est per dies multos his, qui simul ascénderant cum eo de Galiláea in Ierúsalem, qui nunc sunt testes eius ad plebem. Et nos vobis evangelizámus eam, quæ ad patres promíssio facta est, quóniam hanc Deus adimplévit fíliis eórum, nobis resúscitans Iesum, sicut et in Psalmo secúndo scriptum est: «Fílius meus es tu; ego hódie génui te».

Verbum Dómini.

R. Deo grátias.

15. *In Ascensione Domini et diebus sequentibus usque ad vigiliam Pentecostes*
Act 1, 9-11

Videntibus illis, Iesus elevatus est et nubes suscepit eum ab oculis eorum. Cumque intuerentur in caelum, eunte illo, ecce duo viri astiterunt iuxta illos in vestibus albis,

qui et dixerunt: «Viri Galilæi, quid statis aspicientes in cælum? Hic Iesus, qui assumptus est a vobis in cælum, sic veniet, quemadmodum vidistis eum euntem in cælum».

Verbum Dómini.

℞. Deo grátias.

16. *Dominica Pentecostes*

Act 2, 2-4

Factus est repente de cælo sonus tamquam advénientis Spíritus veheméntis et replévit totam domum, ubi erant sedéntes. Et apparuerunt illis dispertitæ linguæ tamquam ignis seditque supra singulos eórum; et repléti sunt omnes Spíritu Sancto et cœperunt loqui áliis linguis, prout Spíritus dabat elóqui illis.

Verbum Dómini.

℞. Deo grátias.

17. *Dominica post Pentecosten: Sanctissimæ Trinitatis*

1 Io 5, 5-8

Quis est qui vincit mundum, nisi qui credit quóniam Iesus est Fílius Dei? Hic est, qui venit per aquam et sánguinem, Iesus Christus; non in aqua solum sed in aqua et in sángvine. Et Spíritus est, qui testificátur quóniam Spíritus est véritas. Quia tres sunt, qui testificántur: Spíritus et aqua et sánguis; et hi tres in unum sunt.

Verbum Dómini.

℞. Deo grátias.

18. Feria V vel Dominica post Ss.mam Trinitatem: *SS. mi Corporis et Sanguinis Christi*

1 Cor 11, 26-27

Quotiescúmque manducábitis panem hunc et cálicem bibétis, mortem Dómini annuntiátis, donec veniat. Itaque quicúmque manducáverit panem hunc vel bíberit cálicem Dómini indigne, reus erit córporis et ságuinis Dómini.

Verbum Dómini.

℞. Deo grátias.

19. Feria VI post Dominicam II post Pentecosten: Sacratissimi Cordis Iesu
Eph 3, 14.16-19

Huius rei grátia flecto génua mea ad Patrem, ut det vobis secúndum divítias glóriæ suæ virtúte corroborári per Spíritum eius in interiorem hóminem, habitáre Christum per fidem in córdibus vestris, in caritáte radicáti et fundáti, ut valeátis comprehendere cum ómnibus Sanctis, quæ sit latitúdo et longitúdo et sublímitas et profúndum, scire étiam supereminéntem sciéntiæ caritátem Christi, ut impleámini in omnem plenitúdinem Dei.

Verbum Dómini.
R̃. Deo grátias.

20. Dominica ultima «per annum»: Domini nostri Iesu Christi universorum Regis
Cf. Col 1, 16-20

Ómnia per ipsum et in ipsum creáta sunt et ipse est ante ómnia et ómnia in ipso constant. Et ipse est caput cóporis Ecclésiæ; qui est princípium, primogénitus ex mórtuis, ut sit in ómnibus ipse primátum tenens, quia in ipso complácuit omnem plenitúdinem habitáre et per eum reconciliáre ómnia in ipsum, pacíficans per sánguinem crucis eius, sive quæ in terris sive quæ in cælis sunt, in Christo Iesu, Dómino nostro.

Verbum Dómini.
R̃. Deo grátias.

21. In Dominicis et feriis «per annum»
2 Thess 2, 15-17; 3, 5

Itaque, fratres, state et tenéte traditiónes, quas didicístis sive per sermónem sive per epístulam nostram. Ipse autem Dóminus noster Iesus Christus et Deus Pater noster, qui diléxit nos et dedit consolátionem ætérrnam et spem bonam in grátia, consolétur corda vestra et confirmet in omni ópere et sermóne bono. Dóminus autem dírigat corda vestra in caritátem Dei et patiéntiam Christi.

Verbum Dómini.
R̃. Deo grátias.

Vel:

Rom·11, 16-18

Quod si primitiæ sanctæ sunt, et massa; et si radix sancta, et rami. Quod si aliqui ex ramis fracti sunt, tu autem, cum oleaster esses, insertus es in illis et consocius radicis pinguëdinis olivæ factus es, noli gloriari adversus ramos; quod si gloriaris, non tu radicem portas, sed radix te.

Verbum Dómini.

℞. Deo grátias.

Vel:

Eccli 44, 2.13-15

Multam glóriam fecit Dóminus, magnificéntiam suam a sáeculo. Usque in ætérnum manet semen eórum et glória eórum non derelinquétur. Córpora ipsórum in pace sepúlta sunt et nomen eórum vivit in generatióem et generatióem; sapiéntiam ipsórum narrent pópuli et laudem eórum nuntiet Ecclésia.

Verbum Dómini.

℞. Deo grátias.

Vel: lac 5, 8-11

Patiéntes estóte et vos, confirmáte corda vestra, quóniam advéntus Dómini appropinquávit. Nolíte ingemiscere, fratres, in alterútrum, ut non iudicémini. Ecce iudex ante iánuam assístit. Exémplum accípíte, fratres, labóris et patiéntiæ prophéas, qui locúti sunt in nómine Dómini. Ecce beátificamus eos, qui sustinuéunt; sufferéntiam Iob audístis et finem Dómini vidístis, quóniam miséricors est Dóminus et miserátor.

Verbum Dómini.

℞. Deo grátias.

Vel:

1 Thess 2, 9-12

Mémores estis, fratres, labóris nostri et fatigatiónis; nocte et die óperantes, ne quem vestrum gravarémus, prædicávimus in vobis Evangélium Dei. Vos testes estis et Deus quam sancte et iuste et sine queréla vobis, qui credidístis, fúimus; sicut scitis quáliter unumquémque vestrum, tamquam pater filios suos, deprecántes vos et consolántes testíficati sumus, ut ambularétis digne Deo, qui vocat vos in suum regnum et glóriam.

Verbum Dómini.

℞. Deo grátias.

Vel:

Sap 18, 1-3

Sanctis tuis máxima erat lux; et horum quidem vocem illi audiébant, sed figúram non vídebant, et, quia non et ipsi eádem passi erant, magnificábant; quóniam autem, qui ante læsi erant, non lædebant, grátias agébant et, quod eos ante distulissent, donum petébant. Propter quod ignis ardéntem colúmnam, ducem ignótæ viæ, et solem sine læsúra gloriósæ peregrínationis præstitisti.

Verbum Dómini.

℞. Deo grátias.

Vel:

Eccli 34, 14-20

Spíritus timéntium Dóminum vivet et in respéctu illius benedicétur. Spes enim illórum in salvántem illos et óculi Dei in diligéntes se. Qui timet Dóminum, nihil trepidábit et non pavébit, quóniam ipse est spes eius. Timéntis Dóminum beáta est ánima eius. Ad quem réspicit? Et quis est fortitúdo eius? Oculi Dómini supertiméntes eum: protéctor poténtiæ, firmaméntum virtútis, tégimen ardóris et umbráculum meridiáni, custódia offensiónis et adiutórium casus, exáltans ánimam et illúminans óculos, dans sanitátem vitæ et benedíctionem.

Verbum Dómini.

℞. Deo grátias.

II PROPRIUM SANCTORUM

Die 3 ianuarii:

22. *Sanctissimi Nominis Iesu*

Col 3, 16-17

Verbum Christi hábitet in vobis abundánte, in omni sapiéntia docénte et commonénte vosmetípsos psalmis, hymnis, cánticis spiritalibus, in grátia cantánte in córdibus vestris Deo; et omne quodcúmque fácistis in verbo aut in ópere, ómnia in nómine Dómini Iesu grátias ágente Deo Patri per ipsum.

Verbum Dómini.

℟. Deo grátias.

Die 25 ianuarii:

23. *In Conversione sancti Pauli, Apostoli*

Act 9, 19-22

Fuit cum discípulis, qui erant Damásci, per dies áliquot et contínuo in synagógis predicábat Iesum, quóniam hic est Fílius Dei. Stupébant autem omnes, qui audiébant et dicébant: «Nonne hic est, qui expugnábat in Ierúsalem eos, qui invocábant nomen istud, et huc ad hoc vénerat, ut vinctos illos dúceret ad príncipes sacerdotum?». Saulus autem magis convalescébat et confundébat Iudáeos, qui habitábant Damásci, affirmans quóniam hic est Christus.

Verbum Dómini.

℟. Deo grátias.

Die 2 februarii:

24. *In Præsentatione Dómini*

Ex 13, 2.13

Sanctífica mihi omne primogénitum, quad áperit vulvam in filiis Israel, tam de homínibus quam de iuméntis: mea sunt enim ómnia. Omne autem primogénitum hóminis de filiis tuis pretio rédimes.

Verbum Dómini.

℞. Deo grátias.

Die 19 martii:

25. *In sollemnitate sancti Joseph, Sponsi beatæ Mariæ Virginis* Sap 10, 9-12

Sapiéntia hos, qui eam óbservant, a labóribus liberávit. hæc prófugum iræ fratris iustum dedúxit per vias rectas et osténdit illi regnum Dei et dedit illi sciéntiam Sanctórum; honestávit illum in labóribus et complévit labóres illíus. In avarítia circumevniéntium illum áffuit illi et honéstum fecit illum. Custodívit illum ab inimícis et ab insidiántibus tutávit illum; et post certámen forte bravíum dedit illi, ut sciret quóniam ómnium poténtior est píetas.

Verbum Dómini.

℞. Deo grátias.

Die 25 martii:

26. *In sollemnitate Annuntiationis Domini* Is II,1-3

Egrédietur virga de stirpe Iesse et flos de rádice eius ascéndet; et requiécet super eum Spíritus Dómini: spíritus sapiéntiæ et intelléctus, Spíritus consílii et fortitúdinis, Spíritus sciéntiæ et timóris Dómini; et delíciæ eius in timóre Dómini.

Verbum Dómini.

℞. Deo grátias.

Die 24 iunii:

27. *In Nativitate sancti Ioannis Baptista* Is 49, 7

Hæc dicit Dóminus, redemptor Israel, Sanctus eius, ad contéptum in ánima, ad abominátum in gente, ad servum dominórum: Reges vidébunt et consúrgent, príncipes quoque et adorábunt propter Dóminum, quia fidélis est, Sanctum Israel, qui elégit te.

Verbum Dómini.
R. Deo grátias.

Die 29 iunii:

28. *In sollemnitatem sanctorum Petri et Pauli, apostolorum* Act 12, 5-7

Et Petrus quidem servabatur in cárcere; oratio autem fiebat sine intermissione ab Ecclésia ad Deum pro eo. Cum autem producturus eum esset Heródes, in ipsa nocte erat Petrus dórmienti inter duos mílites vinctus caténis duábus et custódes ante óstium custodiébant cárcerem. Et ecce ángelus Dómini ástitit et lumen refúlsit in habitáculo; percússo autem látere Petri, suscitávit eum dicens: «Surge velóciter! ». Et cecidérunt caténæ de mánibus eius.

Verbum Dómini.
R. Deo grátias.

Die 6 augusti:

29. *In Transfiguratione Domini* Apoc 21, 10-11.23

Sústulit me in spíritu super montem magnum et altum et osténdit mihi civitátem sanctam Ierúsalem descendéntem de cælo a Deo, habéntem claritátem Dei; lumen eius símile lápidi pretiosíssimo, tamquam lápidi iáspidi, in modum crystállí. Et cívitas non eget sole neque luna, ut lúceant ei; nam cláritas Dei illuminávit eam et lucérna eius est Agnus.

Verbum Dómini.
R. Deo grátias.

Die 15 augusti:

30. *In Assumptione beatæ Mariæ Virginis*

Iudt 15, 9-10

Tu exaltatio Ierúsalem, tu glória magna Israel, tu laus magna géneris nostri! Fecísti ómnia hæc in manu tua, fecísti bona cum Israel et complácuit in illis Deus. Benedícta esto tu, múlter, apud Deum omnipoténtem in ætérnum tempus. Et dixit omnis pópulus: «Fiat, fiat!».

Verbum Dómini.

℞. Deo grátias.

Die 8 septembris:

31. *In Nativitate beátæ Mariæ Virginis*

Gen 17, 16-19

Benedicam ei et ex illa quoque dabo tibi fílium. Benedictúrus sum eam erítque in natiónes; reges populórum oriéntur ex ea. Constítuam pactum meum illi in fœdus sempitérnum et sémini eius post eum.

Verbum Dómini.

℞. Deo grátias.

Die 14 septembris:

32. *In Exaltatione sanctæ Crucis*

Phil 2, 8-11

Christus humiliávit semetípsum factus obœdiens usque ad mortem, mortem autem crucis. Propter quod et Deus illum exaltávit et donávit illi nomen, quod est super omne nomen, ut in nómine Iesu omne genu flectátur cæléstium et terréstrium et infernórum, et omnis lingua confiteátur: Dóminus Iesus Christus! in glóriam Dei Patris.

Verbum Dómini.

℞. Deo grátias.

Die 15 septémbris:

33. *In Memoria beatæ Mariæ Virginis Perdolentis*

Lam 2, 18; 3, 19-23

Clamet cor tuum ad Dóminum super muros filiæ Sion; deduc quasi torréntem lácrimas per diem et noctem. Non des réquiem tibi neque táceat pupílla óculi tui. Recordáre paupertátis et peregrínationis meæ, absínthii et fellis. Memória memor est et tabéscit in me ánima mea. Hæc récolam in corde meo, ídeo sperábo. Misericórdiæ Dómini, quia non sumus consúpti, quia non defecérunt miseratiónes eius. Novæ sunt omni mane, magna est fides tua.

Verbum Dómini.

℞. Deo grátias.

Die 29 septembris:

34. *In festo sanctorum Michaelis, Gabrielis et Raphaelis, archangelorum*

Apoc 12, 7-10

Et factum est prælium in cælo, Míchæl et ángeli eius, ut præliaréntur cum dracóne. Et draco pugnavit et ángeli eius et non váluit, neque locus invéntus est eórum ámplius in cælo. Et proiéctus est draco ille magnus, serpens antiquus, qui vocátur Diabolus et Satanas, qui sedúcit univérsum orbem; proiéctus est in terram et ángeli eius cum illo proiécti sunt. Et audívi vocem magnam in cælo dicéntem: «Nunc facta est salus et virtus et regnum Dei nostri et potéstas Christi eius, quia proiéctus est accusátor fratrum nostrórum, qui accusábat illos ante conspéctum Dei nostri die ac nocte».

Verbum Dómini.

℞. Deo grátias.

Die 1 novembris:

35. *In sollemnitate omnium Sanctorum*

Apoc 7, 12.14-15

Benedíctio et glória et sapiéntia et grátiarum áctio et honor et virtus et fortitúdo Deo nostro in sáecula sáeculorum. Amen. Hi sunt, qui véniunt de tribulátione magna et lavérunt stolas suas et dealbavérunt eas in sángine Agni. Ideo sunt ante thronum Dei et sérviant ei die ac nocte in templo eius; et, qui sedet in throno, habitábit super illos.

Verbum Dómini.
℞. Deo grátias.

Die 8 decembris:

36. *In Conceptione Immaculata beatæ Mariæ Virginis* Apoc 12, 1.5-6

Signum magnum appáruit in cælo: múlter amícta sole et luna sub pédibus eius et super caput eius coróna stellarum duódecim. Et péperit Fílium másculum, qui rectúrus est omnes gentes in virga férrea; et raptus est fílius ad Deum et ad thronum eius. Et múlter fugit in desértum, ubi habet locum parátum a Deo, ut ibi pascant illam diébus mille ducéntis sexagínta.

Verbum Dómini.
℞. Deo grátias.

III
COMMUNIA

37. *In Dedicatione Ecclesiæ eiusque Anniversario* Apoc 21, 4-5

Abstérget Deus omnem lácrimam ab óculis eórum et mors ultra non erit, neque luctus neque clamor neque dolor erit ultra, quia prima abiérunt. Et dixit, qui sedébat super throno: «Ecce nova fácio ómnia». Et dicit: «Scribe: hæc verba fidélia sunt et vera».

Verbum Dómini.
℞. Deo grátias.

38. *In celebrationibus beatæ Mariæ Virginis* Iudt 13, 18-19

Benedícta tu es, filia, a Deo excélso præ ómnibus múlteribus, quæ sunt super terram. Et benedíctus Dóminus Deus noster, qui creávit cælum et terram, qui diréxit te in vulnus cápitis princípis inimicórum nostrórum. Quóniam non discédet laus tua a corde hóminum memorántium virtútis Dei usque in sempitérnum.

Verbum Dómini.

℞. Deo grátias.

39. *In celebrationibus sanctorum Apostolorum et Evangelistarum extra tempus paschale* Rom 10, 14.17

Quómodo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Ergo fides ex auditu, audítus autem per verbum Christi.

Verbum Dómini.

℞. Deo grátias.

40. *In celebrationibus sanctorum Apostolorum et Evangelistarum tempore paschali* Act 5, 41-42

Et illi quidem ibant gaudéntes a conspéctu concílii, quóniam digni hábiti sunt pro nómine contuméliam pati; et omni die in templo et circa domos non cessábant docéntes et evangelizántes Christum, Iesum.

Verbum Dómini.

℞. Deo grátias

41. *In celebratióibus plurimárum sanctórum mártýrum extra tempus paschale* Sap 3, 7 -9

Fulgébunt iusti et tamquam scintíllæ in arundinéto discúrent; iudicábunt natiónes et dominabúntur pópulis et regnabit Dóminus illórum in perpétuum. Qui confidunt in illo, intéllegent veritátem et fidéles in dilectiône acquiescent illi, quóniam grátia et misericórdia est Sanctis eius et visitatio eléctis eius.

Verbum Dómini.

℞. Deo grátias.

42. *In celebrationibus plurimarum sanctarum virginum et martyrum
extra tempus paschale* 2 Cor 4, 1 7-18

Id enim, quod in prasénti est, leve tribulátionis nostræ supra modum in sublimitátem ætérnum glóriæ pondus óperatur nobis, non contemplántibus nobis, quæ vidéntur, sed quæ non vidéntur; quæ enim vidéntur, temporália sunt, quæ autem non vidéntur, ætéрна sunt.

Verbum Dómini.
℞. Deo grátias.

43. *In celebrationibus unius sancti martyris extra tempus paschale* Eccli 3 9, 6-8

Iustus cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne et pro delictis suis deprecábitur. Si enim Dóminus magnus volúerit, spírítu intellegéntiæ replébitur.

Verbum Dómini.
℞. Deo grátias.

44. *In celebrationibus unius sancti martyris extra tempus paschale*
Eccli 51, 8-9.11-12

Appropinquávit usque ad mortem ánima mea et vita mea appropínquans erat in inférno deórsum. Memorátus autem sum misericórdiæ tuæ, Dómine, et óperationis tuæ, quæ a sáeculo est, quóniam éruis sustinéntes te, Dómine, et líberas eos de mánibus iniquórum.

Verbum Dómini.
℞. Deo grátias.

45. *In celebrationibus unius sanctæ virginis et martyris extra tempus
paschale* Eccli 51, 13-14

Exaltávi de terra supplicatióem meam et pro morte defluente deprecátus sum.
Invocávi Dóminum: Pater meus es tu, ne derelínquas me in die tribulatióis meae et
in témpore superbórum sine adiutório.

Verbum Dómini.

℞. Deo grátias.

46. *In celebrationibus plurimorum sanctorum martyrum tempore paschali*

2 Cor 4, 11.13-14

Semper nos, qui vívimus, in mortem trádimur propter Iesum, ut et vita Iesu manifestétur in carne nostra mortáli. Habéntes autem eúndem spíritum fidei, sicut scriptum est: “Crédidi, propter quad locútus sum” et nos crédimus, propter quod et lóquimur, sciéntes quóniam, qui suscitávit Dóminum Iesum, et nos cum Iesu suscitábit et constituet vobíscum.

Verbum Dómini.

℞. Deo grátias

47. *In celebrationibus unius sancti martyris tempore paschali*

Rom 8, 28-29

Scimus quóniam diligéntibus Deum ómnia coóperantur in bonum, his, qui secúndum propósitum vocáti sunt. Nam, quos præscívit, et prædestinávit confórmes fieri imáginis Fílii eius, ut sit ipse primogénitus in multis frátribus.

Verbum Dómini.

℞. Deo grátias.

48. *In celebrationibus plurimarum sane tarum martyrum tempore paschali*

Hebr 12, 1-2

Ideoque et nos tantam habéntes circumpósitam nobis nubem téstium, deponéntes omne pondus et circúmstans nos peccátum, per patientiam currámus propósitum nobis certámen, aspiciéntes in ducem fidei et consummatórem Iesum, qui pro gáudio sibi propósito sustínuit crucem, confusióne contémpta, atque in délixtera throni Dei sedet.

Verbum Dómini.
℞. Deo grátias.

49. *In celebrationibus unius sanctæ martyris tempore paschali*

Eccli 51, 8-9 .11-12

Appropinquávit usque ad mortem ánima mea et vita mea appropínquans erat in inférno deórsum. Memorátus autem sum misericórdiæ tuæ, Dómine, et óperationis tuæ, quæ a sáeculo est, quóniam éruis sustinéntes te, Dómine, et líberas eos de mánibus iniquórum.

Verbum Dómini.
℞. Deo grátias.

50. *In celebrationibus plurimorum sanctorum pastorum*

Hebr 13, 17

Obædíte præpósitis vestris et subiacéte eis; ipsi enim pervígilant pro ánimabus vestris quasi ratiónem redditúri, ut cum gáudio hoc fácient et non geméntes: hoc enim non éxpedit vobis.

Verbum Dómini.
℞. Deo grátias.

51. *In celebrationibus unius sancti pastoris*

Eccli 45, 19-21

Factum est illi in testaméntum ætérnum et sémini eius sicut dies cæli: ministráre illi et fungi sacerdótio et benedícere pópulum suum in nómine eius. Ipsum elégit ab omni vivénte offérre sacrificium Deo, incénsum et ádipes et incéndere bonum odórem et memóriale et placáre pro pópulo suo. Et dedit illi in præcéptis suis potestátem, in testaméntis iudiciórum: docére Iacob testimónia et in lege sua lucem dare Israel.

Verbum Dómini.
℞. Deo grátias.

52. *In celebrationibus Doctorum Ecclesiae*

Eccli 3 9, 1-3

Qui accómmodat ánimam suam ad timórem Dei et in lege Altíssimi meditátur, sapiéntiam ómnium antiquórum exquíret et in prophetiis vacábit. Narratióem virórum nominatórum conservábit et in versútias parabolárum simul introíbit. Occúlta proverbiorum exquíret et in absconditis parabolárum convérsabitur.

Verbum Dómini.

℞. Deo grátias.

53. *In celebrationibus plurimorum Sanctorum*

Eccli 2, 11-13

Réspicite, filii, generatióes antiquas et videte: quis speravit in Dómino et confúsus est? aut quis permánsit in mandatis eius et derelíctus est? aut quis invocávit eum et despexit illum? Quóniam pius et miséricors est Dóminus et remittet in die tribulatióis peccáta et protéctor est ómnibus exquirentibus se in veritate.

Verbum Dómini.

℞. Deo grátias.

54. *In celebrationibus unius Sancti*

Eccli 2, 18-20

Qui timent Dóminum, non erunt incredíbles verbo illíus; et, qui díligunt illum, conservábunt viam illíus. Qui timent Dóminum, inquírent quæ beneplácita sunt ei; et, qui díligunt eum, replebúntur lege ípsius. Qui timent Dóminum, præparábunt corda sua et in conspéctu illíus sanctificábunt ánimassuas.

Verbum Dómini.

℞. Deo grátias.

55. *In celebrationibus plurimarum sanctarum virginum*

1 Cor 7, 34.35

Múlter innúpta et virgo cógitat, quæ Dómini sunt, ut sit sancta et córpore et spírítu. Porro hoc ad utilitátem vestram dico, non ut láqueum vobis iníciam, sed ad id, quod honéstum est, et ut assídue cum Dómino sitis sine distractiÓe.

Verbum Dómini.

℞. Deo grátias.

56. *In celebrationibus unius sanctæ virginis*

Sap 4, 1-2

Mélius est absque liberis esse cum virtúte; immortalitas est enim in memória illius, quóniam et apud Deum nota est et apud hómines. Cum præsens est, imitántur illam; et desíderant eam, cum se edúxerit; et in perpétuum coronáta triúmphat, incoinquinatórum certáminum præmium vincens.

Verbum Dómini.

℞. Deo grátias.

57. *In celebrationibus plurimarum sanctarum mulierum*

1 Tim 5, 5-7

Quæ vere vídua est et desoláta, sperat in Deum et instat obsecrationibus et orationibus nocte ac die; nam, quæ in delíciis est vivens, mórtua est. Et hæc præcipe, ut irreprehensíbiles sint.

Verbum Dómini.

℞. Deo grátias.

58. *In celebrationibus unius sanctæ mulieris*

Prov 31, 29-31

Multæ filiae fórtiter operátæ sunt, tu supergréssa es univérsas. Fallax grátia et vana est pulchritúdo; múlier timens Dóminum, ipsa laudábitur. Date ei de fructu mánuum suárum et laudent eam in portis ópera eius.

Verbum Dómini.

℞. Deo grátias.

ORATIONES

ORATIONES

In fine celebrationis, in qua Martyrologium legitur, sacerdos post lectionem, iunctis manibus, sine Orémus, et omnibus respondentibus: Amen, dicere potest ad libitum formulam hanc:

Sancta María et omnes Sancti
intercédant pro nobis ad Dóminum,
ut nos mereámur ab eo adiuvári et salvári,
qui vivit et regnat in sáecula sáeculorum.

Vel dicit ad libitum unam ex oratió nibus, quæ sequuntur:

1. Exáudi, Dómine, pópulum cum Sanctórum tuórum
tibi patrocínio supplicántem,
ut temporális vitæ nos tríbuas pace gaudére
et æternæ reperíre subsidium.
Per Christum.

2. Fratérna nos, Dómine, Sanctórum tuórum coróna lætíficet,
quæ et fidei nostræ præbeat incitáménta virtútum
et multiplici nos suffrágio consolétur.
Per Christum.

3. Da nobis, quæsumus, Dómine,
ut cum tuórum Sanctórum memória
perpétua eorúndem tuitióne lætémur.
Per Christum.

4. Dómine Deus noster,
múltiplica super nos grátiam tuam
et, quorum celebrámus gloriósa certámina,
tríbue súbsequi in sancta professióne victóriam.
Per Christum.

5. Benedicímus, Dómine, misericórdias tuas,
qui nos incessabíliter Sanctórum tuórum
sinis commemoratióne fovéri, suppliciter exorántes,
ut, quorum memóriam gérimus, patrocínia sentiámus.

Per Christum.

6. Pacem tuam, Dómine, nostris illábere pectóribus
et, qui Sanctos tuos in cæléstem aulam suscepísti,
nobis quoque caritátis stúdium,
eórum méritis suffragántibus,
largíri iúbeas in ætérnum.
Per Christum.

7. Omnípotens sempitérne Deus, qui inter innúmera beneficia
Sanctórum tuórum nos exémplis præcípue consoláris,
præsta, quæsumus,
ut ad cæléstis óperis institúta
et recordátio beáta nos incitet
et orátio iustórum digna perdúcat.
Per Christum.

8. Deus, qui nos Sanctórum tuórum
et memória lætíficas
et imitatióne súscitas ad proféctum,
præsta, ut quos venerámur obséquio,
étiam piæ conversatiónis sequámur exémplo.
Per Christum.

9. Fidèles tuos, Dómine, cælésti visitatióne circúmda
et méntibus eórum rorem tuæ benedictiόνis infúnde,
ut, Sanctórum précibus suffúlti,
tuam perfectiόνis grátiam réferant.
Per Christum.

10. Da nobis, omnípotens Deus, in Sanctórum tuórum
te semper commemoratióne laudáre,
quia refovére curábis,
quos in honóre tuo perseveráre concésseris.
Per Christum.

11. Præsta fámulis tuis, Dómine,
abundántiam protectiόνis et grátiae
et, Sanctórum tuórum intercessiόne,
da salútem mentis et córporis,

da continuæ sanctitátis augménta
et tibi semper fac esse devótos.
Per Christum.

12. Adésto, Dómine, plebi tuæ,
quæ in Sanctis tuis te mirábilem proclámat,
et in tua misericórdia confidénti
opem tuæ largitátis impénde.
Per Christum.

13. Esto, quæsumus, Dómine, propítius plebi tuæ
Sanctórum tuórum vestígiis inhærére eniténti,
ut, de die in diem, quæ tibi non placent résponsus,
tuórum pótius repleátur dilectiónibus mandatórum.
Per Christum.

14. Grátias tibi, omnípotens Deus,
de Sanctórum victória referéntes,
cleméntiam tuam súplices implorámus,
ut, eórum sustentáti suffrágiis,
in tuis semper láudibus exsultémus.
Per Christum.

15. Advéniat, quæsumus, Dómine,
misericórdia speráta supplicibus
et Sanctórum précibus cæléstis munificéntia tribuátur,
qua et recte poscénda cognóscant
et postuláta percípiant.
Per Christum.

16. Præsta, Dómine, quæsumus,
ut, sicut Sanctórum tuórum
nos natalícia celebránda non déserunt,
ita iúgiter suffrágiis comiténtur.
Per Christum.

17. Da nobis, Omnípotens et miséricors Deus,
ut Sanctórum tuórum natalícia commemorántes,
quorum prædicámus triúmphos,
eórum fidem veráciter imitémur.

Per Christum.

18. Misericórdiam tuam pétimus et rogámus, Deus,
qui Sanctis tuis glóriam in Christo tribuísti,
ut et nos semper benedictióne reficias,
per quam placitúros tibi
in ætérnum efficias coherédes.
Per Christum.

19. Ad humilitátis nostræ preces,
Dómine, placátus inténde
et beatitúdinem cæléstem nobis concéde,
quos tantis Sanctórum præsídiis múnire dignáris.
Per Christum.

20. Præsta nobis, quæsumus, omnípotens Deus,
Sanctórum tuórum assíduam intercessiόνem,
ut, grátia Christi operánte,
eórum quoque ássequi mereámur exémpa.
Per Christum.

21. Custodi, Dómine, fidéles tuos
Christum in suis Sanctis victórem agnoscéntes
et, ut eísdem perpétuam misericórdiam largiáris,
tuo semper nómini fac devótos.
Per Christum.

22. Fámulis tuis, quæsumus, Dómine, adésto,
et super eos grátiam tuam multíplica,
ut, Sanctórum suffrágium sentiéntes,
ad eórum exémpa assequénda impellántur.
Per Christum.

23. Ecclésiæ tuæ, Dómine, vocem placátus admítte,
ut, Christum in tot Sanctis gloriósum contémpans,
regnum indefesse annúntiet cælórum.
Per Christum.

24. Omnípotens sempitérne Deus,
qui in Sanctis tuis semper es ubíque mirábilis,

quæsumus cleméntiam tuam,
ut, sicut illis eminentem glóriam contulísti,
sic ad consequéndas misericórdias tuas
eórum nos fácias précibus adiuvári.
Per Christum.

25. Sancti tui, quæsumus, Dómine,
iúgiter nobis a te
et véniam póstulent et proféctum.
Per Christum.

26. Præsta nobis, Dómine, misericórdiam tuam
Sanctórum tuórum suffrágiis implorátam
et, quos intercessóres nostros esse tribuísti,
fac eos et maiestátem tuam iúgiter exoráre
et salutária impetráre pro nobis.
Per Christum.

27. Adésto, Dómine, pópulo tuo
cum Sanctórum patrocínio supplicánti,
ut, quod própria fidúcia non præsumit,
suffragántium méritis consequátur.
Per Christum.

28. Grátias ágimus, Dómine,
multiplicátis circa nos miseratióne tuis,
qui et pascháli Christi mystério nos salvas
et Sanctórum tuórum deprecátione susténtas.
Per Christum.

29. Véritas domínii tui universális, Deus,
quam Sancti tui in ærúmnis agnovérunt,
splédeat in corde Ecclésiæ peregrínæ
et fac, ut fidéles tui, quæ sursum sunt sapiéntes,
secúra tibi sérviant libertáte.
Per Christum.

30. Da auxílium, Dómine, quæsumus,
maiestáti tuæ potestátique subiéctis
et, quidquid suis méritis non præsumunt,

Sanctorum tuorum precibus consequantur.
Per Christum.

31. Memento, Domine, quaesumus, condicionis humanae,
ut Sancti tui pro nobis
et clementiam tuam semper exorent
et incessabiliter audiantur.
Per Christum.

32. Sanctorum tuorum, Domine, precibus adiuvemur
et, quod possibilitas nostra non obtinet,
eorum nobis postulacione donetur.
Per Christum.

33. Omnipotens sempiterna Deus,
qui Sanctorum tuorum nos intercessionem custodis,
praesta, ut, quorum fovemur meritis,
proficiamus pie confessionis exemplis.
Per Christum.

34. Praetende nobis, Domine, misericordiam tuam,
et Sanctos tuos, quorum nos fecisti patrocinis adiuvari,
tribue maiestatem tuam iugiter exorare pro nobis.
Per Christum.

35. Porrigere, quaesumus, dexteram, Domine, populo deprecanti
et, cui tribuis Sanctorum intercessionem sustentari,
praebe gratiae tuae auxilium,
ut, te ductore confidens, et mala cuncta declinet
et omnia, quae bona sunt, apprehendat.
Per Christum.

36. Sanctorum tuorum intercessionibus, quaesumus, Domine,
gratia tua nos semper protegat
et christifidelibus viventibus atque defunctis
misericordiam tuam ubique praetende.
Per Christum.

- ¹ Cf. Conc. Œc. Vat. II, Const. dogm. de Ecclesia *Lumen gentium*, n. 40.
- ² Cf. Missale Romanum, doxologia Precum eucharisticarum.
- ³ Cf. Conc. Œc. Vat. II, Const. dogm. de Ecclesia *Lumen gentium*, n. 47.
- ⁴ Cf. Missale Romanum, hymnus *Gloria in excelsis*.
- ⁵ Cf. Conc. Œc. Vat. II, Const. dogm. de Ecclesia *Lumen gentium*, n. 40; Origenes, *Commentarium in Romanos* 7, 7 (PG14, 1122B); Ps.-Macarius, *De Oratiōe*, 11 (PG 34, 861AB); S. Thomas Aquinas, *Summa Theol.* II-II, 9, 184, a. 3.
- ⁶ Cf. Missale Romanum, *Praefatio I de Sanctis*.
- ⁷ Cf. Missale Romanum, *Praefatio II de Sanctis*.
- ⁸ *Ibidem*.
- ⁹ Cf. Conc. Œc. Vat. II, Const. dogm. de Ecclesia *Lumen gentium*, n. 39.
- ¹⁰ Cf. Missale Romanum, *Praefatio de Christo universorum Rege*.
- ¹¹ Cf. Missale Romanum, *Ordo Missae: Professio fidei*; Conc. Œc. Vat. II, Const. dogm. de Ecclesia *Lumen gentium*, n. 8.
- ¹² Cf. Ioannes Paulus II, Ep. Ap., *Novo Millennia ineunte*, diei 6 ianuarii 2001, n. 30: AAS 93 (2001) p. 267.
- ¹³ Cf. Missale Romanum, *Praefatio communis III*.
- ¹⁴ Cf. Missale Romanum, *Praefatio I de Sanctis*.
- ¹⁵ Cf. Conc. Œc. Vat. II, Const. de sacra Liturgia *Sacrosanctum Concilium*, n. 111.
- ¹⁶ Cf. Liturgia Horarum, *Preces in sollemnitate Omnium Sanctorum*.
- ¹⁷ Cf. Conc. Œc. Vat. II, Const. dogm. de Ecclesia *Lumen gentium*, n. 50.
- ¹⁸ Cf. Ioannes Paulus II, Ep. Ap., *Dies Domini*, diei 31 maii 1998, n. 78: AAS 90 (1998) p. 761.
- ¹⁹ Cf. S. Paulinus Nolanus, *Carmina*, XIV, 3-4: CSEL 30, 67.
- ²⁰ Cf. Prus PP. XII, Litt. *Encycl. Mediator Dei*: AAS 39 (1947) pp. 581-582.
- ²¹ Cf. Conc. Œc. Vat. II, Const. dogm. de Ecclesia *Lumen gentium*, n. 50.
- ²² Cf. Conc. Œc. Vat. II, Const. de sacra Liturgia *Sacrosanctum Concilium*, n. 111.
- ²³ Cf. Codex Iuris Canonici, can. 1186.
- ²⁴ *Ibidem*, can. 1187.
- ²⁵ Cf. Conc. Œc. Vat. II, Const. de sacra Liturgia *Sacrosanctum Concilium*, n. 111; cf. etiam Codex Iuris Canonici, cann. 1188-1190.
- ²⁶ Cf. Missale Romanum, *Prex Eucharistica IV*, Praefatio.
- ²⁷ Cf. Missale Romanum, Praefationes, *passim*.
- ²⁸ Cf. *I Cor* 12, 12-27; conc. Œc. VATIC. II, Const. dogm. de Ecclesia *Lumen gentium*, n. 49.
- ²⁹ Cf. Conc. Œc. Vat. II Const. dogm. de Ecclesia *Lumen gentium*, n. 50.
- ³⁰ Cf. Ioannes Paulus II, Litt. Ap., *Divini amoris scientia*: Sancta Teresia a Iesu Infāte et a Sacro Vultu Doctor Ecclesiae universalis renuntiatur, n. 7: AAS 90 (1998) p. 936; conc. Œc. VATIC. II, Const. dogm. de divina revelatione *Dei Verbum*, n. 8.
- ³¹ Cf. Missale Romanum, *Prex Eucharistica I seu Canon Romanus*, Communicantes.
- ³² Cf. Conc. Œc. Vat. II, Const. de sacra Liturgia *Sacrosanctum Concilium*, n. 111.
- ³³ Cf. *Institutio genera/is de Liturgia Horarum*, nn. 244, 234-239; S. CONGREGATIO PRO CULTU DIVINO, Instr. *Calendaria particularia*, nn. 8-10: AAS 62 (1970) pp. 653-654.
- ³⁴ Cf. *Institutio genera/is Missalis Romani*, n. 316.
- ³⁵ Cf. *Institutio generalis Missalis Romani*, n. 316; *Institutio generalis de Liturgia Horarum*, n. 244.
- ³⁶ Cf. S. Congregatio Pro Cultu Divino, Instr. *Calendaria particularia*, nn. 8-9: AAS 62 (1970) pp. 653-654.
- ³⁷ *Normae Universales de Anno liturgico et de Calendario*, nn. 48-55; S. Congregatio Pro Cultu Divino, Instr. *Calendaria particularia*, diei 24 iūni 1970, nn. 1-9, 12: AAS 62 (1970), pp. 651-654.
- ³⁸ Cf. S. Congregatio Pro Cultu Divino, Instr. *Calendaria particularia*, n. 21: AAS 62(1970) p. 656.
- ³⁹ Cf. S. Congregatio Pro Cultu Divino Instr. *Calendaria particularia*, n. 34: AAS 62 (1970) p. 65 9; Pontificale Romanum, *Ordo Dedicationis ecclesiae et altaris*, editio typica, 1977, caput II, n. 4.
- ⁴⁰ S. Congregatio Pro Cultu Divino ET Disciplina Sacramentorum, Notificatio de dedicatione aut benedictione ecclesiae in honorem alicuius Beati, diei 29 novembris 1998: *Notitiae* 34 (1998) p. 664.
- ⁴¹ Cf. conc. Œc. VATIC. II, Constitutio de sacra Liturgia *Sacrosanctum Concilium*, n. 92.
- ⁴² *Ibidem*, n. 111.
- ⁴³ Vide p. 26.
- ⁴⁴ Computata parte integra in ratione inter annum, cuius interest elementa invenire, et 19, numerus aureus evincitur subtrahendo de illo Eódem anno, addito uno, supradictam partem integram undevicies multiplicatam.

⁴⁵ Computata summa, quae ex multiplicatione efficitur inter númerum aureum anni, cuius interest epactam invenire, et 11, abhinc usque ad annum 2099 epacta evincitur: a) si huius multiplicationis summa maior est quam tredecim, unum addenda reliquo quotientis integri, qui ex illa eadem summa fit, deducto tredecim, in triginta divisa; b) si vero minor est quam tredecim, unum addenda summae supradictae multiplicationis, addito triginta et tredecim deducto (seu, scilicet, summae multiplicationis duodeviginti addendo). Ab anno 2100 usque ad 2199, loco numerorum tredecim et unius, numeri respective quattuordecim et duo erunt adhibendi.

⁴⁶ Ubi sollemnitas Ascensionis Domini non est de praecepto servanda, assignatur, tamquam diei proprio, dominicae VII Paschae.

⁴⁷ Ubi sollemnitas sanctissimi Corporis et Sanguinis Christi non est de praecepto servanda, assignatur, tamquam diei proprio, dominicae post Ss.mam Trinitatem.


CANTUS MARTYROLOGII

CANTUS MARTYROLOGII


Elogium Martyrologii

Martyrologium de more cantatur Hoc modo:


Martyrologium de more cantatur hoc modo:



Quarto No-nas ia-nu-á-ri-i. Luna




To-nus sic flécti-tur, † et sic fi-ní- tur.




Pe-rí-o-dus fi-ná-lis lecti-ó-nem sic conclú- dít.


Elogium
In Nativitate Dómini
Textus cum cantu




Octá-vo Ka-léndas ia-nu- á-ri- i. Luna




Innú-me-ris transáctis sǣ-cu-lis a cre-a-ti-ó-ne mundi,




quando in princí-pi-o De-us cre-á-vit cæ-lum et terram




et hó-mi-nem formá-vit ad i-má-gi-nem su-am; permúltis




é-ti-am sǣ-cu-lis, ex quo post di-lú-vi-um Altíssi-mus in




nú-bi-bus arcum po-sú-e-rat, signum fœ-de-ris et pa-cis;




a mi-gra-ti-ó-ne A-bra-hæ, pa-tris nostri in fi-de, de Ur




Chaldæ-ó-rum sæ-cu-lo vi-gé-si-mo pri-mo; ab e-gréssu




pó-pu-li Isra-el de Æ-gýpto, Mó-y-se du-ce, sæ-cu-lo dé-




ci-mo térti-o; ab uncti-ó-ne Da-vid in re-gem anno cír-




ci-ter mil-lé-si-mo, hebdó-ma-da se-xa-gé-si-ma quinta,



iuxta Da-ni-é-lis pro-phe-tí-am; Olympí-a-de centé-si-ma



nona-gé-si-ma quarta; ab Urbe cóndi-ta anno septingenté-



si-mo quinquagé-si-mo se-cúndo; anno impé-ri-i Cæ-sa-ris



Octa-vi- á-ni Augústi quadragé-simo se-cúndo; to-to Orbe

in pa-ce compó-si-to, Ie-sus Christus, æ-térnus De-us æ-ter-

ní-que Pa-tris Fí-li-us, mundum vo-lens advéntu su-o

pi-íssi-mo conse-crá-re, de Spí-ri-tu Sancto concéptus,

no-vémque post concepti-ó-nem de-cúrsis ménsi-bus,

in Béthle-hem Iudæ násci-tur ex Ma-rí-a Vírgi-ne factus

ho-mo: Na-tí-vi-tas Dó-mi-ni nostri Ie-su Chri-sti

se-cúndum carnem.

Reliqua elogia huius diei cantantur in tono consueto.

MARTYROLOGIUM ROMANUM

IANUARIUS

Die 1 ianuárii

Kaléndis ianuárii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	26	27	28	29	30	1							

In octáva Nativitátis Dómini et die eius Circumcisiónis, sollémnitas sanctæ Dei Genetrícis Mariæ, quam Patres in Concílio Ephesíno Theotókon acclamáverunt, quia ex ea Verbum carnem assúmpsit et inter hómines habitávit Dei Fílius, prínceps pacis, cui Nomen super omne nomen datum est.

2. Cæsaréæ in Cappadócia, depositio sancti Basílii, epíscopi, cuius memória crástina die ágitur.

3. In Campánia et Aprútio, commemorátio sancti Iustíni, qui epíscopus celebrátur, zelo et christifidélium defensióne clarus.

4. Romæ, sancti Almáchii, qui, ludis gladiatorum obsístens, Alýpio præfécito Urbi iubénte, ab ipsis gladiatoribus occísus inter victóres mártires adnumerátus est.

5. Ad montem Iuram in pago Gállia Lugdunénsis, commemorátio sancti Eugéndi, abbátis Condatiscénsis, qui iam inde a puerítia in monastério degit, ubi vitam commúnem monachórum omni stúdio promóvit.

6. Ruspis in Byzacéna, sancti Fulgéntii, epíscopi, qui, múnere procuratóris Byzacénæ functus, mónachus evásit; deínde epíscopus efféctus, témpore vándalica persecutiónis, ab ariánis multa perpéssus est et in Sardíniam a rege Thrasamúndo bis relegátus. Tandem pópulo suo restitútus, eum per réliquos vitæ annos veritátis et grátia verbo fidéliter nutrívít.

7*. Viënnæ in Burgúndia, sancti Clari, abbátis monastérii Sancti Marcélli, qui religiósæ perfectiónis extrémum mónachis trádidit.

8*. Trecis in Néustria, sancti Frodoberti, fundatóris et primi abbátis monastérii Cellénsis.

9*. In monastério Fiscamnénsi in Normánnia, tránsitus sancti Guliélmi, abbátis Sancti Benígni Divionénsis, qui novíssimis vitæ suæ tempóribus plúrimos mónachos in quadragínta monastéris distribútos firmiter ac prudénter rexit.

10. Apud Silviníacum in Burgúndia, tránsitus sancti Odilónis, abbátis Cluniacénsis, qui, sevérus in se, in áliis vero dulcis et miséricors, inter belligerántes indútias pro Deo instítuit et, témpore famis, omnímodo afflíctos levávit, dein primus commémoratióem ómnium fidélium defunctorum postrídie festi Omnium Sanctórum in monastéris suis constituit.

11. Gablónæ in Bohémia, sanctæ Zdislávæ, matrisfamílias, quæ afflíctis magno solácio fuit.

12*. Gualdi Captaneórum in Umbria, beáti Hugolíni, qui vitam eremíticam duxit.

13*. Romæ, sancti Ioséphi Mariæ Tomasi, presbýteri ex Ordine Clericórum Regulárium vulgo Theatinórum et cardinális, qui, cultus divíni instauratióem ardénter cúpiens, in perquirédis edendisque antiquióribus sacræ Litúrgiæ téxtibus et monuméntis totíus fere vitæ tempus exégit atque púeris catechizándis óperam dedit.

14*. Apríliaci apud Andégavum in Gállia, beatórum fratrum Ioánnis et Renáti Lego, presbyterórum et mátyrum, qui, gállica perturbatióne sæviénte, cum nefárium iusiurándum clero impósitum iuráre recusássent, decolláti sunt.

15*. Romæ, sancti Vincéntii Mariæ Strambi, epíscopi Maceraténsis et Tolentini, e Congregatióne Pássionis, qui commíssas ipsi dioecéses sancte rexit et ob fidelitátem erga Románum Pontíficem servátam exsílum perpéssus est.

16*. Hasseléti prope Traiéctum Mosæ in Bélgio, beáti Valentíni Paquay, presbýteri ex Ordine Fratrum Minórum, qui in præcatióne, ministério reconciliatióis et mariális coronæ devotióne mirum cristiánæ caritátis præbuit extrémum, in spíritu humilitátis e mínimis átingens summa.

17*. Leópolis in Ucráina, beáti Sigismúndi Gorazdowski, presbýteri, qui, polónus natióne, pietáte erga próximam exímus et óperum ad vitam tuéndam præcúrsor, Institutum Sorórum Sancti Ioseph fundávit, omnímōdis in bonum Páuperum et derelictórum incúmbens.

18*. Intra castra detentiónis Dacháni prope Monáchium Baváriæ in Germánia, beáti Mariáni Konopiński, presbýteri et mártiris, qui, polónus natióne, atrocitátes a médis crudéliter irrogátas perpessus pro Christo Dómino occúbuit.

Die 2 ianuárii

Quarto Nanas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

Memória Sanctórum Basílii Magni et Gregórii Nazianzéni, episcopórum, et Ecclésiæ doctórum. Basílius, episcopus Cæsariénsis in Cappadócia, magnus doctrína et sapiéntia appellátus, meditatióem Scripturárum laborémque in obediéntia et in fratérna caritáte mónachos dócuit, quorum régulis a seípso conféctis ordinávit vitam, egrégiis scriptis fidéles erudívit atque cura pastoráli Páuperum et infirmórum enítuit; óbiit die prima ianuárii. Gregórius, amícus eius, episcopus Sasiménsis, deínde Constantinópolitanus, tandem Nazianzénius, divinitátem Verbi magno cum ardóre deféndit, quam ob rem étiam Theólogus est appellátus. Tantórum doctórum coniúcta Memória gaudet Ecclésia.

2. Romæ, depositio sancti Telésphori, papæ, qui, teste sancto Irenáeo, séptimus ab Apóstolis episcopus constitútus, gloriósum mártýrium duxit.

3. In território Coráno miliário trigésimo ab Urbe, sanctórum Argéi, Narcíssi et Marcéllini, mártýrum.

4*. Massília in Província Gállia, sancti Theodóri, epíscopi, qui, cum disciplínam Ecclésiasticam institúere conátus esset, a Childebérto et Guntrámno régibus multátus est terque in exsílíum pulsus.

5*. In monastério Bobiénsi in Æmília, sancti Bladúlphi, presbýteri et mónachi, sancti Columbáni discípuli.

6. Medioláni in Langobárdia, sancti Ioánnis Boni, epíscopi, qui sedem episcopálem, Génuae éxsulem Langobardórum causa, civitáti suæ restituit, fide ac bonis móribus Deo et homínibus gratus.

7*. In agro Tutelénsi in Aquitánia, sancti Vincentiáni, eremítæ.

8*. Limeríci in Hibérnia, sancti Mainchíni, qui epíscopus cólitur.

9. In monastério Corbeiénsi in pago Gálliae Ambianénsi, sancti Adalhárdi, abbátis, qui ómnia ita dispósuit, ut unicuíque satis essent, scílicet nec cuíquam superflúerent nec in vácuum quid períret, sed ad Dei laudem benígne daréntur.

10*. Mauriánæ in Sabáudia, sancti Airáldi, epíscopi, qui, tum in Portárum solitúdine tum in Maurianénsi sede, pastóris prudéntiæ et consílio austeritátem morésque cartusianórum coniúnxit.

11*. Troýnæ in Sicília, sancti Silvéstri, abbátis, sub Sanctórum Patrum orientálium disciplína.

12*. Fori Lívii in Æmília, beáti Marcolíni Amanni, presbýteri ex Ordine Prædicatórum, qui in siléntio ac solitúdine, necnon in servítio Páuperum et in puerórum cura totam vitam humíllima simplicitáte perdúxit.

13*. Soncíní in Langobárdia, beátæ Stéphane Quinzani, vírginis, soróris Tértii Ordinis Sancti Domínici, contemplátioni Domínicæ pássio nis necnon Christiánæ institutióni puellárum assíduè deditæ.

14*. Andégavi in Gállia, beatórum Guliélmi Repin et Lauréntii Bâtard, presbyterórum et mártýrum, qui, gállica perturbatióne grassánte, ob fidelitátem erga Ecclésiám cápíte truncátí sunt.

15*. In civitáte *Lachine* in Quebecénsi Província Cánadae, beátæ Maríæ Annæ (Maríæ Stellæ) Soureau-Blondin, vírginis, quæ, ad iuventútem usque litterárum

ignára, Congregatióinem Sorórum Sanctæ Annæ fundávit pro filiis agricolárum instituendis, semper in ministério egrégium præbens exéplum magístræ iuventútis.

Die 3 ianuárii

Tértio Nonas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Sanctíssimi Nóminis Iesu, in quo solo omne flectátur genu, cæléstium, terréstrium et infernórum, ad glóriam divínæ maiestátis.

2. Romæ in cœmetério Callísti via Appia, depositio sancti Anthéri, papæ, qui, post Pontíanum mártýrem, brevem tenuit episcopátum.
3. Apud Nicomedíam in Bithýnia, Sanctórum Theopémpti et Theónæ, qui in persecutióne Diocletiáni imperatóris martýrium obiérunt.
4. Cæsaréæ in Cappadócia, sancti Górdii centuriónis, mártýris, quem sanctus Basílius verum áemulum centuriónis Cruci adstántis laudat, eo quod in Diocletiáni imperatóris persecutióne Iesum Dei Fílium conféssus sit.
5. Patávii in Venétia, commemorátio sancti Daniélis, díaconi et mártýris.
6. Párii in Hellespónto, sancti Theógenis, mártýris, qui, sub Licínio imperatóre inter tirónes ascítus, propter fidem christiánam militáre recúsans, cárceri cruciatibúsque datus est, demum in mare demérsus.
7. Viénnæ in Gállia Lugdunénsi, sancti Floréntii, epíscopi, qui Concílio Iúliæ Valéntiæ hábito intérfuit.
8. Parísii in Gállia, depositio sanctæ Genovéfæ, vírginis Nemptodurénsis, quæ quíndecim annos nata, sancto Germáno Autissiodorénsi epíscopo hortánte, vírginum

velámen accépit, incolás civitátis Hunnórum incúrsu extérritos firmávit et concíves témpore famis sustínuit.

9*. Leóntii in Sicília, sancti Luciáni, epíscopi.

10*. In monastério Mannemaménsi in Kérala Indiæ dicióne, beáti Cyríaci Elíæ Chavara, presbýteri, fundatóris Congregatiónis Fratrum Carmelitárum Mariæ Immaculátæ.

Die 4 ianuáarii

Prídie Nonas ianuáarii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

1. In Móesia, Sanctórum Hermétis et Caii, mártýrum, quorum alter Retiáriæ alter Bonóniæ.

2*. Arvérnæ in Aquitánia, sancti Abrúnculi, epíscopi, qui, primum Ecclésiæ Lingonénsi præpósitus, ob Burgundiórum minas nocte fúgiens apud Arvérnos transmigrávit et sancti Sidónii Apollináris sedem occupávit.

3. Divióne in Burgúndia, sancti Gregórii, qui, postquam multos annos múnere cómitis in regióne Augustodunénsi functus erat, epíscopus Lingonénsis ordinátus est.

4*. Ucétiae in Gállia Narbonénsi, sancti Ferréoli, epíscopi, qui Régulam pro mónachis scripsit et, invídia in exsílium pulsus, post tres annos ágnitus ut verus vir Dei, pópulo suo læto ánimo rédditus est.

5*. Meldis in Néustria, sancti Rigoméri, epíscopi.

6. Remis item in Néustria, sancti Rigobérti, epíscopi, qui, contra cánones a Carólo Martéllo, duce Francórum, a sede expúlsus, vitam in humilitáte egit.

7*. Bruáci ad Scaldim prope Valentiánam in Artésia Néustriæ, sanctæ Pharáildis, víduæ, quæ, invíta viro violénto nupta, oratióem et vitæ austeritátem usque ad senectútem ampléxa esse dicitur.

8*. Fulgínii in Umbria, beátæ Angelæ, quæ, cóniuge filiisque vita functis, sancti Francísci vestígia sequens, Deo pénitus se dicávit et altiôres vitæ mýstica experientiás libro vitæ suæ concrédidit.

9*. In Sancta Cruce Vallis Arni in Etrúria, beátæ Christiánæ (Oríngæ) Menabuoi, vírginis, quæ monastérium fundávit sub Régula sancti Augustíni.

10*. Dunélmi in Anglia, beáti Thomæ Plumtree, presbýteri et mártiris, qui, sub Elísabeth regína Prima, cápite damnátus propter fidelitátem Ecclésiæ Cathólicæ servátam, quóniam láquei pœnam ante patíbulum fórtiter pro vita máluit, eándem súbiit.

11. Emmetsbúrgi in Terra Mariæ e Civitatibus Fœderátis Américæ Septemtrionális, sanctæ Elísabeth Annæ Seton, quæ, vídua effécta, fidem catholicam proféssa est et puéllis instituendis necnon paupéribus púeris aléndis cum Soróribus a Caritáte Sancti Ioseph, quarum Congregatióem fundávit, sollértem dedit óperam.

12*. Matríti in Hispánia, beáti Emmanuélis González García, epíscopi, qui, exímus iuxta cor Dómini pastor, sanctíssimæ Eucharístiæ cultum summa cum sedulitáte promóvit et Congregatióem Sorórum Missionariárum a Názaresh fundávit.

Die 5 ianuárii

Nonis ianuirii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

1. **A**lexandriæ in Ægýpto, sanctæ Syncléticæ, vírginis, quæ vitam eremíticam duxísse narrátur.

2. Carthágine, sancti Deográtias, epíscopi, qui plúrimos a Vándalis captívos ab urbe Roma ductos redémit, quos in duábus amplis basilicis, léctulis atque stramínibus parátis, coadunávit.

3. Romæ, commemorátio sanctæ Æmilianæ, vírginis, ámitæ sancti Gregórii papæ Magni, quæ, paulo post Tharsíllam sorórem, ad Dóminum migrávit.

4*. In Británnia Minóre, sancti Convoiónis, abbátis, qui Rotóne monastérium Sancti Salvatóris cóndidit, ubi sub eius disciplína et sancti Benedícti Régula mónachi floruérunt pietáte insíignes, et, cænóbio a Normánnis evérso, apud Plebelánum novum monastérium exstrúxit, ubi octogenárius óbiit.

5. Londínii in Anglia, sancti Eduárdi, cognoménto Confessóris, qui, rex Anglórum pópulo suo propter exímiam caritátem dilectíssimus, regno pacem comparávit atque communióinem cum sede Romána tenáciter promóvit.

6*. Prope Falcobúrgum in regióne Limburgénsi, sancti Gerláci, eremítæ, in paupéribus aléndis insígnis.

7*. Tudérti in Umbria, beáti Rogérii, presbýteri ex Ordine Minórum, qui, discípulus sancti Francísci, fervens eius imitátor fuit.

8*. Andégavi in Gállia, beatórum Francísci Peltier, Iacóbi Ledoyen et Petri Tessier, presbyterórum et mártýrum, qui in gállica perturbatióne, cum sacerdotium fidéles servavíssent, decolláti sunt.

9. Philadelphíæ in Pennsilvânia e Civitatibus Fœderátis Américæ Septemtrionális, sancti Ioánnis Nepomucéni Neumann, epíscopi, e Congregatióne Sanctíssimi Redemptóris, qui migrántes paupertátis causa ope, consílio et caritáte adiúvit et de puerórum christiána institutióne summópere sollicitus fuit.

10*. Génuæ in Itália, beátæ Mariæ Repetto, vírginis, e Soróribus Dóminæ Nostræ a Refúgio in Monte Calvário, quæ, mundo abscóndita, in afflíctis sublevándis dubiísque in spem salútis erigéndis præclára éxstitit.

11*. Eblánæ in Hibérnia, beáti Cároli a Sancto Andréa (Ioánnis Andréæ) Houben, presbýteri e Congregatióne Passiόνis, séduli pæniténtiæ Sacraménti minístri.

12*. In urbe Jazlowice in Ucráina, beátæ Marcéllinæ Darowska, quæ, cóniuge et primogénito defúntis, Deo se dicávit et, de Famíliæ dignitáte semper sollicita, ad

puéllas instituendas Congregatióinem fundávit Sorórum ab Immaculáta Conceptione Beátæ Mariæ Vírginis.

13*. Spoléti in Itália, beáti Petri Bonilli, presbýteri, fundatóris Institúti Sorórum a Sacra Família pro puéllis egénis et paréntibus orbátis adiuvándis atque educándis.

14. Cæsaraugústæ in Hispánia, sanctæ Genovéfæ Torres Morales, vírginis, quæ iam a puerítia vitæ asperitátes expérta et advérta valetúdine affécta, Institútum Sorórum a Sacratíssimo Corde Iesu et Angelis fundávit, ut múlteribus auxilió essent.

Die 6 ianuárii

Octávo Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

Sollémnitas Epiphaniæ Dómini, in qua triplex recólitur magni Dei et Dómini nostri Iesu Christi manifestátio: in Bétlehem, Iesus infans a magis est adorátus; in Iordáne a Ioáanne baptizátus, a Spíritu Sancto unctus et a Deo Patre Fílius vocátus; in Cana Galilææ ad núptias aquam in vinum novum mutans glóriam suam manifestávit.

2. Antínoe in Thebáide, Sanctórum Iuliáni et Basílissæ, mártyrum.

3*. Nannétibus in Británnia Minóre, sancti Felícis, epíscopi, qui próprii zeli testimónium concívibus desérviens perhíbuit, Ecclésiám cathedrále[m] ædificávit necnon ruráles gentes continénter evangelizávit.

4*. Herbípoli in Francónia Germániæ, beáti Marcárii, abbátis, qui primus monastério Scottórum in hac civitáte præfuit.

5. Barcinóne in Cataláunia Hispániæ, sancti Raymúndi de Penyafort, cuius memória crástina die ágitur.

6*. Famagústæ in Cypro ínsula, tránsitus sancti Petri Thomæ, epíscopi Constantinópolitani, ex Ordine Carmelitárum, qui Románi Pontíficis in Oriénte legáti missióne functus est.

7. Fáesulis in Etrúria, sancti Andréæ Corsini, epíscopi, ex Ordine Carmelitárum, qui, austeritáte et assídua sanctárum Scripturárum meditatióne insígnis, convéntus peste vastátos restítuit et Ecclésiám suam sapiénter rexit, paupéribus solácium áfferens et dissidéntes reconcílians.

8. Valéntiæ in Hispánia, sancti Ioánnis de Ribera, epíscopi, vices quoque regis geréntis, qui, sanctíssimæ Eucharístiæ cultor et veritátis Cathólicæ defénsor, pópulum diutúrnis institutióibus erudívit.

9. Romæ, sancti Cároli de Sétia, religiósi ex Ordine Fratrum Minórum, qui, inde a puerítia victum cotidiánum sibi comparáre coáctus, cómites ad imitatióem Christi ac Sanctórum inducébat et tandem, ut exoptábat, franciscáli veste indútus ante Sanctíssimum altáris Sacraméntum in adoratióem se impéndit.

10. Item Romæ, sanctæ Raphaélæ Mariæ a Sacro Corde Porras Ayllón, vírginis, quæ Congregatióem Ancillárum Sacratíssimi Cordis Iesu instituit, at mente capta iudicáta in tribulatióibus et pæniténtia vitam sancte complévit.

11*. Maríanópoli in Província Quebecénsi Cánadæ, beáti Andréæ (Alaphrídi) Bessette, religiósi e Congregatióne a Sancta Cruce qui insígne sanctuárium in honórem sancti Ioseph ædificándum ibídem curávit.

Die 7 ianuárii

Séptimo Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	2	2	2	3	4	5	6	7							

Sancti Raymúndi de Penyaafort, presbýteri ex Ordine Prædicatórum, qui, vir sciéntia cánonum exímius, de sacraménto pæniténtiæ recte ac fructuóse scripsit et, magíster generális eléctus, novam Constitutiónum

Ordinis redactionem apparavit atque in summa senectute Barcinone in Hispania pie in Domino obdormivit.

2. Melitene in Armenia, sancti Polyucti, martyris, qui, miles edicto Decii imperatoris diis sacrificare coactus, simulacra fregit, quapropter multa passus est tormenta, demum decollatus et ipso sanguine suo effuso baptizatus.

3. Nicomediae in Bithynia, passio sancti Luciani, Antiochena Ecclesiae presbyteri et martyris, qui, doctrina et eloquentia clarus, ante tribunal adductus ad continuas interrogaciones tormentis adiunctas se christianum intrépide confitebatur.

4*. Passaviae in Norico, commemoratio sancti Valentini, episcopi Raetiae.

5. Papiæ in Liguria, sancti Crispini, episcopi.

6*. Curiae Rhætorum apud Helvetios, sancti Valentini, episcopi, qui pauperibus opibus subvenit, pro captivis pretium solvit et nudis vestes largiter donavit.

7*. Solemniaci apud Lemovicum in Aquitania, sancti Tillonis, qui, discipulus sancti Eligii, faber et monachus fuit.

8*. Constantinopoli, sancti Cyri, episcopi, qui, monachus in Paphlagonia, ad sedem Constantinopolitanam evectus est, qua postea eiectus in exilio obiit.

9*. Cenomani in Gallia, sancti Alderici, episcopi, qui ad Dei atque Sanctorum cultum omni studio se contulit.

10. In silva apud Ringstadum in Dania, sancti Canuti, cognomento Lavard, martyris, qui, dux Slesvicensis, iustus et prudens principatum tenuit et pietatem fovit, ab hostibus auctoritatis suae invidis interfectus.

11*. Panormi in Sicilia, transitus beati Matthaei Guimera, episcopi Agrigentini, ex Ordine Minorum, Sanctissimi Nominis Iesu cultoris et assertoris.

12*. Suzutae in Iaponia, beati Ambrósii Fernández, martyris, qui quaestu et lucro ductus in Orientem abiit, sed in Societatem Iesu religiosus postea admissus, multis privationibus afflictus in carcere pro Christo obiit.

13. In vico *An Bái* in Tunquíno, sancti Ioséphi Tuân, mártiris, qui, paterfamilias et agrícola, cum ante crucem, quam calcáre iussus erat, genufléxus orávit, decollátus est sub imperátore Tu Dúc.

14*. Leódii in Bélgio, beátæ Mariæ Terésiae (Ioánnæ) Haze, vírginis, quæ ad servítium debílium et Páuperum Congregatiónem Filiárum a Cruce cóndidit.

Die 8 ianuárii

Sexto Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	3	3	4	5	6	7	8							

1. Hierápoli in Phrýgia, sancti Apollináris, epíscopi, qui sub Marco Aurélio imperátore doctrína et sanctitáte flóruit.

2. In Líbya, Sanctórum mártýrum Theóphili, diáconi, et Helládii, qui primo laniáti ac téstulis peracútis compúnti, demum in ignem coniécti esse dicúntur.

3. Bellóvací in Gállia Bélgica, Sanctórum Luciáni, Maximiáni et Iuliáni, mártýrum.

4. Metis ítem in Bélgica, sancti Patiéntis, epíscopi.

5. In Nórico Ripénsi, sancti Severíni, presbýteri et mónachi, qui, post Attilæ mortem, Hunnórum princípis, in hanc Provinciám véniens, pópulos inérmes deféndit, feróces mansuefécit, infidéles convértit, monastéria cóndidit et religióne incúltos instrúxit.

6. Pápiæ in Ligúria, sancti Máximi, epíscopi.

7*. In monastério Chozíbæ in Palæstína, sancti Geórgii, mónachi et eremítæ, qui, tota hebdómada reclúsus, domínica die cum frátribus orábat, quos in spiritalibus audiébat omnibúsque suadébat.

8*. In regióne Aberdonénsi Scótiæ, sancti Nathaláni, epíscopi, caritáte erga páuperes insígnis.

9. Ratisbonæ in Bavária, sancti Erhárdi, qui, génere scotus, stúdio Evangélii propagándi flagrans, hanc regiónem petívit, ubi múnere episcopáli functus est.

10*. Morséllæ in Brabántia, sanctæ Gúdilæ, vírginis, quæ in domo sua caritáti et oratióni se cóntulit.

11*. Cassíliæ in Hibérnia, sancti Albérti, epíscopi, angli natióne diúque pro Christo peregríni.

12. Venétiis, sancti Lauréntii Giustiniani, epíscopi, qui hanc Ecclésiám doctrína æternæ sapiéntiæ illustrávit.

13*. Novi Castri ad Tinam flumen in Anglia, beáti Eduárdi Waterson, presbýteri et mártýris, qui, sub Elísabeth regína Prima cápite damnátus quod sacérdos Angliam petivísset, patíbulo suspénsus est.

Die 9 ianuárii

Quinto Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

1. **A**ncónæ in Picéno Itáliæ, sancti Marcéllini, epíscopi, qui urbem illam, ut sanctus Gregórius papa Magnus scribit, divína virtúte ab incéndio liberávit.

2*. Cantuáriæ in Anglia, sancti Hadriáni, abbátis, qui, in Africa natus, Neápoli Campániæ Angliam pervénit et, lítteris sacris simul et sæculáribus luculénter instrúctus, discipulórum turmam salutári sciéntia erudívit.

3*. In Scótia, sancti Feláni, abbátis monastérii Sancti Andréæ, qui, disciplínæ austeritáte præclárus, in solitúdine vitam exégit.

4*. In monte Olýmpo in Bithýnia, sancti Eustrátii, cognoménto Thaumátúrgi, abbátis monastérii Abgári.

5*. Thenesiáci in pago Pictaviénsi Aquitániæ, sancti Honoráti de Busentíaco, qui, armentórum negotiátor, pecúnia sua páuperes dotábat et a fúribus, quos increpáverat, necátus est.

6*. Certaldi in Etrúria, beátæ Iúliæ della Rena, e Tértio Ordine Sancti Augustíni, quæ angústa in cella prope ecclésiám reclúsa soli Deo vixit.

7*. Ancónæ in Picéno Itáliæ, beáti Antónii Fatáti, epíscopi, qui prudéntem et æquánimū in ómnibus missiónibus a Pontificibus Románis ipsi credítis, austérum in se, largum vero in páuperes se præbuit.

8*. Nancéii in Gállia, beátæ Mariæ Terésíæ a Iesu (Aléxiæ) Le Clerc, vírginis, quæ cum sancto Petro Fourier, Congregatiónem Canonissárum Regulárium Nostræ Dóminæ, sub Régula sancti Augustíni, ad instituéndas puéllas excitávit.

9. Seuli in Coréa, sanctárum mártýrum Agathæ Yi, vírginis, cuius et paréntes mártýrio coronáti sunt, et Terésíæ Kim, víduæ, quæ in cárcere pro Christo íctibus percússæ, demum iugulátæ sunt.

10*. Prope Monáchium Baváriæ in Germánia intra castra detentiónis Dacháni, beatórum Ioséphi Pawlowski et Casimíri Grelewski, presbyterórum et mártýrum, qui, témpore belli, e Polónia invása a persecutóribus fidei deportáti, per suspéndii cruciátum mártýrium complevérunt.

Die 10 ianuárii

Quarto Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

1. **R**omæ in cœmetério Callísti via Appia, sancti Miltíadis, papæ, qui, ex Africa oriúndus, pacem Ecclésiæ a Constantíno imperatóre rédditam expértus est, sed a sectatóribus Donáti ácritèr vexátus ad comparándam concórdiam prudénter incúbuit.

2. In Thebáide, sancti Pauli, eremítæ, monásticæ vitæ inde ab exórdiis cultóris.

3. Nyssæ in Cappadócía, sancti Gregórii, epíscopi, sancti Basílii Magni fratris, qui, vita et doctrína præclárus, ob rectæ fidei confessiónem sub Valénte imperatóre ariáno e civitáte sua pulsus est.

4. Hierosólymæ, sancti Ioánnis, epíscopi, qui, témpore controversiæ de orthódoxa doctrína, magnópere pro Cathólica fide et pace Ecclésiæ óperam dedit.

5*. Deæ Vocontiórum in pago Gállia Viennénsi, sancti Petrónii, epíscopi, qui prius monásticam vitam in ínsula Lirinénsi dúxerat.

6. Constantinópoli, sancti Marciáni, presbýteri, in Ecclésiis ornándis et indigéntibus sublevándis séduli.

7*. Lemóvici in Aquitánia, sancti Valérii, qui solitáriam vitam elégit.

8*. Meliténe in Arménia, sancti Domitiani, epíscopi, qui pro conversiône Persárum multum conténdit.

9. Romæ apud sanctum Petrum, depositio sancti Agathónis, papæ, qui contra monothelitárum erróres íntegram servávit fidem et unitátem Ecclésiæ sýnodis promóvit.

10*. In pago Vivariénsi ad Rhódanum in Gállia, sancti Arcóntii, epíscopi.

11. In monastério Cusanensi ad Pyrerneos saltus, sancti Petri Urseoli, qui, ex Venétiarum duce mónachus efféctus, pietáte et austeritáte cláruit atque in erémo prope monastérium vitam degit.

12*. In monastério Cavénsi in Campánia, beáti Benincásæ, abbátis, qui centum mónachos in Sicíliam destinávit ad Montis Regális cœnóbium nuper extrúctum, ut illud replérent.

13. Biturígis in Aquitánia, sancti Guliélmi, epíscopi, qui, desidério solitúdinis meditationisque flagrans, mónachus Cisterciénsis Pontiníaci et demum abbas Cadulíaci factus, tandem Ecclésiæ Bituricénsi præpósitus, monásticæ vitæ austeritátem numquam relaxávit et caritáte erga clerum, captívos miserósque enítuit.

14*. Amarántii in Lusitánia, beáti Gundisálvi, presbýteri Bracarénsis, qui post longam in Terram Sanctam peregrinatiónem Ordinem Prædicatórum ingressus est,

deinde in eremum secédens, pontem ædificándum curávit et oratióne prædicationéque áccolis prófuit.

15*. Arétii in Etrúria, tránsitus beáti Gregórii papæ Décimi, qui, ex archidiácono Leodiénsi ad Petri sedem eléctus, communióne cum Græcis omnímodo fovit et ad christianórum discídia componénda necnon ad Terram Sanctam recuperándam Concílium Euménicum Lugdunénse Secúndum convocávit.

16*. Laurentánæ in Lucánia, beáti Ægidii (Bernardíni) Di Bello, religiósi ex Ordine Fratrum Minórum, qui reclúsus in spelúnca vixit.

17*. Arequípæ in Perúvia, beátæ Annæ ab Angelis Monteagudo, vírginis ex Ordine Prædicatórum, quæ consílii dono et prophétia in bonum totíus civitátis cómiter se cóntulit.

18. Perúsiæ in Itália, sanctæ Francíscæ Salésia (Leóniæ) Aviat, vírginis, quæ matérna cum dilectiáne indústriaque ad óperam iuvénibus præbéndam se devóvit et Oblátas a Sancto Francisco de Salès instituit.

19*. Matríti in Hispánia, beátæ Mariæ a Dolóribus Rodriguez Sopena, vírginis, quæ, summum cristiánæ caritátis præbens testimónium, ad ínfimos Societátis témporis suis, præsertim in subúrbiis maiórum civitátum, própius accéssit et pro evangélio nuntiándo et paupéribus operariisque in re sociáli provehéndis Institutum Dominárum Catechistárum et Opus Doctrinárum excitávit.

Die 11 ianuárii

Tértio Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

1. **R**omæ, sancti Hýgini, papæ, qui octávus beáti Petri cáthedram ténuít.

2. In Africa, sancti Salvíi, mártiris, in cuius natáli sanctus Augustínus sermónem hábuit ad pópulum Cartháginensem.

3. Tígavæ in Mauretánia, sancti Typásii veteráni, mártýris, qui, ad milítiam revocatús, quia diis sacrificáre nóluit, decollátus est.
4. Cæsaréæ in Palæstína, sancti Petri, cognoménto Apselámi seu Bálsami, mártýris, qui, sub Maximíno imperatóre, sæpe a præside omnibúsque adstántibus rogátus, ut iuventúti suæ párceret, eórum exhortatió nibus negléctis, per ignem, velut aurum purissímum, fidem in Christum forti ánimo testátus est.
5. Brúndusii in Apúlia, sancti Léucii, qui primus eiúsdem civitátis epíscopus cólitur.
6. Pápiæ in Ligúria, translátio sanctæ Honorátæ, vírginis Deo dicátæ, soróris sancti Epiphánii epíscopi.
7. In erémo Iudææ, sancti Theodósii, cœnobiárchæ, qui, sancto Sabæ amícus, post longam solitáriam vitam multos discípulos sibi sócios ascívit et in monastériis a seípso extrúctis vitam commúnem excóluit, donec multa pro fide Cathólica passus centenárius tandem in pace Christi quiévit.
- 8*. Foroiúlii in Venétia, sancti Paulíni, epíscopi Aquileiénsis, qui ad fidem Avaros et Slovénos convertére conátus est et ad Cárolum Magnum regem carmen de régula fidei præclárum obtulit.
- 9*. Cátanæ in Sicília, beáti Bernárdi Scammacca, presbýteri ex Ordine Prædicatórum, qui in egénos præsértim et ægrótos misericórdia enítuit.
- 10*. Londínii in Anglia, beáti Guliélmi Carter, mártýris, qui, vir nuptus, sub Elísabeth regína Prima ob tractátum de schísmate typis éditum Tybúrni láqueo suspénsus est et dire disséctus.
11. In vico *Bellegra* in Látio Itáliæ, sancti Thomæ de Cora (Francísci Antónii) Placidi, presbýteri ex Ordine Fratrum Minórum, vitæ austeritáte et prædicatióne præclári ac recéssuum conditóris exímii.
- 12*. Prope Gedánum in Polónia, beáti Francísci Rogaczewski, presbýteri et mártýris, qui, témpore occupatiónis Polóniæ sub regímine in Deum hostíli, ob fidem plumbis interféctus est.

Die 12 ianuárii

Prídie Idus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	F	G	H	M	N	P							
2	3	4	5	6	7	7	8	9	10	11	12							

1. **C**æsaréæ in Mauretánia, sancti Arcádii, mártiris, qui, témpore persecutióinis látitans, cum propínquus eius vicem captus esset, sponte iúdice se trádedit ac diis sacrificáre rénuít, quaprópter acerbíssima supplícia passus martýrium consummávit.

2. Constantinópolis, Sanctórum mártirum Tígrii, presbýteri, et Eutrópii, lectóris, qui, témpore Arcádii imperatóris, cum de incéndio, quo Ecclésia prínceps et senátus cúria conflagráverant, tamquam per eos ad exsílum sancti Ioánnis Chrysóstomi ulciscéndum excitáto, per calúmniam accusáti essent, sub præféceto urbi Optáto, inánium deórum superstitióne implicito et christiánæ religiónis osóre, passi sunt.

3*. Areláte in Província Gállia, sanctæ Cæsáriæ, abbatíssæ, soróris sancti Cæsárii epíscopi, qui pro eádem eiúsque Soróribus Régulam sanctárum vírginum scripsit.

4*. Gratianópolis in Burgúndia, sancti Ferréoli, epíscopi et mártiris, quem ad plebem prædicántem ímpii sicárii íctibus interfecérunt.

5. Viremúdæ in Northúmbria, sancti Benedícti Biscop, abbátis, qui, quínquies Romam peregrinátus, secum in pátriam magístros et líbros multos détulit, ut intra monastérii clausúram mónachi sub Régula sancti Benedícti congregáti profécitu sciéntiæ suæ eminentem revéra Christi caritátem pro Ecclésia lucraréntur.

6*. In monastério Rievallénsi item in Northúmbria, sancti Ælrédi, abbátis, qui, in regis Scótiæ aula educátus, in Ordinem Cisterciénsem ingressus est et, conversatióinis monásticæ magíster exímus, vitam spiritálem et amicítiam in Christo gestis scriptisque instánter ac suáviter promóvit.

7*. Legióne in Hispánia, sancti Martíni de Sancta Cruce, presbýteri et canónici Régularis, Sacrárum Scripturárum viri vere períti.

8. Panórmí in Sicília, sancti Bernárdi de Corileóne, ex Ordine Fratrum Minórum Capuccinórum, mirábili caritáte et pæniténtia præclári.

9. Maríanópoli in Província Quebecénsi Cánadæ, sanctæ Margarítæ Bourgeoys, vírginis, quæ colónis militibúsque levámen omnímodo áttulit et pro puéllis christiána institutióne erudiéndis máximas impéndit curas, quaprópter Congregatiónem Sorórum a Nostra Dómina fundávit.

10*. Apríliaci apud Andégavum in Gállia, beáti Antónii Fournier, mártiris, qui, ártifex, témpore gállicæ perturbatiónis, propter fidelitátem Ecclésiæ servátam plumbis cæsus est.

11*. Cadómi in Gállia, beáti Petri Francísci Jamet, presbýteri, qui, in relígiosás Fílias Boni Salvatóris adiuvándas sive magnæ perturbatiónis témpore sive post pacem Ecclésiæ restitútam omni stúdio incúbuit.

12. Viarégii in Itália, sancti Antónii Maríæ Pucci, presbýteri ex Ordine Servórum Maríæ, qui, fere quinquagínta annos paróchus, ad púeros curándos enísus est egestáte vel morbo circumvéntos.

13*. In vico *Tomhom* prope Bangkókium in Thailándia, beáti Nicolái Bunkerd Kitbamrung, presbýteri et mártiris, qui, Evangélii præco exímus, témpore persecutiónis contra Ecclésiám in cárcerem trusus, in ægrótis adiuvándis ipse phthisi corréptus glorióse occúbuit.

Die 13 ianuárii

Idibus ianuárii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	8	8	9	10	11	12	13							

Sancti Hilárii, epíscopi et Ecclésiæ doctóris, qui, ad sedem Pictaviensem in Aquitánia evéctus, sub Constántio imperatóre ariánæ háeresi addícto scriptis fidem nicænam de Trinitáte ac de Christi divinitáte

strénue propugnávit, quaprópter quadriennium in Phrýgiam relegátus est. Commentária quoque celebérissima in Psalmos necnon in Matthæi Evangélium confécit.

2. Singidúni in Móesia, Sanctórum Hermýlii et Stratoníci, mártýrum, qui post sæva torménta sub Licínio imperatóre in Istrum flumen demérsi sunt.

3. Tréviris in Gállia Bélgica, sancti Agrícii, epíscopi, qui palátium a sancta Hélena dona datum in ecclésiám convértit.

4. Remis item in Bélgica, depositio sancti Remígii, epíscopi, qui, post Clodovéum regem sacro baptísmatis fonti et fidei sacraméntis initiátum, Francórum gentem ad Christum convértit et, annis ultra sexagínta in episcopátu exáctis, sanctitáte conspicuus e vita decéssit.

5*. Glasguæ in Scótia, sancti Kentigérni, epíscopi et abbátis, qui ibídem sedem suam constituit et magnam monachórum Congregatiónem secúndum formam primæevæ Ecclésiæ instituísse narrátur.

6. Capitolíadi in Batánea, sancti Petri, presbýteri et mártýris, qui, Coram Walid Saracenórum príncipe accusátus quod fidem Christi per vias palam docéret, lingua manibúsque et pédibus amputátus et cruci affixus martýrium, quod ardéter appetíerat, consummávit.

7. Córdubæ in Vandalícia Hispániæ regióne, Sanctórum mártýrum Gumesíndi, presbýteri, et Servidéi, mónachi, qui, cum ante Mauros príncipes iudicésque se cristiános proféssi essent, ob Christi fidem occubuérunt.

8*. In monastério Ilbenstadénsi in Germánia, sancti Godefrídi, qui, comes Capenbergénsis, bonis invítis, ipsum castrum suum in monastérium mutári vóluit et, hábitu canonicáli assúpto, egénis et infirmis strénuam navávit óperam.

9*. Prope Hóium in pago Leodiénsi, sanctæ Iuttæ, quæ, vídua, ad leprósos curándos se cóntulit, tandem prope eos reclúsa vitam degit.

10*. Medioláni in Langobárdia, beátæ Verónicæ de Binásco Negroni, vírginis, quæ monastérium Sanctæ Marthæ sub Régula sancti Augustíni ingrèssa, ad altíssimam se cóntulit contemplationem.

11. In urbe *Nam Dinh* in Tunquino, Sanctórum mártýrum Domínici Pham Trong (Án) Kham, Lucæ (Cai) Thín, eiúsdem filii, et Ioséphi Pham Trong (Cai) Ta, qui sub imperatóre Tu Đức, torménta mortémque subíre maluérunt quam crucem calcáre.

12*. Intra castra detentiónis Dacháni prope Monáchium Baváriæ in Germánia, beáti Æmílii Szramek, presbýteri et mártýris, qui, polónus natióne, in tempestáte belli hunc in campum inhumáne ob Christi fidem coram persecutóribus defénsam deportátus est et torméntis excruciatús occúbuit.

Die 14 ianuárii

Décimo nano Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	30	1	2	3
A	B	C	D	E	F	F	G	H	M	N	P							
4	5	6	7	8	9	9	10	11	12	13	14							

1. Commemorátio sancti Potíti, mártýris, qui Sárdicæ in Dácia multa passus, demum gládio martýrium consecútus esse narrátur.

2. Antiochiæ in Sýria, sancti Glycérii, díaconi et mártýris.

3. Nolæ in Campánia, sancti Felícis, presbýteri, qui, ut sanctus Paulínus refert, persecutionibus furentibus, in cárcerem coniéctus acerbíssima sustínuit torménta et, pace tandem conciliata, inter suos rédiit in paupertáte secédens ad senéctam usque, conféssor fidei invíctus.

4. Commemorátio Sanctórum monachórum, qui Raíthi et in monte Sina ob Christi fidem interfécti sunt.

5. Apud Hibéros ultra Pontum Euxínium, sanctæ Ninónis, quæ, capta christiána, ob vitæ suæ sanctimóniam tantam adépta est reveréntiam et admiratióem ómnium, ut regínam ipsam, cuius filíolum suis précibus sanáverat, regem et univérsum gentem suam ad Christi fidem alliceret.

6*. Apud Gábalos in Gállia, sancti Firmíni, epíscopi.

7*. Arvérnæ in Aquitánia, sancti Euphrasii, epíscopi, cuius sanctus Gregórius Turonénsis laudat hospitalitátem.

8. Medioláni in Ligúria, depositio sancti Dátii, epíscopi, qui in controversia de Tribus Capítulis Vigílii papæ senténtiam deféndit, quem Constantinópolis comitátus est, ubi de vita decéssit.

9*. Astígi in Báetica, sancti Fulgéntii, epíscopi, cui, fratri sanctórum Leándri, Isidóri et Florentínæ, Isidórus tractátum «De officiis ecclésiasticis» dicávit.

10*. Taliacóti in Aprútio, beáti Odónis Novariénsis, presbýteri ex Ordine Cartusianórum.

11*. Utini in Venétia, beáti Odoríci de Portu Naónis Mattiuzzi, presbýteri ex Ordine Minórum, qui, per quas Tartarórum, Indórum Sinensiúmque regiónés progréssus est usque ad Sinárum príncipem urbem *Kambalik*, eásdem Evangélii prædicatióne longe latéque perlústrans multos ad Christi fidem perdúxit.

12*. Batáviæ in Surinámia, beáti Petri Donders, presbýteri e Congregatióne Sanctíssimi Redemptóris, qui indeféssa caritáte leprosórum tam córporum quam animárum curam egit.

Die 15 ianuárii

Décimo Octávo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

1. **A**nágniæ in Látio, sanctæ Secundínæ, vírginis et mártiris.

2. Constantinópolis, sancti Ioánnis Calybítæ, qui, ut fertur, aliquámdiu in patérnæ domus recéssu, dein in «kalýba», scílicet tugúrio, habitávit, totus contemplatióni déditus et e conspéctu ipsórum paréntum ábditus, a quibus post mortem tantum ágnitus est ex códice aureo, quem filio déderant.

3*. In monastério *Cluain Credal* in Hibérnia, sanctæ Itæ, vírginis eiúsdem monastérii fundatrícis.

4. Reáte in Sabína, commemorátio sancti Probi, epíscopi, cuius elógium sanctus Gregórius papa Magnus fecit.

5. Glannafólí ad Lígerim in território Gállíæ Andegavénsi, sancti Mauri, abbátis.

6*. In pago Ruthenénsi item in Gállia, sanctæ Tarsícíæ, vírginis et mártiris.

7*. Haméti in Brabántia, sancti Ablebérti seu Eméberti, epíscopi Cameracénsis.

8*. Carnúti in Néustria, sancti Malárdi, epíscopi.

9*. In valle Anauniénsi in agro Tridentíno, sancti Romédii, anachorétæ, qui, bonis suis Ecclésiæ allátis, vitam pæniténtem duxit in erémo adhuc nómine suo appelláto.

10. Lugdúni in Gállia, tránsitus sancti Boníti, epíscopi Arvernórum, qui, præféctus Massíliæ ad episcopátum in locum sancti Avíti fratris sui evéctus, decem post annis múnere abdicáto, in Magnilocénsi cænóbio degit et, Roma peregrínus rédiens é, Lugdúni óbiit.

11*. Armi prope Rhégium iúlii in Calábria, sancti Arsénii, eremítæ, qui oratióne et austeritáte enítuit.

12*. Apud Fanum Sancti Ægídii in Província, beáti Petri de Castronóvo, presbýteri et mártiris, qui, in monastérium Cisterciénse Fontis Frigidæ ingrèssus, ab Innocéntio papa Tértio ad pacem evangelizándam et ad fidem in Província instruéndam deputátus, ab hæréticis láncea transfóssus occúbuit.

13*. Plebe in Umbria, beáti Iacóbi, cognoménto Eleemosynárii, qui, iuris perítus, advocátum Páuperum et oppressórum se præbuit.

14*. In território Gualdénsi item in Umbria, beáti Angeli, eremítæ.

15. In urbe *Fuan* Provínciæ *Fujian* in Sinis, sancti Francísci Fernández de Capillas, presbýteri ex Ordine Prædicatórum et mártiris, qui, cum nomen Christi in ínsulas Philippínas et in *Fujian* portásset, ibídem in persecutióne Tartarórum diu in custódiam coniectus est et tandem cápite obtruncátus.

16. In vico *Steyl* in Nederlándia, sancti Arnóldi Janssen, presbýteri, qui ad fidem in missiõnibus propagándam Societátem Verbi Divíni fundávit.

17*. Berolíni in Germánia, beáti Nicolái Gross, patrisfamílias et mártiris, qui, ad rem sociálem pénitus inténtus, nefário regímīni humánæ dignitáti ac religiõni infénso omnímōdo óbstitit, ut nihil contra Dei mandáta ágeret, quaprópter in cárcerem coniéctus per suspéndii cruciátum victóriæ Christi párticeps factus est.

Die 16 ianuárii

Décimo séptimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	30	1	2	3	4	5
A	B	C	D	E	F	F	G	H	M	N	P							
6	7	8	9	10	11	11	12	13	14	15	16							

1. **R**omæ in cœmetério Priscíllæ via Salária Nova, depositio sancti Marcélli Primi, papæ, qui, ut sanctus Dámasus refert, verídicus pastor, a lapsis dire vexátus pæniténtiam ab ipso statútam spernéntibus et tyránno flagitióse delátus, e pátria pulsus exsul óbiit.

2*. Aulóne in Illyríco, sancti Danáctis, mártiris.

3. Rhinocorúræ in Ægýpto, sancti Melæ, epíscopi, qui, sub Valénte imperatóre ariáno exsílīum pro fide orthódoxa passus, in pace quiévit.

4. Areláte in Província Gállia, sancti Honoráti, epíscopi, qui in ínsula Lirinénsi monastérium celebérrimum instítuit et Arelaténsis Ecclésiæ régimen suscepit.

5*. Tarantásiæ in Gállia Viennénsi, sancti Iacóbi, epíscopi, discípuli sancti Honoráti Lirinénsis.

6. Opitérgii in Venétia, sancti Titiáni, epíscopi.

7*. In agro Turonénsi Gálliae Lugdunénsis, commemorátio sancti Leobátii, abbátis, qui, a magístro suo sancto Urso cœnóbio Senapáriæ nuper cóndito præpósitus, in summa sanctitáte et senectúte perdurávit.

8*. In pago Dumbénsi territórii Lugdunénsis in Gállia, sancti Triviéri, presbýteri, mónachi tandémque eremítæ.

9. Macerácii ad Althéiam flúvium in Gállia, sancti Fúrsei, abbátis primum in Hibérnia, exínde in Anglia, dein in Gállia, ubi monastérium Latiniacénse cóndidit.

10*. Báinei in Flamínia, sanctæ Ioánnæ, vírginis, quæ, in Ordinem Camaldulénsium recépta, obœdiéntia máxime ac humilitáte refúlsit.

11. Apud urbem Maróchium in Mauretánia, pássio Sanctórum mártýrum Berárdi, Othónis, Petri, presbyterórum, Accúrsii et Adiúti, relígiósórum, ex Ordine Minórum, qui a sancto Francíscó ad Christi Evangélium musulmánis nuntiándum missi, Híspali comprehénsi, mox Maróchium dedúcti, Maurórum princípis iussu gládio cæsi sunt.

12*. Cándii in Taprobáne ínsula Océani Indici, beáti Ioséphi Vaz, presbýteri e Congregatióne Oratórii, qui admirábili ardóre in laboriósiss per campos itinéribus cathólicos disseminátos et ábditos indefesse in fide confirmávit atque Evangélium salútis sédulo prædicávit.

13*. Bríxiæ in Itália, beáti Ioséphi Antónii Tovini, qui, magíster, plures instítuit scholas cristiánas et ópera pública ædificánda curávit, semper, in quæ gessit negótia, documénta oratiónis ac virtútum áfferens.

14*. Valéntiæ in Hispánia, beátæ Ioánnæ Mariæ Condesa Lluch, vírginis, quæ sollérti caritátis ac sacrificii amóre ad ínopés, púeros et iúvenes óperarias adiuvándos húmili labóris stúdio se trádedit, pro quorum tutéla atque institutióne Congregatiónem Ancillárum ab Immaculáta Conceptione Protectricum Óperariarum fundávit.

Die 17 ianuárii

Sexto décimo Kalendas februarii. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	12	13	14	15	16	17							

Memória sancti Antónii, abbátis, qui, paréntibus orbátus, evangélica excípiens præcépta ómnia bona distríbuit paupéribus et in solitúdinem apud Thebáidem in Ægýpto recéssit, ubi vitam ascéticam ágere cœpit, Ecclésiæ roborándæ óperam navávit, fidei confessóres in persecutióne Diocletiáni imperatóris sústinens, et sanctum Athanásium contra ariános fulsit. Tantos vero hábuit discípulos, ut pater monachórum vocarétur.

2. In Cappadócia, Sanctórum Speusíppi, Elasíppi, Melasíppi, fratrum, et eórum áviae Leoníllæ, mártýrum.

3. In Osrhoéne, commemorátio sancti Iuliáni, ascétæ, a vernáculis Sabæ, id est senis, cognomináti, qui, licet civitátis strépitus detestátus sit, diléctam solitúdinem ad tempus relíquit, ut Antiochiæ ariánæ háeresis sectatóres sédulo confúnderet.

4. Dere Vocontiórum in Gállia Lugdunénsi, sancti Marcélli, epíscopi, qui, defénsor civitátis, ob Cathólicam fidem servátam ab Eurico rege ariáno in exsílium pulsus est.

5. Apud Biturígas in Aquitánia, sancti Sulpícii, cognoménto Pii, epíscopi, qui, ex aula régia ad episcopátum promótus, nihil cárius hábuit quam curam gérere páuperum.

6*. In Bavária, beáti Gamelbérti, presbýteri, qui bona sua Uthóni, quem de sacra fonte suscepérat, trádídít, ut monastérium Metheménse fundarétur.

7*. Apud Forum Iúlii in Província Gállia, sanctæ Rosselínæ, prioríssæ Cellæ Robáudi Ordinis Cartusiénsis, quæ abnegatióne sui, cibi somníque ieiúnio et austeritate enítuit.

8. In civitate *Tocolatlán* in México, sancti Ianuárii Sánchez Delgadillo, presbýteri et mártýris in persecutióne mexicána.

Die 18 ianuárii

Quinto décimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	13	14	15	16	17	18							

1. **C**arthágine, Sanctórum mártýrum Successi, Pauli et Lúcii, episcopórum, qui Concílio in hac civitatē hábito interfuerunt et sub Décio imperatōre passi sunt.

2. Nicáeæ in Bithýnia, Sanctórum Coscónii, Zenónis et Melaníppi, mártýrum.

3. Apud Fuxum in Gállia Narbonénsi, tránsitus sancti Volusiáni, epíscopi Turonénsis, qui, a Gothis captus, in exsílio Deo spíritum réddidit.

4. Romæ, commemorátio sanctæ Priscæ, sub cuius nómine basílica in colle Aventíno Deo dedicáta est.

5. In monastério Lutrénsi in Burgúndia, sancti Deícoli, abbátis, qui, natióne hibérnus et sancti Columbáni discípulus, cœnóbium illud condidisse fertur.

6*. Ferriáræ in Æmília, beátæ Beatricis Esténsis, moniális, quæ, cóniuge defúnto et principátu sáeculi abdicáto, Deo in monastério ab ipsa sub Régula sancti Benedícti fundáto se dicávit.

7. Apud Budam in Hungária, sanctæ Margarítæ, vírginis, quæ, filia Belæ regis Quarti, a paréntibus pro pátriæ liberatióne a Tártaris Deo vota et infans moniálibus Ordinis Prædicatórum trádicta, adhuc duodénnis professióne religiósá ita Dómino totam se cóntulit, ut Christo Crucifixo impigre studúerit assimilári.

8*. Cremónæ in Langobárdia, beáti Fácii, qui, áurifex, ex pátria Veronénsi huc migrávit, pæniténtiæ, peregrinatióibus et ægrotórum solámini magnópere déditus.

9*. Morbínii in Alpibus, beáti Andréæ de Piscária Grego, presbýteri ex Ordine Prædicatórum, qui pédibus totam regiónem diu peragrávit, parce vivens iuxta páuperes et ómnium ánimos fratérne sibi concílians.

10*. Aquilæ in Aprútio, beátæ Christínæ (Matthíæ) Ciccarelli, Vírginis ex Ordine Sancti Augustíni.

11*. Braunsbérgre in Borússia, beátæ Regínæ Protmann, vírginis, quæ, amóre páuperum capta, in egenórum servítium magnópere incúbuit et Congregatiómem Sorórum Sanctæ Catharínæ fundávit.

12*. Apríliaci apud Andégavum in Gállia, beatárum Felicitátis Pricet, Mónica Pichery, Cárolæ Lucas et Victóriæ Gusteau, mártýrum, quæ, gállica perturbatióne sæviénte, in ódium Christiánæ religiónis plumbis cæsæ sunt.

13*. Cássiæ in Itália, beátæ Mariæ Terésíæ (Mariæ Ioánnæ) Fasce, abbatíssæ monastérii Ordinis Sancti Augustíni, quæ ascésim ac contemplatiómem cum opéribus summópere coniúnxit erga peregrínos et indigéntes conficiéndis.

Die 19 ianuárii

Quarto décimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	14	15	16	17	18	19							

1. **S**myrnæ in Asia, pássio sancti Germánici, mártýris Philadelphíæ, qui, témpore Marci Antoníni et Lúcii Aurelíi imperatórum, sancti Polycárpi discípulus fuit, quem in martýrio præcéssit, cum, primáevæ ætátis venustáte florénte a iúdice damnátus, Dei virtúte metum corpóreæ suæ fragilitátis exclúdens béstiam ipsi parátam sponte provocávit.

2. Apud Spolétum in Umbria, sancti Pontiáni, mártýris, qui, témpore Antoníni imperatóris, pro Christo vehementíssime virgis cæsus esse tráditur, tandem gládio transfóssus.

3. Via Cornélia miliário Tértio décimo ab urbe Roma in cœmetério ad Nymphas, Sanctórum Márii, Marthæ, Audífacis et Abaci, mártýrum.

4. Commemoratio sancti Marcarii Magni, presbyteri et abbatis monasterii Scetis in Ægypto, qui, mundo sibique mortuus, Deo soli vivebat, quod etiam suos docebat.

5. Commemoratio sancti Marcarii, cognomento Alexandrini, presbyteri et abbatis apud montem Scetim in Ægypto.

6. Laude Pompéia in Ligúria, commemoratio sancti Bassiani, episcopi, qui, ut gregem suum ab arianorum hæresi ibidem adhuc vigente defenderet, una cum sancto Ambrósio Mediolanensi strenue decertavit.

7. Comi in Langobardia, sanctorum Liberatæ et Faustinae, Sororum et virginum, quæ monasterium Sanctæ Margaritæ condiderunt.

8*. In pago Dorcasino apud Carnutum in Neustria, sancti Launomari, abbatis monasterii Corbionensis, quod in Pertici solitudine fundavit.

9. Ravennæ in Flaminia, sancti Ioannis, episcopi, qui dum bello langobardico tota quatiebatur Italia, Ecclesiæ necessitatibus optime providit, sancto Gregorio papa Magno teste, qui ad eum librum Regulæ pastoralis misit.

10*. Rothomagi in Neustria, sancti Remigii, episcopi, Pippini regis fratris, qui sollerti industria psalmodiæ cantum more romano modulari curavit.

11*. Corcyrae in Graecia, sancti Arsenii, episcopi, qui pastor fuit ovili intentus et orationi nocturnæ assiduus.

12*. Hispali in Hispania, beati Marcelli Spínola y Mæstre, episcopi, qui ad societatem humanam provehendam círculos operariorum condidit, pro veritate et æquitate propugnavit et domum suam egenis aperuit.

Die 20 ianuarii

Idibus ianuarii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	8	8	9	10	11	12	13							

Sancti Fabiáni, papæ et mártiris, qui láicus ad pontificátum divínitus est vocátus, et fidei ac virtútis gloriósum præbens exémplum, in persecutióne Décii imperatóris passus est; de eiúsdem agóne gratulátur sanctus Cypriánus quod in regénda Ecclésia irreprehensíbile illustréque testimónium perfecísset. Eius corpus Romæ via Appia in cœmetério Callísti hac die depósitum est.

Sancti Sebastíani, mártiris, qui, ex Medioláno oriúndus, ut refert sanctus Ambrósius, Romam proféctus est, quando persecutiónes acerbæ fervébant, ibíque passus est; itaque in Urbe, quo hospes advénerat, domicílium immortalitatis perpétuæ obtínuit. Eius depositio item Romæ ad Catacúmbas hac eádem die evénit.

3. Apud Antínoen in Thebáide, sancti Asclæ, mártiris, qui coram præside minas non tímuit, cum maior ei formído Christum contémnere esset, et post vária torménta in flumen præcipitátus est.

4. Nicææ in Bithýnia, sancti Neóphyti, mártiris.

5. In Palæstína, sancti Euthýmii, abbátis, qui, natióne arménus et ab infántia Deo consecrátus, Hierosólymam pétiiit et, plúrimis annis in solitúdine exáctis, ad extrémum vitæ usque firmus et álacer in humilitáte et caritáte, observántia disciplínæ clarus óbiit.

6. Vigórnix in Anglia, sancti Wulfstáni, epíscopi, qui, e clauistro hanc ad sedem episcopálem evéctus, monásticos mores cum zelo pastoráli coniúnxit, summam impéndens curam in parcóecias visitándas, in ecclésiárum erectiόνem incitándam, in litéras fovéndas, necnon in venalícia exprobrándas.

7*. Coltibóni in Etrúria, beáti Benedícti Ricasoli, eremítæ e Congregatióne Vallis Umbrósæ.

8*. In Fínnia, sancti Henríci, epíscopi et mártiris, qui, in Anglia natus, Upsaliénsem Ecclésiám suscepit regéndam omni stúdio in Finnos evangelizándos incúmbens; crudéliter tandem ab homicída trucidátus est, quem iuxta ecclésiasticam disciplínám corrígere conátus erat.

9. Messánæ in Sicília, sanctæ Eustóchii Calafato, vírginis, abbatíssæ ex Ordine Sanctæ Claræ, quæ ad pristinam vitæ régularis disciplínam restaurándam et Christi sequélam e sancti Francísci more fovéndam omni stúdio se cóntulit.

10. Seuli in Coréa, sancti Stéphani Min Kŭk-ka, mártiris, qui, catechísta, in cárcere pro fide christiána iugulátus est.

11*. Casáureæ prope Neápolim in Campánia Itáliæ, beátæ Mariæ Christínæ ab Immaculáta (Adalhéidis) Brando, vírginis, quæ vitam suam in puerórum christiánam institutiónem cóntulit et Congregatiónem Sorórum Víctimárum Expiatrícum a Iesu Sacraménto fundávit, qua adoratiónem sanctæ Eucharístiæ valde suscitávit.

12*. In monastério Montis Sancti Bernárdi apud Licéstriam in Anglia, beáti Cypriáni (Michaélis) Iwene Tansi, presbýteri ex Ordine Cisterciénsi, qui, in território Onitsháno Nigériæ natus, adhuc puer, invíta familia, christiánam fidem proféssus est et sacerdos ordinátus magna cum sedulitate pastoráli curæ se cóntulit, donec mónachus efféctus sancta morte sanctam vitam consummáre méruit.

Die 21 ianuárii

Duodécimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	30	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	16	17	18	19	20	21							

Memória sanctæ Agnétis, vírginis et mártiris, quæ, adhuc puélla, Romæ supréum fidei óbtulit testimónium et título castitátis martýrio consecrávit; nam et ætátem vicit et tyránnum, amplíssimam apud gentes admiratiónem acquisívit, plus étiam maiórem apud Deum glóriam cumulávit. Hac die depositio córporis celebrátur.

2. Commemoratio sancti Públii, epíscopi Athenárum, qui Christo martýrii testimónium dedit.

3. Tarracóne in Hispánia Citerióre, pássio Sanctórum mártirum Fructuósi, epíscopi, Augúrii et Eulógii, eius diaconórum, qui, sub Valeriáno et Galliéno imperatóribus,

post fidei confessiōnem coram Æmiliano procuratōre in amphitheātrum addūcti sunt, ubi, prece ab episcopo fidēlibus adstāntibus clara voce pro pace Ecclēsiæ adhībita, flammis iniēcti et gēnibus nixi deprecāntes martýrium complevērunt.

4. Trecis in Gállia Lugdunēsi, sancti Pátrocli, mártýris.

5. Pápiæ in Ligúria, sancti Epiphánii, epíscopi, qui, témpore incursiōnum barbarórum, de populórum reconciliatiōne, de captívis redimēndis necnon de civitatē ipsa evērsa reficiēda summópere laborávit.

6. In mōntibus circa lacum Turicēsem apud Helvétios, sancti Meginrádi, presbýteri, qui, cōenobíticæ primum, dein eremíticæ vitæ inténtus, a latrónibus interféctus est.

7*. In monte Mercúrio in Lucánia, sancti Zachariæ, Angélici nuncupáti, magístri cōenobíticæ convērsatiōnis.

8*. Londínii in Anglia, beatórum Eduárdi Stransham et Nicolái Wheeler, presbyterórum et mártýrum, qui, sub Elísabeth regína Prima propter sacerdotium cápite damnáti, Tybúrni martýrium subiērunt.

9. Londínii in Anglia, sancti Albáni Roe, ex Ordine Sancti Benedícti, et beáti Thomæ Green, presbyterórum et mártýrum, qui, sub Cárolo rege Primo, alter post septem et decem annos in cárcere peráctos, alter post quattuórdecim, iam senectúte confécti simul pro Christo Tybúrni patíbulo suspēsi sunt.

10*. In monastério Beniganimēsi in pago Valentíno Hispániæ, beátæ Ioséphæ Maríæ a Sancta Agnéte, vírginis ex Ordine Discalceatárum Sancti Augustíni.

11*. Valle Guidónis in Gállia, beatórum presbyterórum Ioánnis Baptístæ Turpin du Cormier et tredécim sociórum,¹ mártýrum, qui ob strénuam Ecclēsiæ Cathólicæ fidelitátem in gállica perturbatiōne cápite truncáti sunt.

12. In pago *Dægu* in Coréa, sancti mártýris Ioánnis Yi Yun-il qui, paterfamílias, agrícōla et catechísta, superátis verbéribus membrorúmque luxatiōne, constans in christiána fide permánsit et æquo ánimo cápitis abscissiōne martýrium adéptus est, última magnæ persecutiōnis in hac natiōe patrátæ víctima.

Die 22 ianuárii

Undécimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	17	18	19	20	21	22							

Sancti Vincéntii, diáconi Cæsaraugustáni et mártýris, qui in persecutióne Diocletiáni imperatórisæ cárceres, famem, ecúleum laminásque candéntes perpéssus, Valéntiæ in Hispánia Carthágínensi invíctus ad martýrii práemium evolávit in cælum.

2. Item commemorátio sancti Valérii, epíscopi Cæsaraugustáni in Hispánia Tarraconénsi, qui Concílio Ilíiberitáno Primo interfuit et, una cum sancto Vincéntio Valéntiam dedúctus, in exsílum pulsus est.

3. Nováriæ in Ligúria, sancti Gaudéntii, qui primus illíus sedis epíscopus habétur.

4. Sergiópolis in Pérside, pássio sancti Anastásii, mónachi et mártýris, qui post plúrima torménta, quæ in Cæsaréa Palæstínæ perpéssus erat, a Chósroe Persárum rege multis pœnis afféctus, post septuagínta sócios, prope flumen suffocátus et cápite truncátus est.

5*. In monastério Romanénsi ad Isaram flumen in Alpibus, depositio sancti Barnárdi, epíscopi Viennénsis, qui, cum e Cároli Magni imperatóris milítia ad milítiam Christi se contulísset, opes a patre accéptas in páuperes erogávit et duo exstrúxit cœnóbia, Ambroniácense et Romanénse, ubi vitæ cursum exégit.

6. Soræ in Látio, sancti Domínici, abbátis, qui monastéria váriis in Itáliæ regiónibus cónclidit aliáque suo reformatiόνis spírítu ad régularem vitam réddidit.

7*. Pisis in Etrúria, beátæ Maríæ Mancini, quæ, bis víduata omnique orbáta prole, adhortánte sancta Catharína Senénsi, vitam commúnem in monastério Sancti Domínici instítuit, cui decem annos práefuit.

8*. Comi in Langobárdia, beáti Antónii della Chiesa, presbýteri ex Ordine Prædicatórum, qui in nonnúllis Ordinis convéntibus vitam régularem restituit, humánam fragilitátem indulgéntia prósequens et firmitáte eméndans.

9*. Londínii in Anglia, beáti Guliélmi Patenson, presbýteri et mártýris, qui, sub Elísabeth regína Prima propter sacerdótium cápite damnátus, étiam in cárcere sex secum deténtos Ecclésiæ reconciliávit et postrémo Tybúrne ferro disséctus mártýrium complévit.

10. In Tunquíno, Sanctórum Francísci Gil de Federich et Matthæi Alonso de Leziniana, presbyterórum ex Ordine Prædicatórum et mártýrum, qui, regnánte Trinh Doanh, post constántem et in vínculis ipsis peráctam Evangélii prædicatiónem, gládio percússi gloriósam pro Christo mortem obiérunt.

11. Romæ, sancti Vincéntii Pallotti, presbýteri, fundatóris Societátis Apostolátus Cathólici, qui scriptis operibúsq; ómnium in Christo baptizatórum vocátióem ad óperam pro Ecclésiá náviter erogándam incitávit.

12*. Burdígalæ in Gállia, beáti Guliélmi Ioséphi Chaminade, presbýteri, qui, zelo pastoráli in occúlto diu audácter exército, fidéles láicos pro beátæ Mariæ Vírginis cultu et missiónibus éxteris promovéndis congregáre stúduit, quaprópter et Institutum Filiárum a María Immaculáta et Societátem Mariæ fundávit.

13*. In pago *Junin* Andárum in Argentína, beátæ Lauræ Vicûna, vírginis, quæ, in urbe Sancti Iacóbi in Chília nata, alúmna in Instituto Mariæ Auxiliatrícis, pro matris convérsióne Tértio décimo ætátis anno vitam Deo obtulit.

14*. In Parvo Castélló Gardæ in Itália, beáti Ioséphi Nascimbeni, presbýteri, fundatóris Institutí Parvárum Sorórum a Sacra Família.

15*. Vindobónæ in Austria, beáti Ladislái Batthyány-Strattmann, qui, paterfamílias, tum in familia cum in civíli societáte vitæ et óperum sanctitáte Evangélium testíficans, médici nomen et dignitátem vero christiáno more cóluit et magna cum caritáte óperam ægróti assidéndó navávit, pro quibus valetudinária fundávit, ubi, omni vanitáte neglécta, páuperes inopésque tantum excipiébat.

Die 23 ianuárii

Décimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	18	19	20	21	22	23							

1. **Cæsaréæ in** Mauretánia, Sanctórum mártýrum Sevériani et Aquilæ, cóniugum, qui igne combústi sunt.
2. Romæ via Nomentána in cœmetério Maióre, sanctæ Emerentiánæ, mártýris.
3. Ancýræ in Galátia, Sanctórum Cleméntis, epíscopi, et Agathángeli, mártýrum.
- 4*. Theáni in Campánia, commemorátio sancti Amásii, epíscopi.
5. Toléti in Hispánia, sancti Hildephónsi, epíscopi, qui, mónachus et cœnóbii rector, antístes eléctus est atque plúrimos luculentióre sermóne scripsit libros, preces litúrgicas insíignes exarávit et miro devótiónis zelo beátam Mariám Dei Genetrícem et semper Vírginem excóluit.
- 6*. Domnipétræ in território Bisuntíno in Burgúndia, sancti Maimbódi, qui, natióne hibérnus, peregrínus efféctus et eremíta, a latrónibus occísus esse tráditur.
7. Seuli in Coréa, sancti Andréæ Chong (Tyong) Hwa-gyöng, catechístæ et mártýris, qui, sancto epíscopo Lauréntio Imbert auxílium præstans, domum suam refúgium christianórum fecit, quaprópter íctibus sæve cæsus est ac tandem in cárcere láqueo interémptus.

Die 24 ianuárii

Nono Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	19	20	21	22	23	24							

Memória sancti Francísci de Salès, epíscopi Genevénsis et doctóris Ecclésiæ, qui, verus pastor animárum, ad communionem Cathólicam plúrimos fratres ab ea seiúctos addúxit, devotióne amorémque Dei scriptis christiános edócuit atque Ordinem Visitationis cum sancta Ioánná de Chantal instítuit; Lugdúni vero in humilitáte degens ánimam Deo réddidit die duodetrigésima decémbris et hac die Annécii depósitus est.

2. Fulgínii in Umbria, sancti Feliciáni, qui primus epíscopus huius regiónis habétur.

3. In pago Trecénsi in Gállia Lugdunénsi, sancti Sabíniáni, mártiris.

4. Antiochiæ in Sýria, pássio sancti Bábylæ, epíscopi, qui, in persecutióne Décii imperatóris, postquam frequéter pássionibus suis ac cruciátibus glorificáverat Deum, gloriósum vitæ finem sortítus est in férreis vínculis, quibúscum corpus suum et sepeliri mandávit. Cum eo étiam passi referúntur púeri tres, scílicet Urbánu, Prilidánu et Epolónu, quos ille in Christi fide instrúxerat.

5. Cinguli in Picéno Itáliæ, sancti Exsuperántii, epíscopi.

6*. Bináci prope Mediolánum in Langobárdia, beátæ Paulæ Gambara Costa, víduæ, quæ, Tértio Ordini Sancti Francísci adscrípta, violéntum cóniugem patiénter tolerávit et ad conversióne duxit atque caritátem in páuperes semper insígniter exércuit.

7*. Londínii in Anglia, beatórum mártirum Guliélmi Ireland, presbýteri e Societáte Iesu, et Ioánnis Grove, eius fámuli, qui, sub Cárolo rege Secúndo proditionis crimine falso insimuláti, Tybúrne pro Christo mártýrium subiérunt.

8*. In vico *Sainville* in pago Gállia Carnuténsi, beátæ Mariæ Poussepin, vírginis, quæ ad pastóres animárum adiuvándos, ad puéllas erudiéndas necnon ad egénos ægrotósque iuvándos Institutum Sorórum Dóminicarum a Caritáte a Præsentatióne Beátæ Mariæ Vírginis fundávit.

9*. In vico *Pratulin* in pago Siedlecénsi Polóniæ, beatórum Vincéntii Lewoniuk et duódecim sociórum,² mártýrum, qui, nec minis nec illecébris commóti, ab Ecclésia Cathólica discédere noluérunt ac dénique parœciæ suæ claves trádere respuéntes inérmes occísi sunt vel ad mortem vulneráti.

10*. Romæ, beáti Timóthei (Ioséphi) Giaccardo, presbýteri, qui in Pia Societáte a Sancto Paulo plúrimos instítuit discípulos ad mundo Evangélium nuntiándum, opportunis adhíbitis communicatiónis sociális instruméntis.

Die 25 ianuárii

Octávo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	30	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	20	21	22	23	24	25							

Festum Conversiόνis sancti Pauli, Apóstoli, cui, apud Damáscum cum iter fáceret, adhuc spirans minis et cæde in discípulos Dómini, ipse Iesus in via se gloriósum revelávit eúmque elégit, ut, Spíritu Sancto replétus, Evangélium salútis in géntibus nuntiáret, pro Christi nómine multa pátiens.

2. Commemorátio sancti Anániae, qui, discípulus Dómini, Damásci Paulum convérsus baptizávit.

3*. Putéolis in Campánia, sancti Arthématis, mártýris.

4. Carthágine, sancti Agiléi, mártýris, in cuius die natáli in Ípsius basílica sanctus Augustínus tractátum de eo ipso ad pópulum hábuit.

5. Naziánzi in Cappadócia, natális sancti Gregórii, epíscopi, cuius memória die secunda ianuárii ágitur.

6. Commemorátio sancti Bretanniónis, epíscopi Tomitáni in Scýthia, qui sub Valénte imperatóre ariáno, cui fórtiter réstitit, mira sanctitáte et zelo Cathólicæ fidei flóruit.

7. Tabennési in Thebáide Ægýpti, sancti Paláemonis, anachorétæ, qui, oratióni austeritatibúsqe assíduis déditus, magíster fuit sancti Pachómii.

8. Arvérnæ in Aquitánia, Sanctórum Præiécti, epíscopi, et Amaríni, viri Dei, qui ambo a procéribus eiúsdem urbis trucidáti sunt.

9. Marciánæ in Flándria, sancti Poppónis, abbátis Stabulénsis et Malmundariénsis, qui in multis monastériis Lotharíngiæ observántiam Cluniacénsem diffúdit.

10*. Ulmæ in Suévia Germániæ, beáti Henríci Susa, presbýteri ex Ordine Prædicatórum, qui moléstias et ægritúdines innúmeras patiénter tolerávit, tractátum de æténa sapiéntia compósuit et suavíssimum nomen Iesu assídue prædicávit.

11*. Amándulæ in Picéno Itáliæ, beáti Antónii Migliorati, presbýteri ex Ordine Eremitárum Sancti Augustíni.

12*. Mántuæ in Langobárdia, beátæ Archángelæ (Eleonóræ) Giralani, vírginis ex Ordine Carmelitárum, prioríssæ convéntus Parménsis et cœnóbii Mantuáni fundatrícis.

13*. Dertósæ in Hispánia, beáti Emmanuélis Domingo y Sol, presbýteri, qui Societátem Sacerdotum Operariórum ad vocátiones sacerdotáles fovéndas instítuit.

14*. Alexandríæ in Itália, beátæ Mariæ Antóniæ (Terésíæ) Grillo, religiósæ, quæ, vídua effécta, necessitátes Páuperum miséricors suscepit et, ómnibus, quæ habébat, vénditis, Congregatiónem Parvárum Sorórum a Divína Providéntia instítuit.

15*. Intra castra detentiónis Dacháni prope Monáchium Baváriæ in Germánia, beáti Antónii Świadek, presbýteri et mártiris, qui, belli témpore, in fide defendénda coram sectatóribus doctrínarum humánam omnem et christiánam dignitátem denegántium immarcescíbilem accépit corónam.

Die 26 ianuárii

Séptimo Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	30	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	21	22	23	24	25	26							

Memória Sanctórum Timóthei et Titi, episcopórum, qui, discípuli sancti Pauli Apóstoli et adiutóres eius in apostolátu, alter Ecclésiæ Ephesínæ, alter vero Creténsi præfuit; quibus inscriptæ sunt epístulæ, quæ sapiéntes præbent admonitiónes pro pastórum et fidélium institutióne.

2. Hippóne Régio in Numídia, sancti Theógenis, mártiris, de quo sanctus Augustínus sermónem hábuit.

3. Apud Bétlehem Iudæ, dormítio sanctæ Paulæ, víduæ, quæ, e nobilíssimo senatórum génere, sáeculo renuntiávit et, ópibus paupéribus distribútis, cum beáta vírgine Eustóchio, filia sua, ad præsépe Dómini se recépit.

4*. Hierosólymæ, Sanctórum Xenofóntis et Maríæ eorúmque filiórum Ioánnis atque Arcádii, qui, senatória dignitáte amplissimisque possessiόνibus abdicátis, monásticam vitam in Civitáte Sancta pari animórum ardóre professi esse narrántur.

5*. Cistércii in Burgúndia, sancti Alberíci, abbátis, qui inter primos mónachos Molisménses ad Novum Monastérium venit, quod dein abbas eléctus rexit, omni stúdio et cura ad institúta monachórum énitens tamquam verus Régulæ et fratrum amátor.

6*. Nidarósia in Norvégia, sancti Augustíni (Eystein) Erlandssön, epíscopi, qui Ecclésiám ipsi commíssam, quam valde contra príncipes deféndit, summa cum sedulitáte auxit.

7*. Andégavi in Gállia, beátæ Maríæ de la Dive, mártiris, quæ, vídua effécta, in gállica perturbatióne propter fidelitátem Ecclésiæ servátam decolláta est.

8*. Prope Monáchium Baváriæ in Germánia, beáti Michaélis Kozal, epíscopi auxiliáris Vladislaviénsis et mártiris, qui pro fidei defensióne et Ecclésiæ libertáte sub nefáριο regímine nazistárum tres annos invícta paciéntia in campo exítii intra castra detentiónis Dacháni relegátus est, donec martýrium consummávit.

Die 27 ianuárii

Sexto Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
28	29	30	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	22	23	24	25	26	27							

Sanctæ Angelæ Merici, vírginis, quæ primum Tértii Ordinis Sancti Francísci hábitum sumpsit et puéllas congregávit, quas in opéribus caritátis instrúeret, dein, sanctæ Ursulæ nómine, Ordinem instituit mulierum, cui munus commísit vitæ perféctæ in mundo coléndæ et adulescéntulas in viis Dómini instituéndi; Bríxiæ demum in Langobárdia réddidit ánimam.

2. Soræ in Látio, commemorátio sancti Iuliáni, mártiris, qui témpore Antoníni imperatóris passus esse narrátur.
3. Apud Cenomanum in Gállia Lugdunénsi, sancti Iuliáni, qui eiúsdem urbis primus epíscopus habétur.
- 4*. Mariánæ in ínsula Córstica, commemorátio sanctæ Devótæ, vírginis et mártiris.
5. In monastério Bodacénsi in agro Gállia Sistariénsi, sancti Márii, abbátis.
6. Romæ apud sanctum Petrum, depositio sancti Vitaliáni, papæ, qui salúti Anglórum peculiári stúdio consúluit.
- 7*. Ternodóri in Burgúndia, tránsitus sancti Theodórici, epíscopi Aurelianénsis, qui ad límina Apostolórum iter agens e vita decéssit.
- 8*. Apud Carnútum in Gállia, tránsitus sancti Gilduíni, diáconi Dolénsis in Británnia Minóre, qui, adhuc aduléscens epíscopus eléctus, tantum honórem coram sancto Gregório papa Séptimo útpote indígnus réspuit et, Roma dein revértens, in fínibus huius regiónis fébribus corréptus terrénam perfécit peregrinátionem.

9*. Taruánnæ item in Gállia, beáti Ioánnis, epíscopi, qui, canónicus Régularis, sedem Morinénsem suscepit, in qua triginta ámplius annos simoníacis óbstitit et octo monastéria tam Canonicórum quam monachórum fundávit.

10*. Ripæ Sancti Vitális prope Cómum in Langobárdia, beáti Manfrédi Settala, presbýteri et eremítæ.

11*. Andégavi in Gállia, beátæ Rosáliæ du Verdier de la Sorinière, vírginis in monastério Calvárii eiúsdem civitátis et mártiris, quæ, gállica perturbatióne sæviénte, in ódium Christiánæ religiónis cápitis damnáta est.

12. Prope *Mengo* in Ugánda, pássio sancti Ioánnis Mariæ, propter ánimi maturitátem Muzei seu Senis cognomináti, qui, regis fámulus, christíanus factus e persecutióne effúgere nóluit, sed sponte coram primo regis Mwenga adminístro Christi fidem proféssus est, quare cápite obtruncátus occúbuit, última huius persecutiónis víctima.

13. In óppido *Gilet* in Valéntia Hispániæ Província, sancti Henríci de Ossó y Cervelló, presbýteri, qui, ad puellárum institutiónem provehéndam Societátem Sanctæ Terésíæ fundávit, ex qua póstea amótus, in convéntu Fratrum Minórum réliquos vitæ annos exégit.

14*. Káunæ in Lithuánia, beáti Geórgii Matulaitis, epíscopi Vilnénsis ac dein missi apóstolici in Lithuánia, qui Congregatiónem Clericórum Mariánorum atque Congregatiónem Sorórum Páuperum ab Immaculáta Conceptione Beátæ Mariæ Vírginis fundávit.

Die 28 ianuárii

Quinto Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
29	30	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	23	24	25	26	27	28							

Memória sancti Thomæ de Aquíno, presbýteri ex Ordine Prædicatórum et Ecclésiæ doctóris, qui, summis intelléctus donis præeditus, oratióibus et scriptis exímiam sapiéntiam suam áliis trádedit.

Ad Concílium Ecuménicum Lugdunénse Secúndum ab ipso beáto Gregório papa Décimo vocátus iter fáciens, in monastério Fossænóvæ in Látio die séptima mártii óbiit et multis post annis hac die corpus eius Tolósam translátum est.

2. In monastério Reomáensi apud Línrones in Néustria, sancti Ioánnis, presbýteri, viri Deo devóti, qui mónachos sub Régula sancti Marcárii congregávit.

3. Commemorátio sancti Iacóbi, eremítæ in Palæstína, qui pæniténtiæ causa diu in sepúlcro latuit.

4. Conchæ Valériæ in Nova Castélla Hispániæ, sancti Iuliáni, epíscopi, qui, secúndus antístes post recuperátam a Mauris civitátem Ecclésiám illustrávit, in páuperes bona Ecclésiæ érogans et ópera mánuum victum cotidiánum sibi cómparans.

5*. Apud Sanctum Frediánum prope Pisas in Etrúria, beáti Bartholomæi Aiutamicristo, religiósi ex Ordine Camaldulénsium.

6*. In vico *Plevin* in Británnia Minóre Gálliaë regióne, beáti Iuliáni Maunoir, presbýteri e Societáte Iesu, qui tam in pagis et vicis quam in úrbibus huius Provinciæ quadragínta duos annos missiónibus totum se devóvit.

7. In urbe *Maokou* Provinciæ *Guizhou* in Sinis, sanctórum Agathæ Lin Zhao, vírginis, Hierónymi Lu Tingmei et Lauréntii Wang Bing, mártýrum, qui, catechístæ, sub imperatóre Wenzongxian ut christiáni deláti sunt et demum cápíte truncáti.

8. In urbe *Daijiazhuang* in Provincia *Shandong* meridionáli Sinárum, sancti Ioséphi Freinademetz, presbýteri e Societáte a Verbo Divíno, qui ad opus evangelizatiónis in hac regióne indefesse adlaborávit.

9*. In civitáte *Picassent* in pago Valentíno Hispániæ, beátæ Mariæ Aloýsiæ Montesinos Ordúna, vírginis et mártýris, quæ, persecutióne erga fidem sæviénte, per martýrium victóriæ Christi párticeps facta est.

10*. In campo detentiónis óppidi *Kharsk* prope Tomíscum in Sibiriána Rússiaë Provinciæ, beátæ Olýmpiæ (Olgæ) Bída, vírginis e Congregatióne Sorórum Sancti Ioseph et mártýris, quæ in regímine persecutiónis erga fidem pro Christi amóre ómnia tolerávit advérsa.

Die 29 ianuárii

Quarto Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
30	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	24	25	26	27	28	29							

1. **E**déssæ in Osrhoéne, Sanctórum mártýrum Sarbélii, presbýteri, et Bebáiaæ, soróris eius, qui a sancto Barsimáeo epíscopo ad baptísmum ducti et pro Christo passi esse ferúntur.

2. Romæ via Nomentána in cœmetério Maióre, Sanctórum mártýrum Pápiæ et Mauri, mílitum.

3. Perúsiaæ in Umbria, sancti Constántii, epíscopi.

4. Antiochiæ in Sýria, Sanctórum Iuventíni et Maximíni, mártýrum, qui sub Iuliáno imperátore Apóstata martýrio coronáti sunt.

5. Tréviris in Gállia Bélgica, sancti Valérii, epíscopi, qui secúndus hanc sedem tenuit.

6. Prope Antíochiam in Sýria, sancti Aphraátis, anachorétæ, qui, apud Persas natus atque institútus, magórum vestigia pérsequens in Béthlehem ad Dóminum se convértit et Edéssam petens in domúnculam extra mœnia se recépit, Antiochiæ demum Cathólicam fidem advérsus ariános prædicatióne et scriptis deféndit.

7*. In Británnia Minóre, sancti Gildæ, cognoménto Sapiéntis, abbátis, qui de excídio Británnia e scripsit, pópuli sui calamitátes plorans ac princípum cleríque pravitatē increpans, et Rhuvigiéense monastérium in prospéctu maris condidísse et in ínsula Horáta obiísse fertur.

8. Apud Biturígas in Aquitánia, sancti Sulpícii Sevéri, epíscopi, e senatóribus Gálliarum, cuius sapiéntiam, pastorálem curam et instaurándæ disciplínæ stúdium sanctus Gregórius Turonénsis laudávit.

9*. Floréntiæ in Etrúria, beátæ Villánæ de Bottis, matrisfamílias, quæ, a vita mundána desciscens, hábitum Sorórum de Pæniténtia Sancti Domínici impetrávit atque Christi crucifíxi meditatióne et austéra vivéndi ratióne enítuit, stipem pro paupéribus étiam in viis mendícans.

10*. In urbe Bialostocénsi in Polónia, beátæ Boleslávæ Mariæ Lament, vírginis, quæ inter rerum publicárum mutatiónes Congregatiónem Sorórum Missionariárum a Sacra Família cóndidit pro unitáte christianórum fovénda, derelictis adiuvándis, necnon puéllis christiáne instituéndis.

Die 30 ianuárii

Tértio Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

1. Hierosólymæ, sancti Matthiæ, epíscopi, qui, multa pro Christo perpéssus, demum in pace quiévit.

2. Edéssæ in Osrhoéne, sancti Barsimæi, epíscopi, qui pro Christi fide sub Décio imperatóre verbéribus afféctus esse refértur, sed, exácta persecutióne, e cárcere dimíssus réliquum vitæ tempus in Ecclésiæ ipsi commíssæ régimen summam impendisse óperam.

3. Romæ, commemorátio sanctæ Martínnæ, sub cuius título Donus papa basílicam in foro románo dedicávit.

4. Calæ ad Mátronam in pago Gállia Parisiénsi, sanctæ Bathíldis, quæ, regína, cœnóbia sub Régula sancti Benedícti ex more Luxoviénsi fundávit, post cóniugis Clodovéi Secúndi mortem Francórum regni gubernácula suscepit et, filio regnánte, novíssimos annos sub íntegra religiónis régula convérsata est.

5. Malbódii in Néustria, sanctæ Aldegúndis, abbatíssæ, témpore Dagobérti regis.

6. Pápiæ in Langobárdia, sancti Armentárii, epíscopi, qui corpus sancti Augustíni, a rege Liutprándo translátum, sollémniter in basilica Sancti Petri in Cælo Aureo repósuit.

7. Pássio sancti Theóphili, cognoménto Iúvenis, mártiris, qui præfécus classis christianórum, ab hóstibus apud Cyprum captus et ad ‘Arun suprémmum Saracenórum príncipem perdúctus, cum nec donis nec minis ut Christum negáret flecti posset, gládio cæsus est.

8*. Burgis in Vétere Castélla Hispániæ regióne, sancti Adelélmi, abbátis, qui sacéllum Sancti Ioánnis una cum xenodochío in formam monastérii convértit.

9*. Eblánæ in Hibérnia, tránsitus beáti Francísci Taylor, mártiris, qui, paterfamílias, septem annos cárcerem propter fidem Cathólicam perpéssus, tribulátionibus et senectúte corréptus sub Iacóbo rege Primo martýrium complévit.

10. Vitérbii in Túscia, sanctæ Hyacínthæ Mariscotti, Vírginis e Tértio Ordine Régulari Sancti Francísci, quæ, quíndecim annos in inánibus delectamentis versata, aspérrimam ampléxa est conversatiónem et confraternitátes excitávit ad senes consolándos et ad sanctam Eucharístiam adorándam.

11*. Augústæ Taurinórum in Subalpínis, beáti Sebastíani Valfré, presbýteri e Congregatióne Oratórii, qui in páuperes, infirmos et deténtos in carcéribus adiuvándos se totum impéndit et amicítia enixáque caritáte multos ad Christum perdúxit.

12. Seuli in Coréa, sancti mártiris Pauli Hō Hyōb, qui, miles, propter fidei professiōnem comprehénsus et cruciátibus afféctus, víribus deficiéntibus, labi visus est, sed cum pænituisset, statim coram iúdice fidem Christi confirmávit, quare post diutúrnum cárcerem íctibus fractus occúbuit.

13. In Tunquíno, sancti Thomæ Khuong, presbýteri et mártiris, qui, in persecutióne Tu Dúc imperatóris cristiánum se esse invícto ánimo proféssus, in custódiam tráditus est et ante crucem génibus nixus secúri interfécus.

14. Guadalaxáræ in México, sancti Dávidis Galvan, presbýteri et mártiris, qui in persecutióne mexicána, quod sanctitátem matrimónii vindicávisset, a mílite sine iudício plumbis cæsus gloriósam corónam adéptus est.

15*. Malónnæ in Bélgio, sancti Muciáni Maríæ (Aloýsii) Wiaux, fratris Scholárum Christianárum, qui totam fere vitam summa constántia ac perpétua alacritáte in educándos iúvenes incúbuit.

16*. In monastério Sancti Benedícti de Maretíolo item in Bélgio, beáti Colúmbæ (Ioséphi) Marmion, qui, in Hibérnia natus, sacerdotio auctus et abbas in Ordine Sancti Benedícti dein efféctus, ut cœnóbii pater et animárum ductor sanctitáte vitæ, spiritali doctrína et eloquéntia enítuit.

17*. In vico *Torrent* in Hispánia, beátæ Carmélæ García Moyón, mártiris, quæ, fêrvida doctrínæ Christiánæ præcéptrix, in persecutióne religiósâ ob Christi fidem violáta et adhuc viva concremáta est.

18*. In civitaté *Gdeszyn* in Polónia, beáti Sigismúndi Pisarski, presbýteri et mártiris, qui in bello ob fidem ante persecutóres mínime abdicátam apud parœciam loci plumbis occísus est.

Die 31 ianuárii

Prídie Kalendas februárii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	26	27	28	29	30	1							

Memória sancti Ioánnis Bosco, presbýteri, qui puerítiam egit ásperam et, sacerdos ordinátus, in adulescéntium institutióem omnes vires cóntulit atque Societátem Salèsianam ac, sancta María Dóminica Mazzarello adiuvánte, Institutum Filiárum Maríæ Auxiliatrícis fundávit, pro iuventúte ártibus et christiána vita instruénda. Augústæ Taurinórum in Itália hac die, multis in eo perféctis opéribus, pie ad dapes ætérnas migrávit.

2. Corínthi in Acháia, Sanctórum mártyrum Victoríni, Victóris, Nicéphori, Cláudii, Diodóri, Serapiónis et Pápiæ, qui sub Décio imperatóre váriis suppliciis martýrium complevísse narrántur.

- 3.** Commemoratio sancti Metrání, mártiris Alexandríæ in Ægýpto, quem adstántes sub Décio imperatóre, cum, pagánis iubéntibus, ímpia verba proférre noluisset, ferociter collisérunt et extra urbem lapídibus oppréssum interemérunt.
- 4.** Item Alexandríæ, sanctórum mártirum Cyri et Ioánnis, qui pro confessióne Christi, post multa torménta, cápite truncáti sunt.
- 5.** Mútinæ in Æmília, sancti Geminiáni, epíscopi, qui Ecclésiám suam ab ariánorum erróre ad orthodóxam fidem duxit.
- 6.** In Pérside, pássio sancti Abrahæ, epíscopi Arbelénsis, qui sub Sápore rege Persárum, cum solem adoráre iussus renuísset, decollátus est.
- 7.** Nováriæ in Ligúria, sancti iúlii, presbýteri.
- 8.** Romæ, commemoratio sanctæ Marcéllæ, víduæ, quæ, ut sanctus Hierónymus tradit, ópibus et nobilitáte contéptis, paupertáte et humilitáte nobílior facta est.
- 9*.** Fernæ in Hibérnia, sancti Mædhoc seu Aidáni, epíscopi, qui Ibídem cœnóbium fundávit et máxima cláruit austeritáte.
- 10*.** In território Constantiénsi in Néustria, sancti Waldi, epíscopi Ebroicénsis.
- 11 *.** Monte Sancti Victóris prope Rangvílam in Bavária meridionáli, sancti Eusébii, qui, in Hibérnia natus, pro Christo peregrinátus est et, mónachus in cœnóbio Sancti Galli efféctus, dénique eremíta evásit.
- 12*.** Romæ, beátæ Ludovicæ Albertóni, quæ, filiis christiánis móribus pie institútis, post viri óbitum, Tértio Ordini Sancti Francísci adscrípta, paupéribus auxílium áttulit, ex dívite paupérrima facta.
- 13.** Neápoli in Campánia, sancti Francísci Xavérii Mariæ Bianchi, presbýteri ex Ordine Clericórum Regulárium Sancti Pauli, qui, donis mýsticis práeditus, multos secum addúxit ad vitam sub Evangélii grátia agéndam.
- 14.** In Coréa, Sanctórum mártirum Augustíni Pak Chõng-wõn, catechístæ, et quinque sociórum,³ qui, plúribus tolerátis suppíciis, impávida fortitúdine christiánam fidem proféssi sunt et cápitis abscissióne Deum glorificavérunt.

¹ Quorum nomina: beāti Ioánnes Baptísta Triquerie, ex Ordine Fratrum Minórum Conventuálium; Ioánnes María Gallot, Ioséphus Pelle, Renatus Ludovicus Ambroise, Iuliánus Franciscus Morvin de la Gerárdiere, Franciscus Duchesne, Jacobus Andre, Andréas Duliou, Ludovicus Gastineau, Franciscus Migoret Lambardiere, Iuliánus Moule, Augustínus Emmanuel Philippot, Petrus Thomas.

² Quorum nomina: beāti Daniel Karmasz, Lucas Bojko, Bartholomæus Osypiuk, Onuphrius Wasiluk, Philíppus Kiryluk, Constantínus Bojko, Míchæl Nicephorus Hryciuk, Ignatius Franczuk, Ioánnes Andrzejuk, Constantínus Lubaszuk, Maximus Hawryluk, Míchæl Wawrzyszek.

³ Quorum nomina: sancti Petrus Hong Pyǒng-ju, catechísta; María Yi In-dǒg, virgo; Magdaléna Son So-byǒg, Agatha Yi Kyǒng-i, Agatha Kwǒn Chin-i.

FEBRUARIUS

Die 1 februárii

Kaléndis februárii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

1. **I**n Phrýgia, commemorátio sancti Tryphónis, mártýris.
2. Ravénnæ in Flamínia, sancti Sevéri, epíscopi.
3. Augústæ Tricastinórum in pago Gállia Viennénsi, sancti Pauli, epíscopi, a quo cívitas dein nomen sumpsit.
4. Kildáriæ in Hibérnia, sanctæ Brigidæ, abbatíssæ, quæ unum ex primis monastériis huius ínsulæ fundávit et opus evangelizatiónis a sancto Patrício inchoátum prosecúta esse fertur.
- 5*. Augústæ Prætoríæ in Alpibus Graiis, sancti Ursi, presbýteri.
- 6*. Anícii in Aquitánia, sancti Agrippáni, epíscopi et mártýris, qui Roma ad fines Velacórum revértens ab idolórum sectatóribus interféctus esse fertur.
- 7*. Metis in Austrásia, sancti Sigisbérti regis Tértii, qui monastéria Stabulénse, Malmundariénse ac multa alia constrúxit et in Ecclésias pauperésque liberáliter eleemósynas erogávit.
- 8*. In urbe *Ciruelos* in Nova Castélla Hispániæ regióne, sancti Raymúndi, abbátis Fiteriénsis, qui Ordinis de Calatráva institútor et rei cristiánæ propugnátor insígnis éxstitit.
- 9*. In civitáte Sancto Maclóvio in Británnia Minóre, sancti Ioánnis, epíscopi, qui, vir miræ austeritátis et iustítiæ, sedem episcopálem Alethénsem eódem tránstulit et

a sancto Bernárido commendátus est, ut episcopum páuperem, paupéribus amicum et paupertátis amatórem se præbéret.

10*. Parísii in Gállia, beáti Regináldi Aurelianénsis, presbýteri, qui, Romam tránsiens, sancti Domínici verbis ánimo captus, Ordinem Prædicatórum ingréssus est, ad quem virtútum exémplo et igníto elóquio plúrimos attráxit.

11*. Apud Castrum Florentínium in Etrúria, sanctæ Viridiánæ, vírginis, quæ a pueríli ætáte ad senéctam usque reclúsa vixit.

12*. Pílei in Látio, beáti Andréæ de Comítibus Sígniæ, presbýteri ex Ordine Minórum, qui, ómnibus recusátis altióribus dignitátibus, in humilitáte et simplicitáte Christo famulári máluit.

13*. Eblánæ in Hibérnia, beatórum mártýrum Conori O’Devany, epíscopi Dunénsis et Connorénsis, ex Ordine Fratrum Minórum, et Patrícii O’Lougham, presbýteri, qui, sub Iacóbo rege Primo propter fidem Cathólicam damnáti, suspéndii pœnam passi sunt.

14. Londínii in Anglia, sancti Henríci Morse, presbýteri e Societáte Iesu et mártýris, qui, plúries captus et bis in exsílium pulsus, demum sub Cárolo rege Primo propter sacerdotium in cárcerem trusus, post Missam ibídem celebrátam Tybúrne láqueo Deo spíritum réddidit.

15*. Apríliaci apud Andégavum in Gállia, pássio beatárum Mariæ Annæ Vaillot et quadragínta sex sociárum,¹ mártýrum, quæ, cum terror in gállica perturbatióne sævíret, corónam martýrii consecútæ sunt.

16. Seuli in Coréa, Sanctórum mártýrum Pauli Hong Yöng-ju, catechístæ, Ioánnis Yi Mun-u, qui paupéribus ministrábat martyrumque córpora sepeliébat, atque Bárbaræ Ch’oe Yong-i, quæ exémplo paréntum et cóniugis pro christiáno nómine interfectórum sequens cum áliis decolláta est.

17*. Augústæ Taurinórum in Itália, beátæ Ioánnæ Francíscæ a Visitatióne (Annæ) Michelotti, vírginis, quæ Institutum Sorórum Parvárum a Sacro Corde fundávit, ut infirmis paupéribus gratuító in Dómino servírent.

18*. In civitáte Cúcuta in Colúmbia, beáti Aloýsii Variara, presbýteri e Societáte Sancti Francísci Salèsii, qui leprósis omni ope et cura assédit et Soróres Fílias Sacrórum Córdium Iesu et Mariæ instituit.

Die 2 februárii

Quarto Nonas februárii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Festum **Presentatiónis Dómini**, a Græcis Hypapánte appellátum, qui Quadragésima die post Natálem Dómini Iesus a María et Ioseph perdúctus est in Templum, spécie quidem extérius legem mosáicam implens, revéra autem pópulo suo credénti et exsultánti occúrrens, lumen ad revelatiónem géntium et glória plebis suæ Israel.

2. Aureliáni in Gállia Lugdunénsi, sancti Flósculi, epíscopi.

3. Cantuáriæ in Anglia, sancti Lauréntii, epíscopi, qui post sanctum Augustínus hanc gubernávit Ecclésiam et regem Ædbáldum ad fidem convértens valde auxit.

4. Herbípoli in Austrásia, sancti Burchárdi, epíscopi, qui, ex Anglia oriúndus, a sancto Bonifátio primus epíscopus huius civitátis ordinátus est.

5*. Floréntiæ in Etrúria, beáti Simónis de Cássia Fidati, presbýteri ex Ordine Eremitárum Sancti Augustíni, qui verbis ac scriptis complúres ad meliorem vitam cristiánam addúxit.

6*. Segúsii in Subalpínis, beáti Petri Cambiáni de Ruffia, presbýteri ex Ordine Prædicatórum et mártiris, qui a dissidentibus in ódium Ecclesiæ in claustris trucidátus est.

7. Prati in Etrúria, sanctæ Catharínæ de' Ricci, vírginis e Tértio Ordine Regulári Sancti Domínici, quæ religiósæ instauratiónis óperæ ánimun inténdit atque Iesu Christi pássionis mystéria iúgiter cólere stúduit necnon experíri mérui.

8. Burdígalæ in Gállia, sanctæ Ioánnæ de Lestonnac, quæ, puélla, invitaménta ac conátus matris, ut ab Ecclesiá Cathólica divérteret, répulit et post cóniugis mortem quinque puerórum institutióni sapiénter provídít, dein Societátem Filiárum Dóminæ

Nostræ cóndidit, exémplo Societátis Iesu, ad puellárum christiánam institutiónem fovéndam.

9*. Romæ, beáti Nicolái Saggio de Langobárdis, religiósi ex Ordine Minimórum, qui ianitóris officio humíliter sanctéque functus est.

10*. Genestáni in Látio, beáti Stéphaní Bellesini, presbýteri ex Ordine Sancti Augustíni, qui tempóribus calamitósís Ordini turbáto fidélis permánsit, puerórum institutióni, prædicatióni atque pastoráli curæ déditus.

11. Hanóii in Tunquíno, sancti Ioánnis Theóphanis Vénard, presbýteri e Societáte Parisiénsi Missiόνum ad éxteras gentes et mártiris, qui, post sex annos clandestíni ministeréi labóribus et angústíis afféctos, in cávea inclúsus læto ánimo sub imperátore Tu Dúc cápitis damnátus martýrio obviávit.

12*. Dernáchi in Rhenánia Germániæ, beátæ Mariæ Catharínæ Kasper, vírginis, quæ Institutum Páuperum Ancillárum Iesu Christi fundávit, ut Dómino in paupéribus servírent.

13*. Medioláni in Itália, beáti Andréæ Cároli Ferrari, epíscopi, qui tradítionem religiósam gentis suæ excóluit et novas apéruit vias, quibus in mundo Christus et Ecclésiæ caritas cognosceréntur.

14*. Verónæ in Itália, beátæ Mariæ Domínicæ Mantovani, vírginis, quæ Instituto Parvárum Sorórum a Sacráta Família, quod una cum beáto Iosépho Nascimbeni, presbýtero, fundávit, uti prima antístita præfuit, paupéribus, órphanis ægrotísque in humilitáte vitæ pro Christi dilectiône insérviens.

Die 3 februárii

Tértio Nonas februárii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

Sancti Blásii, epíscopi et mártiris, qui pro christiáno nómine Sebáste in Arménia passus est sub Licínio imperatóre.

Sancti Ansgárii, epíscopi Hamburgénsis ac póstea ínsimul Breménsis in Saxónia, qui, primum mónachus Corbeiénsis, a Gregório papa Quarto legátús deputátus est totíus Septemtriónis, in Dánia et Suécia géntium multitúdini Evangélium nuntiávit et Christi Ecclésiam instítuit, multas difficultátes forti ánimo súperans, donec Bremæ labóribus deféssus quiévit.

3. Hierosólymæ, commemorátio Sanctórum Simeónis et Annæ, qui, alter senex iustus ac timorátus, áltera vídua ac prophetíssa, Iesum infántem, cum in templum indúctus esset, ut secúndum consuetúdinem legis præsentarétur, Messíam et Salvatórem, beátam spem et redemptiónem Israel salutáre meruérunt.

4. Carthágine, sancti Celeríni, lectóris et mártiris, qui in cárcere nervo, ferro variisque pœnis invícte Christum conféssus est, vestígia sequens Celerínæ áviæ suæ iamprídem martýrio coronátæ, Lauréntii pátrui Ignatiíque avúnculi, qui, quondam in castris militántes, sed póstea veri Dei mílites, palmas et corónas Dómini gloriósa passióne impetravérunt.

5*. Pictávii in Aquitánia, sancti Leónii, presbýteri, qui sancti Hilárii discípulus fuisse tráditur.

6. Vapínci in Província Gállia, Sanctórum Terídii et Remédii, episcopórum.

7. Lugdúni in Gállia, sancti Lupicíni, epíscopi, témpore vándalicæ persecutiónis.

8*. In monastério Cellénsi in Hannónia, sancti Adelíni, presbýteri et abbátis.

9*. Céstriæ in Mércia Angliæ, sanctæ Werebúrgæ, abbatíssæ Eliénsis, quæ plura fundávit ascetéria.

10*. Merbécae in Brabántia, sanctæ Berlíndis, vírginis, quæ religiósam vitam paupertátis et caritátis hac in civitáte duxit.

11*. In monastério Cisterciénsi Frigidimóntis in pago Gálliae Bellovacénsi, commemorátio beáti Helinándi, mónachi, qui, olim célebercitharóedus vagans, dein vitam húmilem et absconditam in clauastro elégit.

12*. Londínii in Anglia, beáti Ioánnis Nelson, presbýteri e Societáte Iesu et mártiris, qui Elísabeth regínæ Primæ suprémam potestátem in spiritalibus negávit ideóque cápite damnátus Tybúrne suspéndio occúbuit.

13. Lugdúni in Gállia, sanctæ Mariæ a Sancto Ignátio (Claudínæ) Thévenet, vírginis, quæ caritate permóta et forti ánimo Congregatióem Sorórum Iesu et Mariæ fundávit ad iúvenes, præsértim páuperes, christiáne instituendas.

14*. Burgi Andéoli in pago Vivariénsi Gálliae, beátæ Mariæ Annæ Rivier, vírginis, quæ, eo ipso témpore gállicæ perturbatióis, quo omnes religiósi Ordines ac Congregatióes extinguebantur, Congregatióem Sorórum a Præsentatióne Mariæ instituit ad Christi plebem in fide erudiendam.

15*. In vico *Steyl* in Nederlándia, beátæ Mariæ Hélienæ Stollenwerk, vírginis, quæ párticeps fuit beáto Arnóldo Janssen in Congregatióne Missionariárum Servárum Sancti Spíritus fundánda atque, officio antístitæ depósito, in adoratióem perpétuam ánimun inténdit.

Die 4 februárii

Prídie Nonas februárii. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	1	30	1	2	3	4	5							

1. **R**omæ ad Catacúmbas via Appia, sancti Eutýchii, mártiris, qui, insómniis et fame diu multátus demúmque in bárathrum proiéctus, pro Christi fide ómnia vicit crudélia iussa tyránni.

2. Perge in Pamphýlia, sanctórum Pápiæ, Diodóri et Claudiáni, mártirum.

3. Alexandríæ in Ægýpto, pássio sanctórum mártýrum Philéæ, epíscopi, et Philorómi, tribúni mílitum, qui, témpore persecutiónis Diocletiáni imperatóris, cum a cognátis et amícis movéri non possent, ut sibi párcerent, ambo, datis cervícibus, palmas a Dómino meruérunt.

4. Pelúsii item in Ægýpto, sancti Isidóri, presbýteri, qui, doctrína conspícuus, mundum et divítias spernens, vitam Ioánnis Baptístæ in desérto hábitu monástico indúto imitári máluit.

5*. Castellodúni prope Carnútum in Gállia, tránsitus sancti Aventíni, epíscopi, qui ántea sedem Carnuténsem ténuit.

6. Trecis in Gállia Lugdunénsi, sancti Aventíni, qui fámulus sancti Lupi epíscopi habétur.

7. Moguntiæ in Francónia Germániæ, sancti Rabáni, cognoménto Mauri, epíscopi, qui, e mónacho Fuldénsi ad sedem Moguntínam eléctus, quidquid ad honórem Dei fácere posset numquam prætermísit, sciéntia vere perítus, elóquio disertus et accéptus Deo póntifex.

8*. Constantinópoli, sancti Nicolái Studítæ, mónachi, qui, ob cultum sacrárum Imáginum sæpe in exsílium eiéctus, tandem hegúmenus monastérii Studítæ efféctus in pace quiévit.

9. Sempringhámie in Anglia, sancti Gilbérti, presbýteri, qui, Eugénio papa Tértio confirmánte, Ordinem monásticum fundávit, in qua dúplicem impósuit vitæ disciplínam, nempe moniálibus Régulam sancti Benedícti, cléricis vero Régulam sancti Augustíni.

10. Biturígis in Aquitánia, sanctæ Ioánnæ de Valois, quæ, Gállia regína, vínculo matrimónii cum Ludovíco rege Duodécimo nullo declaráto, ad Deum confúgit, singulári pietáte Crucem excóluit et Ordinem Sanctíssimæ Annuntiatiónis beátæ Mariæ Vírginis fundávit.

11*. Dunélmi in Anglia, beáti Ioánnis Speed, mártýris, qui, sub Elísabeth regína Prima propter auxílium sacerdotibus præstitum cápite damnátus, martýrii corónam méruit.

12. Amatríce in Aprútio, sancti Ioséphi de Leonéssa, presbýteri ex Ordine Fratrum Minórum Capuccinórum, qui Constantinópoli christiános captívos sustentávit et,

dire perpéssus quad Evangélium usque in palátium sultáni prædicáverat, in pátriam revérsus cura páuperum enítuit.

13. In loco *Oriur* in regno Maravénsi in India, sancti Ioánnis de Brito, presbýteri e Societáte Iesu et mártiris, qui, cum vitam et consuetúdinem ascetárum illárum pártium effíngens multos ad fidem convertísset, glorióso martýrio coronátus est.

Die 5 februárii

Nonis februárii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	2	1	2	3	4	5	6							

Memória sanctæ Agathæ, vírginis et mártiris, quæ Cátanæ in Sicília, adhuc puélla, sæviénte persecutióne, corpus incontaminátum et fidem íntegram in martýrio servávit, testimónium præbens pro Christo Dómino.

2. In Ponto, commemorátio plurimórum sanctórum mártirum in persecutióne Maximiani imperatóris, qui, álíi plumbo liquénti perfúsi, álíi acútis arundínibus in únguibus cruciáti ac multis vexáti iterátis torméntis, palmas a Dómino et corónas illústri pássione meruérunt.

3. Viénnæ in Gállia Lugdunénsi, sancti Avíti, epíscopi, cuius fide et indústria, témpore Gundobáldi regis, ab infestatióne ariánæ háeresis Gállia defénsæ sunt.

4. Sebanæ in Rætia, sancti Ingenuíni, qui primus huius sedis fuit epíscopus.

5*. In Lucánia, sancti Lucæ, abbátis sub institútis sanctórum orientálium, qui actuósam vitam monásticam primum in Sicília, pátria sua, dein Saracenórum irruptiόνum causa váriis in locis duxit, demum in monastério Carbonénsi Sanctórum Elíæ et Anastásii prope Arméntum ab ipso cóndito óbiit.

6*. Romæ in monastério Sancti Cæsárii, sancti Sabæ, Iunióris nuncupáti, mónachi, qui cum fratre sancto Macário per Calábriam et Lucániam témpore vastatiónum Saracenórum vitam cænobíticam indefesse diffúdit.

7. Brixínæ in pago Tridentíno, commemorátio sancti Albuíni, epíscopi, qui e Sebána hanc in civitátem episcopálem cáthedram tránstulit.

8*. Colóniæ Agrippínæ in Lotharíngia, sanctæ Adalhéidis, primæ monastérii Vilicénsis abbatissæ, in quod Régulam sancti Benedícti introdúxit, dein étiam monastérii Sanctæ Mariæ Coloniénsis, ubi decéssit.

9. Nagasákii in Iapónia, pássio sanctórum Pauli Miki et vigínti quinque sociórum, mártýrum, quorum memória eras ágitur.

10*. Valle Guidónis in Gállia, beátæ Francíscæ Mézière, vírginis et mártýris, quæ púeris instituendis et ægrótiis curándis se trádedit et témpore gállicæ perturbatiónis in ódium fidei interémpta est.

11*. Romæ, beátæ Elísabeth Canori Mora, matrisfamílias, quæ diu infidelitáte cóniugis, angústias económicas et crudéles propinquórum moléstias perpéssa, ómnia invícta cum caritaté ac patiéntia sústulit, pro peccatórum convérsiõe, salúte, pace ac sanctitaté Dómino vitam ófferens et in Tértium Ordinem Sanctíssimæ Trinitátis se ággregans.

12. In loco *Valtiervilla* in México, sancti Iesu Méndez, presbýteri et mártýris, qui pro Christi regno occúbuit in persecutiõe mexicána.

Die 6 februárii

Octávo Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	3	2	3	4	5	6	7							

Memória Sanctórum Pauli Miki et sociórum,² mártýrum, Nagasákii in Iapónia. Ingravescénte persecutiõe contra christiános, octo

presbýteri vel religiósi e Societáte Iesu aut ex Ordine Fratrum Minórum, sive ex Európa missi sive in Iapónia nati, atque septem et decem láici comprehénsi áspera ludíbria perpéssi et cápite damnáti sunt. Qui omnes, étiam púeri, pro christiáno nómine, simul crúcibus affíxi sunt, gaudéntes quóniam eis datum erat eódem modo quo Christus mori.

2. Arvérnæ in Aquitánia, sancti Antoliáni, mártiris.

3. Emesæ in Sýria, commemorátio sancti Silváni, epíscopi, qui, cum eídem Ecclesiæ annos quadragínta præfuísset, tandem, sub Maximíno imperatóre, una cum Luca diácono et Mócio lectóre feris obiéctus martýrii palmam accépit.

4. Cæsaréæ in Cappadócia, Sanctórum Dorotheæ, vírginis, et Theóphili, scholástici, mártyrum.

5*. Ardáchæ in Hibérnia, sancti Melis, epíscopi.

6. Atrébati in Gállia Bélgica, sancti Vedásti, epíscopi, qui a sancto Remigío, Reménsi epíscopo, in urbem vastátam missus, Clodovéum regem catechizávit, Ecclesiám restitútam annos círciter quadragínta rexit et apud pópulos adhuc pagános huius regiónis evangelizatiónis opus perfécit.

7. Elnóne item in Gállia Bélgica, depositio sancti Amándi, epíscopi Traiecténsis ad Mosam, qui multas per Provinciás seu gentes ad Slavos usque verbum Dei annuntiávit tandémque in monastério, quod extrúxerat, mortálem vitam absólvit.

8*. In pago Tungrénsi in Brabántia Austrásiæ, sanctæ Renulæ seu Reiníldis, abbatíssæ monastérii Eikénsis.

9. Præneste in Látio, sancti Guaríni, epíscopi, vitæ austeritáte et amóre Páuperum præclári.

10*. Scaræ in Suécia, sancti Brinólfi Algotsson, epíscopi, navitáte pro Ecclesiá et sciéntia conspícuí.

11*. Angris prope Salérnum in Campánia Itáliæ, beáti Alphónsi Mariæ Fusco, presbýteri, qui, ministério inter agricolas déditus, institutióni iúvenum, præsértim Páuperum orphanorúmque, semper consúluit et Congregatiónem Sorórum a Sancto Ioáanne Baptísta fundávit.

12*. Neápoli in Campánia, beáti Ángeli de Fúrcio, presbýteri ex Ordine Sancti Augustíni, zelo regni Dei insígnis.

13*. In loco Rivolta *d'Adda* pagi Creménsis in Itália, beáti Francísci Spinelli, presbýteri, qui inter vexatíones et diutúrnas difficultátes patiénter tolerátas Congregatiónem Sorórum ad adorándum Sanctíssimum Sacraméntum fundávit et rexit.

14. In civitaté Durángo in México, sancti Mattháei Correa, presbýteri et mártýris, qui, persecutióne contra Ecclésiám sæviénte, secréta in confessiόνibus audíta reveláre iussus recusávit, quaprópter martýrii corónam suscepit.

Die 7 februárii

Séptimo Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	4	3	4	5	6	7	8							

1. **N**olæ in Campánia, sancti Máximi, epíscopi, qui témpore persecutiónis Ecclésiám huius civitátis rexit et longo perfunúctus ævo in pace óbiit.

2. Lámpsaci in Hellespónto, sancti Parthénii, epíscopi, qui, témpore Constantíni imperatóris, prædicatióne et exémplo vitæ fidem propagávisse tráditur.

3. In iugis montis Sina, sancti Móysis, qui primum in erémo vitam solitáriam duxit, deínde, Máuvia Saracenórum regína peténte epíscopus ordinátus, gentes ferocíssimas in pace compósuit et vitam christianórum illáesam custodívit.

4. Floréntiæ in Etrúria, sanctæ Iuliánæ, víduæ.

5*. Sipónti in Apúlia, sancti Lauréntii, epíscopi.

6. Lucæ in Etrúria, depositio sancti Richárdi, patris sanctórum Willibáldi et Waldbúrgis, qui ab Anglia cum filiis Romam peregrínans in itínere óbiit.

7. Soteriône in Phócide, sancti Lucae Iunióris, eremítæ.

8*. Múciæ in Picéno Itáliæ, beáti Riccérii, qui inter sancti Francísci primævos et caríssimos discípulos fuit.

9*. Asísii in Umbria, beáti Antónii de Stroncónio, religiósi ex Ordine Fratrum Minórum.

10*. Londínii in Anglia, beáti Thomæ Sherwood, mártiris, qui, vestiárii negotiátor, ad sacerdotium Duáci se iam destináverat, cum ad ægrotánti et seni patri assidéndum Londínium pétiit, ubi apprehénsus, dum in via deambulábat, ad martýrium ductus est, sub Elísabeth regína Prima.

11*. Albenáci in Vivariénsi Gállia Província, beatórum mártýrum Iacóbi Salès, presbýteri, et Guliélmi Saultemouche, religiósi, e Societáte Iesu, qui, prædicatióne sua pópulum Cathólica fide corroborántes, post urbem a dissidentibus captam, die domínica pro eádem fide Coram pópulo trucidáti sunt.

12. Neápoli in Campánia, sancti Ægídii Maríæ a Sancto Ioseph (Francísci) Pontillo, religiósi ex Ordine Fratrum Minórum, qui cotídie per vias civitátis humíllime stipem a pópulo emendicábat, ínvicem verba consolatiónis réddens.

13. In civitate Ciamscianénsi Províciæ Sinárum Hunanénsis, sancti Ioánnis de Trióra (Francísci Maríæ) Lantrua, presbýteri ex Ordine Fratrum Minórum et mártiris, qui, post diutúrnos sævi cárceris cruciátus, láqueo suffocátus est.

14*. Parísii in Gállia, beátæ Rosáliæ (Ioánnæ Maríæ) Rendu, vírginis e Puéllis a Caritate, quæ, in domo quadam in paupérrima illius urbis regione constitúta, quam refúgium fecit egenórum, omni stúdio enísa est, ut páuperes in ipsis eórum domicíliis visitáret, pacem témpore bellórum civílium conciliáret et multos, máxime iúvenes et dívites, ad exercítium caritátis suscitáret.

15*. Ibídem, beátæ Maríæ a Providéntia (Eugénia) Suæt, vírginis, quæ Institutum Sorórum ad auxiliándas ánimas in Purgatório degéntes fundávit.

16*. Romæ, beáti Pii papæ Noni, qui, veritátem Christi, cui ab imo adhæsit, plane proclámans, multas instítuit sedes episcopáles, cultum beátæ Maríæ Vírginis promovit et Concílium Ecuménicum Vaticanum Primum ascívit.

17*. In loco *Pont de Molins* prope Gerúndam in Hispánia, beatórum mártýrum Ansélmi Polanco, epíscopi Terulénsis, et Philíppi Ripoll, presbýteri, qui, blandítiis ac minis contéptis, a fídelitate erga Ecclésiám mínime lapsi sunt.

18*. Prope Cracóviam in Polónia, beáti Adalbérti Nierychlewski, presbýteri e Congregatióne Sancti Michaélis et mártýris, qui, e Polónia sub militáre régimen humanæ dignitatí ac religióni infénsus redácta in campum exítii *Oświęcim* seu *Auschwitz* propter Christi fidem deportátus, torméntis excruciátus occúbuit.

19*. In campo detentiónis óppidi *Angarsk* in Sibiriána Rússiæ Provinciá, beáti Petri Verhun, presbýteri et mártýris, qui, témpore persecutiónis erga religiómem, morte fídeli vitam ætérrnam consecútus est.

Die 8 februárii

Sexto Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	5	4	5	6	7	8	9							

Sancti Hierónymi Emiliani, qui, iuventúte iracúnde luxurioséque transácta, cum ab hóstibus in cárcerem detrúsus esset, ad Deum se convértit, dein, ómnibus in miséria coniéctis, præsertim órphanis et infírmis, se totum una cum sóciis congregátis trádedit, quod initíum fuit Congregatiónis Clericórum Regulárium a Somáscha nuncupatórum. Peste mox in curándis míseris corréptus Somáschæ apud Bérgomum in Langobárdia occúbuit.

Sanctæ Iosephínæ Bakhita, vírginis, quæ, in regióne *Darfur* Sudániæ nata, puéllula rapta est et, plúries in africánis mercátibus servórum véndita, crudélem servitútem passa est, qua demum liberáta, Venétiis christiána et religiósa apud Fílias Caritátis facta est ac réliquam vitam in Christo in urbe *Schio* in agro Vicentíno Itáliæ ómnibus suppéditans degit.

3. Alexandríæ in Ægýpto, commemorátio sanctæ Coínthæ, mártiris, quam pagáni sub Décio imperátore ad idóla perducéntes adoráre cogébant; quod cum illa éxsecrans recusáret, pedes eius vínculis innexuérunt eámque trahéntes sic vinctam per platéas civitátis horréndo supplício discerpserunt.

4. Pápiæ in Ligúria, sancti Iuvéntii, epíscopi, qui strénue pro Evangélio laborávit.

5. Commemorátio Sanctórum mártyrum monachórum monastérii Dii Constantinópolitani, qui, ob fidei Cathólicæ defensióem, cum lítteras sancti Felícis papæ Tértii advérsus Acácium tulíssent, diríssime cæsi sunt.

6*. In Británnia Minóre, sancti Iacúti, abbátis, qui, frater sanctórum Winwalóei et Guethnóci hábitus, monastérium prope mare cóndidit, Ípsius nómine póstea vocátum.

7. Medioláni in Langobárdia, depositio sancti Honoráti, epíscopi, qui, Langobardórum ímpetu imminénte, pópuli magnam partem Génuam confúgiens servávit.

8*. Vesontióne in Burgúndia, sancti Nicétii, epíscopi.

9. Virodúni in Gállia, sancti Pauli, epíscopi, qui, mónachus efféctus, dein ad Ecclésiam Virodunénsem evéctus, divíni cultus decus et canonicórum vitam regulárem promóvit.

10*. Albáni in Látio, beáti Petri, cognoménto Ignei quia per ignem illáesus transívit, mónachi Vallis Umbrósæ et mox epíscopi Albanénsis, qui ad disciplínam Ecclesiasticam restituéndam indesinénter incúbuit.

11. Apud Murétum in pago Aquitániæ Lemovicénsi, sancti Stéphani, abbátis, qui, Ordinis Grandimonténsis institútor, divínas laudes et contemplatióem cléricis, temporálem vero curam solis frátribus láicis caritáte commísit geréndam.

12*. Savóne in Subalpínis Itáliæ, beátæ Ioséphínæ Gabriélæ Bonino, vírginis, quæ sub lúminæ Sanctæ Famíliæ Nazarethánæ Congregatióem religiósam fundávit ad órphanos educándos necnon paupéribus infirmis assidéndum.

Die 9 februárii

Quinto Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	6	5	6	7	8	9	10							

1. **A**lexandriæ in Ægýpto, commemoratio sanctæ Apolloniæ, vîrginis et mártiris, quæ post multa ac crudélia persecutorum torménta, cum ímpia verba proférre recusavisset, flammis se dari máluit quam a fide deficere.
2. Item Alexandriæ, pássio plurimórum Sanctórum mártirum, qui ab ariánis, dum in ecclésia synáxim agébant, dívérso mortis génere interémpti sunt.
3. Lemelléfæ in Africa, commemoratio Sanctórum Primi et Donáti, diaconórum et mártirum, qui in tutándo altári in Ecclésia item ab hæréticis occísi sunt.
4. In monte prope Apaméam in Sýria, sancti Marónis, eremítæ, veheménti pæniténtiæ et interióri vitæ magnópere déditi, apud cuius sepúlcrum célebre eréctum est monastérium, unde nátio póstea Ípsius nómini ascripta originem duxit.
- 5*. In monastério Landaviénsi Cábriæ, sancti Teliávi, epíscopi et abbátis, cuius exímios labóres multæ Ecclésiæ tam in Cábria et Cornúbia quam in Armórica célebrant.
6. Canúsii in Apúlia, sancti Sabíni, epíscopi, qui amícus fuit sancto Benedícto et Constantinópolis Románæ sedis legátus missus est, ut rectam fidem ab háeresi monophysíta defénderet.
7. Altomónte super Sambram in Hannónia, tránsitus sancti Ansbérta, qui fuit abbas Fontanellénsis et póstea epíscopus Rothomagénsis, in exsílum a Pippíno príncipe relegátus.
- 8*. In Bavária, commemoratio sancti Altónis, abbátis, qui, ex Hibérnia oriúndus, in silva huius regiónis monastérium exstrúxit, Ípsius nómine póstea vocátum.

9*. Nucériæ in Umbria, sancti Raináldi, epíscopi, iam mónachi Camaldulénsis Fontis Avellánæ, qui, episcopále munus exércens, monásticæ vitæ hábitum tenáciter retínuit.

10*. Primiliáni ad Mare prope Barcinónem in Hispânia, sancti Michaélis (Francísci Aloýsii) Febres Cordero, religiósi e Frátribus Scholárum Christianárum, qui in urbe Concha in Æquatória quadragínta fere annos litterárum stúdia promóvit, deínde in Hispânia símplici ánimo ad perféctam observántiam régulæ se cóntulit.

Die 10 februárii

Quarto Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	7	6	7	8	9	10	11							

Memória depositiónis sanctæ Scholásticæ, vírginis, quæ, soror sancti Benedícti, ab infántia Deo dicáta, unam cum fratre mentem in Deo hábuit, ita ut semel in anno apud Montem Casínium in Campánia totum diem in Dei láudibus sacrísque collóquiis dúcerent.

2. Magnésiæ in Provinciá Asiæ, Sanctórum Chalarámpi, Porphýrii, Daucti et trium mulierum, mártýrum sub Septímio Sevéro imperatóre.

3. Romæ via Labicána miliário décimo ab Urbe, Sanctórum Zótici et Amántii, mártýrum.

4. Iuxta Tarracínam in Campánia, sancti Silváni, epíscopi.

5. Apud Sántonas in Aquitánia, sancti Troiáni, epíscopi.

6*. Vesontióne in Burgúndia, sancti Prothádii, epíscopi.

7. In pago Rothomagénsi Néustriæ, sanctæ Austrebértæ, vírginis et abbatíssæ, quæ monastério Pauliacénsi nuper a sancto Audóeno epíscopo fundáto pie præfuit.

8. In spelúnca Stábulo Rhodis apud Rosétum in Etrúria, sancti Guliélmi, eremítæ Malavallénsis, e cuius exémplo plures originem dúxerunt eremitárum congregatiónes.

9*. In monastério Præmonstraténsi Fossárum apud Namúrcum in Lotharíngia, beáti Hugónis, abbátis, cui magíster sanctus Norbértus, epíscopus Magdeburgénsis factus, novi Ordinis institutiónem concrédidit, quem trigínta quinque annos sapientíssime rexit.

10*. Arímini in Flamínia, beátæ Claræ, víduæ, quæ vitam ántea lascívam pæniténtia, carnis maceratióne ac ieiúniis expiávit et, sócias in monastério coadúnans, Dómino in humilitátis spírítu deservívit.

11*. Apríliaci apud Andégavum in Gállia, beatórum Petri Fremond et quinque sociárum,³ mártýrum, qui in gállica perturbatióne propter fidelitátem Ecclésiæ Cathólicæ servátam plumbis interfécti sunt.

12*. Valle Víridi de Itínere prope Onobam in Báetica regióne Hispániæ, beátæ Eusébiæ Palomino Yenes, vírginis ex Institúto Filiárum Mariæ Auxiliatrícis, quæ, humilitátis egrégium præbens exémpulum, nulla pétita ostentatióne, spírítu abnegatiónis in imis munéribus suis cúlmina grátiae accépit.

13*. In óppido *Krašić* prope Zagábriam in Croátia, beáti Aloýsii Stepinac, epíscopi Zagrebiénsis, qui doctrínis tam fidem quam humánam dignitátem denegántibus audácter óbstitit, donec, propter fidelitátem erga Ecclésiám diu in vínculis cónditus, morbo corréptus atque inédia consúptus, egrégium consummávit episcopátum.

Die 11 februárii

Tértio Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	F	G	H	M	N	P							
2	3	4	5	6	8	7	8	9	10	11	12							

Beátæ Mariæ Vírginis de *Lourdes*, quam anno quarto a proclamáta Immaculáta beátæ Vírginis Conceptione, in móntibus Pyrenáeis ad

Gábari Palénsis ripam prope óppidum *Lourdes*, húmilis puélla sancta María Bernárda Soubirous in rupis *Massabielle* sinu sáepius conspéxerat. Quare turbæ christifidélium innúmeræ illuc devóte concúrrunt.

2. Romæ via Appia in cœmetério eius nómine dicáto, sanctæ Sotéris, vírginis et mártiris, quæ, ut sanctus Ambrósius refert, nobilitáte paréntum honoribúsque fidei posthábitis, nec immoláre iussa acquiévít, nec servílibus cæsa contuméliis vultum infléxit, nec gládiis damnáta mortem abhórruit.

3. Commemorátio plurimórum Sanctórum mártirum, qui in Numídia in persecutióne Diocletiáni imperatóris comprehénsi sunt et, cum divínas Scriptúras contra imperatóris edíctum trádere noluissent, crudélibus supplíciis excruciáti occubuérunt.

4. Voltúrní in Campánia, sancti Castrénsis, mártiris.

5*. In Apúlia, sancti Secúndini, epíscopi.

6. In Castro Laudónis in Gállia, sancti Severíni, abbátis Agaunénsis.

7. Romæ apud sanctum Petrum, depositio sancti Gregórii papæ Secúndi, qui, calamitosis tempóribus Leónis imperatóris Isáurici, Ecclésiám cultúmque sacrárum Imáginum deféndit et sanctum Bonifátium ad Evangélium in Germániam prædicándum misit.

8. Ibídem, depositio sancti Paschális papæ Primi, qui plúrima Sanctórum mártirum e cryptis levávit córpora, quæ veneratiónis afféctu transférre vóluit et in divérsis Urbis ecclésiis honorífice collocávit.

9*. In Burgúndia, sancti Ardáni, abbátis Trenorchiénsis.

10. Chihuábure in México, sancti Petri Maldonado, presbýteri et mártiris, qui, sæviénte persecutióne, mystérium Eucharístiæ usque ad últimum colens, cápíte percússus triúmphum obtinére méruit.

11*. In loco *Vinaroz* in Castélla Hispániæ regióne, beáti Tobíæ (Francísci) Borrás Romeu, religiósi ex Ordine Hospitaláριο Sancti Ioánnis a Deo et mártiris, qui persecutiónis témpore in ódium fidei gloriósum certámen consummávit.

Die 12 februárii

Prídie Idus februárii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	9	8	9	10	11	12	13							

1. **C**arthágine, commemorátio Sanctórum mártýrum Abitinensium,⁴ qui, in persecutióne Diocletiani imperatóris, cum contra interdíctum princípis ad domínicum ex more celebrándum convenissent, a magistrátibus colóniæ et stationário mílite apprehénsi sunt et, Cartháginem deláti atque ab Anulíno procónsule interrogáti, se omnes étiam per torménta christiános conféssi sunt, sacrificium Dómini intermítti non posse declarántes; quaprópter váriis in locis tempóribusque beátissimum ságuinem profuderunt.

2. Commemorátio sancti Melétii, epíscopi Antiochéni, qui ob fidem nicáenam sæpe exsílio afféctus est et mox Concílio Œcuménico Constantinopolitano Primo præsidens ad Dóminum migrávit; cuius⁴ virtútes sancti Gregórius Nyssenus et Ioánnes Chrysóstomus summis láudibus celebráru(n)t.

3. In monastério Sancti Cornélii ad Indam in Germánia, tránsitus sancti Benedícti, abbátis Anianénsis, qui Régulam sancti Benedícti propagávit, mónachis consuetúdi(n)es observándas trádidit et in litúrgia romána instauránda multum laborávit.

4. Constantinópoli, sancti Antónii, cognomé(n)to Cauléæ, epíscopi, qui, Leónis imperatóris Sexti témpore, eníxe conténdit, ut pax et únitas in Ecclésia firmaréntur.

5*. In monastério Iuliacénsi in agro Gállia Trecénsis, beátæ Humbelínæ, eiúsdem cœnóbii prioríssæ, quæ, a fratre germáno sancto Bernárdo abbáte Claravallénsi feliciter a mundánis delíciis convér(s)sa, cóniuge consentién(t)e, ad monásticam vitam se cóntulit.

6*. In vico *Northheim* in Alsátia ad ripam Illæ, sancti Luciáni, qui, ex Scótia oriúndus, ad límina Apostolórum iter agens ad Dóminum transívit.

7*. Londínii in Anglia, beatórum mártýrum Thomæ Hemmerford, Iacóbi Fenn, Ioánnis Nutter, Ioánnis Munden et Geórgii Haydock, presbyterórum, qui, Elísabeth

regína Prima primátum in spiritalibus sibi afféctante, ob fidelitátem erga Románam Ecclésiám servátam cápite damnáti, Tybúrne adhuc spirántes evisceráti sunt.

Die 13 februárii

Idibus februárii. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	30	1	2	3
A	B	C	D	E	F	F	G	H	M	N	P							
4	5	6	7	8	10	9	10	11	12	13	14							

1. **A**thénis in Gráecia, sancti Martiniáni, qui ántea vitam eremíticam dúxerat prope Cæsaréam Palæstínæ.

2*. Cardóne ad Moséllam in territorio Trevirórum, sancti Cástoris Aquitáni, presbýteri et eremítæ.

3. Tudérti in Umbria, sancti Benígni, presbýteri et mártiris.

4. Lugdúni in Gállia, sancti Stéphani, epíscopi.

5. Reáte in Sabína, commemorátio sancti Stéphani, abbátis, miræ patiéntiæ viri, sicut sanctus Gregórius papa Magnus scripsit.

6*. Osnabrúgi in Saxónia Germániæ, sancti Gosbérti, epíscopi Suebórum, qui, persecutióne Paganórum e sede pulsus, Osnabrugénsem Ecclésiám suscepit regéndam.

7*. Carcassóne in Gállia Narbonénsi, sancti Guiméræ, epíscopi.

8*. Ludévrae item in Narbonénsi, sancti Fulcráni, epíscopi, misericórdia in páuperes ac divíni cultus zelo insígnis.

9*. Meldis in pago Briénsi Gállia, sancti Gilbérti, epíscopi.

10*. Prope Ptolemáidem in Palæstína, tránsitus beáti Iordáni de Saxónia, presbýteri ex Ordine Prædicatórum, qui sancti Domínici succéssor et imitátor, summo stúdio Ordinem dilatávit et in naufrágio óbiit.

11*. Spolėti in Umbria, beátæ Christínæ (Augustínæ) Camozzi, quæ, post cóniugis mortem, concupiscéntiæ carnis aliquándo indúlsit, sed mox in Ordine sæculári Sancti Augustíni pæniténtem vitam elégit oratióni et ægrotórum pauperúmque servítio déditam.

12*. Patávii in Venétia, beátæ Eustóchii (Lucretiæ) Bellini, vírginis ex Ordine Sancti Benedícti.

13. In loco *Dongjiaochang* apud urbem *Lezhi* in Provinciá *Sichuan* Sinárum, sancti Pauli Liu Hanzuo, presbýteri et mártiris, ob christiánum nomen stranguláti.

14. In civitáte Thi-Nghé in Cocincína, sancti Pauli Lê-Văn-Lôk, presbýteri et mártiris, qui sub imperátore Tu Đức ad portam civitátis pro Christo decollátus est.

Die 14 februárii

Sexto décimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	11	10	11	12	13	14	15							

Memória Sanctórum Cyrílli, mónachi, et Methódii, epíscopi. Hi fratres Thessalonicénses a Phótio epíscopo Constantinopolitáno missi in Moráviám, illic fidem christiánam prædicavérunt et litterárum notas finxérunt próprias, ut sacros líbros e græco in slávicum vérterent sermónem. Cum Romam veníssent, Cyríllus, qui vocabátur ántea Constantínus, morbo afféctus, mónachus efféctus est et ibídem hac die obdormívit in Dómino. Methódius, vero, epíscopus Sirmiénsis ab Hadriáno papa Secúndo ordinátus, Pannóniam indefesse evangelizávit, multas lites eídem illátas perpéssus sed semper a Románis Pontificibus adiútus; labórum suórum mercédem accépit Velerádii in Morávia, die sexta aprílis.

2. Romæ via Flamínia iuxta pontem Mílvium, sancti Valentíni, mártiris.

3. Apud Spolétum in Umbria, sancti Vitális, mártýris, quem serváta fides et imitatio Christi sacravérunt.

4. Romæ in cœmetério Prætextáti via Appia, sancti Zenónis, mártýris.

5. Alexandriæ in Ægýpto, commemoratio sanctórum mártýrum Bassiáni, Tonióni, Proti, Lúcii, qui in mare missi sunt, Cyriónis presbýteri, Agathónis exorcístæ, Móysis, qui igne combústi sunt, Dionýsii et Ammónii, qui gládio cæsi ad ætérnam adivérunt glóriam.

6. Ravénnæ in Flamínia, sancti Eleuchádii, epíscopi.

7. In monte Scopa in Bithýnia, sancti Auxéntii, presbýteri et archimandritæ, qui in prominénti loco tamquam supra cáthedram collocátus fidem chalcedonénsem voce virtútis propugnávit.

8*. Commemoratio sancti Nostriáni, epíscopi Neapolitáni.

9. Apud Surréntum in Campánia, sancti Antoníni, abbátis, qui, monastério a Langobárdis vastáto, in solitúdinem secéssit.

10. Córdubæ in Hispánia, sancti Ioánnis Baptístæ a Conceptione García, presbýteri ex Ordine Sanctíssimæ Trinitátis, qui Ordinis renovatióem aggréssus est, quam summa cum navitáte inter graves labóres ac sævas ærúmnas sustínuit.

11*. Valentíæ in Hispánia, beáti Vincéntii Vilar David, mártýris, qui in persecutióne religiósá sacerdotés ac relígiosás domo sua recépit et mori máluit quam fidem negáre.

Die 15 februárii

Quinto décimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	30	1	2	3	4	5
A	B	C	D	E	F	F	G	H	M	N	P							
6	7	8	9	10	12	11	12	13	14	15	16							

1. **C**ommemoratio beāti Onésimi, quem sanctus Paulus Apóstolus servum fugítivum excépit et in vínculis útpote Christi in fide Fílium génuit, sicut ipse Dómino eius Philémoni scripsit.

2. Bríxiæ in Venétia, sanctórum Faustíni et Iovítæ, mártýrum, qui, post multa certámina ob Christi fidem suscep̃ta, victrícem martýrii corónam accepérunt.

3. Antiochíæ in Sýria, sanctórum mártýrum Isici, presbýteri, Iosíppi diáconi Románi, Zósimi, Baráli et Agápis, vírginis.

4. Arvérnæ in Aquitánia, sanctæ Geórgiæ, vírginis.

5. Vasióne in Gállia Lugdunénsi, sancti Quinídii, epíscopi.

6. In valle Interocrína provínciæ Valériæ in Itália, sancti Sevéri, presbýteri, cuius sanctus Gregórius papa Magnus Memóriam tenet.

7. Cápuæ in Campánia, sancti Decorósi, epíscopi.

8*. Palátioli in Etrúria, sancti Walfrídi, abbátis, qui, líberis génitis quinque, cum cóniuge stáruit vitam monásticam dúcere.

9*. Véxsiæ in Suécia, sancti Sigfrídi, epíscopi, qui, ex Anglia oriúndus, gentes huius regiónis summa cum sedulitáte evangelizávit et regem ipsum Olavum in Christo baptizávit.

10*. Burgi Sancti Sepúlcri in Umbria, beāti Angeli Scarpetti, presbýteri ex Ordine Eremitárum Sancti Augustíni.

11. Parédii Monachórum in Burgúndia Gállia, sancti Cláudii La Colombière, presbýteri e Societáte Iesu, qui, vir oratióni magnópere déditus, multos ad dilectiónem Dei firmo rectóque consílio suo diréxit.

Die 16 februárii

Quarto décimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	13	12	13	14	15	16	17							

1. **I**n Campânia, sanctæ Iuliânæ, vírginis et mártiris.

2. Cæsaréæ in Palæstína, sanctórum mártýrum Elíæ, Ieremíæ, Isaíæ, Samuélis atque Daniélis, qui, cristiáni ægýptii, cum sponte ministrássent fidei confessóribus in Cilícia ad metálla damnátis, comprehénsi et a Firmiliáno præside, sub Galério Maximiano imperátore, sævíssime torti, gládio demum percússi sunt. Post eos coronam mártýrii accepérunt quoque Pámphilus présbyter, Valens diáconus Hierosolymítanus, et Paulus, ex Iámnia civitáte oriúndus, qui biénnum égerant in cárcere, sed et Porphýrius, Pámphili fámulus, Seléucus cáppadox, promótus in milítia, Theodúlus, senex ex família præsidis Firmiliani, tandem Iuliánuş cáppadox, qui ipsa hora péregre advéniens, cum mártýrum córpora osculátus esset, ut cristiánuş delátus est et a præside lento igne combúri iussus.

3. In regno Pérsico, sancti Marúthæ, epíscopi, qui, pace Ecclésiæ réddita, Concílio Seleuciénsi præfuit, Dei Ecclésiæ in persecutióne Sáporis regis collápsas reparávit ac reliquias mártýrum Pérsidis in civitáte episcopáli, deinceps Martyrópoli nuncupáta, cóllocans.

4*. Apud Burgum Sancti Petri in Aprútio, beátæ Philíppæ Mareri, vírginis, quæ, divítiis et sáeculi fástibus spretis, sanctæ Claræ vitæ formam nuper incéptam in pátrio loco ampléxa est.

5*. Perúsia in Umbria, commemorátio beáti Nicolái Paglia, presbýteri ex Ordine Prædicatórum, qui a sancto Domínico hábitum et munus prædicatiónis accépit.

6*. Augústæ Taurinórum in Itália, beáti Ioséphi Allamano, presbýteri, qui, indefesso zelo ardens, ad fidem propagándam binas suscitávit Congregatiónes Missiónum a Consoláta, virórum nempe et mulierum.

Die 17 februárii

Tértiodécimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	14	13	14	15	16	17	18							

Sanctorum septem fundatorum Ordinis Servorum Mariæ, scilicet Bonfilii, Bartholomæi, Ioannis, Benedicti, Gerardini, Ricóveri et Alexii, qui, Floréntiæ ántea negotiatóres, apud montem Senárium commúni consílio beátæ Mariæ se mancipáru(n)t, Ordinem sub Régula sancti Augustíni instituéntes. Commemorántur simul die, qua supérstes eórum, Aléxius, díctur obiísse centenárius.

2. Amaséæ in Hellespónto, pássio sancti Theodóri Tirónis, qui, Maximiáni imperatóris témpore, pro Christiánæ fidei confessióne fórtiter cæsus est et in cárcerem missus, dein ígnibus comburéndus tráditus. Ípsius laudes sanctus Gregórius Nyssénus præcláro encómio celebrávit.

3*. Tréviris in Gállia Bélgica, sancti Bonósi, epíscopi, qui, una cum sancto Hilário Pictaviénsi, zelo ac doctrína laborávit, ut in regiónibus Gálliarum fidei intégritas servarétur.

4. In Arménia, sancti Mesróbi, doctóris Armenórum, qui, discípulus sancti Narsétis et scribe in palátio regáli, mónachus factus, litterárum notas finxit, ut pópulus sanctis Scriptúris instituerétur, utrúmque Testaméntum interpretátus est et hymnos aliáque cántica arména lingua compósuit.

5. In monastério *Cluain Ednech* vocáto in Hibérnia, sancti Fintáni, abbátis, eiúsdem cénóbii fundátoris, austeritáte célebris.

6. Commemorátio sancti Flaviáni, epíscopi Constantinópolitani, qui, cum fidem Cathólicam Ephesi defendísset, ab ímpii Dióscori factióne pugnis et cálcibus percússus est et, exsílio afféctus, brevi póstea vitam finívit.

7*. Lindisfárræ in Northúmbria, sancti Fináni, epíscopi et abbátis, doctrína atque evangelizatiónis zelo mirífice præediti.

8. Alcíaci apud Mórinos, depositio sancti Silvíni, epíscopi.

9*. In monastério Cavénsi in Campánia, sancti Constábilis, abbátis, qui ob exímiam mansuetúdinem et caritátem in omnes operiméntum fratrum vulgo appellátus est.

10*. Racebúrgi in Holsátia Germániæ, sancti Evermódi, epíscopi, qui, discípulus sancti Norbérti in Ordine Præmonstraténsium, in conversiónem gentis Venedórum óperam impéndit.

11*. Patávii in Venétia, beáti Lucæ Belludi, presbýteri ex Ordine Minórum, qui sancti Antónii discípulus et sócius fuit.

12. Pyeongyángre in Coréa, sancti Petri Yu Chõng-nyul, mártiris, qui, paterfamílias, dum noctu Evangélium fídelibus congregátis in domo catechístæ perlégebat, apprehénsus est et, virgis usque ad mortem cæsus, pro Christo occúbuit.

13*. Rosícæ in Polónia, beáti Antónii Leszczewicz, presbýteri e Congregatióne Clericórum Maríanorum et mártiris, qui, témpore militáris occupatiónis illíus térræ in bello, ab Ecclésiæ persecutóribus propter Christi fidem arsus est.

Die 18 februárii

Duodécimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	15	14	15	16	17	18	19							

1. **I**n loco *Bēth Lāpiit* in regno Persárum, pássio Sanctórum Sadoth, epíscopi Seleucíæ Pérsidis, atque centum vigínti et octo sociórum, mártyrum, qui, presbýteri, clérici et sacrátæ vírgines, cum solem adoráre renuissent, in víncula coniécti sunt et, diris torméntis diutíssime perlátis, tandem ex senténtia regis trucidáti sunt.

2. Toléti in Hispánia, sancti Helládii, qui, primum aulæ régiæ publicarúmque rerum rector, abbas Agaliénsis factus est, demum ad episcopátum Toletánum evéctus caritátis suæ exémpa summópere exhibuit.

3. Constantinópolis, sancti Tarásii, epíscopi, eruditíone et pietáte insígnis, qui Concílium Nicáenum Secúndum apéruit, in quo Patres sacrárum Imáginum cultum vindicavérunt.

4*. In monastério Céntulæ in pago Gállia Ambianénsi, sancti Angilbérti, abbátis, qui, offícis palatínis et militáribus postpósitis, Bertha uxóre consentiente, quæ ipsa sacro amícta est velo, ad vitam monásticam se cóntulit et Céntulæ cœnóbium felíciter rexit.

5*. Conímbríæ in Lusitânia, sancti Theotónii, qui bis Hierosólymam peregrinátus est et, custódia Sancti Sepúlcri recusáta, in pátriam revérsus Congregatiónem Canonicórum Regulárium Sanctæ Crucis instituit.

6*. Romæ, beáti Ioánnis Fæsuláni, cognoménto Angélici, presbýteri ex Ordine Prædicatórum, qui, Christo semper adhærens, quod intus contemplabátur ita in pictúris expréssit, ut ad supérna hóminum extólleret mentes.

7*. Londínii in Anglia, beáti Guliélmi Harrington, presbýteri et mártiris, qui, e comitátu Eboracénsi oriúndus, sub Elísabeth regína Prima ob sacerdotium accéptum atque in Anglia proféssum cápite damnátus, Tybúrne corónam martýrii consecútus est.

8*. Apud Londínium item in Anglia, beáti Ioánnis Pibush, presbýteri et mártiris, qui plúries ac diu in cárcere cónditus, dein sub eádem regína propter sacerdotium cápite damnátus, Southvárci láqueo suspénsus est ferróque exenterátus.

9. In urbe Uciaménsi Provinciæ *Hubei* in Sinis, sancti Francísci Régis Clet, presbýteri e Congregatióne Missiόνis et mártiris, qui trigínta annos inter máximas ærúmnas Evangélium nuntiávit, quaprópter post acérbam captivitátem, ab apóstata decéptus, ob christiánium nomen strangulátus est.

10. In civitáte *Guizhou* item in Sinis, sancti mártiris Ioánnis Petri Neel, presbýteri e Societáte Missiόνum Parisiénsi ad éxteras gentes, qui, eo quod fidem prædicávisset accusátus, ad equi caudam alligátus et veheménti cursu tractus, omni génere ludibriórum pœnisque afféctus, tandem abscísso cápite occúbuit. Cum eo supplicium passi sunt et sancti mártires Martínus Wu Xuesheng, catechísta, Ioánnes Zhang Tianshen, neóphytus, et Ioánnes Chen Xianheng.

11*. Bérgomi in Itália, beátæ Gertrúdis (Catharínæ) Comensoli, vírginis, quæ ad adorándum Sanctíssimum Sacraméntum et iuventútem instituéndam Religiosárum Congregatiónem fundávit.

12*. Rosícæ in Polónia, beáti Geórgii Kaszyra, presbýteri e Congregatióne Clericórum Marianorum et mártiris, qui, bello sæviénte, a fidei persecutóribus flammis interémptus pro Christo Dómino occúbuit.

Die 19 februárii

Undécimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	30	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	16	15	16	17	18	19	20							

1. **N**eápoli in Campánia, depositio sancti Quodvultdéis, epíscopi Carthaginénsis, qui una cum clero a Genseríco rege ariáno in exsílium eiéctus et obsolétis in návibus sine velis nec Remígiis impósitus, præter spem Neápolim áppulit ibíque conféssor fidei occúbuit.

2. Commemorátio Sanctórum monachórum et aliórum mártýrum, qui in Palæstína a Saracénis, Alamundúro duce, ob Christi fidem sævíssime cæsi sunt.

3. Medioláni in Langobárdia, sancti Mansuétí, epíscopi, qui advérsus monothelitárum heáresim strénue pugnávit.

4. Apud Benevéntum in Campánia, sancti Barbáti, epíscopi, qui Langobárdos eorúmque ducem ad Christum convertísse fertur.

5*. In monastério Vabrénsi in pago Ruthenénsi Aquitánia, sancti Geórgii, mónachi.

6*. Bisiniáni prope Conséntiam in Calábria, sancti Procli, mónachi, qui, exímia præditus doctrína, aráldus fuit monásticæ convérsatiónis.

7*. Cámeræ iuxta Bruxéllas in Brabántia, depositio beáti Bonifátii, quondam epíscopi Lausannénsis, qui apud moniáles Cisterciénses loci ascéticam vitam exégit.

8*. Neti in Sicília, beáti Conrádi de Placéntia Confalonieri, eremítæ e Tértio Ordine Sancti Francísci, qui, sæculáribus ludis abiéctis, aspérrimum vitæ genus quadraginta prope annos in assídúa oratióne et pæniténtia prosecútus est.

9*. Córdubæ in Vandalícia Hispániæ regióne, commemorátio beáti Alvári, presbýteri ex Ordine Prædicatórum, prædicatióne et Passiόνis Domínicæ contemplatióne conspícu.

10*. Mántuæ in Langobárdia, beátæ Elísabeth Picenardi, vírginis, quæ sub hábitu Ordinis Servórum Mariæ in patérna domo vitam Deo sacrátam egit, ad sacram communióne assídue accédens atque in Litúrgiam Horárum Scripturarúmque meditatióne eníxe incúmbens, Virgini Mariæ devótissima.

11. In loco *Kaiyang* apud *Mianyang* in Sinárum *Sichuan* província, sanctæ Lúciæ Yi Zhenmei, vírginis et mártiris, quæ ob Cathólicæ fidei confessiόne ad decollatiόne damnáta est.

12*. Intra castra detentiόnis Dacháni prope Monáchium Baváriæ in Germánia, beáti Ioséphi Zaplata, religiόsi e Congregatiόne Sacratíssimi Cordis Iesu et mártiris, qui, e Polónia pátria vi in atrócem propter fidem datus custódiam, morbo corréptus mártýrium consummávit.

Die 20 februárii

Décimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	30	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	17	16	17	18	19	20	21							

1. Alexandriæ, commemorátio sancti Serapiónis, mártiris, qui, sub Décio imperátore, ita crudelíssimis afféctus est suppíciis, ut cunctæ ei iunctúræ membrórum prius frangeréntur, póstea ipse de superiórius domus suæ locis præcipitarétur.

2. Commemoratio beatórum quinque mártýrum, qui, sub Diocletiáno imperatóre, Tyri in Phœnicia occísi sunt; primo quidem flagris toto córpore dilaniáti, inde denudáti et in arena pósiti ac diversis bestiárum genéribus tradíti, firmam atque immóbilem in iuvenílibus corpóribus constántiam præbuérunt; ex his unus præsertim, nondum vigínti annos natus, nullis constríctusvínculis, brachiis in crucis modum expánsis, preces ad Deum fundébat; omnes vero a béstiis ante irritátis incólumes, gládio tandem occísi sunt.

3. Antiochiæ in Sýria, commemoratio sancti Tyranniónis, epíscopi Tyri et mártýris, qui, inde a prima ætáte fide christiána erudítus, únguibus férreis lacerátus cum presbýtero Zenóbio, láuream adéptus est.

4. Tornáci in Gállia Bélgica, sancti Eleuthérii, epíscopi.

5. Sancti Trudónis Fani in Brabántia Austrásiæ, tránsitus sancti Euchérii, epíscopi Aurelianénsis, qui, a Cárolo Martéllo duce propter invidórum calúmnias ad exsílum coáctus, pium refúgium inter mónachos invénit.

6. Cátanæ in Sicília, sancti Leónis, epíscopi, qui Páuperum curæ summópere cavit.

7*. In loco *Aljustrel* prope Fátimam in Lusitánia, beátæ Hyacínthæ Marto, quæ, quamvis puélla adhuc esset téneræ ætátis, perniciem morbi, quo affécta erat, patiénter pértulit et devótiónem in beátam Mariám Vírginem omni stúdio testata est.

8*. In loco *Stutthof* prope Gedánum in Polónia, beátæ Iúliæ Rodzínska, vírginis e Congregatióne Sorórum Sancti Domínici et mártýris, quæ, pátria in bello vastáta, in campum detentiónis trusa est, ubi letáli morbo affécta ad glóriam cæléstem pervénit.

Die 21 februárii

Nono Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	18	17	18	19	20	21	22							

Sancti Petri Damiáni, cardinális epíscopi Ostiénsis et Ecclésiæ doctóris, qui, erémum Fontis Avellánæ ingræssus, vitam religiósam strénue

promóvit et, angústis Ecclésiæ reformatiõnis provehëndæ tempóribus, mónachos ad contemplatiõnis sanctitátem, cléricos ad vitæ integritátem, pópulum ad Apostólicæ Sedis communiõnem firmiter revocávit. Ípsius autem tránsitus Favéntiæ in Flamínia cráistina die evénit.

2. Commemorátio sancti Eustátii, epíscopi Antiochéni, qui, doctrína célebris, sub Constántio imperatóre ariáno ob Cathólicæ fidei defensiõnem Traianópolis Thráciæ in exsílum pulsus, ibídem in Dómino requiévít.

3*. In monastério Grandivallénsi apud Helvétios, sancti Germáni, abbátis, qui, cum áccolas monastérii a manípulo prædatórum laniátos pacíficis verbis défendere voluísset, vestiméntis spoliátus et láncea perfóssus una cum sancto Randoáldo mónacho occúbuit.

4*. Londínii in Anglia, beáti Thomæ Pormort, presbýteri et mártiris, qui, sub Elísabeth regína Prima propter sacerdotium in cárcere dire tortus, dein apud Sanctum Paulum suspéndii cruciátu martýrium complévit.

5. Ibídem, sancti Robérti Southwell, presbýteri e Societáte Iesu et mártiris, qui plures annos in hac civitáte et in regiõne finítima ministérium implévit et cármina spiritália compósuit, usque dum, propter sacerdotium captus, eiúsdem regínæ iussu diríssime tortus est et Tybúrni láqueo martýrium consummávit.

6*. Andégavi in Gállia, beáti Natális Pinot, presbýteri et mártiris, qui, paróchus, témpore gállicæ perturbatiõnis, dum ad Missam celebrándam parabátur, apprehénsus est et sacris paraméntis ludíbrii causa indútus ad patíbulum quasi ad sacrificii altáre dedúctus est.

7*. Augústæ Taurinórum in Subalpínis, beátæ Mariæ Henricre (Annæ Catharínæ) Domínici, e Soróribus a Sancta Anna et a Providéntia, quæ Institutum trigínta annos usque ad óbitum sapiénter gessit et dilatávit.

Die 22 februárii

Octávo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	19	18	19	20	21	22	23							

Festum Cáthedrae sancti Petri, Apóstoli, cui dixit Dóminus: «Tu es Petrus et super hanc petram aedificábo Ecclésiám meam». In die qua Románi suórum defunctórum Memóriam ágere solébant, illíus Apóstoli sedes natális cólitur, quæ eius tropáeo in agro Vaticanó gloriátur et univérso caritátis cóetui præsidere vocátur.

2. Hierápoli in Phrýgia, sancti Pápiæ, epíscopi, qui, Ioánnis Senióris audítor et Polycárpi sodális, sermónes Dómini explanávit.

3. Viénnæ in Gállia Lugdunénsi, sancti Paschásii, epíscopi, eruditíone et morum sanctitáte præclári.

4. Ravénnæ in Flamínia, sancti Maximiáni, epíscopi, qui pastorále offícium fidéliter adimplévit et contra hæréticos unitátem Ecclésiæ propugnávit.

5. Favéntiæ in Flamínia, natális sancti Petri Damiáni, cuius Memória pridie huius diéi ágitur.

6*. Apud Longum Campum in subúrbia Parisiénsi in Gállia, beátæ Isabéllæ, vírginis, quæ, soror sancti Ludovíci regis Noni, regálibus núptiis ac mundi delíciis spretis, ascéterium Sorórum Minórum fundávit, quibúscum in humilitáte et paupertáte Deo famuláta est.

7. Cortónæ in Etrúria, sanctæ Margarítæ, quæ, morte Amásii veheménter commóta, iunióris ætátis máculas salutári pæniténtia detérsit et, in Tértium Ordinem Sancti Francísci excépta, ad miram rerum cæléstium contemplatiónem recéssit, supérnis charismátibus a Deo exornáta.

8*. In urbe Sendaiénsi in Iapónia, beáti Dídaci Carvalho, presbýteri e Societáte Iesu et mártiris, qui, post iniúrias, cárceres et dura itínera híeme perácta, tandem in supplicio aquæ gelu concrétæ intrépida fide plúribus cum sóciis Christum conféssus est.

9*. Floréntiæ in Etrúria, beátæ Mariæ a Iesu (Æmíliæ) d'Oultremont, quæ in Bélgio, mater quattuor filiõrum , vídua facta, mínime officiis maternis negléctis, Societáti Sorórum a Mariá Reparatrice constituendre ac regendre se trádídít et auxílio divíno confisa, non paucis superátis regritudinibus, terrénam peregrinatiónem iter ad pátriam fáciens pie conclúsit.

Die 23 februárii

Séptimo Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	20	19	20	21	22	23	24							

Memória sancti Polycarpi, epíscopi et mártiris, qui beáti Ioánnis discípulus et últimus témporis Apóstolici testis cólitur et, sub Marco Antoníno et Lúcio Aurélio Cómmodo imperatóribus, Smyrnæ in Asia coram procónsule et univérso pópulo in amphitheátro igne tráditus est prope nonagenárius, grátias agens Deo Patri, quod eum dignátus erat inter mártires adnumerári et partem calícis Christi accípere.

2. Apud Sirmíum in Pannónia, sancti Siréni seu Siréni, mártiris, qui, hortulánus, a muliere quadam delátus, quam lascíviæ causa ipse increpáverat, et a iúdice reténtus, se christiánus conféssus est et, cum diis sacrificáre nolúisset, abscísso cápíte occúbuit.

3. Wenlóchii in Anglia, sanctæ Milbúrgæ, vírginis et monastérii loci abbatíssæ, e stirpe régia Merciórum.

4*. Moguntiæ in Francónia Germániæ, sancti Willigísi, epíscopi, pastoráli zelo exímii.

5. Apud Stylum in Calábria, sancti Ioánnis, qui, mónachus factus sub orientálium Patrum institútis, Therístes seu Messor appellári méruit, quia summa erga egénos caritáte motus messóribus adiumentum præbére assuéverat.

6*. Flaviobrigæ in Vascónia Hispániæ, beátæ Raphaélæ de Villalóna Ybarra, quæ mater septem filiõrum, cóniuge consentiénte, vota religiósa emísit et Institutum

Sorórum Angelórum Custódum fundávit ad puéllas tuéndas et in viam præceptórum Dómini dirigéndas.

7*. Ad Gálliae litus ante Rupifórtium, in navi servitútis, beáti Nicolái Tabouillot, presbýteri et mártiris, qui, paróchus, gállica perturbatióne sæviénte, propter sacerdotium deténtus est, demum in valetudinário civitátis morbo consúptus.

8*. Romæ, beátæ Ioséphínæ (Iudíttæ Adelhéidis) Vannini, vírginis, quæ Congregatiónem Filiárum Sancti Camílli ad infirmórum servítium fundávit.

9*. Posnániae in Polónia, beáti Ludovíci Mzyk, presbýteri Societátis Verbi Divíni et mártiris, qui, pátria more militári a sectatóribus nefáriæ doctrínæ homínibus et fidei infénsæ invása, a vigílibus castri trucidátus Christum ad mortem usque testátus est.

10*. In campo detentiónis Dacháni prope Monáchium Baváriæ in Germánia, beáti Vincéntii Frelichowski, presbýteri, qui, in eádem tempestáte belli, vários in cárceres deportátus numquam a fide vel a pastoráli múnere flexit et, in ægrótis assidéndo morbo corréptus, post longas ærúmnas ad æternæ pacis visiónem pervénit.

Die 24 februárii

Sexto Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	20	21	22	23	24	25							

1. **N**icomediæ in Bithýnia, pássio sancti Evétii, qui, sub Diocletiáno imperatóre, simul ac edícta advérsus cultóres Dei in faro pendére vidit, fidei ardóre ignítus, pópulo inspectánte, iníquæ legis libéllum públice discérpsit, quaprópter omne crudelitátis genus passus est.

2. Tréviris in Gállia Bélgica, sancti Modésti, epíscopi.

3. Cantuáriæ in Anglia, sancti Ethelbérti, quem, regem Cantiórum, sanctus Augustínus epíscopus ad Christi fidem convértit, primum ex princípibus gentis Anglórum.

4*. Asculi in Picéno Itáliæ, beāti Constántii de Fabriáno Servoli, presbýteri ex Ordine Prædicatórum, qui austeritáte vitæ et stúdio promovéndæ pacis enítuit.

5*. Mántuæ in Langobárdia, beāti Marci de Marconi, religiósi ex Ordine Eremitárum Sancti Hierónymi.

6*. In civitáte *Algemesi* in pago Valentíno Hispániæ, beátæ Ioséphæ Naval Girbés, vírginis, Deo sacrátæ in sáeculo, catechizándis púeris addíctæ.

7*. Nucéria Paganórum in Campánia Itáliæ, beāti Thomæ Mariæ Fusco, presbýteri, qui páuperes ægrotósque summa dilectióne curávit et Fílias a Caritáte Pretiosíssimi Sáanguinis instítuit, quas ad várias óperas sociáles navándas, præsértim inter iúvenes et ægrótos, destinávit.

Die 25 februárii

Quinto Kalendas mártii; vel in anno bissextili: Sexto Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

1. **P**erge in Pamphýlia, pássio sancti Néstoris, epíscopi Magydénsis et mártiris, qui, témpore Décii imperatóris persecutiónis comprehénsus, a præside provinciæ ad crucem damnátus est, ut qui Crucifixum confiterétur, eiúsdem subíret pœnam.

2. Naziánzi in Cappadócia, sancti Cæsárii, médici, sancti Gregórii Nazianzéni fratris.

3*. Malbódii in Gállia Bélgica, sanctæ Aldetrúdis, vírginis et abbatíssæ.

4. In monastério Heidenheiménsi in Francónia Germániæ, sanctæ Waldbúrgis, abbatíssæ, quæ, sancto Bonifátio sanctisque eius fratribus Willibálдо et Willibálдо rogántibus, ex Anglia in Germániam venit, ubi duplex monastérium monachórum et sanctimoniálíum óptime rexit.

5*. Agrigénti in Sicília, sancti Gerlándi, epíscopi, qui Ecclésiam suam, a potestáte Saracenórum liberátam, ordinávit.

6*. In priorátu Ursáni in pago Bituricensi Aquitaniæ, transitus beáti Robéti de Arbrisélo, presbýteri, qui, conversiónem morum per vias prædicans, mulieres et viros in dúplici monastério Fontis Ebráldi sub abbatíssæ regímine congregávit.

7. Lucæ in Etrúria, beáti Avertáni, peregríni et religiósi ex Ordine Carmelitárum.

8*. Angelópolis in México, beáti Sebastíani Aparicio, qui, custos óvium, ex Hispánia in Méxicum migrávit, ubi magnis divítiis, quas labóre suo cumuláverat, míseros locupletávit; dein, bis víduatus, frater in Ordinem Fratrum Minórum recéptus est et prope centenárius óbiit.

9*. Lauriæ in Lucánia, beáti Domínici Lentini, presbýteri, qui in loco pátrio usque ad mortem fructuósum ac múltiplex explicávit ministérium humilitátis, oratiónis et pæniténtiæ vita fecundátum.

10*. In vico *Mdina* ínsulæ Meliténsis, beátæ Mariæ Adeódatæ (Mariæ Terésia) Pisani, vírginis ex Ordine sancti Benedícti, quæ, abbátissa monastérii Sancti Petri, miscens tempóribus témpora, officio suo sapiénter functa est, curam ádhibens de paupéribus derelictisque consuléndo pro ipso bono spiritáli communitátis.

11. In urbe *Xilinxian* in *Guangxi* província Sinárum, sancti Lauréntii Bai Xiaoman, mártiris, qui, ópifex et neóphytus, vérbera et decollatiónem pati máluit quam Christum denegáre.

12. In loco *Tequila* territórii Guadalaiarénsis in México, sancti Turíbii Romo, presbýteri et mártiris, qui persecutióne sæviénte in ódium sacerdótii enecátus est.

13. Ad ripas flúminis *Beijiang* prope urbem Sciaoceuvénsem provínciae Guandong in Sinis, Sanctórum mátyrum Aloýsii Versiglia, epíscopi, et Callísti Caravario, presbýteri e Societáte Salesiána, qui ob christiánam animárum iisdem commissárum curam actam mátyrium subiérunt.

Die 26 februárii

Quarto Kalendas mártii; vel in anno bissextili: Quinto Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
28	29	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	22	23	24	25	26	27							

1. **C**ommemoratio sancti Alexándri, epíscopi, qui, senex gloriósus ac fidei zelo succénsus, post sanctum Petrum alexandrinæ Ecclesiæ factus antístes, Aríum presbýterum suum hæretica impietáte depravatúm et divína veritáte infirmátum de communióne Ecclesiæ eiécit, quem mox inter trecéntos decem et octo Patres annumerátus in Concílio Nicáeno Primo damnávit.

2. Bonóniæ in Æmília, sancti Faustiniáni, epíscopi, qui Ecclesiám persecutióne vexátam verbo prædicatiónis firmávit et auxit.

3. Gazæ in Palæstína, sancti Porphýrii, epíscopi, qui, Thessalónicæ natus, anachoréta quinque annos degit in Scetim ac tótidem trans Iordánem, benignitáte in páuperes conspicuus; póstea epíscopus Gazénsis ordinátus, multa evértit templa idolórum, quorum sectatórum moléstiiis diu afféctus est, donec in pace cum sanctis venerábilis quiévit.

4*. Nivérni in Néustria, sancti Agrícolæ, epíscopi.

5. Archíaci in Campánia Gállia, sancti Victóris, eremítæ, cuius laudes sanctus Bernárdus conscrípsit.

6. Floréntiæ in Etrúria, sancti Andréæ, epíscopi.

7*. Londínii in Anglia, beáti Robérti Drury, presbýteri et mártiris, qui, coniuratiónis contra Iacóbum regem Primum falso insimulátus, Tybúrne, hábitu Ecclesiástico indútus ad sacerdotálem dignitátem probándam, patíbuli supplícium pro Christo passus est.

8. Olésæ Montis Serráti in pago Barcinonénsi Hispániæ, sanctæ Paulæ a Sancto Iosépho de Calasanz Montal Fornés, vírginis, quæ Institutum Filiárum Mariæ Scholárum Piárum fundávit.

9*. Alcantarióla prope Múrtiam in Hispánia, beátæ Pietátis a Cruce (Thomasínæ) Ortíz Real, vírginis, quæ pro amóre Dei ad institutiónem et catechésim páuperum

sédulo inténdit et Congregatióem Sorórum Salèsianarum a Sacra Corde Iesu fundávit.

Die 27 februárii

Tértio Kalendas mártii; vel in anno bissextili: Quarto Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
29	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	23	24	25	26	27	28							

1. **A**lexandriæ in Ægýpto, commemoratio Sanctórum Iuliáni et Euni, mártýrum. Iuliánus, cum podágra ita constrictus esset, ut neque incédere neque stare posset, una cum duóbus fámulis, qui eum in sella gestábant, iúdicti offértur; quorum alter fidem negávit, alter, nómine Eunus, cum dómīno suo in confessiōne Christi perdurávit. Ipsi porro, camélis impósi, per totam urbem circumdúci iussi sunt et, spectánte pópulo, flagris ad mortem laniári, sub Décio imperatóre.

2. Item, sancti Besæe, mártýris, qui, miles, cum insultátes in prædictos mártýres cohibéret, ad iúdicem delátus est et, pro fide constánter agens, cápīte truncátus.

3*. In agro Rothomagénsi in Gállia, sanctæ Honorínæ, vírginis et mártýris.

4. Lugdúni in Gállia, sancti Baldoméri, subdiáconi, viri Deo devóti.

5. Constantinópoli, Sanctórum Basílii et Procópii Decapolítæ, monachórum, qui, témpore Leónis Tértii Isáurii imperatóris, pro cultu sacrárum Imáginum strénue decertáruēt.

6. In monastério Narecénsi in Arménia, sancti Gregórii, mónachi, doctóris Armenórum, doctrína, scriptis ac mýstica sciéntia illústris.

7*. Messánæ in Sicília, sancti Lucae, abbátis monastérii Sanctíssimi Salvatóris, sub orientálium monachórum præcéptis.

8. Londínii in Anglia, sanctæ Annæ Line, víduæ et mártýris, quæ, cóniuge in exsílio propter Cathólicam fidem defúnto, hac in civitáte domum sacerdótibus provídít, quam ob rem sub Elísabeth regína Prima Tybúrni láqueo suspénsa est. Cum ea passi sunt étiam beáti presbýteri et mártýres Marcus Barkworth, ex Ordine Sancti Benedícti, et Rogerius Filcock, e Societáte Iesu, adhuc spirántes ferro laniáti.

9*. Londínii in Anglia, beáti Guliélmi Richardson, presbýteri et mártýris, qui, Híspali in Hispánia ordinátus, últimus sub Elísabeth regína Prima martyr, propter sacerdótium Tybúrni patíbulo suspénsus est.

10*. In óppido *Sencelles* ínsulæ Maióricæ, beátæ Francíscæ Annæ a Vírgine Perdolénti Cirer Carbonell, vírginis, quæ, nec légere nec scríbere sciens, divíno tamen zelo mota, ad apostolátus caritatísque ópera se devóvit et communitátem Sorórum a Caritate instítuit.

11*. Ínsulæ in Aprútio Itáliæ, sancti Gabriélis a Vírgine Perdolénti (Francísci) Possenti, acólythi, qui, sáeculi vanitáte relícta, aduléscens Congregatiónem Passiόνis ingræssus est, ubi brevem vitæ cursum complévit.

12*. Massíliæ in Gállia, beátæ Maríæ a Iesu Deluil Martiny, vírginis, quæ Congregatiónem Filiárum Cordis Iesu fundávit et, a seditiósó viro ad mortem vulneráta, vitam íntime Passióni Christi coniúntam effúso sáanguine conclúsit.

13*. Pasti in Colúmbia, beátæ Maríæ a Caritate Spíritus Sancti (Carolínæ) Brader, vírginis, quæ vitam contemplatívam cum missionária navitáte omni stúdio conciliávit et ad pópulum per christiánam institutiónem provehéndum Soróres Franciscánas Maríæ Immaculátæ instítuit.

Die 28 februarii

Prídie Kalendas mártii; vel in anno bissextili: Tértio Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	24	25	26	27	28	29							

1. **C**ommemoratio Sanctórum presbyterórum, diaconórum et aliórum plurimórum, qui Alexándriæ, témpore Galliéni imperatóris, cum pestis sævíssima grassarétur, morbo laborántibus ministrántes libentíssime mortem oppetiérunt; quos religiósá piórum fides mártýres venerári consuévít.

2. Ad montem Iuram in território Lugdunénsi, depositio sancti Románi, abbátis, qui, antiquórum monachórum exémpa sequens, primus illic vitam duxit eremíticam et póstea plurimórum pater éxstitit monachórum.

3. Commemoratio sanctárum Maránæ et Cyræ, vírginum, quæ apud Beroeam in Sýria in loco exíguo et consáepto sub dio vitam duxérunt, ne tuguriúm quidem habéntes, siléntium observántes et victum necessariúm per fenestéllam accipiéntes.

Anno bissextili pñeterrmittantur:

4. Romævia Tiburtína, depositio sancti Hilárii, papæ, qui epístulas de fide Cathólica scripsit, quibus Concília Nicáenum, Ephesínium et Chalcedonénse confirmávit, primátum illústrans Románæ sedis.

5. Vigórnæ in Anglia, sancti Oswáldi, epíscopi, qui, primum canónicus, dein mónachus efféctus, Eboracénsi demum ac simul Vigorniénsi Ecclésiæ præfuit atque Régulam sancti Benedícti multis in monastériis instituit, comis, lætus ac doctus magíster.

6*. Aquilæ in Aprútio, beátæ Antóniæ de Floréntia, víduæ, póstea fundatrícis et primæ abbatíssæ monastérii Córporis Christi sub prima sanctæ Claræ Régula.

7. In urbe *Xilinxian* in Sinárum *Guangxi* Província, sancti Augústi Chapdelaine, presbýteri e Societáte Parisiénsi Missiónum ad éxteras gentes et mártýris, qui, a milítibus plúribus cum neóphytis apprehénsus quod christiánam fidem in hac regióne primus seminávisset, trecéntis verbéribus cæsus et in cávea exígua constíctus, tandem cápíte obtruncátus occúbuit.

Quolibet anno:

8*. Apud Parísios in Gállia, beáti Daniélis Brottier, presbýteri e Congregatióne Sancti Spíritus, qui in opus pro órphanis condéndum se impéndit.

9*. In campo exítii *Oświęcim* seu *Auschwitz* prope Cracóviam in Polónia, beáti Timóthei Trojanowski, presbýteri ex Ordine Fratrum Minórum Conventuálium et

mártýris, qui, pátria império in hómines ac religiómem hostíli subiecta, propter christiánam confessiõem supplíciis fractus martýrium consummávit.

ANNO BISSEXTILI

Die 29 februárii

Prídie Kalendas mártii. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	24	25	26	27	28	29							

1. **R**omæ via Tiburtína, depositio sancti Hilárii, papæ, qui epístulas de fide Cathólica scripsit, quibus Concília Nicáenum, Ephesinum et Chalcedonense confirmávit, primátum illústrans Románæ sedis.

2. Vigórnæ in Anglia, sancti Oswáldi, epíscopi, qui, primum canónicus, dein mónachus efféctus, Eboracénsi demum ac simul Vigorniénsi Ecclesiæ præfuit atque Régulam sancti Benedícti multis in monastériis instituit, comis, lætus ac doctus magíster.

3*. Aquilæ in Aprútio, beátæ Antóniæ de Floréntia, víduæ, póstea fundatrícis et Primæ abbatíssæ monastérii Córporis Christi sub prima sanctæ Claræ Régula.

4. In urbe *Xilinxian* in Sinárum *Guangxi* província, sancti Augústi Chapdelaine, presbýteri e Societáte Parisiénsi Missiõem ad éxteras gentes et mártýris, qui, a milítibus plúribus cum neóphytis apprehénsus quod christiánam fidem in hac regiõe primus seminávisset, trecéntis verbéribus cæsus et in cávea exígua constíctus, tandem cápíte obtruncátus occúbuit.

¹ Quarum nomina: beátæ Othilia Baumgarten, religiósa; Joanna Gruget, Ludovíca Rallier de la Tertinière, Magdaléna Perrotin, María Anna Pichery et Simona Chauvigné, víduæ; Francisca Pagis, Joanna Fouchard, Margarita Riviere, María Cassin, María Fausseuse, María Galard, María Gasnier, María Joanna Chauvigne, María Lenec, María Leroy Brevet, María Rouault, Petrina Phelippeaux, Renata Cailleau, Renata Martin et Victoria Bauduceau, uxóres; Joanna, Magdaléna et Petrina Sailland d'Espinatz, sorores; Gabriela, Petrina et Susanna Androuin, sorores; María et Renata Grillard, sorores; Anna Francisca de Villeneuve, Anna Hamard, Cárola Davy, Catharína Cottanceau, Francisca Bellanger, Francisca Bonneau, Francisca Michau, Iacóbina Monnier, Joanna Bourigault, Ludovíca Amata Dean de Luigne, Magdaléna Blond, María Leroy, Petrina Besson, Petrina Ledoyen, Petrina Grille, Renata Valin et Rosa Quenion.

² Quorum nomina: sancti Ioánnes de Goto Soan, Iacobus Kisai, religiōsi e Societate Iesu; Petrus Baptista Blazquez, Martínus ab Ascensione Aguirre, Franciscus Blanco, presbýteri ex Ordine Fratrum Minórum; Philíppus a Iesu de Las Casas, Gundisalvus García, Franciscus a Sancto Michaële de la Parilla, religiōsi ex eódem Ordine; Leo Karasuma, Petrus Sukejiro, Cosmas Takeya, Paulus Ibaraki, Thomas Dangi, Paulus Suzuki, catechístæ; Ludovicus Ibaraki, Antonius, Michæl Kozaki et Thomas, eius filius, Bonaventura, Gabriel, Ioánnes Kinuya, Matthias, Franciscus de Meako, Ioachim Sakakibara, Franciscus Adauctus, neophytæ.

³ Quarum nomina: beátæ Catharína et María Ludovíca du Verdier de la Sorinière, sorores; Ludovíca Bessay de la Voûte; María Anna Hacher du Bois; Ludovíca Poirier, uxor.

⁴ Quorum nomina: sancti Saturninus, présbyter, cum quáttuor filiis, id est Saturnino iuniore et Felice, lectoribus, María et Hilarione, infante; Dativus, qui et Sanator, Felix; álius Felix, Eméritus et Ampelius, lectores; Rogatianus, Quintus, Máximianus seu Maximus, Telica vel Tazelita, álius Rogatianus, Rogatus, Ianuarius, Cassianus, Victorianus, Vincentius, CIBcilianus, Restitúta, Prima, Eva, adhuc Rogatianus álius, Giválius, Rogatus, Pomponia, Secunda, Ianuaria, Saturnina, Martinus, Clautus, Felix iunior, Margarita, Maior, Honorata, Regiola, Victorínus, Pelusius, Faustus, Dacianus, Matrona, C~cilia, Victoria, virgo Carthaginénsis, Berectina, Secunda, Matrona, Ianuaria.

MARTIUS

Die 1 mártii

Kaléndis mártii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	25	26	27	28	29	1							

1. **R**omæ apud Sanctum Paulum via Ostiénsi, sancti Felícis papæ Tértii, qui sancti Gregórii papæ Magni átavus fuit.
2. Andégavi in Gállia Lugdunénsi, sancti Albíni, epíscopi, qui supérbos poténtium mores veheménter reprehéndit atque ad Ecclésiám renovándam Concílium Aurelianénse Tértium strénue promóvit.
3. Menéviæ in Cámbrica, sancti Dávidis, epíscopi, qui, exéempla et mores Patrum orientálium ímitans, monastérium cóndidit, unde permúlti profécti sunt mónachi, qui Cámbridam, Hibérniam, Cornúbiam et Armóricam evangelizárunt.
4. Apud Cenómanum in Néustria, sancti Siviárdi, abbátis Anninsulénsis.
5. In Werda Rheni ínsula in Saxónia, sancti Suitbérti, epíscopi, qui, primum mónachus in Northúmbria, sancti Willibrórdi sócius efféctus et a sancto Wilfrído epíscopus ordinátus, apud Bátavos, Frísios aliósque Germániæ pópulos Evangélium prædicávit et in cœnóbio, quod iam senex fundáverat, pie decéssit.
6. In Vascónia, sancti Leónis, epíscopi et mártiris.
- 7*. In monastério Venæ in abruptis montis Mercúrii in Calábria, sancti Leónis Lucæ, abbátis Mulénsis, qui, iuxta orientálium monachórum institúta, eremítica ac cœnobítica conversatióne cláruit.
- 8*. Cellæ Novæ in Galláecia Hispániæ, sancti Rudesíndi, ántea epíscopi Dumiénsis, qui vitam monásticam in eádem Província promovéndam vel instaurándam curávit

et, múnere episcopáli depósito, monásticum hábitum in monastério Cellæ Novæ induit, cui dein abbas præfuit.

9*. Tábiæ in Ligúria, commemoratio beáti Christophóri de Mediolano, presbýteri ex Ordine Prædicatórum, in Dei cultum et in sacram doctrínam inténti.

10*. Passáni in Venétia, beátæ Ioánnæ Mariæ Bonomo, abbatíssæ ex Ordine Sancti Benedícti, quæ, donis mysticis prædita, dolóres Domínicæ Passiόνis in corpore et ánima comunicávit.

11. In urbe *Xilinxian* in *Guangxi* Sinárum provincia, sanctæ Agnétis Cao Kuiying, mártiris, quæ, violénto viro iam nupta, post eius mortem ad christiánam doctrínam docéndam de epíscopi mandáto se cóntulit, quaprópter in cárcerem cóndita et crudelíssimos cruciátus passa, semper Deo confidens ad dapes ætérnas migrávit.

Die 2 mártii

Sexto Nonas mártii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	26	27	28	29	1	2							

1. Neocæsaréæ in Ponto, sancti Troádii, mártiris in persecutióne Décii imperatóris, cuius certámen sanctus Gregórius Thaumáturgus testificátus est.

2. Lichféldiæ in Anglia, sancti Ceáddæ, epíscopi, qui in angústis témporis sui provinciis Merciórum, Lindíssi et Mediterraneórum Anglórum episcopátus officio præfuit, quod iuxta antiquórum patrum exéempla in magnæ vitæ perfectiône administráre curávit.

3*. Agýrii in Sicília, sancti Lucae Casali de Nicósia, mónachi, humilitáte virtutibúsque repléti.

4. Pragæ in Bohémia, sanctæ Agnétis, abbatíssæ, quæ, filia regis Ottokári, regálibus núptiis spretis, Iesu Christo modo desponsári cúpiens, sanctæ Claræ Régulam

ampléxa est in monastério ab ipsa ædificáto, ubi paupertátem ad amússim observáre vóluit.

5*. Brugis in Flándria, beáti Cároli Boni, mártiris, qui, prínceps Dániæ ac deínde comes Flándriæ, iustítiæ custos et páuperum defénsor éxstitit, donec a milítibus, quos ad pacem invítos compéllebat, occísus est.

6. Híspali in Hispánia, sanctæ Angelæ a Cruce Guerrero González, quæ, Institúti Sorórum a Cruce fundátrix, nihil iuris magis sibi quam paupéribus sepósuit, quos dóminos suos nuncupáre sólita erat et vere deservíre.

Die 3 mártii

Quinto Nonas mártii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	27	28	29	1	2	3							

1. **C**æsaréæ in Palæstína, Sanctórum Maríni, mílitis, et Astérii, senatóris, mártirum sub Galliéno imperatóre; quorum prior, ab ínvido commilitóne quod christiánu delátus, coram iúdice fidem suam voce claríssima proféssus est et corónam martýrii cápitis abscissióne suscepit; cum Astérius corpus mártiris, qua induebátur veste substráta, excíperet, honórem, quem mártiri détulit, contínuo ipse martyr accepísse narrátur.

2. Calagúrri in Hispánia Tarraconénsi, Sanctórum Emethérii et Cheledónii, qui, cum ambo apud Legiónem in Galláecia in castris militárent, exsurgénte persecutióne, pro Christi Nóminis confessióne Calagúrrim usque dedúcti sunt ibíque martýrio coronáti.

3. Amaséæ in Ponto, sanctórum Cleoníci et Eutrópii, mártirum in persecutióne Maximiáni imperatóris sub Asclepiódato práeside.

4. Bríxiæ in Venétia, sancti Titiáni, epíscopi.

5. In Cornúbia Armóricæ, sancti Winwalóei, primi abbátis Landevenecénsis, qui discipulus sancti Budóci in Láurea ínsula fuisse et Régulam monásticam illustrásse tráditur.

6*. Benevénti in Campánia, sanctæ Arthelláidis, vírginis.

7*. Nonántulæ in Æmília, sancti Ansélmi, fundatóris et primi abbátis monastérii, qui quinquagínta annos monásticam disciplínam tam præcéptis quam virtútum exercítio promóvit.

8. Confúgiæ in Hássia, sanctæ Cunegúndis, quæ plúrima Ecclésiæ cóntulit beneficia una cum cóniuge sancto Henríco imperatóre, post cuius mortem in claustro moniális, quo secésserat, Christum sibi herédem fáciens, ipsa óbiit. Corpus eius honorífice iuxta sancti Henríci ossa Bambérgæ depósitum est.

9*. In Frísia, beáti Frideríci, presbýteri, primum párochi in óppido *Hallum*, dein abbátis monastérii Hortis Beátæ Maríæ ex Ordine Præmonstraténsi.

10*. Panórmí in Sicília, beáti Petri Geremia, presbýteri ex Ordine Prædicatórum, qui, a sancto Vincéntio Ferrer in ministério verbi Dei confirmátus, salúti animárum totum se dedit.

11*. Vercéllis in Subalpínis, beáti Iacobíni de' Canepacci, religiósi ex Ordine Carmelitárum, oratiónis et pæniténtiæ stúdio præclári.

12*. Apud Gondar in Æthiópia, beatórum Liberáti Weiss, Samuélis Marzorati et Michaélis Pio Fasoli da Zerbo, presbyterórum ex Ordine Fratrum Minórum et mártýrum, qui ob fidem Cathólicam lapidáti occubuérunt.

13*. Dariórigi in Británia Minóre Gállia, beáti Petri Renáti Rogue, presbýteri e Congregatióne Missiónis et mártýris, qui, témpore gállicæ perturbatiónis, nefárium iusiurándum clero impósitum recúsans, in civitáte permánsit, ut fidélibus secréto ministráret, et, cápite damnátus, in ipsa Ecclésia ubi sacra mystéria celebrábat ad Misericórdiam Dómini migrávit.

14. Bríxiæ in Langobárdia, sanctæ Terésia Eustóchii (Ignátia) Verzeri, vírginis, Institúti Filiárum a Sacratíssimo Corde Iesu fundatrícis.

15*. Bérghi item in Langobárdia Itáliæ, beáti Innocéntii de Berzo (Ioánnis) Scalvinoni, presbýteri ex Ordine Fratrum Minórum Capuccinórum, qui exímia caritatē in verbo Dei diffundéndo atque in confessiónibus audiéndis enítuit.

16. Philadelphíæ in Pennsilvânia e Civitatibus Fœderátis Américæ Septemtrionális, sanctæ Catharínæ Drexel, vírginis, quæ Congregatiónem Sorórum a Sanctíssimo Sacraménto fundávit et divítias hereditátis suæ lárgiter ac benígne ad Indos Nigrítasque educándos et sublevándos impéndit.

Die 4 mártii

Quarto Nonas mártii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	28	29	1	2	3	4							

Sancti Casimíri, filii regis Polóniæ, qui, princeps, fidei zelo, castitatē et Spæniténtia, benignitatē in páuperes atque devóta erga Eucharístiam et beatam Vírginem Mariam veneratióne enítuit et iúvenis, phthisi consúptus, in óppido Grodna apud Vilnam in Lithuánia pie quiévit.

2. Nicomedíæ in Bithýnia, Sanctórum Phótii, Archelái, Quiríni et aliórum decem et septem, mártýrum.

3*. Tréviris in Rhenánia Austrásiæ, sancti Basíni, epíscopi, qui, e dúcibus Austrásiæ regni ortus, primum mónachus, dein abbas Sancti Maximíni Treviaénsis éxstitit et, ad sedem episcopálem civitátis demum evéctus, fundatióni sanctæ Irmínæ Epternáci consénsit.

4*. Comácli in Flamínia, sancti Appiáni, mónachi, qui, e monastério Papiénsi missus, hac in civitatē vitam exégit eremitícam.

5*. In monastério Cavénsi in Campánia, sancti Petri, qui, monásticam vitam a iuventúte secútus, Policastrénsis epíscopus eléctus est, sed, exterióris vitæ strépítum fastídiens, ad monastérium rédiit, ubi, abbas constitútus, disciplínam mire instaurávit.

6*. Cambérii in Sabáudia, beáti Humbérta, cómitis Sabáudiæ Tértii, qui, claustrum deserere coactus ad rem públicam gerendam, monásticam vitam, ad quam mox vero rédiit, impénsius cóluit.

7*. Londínii in Anglia, beatórum Christophóri Bales, presbýteri, Alexándri Blake et Nicolái Horner, mártýrum, qui, persecutióne Elísabeth regínæ Primæ sæviénte, simul corónam glóriæ accepérunt.

8*. In cœnóbio Sancti Salvatóris Vicecómitis in Normánnia Gállia, beátæ Plácidæ (Euláliæ) Viel, vírginis, quæ in Congregatióne Scholárum Christianárum a Misericórdia regénda zelo et humilitáte cláruit.

9*. Vicétia in Itália, beáti Ioánnis Antónii Farina, epíscopi, qui, multipliciter dedit óperam rei pastoráli et Institutum Sorórum Magistrárum a Sancta Dorothea Filiárum a Sacris Córdibus fundávit, quæ de puellárum páuperum institutióne ac de ómnibus afflíctis discriminátisque providérent.

10*. In óppido *Berezwecz* apud civitátem *Glebokie* in Polónia, beatórum Miecislái Bohatkiewicz, Ladislái Mackowiak et Stanislái Pyrtek, presbyterórum et mártýrum, qui, belli tempestáte, ob Christi fidem in cárcerem coniécti sunt et plumbis interfécti.

Die 5 mártii

Tértio Nonas mártii. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	30	29	1	2	3	4	5							

1. **C**ommemorátio sancti Theóphili, epíscopi Cæsariénsis in Palæstína, qui sub Septímio Sevéro imperatóre, sapiéntia et vitæ integritáte conspícuus emícuit.

2. In Pamphýlia, sancti Conónis, mártýris, qui, hortulánu, sub Décio imperatóre, pédibus clavis confixis, ante currum cúrrere iussus in génua procúbuit atque in oratióne spíritum réddidit.

3. Romæ via Appia in cœmetério Callísti, depositio sancti Lúcii, papæ, qui, sancti Cornélii succëssor, pro Christi fide exsiliũ passus est et, fidei confëssor exímus, in angústis tẽporis sui moderatiõe ac prudẽtia se gessit.

4. Sinõpe in Ponto, sancti Phocæ, mártiris, qui, hortulãnus, multas pro Redemptóriis nómine passus est iniúrias.

5. Cæsaréæ in Palæstína, sancti Hadriáni, mártiris, qui in persecutiõe Diocletiáni imperatóris, iussu Firmiliáni præsidis, die festo, quo natalícia Fortúnæ Cæsarénsium celebrári solébant, ob Christi fidem primum leóni obiëctus est, deinde gládio iugulátus.

6. In Palæstína ad ripam Iordánis, sancti Gerásimi, anachorëtæ, qui, tẽpore Zenónis imperatóris, ad orthodoxam fidem a sancto Euthýmio redúctus, magna pæniténtiæ ópera egit, ómnibus, qui sub ipso vita monástica se exercébant, intégerrimæ disciplinæ et victus ratiõnem ófferens.

7*. Sagíriæ in Ossória Hibérniæ regiõe, sancti Kieráni, epíscopi et abbátis.

8*. Areláte in Província, sancti Virgílii, epíscopi, qui sanctum Augustínus et mónachos ad Anglos iter agéntes hospítio recépit, sancto Gregório papa Magno commendánte.

9*. Viglébani in Langobárdia, beáti Christophóri Macassoli, presbýteri ex Ordine Minórum, prædicatiõe et caritáte in páuperes insígnis.

10*. Neápoli in Campánia, beáti Ieremíæ de Valáchia (Ioánnis) Kostistik, qui, religiósus ex Ordine Fratrum Minórum Capuccinórum, quadraginta annos caritáte et lætítia indesinénter infirmis assédit.

11. Item Neápoli, sancti Ioánnis Ioséphi a Cruce (Cárolí Caietáni) Calosirto, presbýteri ex Ordine Fratrum Minórum, qui, sancti Petri de Alcántara vestigia prósequens, multis in Neápolitane Provínciæ cœnóbiis regulárem disciplinam restítuit.

Die 6 mártii

Prídie Nonas mártii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

1. **D**erthóme in Ligúria, sancti Marciáni, qui epíscopus et martyr cólitur.
2. · Nicomedíæ in Bithýnia, sancti Victoríni, mártiris.
3. Tréviris in Gállia Béllica, sancti Quiríaci, presbýteri.
4. Commemorátio sancti Evágrii, epíscopi Constantinópolisani, qui, a Valénte imperátore in exsílum missus, fidei confessor exímus ad Dóminum migrávit.
5. Toléti in Hispánia, sancti Iuliáni, epíscopi, qui tria Concília hac in civitate coadunávit atque scriptis orthodoxam explanávit doctrinam, iustítiam, caritatem ac zelum animárum sédulo præbens.
6. Sacónii apud Helvétios, sancti Fridolíni, abbátis, qui, ex Hibérnia oriúndus, per Gálliam peregrinátus est, donec Sacónii duplex monastérium fundávit in honórem sancti Hilárii.
7. Metis in Austrásia, sancti Chrodegángi, epíscopi, qui clerum tamquam intra sæpta claustrórum sub íntegra norma vitæ convérsari iussit atque cantum in Ecclésia mirífice promóvit.
8. In Sýria, pássio Sanctórum quadragínta duórum mártýrum, qui, Amórii Phrýgiæ comprehénsi et ad flumen Euphráten perducti, egrégio certámne palmam martýrii percepérunt.
- 9*. Barcinóne in Cataláunia Hispániæ, sancti Ollegáarii, epíscopi, qui étiam cáthedram Tarraconénsem ténuít, cum antiquíssima sedes hæc a iugo Maurórum liberáta est.
- 10*. Vitérbii in Túscia, beátæ Rosæ, vírginis, e Tértio Ordine Sancti Francísci, quæ, in caritátis opéribus assidua, duodevicésimo ætátis anno ante tempus brevem vitæ cursum consummávit.

11. Gandávi in Flándria, sanctæ Colétæ Boylet, vírginis, quæ tres annos aspérrimam vitam duxit in domúncula iuxta Ecclésiám cón dita reclúsa et mox, sancti Francísci Régulam proféssa, plura Clarissárum monastéria ad prístinam vitæ formam redúxit, paupertátis præsertim et pæniténtiæ spíritum indúcens.

Die 7 mártii

Nonis mártii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

Memória sanctárum mártýrum Perpétuæ et Felicitátis, sub Septímio Sevéro imperatóre apud Cartháginem apprehensárum áliis cum adulescéntibus catechúmenis; quarum Perpétua, matróna círciter annórum vigínti duórum, mater erat infántis ad úbera, Felícitas vero serva, quæ, cum prægnans esset, iuxta leges ut páreret serváta, etsi in dolóribus partus, obiécta feris gaudébat. De cárcere in amphitheátrum hílari vultu, quasi in cælum, processérunt.

2. Ibídem, pássio Sanctórum Sátyri, Saturníni, Ævocáti et Secúndini, quorum, eádem persecutióne furénte, últimus in cárcere óbiit, céteri vero, a váriis vexáti béstiis, omnes ínvicem osculántes ferro iuguláti occubuérunt.

3. Cæsaréæ in Palæstína, pássio sancti Eubúlii, qui, sócius sancti Hadriáni, bíduo post illum a leónibus laniátus est et gládio trucidátus.

4. Apud Chersonésum, Sanctórum episcopórum Basílii, Eugénii, Agathodóri, Elpídii, Æthérii, Capitónis et Ephræm, mártýrum.

5. Apud Thebáidem in Ægýpto, sancti Pauli, cognoménto Símplicis, sancti Antónii discípuli.

6. Bríxiæ in Venétia, sancti Gaudiósi, epíscopi.

7*. In monastério Anianénsi in Septimánia, sancti Ardónis Smarágdi, presbýteri, qui sancto Benedicto Anianénsi sócius fuit in vita cœnobítica.

8. Prusæ in Bithýnia, sancti Pauli, epíscopi, qui ob cultum sacrarum Imáginum defénsus pátria pulsus exsul e vita decéssit.

9. In monastério Fossrenóvre Ordinis Cisterciénsis in Látio, tránsitus sancti Thomæ de Aquíno, cuius Memória die vigésima octáva ianuárii celebrátur.

10*. Londínii in Anglia, beatórum mártýrum Ioánnis Larke et Ioánnis Ireland, presbyterórum, atque Germáni Gardiner, qui ob fidelitátem Románo Pontífici servátam Tybúrni suspéndio occubuérunt, sub Henríco rege Octávo.

11. Floréntiæ in Etrúria, sanctæ Terésiae Margarítæ Redi, Vírginis, quæ, Ordinem Carmelitárum Discalceatárum ingrèssa, arduam perfectiónis viam calcávit, immatúra morte corrèpta.

12. Seuli in Coréa, sancti Ioánnis Baptístæ Nam Chong-sam, mártýris.

13. In loco *Sai-Nam-Hte* item in Coréa, sanctórum mártýrum Simeónis Berneux, epíscopi, Iusti Ranfer de Bretenières, Ludovíci Beaulieu et Petri Henríci Dorie, presbyterórum e Societáte Parisiénsi Missiónum ad éxteras gentes, qui, cum persecutóribus fidénter respondíssent se in Coréam ad salvándas in Christi nómine ánimas venísse, cápite obtruncáti sunt.

14*. In urbe *Kirov* in Rússia; beáti Leónidæ Fëdorov, epíscopi et mártýris, qui, munus exércens exárchæ Apóstolici catholicórum Russicórum Ritus byzantíni, ante régimen religióni infénsus Christi discipulus fidélis adúsque mortem méruiť esse.

Die 8 mártii

Octávo Idus mártii. Luna

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

Sancti Ioánnis de Deo, religiósi, qui, génere lusitánus, post vitam periculórum plenam in milítia melióra exóptans, constánti caritate egénis et infirmis óperam in nosocomío a se ædificáto præbuit et sibi sócios adscívit, qui póstea Ordinem Hospitalarium Sancti Ioánnis de Deo constituérunt. Hac die Granátæ in Hispánia ad ætérnam quiétem migrávit.

2. Commemorátio sancti Póntii, qui Carthágine diáconus fuit sancti Cypriáni, quem in exsílio ad óbitum usque comitátus est, de vita et passióne eius egrégium volúmen relínquens.

3. Apud Antínoen in Ægýpto, sanctórum Apollónii et Philemónis, mártýrum.

4*. Comi in Ligúria, sancti Províni, epíscopi, qui, sancti Ambrósii fidélis discípulus, Ecclesiám ipsi commíssam ab ariána háeresi servávit.

5*. In ínsula Cathénsi in Hibérnia, sancti Senáni, abbátis.

6. Dumnóci in Anglia, sancti Felícis, epíscopi, qui, e Burgúndia oriúndus, Anglos orientáles sub potestáte Sigebérta regis evangelizávit.

7. Nicomedíæ in Bithýnia, sancti Theophilácti, epíscopi, qui, ob cultum sacrárum Imáginum exsílio afféctus, Stróbili in Cária defúctus est.

8*. Apud Mórinos in Gállia, sancti Humfrídi, epíscopi Taruannénsis, qui, civitáte a Normánnis evérta, indesinéter gregem suum congregáre et consolári curávit.

9*. Pápiæ in Langobárdia, sancti Litiphridi, epíscopi.

10*. In óppido *Tayne* in Scótia, depositio sancti Dutháci, epíscopi Rossénsis.

11*. Apud Stellam in Navarra, sancti Veremúndi, abbátis Hyrachénsis, qui, inde ab infántia mónachus, ob stúdium perfectiónis mónachos ipsi súbditos exémplo incitávit, ieiúniis et vigíliis déditus.

12*. Obazínæ apud Lemóvicum in Aquitánia, sancti Stéphaní, primi abbátis monastérii huius loci, qui, Deum quærens, tria monastéria ab ipso condita Ordini Cisterciénsi coniúnxit.

13*. In monastério Androviénsi in Polónia, tránsito beáti Vincéntii Kadlubek, epíscopi Cracoviénsis, qui, múnere abdicáto, monásticam vitam illic proféssus est.

14*. In civitate *Getafe* prope Matrítum in Hispánia, beáti Faustíni Míguez, religiósi ex Ordine Clericórum Regulárium Scholárum Piárum, qui, sacerdotio auctus, in munus docéndi totus se cóntulit, magnam ássequens magístri ac rerum natúræ períti opinióem pastoráli vero navitate sédulus, et Congregatióem Filiárum a Divína Pastóra fundávit.

Die 9 mártii

Séptimo Idus mártii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

Sanctæ Francíscæ, religiósæ, quæ, adulescéntula nupta, in matrimónio quadragínta annos vixit, uxor et materfamílias probáta, pietáte, humilitáte et patiéntia admirábilis. Tempóribus calamitósus, bona sua paupéribus distríbuit, ægrótis ministrávit et, cóniuge defúncto, inter oblátas, quas sub Régula sancti Benedícti Romæ congregáverat, secéssit.

2. Apud Sebástem in Arménia, pássio sanctórum quadragínta mílitum Cappádocum, qui, non ságuinis sed fidei et obséquii erga Patris cæléstis voluntátem sócii, témpore Licínii imperatóris, post víncula ac sæva torménta, frigidíssimo híemis témpore supra stagnum rigens pernoctáre nudí sub dio iussi, crurifrágio mártýrium consummáru(n)t.

3. Barcinóne in Hispánia Tarraconénsi, sancti Pacíáni, epíscopi, qui, fidem expónens, christiánum sibi nomen esse profítebátur, Cathólicum vero cognómen.

4*. In pago Rapóllæ in Lucánia, sancti Vitális de Castronóvo, mónachi.

5. In Morávia orientáli, sancti Brunónis, epíscopi Querfurténsis et mártýris, qui, dum in Itália Othónem imperatórem Tértium comitabátur, sancti Romuál-di auctoritáte permótu(s), ad monásticam disciplínam se trádídít et, nómine Bonifátio accépto, in

Germániam regréssus atque a Ioánne papa Décimo epíscopus creátus, in expeditiúnibus apostólicis cum sóciis duodevigínti ab idolólatris trucidátus est.

6. Bonóniæ in Æmília, sanctæ Catharínæ, vírginis ex Ordine Sanctæ Claræ, quæ, ingénuis ártibus clara, sed mýsticis virtútibus atque pæniténtiæ humilitátisque cursu illústrior, sacras vírgines duxit.

7. Mondónii in Subalpínis, sancti Domínici Savio, qui, iam inde a puerítia dulcis et iucúndus ánimo, iter Christiánæ perfectiúnis céleri gressu adhuc aduléscens consummávit.

8. In pago *Nei-Ko-Ri* in Coréa, sanctórum Petri Ch'oe Hyöng et Ioánnis Baptístæ Chõn Chang-un, mártirum, qui, patresfamílias, baptísma contulérunt et líbros christiános typis edidérunt, quaprópter supplíciis dati ádeo constántes in fide exstitérunt, ut suórum persecutórum admiratiónem effícerent.

Die 10 mártii

Sexto Idus mártii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

1. **A**paméæ ad Meándrum in Phrýgia, commemorátio sanctórum Caii et Alexándri, mártirum, qui in persecutióne Marci Antoníni et Lúcii Veri imperatórum glorióso martýrio coronáti sunt.

2. In Africa, commemorátio sancti Victóris, mártiris, in cuius festivitáte sanctus Augustínus ad pópulum de eo tractátum hábuit.

3. Item commemorátio sancti Marcárii, epíscopi Hierosolymitáni, cuius hortátu loca sancta a Constantíno Magno et sancta Hélena, eiúsdem matre, repurgáta sunt et sacris illustráta basílicis.

4. Romæ apud sanctum Petrum, sancti Simplicii, papæ, qui, cum bárbari Itáliam et Urbem vastárent, afflíctos confirmávit, unitátem Ecclésiæ fovit et fidem firmávit.

5. Parísii in Gállia, sancti Droctovéi, abbátis, qui a sancto Germáno Augustodunénsi magistro suo monachórum cœnóbio hac in urbe Institúto præpósitus est.

6. In monastério Bobiénsi in Ligúria, sancti Attalæ, abbátis, qui, cœnobíticæ vitæ cultor, ad Lirinénse monastérium primum, mox ad Luxoviénse se cóntulit, ubi sancto Columbáno succéssit, zelo ac discretiónē magnópere énitens.

7. Glasguæ in Scótia, sancti Ioánnis Ogilvie, presbýteri e Societáte Iesu et mártiris, qui, post multos annos in stúdiis sacræ theológiæ peráctos exsul per regna Európæ, sacerdos ordinátus clam in pátriam rédiit, ubi summa cum sedulitate omnem pastorálem hábuit curam concívium suórum, donec, sub Iacóbo rege Sexto in cárcerem coniéctus et morte damnátus, in patíbulo gloriósam palmam martýrii accépit.

8*. Parísii in Gállia, beátæ Mariæ Eugénia Milleret de Brou, vírginis, fundatrícis Congregatiónis Sorórum de Assumptiône, ad puéllas christiáne educándas.

9*. Prope civitátem *Cortázar* in México, beáti Elíæ a Succúrsu (Mattháei Elíæ) Nieves del Castillo, presbýteri ex Ordine Fratrum Sancti Augustíni et mártiris, qui, persecutióne furénte, comprehénsus quad ministérium clam adimpléret, in ódium sacerdotii plumbis cæsus est.

Die 11 mártii

Quinto Idus mártii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

1. **S**myrnæ in Asia, sancti Piónii, presbýteri et mártiris, qui, ut narrátur, ob apológiā pro fide christiána coram pópulo factā, post squalórem cárceris, ubi multos ad martýrium tolerándum suis exhortatió nibus roborávit fratres, cruciátibus vexátus, beátum pro Christo finem per ignem sortítus est.

2. Laodicæ in Sýria, sanctórum Tróphimi et Thali, mártýrum, qui in persecutióne Diocletiáni imperatóris post multa sæváque torménta corónas glóriæ assecúti sunt.

3*. In Scótia, sancti Constantíni, regis, sancti Colúmbæ discípuli et mártýris.

4. Hierosólymæ, sancti Sophrónii, epíscopi, qui Ioánnem Moschum magístrum et amícum hábuit, quocum loca monástica visitávit, et post Modéstum huius sedis præsul eléctus, cum Cívitas Sancta in manus incídit Saracenórum, fidem pópuli ac securitátem strénue deféndit.

5*. In Hannónia Néustriæ, sancti Vindiciáni, epíscopi Cameracénsis et Atrebaténsis, qui de sancti Leodegárii morte Theodóricum regem Tértium mónuit, ut pæniténtia crimen expiáret.

6. Medioláni, depositio sancti Benedícti, epíscopi.

7*. In monastério Tamlachténsi in Hibérnia, sancti Engi, cognoménto Cúldei, mónachi, qui album Sanctórum Hibérniæ sédulo compósuit.

8. Córdubæ in Vandalícia Hispániæ regióne, sancti Eulógii, presbýteri et mártýris, ob præcláram Christi confessiόνem gládio decolláti.

9*. In óppido *Cupramontana* in Picéno Itáliæ, beáti Ioánnis Baptístæ de Fabriáno Righi, presbýteri ex Ordine Fratrum Minórum.

10*. Eboráci in Anglia, beáti Thomæ Atkinson, presbýteri et mártýris, qui sub Iacóbo rege Primo propter solum sacerdótium martýrium passus est.

11*. Clonæ in Hibérnia, beáti Ioánnis Kearney, presbýteri ex Ordine Fratrum Minórum et mártýris, qui, cápite damnátus quod sacerdos per Angliam transíret, fuga senténtiam devitáverat, sed dein sub regímine Olivérii Cromwell de sacerdótio in pátria professo íterum argútus láquei supplício afféctus est.

12. In urbe *Hung Yén* in Tunquíno, sancti Domínici Câm, presbýteri et mártýris, qui multos annos clam in discrímira vitæ necnon in cárcere ministrávit et tandem, iussu imperatóris Tu Dùc cápite damnátus, crucem Dómini, quam fírmiter calcáre respúerat, ampléxus est.

13. In loco *Sai-Nam-Hte* in Coréa, Sanctórum mártýrum Marci Chǒng Ui-bæ, catechístæ, et Aléxii U Se-yǒng, qui ob fidem christiánam ab ipsis propínquis contuméliis et verbéribus affécti sunt.

Die 12 mártii

Quarto Idus mártii. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	F	G	H	M	N	P							
2	3	4	5	6	7	7	8	9	10	11	12							

1. Thevéste in Numídia, sancti Máximiliani, mártýris, qui, Victóris veteráni filius et ipse conscriptus, Díoni procónsuli respóndit christifideli militáre non licére; et cum sacraméntum milítiae recusavísset, gládio ánimadverti iussus est.

2. Nicomedíæ in Bithýnia, commemorátio Sanctórum mártýrum Mýgdonis, presbýteri, Eugénii, Máximi, Domnæ, Mardónii, Smarágdi et Hiláarii, qui singuli singulis diébus suffocáti sunt, ut céteris metus incuterétur.

3. Ibídem, pássio sancti Petri, mártýris, qui, cum Diocletiáni imperatóris cubiculárius esset et libérius mártýrum supplicia quererétur, eiúsdem Augústi iussu in médium addúcitur ac primo suspénsus diutíssime flagris tortus est, deínde in cráticula igne assátus. Dorotheús et Gorgónius autem, eídem cubículo regis præpósiti, reclamántes, simílibus pæne suppliciis affécti sunt et ad últimum láqueo necáti.

4. Romæ in cœmetério Pontiáni ad Ursum pileátum, depositio sancti Innocéntii papæ Primi, qui sanctum Ioánnem Chrysóstomum deféndit, Hierónymum consolátus est et Augustínus approbávit.

5. In civitáte Leonénsi in Británnia Armórica, sancti Pauli Aureliáni, primi epíscopi huius civitátis.

6. Romæ apud sanctum Petrum, depositio sancti Gregórii papæ Primi, cognoméno Magni, cuius memória die tértia septémbris, scílicet die ordinatiónis eius, recólitur.

7. Sigriánæ in Bithýnia in monastério Agri Magni, depositio sancti Theóphanis, cognomento Chronógraphi, qui, ex ditíssimo pauper mónachus factus, a Leóne Arméno imperatóre ob sacrárum Imáginum cultum biénno in cárcere deténtus est et inde in Samothráciam deportátus, ubi, ærúmnis conféctus, spíritum réddidit.

8*. Vintóniæ in Anglia, sancti Elphégi, epíscopi, qui, iam mónachus, cœnobíticae vitæ instaurationem summópere curávit.

9*. In civitáte Sancti Geminiáni in Etrúria, beátæ Finæ, vírginis, quæ inde a téneris annis diutúrnā ac gravem infirmitátem invícta patiéntia soli Deo confisa pértulit.

10*. Arétii in Etrúria, beátæ Iustínæ Francucci Bezzoli, vírginis ex Ordine Sancti Benedícti et reclúsæ.

11*. Recinéti in Picéno Itáliæ, beáti Hierónymi Gherarducci, presbýteri ex Ordine Eremitárum Sancti Augustíni, qui ad pacem et Concórdiam populórum procurándam incúbuit.

12. In urbe *Guiyang* Provinciæ *Guangxi* Sinárum, sancti Ioséphi Zhang Dapeng, mártiris, qui, lúminæ fidei accépto, vixdum baptizátus missionáriis et catechístis domum apéruit atque paupéribus, ægrótis et púeris omnímōdo subvénit, donec ad crucis supplicium ductus est, lácrimas tamen gáudio effúndens, quod pro Christo mori dignus existimátus esset.

13*. Cracóviæ in Polónia, beátæ Angelæ Salawa, vírginis e Tértio Ordine Sancti Francísci, quæ, in doméstico servítio totam vitam dégere éligens, humíliter inter fámulas vixit et in summa paupertáte ad Dóminum migrávit.

14. Matútæ in Ligúria Itáliæ, sancti Aloýsii Orione, presbýteri, qui Parvam Operam a Divína Providéntia instítuit pro bono iúvenum et ómnium derelictórum.

Die 13 mártii

Tértio Idus mártii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	8	8	9	10	11	12	13							

1. **N**icomediæ in Bithýnia, sanctórum mártýrum Macedónii, presbýteri, Patrícia, uxóris, et Modéstæ, filiæ.
2. Hermópoli in Ægýpto, sancti Sabíni, mártýris, qui multa passus est et tandem in flumen proiéctus occúbuit.
3. In Pérside, sanctæ Christínæ, mártýris, quæ, virgis percússa, martýrium consummávit sub Chósroe rege Persárum Primo.
- 4*. Pictávii in Aquitánia, sancti Piéntii, epíscopi, qui beátæ Radegúndi summo auxílio fuit in cœnóbiis condéndis.
5. Híspali in Hispánia, sancti Leándri, epíscopi, qui, frater Sanctórum Isidóri, Fulgéntii ac Florentínæ, prædicatione et indústria sua gentem Visigothórum, Reccarédo rege eórum adiuvánte, ab ariána impietáte ad Cathólicam fidem convértit.
- 6*. In monastério Novaliciénsi ad pedes montis Cinísii in valle Segúsina, sancti Eldrádi, abbátis, qui, divíni cultus studiósus, psaltérium emendávit novásque Ecclésias exstruéndas curávit.
7. Córdubæ in Vandalícia Hispániæ regiône, pássio Sanctórum Ruderíci, presbýteri, et Salomónis, mártýrum, quorum prior, cum Mahométo vere prophétam ab Omnipotente missum credere recusavisset, in cárcerem coniéctus est, ubi in Salomónem incúrrit, qui aliquámdiu ántea mahometánæ religióni adhæserat, et simul cápitis obtruncatióne agónis cursum glorióse perfecérunt.
8. Apud Camerínium in Picéno Itáliæ, sancti Ansovíni, epíscopi.
- 9*. In monastério Cavénsi in Campánia, beáti Petri Secúndi, abbátis.
- 10*. Oxónii in Anglia, beáti Agnélli de Pisis, presbýteri, qui, a sancto Francíscó in Gálliam, dein in Angliam missus, Ordinem Minórum ibídem instituit et sacras sciéntias promovít.
- 11*. Erenéi in pago Meduáno Gállia, beátæ Franciscæ Tréhet, vírginis e Congregatióne a Caritate et mártýris, quæ ad púeros instituéndos et ægrótos curándos omni stúdio se cóntulit et, témpore gállicæ perturbatiónis, pro Christo martýrium ferro complévit.

Die 14 mártii

Prídie Idus mártii. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	30	1	2	3
A	B	C	D	E	F	F	G	H	M	N	P							
4	5	6	7	8	9	9	10	11	12	13	14							

1. **P**idnæ in Macedónia, sancti Alexándri, mártiris.
2. Medioláni in Ligúria, sancti Lázari, epíscopi.
3. Carnúti in Gállia, sancti Leobíni, epíscopi.
4. Quedlinbúrgi in Saxónia, sanctæ Mathíldis, quæ, uxor Henríci regis fidelíssima, humilitate et patientia conspicua, in sublevándos páuperes et in valetudinária monastériaque condénda benígnas impéndit curas.
- 5*. In pago Fuldénsi in Germánia, sanctæ Paulínæ, religiósæ.
- 6*. Leódii in Lotharíngia, beátæ Evæ Montis Cornélii, reclúsæ prope cœnóbium Sancti Martíni, quæ una cum sancta Iuliána, eiúsdem cœnóbii prioríssa, plúrimum óperam navávit, ut Urbánus papa Quartus sollemnitétem Córporis Christi institúeret.
- 7*. Panórmí in Sicília Itáliæ, beáti Iacóbi Cusmano, presbýteri, qui Institutum Missionariórum Servórum et Servárum páuperum fundávit, insígni caritate in egénos et infirmos clarus.

Die 15 mártii

Idibus mártii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

1. **P**árisii in Hellespónto, sancti Menígni, fullónis, qui sub Décio imperatóre passus esse tráditur.
2. Romæ, sancti Zachariæ, papæ, qui, ímpetum cóntinens Langobardórum, Francis rectum índicans órđinem, Ecclesiás próvidens Germánis et cum Græcis prósequens Societátem, Dei Ecclesiám summa vigilántia ac prudéntia gubernávit.
3. Córdubæ in Vandalícia Hispániæ regióne, sanctæ Leocrítiæ, vírginis et mártiris, quæ, ex Maura Família orta, occúlte fide Christi enítuit et, cum sancto Eulógio domi capta, quarta die post eius martýrium decolláta ad ætéřnam glóriam transívit.
- 4*. Apud Burgum in Castélla Hispániæ regióne, sancti Sisebúti, abbátis Caradignénsis.
5. Eboráci in Anglia, beáti Guliélmi Hart, presbýteri et mártiris, qui, in Collégio Anglórum Romano ordinátus, sub Elísabeth regína Prima, ex eo quad alíquibus persuasísset ut fidem Cathólicam amplecteréntur, láqueo suspénsus est et exenterátus.
6. Parísii in Gállia, sanctæ Ludovicæ de Marillac, víduæ, quæ ad egénos sublevándos Institútum Puellárum a Caritáte exémplo formávit, óperam a sancto Vincéntio de Paul delineátam plene perficiens.
7. Vindóbonæ in Austria, sancti Cleméntis Mariæ Hofbauer, presbýteri e Congregatióne Sanctíssimi Redemptóris, qui fidei in longínquis regiónibus propagándæ et disciplínæ Ecclesiasticæ reformándæ mire adlaborávit et, tam ingénio quam virtútibus clarus, haud paucos sciéntiis artibúsque claros viros ímpulit, ut Ecclesiám adírent.
- 8*. Premísliæ in Polónia, beáti Ioánnis Adalbérti Balicki, presbýteri, qui múltiplex pro univérso pópulo Dei navávit ministérium, particulári sedulitáte ánimun inténdens ad Evangélium prædicándum et lapsis puéllis assidéndum.
- 9*. Viédmæ in Argentína, beáti Artémidis Zatti, religiósi e Societáte Sancti Francísci Salèsii, qui zelo missionário emícuit et, in angústias Patagóniæ proféctus, totam vitamin valetudinário huius civitátis summa ánimi magnitúdine patiénter et humíliter necessitatibus egenórum subvénit.

Die 16 mártii

Décimo séptimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	30	1	2	3	4	5
A	B	C	D	E	F	F	G	H	M	N	P							
6	7	8	9	10	11	11	12	13	14	15	16							

1. **A**quiléiæ in Venétia, Sanctórum Hilárii, epíscopi, et Tatiáni, mártýrum.
2. Seleucíæ in Pérside, sancti Papæ, qui, ex Lycaónia oriúndus ob Christi fidem, post plúrima torménta, martýrio diem óbiit.
3. Anazárbi in Cilícia, sancti Iuliáni, mártýris, qui, sub Marciáno præside diutíssime cruciátus, demum in saccum una cum serpéntibus inclúsus in mare præcipitátus est.
- 4*. In Artésia Néustriæ, sanctæ Eusébiæ, abbatíssæ Hammaticénsis, quæ, post mortem patris, cum sancta matre Rictrúde ad vitam monásticam se cóntulit et adhuc aduléscens post áviam sanctam Gertrúdem abbátissa elécta est.
5. Colóniæ Agrippínæ in Germánia, sancti Heribérti, epíscopi, qui, Othónis imperatóris Tértii cancellárius, invítus ad sedem episcopálem eléctus, clerum et pópulum suum virtútum exémplis indesinéter collustrávit, quas étiam prædicatióne commendábat.
- 6*. Vicetíæ in Venétia, beáti Ioánnis Sordi seu Cacciafronte, epíscopi et mártýris, qui, primum abbas, ob fidelitátem papæ servátam exsílio afféctus est; epíscopus dein MantuánuS eléctus et ad sedem Vicentínam translátus, pro ecclésiastica libertáte a sicário gládio percússus occúbuit.
- 7*. Eboráci in Anglia, beatórum Ioánnis Amias et Robérti Dalby, presbyterórum et mártýrum, qui, sub Elísabeth regína Prima propter solum sacerdotium cápite damnáti, ad supplícium láquei lætabúndi adiérunt.
8. Apud Hurónes in Cánada, pássio sancti Ioánnis de Brébeuf, presbýteri e Societáte Iesu, qui, ex Gállia in Hurónicam missiónem missus, post multos labóres peráctos a pagánis quibúsdam loci sævíssime cruciátus pro Christo occúbuit. Cuius memória cum sóciis die undevicésima octóbris ágitur.

Die 17 mártii

Sexto décimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	12	13	14	15	16	17							

Sancti Patrícii, epíscopi, qui iúvenis e Británnia in Hibérniam delátus est cáptivus, dein, libertáte recépta, in cléricis adnumerári vóluit et in eándem rédiit ínsulam, ubi, epíscopus factus, pópulo actuóse Evangélium nuntiávit atque Ecclésiám firmiter ordinávit, donec apud civitátem Dunum in Hibérnia in Dómino obdormívit.

2. Commemorátio plurimórum Sanctórum mártýrum Alexandríæ in Ægýpto, qui, témpore Theodósii imperatóris, christianórum número crescén-te, a Serápidis cultóribus comprehénsi sunt et, cum idólum constán-ter adoráre renúissent, sævíssime cæsi.

3. Cabillóni in Burgúndia Gállia, sancti Agrícolæ, epíscopi, qui per decem fere lustra hanc rexit Ecclésiám et váriis Concíliis roborávit.

4. Nivéllæ in Brabántia, sanctæ Gertrúdis, abbatíssæ, quæ, claríssimo génere orta, a sancto Amándo epíscopo sacrum velámen vírginum accépit et monastério a matre extrúcto sapién-ter præfuit, in Scripturárum lectióne assídua atque vigiliárum et ieiúnii austeritáte consúmpta.

5. In ínsula Cypro, sancti Pauli, mónachi, qui, cum sanctárum Imáginum cultum defénderet, igne combústus est.

6*. Medúnei prope Baríum in Apúlia, beáti Conradi, qui in Palæstína eremíticam vitam duxit, míseram crýptam usque ad mortem incolens.

7. Olomúcii in Morávia, sancti Ioánnis Sarkander, presbýteri et mártýris, qui paróchus Holesoviénsis, cum arcána confessiónum trádere renúisset, rotæ supplício datus est et adhuc spirans in cárcerem deiéctus post mensem óbiit.

8. Apud Hurónes in Cánada, pássio sancti Gabriélis Lalemant, presbýteri e Societáte Iesu, qui strénuo zelo Dei glóriam ipso populórum loci idiómate diffúdit, ántequam ipse ab inimícis idolórum cultóribus ad crudelíssima traherétur supplicia. Eius memória ágitur cum sóciis die undevicésima octóbris.

9*. Málacæ in Hispánia, beáti Ioánnis Nepomucéni Zegrí y Moreno, presbýteri, qui ministérium suum in servítium Ecclésiæ atque animárum vitam consecrávit et, quo Mélius glóriam Dei Patris in Christo procuráret, Congregatióem Sorórum a Caritáte Beátæ Mariæ Vírginis a Mercéde fundávit.

Die 18 mártii

Quinto décimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	13	14	15	16	17	18							

Sancti Cyrílli, epíscopi Hierosolymítáni et Ecclésiæ doctóris, qui, ab Ariánis multas fidei causa perpéssus iniúrias et e sede sæpe pulsus, oratió nibus et catechési orthodó xam doctrínam, Scriptúras et sacra mystéria fidélibus mire expó suit.

2. Commemorátio sancti Alexándri, epíscopi et mártiris, qui, de Cappadó cia Hierosólymam véniens, Sanctæ Civitátis curam pastorálem suscepit, pretiósam fundávit bibliothecam et scholam apéruit; póstmodum, cum iam longævæ ætátis veneránda canítie præfulgéret, in persecutióne Décii imperatóris Cæsaréam ductus ob Christi confessió nem martýrium complévit.

3. Lucæ in Etrúria, sancti Frigdiáni, epíscopi, qui, ex Hibérnia oriúndus, cléricos in monastérium collégit et pro bono pópuli Sérculum flumen ad alium cursum defléctit terrítorium fértile cómparans et Langobárdos, qui in suam dició nem irrupérunt ad fidem Cathólicam convértit.

4. Turónis in Néustria, sancti Leobárdi, qui, in célula Maióre reclúsus monastério propínqua, mira abstinentia et humilitate refúlsit.

5. Cæsaraugústæ in Hispánia Tarraconénsi, sancti Brauliónis, epíscopi, qui sancto Isidóro, cuius íntimus fuit, ad disciplínam ecclésiasticam in tota Hispánia instaurándam auxílium práebuit et eloquéntia sciéntiaque digne succéssit.

6. Apud óppidum *Wareham* in Anglia, sancti Eduárdi, qui, rex Anglórum, adhuc aduléscens per malum dolum a novércæ fámulis necátus est.

7. Mántuæ in Langobárdia, tránsitus sancti Ansélmi, epíscopi Lucénsis, qui, sedi Románæ fidélissimus, in contentióne de investitúra ánulum et pastorálem báculo, quos ab Henríco imperátore Quarto ægre accéperat, in manus sancti Gregórii papæ Séptimi repósuit et, a canónicis vitam commúnem renuéntibus sede expúlsus, in Langobárdiam legátús a papa missus est, cui strénuus fuit adiútor.

8. Cálari in Sardínia, sancti Salvatóris de Horta Grionesos, religiósi ex Ordine Fratrum Minórum, qui ad córporum et animárum salútem húmile factus est Christi instruméntum.

9*. Lancástriæ in Anglia, beatórum Ioánnis Thules, presbýteri, et Rogérii Wrenno, mártýrum Christi sub Iacóbo rege Primo, ex eódem comitátu oriundórum.

10*. In cœnóbio Sancti Salvatóris Vicecómitis in Normánrnia Gállia, beátæ Marthæ (Amátæ) Le Bouteiller, vírginis e Soróribus Scholárum Christianárum a Misericórdia, quæ, Deo summópere inníxa, humíllima officia semper patiénter implévit.

Die 19 mártii

Quarto décimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	14	15	16	17	18	19							

Sollémnitas sancti Ioseph, sponsi beatíssimæ Vírginis Mariæ, qui, vir iustus, ex stirpe David ortus, paréntis loco fuit Fílio Dei Christo Iesu, qui fílius Ioseph vóluit appellári et ei súbditus esse sicut fílius patri. Ecclésia speciáli honóre patrónum véneratur, quem Dóminus constitúit super Famíliam suam.

2. Apud Spolétum in Umbria, sancti Ioánnis, abbátis Parranénsis, qui multórum servórum Dei pater éxstitit.

3*. Pápiæ in Langobárdia, beáti Isnárdi de Chiámpo, presbýteri ex Ordine Prædicatórum, qui in hac civitáte convéntum Ordinis sui fundávit.

4*. Senis in Etrúria, beáti Andréæ Gallerani, qui infirmos et afflíctos diligénter visitávit et consolátus est atque Fratres Misericórdiæ congregávit, qui, láici sine votis, paupéribus et infirmis ministrárent.

5*. Cameríni in Picéno Itáliæ, beáti Ioánnis de Parma Buralli, presbýteri ex Ordine Minórum, quem ad Græcos Ínnocens papa Quartus legátum misit, ut eórum communióne cum Latínis conciliáret.

6*. Pápiæ in Langobárdia, beátæ Sibyllínæ Biscossi, vírginis, quæ, duodénnis óculis capta, reclúsa apud ecclésiám Ordinis Prædicatórum sexagínta quinque annos degit, multos qui ad eam confugiébant interióre luce illústrans.

7*. Vicétiae in Venétia, beáti Marci de Marchio de Montegallo, presbýteri ex Ordine Minórum, qui ad Páuperum inópiam sublevándam opus Montem Pietátis nuncupátum creávit.

8*. Prope Monáchium Baváriæ in Germánia, beáti Narcíssi Turchan, presbýteri ex Ordine Fratrum Minórum et mártiris, qui, e Polónia nefáριο regímine subácta in castra detentiónis Dacháni propter fidem deportátus, cruciátibus conféctus occúbuit.

9*. In loco *Mauthausen* in Austria, beáti Marcélli Callo, mártiris, qui, iúvenis e Rhedónibus in Gállia oriúndus, bello grassánte, concaptívos duris labóribus deféssos christiáno ardóre in fide confortábat, quapropter in campo excídií enecátus est.

Die 20 mártii

Tértio décimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	30	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	15	16	17	18	19	20							

1. **C**ommemoratio sancti Archíppi, commilitónis beáti Pauli Apóstoli, cuius ipse in epístulis ad Philémonen et ad Colossénses méminit.
2. Antiochiæ in Sýria, Sanctórum Pauli, Cyrílli et aliórum, mártýrum.
- 3*. Metis in Gállia Bélgica, sancti Urbícii, epíscopi.
- 4*. Brácaræ in Lusitânia, sancti Martíni, epíscopi, qui, e Pannónia oriúndus, primum sedem Dumiénsem, dein Bracarénsem accépit, cuius zelo et prædicatione Suévi, ariána háeresi derelícta, fidem cathólicam ampléxi sunt.
5. In ínsula Farna in Northúmbria, tránsitus sancti Cuthbérti, epíscopi Lindisfarnénsis, qui in pastoráli múnere eádem cláruit diligéntia, qua ántea in monastério et erémo, atque Celtórum austeritátes ac vivéndi genus cum móribus románis pacífice compósuit.
6. In monastério Fontanéllæ in Néustria, depositio sancti Vulfrámni, qui, ex mónacho epíscopus Senonénsis eléctus, ad gentem Frisiórum evangélico núntio ditándam se cóntulit; tandem in monastérium Fontanéllæ revérsus ibídem in pace quiévit.
7. Commemoratio sancti Nicétæ, epíscopi Apollóniæ in Macedónia, qui pro sanctárum Imáginum cultu ab imperátore Leóne Arméno in exsílium eiéctus est.
8. In laura Sancti Sabæ in Palæstína, pássio sanctórum vigínti monachórum, qui a Saracénis incursóribus in ecclésia Genetrícis Dei fumo suffocáti sunt.
- 9*. Senis in Etrúria, beáti Ambrósii Sansedoni, presbýteri ex Ordine Prædicatórum, qui, sancti Albérty Magni discípulus, licet doctrína et prædicatione sápiens, simul in omnes símplicem se præbuit.
10. Pragæ in Bohémia, sancti Ioánnis Nepomucéni, presbýteri et mártýris, qui in Ecclésia tuénda multas a Vencesláó rege Quarto accépit iniúrias et, torméntis et cruciátibus expositus, tandem adhuc spirans in Moldávam flumen deiéctus est.
- 11*. Mántuæ in Langobárdia, beáti Baptístæ Spagnoli, presbýteri ex Ordine Carmelitárum, qui inter príncipes pacem conciliávit et Ordinem ipsam reformávit, cui Leónis papæ Décimi iussu invítus præpósitus est.

12*. Floréntiæ in Etrúria, beáti Hippólyti Galantini, qui Sodalitátis Doctrínæ Christiánæ fundátor, in catechéticam institutióem puerórum simpliciorúmque egrégiam impéndit óperam.

13*. Erenéi in pago Meduáno Gállia, beátæ Ioánnæ Véron, vírginis et mártiris, quæ in púeros ægrotósque curándos se impéndit et, cum in gállica perturbatióne sacerdótes a persecutóribus abdidisset, ferro interémpta est.

14*. Tarracóne in Hispánia, beáti Francísci a Iesu María Ioseph Palau y Quer, presbýteri ex Ordine Carmelitárum Discalceatórum, qui in ministério graves persecutiónes sústulit atque in ínsulam Ebúsam ob falsas accusatiónes relegátus est et ab ómnibus derelíctus.

15. Flaviobrigæ in Vascónia Hispániæ, sanctæ Mariæ Ioséphæ a Corde Iesu Sancho de Guerra, vírginis, quæ Congregatióem Sorórum Iesu Servárum cóndidit et ad curatióem ægrotórum præsertim et Páuperum informávit.

16*. Leópolis in Ucráina, beáti Ioséphi Bilczewski, epíscopi, qui magna caritátis sedulitate morum doctrínæque institutióni cleri et pópuli Latinórum incúbuit et, belli témpore, Páuperum egenorúmque necessitatibus omni ope ac stúdio subvénit.

Die 21 mártii

Duodécimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	30	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	16	17	18	19	20	21							

1. In Ægýpto, sancti Serapiónis, anachorétæ.

2. Commemorátio Sanctórum mártýrum Alexandrinórum, qui, sub Constántio imperatóre et præfécito Philágrio, ariánis et gentílibus in Ecclésias irruéntibus, feria VI in Passióne Dómini cæsi sunt.

3. Laucónæ in pago Lugdunénsi, natális sancti Lupicíni, abbátis, qui cum sancto Románo fratre vitæ monásticæ institúta in saltu Iurénsi sustínuit.

4*. In Hibernia, sancti Endei, abbátis, qui in Araniénsi ínsula tam célebre coenóbium cóndidit, ut ex eius fama ínsula Sanctórum ea appellarétur.

5. In Monte Casíno, natális sancti Benedícti, abbátis, cuius memória ágitur die undécima iúlii.

6. Constantinópoli, pássio sancti Iacóbi, cognoménto Confessóris, qui pro cultu sanctárum Imáginum strénue propugnávit et glorióso martýrio excéssit vita.

7*. Iúliæ Valéntiæ in pago Viennénsi Gállia, sancti Ioánnis, epíscopi, qui, prius abbas Bonæ Vallis, multas pro defensióne iustítiæ perpéssus est adversitátes atque agrícolas, páuperes et mercatóres ære dírutos magna cum caritáte adiúvit.

8. In abrupto móntium vulgo dicto *Ranft* apud *Sachseln* in Helvétia, sancti Nicolái de Flüe, qui supérno afflátu ad maióra vocátus, uxóre decémque liberis posthábitis, in montem secédens vitam egit anachoréticam, artíssima pæniténtia mundíque contéptu célebris, semel tantum a célula egréssus, ut, bello civíli minánte, brevi hortatióne adversários compóneret.

9*. Dorcéstria in Anglia, beáti Thomæ Pilchard, presbýteri et mártiris, viri docti et mansuétí, sub Elísabeth regína Prima propter sacerdotium patíbuli supplíciis tradíti. Cum eo commemorátur étiam beátus Guliélmus Pike, martyr, qui, faber lignárius, die non ibídem sub eádem regína propter reconciliatióem cum Romána Ecclésia sævíssime disséctus est.

10*. Eboráci item in Anglia, beáti Mattháei Flathers, presbýteri et mártiris, qui, alúm nus Collégii Anglórum Duacénsis, sub Iacóbo rege Primo vivus pro Christo dilaniátus est.

11. In *Sichuan* Província Sinárum, commemorátio sancti Augustíni Zhao Rong, presbýteri et mártiris, qui, persecutióne sæviénte, in cárcerem pro Christi nómine trusus die incérto témpore verno mortem oppétiit.

12. Ronchi in Ligúria, sanctæ Benedíctæ Cambiagio Frassinello, quæ cum viro sponte vitæ coniugáli renuntiávit et pro christiána institutióne puellárum páuperum ac derelictárum Institútum Sorórum Benedictinárum a Providéntia fundávit.

Die 22 mártii

Undécimo

Kalendas

aprílis.

Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	17	18	19	20	21	22							

- C**ommemorátio sancti Epaphrodíti, quem sanctus Paulus Apóstolus fratrem, cooperatórem et commilitónem vocat.
- Narbóne ad oram Gálliaë via Domítia extra Urbem, depositio sancti Pauli, epíscopi et mártiris.
- In Galátia, sanctórum Callínici et Basilíssæ, mártirum.
- Ancýræ item in Galátia, sancti Basílii, presbýteri et mártiris, qui, quámdiu Constantius impérium obtínuit, fortíssime réstitit ariánis; mox sub Iuliáno imperatóre Deum precátus est, ne quis christianórum a fide defíceret, quam ob rem comprehénsus, præsidi provínciæ oblátus multáque perpéssus torménta martýrium consummávit.
- Commemorátio sanctæ Leæ, víduæ románæ, cuius virtútes et tránsitum ad Deum sanctus Hierónymus laudávit.
- Auximi in Picéno Itáliæ, sancti Benvenúti Scotivoli, epíscopi, qui ab Urbáno papa Quarto ad hanc sedem eléctus, pacem inter cives conciliávit et in spíritu Fratrum Minórum super nudam terram e vita migráre vóluit.
- Londínii in Anglia, sancti Nicolái Owen, religiósi e Societáte Iesu et mártiris, qui multos annos látebras pro sacerdotibus condéndis extrúxit, quaprópter sub Iacóbo rege Primo incarcerátus et gravíssime tortus, demum in ecúleum coniectus Christo Dómino glorióse obsecútus occúbuit.
- 8***. Andégavi in Gállia, beáti Francísci Chartier, presbýteri et mártiris, qui in gállica perturbatióne propter sacerdotium cápitis abscissióne occúbuit.

9*. In castris detentiónis loci *Stutthof* prope Gedánum in Polónia, beatórum Mariáni Górecki et Bronislái Komorowski, presbyterórum et mártýrum, qui, pátria more militári a sectatóribus doctrínæ in religiónem hostílis occupáta, in contéptum fidei plumbis transfóssi sunt.

Die 23 mártii

Décimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	18	19	20	21	22	23							

Sancti Turíbii de Mogrovejo, epíscopi Limáni, qui, láicus iurisperítus **S**ex Hispánis oriúndus, ad hanc sedem eléctus Américam pétiit et, apostólico zelo flagrans, amplam diœcésim plúries, pédibus sæpe, visitávit, gregi ipsi commísso assídue provídít, abúsus et scándala in clero sýnodis profligávit, Ecclésiám strénue deféndit, pópulos natívos catechizávit ac convértit, donec Sannæ in Perúvia tandem quiévít.

2*. In Cornúbia, sancti Fingar seu Guignéri, mártýris.

3. Commemorátio Sanctórum mártýrum Victoriáni, procónsulís Carthágínis, et duórum fratrum germanórum Aquæregénsium; item Fruméntii et altérius Fruméntii, mercatórum, qui omnes in persecutióne vandálica, sub Hunneríco rege ariáno, pro constántia cristiánæ conféssiónis immánibus supplíciis cruciáti egrégie coronáti sunt.

4*. Pontísaræ apud Parísios in Gállia, sancti Gualtérii, primi abbátis monastérii loci, qui, solitúdinis amóre posthábito, disciplínam regulárem exémplo suo mónachos dócuit et in clero simoníacos mores profligávit.

5*. Ariáni in Hirpínia, sancti Othónis, eremítæ.

6*. Eugúbii in Umbria, beáti Petri, presbýteri ex Ordine Eremitárum Sancti Augustíni.

7*. Eboráci in Anglia, beáti Edmúndi Sykes, presbýteri et mártiris, qui, sub Elísabeth regína Prima propter sacerdotium exsílio afféctus, cum Angliam íterum petivisset, extrémis patíbuli supplíciis tráditus est.

8*. In loco *Naas* prope Eblánam in Hibérnia, beáti Petri Higgins, presbýteri ex Ordine Prædicatórum et mártiris, qui ob fidelitátem Ecclésiæ Románæ servátam sub Carólo rege Primo sine iudício láqueo suspénsus est.

9. Barcinóne in Hispánia, sancti Ioséphi Oriol, presbýteri, qui córporis afflíctatione, paupertátis cultu et contínua oratióne in Deum semper inténtus fuit et gáudio cælésti replétus.

10*. In vico *Cemmo* in Langobárdia Itáliæ, beátæ Annuntiátæ Cocchetti, vírginis, quæ Institutum Sorórum a Sancta Dorothea nuper fundátum sapiéntia, fortitúdine et humilitáte rexit.

11. Apud *ad-Dahr* in Líbano, sanctæ Rebéccæ de Himláya ar-Rayyās, vírginis ex Ordine Libanénsi Sancti Antónii Maronitárum, quæ trigínta annos óculis capta, dein membris ómnibus infirmitáte quoque affécta, soli Deo confísa tota in oratióne permánsit.

12*. Leopoldópoli in Slováchia, beáti Methódii Domínici Trčka, presbýteri e Congregatióne Sanctíssimi Redemptóris et mártiris, cuius terréna peregrínatio, témpore persecutiónis fidei, glorióso martýrio in vitam ætérrnam mutáta est.

Die 24 mártii

Nono Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	19	20	21	22	23	24							

1. **C**æsaréæ in Palæstína, sanctórum mártirum Timolái, Dionýsii, Páusidis, Rómuli, Alexándri et altérius Alexándri, qui in persecutióne Diocletiáni imperatóris colligátis mánibus ad Urbánum præféctum ducti sunt se christiános esse confiténtes et, paucis

post diēbus cum sóciis Agápío et Dionýsio áltero, præcísis capítibus, æternæ vitæ corónas meruérunt.

2. In Mauretánia, sancti Secúnduli, qui pro Christi fide passus est.

3*. Clocériæ in Hibérnia, sancti Maccarthémi, epíscopi, qui sancti Patrícii discípulus habétur.

4*. Cátanæ in Sicília, sancti Sevéri, epíscopi.

5*. Fabriáni in Picéno Itáliæ, beáti Ioánnis a Báculo, presbýteri et mónachi, sancti Silvéstri abbátis sócii.

6. Vásteni in Suécia, sanctæ Catharínæ, vírginis, quæ, sanctæ Birgíttæ filia, invíta nuptum data virginitátem, cóniuge consentiēte, servávit et post eius óbitum piam degit vitam; Romæ et in Terra Sancta peregrína, matris relíquias in Suéciam tránstulit et in monastério Vastenénsi asservávit, ubi hábitum moniálíum ipsa índuit.

7*. Arúndæ in Vandalícia Hispániæ regiōne, beáti Dídaci Ioséphi de Gádibus (Francísci Ioséphi) López-Caamaño, presbýteri ex Ordine Fratrum Minórum Capuccinórum, prædicatóris insígnis et Ecclésiæ libertátis intrépidi propugnatóris.

8*. In óppido *Pniewite* apud Gedánum in Polónia, beátæ Mariæ Karlowska, vírginis, quæ, ut puéllæ ac mulieres indigéntes et in corruptéla morum versátæ dignitátem Filiárum Dei recuperárent, Congregatiónem Sorórum Divíni Pastóris a Providéntia divína instítuit.

Die 25 mártii

Octávo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	30	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	20	21	22	23	24	25							

Sollémnitas Annuntiatiónis Dómini, cum in civitate Náza-reth ángelus Dómini nuntiávit Mariæ: «Ecce concípies et páries fílium, et Fílius Altíssimi vocábitur»; respóndens autem Mariá, dixit: «Ecce ancílla Dómini; fiat mihi secúndum verbum tuum ». Et sic compléta plenitúdine témporum, qui erat ante sáecula Unigénitus Dei Fílius propter nos hómines et propter nostram salútem incarnátus est de Spíritu Sancto ex Mariá Vírgine et homo factus est.

2. Commemorátio sancti latrónis, qui, in cruce Christum conféssus, ab eo mérui-t audíre: «Hódie mecum eris in paradíso ».

3. Nicomedíæ, sancti Dulæ, mártiris.

4. Romæ in cœmetério Pontiáni via Portuénsi, sancti Quiríni, mártiris.

5. Thessalónicæ in Macedónia, sanctæ Matrónæ, mártiris, quæ, cuiúsdam Iudææ ancílla, cum occúlte Christum cóleret, a dómina sua deprehénsa et multiplíciter afflícta, novíssime fústibus usque ad mortem cæsa est et in confessióne Christi incorrúptum Deo spíritum réddidit.

6. Medioláni in Transpadána, sancti Monæ, epíscopi.

7. In ínsula Antro prope Nannétes in Gállia, sancti Hermelándi, qui, ex aula régia mónachus Fontanellénsis, deínde primus abbas loci factus est.

8*. Mámmulæ prope Hierácium in Calábria, sancti Nicodémi, eremítæ, qui, asperitáte vitæ virtutibúsque exímius, magíster fuit monásticæ convérsatiónis.

9. Sázavre in Bohémia, sancti Procópii, qui, uxóre et fílio posthábitis, ad eremíticam vitam se cóntulit, póstea monastério ibídem ab ipso fundáto práefuit et divínas laudes ritu græco ac slávico sermóne celebrávit.

10*. Probatopóli in Suévía, beáti Everárdi, qui, comes Nellenburgénsis, monásticam vitam in cœnóbio Omnium Sanctórum eius curis exstrúcto ampléxus est.

11*. Apud Costacciárium in Umbria, beáti Thomæ, eremítæ, qui sexagínta et quinque annos anachoréticam vitam egit et álios ágere dócuit.

12. Eboráci in Anglia, sanctæ Margaritæ Clitherow, mártiris, quæ, cóniuge annuente, fidei Catholicæ, in qua líberos quoque educávit, adhæsit atque, ut ipsa sacerdotés inquisitos domi ábderet, cavit; quam ob rem plúries vincta, sub Elísabeth regína Prima ante tribúnal causam suam tractáre recúsans, ne ánimi consiliariórum iúdicis cápitis damnatióne gravaréntur, sub magno póndere ad mortem usque pro Christo opprèssa est.

13*. Vintóniæ item in Anglia, beáti Iacóbi Bird, mártiris, qui, sub eádem regína, decem et novem annos natus et nuper catholicus effectus, aliénam litúrgiam participáre recúsans, ad cæléstis cultus celebratiónem méruiť perveníre.

14. Apud Montem Faliscórum in Túscia, sanctæ Lúciæ Filippini, fundatrícis Institúti Magistrárum Piárum ad puellárum et mulierum, præsértim páuperum, christiánam eruditiónem promovéndam.

15*. Romæ apud Sanctum Paulum via Ostiénsi, beáti Plácidi Riccardi, presbýteri ex Ordine Sancti Benedícti, qui, contínuis fébribus, morbis ac parálysi corrèptus, regulárem observántiam et oratiónem indefesse compléxus est et álios dócuit complecténdas.

16*. In óppido *Chervonobrad* prope Leópolis in Ucráina, beátæ Iosaphátæ (Michælinæ) Hordáshevska, vírginis, quæ in Institúto Sorórum Ancillárum Mariæ Immaculátæ ab ipsa fundáto, ubique maior esset necéssitas, inservívit.

17*. In civitaté *Majdanek* prope Lublín in Polónia, beáti Æmiliáni Kovč, presbýteri et mártiris, qui, belli témpore, in campum detentiónis deportátus, per certámen fidei vitam apprehéndit ætéřnam.

18*. Prope Monáchium Baváriæ in Germánia intra castra detentiónis Dacháni, beáti Hilárii Januszewski, presbýteri ex Ordine Fratrum Discalceatórum Beátæ Vírginis de Monte Carmélo et mártiris, qui, témpore belli e Polónia hunc in aliénum cárcerem propter Christum deportátus, typho corrèptus in ægrótiś assidéndo fide et caritaté clarus occúbuit.

Die 26 mártii

Séptimo Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	30	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	21	22	23	24	25	26							

1. **R**omæ via Labicána, sancti Cástuli, mártiris.
2. In Anatolia, sanctórum Emmanuélis, Sabíni, Codráti et Theodósii, mártirum.
3. Sírmii in Pannónia, sanctórum mártirum Montáni, presbýteri, et Máximæ, cóniugum, qui Christum Dóminum conféssi ab infidélibus in áequora præcípite dati sunt.
4. Commemorátio pássio nis sancti Eutýchii, subdiáconi Alexandríni, qui, Constántii imperátoris témpore, sub ariáno epíscopo Georgia pro fide cathólica cæsus est.
5. Sebáste in Arménia, sancti Petri, epíscopi, qui, frater iúnior sancti Basílii Magni, advérsus ariános orthodóxæ fidei defénsor exímus fuit.
6. In monastério Dervénsi in Campánia Gállia regione, sancti Berchárii, primi abbátis Altivillariénsis atque Dervénsis, qui, a péssimo mónacho pugióne veheménter die Cenæ Domínicæ percússus, die Resurrectionis ad cæléstia transívit.
7. Apud Montem Albánum in Etrúria, sanctórum Baróntii et Desidérii, Eremitárum.
8. In monastério Werthinénsi in Saxónia, tránsitus sancti Liudgéri, epíscopi, qui, ab Alcuíno eruditus, Evangélium in Frísia, Dánia et Saxónia prædicávit, Monasteriensem sedem constituit ac plura cóndidit monastéria, vera capita fidei propagándæ.
- 9*. Cátanæ in Sicília Itáliæ, beátæ Magdalénæ Catharínæ Morano, vírginis ex Institutó Filiárum Maríæ Auxiliatricis, quæ catechési tradéndæ se devóvit, hanc regiónem longe latéque totam sine intervállo péragrans.

Die 27 mártii

Sexto Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
28	29	30	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	22	23	24	25	26	27							

1. **S**alisbúrgi in Bavária, sancti Ruperti, epíscopi, qui, primum Vormátiae degens, a Theodóne duce rogátus Baváriam pétiit et in óppido Iuvávo Ecclésiám monastériumque ædificávit, quibus epíscopus et abbas præfuit et unde fidem cristiánam diffúdit.

2*. Septémpedæ in Picéno Itáliæ, beáti Peregríni de Phaleróne, presbýteri, qui inter primos sancti Francísci discípulos fuit et peregrínus in Terra Sancta Saracenórum quoque afféctus est admiratióne.

3*. Quarónre apud Nováriam in Subalpínis Itáliæ, beátæ Panacéæ de' Muzzi, vírginis et mártiris, quæ ab ipsa novérca, a qua semper divexabátur, in ecclésia orans quintodécimo ætátis anno interfécta est.

4*. Augústæ Taurinórum item in Subalpínis, beáti Francísci Faá di Bruno, presbýteri, qui mathematicæ et phýsicæ sciéntiam cum caritátis óperum stúdio coniúnxit.

Die 28 mártii

Quinto Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
29	30	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	23	24	25	26	27	28							

1. **T**arsi in Cilícia, sancti Cástoris, mártiris.

2. Commemorátio Sanctórum mártirum Prisci, Malchi et Alexándri. Hi tres, in persecutióne Valeriáni imperatóris, cum in suburbáno ágello Cæsaréæ in Palæstína habitárent, ubi cæléstis martýrii coronæ proponeréntur, ultra iúdicem divíno fidei ardóre succénsi adiérunt et quad tantum in sánguinem desævíret piórum obiurgárun; quos ille contínuo ob Christi nomen béstiis trádedit devorándos.

3. Heliópoli in Phoenícia, sancti Cyrílli, díaconi et mártiris, qui sub Iuliáno Apóstata imperátore immániter occísus est.

4. Alexandríæ in Ægýpto, sancti Protérii, epíscopi, qui feria quinta in Cena Dómini a monophysítis ásseclis prædecessóris sui Dióscori intra tumúltum pópuli crudéliter occísus est.

5. Cabillóni in Burgúndia Gállia, depositio sancti Gunthrámni, regis Francórum, qui thesaúros suos Ecclésiis et paupéribus erogávit.

6. Apud montem Olýmpum in Bithýnia, sancti Hilariónis, hegúmeni monastérii Peleceténsis, qui pro cultu sanctárum Imáginum strénue decertávit.

7. Cistércii in Burgúndia, sancti Stéphani Harding, abbátis, qui de Molísmo áliis cum mónachis véniens huic célebri præfuit cœnóbio, fratres convérsos instituit, Bernárdum illum cum trigínta sóciis excépit ac duódecim monastéria fundávit, quæ Chartæ caritátis vínculo iunxit, ut nulla esset discórdia, sed una caritáte, una régula similibúsque consuetudínibus ágerent mónachi.

8*. Nasi apud Messánam in Sicília, sancti Coni, mónachi sub orientálium disciplína, qui, e peregrinatióne ad loca sancta regréssus, cum paréntes vita functos reperísset, totam rem famíliarem egénis distribuit vitámque anachoréticam amplexus est.

9*. Monticiáni apud Senas in Etrúria, beáti Antónii Patrizi, presbýteri ex Ordine Eremitárum Sancti Augustíni, qui verus fuit fratrum et próximi amátor.

10*. Turónis in Gállia, beátæ Ioánnæ Mariæ de Maillé, quæ, cóniuge in bello interfécto, ad inópiam redácta et a suis domo eiécta, derelícta ab ómnibus in célula pæne reclúsa apud convéntum Minórum vixit, panem mendícans sed tota in Deo confisa.

11*. Eboráci in Anglia, beáti Christophóri Wharton, presbýteri et mártiris sub Elísabeth regína Prima, qui propter sacerdotium patíbuli supplíciis tráditus est.

12*. Andégavi in Gállia, beátæ Renátæ Mariæ Feillatreau, mártiris, quæ, nupta, gállica perturbatióne sæviénte, propter fidelitatem Ecclésiæ cathólicæ servátam cápite obruncáta est.

13. Premíslia in Polónia, sancti Ioséphi Sebastiáni Pelczar, epíscopi, fundatóris Congregatiónis Ancillárum a Sacro Corde Iesu et magístri exímii vitæ spiritális.

Die 29 mártii

Quarto Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
30	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	24	25	26	27	28	29							

1*. **N**eápoli in Campánia, commemoratio sancti Eustásii, epíscopi.

2. Commemoratio sancti Marci, epíscopi Arethúsæ in Sýria, qui ariánæ controversiæ tempóribus a fide orthódoxa mínime defléxit et sub Iuliáno Apóstata imperatóre veheménter vexátus est, a sancto Gregório Nazianzéno vir exímius et sanctíssimus senex salutátus.

3. Commemoratio Sanctórum Armogásti, Archiními et Saturníni, mártýrum, qui in Africa, témpore vándalicæ persecutiónis, sub Genseríco rege ariáno pro veritátis confessiône multa ac grávia supplícia opprobriáque perpéssi sunt.

4*. In monte Carmélo in Palæstína, beáti Berthóldi, qui, miles, inter fratres vitam religiósam Hoc in monte degéntes admíssus, mox, prior eléctus, piam communitátem Matri Dei commendávit.

5*. Pictávii in Aquitánia, sancti Guliélmi Tempier, epíscopi, qui, prudens et firmus, Ecclésiám ipsi commíssam advérsus nóbiles deféndit et mores emendávit, ipse integérrimum vitæ exémplum præbens.

6*. Wismariæ in Holsátia Germániæ, sancti Ludólphi, epíscopi Raceburgénsis et mártýris, qui ob libertátem Ecclésiæ defénsam iussu Albérti ducis in squálidum cárcerem coniéctus est et ita córpore exanimátus, ut, simul ac a vínculis liberátus est, e mundo migráret.

7*. Sarisbériæ in Anglia, commemoratio beáti Ioánnis Hambley, presbýteri et mártýris, qui, sub Elísabeth regína Prima, propter sacerdotium, die ignóto huius mensis circa Pascha Dómini, patíbuli supplíciis ad Christi passióem se conformávit.

Die 30 mártii

Tértio Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

1. **A**stre Pompéiæ in Transpadána, sancti Secúndi, mártiris.
2. Thessalónicæ in Macedónia, sancti Domníní, mártiris.
3. Augustómagi in Gállia Lugdunénsi, sancti Réguli, epíscopi.
4. Commemorátio sanctórum plurimórum mártirum, qui Constantinópolis, témpore Constántii imperatóris, Macedónii epíscopi ariáni iussu, in exsílum depúlси sunt vel inaudítis tormentórum genéribus cruciáti.
5. In monte Sina, sancti Ioánnis, abbátis, qui præclárum volúmen «Scala paradisi» compósuit ad institutiónem monachórum, in quo iter spiritális proféctus instar ascensiónis per trigínta gradus ad Deum dispósuit, unde Clímacus cognominári méruit.
6. Syracúsís in Sicília, sancti Zósimi, epíscopi, qui primum húmilis custos túmuli sanctæ Lúciæ, dein abbas monastérii huius loci fuit.
- 7*. Convéntriæ in Anglia, sanctæ Osbúrgæ, primæ huius loci monastérii abbatíssæ.
8. Apud Aquínium in Látio, sancti Clínii, abbátis monastérii Sancti Petri de Silva.
9. Aquilériæ in Castélla Hispániæ regióne, sancti Petri de Vallisoléto Regalado, presbýteri ex Ordine Minórum, qui, humilitáte et pæniténtiæ rigóre conspicuus, duas fundávit cellas, ubi tantum duódecim fratres solitárii víverent.
- 10*. Vercéllis in Subalpínis, beáti Amadéi, ducis Sabáudiæ Noni, qui, diciónem gerens, pacem omnímodo fovit atque causas páuperum, viduárum et orphanórum contínuo ope et zelo sustínuit.

11. In pago *Su-Ryong* in Coréa, sanctórum mártýrum Antónii Daveluy, epíscopi, Petri Aumaítæ, Martíni Lucæ Huin, presbyterórum, Ioséphi Chang Chu-gi, Thomæ Son Cha-sön et Lucæ Hwang Sök-tu, catechístæ, qui pro Christi fide cápíte abscíssi sunt.

12*. Neápoli in Itália, beáti Ludovíci de Casáurea (Archángeli) Palmentieri, presbýteri ex Ordine Fratrum Minórum, qui, ardóre caritátis erga Christi páuperes compúlsus, binas instítuit Congregatiónes, scílicet Fratrum Caritátis et Sorórum Franciscanárum a Sancta Elísabeth.

13. Augústæ Taurinórum item in Itália, sancti Leonárdi Murialdo, presbýteri, qui piam Societátem a Sancto Ioseph fundávit, ut párvuli derelícti christiánam fidem ac caritáte m experiréntur.

14. In pago Sancti Iuliáni territórii Guadalaiarénsis in México, sancti iúlii Alvarez, presbýteri et mártýris, qui, persecutióne religiósá sæviénte, fidelitátem erga Christum Dóminum eiúsque Ecclésiam sáanguine effúso testátus est.

15*. Vindóbonæ in Austria, beátæ Mariæ Restitútæ (Hélenæ) Kafka, vírginis e Congregatióne Sorórum Franciscanárum a Caritáte christiána et mártýris, ex Morávia oriúndæ, quæ, nosócoma, bello furénte, ab hóstibus fidei comprehénsa cápíte præcísá est.

Die 31 mártii

Prídie Kalendas aprílis. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

1. **I**n loco *Argol* in Pérside, sancti Béniamin, diáconi, qui, cum Dei verbum non desísteret prædicáre, sub Vararáne rege Quinto, arundínibus acútis confíxus únguibus, martyrium consummávit.

2. Romæ, commemorátio sanctæ Balbínæ, cuius título in Aventíno cónditus eius nomen præbet venerándum.

3*. Colóniæ Agrippinæ in Austrásia, sancti Agilólphi, epíscopi, vitæ sanctitáte et prædicatióne præclári.

4*. Burgi Sancti Domnini in agro Parmensi, sancti Guidónis, abbátis monastérii Pompósæ, qui, multis recéptis discípulis ædibúsque reredificátis, oratióni, contemplátiōni ac divíno cúltui summópere cavit et soli Deo in secéssu inténtus esse vóluit.

5*. Tolósæ in Gállia, beátæ Ioánnæ, vírginis ex Ordine Carmelitárum.

6*. Utini in Venétia, beáti Bonaventúráe de Foro Lívii, presbýteri ex Ordine Servórum Mariæ, qui per diversas Itáliæ regiónēs prædicatióne pópulum ad pæniténtiam excitávit et, dum quadragesimálem habébat contiónem, octogenárius óbiit.

7*. Carléoli in Anglia, commemorátio beáti Christophóri Robinson, presbýteri et mártiris, qui testis fuit martýrii sancti Ioánnis Boste et tandem sub Elísabeth regína Prima, item propter solum sacerdotium ad patíbulum die non trádito ductus, palmam glóriæ ipse accépit.

8*. In óppido *Ravensbruck* in Germánia, beátæ Natáliæ Tulasiewicz, mártiris, quæ, pátria Polónia militári vi subiecta, a sectatóribus nefáriæ doctrínæ dignitáti hómínium et fidei infénsæ in campo detentiónis reclúsa, per exhalatiónis mortíferi vapóris supplícium ánimam Dómino réddidit.

APRÍLIS

Die 1 aprílis

Kaléndis aprílis. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

1. **R**omæ, commemoratio Sanctórum mártýrum Venantii, epíscopi, atque sociórum Dalmatire et Histrire, scílicet Anastásii, Mauri, Paulíniani, Télíi, Astéríi, Septímíi, Antíochiani et Gaiáni, quos commúni laude honórat Ecclésia.
2. Thessalónicæ in Macedónia, sanctárum Agápis et Chiónire, vírginum et mártýrum, quæ, cum in persecutióne Diocletiáni imperatóris de idolóthytis manducáre noluissent, Dulcétio præsidi tráditæ ad ignem damnátæ sunt.
3. In Palæstína, sanctæ Mariæ Ægýptiacre, quæ, célebris peccátrix alexandrina, ad Deum in Civitáte Sancta, beáta Vírgine intercedente, convérta trans Iordánem pæniténtem vitam solitária duxit.
4. Laucónæ prope Ambiánum in Gállia, sancti Valeríci, presbýteri, qui ad eremíticam vitam haud paucos attráxit sócios.
5. In loco *Ardpatrick* in Momónia Hibérniæ provincia, sancti Celsi, epíscopi Armacháni, qui instauratiónem Ecclésiæ valde promóvit.
6. Gratianópolis in Burgúndia, sancti Hugónis, epíscopi, qui ad mores cleri et pópuli instaurándos incúbuit et, eódem episcopátus témpore, solitúdinem ardéter díligens, sanctum Brunónem, olim magístrum suum, eiúsque sócios Cartúsiæ recéssu donávit, cui primus abbas vero præfuit, et Ecclésiám hanc fere quinquaginta annos sédulo suo caritátis exémplo rexit.
- 7*. In monastério Cisterciénsi Borne Vallis in Delphinátu Gállia, beáti Hugónis, abbátis, cuius caritas et prudéntia Alexándrum papam Tértium et Friderícum imperátorem Primum conciliávit.

8*. Catháni in Scótiā, sancti Gilberti, epíscopi, qui Ecclésiā cathedrālem apud Dornócum eréxit atque hospítia paupéribus parávit; móriens, quæ ipse in vita serváverat, ea commendávit, nempe néminem láedere, divína flagélla patiénter ferre et némini offendículum esse.

9*. Eboráci in Angliā, beáti Ioánnis Bretton, mártiris, qui, paterfamílias, ob Románæ Ecclésiæ fidei constántiam sub Elísabeth regína Prima plúries reprobátus, demum seditiónis falso insimulátus, láqueo strangulátus occúbuit.

10*. Bríxiæ in Langobárdia Itáliæ, beáti Ludovíci Pavoni, presbýteri, qui magna sedulitáte ad iúvenes paupérrimos instituéndos se trádedit, præsertim curans eos iuxta christiános mores educáre atque ad artes dirígere, et Congregatiónem Filiórum Mariæ Immaculátæ fundávit.

Die 2 aprílis

Quarto Nonas aprílis. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Sancti Francísci de Paula, eremítæ, qui, Ordinis Minimórum institútor in Calábria, discíulis suis præserípsit ut eleemósynis víverent, nec próprium habéntes nec pecúnias tangéntes, et semper solis quadragesimálibus cibis uteréntur. A Ludovíco rege Undécimo in Gálliam vocátus, ei moriénti ádfuit et Plexítii prope Turónos, austeritáte vitæ clarus, decéssit.

2. Cæsaréæ in Palæstína, sancti Apphiáni, mártiris, qui, sub Máximina imperatóre, cum incolæ diis públice sacrificáre cogeréntur, ad Urbánum præsidem intrépidus accéssit et, dextera arrépta, ritum suspendére eum coégit, quaprópter, pédibus lino in óleum intíncto atque incénso obvolútis, in mare adhuc spirans a milítibus præcipitátus est.

3. Ibídem pássio sanctæ Theodóræ, vírginis Týriæ, quæ in eádem persecutióne, cum sanctos fidei confessóres ante tribúnal stantes públice salutáset atque rogáset ut,

cum ad Dóminum pervenissent, sui recordaréntur, a milítibus tenta et ad eúndem práesidem ducta, eius iussu acérbis tormentis excruciáta est ac tandem in mare proiécta.

4. Comi in Ligúria, sancti Abúndii, epíscopi, qui, Constantinópolis a sancto Leóne papa Magno missus, ibídem fidem orthodoxam zelo propugnávit.

5. Cápuæ in Campánia, sancti Victóris, epíscopi, eruditíone et sanctitáte conspícuí.

6. Lugdúni in Gállia, sancti Nicétii, epíscopi, qui, in páuperes promptus atque in simplices benígnus, Ecclesiæ huic normam psalléndi tenére præcépit.

7. In monastério Luxoviénsi in Burgúndia, sancti Eustásii, abbátis, qui, sancti Columbáni discipulus, pater fere sescentórum éxstitit monachórum.

8. Cæsaromági in Anglia, sancti Ioánnis Paine, presbýteri et mártiris, qui sub Elísabeth regína Prima propter falsum prodiçãois crimen patíbuli supplícium passus est.

9*. In vico *Tomhom* ínsulæ *Guam* in Oceania, beatórum mártirum Dídaci Aloýsii de San Vitores, presbýteri e Societáte Iesu, et Petri Calungsod, catechístæ, qui ab apostátis et a natívis quibúsdam pagánæ superstitiónis sectatóribus in ódium fidei Christiánæ dire interfécti sunt et in mare præcipitáti.

10*. Spoléti in Umbria, beáti Leopóldi de Gaiche, presbýteri ex Ordine Fratrum Minórum, qui sacros recéssus in Monte Luco instítuit.

11. In vico Xuống Diên in Tunquíno, sancti Domínici Tuóc, presbýteri ex Ordine Prædicatórum et mártiris sub Minh Mạng imperatóre.

12*. Patávii in Venétia, beátæ Elísabeth Vendramini, vírginis, quæ vitam paupéribus impertiit et, multis rebus advérsis superátis, Institutum Sorórum Elísabethinarum e Tértio Ordine Sancti Francísci fundávit.

13*. Vici in Cataláunia Hispániæ, beáti Francísci Coll, presbýteri ex Ordine Prædicatórum, qui, iniúste claustró depúlsus, firmam nihilóminus suam vocátionem persecútus est ac per totam regiónem nomen Dómini Iesu Christi nuntiávit.

14*. Iauríni in Hungária, beáti Guliélmi Apor, epíscopi et mártiris, qui, bello furénte, domum suam trecéntis circiter pérfugis aperuit et, cum íctibus percússus

esset vespere fériæ sextæ in Passiõne Dómini ob puéllas quasdam a mílitum mánibus defénsas, tribus post diébus ánimam exhalávit.

15*. Leópoli in Ucráina, beáti Nicolái Ćarneckyj, epíscopi, qui, témpore persecutiõnis erga fidem munus exércens exárchæ Apóstolici de *Volyn' et Pidljashja*, Christi vestígiis ut pastor fidélis adháerens, per eius grátiam ad regna pervénit cæléstia.

16*. Maracáii in Venetíola, beátæ Mariæ a Sancto Ioseph (Lauræ) Alvarado, vírginis, quæ Augustiniánas Recolléctas a Sacro Corde fundávit, pro puéllis paréntibus orbátis, sénibus pauperibúsq; derelíctis summa caritáte iúgiter sollicita.

Die 3 aprílis

Tértio Nonas aprílis. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

1. **R**omæ, sancti Xysti papæ Primi, qui, tempóribus Hadriáni imperatóris, sextus post beátum Petrum Románam rexit Ecclésiám.

2. Tomis in Scýthia, sanctórum Chresti et Pappi, mártýrum.

3. Tyri in Phoenícia, sancti Ulpiáni, mártýris, qui, aduléscens, persecutiõne Maximíni Dazare Cáesaris furénte, cum áspide et cane ínsutus cúlleo, in mare demérsus mártýrium complévit.

4. Neápoli in Campánia, sancti Ioánnis, epíscopi, qui Nocte sancta Páschatis, dum sacra celebrábat mystéria, óbiit et, fidélium neophytarúmque turba comitánte, die sollemnitétis Resurrectiõnis Dómini depósitus est.

5. In monastério Médicii in Bithýnia, sancti Nicétæ, hegúmeni, qui pro sacrárum Imáginum defensiõne sub Leóne Arméno imperatóre cárceres et exsílíum perpéssus est.

6. Constantinópolis, sancti Ioséphi, cognomento Hymnógraphi, presbýteri, qui, mónachus, sacrárum Imáginum eversóribus sæviéntibus, Romam missus est ad protectionem Sedis Apostólicæ peténdam et, multis dein afféctus ærúmnis, tandem custódiam Sacrórum vasórum Ecclesiæ Sanctæ Sóphiæ suscepit.

7. Cicéstriæ in Anglia, sancti Richárdi, epíscopi, qui, a rege Henríco Tértio exsílio afféctus, dein sedi restitútus, muníficum paupéribus largiéndó se præbuit.

8*. Políitii in Sicília, beáti Gandúlfi de Binásco Sacchi, presbýteri ex Ordine Minórum, qui austéram vitæ ratiónem in solitúdine duxit, finítima verbi Dei prædicatióne perlústrans.

9*. Pinnæ in Picéno Itáliæ, beáti Ioánnis, presbýteri, qui, e primáevis sancti Francísci, in Gálliam Narbonénsem missus, evangélicam vivéndi formam propagávit.

10*. Lancástriæ in Anglia, beatórum Robérti Middleton, e Societáte Iesu, et Thurstáni Hunt, presbyterórum et mártýrum, quorum priórem alter in itínere liberáre conátus, ipse comprehénsus est; quam ob rem sub Elísabeth regína Prima simul propter sacerdotium cápite damnáti, per cruciátus ad dexteram Christi pervenérunt.

11. Utini in Venétia, sancti Aloýsii Scrosoppi, presbýteri e Congregatióne Oratórii, qui pro puéllis christiáno spíritu instituéndis Congregationem Sorórum a Divína Providéntia fundávit.

12*. Prope Cracóviam in Polónia in campo exítii *Oświęcim* seu Auschwitz, beáti Petri Eduárdi Dankowski, presbýteri et mártýris, qui, pátria in aliénium militáre régimen redácta, cárceři propter christiánam confessiónem datus torméntis mártýrium complévit.

Die 4 aprílis

Prídie Nonas aprílis. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	1	30	1	2	3	4	5							

Sancti Isidóri, epíscopi et Ecclésiæ doctóris, qui, fratris sui Leándri discípulus, eídem succéssit in sede Hispalénsi in Hispánia Báetica, multa scripsit erudite, plura congregávit rexítque Concília atque Cathólicæ fidei zelo et ecclesiásticæ disciplínæ observántiæ sapiénter se trádidit.

2. Thessalónicæ in Macedónia, Sanctórum mártýrum Agathopódi, diáconi, et Theodúli, lectóris, qui, sub Maximiáno imperatóre, Faustíni præsidis iussu ob Christiánæ fidei confessiónem, alligáto ad collum saxo, in mare demérsi sunt.

3. Medioláni in Ligúria, depositio sancti Ambrósii, epíscopi, qui die Sábbati Sancti Christo victóri mortis occúrrit. Ípsius autem memória die ordinatiónis séptima recólitur.

4. Constantinópoli, sancti Platónis, hegúmeni, qui plures annos advérsus sacrárum Imáginum eversóres invícto ánimo decertávit et cum Theodósio nepóte célebre monastérium Studíta ordinávit.

5*. Pictávii in Aquitánia, sancti Petri, epíscopi, qui Ordinis Fontisbraldénsis inítia fovit et, iniúste a sede amótus, Calvíniaci exsul óbiit.

6*. Sicli in Sicília, beáti Guliélmi Cuffitelli, eremítæ, qui, ludis venatóriis relictis, quinquaginta septem annos in solitúdine et in egestáte transégit.

7. Panórmii in Sicília Itáliæ, sancti Benedícti Massarari, ob córporis colórem Nigri cognomináti, qui, primum eremíta, dein religiósus in Ordine Fratrum Minórum, húmilem in ómnibus et divínæ Providéntiæ fidei semper plenum se exhibuit.

8*. Cátanæ item in Sicília, beáti Ioséphi Benedícti Dusuæt, epíscopi, ex Ordine Sancti Benedícti, qui cultum divínus, christiánam plebis institutiónem ac cleri zelum alácriter fovit et in témpore pestiléntiæ auxílium ægróti præstitit.

9*. In loco *Aljustrel* prope Fátimam in Lusitánia, beáti Francísci Marto, qui, adhuc puer in breví morbo consúptus, suavitate morum, in ærúmnis atque in fide perseverántia, necnon assiduitáte in oratióne enítuit.

10*. Rhégii iúlii in Calábria Itáliæ, beáti Caietáni Catanoso, presbýteri, qui Congregatiónem instituit Sorórum Veronicárum a Vultu Sancto in grátiam Páuperum et derelictórum.

Die 5 aprílis

Nonis aprílis. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	1	2	1	2	3	4	5	6							

Sancti Vincéntii Ferrer, presbýteri ex Ordine Prædicatórum, qui, hispánus genere, per urbes et vias non cessávit Occidéntis peragrare regiónes, de Ecclesiæ pace et unitate sollicitus, prædicans pópulis innúmeris Evangélium pæniténtiæ et advéntum Dómini, donec Dariórigi in Británnia Minóre Gállia spíritum Deo réddidit.

2. Thessalónicæ in Macedónia, sanctæ Irénes, vírginis et mártiris, quæ, cum sacros libros contra Diocletiáni edíctum occultásset, ad públicum lupánar ducta est, dein igne cremáta Dulcétii præsidis iussu, sub quo et Soróres eius simul Agape et Chiónia passæ ántea erant.

3. Seleucíæ in Pérside, sanctæ Pherbúthre, víduæ, quæ, soror sancti Simeónis epíscopi, cum pedísequa sua sub Sápore rege Secúndo martýrium consummávit.

4. Item, commemorátio centum úndecim virórum ac novem mulíerum, mártýrum, qui, e váriis locis in urbes régias collécti, cum Christum abnegare et ignem adorare constánter recusássent, eiúsdem regis iussu in ignem coniécti sunt.

5. Régiis in Mauretánia, pássio Sanctórum mártýrum, qui in persecutióne Genseríci regis ariáni die Páschatis in Ecclesiá cæsi sunt; quorum lector, dum in púlpito «Alleluia» cantábat, sagítta guttur transfixus est.

6. In monastério Silvæ Maióris in Aquitánia, sancti Geráldi, abbátis, qui, e monastério Corbeiénsi abbas Laudunénsis eléctus, post sanctas peregrinatiónes in silvam densam secéssit.

7*. Monte Corbino in Apúlia, sancti Albérti, epíscopi, qui contínuæ ad Deum preci et commúni páuperum utilitáti totam vitam præestitit.

8*. Apud Fossas in Brabántia, sanctæ Iuliánæ, vírginis ex Ordine Sancti Augustíni, quæ, quondam prioríssa Montis Cornélii apud Leódium, divíno et humáno consílio roboráta, sollemnitátem Córporis Christi promóvit et reclúsam vitam egit.

9. Palmæ in ínsula Maiórica in Hispánia, sanctæ Catharínæ Tomas, vírginis, quæ, Ordinem Canonissárum Regulárium Sancti Augustíni ingrèssa, contémpu sui et voluntátis abnegatióne enítuit.

10. Kaufbúræ ad Ilaram flumen in Bavária, sanctæ Mariæ Crescéntiæ (Annæ) Höss, vírginis, quæ, Tértii Ordinis Sancti Francísci sodális, fervórem Spíritus Sancti, quo ipsa ardébat, áliis communicáre stúduit.

Die 6 aprílis

Octávo Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	1	2	3	2	3	4	5	6	7							

1. **S**írmii in Pannónia, pássio sancti Irenáei, epíscopi et mártiris, qui, témpore Maximiani imperatóris, sub præside Probo primum torméntis vexátus est, deínde plúrimos dies in cárcere cruciátus ac tandem abscísso cápite consummátus est.

2. Constantinópoli, sancti Eutýchii, epíscopi, qui Concílio Œcuménico Constantinopolitano Secúndo præfuit, ubi pro fide orthódoxa fórtiter pugnávit, et, cum longum passus esset exsílum, móriens resurrectiόνem carnis proféssus est.

3. Romæ, sanctæ Gallæ, quæ, filia Sýmmachi cónsulis, cóniuge defúncto, apud ecclésiám Sancti Petri multos annos oratióni, eleemósynis, ieiúniis alíisque sanctis opéribus inténta permánsit; cuius felicíssimum tránsitum sanctus Gregórius papa Magnus descrípsit.

4*. Trecis in Néustria, sancti Winebáldi, abbátis monastérii Sancti Lupi, austeritáte præclári.

5*. Ibídem, sancti Prudentii, epíscopi, qui breviárium Psaltéris pro itinerántibus compósuit, præcépta ex Scriptúris deprómpta pro candidátis ad sacerdotium collégit et monasteriórur disciplínam instaurávit.

6. Velerádii in Morávia, natális sancti Methódii, epíscopi, qui una cum fratre sancto Cyrillo die décima quarta februárii cólitur.

7*. In monasterio Sangallénsi in Suévia Germániæ, beáti Notkéri Bábuli, mónachi, qui pæne totam vitam in hoc cœnóbio duxit, plures compónens sequéntias, corpore non ánimo grácilis ac voce non spírítu bábulus, in divínis eréctus, in advérsis pátiens, in omnes mitis, in orándo, legéndo, meditándo, dictándo navus.

8*. In monasterio Sancti Eliæ de Aulínis apud Palmam in Calábria, sancti Philaréti, mónachi, oratióni valde inténti.

9. In ínsula Eschíloe prope Roschíldiam in Dánia, sancti Guliélmi, abbátis, qui, ex cœnóbio canonicórum Regulárium Parisiénsi in Dániam vocátus, disciplínam regulárem non sine labóribus et impediméntis instaurávit et illucescénte die domínica Páschatis e vita discéssit.

10. Apud Mediolánur in Langobárdia, pássio sancti Petri Veronénsis, presbýteri ex Ordine Prædicatórum et mártiris, qui, paréntibus manichreórum ásseclis natus, adhuc puérulus fidem cathólicam ampléxus est et aduléscens ab ipso sancto Domínico hábitum accépit omnem labórem impértiens haerésibus debellándis, donec in itínere ad Comum ab hóstibus interféctus est suprémó témpore sýmbolum fidei cónfítens.

11 *. In monasterio Sanctæ Mariæ ad Sacrum Montem supra Varésium in Langobárdia, beátæ Catharínæ de Pallántia, vírginis, quæ cum sóciis eremíticam egit vitam sub Régula sancti Augustíni.

12. In urbe *Vĩnh Tri* in Tunquíno, sancti Pauli Lê Bảo Tình, presbýteri et mártiris, qui, adhuc clérícus, diu in cárcere pro fide tentus est et, sacerdotio auctus, seminárium rexit atque homiliárum librum doctrinæque Christiánæ compéndium confécit, demum íterum in iudícium dedúctus, sub imperatóre Tụ Đức, cápíte damnátus est.

13*. Verónæ in Itália, beáti Zephyríni Agostini, presbýteri, qui ad ministériur prædicatiónis, catechésim et christiánam institutiónem se impéndit atque omnímodo

ópera pro iuventute, pauperibus ægrotisque provídít, pro quibus étiam Congregatiónem Ursulinárum Filiárum Mariæ Immaculátæ instítuit.

14*. Augústæ Taurinórum in Itália, beáti Michaélis Rua, presbýteri, exímii Societátis Salèsianæ propagatóris.

15*. In óppido *Fiobbio di Albino* prope Bérgomum in Itália, beátæ Petrínæ Morosini, vírginis et mártiris, quæ, vigínti sex annos nata, ex officína ubi laborábat domum rédiens in defendénda advérsus iúvenem virginitáte, quam Deo vóverat, ad necem caput cæsa occúbuit.

Die 7 aprílis

Séptimo Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	1	2	3	4	3	4	5	6	7	8							

Memória sancti Ioánnis Baptístæ de la Salle, presbýteri, qui Rothómagi in Normánnia Gállia in humánam christiánamque institutiónem puerórum præsértim páuperum magnópere incúbuit, Fratrum Scholárum Christianárum Congregatiónem instítuens, pro qua multas sustínuit tribulatiónes, de pópulo Dei præcláre méritus.

2. Commemorátio sancti Hegesíppi, qui ab Anicéto papa usque ad Eleuthérium Romæ vixit et históriam rerum ecclesiasticárum gestárum a Passiône Dómini usque ad ætátem suam símplici sermóne téxuit.

3. Alexandríæ in Ægýpto, sancti Pelúsii, presbýteri et mártiris.

4. In Pentápoli Líbyæ, Sanctórum mártyrum Theodóri, epíscopi, Irenáei, diáconi, Serapiónis et Ammónis, lectórum.

5. Pompeiópolis in Cilícia, sancti Calliópíi, mártiris.

6. Sinópe in Ponto, Sanctórum ducentórum mílitum mártýrum.

7. Mytilénis in ínsula Lesbo, sancti Geórgii, epíscopi, qui pro cultu sacrárum Imáginum sub Leóne Arméno imperatóre multa passus est.

8*. Apud monastérium Crispíniense in Hannónia, sancti Aibéti, presbýteri et mónachi, qui in solitúdine cotidie genufléxus vel prostrátus totum psaltérium recitábat et pæniténtibus ipsum accurréntibus divínam ministrábat misericórdiam.

9*. In monastério Præmonstraténsium Steinfeldénsi in Germánia, sancti Hermánni Ioséphi, presbýteri, qui suavíssimo erga Vírginem Mariám amóre refúlsit et devótióinem erga divínium Cor Iesu hymnis et láudibus celebrávit.

10. Eboráci in Anglia, sancti Henríci Walpole, e Societáte Iesu, et beáti Alexándri Rawlins, presbyterórum et mártýrum, qui, sub Elísabeth regína Prima propter sacerdotium in víncula cónditi et crudéliter vexáti, demum ad patíbulum ducti láqueo ferróque ad ætérnam pervenérunt corónam.

11*. Vigórníæ item in Anglia, beatórum mártýrum Eduárdi Oldcorne, presbýteri, et Radúlphi Ashley, religiósi e Societáte Iesu, qui multos annos clam ministérium exercuérunt, donec, falso insimuláti quod in Iacobum regem Primum coniuráti essent, in cárcerem missi sunt et excruciáti tandémque adhuc spirántes dire dissécti.

12. In Cocincína, sancti Petri Nguyễn Văn Lưu, presbýteri et mártýris, qui, sub imperatóre Tụ Đức cápíte damnátus, in patíbulo lætabúndus óbiit.

13*. In loco *Dongerkou* in Sinis, beátæ Mariæ Assúptæ Pallotta, vírginis e Soróribus Franciscánis Missionáriis Mariæ, quæ, humílibus onéribus addícta, simplex et ignóta pro Christi regno vitam egit.

Die 8 aprílis

Sexto Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	1	2	3	4	5	4	5	6	7	8	9							

1. **C**ommemoratio sancti Agabi, prophetae, qui, Actus Apostolorum testantibus, famem magnam futuram in universo orbe terrarum et Pauli tormenta a gentibus per Spiritum significavit.
2. Item commemoratio Sanctorum Herodionis, Asyncriti et Phlegonis, quos beatus Paulus Apostolus in Epistula ad Romanos salutat.
3. Item sancti Dionysii, episcopi Corinthii, qui, mirabili verbi Dei scientia praeditus, non modo praedicatione fideles civitatis suae et Provinciae, sed etiam epistulis aliarum urbium et Provinciarum episcopos erudit.
4. Antiochiae in Syria, Sanctorum Timothei, Diogenis, Marcarii et Maximi, martyrum.
5. Alexandriae in Aegypto, sancti Dionysii, episcopi, summae eruditionis viri, qui, multis fidei confessionibus clarus et passionum tormentorumque diversitate magnificus, plenus dierum fidei confessor quievit, Valeriani et Gallieni imperatorum temporibus.
6. Comi in Liguria, sancti Amantii, episcopi, qui tertius sedit in cathedra huius Ecclesiae et basilicam Apostolorum condidit.
- 7*. Urbeveteri in Tuscia, beati Clementis de Auximo, presbyteri ex Ordine Eremitarum Sancti Augustini, qui Ordinem efficaciter rexit et promovit eiusque leges sapienter aptavit.
- 8*. Compluti in Hispania, beati Iuliani a Sancto Augustino, religiosi ex Ordine Fratrum Minorum Discalceatorum, qui, insanus habitus ob nimiam penitentiae rationem et pluries a vita religiosa repulsus, virtutum exemplo magis quam sermonibus Christum praedicavit.
9. Namurci ad Mosam in Brabantia, sanctae Iuliae Billiard, virginis, quae pro erudiendis puellis Institutum Sanctae Mariae suscitavit et devotionem erga Sacratissimum Cor Iesu valde propagavit.
- 10*. Alaxii prope Albingaunum in Liguria Italiae, beati Augusti Czartoryski, presbyteri e Societate Salesiana, cuius infirma valetudo haud impediit, quin vocationem Dei firmiter peragrans magna susciperet dona sanctitatis.

11*. In convéntu Belomontáno apud Concham Valériam in Hispánia, beáti Domínici a Sanctíssimo Sacraménto Iturrate, presbýteri ex Ordine Sanctíssimæ Trinitátis, qui ómnibus víribus salúti animárum promovéndæ et glóriæ Trinitátis extolléndæ consúluit.

Die 9 aprílis

Quinto Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
1	2	3	4	5	6	5	6	7	8	9	10							

1. **A**lexandriæ in Ægýpto, sancti Máximi, epíscopi, qui, dum présbyter erat, exsílum et fidei confessiónem sociávit cum sancto Dionýsio epíscopo, cui póstea succéssit.

2. Ibídem, sancti Ædésii, mártiris, qui, sancti Apphiáni frater, sub Máximina imperatóre, cum iúdicem palam arguísset vírgines Deo dicátas lenónibus tradidisse, idcírco a milítibus tentus affectúsque supplíciis pro Christo Dómino in mare demérsus est.

3. Apud Sirmíum in Pannónia, sancti Demétrii, mártiris, qui ubíque in Oriénte, máxime Thessalónicæ, pia cólitur véneratióne.

4. Cæsaréæ in Cappadócia, sancti Eupsýchii, mártiris, qui ob evérsum divæ Fortúnæ fanum, sub Iuliáno Apóstata imperatóre martýrium consummávit.

5. Cenómani in Gállia Lugdunénsi, sancti Libórii, epíscopi.

6. Amídæ in Mesopotámia, sancti Acácii, epíscopi, qui pro rediméndis Persis captívis ac diris tortis supplíciis clerum conflávit et sacra étiam Ecclésiæ vasa Románis véndidit.

7. Castríloci in Hannónia Néustriæ, sanctæ Valdeetrúdis, quæ, soror sanctæ Aldegúndis, sancti Vincéntii Madelgárii coniunx et quáttuor sanctórum mater,

marítum ímitans Deo se vovit et hábitum monásticum suscepit in cœnóbio ab ipsa cóndito.

8. Gemmétici item in Néustria, sancti Hugónis, epíscopi Rothomagénsis, qui monastérium Fontanellense atque Eccléſias Parisiensem et Baiocensem simul rexit ac tandem, his munéribus depóſitis, monastério Gemmeticénsi præfuit.

9*. In loco Sancto Vincéntio prope Birovéscam in Castélla Hispániæ, sanctæ Casíldæ, vírginis, quæ, in religiône mahometána nata, christíanos in cárcere deténtos misericórditer adiúvit et póstea vitam christíanam in erémo duxit.

10*. Aurélii in pago Lemovicénsi Gállia, sancti Gauchérii, qui, canónicus reguláris, exémpſar vitæ commúnis et animárum zeli clero éxstitit.

11*. Apud montem Senárium in Etrúria, beáti Ubáldi de Burgo Sancti Sepúlcri, presbýteri ex Ordine Servórum Mariæ, qui, ex milítia terréstri ad servítium Mariæ a sancto Philíppo Benizi convérsus est.

12*. Tanæ in India orientáli, beáti Thomæ de Tolentíno, presbýteri ex Ordine Minórum et mártiris, qui, ad Sinárum impérium usque progréssus ut Evangélium annuntiáret, ad Tártaros et Indos iter fáciens glorióso martýrio missiónem coronávit.

13*. Bricherásii apud Pinerólium in Subalpínis, beáti Antónii Pavoni, presbýteri ex Ordine Prædicatórum et mártiris, qui, cum eccléſia egrederétur, ubi vixdum contra erróres prædicáverat, immániter trucidátus est.

14*. In campo exítii *Oświęcim* seu *Auschwitz* prope Cracóviam in Polónia, beátæ Cælestínæ Faron, vírginis e Congregatióne Servulárum Immaculátæ Concéptæ et mártiris, quæ, Polónia more militári in bello occupáta, in cárcerem propter Christi fidem detrúsa est et cruciátibus confécta ad glorióſam pervénit coronam.

Die 10 aprílis

Quarto Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	1
A	B	C	D	E	F	F	G	H	M	N	P							
2	3	4	5	6	7	6	7	8	9	10	11							

1. **I**n Africa, Sanctórum Teréntii, Africáni, Máximi, Pompéii, Alexándri, Theodóri et quadragínta sociórum, mártýrum, qui sub Décio imperatóre pro fide christiána occubuérunt.

2. Alexandríæ in Ægýpto, sancti Apollónii, presbýteri et mártýris.

3*. Autissiodóri in Néustria, sancti Palládii, epíscopi, qui, olim abbas monastérii Sancti Germáni, episcopátu accépto, plúrimis ádfuit Concíliis et ad Ecclésiasticam disciplínam instaurándam se cóntulit.

4*. Gavélli in Venétia, sancti Bedæ iunióris, mónachi, qui, post annos quadragínta quinque in regum famulátu exáctos, réliquum ætátis tempus in monastério Dómino servíre elégit.

5. Gandávi in Flándria, sancti Marcárii, peregríni, qui, inter mónachos Sancti Bavónis benígne accéptus, insequénti anno pestiléntia consúptus est.

6*. Carnúti in Gállia, sancti Fulbérti, epíscopi, cuius doctrína plúrimos enutrívít, munificéntia indústriaque Ecclésiám cathedrále inchoávit et pietátem erga Vírginem Mariám Regínám Misericórdiæ promóvit.

7*. Tunéte ad oram Africæ septemtrionális, beáti Antónii Neyrot, presbýteri ex Ordine Prædicatórum et mártýris, qui, a pirátis in Africam vi ductus, apostáta factus est, sed, divína grátia adiuvánte, feria quinta in Cena Dómini hábitum religiósium públice resúmpsit, quod fácinus lapídibus óbrutus expiávit.

8*. Placéntiæ in Æmília, beáti Marci de Bonónia Fantuzzi, presbýteri ex Ordine Minórum, pietáte, prudéntia prædicationéque clari.

9. Vallisoléti in Hispánia, sancti Michaélis de Sanctis, presbýteri ex Ordine Sanctíssimæ Trinitátis, qui in ópera caritátis et verbi Dei prædicationem totum se impéndit.

10. Verónæ in Venétia, sanctæ Magdalénæ de Canóssa, vírginis, quæ sponte omnes patrimoníi divítias abiécit, ut Christum sequeretur, et duplex Institutum fundávit, álterum Filiárum, álterum Filiórum a Caritáte ad christiánam institutionem puerórum fovéndam.

11*. Intra castra detentiónis Dacháni prope Monáchium Baváriæ in Germánia, beáti Bonifátii Zukowski, presbýteri ex Ordine Fratrum Minórum Conventuálium et mártiris, qui, belli tempestáte sæviénte, propter fidem cruciátibus fractus martýrium in cárcere perfécit.

Die 11 aprílis

Tértio Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	1	2
A	B	C	D	E	F	F	G	H	M	N	P							
3	4	5	6	7	8	7	8	9	10	11	12							

Memória sancti Stanislái, epíscopi et mártiris, qui, inter iniúrias témporis sui, humanitátis ac christianórum morum defénsor constantíssimus, ut bonus pastor Ecclésiám Cracoviéensem rexit, páuperes adiúvit, cléricos quotánnis invísit, demum, cum divína mystéria celebráret, a Bolesláo rege Polóniæ, quem increpáverat, occísus est.

2. Pérgami in Asia, commemorátio sancti Antípæ, qui, testis fidélis, sicut beátus Ioánnes dicit in Apocalýpsi, pro nómine Iesu martýrium consummávit.

3. Item commemorátio sancti Philíppi, epíscopi Gortýnæ in ínsula Creta, qui, tempóribus Marci Antoníni Veri et Lúcii Aurelíi Cómmodi imperatórum, Ecclésiám eídem créditos et a furóre gentílium et ab hæreticórum insídiis fórtiter tutátus est.

4. Salónæ in Dalmátia, sancti Domniónis, epíscopi et mártiris, qui in persecutióne Diocletiáni imperatóris occísus esse fertur.

5. Apud Gazam in Palæstína, sancti Barsanúphii, anachorétæ, qui, ægýptius génere, singulári contemplatiónis virtúte præditus fuit et integritáte vitæ exímus.

6. Spoléti in Umbria, sancti Isaac, mónachi, e Sýriæ pártibus orti et monastérii Montis Luci fundátoris, cuius virtútes sanctus Gregórius papa Magnus commémorat.

7*. In Calábria, beáti Lanuíni, qui, sancti Brunónis sócius ac succéssor, fundátoris spíritus in Ordinis Cartusiénsis monastériis constituéndis intérpres egrégus éxstitit.

8*. Apud Conímbríam in Lusitánia, beátæ Sanciæ, vírginis, quæ, filia Sanci regis Primi, monastérium moniálíum Cisterciénsium Cellénse fundávit et ibídem hábitum regulárem índuit.

9*. Cúnei in Subalpínis, beáti Angeli de Clavásio (Antónii) Carletti, presbýteri ex Ordine Minórum, doctrína, prudéntia ac caritaté insígnis.

10*. Londínii in Anglia, beáti Geórgii Gervase, presbýteri ex Ordine Sancti Benedícti et mártiris, qui, alúmnu Collégii Anglórum Duacénsis, etsi sub Iacóbo rege Primo bis per tempus ministeréi pastorális in pátria captus, constánter tamen fidem cathólicam usque ad suspéndium proféssus est.

11. Lucæ in Itália, sanctæ Gemmæ Galgani, vírginis, quæ, domínicæ Passiónis contemplatióne et dolóribus patiénter tolerátis insígnis, vigínti quinque annos nata, angélicam vitam die Sábbati Sancti consummávit.

12*. Ibídem, beátæ Hélienæ Guerra, vírginis, quæ Congregatióne Oblatárum Spíritus Sancti ad puéllas erudiéndas instítuit et christifidéles de cóoperatióne Spíritus in económia salútis mire mónuit.

13*. In campo exítii Oświęcim seu *Auschwitz* prope Cracóviam in Polónia, beáti Symproniáni Ducki, religiósi ex Ordine Fratrum Minórum Capuccinórum et mártiris, qui, bello furénte, ob fidelitátem erga Christum comprehénsus per cruciátus martýrium complévit.

Die 12 aprílis

Prídie Idus aprílis. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	1	2	3
A	B	C	D	E	F	F	G	H	M	N	P							
4	5	6	7	8	9	8	9	10	11	12	13							

1. **F**irmi in Picéno Itáliæ, sanctæ Víssie, vírginis et mártiris.

2. Romæ in cœmetério Calepódii via Aurélia Tértio miliário, deposítio sancti iúlii papæ Primi, qui, ariánis sæviéntibus, fidem nicænam strénue custodívit, Athanásium

deféndit obiurgátum ac éxsulem recépit et Sardicénse Concílium congregándum curávit.

3. Verónæ in Venétia, sancti Zenónis, epíscopi, cuius labóre et prædicatione urbs ad Christi baptísmum ducta est.

4. In Cappadócia, sancti Sabæ Gothi, mártiris, qui, cum Athanarícus Gothórum rex christiános insequerétur, tértia die post celebratióem Páschatis, cibos idólis immolátos réspuens, post sæva torménta in flumen præcipitátus est.

5. Apud Vapíncum in Província Gállia, sancti Constantíni, epíscopi.

6. Pápiæ in Langobárdia, sancti Damiáni, epíscopi, cuius epístula de recta fide circa voluntátem et óperatióem in Christo in Sýnodo Constantinópolitana Tértia lecta est.

7*. Párii in Hellespónto, sancti Basílii, epíscopi, qui ob sacrárum Imáginum cultum vérbera, víncula et exsílium passus est.

8*. In pago Pontívo Gállia, sancti Erkembodónis, abbátis Sithivénsis simúlque epíscopi Taruannénsis.

9*. In monastério Cavénsi in Campánia, sancti Alférii, fundatóris et primi abbátis, qui, olim consiliárius Guaimárii ducis Salernitáni, Cluníaci sancti Odilónis discípulus factus est et vitæ monásticæ observántiam apte dídicit.

10*. In monastério Beleménsi prope Ulyssipónem in Lusitánia, beáti Lauréntii, presbýteri ex Ordine Sancti Hierónymi, ad quem propter exímiam Ípsius pietátem pæniténtes quamplúrimi se conferébant.

11. In civitate *Los Andes* in Chília, sanctæ Teresiæ a Iesu (Ioánnæ) Fernández Solar, vírginis, quæ, novítia in Ordine Carmelitárum Discalceatárum, vitam Deo, ut aiébat, consecrávit pro mundo peccatóre et vigésimo ætátis anno typho corrépta obiit.

12. Neápoli in Itália, sancti Ioséphi Moscati, qui, médicus, cotidiánam et indeféssam óperam infirmis assidéndo numquam intermísit, nulla a pauperióribus flagitáta mercéde, et corpóribus medens ánimos simul peramánter curábat.

13. In pago Sancti Ioseph territórii Chilpancingénsis in México, sancti Dávidis Uribe, presbýteri et mártiris, qui in tempestátibus persecutiónis contra Ecclésiam pro Christo Rege martýrium passus est.

Die 13 aprílis

Idibus aprílis. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	1	2	3	4
A	B	C	D	E	F	F	G	H	M	N	P							
5	6	7	8	9	10	9	10	11	12	13	14							

Sancti Martíni papæ Primi, mártiris, qui háeresim monothelitárum in Sýnodo Lateranénsi damnávit, dein, iussu Constantis imperatóris Secúndi, ab exárcho Callíopa ímpetu facto in basílicam Lateranénsem, a sede sua abréptus est et Constantinópolis perdúctus, ubi in ergástulo artíssima custódia iácuit, tandem in Chersonésu relegátus, ubi, post círciter duos annos, tribulátionum finem atque ætérnam corónam assecútus est.

2. Pérgami in Asia, Sanctórum mátyrum Carpi, Thyatirénsis epíscopi, Pápyli, diáconi, Agathonícae, eiúsdem Pápyli soróris, aliorúmque multórum, qui pro beátis confessiónibus martýrio coronáti sunt.

3. Ravénnæ in Flamínia, sancti Ursi, epíscopi, qui sedem episcopálem Classi in civitátem tránstulit, ecclésiám cathedrále sub título sanctæ Anástasis die Páschatis dedicávit et eádem die alicúius anni insequéntis ipse ad glóriam resurrectiósni migrávit.

4. Tarracóne in Hispánia, sancti Hermenegíldi, mártiris, qui, fílius Leovigíldi Visigothórum regis ariáni, a sancto Leándro epíscopo ad cathólicam fidem convérsus, cum descíscens ab império patris in cárcerem reclúsus esset quod ab ariáno epíscopo paschális festivitátis die communionem recípere noluisset, Ípsius patris iussu secúri percússus occúbuit.

5*. In monastério Sanctæ Mariæ de Capélla prope Vastum in pago Gálliae Boloniénsi, beátæ Idæ, quæ, vídua Eustáchii cómitis Boloniénsis, liberalitáte in páuperes et zelo décoris Domus Dei enítuit.

6*. Menéviæ in Cámbría, sancti Carádoci, presbýteri et eremítæ, qui régiam relíquit aulam, ubi harpa canébat, cum canes vidit magis quam hómínes illic amári, et a Teliávo abbáte Deo servíre dídicít.

7*. In monastério Cisterciénsi Vallis Rosárum in Brabántia, beátæ Idæ, vírginis, quæ multa a patre passa est, ántequam vitam religiósam ingrederétur, et vitæ austeritáte Christum patiéntem in córpore suo imitáta est.

8*. In monastério Fontis Avellánæ in Umbria, beáti Albértini, eremítæ et prióris coetus Eremitárum, qui solitúdinem honóribus antepósuit et civitátes inter se inimícitias geréntes conciliáre stúduit.

9*. Tiférni Tiberíni in Umbria, beátæ Margarítæ, vírginis e Soróribus de Pæniténtia Sancti Domínici, quæ, cæca nata, defórmis et abiécta, nómini Iesu tamen semper corde confísa est.

10*. Roffæ in Anglia, beatórum Francísci Dickenson et Milónis Gerard, presbyterórum et mártýrum, qui a Collégio Anglórum Reménsi in pátriam revérsi, ut ministérium sacerdotálem clandestíne ibídem profiteréntur, simul sub Elísabeth regína Prima láqueo suspénsi sunt alíisque atrócibus cruciátibus affécti.

11*. Eboráci item in Anglia, beatórum Ioánnis Lockwood et Eduárdi Catherick, presbyterórum et mártýrum sub Carólo rege Primo, quorum prior, octogínta septem annos natus et iam bis cápitis senténtiæ propter sacerdotium elápsus, sócium iuniórem et conflictátum ad patíbulum præcédere vóluit, ut eum ad gloriósum martýrium incitáret.

12*. In Henóseos ínsula in Océano Indico, beáti Scubiliónis (Ioánnis Bernárdi) Rousseau, religiósi ex Institúto Fratrum Scholárum Christianárum, qui indefesse púeros erudívit et paupéribus adiutórium servísque spem præbuit.

13. In pago *Totoclán* diciónis Guadalaiarénsis in México, sancti Sabæ Reyes, presbýteri et mártýris, qui pro Christo Sacerdóte et universórum Rege in persecutióne mexicána occúbuit.

Die 14 aprílis

Décimo Octávo Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	1	2	3	4	5
A	B	C	D	E	F	F	G	H	M	N	P							
6	7	8	9	10	11	10	11	12	13	14	15							

1. **R**omæ in cœmetério Prætextáti via Appia, Sanctórum Tibúrtii, Valeriáni et Máximi, mártýrum.

2. Antiochiæ in Sýria, sanctárum mártýrum Bernícæ et Prosdócæ, vírginum, cum Domnína matre, quæ, témpore persecutiónis, ut insectatóres pudicitíæ suæ devitarent, salútem fuga peténtes in flúvio tandem martýrium invenérunt.

3. In erémo Nitriénsi in Ægýpto, sancti Frontónis, abbátis, qui cum septuagínta círciter sóciis in erémum discéssit.

4*. Elphíni in Hibérnia, sancti Asíci, epíscopi, qui sancti Patrícii discípulus et primus huius Ecclésiæ epíscopus habétur.

5. Alexandríæ in Ægýpto, sanctæ Thomáidis, mártýris.

6. Lugdúni in Gállia, sancti Lambérti, epíscopi, qui prius mónachus fuit et póstea abbas Fontanellénsis.

7*. Monte Marano in Campánia, sancti Ioánnis, epíscopi, qui míseris sublevándis et clero sanctificándo óperam stúdiúmque navávit.

8*. In monastério Tironiénsi apud Carnútum in Gállia, sancti Bernárdi, abbátis, qui íterum iterúmque in silvis vel in ínsula Calvísia vitam egit eremitícam, sed étiam discípulos, qui ad eum turmátim confluebant, instrúxit et ad perfectiónem evangélicam duxit.

9*. Aveniône in Província, sancti Benedícti, pastóris adulescéntis, cuius virtúte, Dómino adiuvánte, pons super Rhódanum cívibus perútilis ædificátus est.

10*. Tudis in Galláecia Hispániæ, beáti Petri González, vulgo Telmi appéllati, presbýteri ex Ordine Prædicatórum, qui, tam húmilis efféctus quam glóriæ fúerat cúpidus, in míseros præsértim nautas et piscatóres adiuvándos se impéndit.

11*. Schiedámi in Géldria, sanctæ Liduínæ, vírginis, quæ pro peccatórum convérsiône et animárum liberatióne infirmitates córporis per totam vitam patiénter ac soli Deo confisa sústulit.

12*. In vico *Cuevas de Vinromà* prope Castáliam in Hispânia, beatæ Isabellæ Calduch Rovira, vírginis ex Ordine Clarissárum Capuccinárum et mártiris, quæ, témpore persecutiónis erga fidem, pro Christo Sponso occúbuit.

Die 15 aprílis

Décimo séptimo Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	11	12	13	14	15	16							

1. **I**n Thrácia, sanctórum Theodóri et Pausilýpi, mártirum, qui sub Hadriáno imperatóre passi esse ferúntur.

2. Myræ in Lýcia, sancti Crescéntis, qui per ignem martýrium consummávit.

3. In monte Aureo in Picéno Itáliæ, sancti Marónis, mártiris.

4. Romæ apud sanctum Petrum, commemorátio sancti Abúndii, qui, teste sancto Gregório papa Magno, húmilis et fidélis mansionárius fuit huius ecclésiæ.

5. Sescíaci in pago Constantiénsi Gállia, depositio sancti Patérni, epíscopi Abrincénsis, qui multa monastéria fundávit et, septuagenárius ad sedem episcopálem eléctus, tandem in monastério ánimam Deo gratíssimus réddidit.

6*. In monastério Andeleiénsi in pago Baiocénsi in Normánnia, sancti Ortárii, abbátis, austeritátibus et oratióni déditi atque infirmis curándis ac paupéribus sublevándis assídui.

7*. Aveniône in Província Gállia, beáti Cáesaris de Bus, presbýteri, qui, e mundána vita convérsus, in prædicatióem et catechési m se impéndit et Congregatióem Patrum Doctrínæ Christiánæ fundávit, quæ fidélium institutióne glóriam Deo claret.

8*. In loco *Kalawao* in ínsula Molokáia Oceániæ, beáti Damiáni de Veuster, presbýteri e Congregatióne Missionariórum a Sanctis Córdibus Iesu et Mariæ, qui

ad leprósis assidéndum eo se cóntulit ánimo, ut lepra tandem ipse corréptus occúmbere.

Die 16 aprílis

Décimo sexto Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	12	13	14	15	16	17							

1. **C**orínthi in Acháia, Sanctórum mártýrum Leónidis et septem sociárum,¹ qui omnes, váriis tolerátis suppíciis, in mare demérsi sunt.

2. Cæsaraugústæ in Hispánia Tarraconénsi, commemorátio sanctórum Optati atque septem et decem mártýrum,² qui in persecutióne Diocletiáni imperatóris simul pœnis affécti atque interémpti sunt; quorum illústre martýrium Prudentius vérsibus exornávit.

3. Ibídem, commemorátio sanctæ Engrátiae, vírginis et mártýris, quæ dure vexáta ómnibus supérfruit torméntis, aliquándiu plagárum vestígia in membris ferens.

4. Ibídem, commemorátio sanctórum Caii et Creméntii, qui in eádem persecutióne torménta superárunt in Christi fide perseverántes.

5. Astúricæ Augústæ in regno Suevórum item in Hispánia, sancti Turíbii, epíscopi, qui de sancti Leónis papæ Magni mandáto priscillianistárum sectam in Hispánia invalescéntem fórtiter oppugnáre stúduit.

6. Brácaræ in Lusitánia, sancti Fructuósi, epíscopi, qui, primum mónachus et cœnobiórum cónditor, dein epíscopus Dumiénsis, tandem metropolitánus epíscopus Bracarénsis a pátribus Concílii Toletáni Décimi factus, Ecclésiám hanc simul et monastéria prudénter rexit.

7*. In Scótia, sancti Magni, mártýris, qui, Orcadum ínsularum princeps, fidem christiánam amplexus est et a rege Norvégiæ reiéctus ob recusatiónes contra

arrogántiam suæ Ípsius gentis, cum inérmis ad pacem firmándam cum sócio principátus hoste adiísset, malo dolo trucidátus est.

8. Sebúrgi in Hannónia, sancti Drogónis, qui, símplicem et solitáriam quærens vitam, pastor et peregrínus pro Dómino degit ac in parva cella reclúsus dies finívit.

9*. Bronæ prope Pápiam in Langobárdia, commemorátio sancti Contárdi, peregríni, qui summam elégit paupertátem et, iter Compostéllam agens, morbo corréptus óbiit.

10*. Senis in Etrúria, beáti Ioachími, religiósi ex Ordine Servórum Maríæ, qui singulári devotióne erga beátam Vírginem enítuit et, egenórum portans ónera, Christi adimplévit legem.

11. Romæ, sancti Benedícti Ioséphi Labre, qui, inde ab adulescéntia desidério áasperæ vitæ pæniténtiæ captus, árduas suscepit ad celebérrima sanctuária peregrinatiónes et, tantum vili et lácera veste conténtus, obláta stipe víctitans, ubíque pietátis et pæniténtiæ exéempla tradens, demum Romam metam itínerum const-ítuit, ubi in summa paupertáte atque in oratióne vixit.

12*. Apríliaci apud Andégavum in Gállia, beatórum mártýrum Petri Delepine, Ioánnis Menard et vigínti quáttuor sociárum,³ qui, fere

13. Nivérni item in Gállia, sanctæ Maríæ Bernárdæ Soubirous, vírginis, quæ in óppido *Lourdes* e paupérrima família orta, adhuc puélla beátæ Maríæ Vírginis Immaculátæ præsentiam expérta est et póstea, religiónis hábitu sumpto, vitam egit abscónditam et húmilem.

Die 17 aprílis

Décimo quinto Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	13	14	15	16	17	18							

1. **M**elitène in Arménia, sanctórum mártýrum Petri, diáconi, et Hermógenis, eius minístri.

2. In Pérside, pássio sancti Simeónis bar Sabas, epíscopi Seleucíæ et Ctesiphóntis, qui, iubénte Sápore Persárum rege Secúndo, comprehénsus ferróque onústus, cum solem adoráre noluísset et de Dómino Iesu Christo voce líbera et constantíssima testátus esset, primum carceráli ergástulo cum turba centum ámplius sociórum ex episcopátu, presbyterátu et divérsis clericórum ordínibus aliquámdiu macerátus est; deínde, feria sexta in Pássione Dómini, ómnibus ante Simeónis óculos, qui unumquémque eórum strénue exhortabátur, gládio iugulátis, novíssime et ipse decollátus est.

3. Item commemorántur plúrimi martyres, qui post óbitum sancti Symeónis per totam Pérsidis regiónem pro Christi nómine sub eódem rege Sápore gládio cædi iussi sunt; inter quos sanctus Usthazádes, aulæ régiæ eunúchus, qui regis Sáporis nutrícius fúerat et, sæviénte primo persecutiónis æstu, martýrium súbiit in aula Artaxérxis, fratris Ípsius Sáporis, in Adiabéna província.

4. Derthónæ in Ligúria, sancti Innocéntii, epíscopi.

5. Meliténe in Arménia, sancti Acácii, epíscopi, qui in Concílio Ephesíno advérsus Nestórium fidem orthodoxam vindicáverat ac dein a sede iniúste depósitus est.

6. Viénnæ in Burgúndia, sancti Pantagáthi, epíscopi.

7*. In ínsula Egga inter Ebúdes interióres Scótiam prospiciéntes, sanctórum Donnáni, abbátis, atque sociórum quinquagínta et duórum monachórum, qui Paschália sollémnia célebrantes a pirátis igne vel gládio occísi sunt.

8. Córdubæ in Vandalícia Hispániæ regióne, Sanctórum mártýrum Elíæ, presbýteri iam senis, Pauli et Isidóri, monachórum adhuc iuveníli ætáte, qui in Maurórum persecutióne ob Christiánæ fidei professiúnem interémpti sunt.

9. In monastério Casæ Dei apud Arvérnas in Gállia, sancti Robérti, abbátis, qui in eúndem locum, ubi solitárius commorabátur, fratres aggregávit et non parvam multitudínem verbo prædicatiónis vitæque exémplo Dómino lucrátus est.

10. In monastério Molisménsi in Gállia, sancti Robérti, abbátis, qui, vitam monásticam simpliciórem strictioremque quærens, iam cænobiórum cónditor et rector indeféssus, necnon eremitárum præfécus et monásticæ disciplínæ restitútor exímíus, Cisterciénse monastérium fundávit ac primus abbas rexit et in Molisménsi, quo abbas redíerat, in pace quiévit.

11*. Perúsia in Umbria, beáti Iacóbi de Cerqueto, presbýteri ex Ordine Eremitarum Sancti Augustíni, qui læte ægritúdinis tolerándæ præebuit exéplum.

12*. Pisis in Etrúria, beátæ Claræ Gambacorti, quæ, adhuc aduléscens cóniuge orbáta, hortánte sancta Catharína Senénsi, ibídem primum monastérium Sancti Domínici fundávit sub austerióre régula atque soróribus prudéntia et caritáte præfuit, patris fratrúmque suórum homicídís parcens.

13*. Matríti in Hispânia, beátæ Mariæ Annæ a Iesu Navarro de Guevara, vírginis, quæ, patris dissentióibus victis, hábitum Ordinis Beátæ Mariæ Vírginis de Mercéde suscepit et preces pænitiéntiásque pro míseris et afflíctis adhíbuit.

14*. Londínii in Anglia, beáti Henríci Heath, presbýteri ex Ordine Fratrum Minórum et mártýris, sub Carólo rege Primo propter solum sacerdotium Tybúrne carnífici tradíti.

15*. Saltu in província Quebecénsi Cánadæ, beátæ Catharínæ Tekakwitha, vírginis, quæ, inter natívos Indiános orta, die Páschatis baptizáta, quam virginitátem nondum christiána serváre stúduit, eam Deo óbtulit, etsi minis multísque vexatióibus afflícta.

Die 18 aprílis

Décimo quarto Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	14	15	16	17	18	19							

1. **M**eliténe in Arménia, Sanctórum Hermógenis et Elpídii, mártýrum.

2. In Pérside, sancti Pusícii, mártýris, qui, præfécus artíficum Sáporis regis Secúndi, cum presbýterum Ananíam titubántem corroborásset, collo perforáto Sábbato Sancto occúbuit, insígnem locum adipíscens in catérva mártýrum post sanctum Symeónem trucidatórum.

3*. Fani in Picéno Itáliæ, sancti Eusébii, epíscopi, qui sanctum Ioánnem papam Primum a Theodórico rege Constantinópolis missum comitátus est et post réditum in cárcerem coniectum secúsus.

4*. Leiglínii in Hibérnia, sancti Lasreáni seu Molássii, abbátis, qui celebratiónis paschális morem románum pacífice in ínsula exténdit.

5. In cœnóbio Laubiensi in Hannónia, sancti Ursmári, epíscopi et abbátis, qui Régulam sancti Benedícti propagávit et pópulum ad fidem christiánam addúxit.

6. Constantinópolis, sanctæ Anthúsæ, vírginis, quæ, filia Constantíni Coprónymi imperatóris, in páuperes iuvándos, servos rediméndos, ecclésias reparándas monastériaque ædificánda omnem impéndit opem et sanctimoniálium vestem a sancto Tarásio epíscopo recépit.

7. In Ægína ínsula, sanctæ Athanásia, víduæ, dein solitáriæ et hegúmenæ, monástica observántia et virtútibus illústris.

8. Ibídem, sancti Ioánnis Isáuri, mónachi, qui, discípulus sancti Gregórii Decapolítæ, sub Leóne Arméno imperátore pro defensióne sanctárum Imáginum strénue decertávit.

9. Córdubæ in Vandalícia Hispániæ regióne, sancti Perfécti, presbýteri et mártiris, qui a Mauris, quod in Mahométi doctrínam inveherétur firmitérque Christi fidem profiterétur, in cárcerem reclúsus est, dein gládio trucidátus.

10*. Brugis in Flándria, beáti Idesbáldi, abbátis, qui, in sáeculo mox uxóre orbátus et trigínta adhuc annos in cúria cómitum munéribus functus, ætáte matúrus Dunense monastérium ingressus est, cui tértius duódecim annos sancte præfuit.

11. Medioláni in Langobárdia, sancti Galdíni, epíscopi, qui civitáti propter bella impérii evérsæ instaurándæ stúduit et, contióne advérsus hæréticos hábita, spíritum Deo réddidit.

12*. In Monte Regáli in Aprútio, beáti Andréæ, presbýteri ex Ordine Eremitárum Sancti Augustíni, qui in prædicatiónem in Itália et Gállia se impéndit.

13*. In civitáte *Gandia* in pago Valentíno ad oram Hispániæ, beáti Andréæ Hibernón, religiósi ex Ordine Fratrum Minórum, qui, iúvenis a latrónibus pecúlio expoliátus, dehinc paupertátem mire cóluit.

14*. Pontísaræ apud Parísios in Gállia, beátæ Mariæ ab Incarnatióne (Bárbaræ) Avrillot, quæ, materfamílias probáta et múlíer devótissima, Carmélum in Gálliam introdúxit et quinque fundávit monastéria, donec, cóniuge defúnc̃to, ipsa vitam religiósam proféssa est.

15*. Andégavi in Gállia, beáti Ioséphi Moreau, presbýteri et mártýris, qui in gállica perturbatióne in ódium fidei cristiánæ feria sexta in Passiόne Dómini decollátus est.

16*. Senis in Etrúria, beátæ Sabinæ Petrilli, vírginis, quæ Congregatiónem Sorórum a Sancta Catharína Senénsi instítuit ad puellárum egenárum et páuperum necessitatibus subveniéndum.

17*. In óppido *Majdanek* prope Lublínium in Polónia, beáti Románi Archutowski, presbýteri et mártýris, qui, in cárcerem propter cristiánam confessiόnem ab aliénis milítibus coniéctus est et fame morbóque afféctus ad glóriam pervénit ætérrnam.

Die 19 aprílis

Décimo Tértio Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	15	16	17	18	19	20							

1. In Africa, sancti Mappálici, mártýris, qui, in Décii imperatóris persecutiόne, doméstica commótus pietáte, matri suæ et soróri, quæ lapsæ erant, pacem dari mandávit, sed ipse ad tribúnal arréptus martýrio coronátus est; cum eo sociántur plures álíi sancti martyres, qui Christum conféssi sunt, scílicet Bassus in petrário, Fortúnio in cárcere, Paulus in tribunáli, Fortunáta, Victorínus, Victor, Herémus, Crédula, Heréda, Donátus, Firmus, Venústus, Frúctus, lúlia, Martiális et Aríston, qui omnes in cárcere fame enecáti sunt.

2. In Pérside, sanctæ Marthæ, vírginis et mártýris, quæ sub Sápore rege Secúndo postrídie cædis patris sui Pusícii, scílicet ipsa die Resurrectiόnis domínicæ, martýrium súbiit.

3. Antiochiæ Pisídiæ, sancti Geórgii, epíscopi, qui ob cultum sacrárum Imáginum exsul occúbuit.

4*. Frisæ in Alpibus Baváriæ, sancti Geróldi, eremítæ, qui in Voralbérga regiône pæniténtiæ vitam gessísse narrátur.

5. In lítore Támesis apud Grenovícum in Anglia, pássio sancti Ælphégi, Cantuariénsis epíscopi et mártiris, qui, Danis civitátem ferro vastántibus, pro gregi se óbtulit et, cum pecúnia rédimi renuísset, sábbato post Pascha óvium óssibus percússus est, tandem decollatióne interféctus.

6. Romæ apud sanctum Petrum, sancti Leónis papæ Noni, qui primum Tullénsis epíscopus vigínti quinque annis Ecclésiám strénue deféndit, dein ad sedem Románam eléctus quinque annis plures convocávit sýnodos ad vitam cleri reformándam et simoníam exstirpándam.

7*. Apud monastérium Sancti Bertíni in pago Taruannénsi Gállia, tránsitus beáti Bernárdi, pæniténtis, qui, peccáta iuventútis stricta pæniténtia expiáre studens, spontáneum exsílum elégit et discalceátus, láneis véstibus indútus et parco tantum victu conténtus ad loca sacra incessánte peregrinátus est.

8*. Londínii in Anglia, beáti mártiris Iacóbi Duckett, viri matrimónio iuncti, qui, cum librárius cathólicos líbros vénderet, próditus est, in cárcere novem annos deténtus est et sub Elísabeth regína Prima Tybúrne patíbulo suspénsus una cum proditóre suo, quem móriens ad cathólicam mortem incitávit.

Die 20 aprílis

Duodécimo Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	16	17	18	19	20	21							

1. **R**omæ, sancti Anicéti papæ, cuius fraternitáte hospes insígnis gavísus est sanctus Polycárpus, cum de die Páschatis assignánda simul tractavérunt.

2. Ibídem, commemoratio sanctorum Sulpicii et Servitiani, martyrum, via Latina miliario secundo depositorum.

3. Córdubæ in Hispania Bætica, sancti Secúndini, martyris.

4. Ebrodúni in Gállia, sancti Marcéllini, primi eiusdem urbis episcopi, qui, ex Africa véniens, máximam partem Alpium Maritimárum ad fidem Christi convértit et a sancto Eusébio Vercellénsi ad hanc sedem ordinátus est.

5. Autissiodóri in Gállia Lugdunénsi, sancti Marciáni, mónachi.

6. Apud Constantinópolis, sancti Theodóri, qui, ob ásperram cilíci vestem qua tegebátur Trichínæ cognominátus, integérrimam vitam in solitúdine egit.

7. Antiochiæ in Sýria, sancti Anastásii, episcopi et martyris, qui, Phoca imperánte, a sicáriis sævíssime necátus est.

8*. In pago Laurinénsi prope Pæstum in Campánia, sanctæ Heliénæ, víginis, quæ, in Christi opéribus solidáta, secéssum desérti loci appetívit, ubi sine intermissione Deo in necessitatibus religiosórum infirmorúmque sérvíit.

9*. Osnabrúgi in Saxónia, sancti Vihónis, episcopi, qui, in Frísia natus, primum abbas ad evangelizándum a Carólo Magno imperatóre missus, deínde Ecclésiæ Osnabrugénsi præpósitus, multa pro Christo perpéssus est.

10*. In monastério Castellariénsi in pago Gállia Pictaviénsi, beáti Geráldi de Salis, qui, pauper canónicus ac paupérior dein eremíta et exímia pæniténtiæ cultor, multos in amórem Dei inflammávit vel ad erémum convocávit et plúrimas dénique canonicórum regulárium domos fundávit.

11*. Pisis in Etrúria, beáti Domínici Vernagalli, presbýteri ex Ordine Camaldulénsi, qui órphanis hospítium exstrúxit.

12. Monte Politiáno item in Etrúria, sanctæ Agnétis, víginis, quæ novénis vestem sacrárum víginum índuit et, iam quintum décimum annum tantum agens moniálibus Procéni invíta præpósita, mox sub disciplína sancti Domínici in monastério ab ipsa fundáto veræ humilitátis mirum dedit exémplum.

13*. Bonóniæ in Æmília, beáti Simónis de Tudérto Rinalducci, presbýteri ex Ordine Eremitárum Sancti Augustíni, qui iúvenes stúdiis déditos populúmque Dei et verbo doctrínæ et exémplo vitæ dócuit.

14*. Lancástriæ in Anglia, beatórum Iacóbi Bell et Ioánnis Finch mártýrum, quorum alter, présbyter, post vigínti annos in alia confessióne tranáctos, piæ múlIERIS cuiúsdam hortátu, cum Ecclésia cathólica tandem reconciliátus est, alter vero, paterfamÍlias, agrÍcola et catechÍsta, ob fidem suam multos annos cárcerem, famem aliósque cruciátus pÉrtulit; qui simul vero sub Elísabeth regína Prima ad gáudia pervenérunt ætéRNA.

15*. Londínii item in Anglia, beatórum Richárdi Sargeant et Guliélmi Thomson, presbyterórum et mártýrum, qui, cápíte damnáti quod sacerdótes in Angliam ingrÉssi essent ibÍque permansÍssent, Tybúrni extrémum supplícium passi sunt.

16*. Clonæ in Hibérnia, beáti Maurítii MacKenraghty, presbýteri et mártýris, qui, cum duos post annos in cárcere tranáctos Elísabeth regínæ Primæ potestátem in spiritálibus agnóscere nolúisset, patíbuli supplíciiis tráditus est.

17*. Eboráci in Anglia, beáti Antónii Page, presbýteri et mártýris, qui, vir mansuétus atque honéstus, propter sacerdotium diris cruciátibus damnátus est.

18*. Londínii item in Anglia, beatórum FrancÍsci Page, e Societáte Iesu, et Robérti Watkinson, presbyterórum et mártýrum, qui simul sub Elísabeth regína Prima propter sacerdotium, cui alter intra solum mensem initiátus erat, Tybúrni patíbulum ascéndere coácti sunt.

19*. Planélli ad lacum Laríum in Itália, beátæ Claræ (Dinæ) Bosatta, vírginis, quæ, beáto Aloýsio Guanella adiuvánte, Párvulam Domum a divína Providéntia fundávit.

20*. In itínere a campo detentiónis Dacháni ad locum *Hartheim* prope Línciam in Austria, beáti Anastásii Pankiewicz, presbýteri ex Ordine Fratrum Minórum et mártýris, qui contra régimen christiánam dignitátem ópprimens fidem ad mortem usque testátus est.

Die 21 aprÍlis

Undécimo Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	17	18	19	20	21	22							

Sancti Ansélmi, epíscopi et Ecclésiæ doctóris, qui, ex Augusta Prætória Oriúndus, in monastério Beccénsi in Normánnia mónachus et dein abbas efféctus, confrátres dócuit in viam procédere perfectiónis et Deum intelléctu fidei quærere; póstea ad insígnem sedem Angliæ Cantuariensem promótus, pro libertáte Ecclésiæ strénue decertávit atque moléstias et exsílium perpéssus est.

2. Romæ, commemorátio sancti Apollónii philósophi, mártiris, qui sub Cómmodo imperatóre coram Perénio præsíde et Senátu subtíli oratióne causam cristiánæ fidei deféndit, quam, cápite damnátus, dein ságuinis testimónio firmávit.

3. Alexandríæ in Ægýpto, sancti Arísti, presbýteri et mártiris.

4. In monte Sina, sancti Anastásii, hegúmeni, qui fidem orthodoxam advérsus monophysítas indefesse propugnávit et multos ad animárum salútem compósuit sermónes.

5*. In monastério in loco *Applecross* in Scótia, sancti Mælrúbii, abbátis, qui, ex Hibérnia ortus et Bangértii mónachus factus, cœnóbium missionariórum cóndidit, unde quinquagínta annos fidei lumen pópulo huius regiónis prótulit.

6*. Cállii in Picéno Italiæ, beáti Ioánnis Saziari, religiósi e Tértio Ordine Sancti Francísci.

7*. Cervériæ apud Fossánum in Subalpínis, beáti Bartholomæi Cerveri, presbýteri Ordine Prædicatórum et mártiris, qui fidem catholicam, pro quastrénue dimicávit, lánceis transfixus morte firmávit.

8. Hodíngis in Bavária Germániæ regióne, sancti Conrádi de Parzham (Ioánnis) Birndorfer, religiósi ex Ordine Fratrum Minórum Capuccinórum, qui, quadragínta ámplius annos húmili ostiárii offício functus, Semper largus in páuperes néminem egenórum dimítere solébat, nisi cristiánum prius solácium aptis verbis attúlerat.

9. In loco *Nochistlán* territorii Guadalaiarénsis in México, sancti Románi Adame, presbýteri et mártiris, qui, persecutióne contra Ecclésiám procedénte, quod Christum regem conféssus esset, martýrium complévit.

Die 22 aprílis

Décimo Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	18	19	20	21	22	23							

1. **R**omæ, sancti Sotéris, papæ, cuius caritatem erga fratres vel péregre míseros advénientes vel inópia conféctos vel ad metálla damnátos, sanctus Dionýsius Corínthius laudat egrégiam.

2. Lugdúni in Gállia, sancti Epipódii, qui, post gloriósos quadragínta octo mártires in eádem urbe, cum Alexándro dilectíssimo amíco tentus abscissióne cápitis martýrium complévit.

3. Alexandríæ in Ægýpto, commemorátio sancti Leónidæ, mártiris, qui, sub Septímio Sevéro imperatóre pro Christi nómine gládio cæsus est, Orígenem filium adhuc puérum relínquens.

4. Romæ in cœmetério Callísti via Appia, deposítio sancti Caii, papæ, qui e persecutióne Diocletiáni imperatóris fúgiens fidei conféssor quiévit.

5. Commemorátio sancti Maryáhb, id est «Dóminus edit», chorepíscopi et mártiris in Pérside, qui, sæviénte Sáporis regis Secúndi persecutióne, infra octavam Páschatis martýrium súbiit pro Christo.

6. Constantinópoli, natális sancti Agapíti papæ Primi, qui firmiter egít, ut Románus epíscopus a clero Urbis libere eligerétur atque Ecclésiæ dignítas ubíque servarétur; dein a Theódoto rege Gothórum Constantinópolim apud Iustiniánum imperatórem missus, orthodóxam firmávit fidem, Menam epíscopum illíus civitátis ordinávit atque ibídem in pace quiévit.

7. Apud Senones in Néustria, sancti Leónis, epíscopi.

8. In vico Syceóne in Galátia, sancti Theodóri, epíscopi et hegúmeni, qui, ab infántia solitúdinis amóre captus, austérum vitæ genus elégit et, epíscopus Anastasiopolítanus invítus ordinátus, a Patriárcha Constantinopolítano diu impetrávit, ut recéssum suum péteret.

9*. In pago Sagiénsi in Néustria, sanctæ Opportúnæ, abbatíssæ, summa abstinéntia et austeritáte conspícua.

10*. Basti in Lusitánia, sanctæ Seniorínre, abbatíssæ, cuius precatióne, ut fertur, moniáles panis inópia laborántes brevi Deus refécit.

11*. Fabriáni in Picéno Itáliæ, beáti Francísci Venimbeni, presbýteri ex Ordine Minórum, qui verbi Dei præco fuit exímus.

Die 23 aprílis

Nono Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	19	20	21	22	23	24							

Sancti Geórgii, mártiris, cuius gloriósum certámen Dióspoli seu Lyddæ in Palæstína omnes Ecclésiæ ab Oriénte ad Occidéntem ab antiquitáte célebrant.

Sancti Adalbérti (Vojtech), epíscopi Pragénsis et mártiris, qui multa in Ecclésia illa perpéssus pluráque itínера pro Christo suscipiens, ad mores pagános exstirpándos strénue laborávit sed, cum parum se proficere animadvérteret, Romam se cóntulit et mónachus efféctus est; demum in Polóniam venit et, cum vicínos Borússos ad fidem tráhere intendísset, in vico *Tenkitten* ad sinum Venédicum a pagánis quibúsdam lánceis transfixus est.

3. Edéssæ in Sýria, sancti Eulógii, epíscopi, qui in sancta Parascéve obiisse tráditur.

4. Medioláni in Ligúria, sancti Maróli, epíscopi, beáto Innocéntio papæ Primo amíci.

5. Tulli in Lotharíngia, sancti Gerárdi, epíscopi, qui annos trigínta et unum civitátem óptimis légibus munívit, páuperes nutrívít, précibus et ieiúniis pópulo témpore pestis subvénit, ecclésiám cathedrále[m] dedicávit ac monastéria non modo ópibus iuivit, sed et sanctis discípulis instrúxit.

6*. Suéllis in Sardínia, commemorátio sancti Geórgii, epíscopi.

7*. Perúsia in Umbria, beáti Ægídii Asisiénsis, religiósi ex Ordine Minórum, qui, sancti Francísci sócius, in peregrinátionibus intrépida fide et mira simplicitáte cláruit.

8*. Utini in Venétia, beátæ Hélienæ Valentíni, víduæ, quæ, ut soli Deo servíret, operóse egit in Ordine sæculári Sancti Augustíni, oratióni, evangélii lectióri et Misericórdia opéribus vacans.

9*. In loco *Campi Bisenzio* in Etrúria Itáliæ, beátæ Terésia[e] Maríæ a Cruce Manetti, vírginis, fundatrícis Congregatiónis Carmelitárum a Sancta Terésia.

10*. In monastério Cisterciénsi Cryptæ Ferrátæ in agro Tusculáno prope Romam, beátæ Maríæ Gabriélæ Sagheddu, vírginis, quæ, pro unitáte christianórum omni simplicitáte vitam óbtulit suam, quam vigínti quinque annos nata consummávit.

Die 24 aprílis

Octávo Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	20	21	22	23	24	25							

Sancti Fidélis de Sigmarínga, presbýteri et mártiris, qui, primum advocátus inter Fratres Minóres Capuccínos adscríptus est, vitam ducens vigíliis et oratió[n]ibus áasperam. In prædicatió[n]e verbi Dei assíduus,

cum in Ráetiam missus esset ut rectam doctrinam firmáret, Sevísii in Helvétia pro fide cathólica ab hæréticis interémptus est.

2. Hierosólymæ, commemorátio sanctárum mulierum Mariæ Cleóphæ et Salóme, quæ cum María Magdaléna bene mane Páschatis ad sepúlcrum Dómini venérunt, ut corpus eius úngerent, et primæ núnctium resurrectiόνis eius audivérunt.

3. Lugdúni in Gállia, sancti Alexándri, mártiris, qui, tríduo post passióem sancti Epipódii, e cárcere prodúctus, primum laniátus, deínde cruci affíxus spíritum emísit.

4. Nicomedíæ in Bithýnia, sancti Anthimi, epíscopi, et sociórum, mártyrum in persecutióne Diocletiáni imperatóris; illum vero, qui ob Christi confessióem cápitis obtruncatióne glóriam martýrii suscepit, univérsa gregis multitúdo secúta est, cuius álios gládio detruncári, álios conflagrári ígnibus, álios demum navículis impósitos pélago mérgi iudex iussit.

5. Illíberi in Hispánia Báetica, sancti Gregórii, epíscopi, cuius opus «De fide » a sancto Hierónymo laudátur.

6*. In pago Blesénsi in Gállia Lugdunénsi, sancti Deódati, diáconiet abbátis, qui post vitam anachoréticam ibídem discipulis circa se congregátis præfuit.

7. Cantuáriæ in Anglia, sancti Mellíti, epíscopi, qui, abbas a sancto Gregório papa Magno in Angliam missus, deínde epíscopus Saxonum orientálium a sancto Augustíno ordinátus, multas post tribulatiónes ad illústrem sedem Cantuariénsem accéssit.

8. Eboráci in Northúmbria, sancti Wilfrídi, epíscopi, qui quadragínta quinque annos magno cum stúdio laborávit et, crébrius sedem áliis cédere coáctus, inter mónachos Riponénses, quibus abbas præfúerat, in pace quiévit.

9. In Hiénsi ínsula Scótiæ, sancti Egbérti, presbýteri et mónachi, qui, omni stúdio plures Európæ regiónes evangelizándas curávit et, iam ætáte provéctus, mónachos ipsos Hiénses cum románo usu in diéi Páschatis computatióne reconciliávit ac festa paschália, missárum sollémniis explétis, statim celebrávit æténa.

10*. Moretónii in Normánia, sancti Guliélmi Firmáti, eremítæ, qui, canónicus et médicus Turónis, post peregrinatióem Hierosólymam usque in solitúdine vitam egit.

11. Andégavi in Gállia, sanctæ Mariæ a Sancta Euphrásia (Rosæ Virgíniæ) Pelletier, vírginis, quæ Institutum Sorórum a Bono Pastore fundávit pro múlueribus móribus lapsis, Magdalénis nuncupátis, misericórditer suscipiendis.

12. Dinántii in Gállia, sancti Benedícti (Angeli) Menni, presbýteri ex Ordine Sancti Ioánnis a Deo, qui Congregatióem Sorórum Hospitalariárum a Corde Iesu fundávit.

13*. Romæ, beátæ Mariæ Elísabeth Hesselblad, vírginis, quæ, e Suécia oriúnda, post longam óperam in valetudinário navátam Ordinem Sanctæ Birgíttæ restítuit, de contemplátione, de caritaté erga egénos et de unitáte christianórum summópere sollicita.

Die 25 aprílis

Septirno Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

Festum sancti Marci, Evangelístæ, qui Hierosólymæ primo beátum Paulum secútus est in apostolátu, dein gréssibus adhæsit beáti Petri, ab illo fílius, cuius catechésim ad Romános in Evangélio collegísse ac demum Ecclésiám Alexandríæ constituísse tráditur.

2. Commemorátio sancti Aníani, epíscopi Alexandríæ in Ægýpto, qui, teste Eusébio, Octávo Nerónis imperatóris anno, primus post sanctum Marcum huius civitátis episcopátum suscepit ac annos duos et vigínti ténuít, vir Deo accéptus et omni ex parte mirábilis.

3. Doróstori in Móesia, Sanctórum Pasícraetis et Valentiónis, mártýrum, qui, Christum únicum Deum confiténtes, colla sua gládio audácter submisérunt.

4. Agínni in Aquitánia, sancti Phoeবাদii, epíscopi, qui contra ariános librum édídít et plebem suam ab háeresi protéxit.

5. Antiochiæ in Sýria, sancti Stéphani, epíscopi et mártiris, qui multa ab hæreticis Concílium Chalcedonénse impugnántibus passus est et, témpore Zenónis imperatóris, in Oróntem flúvium præcipitátus occúbuit.

6. Viénnæ in Burgúndia, sancti Claréntii, epíscopi.

7. Láubii in Brabántia Austrásiæ, sancti Ermíni, abbátis et epíscopi, qui sancto Ursmáro succéssit, oratióni máxime inténtus et spírиту prophétiae ornátus.

8*. In pago Placentíno in Æmília, sanctæ Francæ, abbatíssæ, quæ in Ordinem Cisterciénsem aggregári vóluit et in oratióne coram Deo pernoctáre studébat.

9*. Augústæ Prætóriæ in Alpibus Graiis, beáti Bonifátii Valperga, epíscopi, caritáte et humilitáte insígnis.

10*. In Vecta Angliæ ínsula, beatórum Robérti Anderton et Guliélmi Marsden, presbyterórum et mártirum, qui, in persecutióne Elísabeth regínæ Primæ cápíte damnáti quod, etiámsi per naufrágium tantum, sacerdotés in Angliam ingrési essent, firmo ac seréno ánimo martýrium obiérunt.

11. Antíquæ prope Guatimalópolim in América Centráli, sancti Petri de Betancur, religiósi e Tértio Ordine Sancti Francísci, qui sub patrocínio Dóminæ Nostræ de Béthlehem in órphanos, mendícos, infirmos, iúvenes rudes et derelíctos, peregrinos, necnon hómínes labóribus damnátos sublevándos strénue se impéndit.

12*. In vico Remedéllo in pago Brixíensi Itáliæ, beáti Ioánnis Piamarta, presbýteri, qui inter graves ærúmnas Institútum Parvórum Artíficum Bríxiæ aggréssus est atque in finítimis colóniam agrícolam, ut iúvenes institutiónem religiósam accíperent una cum disciplína cuiúsdam artificii iunctam, ad quod opus impléndum étiam Congregatiónem Sacræ Famíliæ a Názareth cóndidit.

Die 26 aprílis

Sexto Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
28	29	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	22	23	24	25	26	27							

1. **R**omæ, commemoratio sancti Cleti, papæ, qui secúndus post Apóstolum Petrum Románam rexit Ecclésiám.
2. In pago Gabiénsi via Prænestína miliário tricésimo ab Urbe, sancti Primitívi, mártiris.
3. Amaséa in Ponto, sancti Basiléi, epíscopi et mártiris sub Licínio imperatóre.
4. In erémo silvæ Crescíacæ in pago Néustriæ Ambianénsi, sancti Richáarii, presbýteri, qui, prædicatióne monachórum scotórum commótus, ad pæniténtiam convérsus est.
5. In monastério Corbeiénsi item in Néustria, sancti Paschásii Radbéti, abbátis, qui clare et lúcide Córporis et Sánguinis Dómini veritátem in Eucharístiæ mystério expósuit.
- 6*. Fódii in Apúlia, sanctórum Guliélmi et Peregríni, eremitárum.
- 7*. In Aragónia, beatórum Domínici et Gregórii, presbyterórum ex Ordine Prædicatórum, qui, simul itinerántes sine auro nec argénto, victum cotídie mendicántes, verbum Dei ómnibus nuntiábant.
- 8*. In monastério Transfiguratiónis Móscuæ in Rússia, depositio sancti Stéphani, epíscopi Permiénsis, qui Zyrjános indígenas evangelizávit, pro lítteris desiderátis novas invéniens litterárum formas, litúrgiam in eórum natíva lingua célebrans, idola déstruens, templa érigens veritatésque fídei summópere firmans.
- 9*. In monastério Sancti Isidóri de *Dueñas* in Hispánia, beáti Raphaélis Arnáiz Baron, religiósi ex Ordine Cisterciénsi, qui novítius gravi morbo afféctus, strénua cum patiéntia infirmam valetúdinem tolerávit Deo semper confísus.

10*. In vico *Montjuic* prope Gerúndam item in Hispánia, beáti iúlii Junyer Padern, presbýteri e Societáte Salesiána et mártiris, qui, persecutióne erga fidem sæviénte, per martýrium glóriam vitæ æternæ cónsequi mérui.

11*. In campo detentiónis Sachsenhúsæ in Germánia, beáti Stanislái Kubista, presbýteri e Societáte Verbi Divíni et mártiris, qui, Polónia fero militári regímini Dei hoste in bello súbdita, hoc in cárcere cruciátibus conféctus ánimam réddidit. Cum eo commemorátur beátus Ladisláus Goral, epíscopus auxiliáris Lublinénsis, qui in eódem loco eadémque tempestáte furénte hómínium et fidei dignitátem strénue deféndit ac, die non trádito, morbo corréptus in vínculis óbiit.

Die 27 aprílis

Quinto Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
29	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	23	24	25	26	27	28							

1. **H**ierosólymæ, commemorátio sancti Simeónis, epíscopi et mártiris, qui, ut tráditur, filius Cleóp hæ et propínquus Salvatóris secúndum carnem fuit et, Hierosólymæ post Iacóbum fratrem Dómini epíscopus ordinátus, in persecutióne Traiáni imperatóris multis supplíciis afféctus est et senex martýrio crucis coronátus.

2. Cíbalis in Pannónia, sancti Polliónis, lectóris et mártiris, qui, in persecutióne Diocletiáni imperatóris apprehénsus et a Probo præfécto interrogátus, cum Christum constantíssime conféssus esset et idólis sacrificáre nolúisset, extra moenia civitátis flammis éxuri iussus est.

3. Tabennési in Thebáide Ægýpti, sancti Theodóri, abbátis, qui discípulus fuit sancti Pachómii et pater «Congregatiónis » monasteriórú.

4*. Altíni in Venétia, sancti Liberális, eremítæ.

5*. In ínsula Mona oram Cámbríæ septemtrionális prospiciénte, sancti Maugáni seu Magáldi, epíscopi, áurea sanctitáte præediti.

6. In insula Afúsia in Propóntide, sancti Ioánnis, hegúmeni, qui pro cultu sacrárum Imáginum sub Leóne Arméno imperatóre plúrimum decertávit.

7*. Lucæ in Etrúria, sanctæ Zitæ, vírginis, quæ, húmili loco nata, duodénis doméstico ministério gentis Fatinellórum addícta est, in quorum famulátu mira cum patiéntia ad mortem usque perseverávit.

8*. Tarracóne in regno Aragóniæ ad oram Hispániæ, sancti Petri Ermengol, qui, olim dux prædónum, ad Deum convérsus Ordinem Beátæ Mariæ Vírginis de Mercéde ingræssus est et in rediméndos captívos in Africa magnópere vitam impéndit.

9*. Bitécti in Apúlia, beáti Iacóbi de Iádere Varinguer, religiósi ex Ordine Minórum.

10*. Cáthari in Nigromóntio, beátæ Catharínæ, vírginis, quæ, in Ecclésia orthódoxa baptizáta, in Ordinem de Pæniténtia Sancti Domínici ingrèssa nomen Hosánna accépit et annos quinquagínta et unum reclúsa vixit in divína contemplatióne affíxa et, Turcis oppugnántibus, pia pro pópulo christiáno exorátrix.

11*. Remis in Gállia, beáti Nicolái Roland, presbýteri, qui, de institutióne christiána puerórum sollícitus, scholas pro puéllis paupéribus cóndidit tunc a quálíbet exclúsis institutióne et Congregatióne Sorórum a Sancto Púero Iesu fundávit.

12. In urbe Ninh-Binh in Tunquíno, sancti Lauréntii Nguyễn Van Hương, presbýteri et mártiris, qui nocte moribúndum vísitans comprehénsus est et, cum crucem calcáre renúisset, flagellátus, dénique sub imperatóre Tụ Đức decollátus.

13*. Salmánticæ in Hispânia, beátæ Mariæ Antóniæ Bandrés y Elósegui, vírginis, e Congregatióne Filiárum a Iesu, quæ vitam Deo dicátam æquo ánimo étiam in desolatióne in brevi consummávit.

Die 28 aprílis

Quarto Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

Sancti Petri Chanel, presbýteri e Societáte Mariæ et mártýris, qui in Ánimas ruricolárum curándas et in púeros erudiéndos ministérium impéndit, dein paucis cum sóciis ad evangelizándam Oceániam occidentálem missus, ad ínsulam Futúnam áppulit, ubi nondum pópulus cristiánus constitútus erat. Multis difficultátibus impéditus, sed singulári mansuetúdine se præbens, nonnúllos ad fidem convértit, inter quos filium Ípsius regis, cuius furéntis iussu occísus est, primus Oceániæ martyr.

Sancti Ludovíci Mariæ Grignion de Montfort, presbýteri, qui partes Gállia occidentális peragravit mystérium sapiéntiæ æternæ evangelizándo, Congregatiónes fundávit, de cruce Christi ac vera erga Mariám Vírginem devotióne prædicávit et scripsit atque multos ad pæniténtiam redúxit; tandem in vico Sancti Lauréntii ad Séparim in Gállia a terréna peregrinatióne quiévit.

3. Bitérris in Gállia Narbonénsi, sancti Aphrodísii, qui primus huius civitátis epíscopus cólitur.

4. Nicomedíæ, Sanctórum Eusébii, Charalámpi et sociórum, mártýrum.

5. Ravénnæ in Flamínia, commemorátio sancti Vitális, quo die, ut tráditur, sub eius nómine dicáta est Deo percélebris basílica eádem in civitate. Ipse autem cum sanctis mártýribus Valeria, Gervasio, Protásio et Ursicíno ob impávidam fidem tenáciter defénsam a témpore immemorábili cólitur.

6. Doróstori in Móesia, Sanctórum Máximi, Dadæ et Quintiliáni, mártýrum in persecutióne Diocletiáni imperatóris.

7. Turiasóne in Hispánia Tarraconénsi, sancti Prudentii, epíscopi.

8. Sulmóne in Aprútio, depositio sancti Pámphili, epíscopi Corfiniénsis.

9*. Apud Pódium Bonítii in Etrúria, beáti Luchésii, qui, prius quæstu ductus, dein convérsus et hábitu Tértii Ordinis pæniténtium Sancti Francísci indútus, bona sua véndidit ac paupéribus erogávit, evangélico spíritui in paupertáte et humilitáte Deo et próximo desérviens.

10*. In vico Sancti Lauréntii ad Séparim in Gállia, beátæ Mariæ Ludovicæ a Iesu Trichet, vírginis, quæ vestem religiósam índuit prima sodális Congregatiónis Filiárum a Sapiéntia, quam prudénter rexit.

11. In urbe *Ninh-Binh* in Tunquíno, Sanctórum mártýrum Pauli Phạm Khắc Khoan, presbýteri, Ioánnis Baptístæ Đinh Văn Thanh et Petri Nguyễn Văn Hiếu, catechistárum, qui tres annos in vínculis coniécti et cruciáti sunt, ut fidem christiánam negárent, ac tandem sub imperatóre Minh Mạng cápitis abscissióne martýrio obviavérunt.

12*. In campo detentiónis vici *Mauthausen* in Austria, beáti Ioséphi Cebula, presbýteri e Congregatióne Missionariórum Oblatórum Vírginis Immaculátæ et mártýris, qui, polónus natióne, e pátria in cárcerem in ódium fidei addúctus, crudélia torménta adúsque mortem perpéssus est.

13. Maxentæ prope Mediolánum in Itália, sanctæ Ioánnæ Beretta Molla, matrisfamílias, quæ, filium in grémio gestans, libertátem ac fortitúdinem nascitúri amáncer vitæ suæ antepónens occúbuit.

Die 29 aprílis

Tértio Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	25	26	27	28	29	1							

Memória sanctæ Catharínæ Senénsis, vírginis et Ecclésiæ doctóris, quæ, inter Soróres de Pæniténtia Sancti Domínici, Deum in se et se in Deo cognóscere et Christo Crucifixo confórmis fieri stúduit; ad pacem sectándam, ad Románum Pontíficem ad Urbem reducéndum et ad Ecclésiæ unitatem redintegrándam fórtiter ac indesinéter certávit et summæ doctrínæ spiritalis præclára relíquit documénta.

2*. Commemorátio sancti Týchici, discipuli beáti Pauli Apóstoli quem Apóstolus in epístulis fratrem caríssimum, mínistrum fidélem et consérvum suum in Dómino appéllat.

3. Pisis in Etrúria, sancti Torpétis, mártiris.

4. Neápoli in Campánia, sancti Sevéri, epíscopi, quem sanctus Ambrósius ut fratrem et Ecclésia Ípsius ut patrem dilexit.

5. Cluníaci in Burgúndia, sancti Hugónis, abbátis, qui sexagínta et unum annos sancte monastérium loci rexit, eleemósynis oratióneque iúgiter inténtus, monástica disciplínæ custos et promótor instantíssimus, sanctæ Ecclésiæ procurátor et propágator fervens.

6*. Lucérnæ in Normánnia, sancti Achárdi, epíscopi Abrincénsis, qui, quondam abbas Sancti Victóris Parisiénsis, plures scripsit tractátus de vita spiritáli, quibus ánima christiána ad perfectiónis fastígium perdúceretur, et in abbátia Ordinis Præmonstraténsis, quam frequénter adíbat, óbiit et sepúltus est.

7. Seuli in Coréa, sancti Antónii Kim Söng-u, mártiris, qui domi suæ complúres congregáre consuéverat fidéles et demum in cárcere pro Christo strangulátus est.

Die 30 aprílis

Prídie Kalendas maii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	26	27	28	29	1	2							

Sancti Pii papæ Quinti, qui, ex Ordine Prædicatórum ad Petri cáthedram evéctus, secúndum Concílii Tridentíni decreta, magna pietáte et apostólico vigóre divinum cultum, christiánam doctrínam necnon ecclésiasticam disciplínam instaurávit atque propagatióem fidei promóvit. Die prima maii Romæ obdormívit in Dómino.

2. Firmi in Picéno Itáliæ, sanctæ Sóphiæ, vírginis et mártiris.

3. Item Romæ in cœmetério Prætextáti via Appia, sancti Quiríni, mártiris, qui, tribúnus, confessiódem fidei martýrio coronávit.

4. Apud Sántonas in Aquitánia, sancti Eutrópii, primi huius civitátis epíscopi, qui a Románo Pontífice in Gálliam diréctus esse fertur.
5. Aphrodísia in Caria, Sanctórum Diodóri et Rhodopiáni, mártýrum, qui in persecutióne Diocletiáni imperatóris a concívibus lapidáti sunt.
6. Euorœæ in Epíro, sancti Donáti, epíscopi, qui témpore Theodósii imperatóris exímia sanctitáte refúlsit.
7. Nováriæ in Ligúria, sancti Lauréntii, presbýteri et mártýris, qui sacrum constrúxerat fontem, in quo párvulos, quos suscéperat erudiéndos, baptizábat, sed, cum quodam die magnam puerórum turbam ad Deum per lavácrum vitæ adduxísset, ab ímpiis una cum púeris baptizátis martýrio coronátus est.
8. Fori Lívii in Æmília, sancti Mercúrialis, epíscopi, qui sedem episcopálem in hac civitáte instituísse créditur.
9. Neápoli in Campánia, sancti Pompónii, epíscopi, qui Ecclésiám ad nomen Dei Genetrícis Mariæ intra urbem exstrúxit et sub Gothórum occupatióne plebem ipsi commíssam ab ariána háeresi deféndit.
- 10*. Romæ, beáti Petri Levítæ, qui, mónachus in Cóelio, sancti Gregórii papæ Magni mandáto, Románæ Ecclésiæ patrimónium prudénter administrávit et, diáconus ordinátus, pontífici fidéliter servívit.
- 11*. Vivárii ad Rhódanum in Néustria, sancti Auguli, epíscopi, qui in civitáte primum nosocomíum condidísse et multos servos emancipásse créditur.
12. Barkíngre in Anglia, tránsitus sancti Earconwáldi, epíscopi, qui duo monastéria fundávit, álterum viris, cui ipse præfuit, álterum múlteribus, quod soror eius sancta Ethelbúrgis rexit.
13. Córdubæ in Vandalícia Hispániæ Província, sanctórum mártýrum Amatóris, presbýteri, Petri, mónachi, et Ludovíci, qui, Maurórum persecutióne furénte, eo quod Evangélium Christi palam prædicáre non intermiserant, sæve interémpti sunt.
- 14*. Verónæ in Venétia, sancti Gualfárdi, qui, ehippiárius e Germánia oriúndus, post plúrimos annos in solitúdine a mónachis Sancti Salvatóris hac in civitáte recéptus est.

15*. Vernóne ad Sequánam in Gállia, sancti Adiutóris, qui, in bello captus, propter fidem cruciátus est et, in pátriam revérsus, in cella reclúsus pæniténtem vitam egit.

16*. Novi Castri ad Tinam flumen in Anglia, beáti Guliélmi Southerne, presbýteri et mártiris, qui, stúdiis in Lithuánia, Hispánia et Duáci peráctis, sacérdos ordinátus Angliam pétiit, quam ob rem sub Iacóbo rege Primo atrócibus suspéndii supplíciis tráditus est.

17*. Fori Semprónii in Picéno Itáliæ, beáti Benedícti de Urbino, presbýteri ex Ordine Fratrum Minórum Capuccinórum, qui sócius fuit sancti Lauréntii de Brundúsio in prædicatióne apud hussítas et lutherános.

18*. In Québéco Cánadæ província, beátæ Mariæ ab Incarnatióne Guyart Martin, quæ, materfamílias, post cóniugis mortem filium puérulum soróris curis commísit et, Ursulinárum religiónem proféssa, eárum domum in Cánada constituit, multa præclára agens.

19. Chérii apud Augústam Taurinórum in Subalpínis, sancti Ioséphi Benedícti Cottolengo, presbýteri, qui, soli divínæ Providéntiæ auxílio confisus, domum apéruit, in quam páuperes, cuiúsvís géneris infirmos et derelíctos recípere stúduit.

20. In vico *An Bái* in Tunquíno, sancti Ioséphi Tuán, presbýteri ex Ordine Prædicatórum et mártiris, qui, delatióne comprehénsus quod ad matrem suam infirmam sacraménta ministrásset, cápite damnátus est sub imperatóre Tụ Đúc.

21*. Paderbórnæ in Germánia, beátæ Paulínæ von Mallinckrodt, vírginis, fundatrícis Sorórum a Caritáte Christiána, cui in ánimo fuit púeros páuperes et cæcos erudíre atque ægrótiis pauperibúsque auxílium ferre.

¹ Quarum nomina: sanctæ Carissa, Galina, Theodora, Nica, Nunecia, Callis, Basilissa.

² Quorum nomina: sancti Lupercus, Successus, Martialis, Urbánus, Julia, Quintilianus, Publius, Fronto, Felix, Crecilianus, Evodius, Primitivus, Apodemius et álíi quattuor, qui Saturníni nómine vocáti esse referúntur.

³ Quarum nomina: beátæ Renata Bourgeais, Ioanna Gourdon, María Gingueneau, Francisca Michoneau, Ioanna Onillon, Renata Sechet, María Roger, Francisca Suhard, Ioanna Thomas, víduæ; Magdaléna Cady, María Piou, Petrina Renata Pottier, Renata Rigault, Ioanna María Leduc, Magdaléna Salle, uxóres; María Genovefa et Martha Poulain de la Forestrie, Petrina Bourigault, María Forestier, María Lardeux, Petrina Laurent, Anna Maugrain, Margarita Robin, María Rochard. omnes ruricolæ, in gállica perturbatióne ódium Christiánæ fidei plumbis occísi sunt.

MAIUS

Die 1 maii

Kaléndis maii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	27	28	29	1	2	3							

Sancti Ioseph opíficis, qui, faber Nazarénus, labóre suo Mariæ et Iesu necessitatibus subvenit et Fílium Dei ad hóminum labóres initiávit. Proptérea, quo die labor multis in oris terrárum commemorátur, christiáni operárii eum exémpLAR et protectórem venerántur.

2. Commemorátio sancti Ieremíæ, prophétæ, qui, témpore Ióachim et Sedecíæ, regum Iudæ, Civitátis Sanctæ eversiónem populíque deportatióneM monens, multas persecutiónes passus est, quam ob rem Ecclésia eum hábuit ut Christi patiéntis figúram. Novum æternúmque ínsuper Testaméntum in ipso Christo Iesu consummándum prænuntiávit, qua Pater omnípotens legem suam in imo filiórum Israel corde scríberet, ut esset ipse iis in Deum et essent illi ei in pópulum.

3. In pago Gállia Vivariénsi, sancti Andeóli, mártiris.

4. In Hispánia meridionali, commemorátio Sanctórum Torquáti, epíscopi Accitáni, et aliórum sex episcopórum, qui in divérsis civitatibus sedérunt, scílicet Ctésiphon Végii, Secúndus Abulæ, Indalétius Urci, Cæcílius Ilíiberi, Hesýchius Cartéiæ et Euphrásius Illitúrgi.

5. Autissiodóri in Gállia, sancti Amatóris, epíscopi, qui in civitáte sua paganórum superstitiónes exstirpáre stúduit et sanctórum mártýrum cultum instítuit.

6. Augústæ Auscórum in Aquitánia, sancti Oriéntii, epíscopi, qui paganórum mores in civitáte sua eradica-re conátus est pacémque inter Romános et Visigothórum Tolosánum regem compónere.

7*. In Británnia Minóre, sancti Brióci, epíscopi et abbátis, qui e Cámbria ortus in litore armórico monastérium cóndidit, cui póstea locus sedis episcopális tribútus est.

8. Agáuni in Ráetia, deposítio sancti Sigismúndi, qui, rex Burgundiórum, ex ariána háeresi ad cathólicam fidem convérsus, ibídem coram mártýrum sepúlcris assíduum psalléntium chorum instituit, pæniténtia, lácrimis ac ieiúniis scelus patrátum luit et in Aurelianénsi pago ab adversáriis in púteum demérsus mortem occúbuit.

9*. In ínsula Británnia e Minóris, sancti Marcúlphi, eremítæ, dein mónachi et abbátis monastérii Nantólii.

10. Elvæ in Cámbria, sancti Asáphi, abbátis et epíscopi sedis póstea Ípsius nómine insignítæ.

11*. Vapínci in Província Gállia, sancti Arígii, epíscopi, patiéntia in advérsis, zelo contra simoníacos et caritáte erga mónachos romános in Angliam missos célebris.

12*. In pago Montis Albáni in Gállia Narbonénsi, tránsitus sancti Theodárdi, epíscopi Narbonénsis, qui Ecclésiám suam cathedrálem restaurávit et disciplínæ zelo flóruit. Morbo afféctus, in monastérium secéssit, ubi ánimam Deo réddidit.

13*. Fori Semprónii in Picéno Itáliæ, beáti Aldebrándi, epíscopi, vitæ austeritáte et apostólico spírítu præclári.

14*. Arouquæ in Lusitánia, beátæ Mapháldæ, vírginis, filíæ Sáncii regis Primi, quæ, irríto matrimónio reiécto, moniális facta est et reformatiónem Cisterciénsem in monastérium suum introdúxit.

15*. Apud Montaíonam in Etrúria, beáti Viváldi de Sancto Geminiáno, eremítæ e Tértio Ordine Sancti Francísci, vitæ austeritáte, patiéntia et caritáte in infirmórum cura exímii.

16*. Apud Castrum Vallis in Hístria, beáti Iuliáni Cesarello, presbýteri ex Ordine Minórum, qui per vicos et platéas vagabátur, verbum Dei séminans et factiões cívium sedáre sátagens.

17. Fori Lívii in Æmília, sancti Peregríni Laziósi, religiósi ex Ordine Servórum Maríæ, qui ex Ípsius Deíparre famulátu pietáte in Iesum Fílium et sollicitúdine Páuperum præstitit.

18*. Monte Cælo in pago Gálliaë Bellovacénsi, beátæ Petroníllæ, vírginis, primæ abbatíssæ monastérii Clarissárum huius loci.

19. Romæ, natális sancti Pii papæ Quinti, cuius memória pridie huius diéi recólitur.

20. Apud arcem *Son Tây* in Tunkuino, sancti Augustíni Schoeffler, presbýteri e Societáte Parisiénsi Missiónum ad éxteras gentes et mártiris, qui, post tres annos in ministérii ópere peráctos in cárcerem coniéctus, in campo Quinque Iúgerum nuncupáto imperatóris Tu Đúc iussu cápitis decollatióne martýrii grátiam, quam cotidie a Deo petiérat, accépit.

21. Prope urbem Nam Định item in Tunkuino, sancti Ioánnis Ludovíci Bonnard, presbýteri ex eádem Societáte et mártiris, qui cápitis damnátus, quod vigínti et quinque infántes baptizavisset, abscisso cápite corónam martýrii consecútus est.

22. Medioláni in Itália, sancti Richárdi (Hermínii Philíppi) Pampuri, qui primum medicínam artem in sáeculo liberáliter exércuit, deínde Ordinem Sancti Ioánnis a Deo ingræssus, fere biénnio post pie in Dómino quíevit.

23*. In civitaté *Vladimir* in Rússia, beáti Cleméntis Šeptyckyj, presbýteri et mártiris, qui, prior monastérii Studitárum óppidi *Univ*, témpore regíminis in Deum hostílis, in fide perseverans átria cæléstia dignátus est habitáre.

Die 2 maii

Sexto Nonas maii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	28	29	1	2	3	4							

Memória sancti Athanásii, epíscopi et Ecclésiæ doctóris, sanctitaté et doctrína claríssimi, qui Alexandríæ in Ægýpto orthodoxam fidem a Constantíni tempóribus usque ad Valéntem imperatórem strénue propugnávit et, plúrimas ab ariánis perpéssus insídias et plúries in exsílium depúlsus, tandem ad Ecclésiám ipsi commíssam revérsus, post

multos agónes multásque patiéntiæ corónas, quadragésimo et sexto anno sacerdotii sui in Christi pace quiévit.

2. Attáleæ in Pamphýlia, Sanctórum mártýrum Hespéri et Zoes, cóniugum, atque filiórum Cyríaci et Theodúli, qui, ut narrátur, sub Hadriáno imperatóre, cum servi essent cuiúsdam viri pagáni, omnes, ipso dómíno iubén-te, ob líberam christianæ fidei professi-ónem primum verberáti sunt ac vehemén-ter torti, deín-de, in accénsu-clíbanum iniécti, á-ni-mas suas Deo tradidérunt.

3. Híspali in Báetica Hispániæ Província, sancti Felícis, díaconi et mártýris.

4. Commemorátio sanctórum mártýrum Vindemiá-lis, epíscopi Capsénsis in Numí-dia, et Longíni Pamáriensis in Mauretánia, qui, advér-sus ariános in Concí-lío Carthágínénsi decertántes, ab Hunneríco rege Vandalórum iussi sunt cáp-ite obtruncári.

5*. Luxóvii in Burgúndia, sancti Waldebérti, abbátis.

6. In pago Sancti Galli in regi-óne Helvetiórum, sanctæ Wiborádæ, vírginis et mártýris, quæ, in céllula apud ecclési-am Sancti Magni inclúsa pópulo consúluit et pro fide et voto religi-óso ab Húngaris irrumpéntibus mortem súbiit.

7*. Lincópiæ in Suécia, beáti Nicolái Hermansson, epíscopi, qui, sevérus in se, totum Ecclésiæ suæ et paupéribus se devóvit atque sanctæ Birgíttæ relíquias honorífice suscepit.

8. Floréntiæ in Etrúria, sancti Antoníni, epíscopi, qui, postquam Ordinis Prædicatórum reformati-óni óperam déderat, vigilánti curæ pastoráli se devóvit, sanctitáte, ór-dine utilitatéque doctrínæ præclárus.

9*. Clonæ in Hibérnia, beáti Guliélmi Tirry, presbýteri ex Ordine Fratrum Sancti Augustíni et mártýris sub regímine Olivérii Cromwell propter fidelitátem Románæ Ecclésiæ servátam.

10. In urbe *Vĩnh Long* in Cocincína, sancti Ioséphi Nguyễn Văn Lưu, mártýris, qui, agríc-ola et catechísta, pro presbýtero Petro Lưu milítibus exquisíto sponte se dedit et in vínculis óbiit sub imperatóre Tỵ Đức.

11. In urbe Aranguésia in Nova Castélla Hispániæ regiône, sancti Ioséphi Mariæ Rubio Peralta, presbýteri e Societáte Iesu, qui in pæniténtibus audiéndis, in exercítiis spiritálibus prædicándis et in paupéribus regiónis Matriténsis visitándis præstitit.

12*. In campo exítii *Oswiecim* seu *Auschwitz* prope Cracóviam in Polónia, beáti Bolesláí Strzelecki, presbýteri et mártiris, qui, bello furénte, propter fidem cárceri datus est, ubi per cruciátus ad gloriósam pervénit corónam.

Die 3 maii

Quinto Nonas maii. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	30	29	1	2	3	4	5							

Festum sanctórum Philíppi et Iacóbi, Apostolórum. Ex his Philíppus, sicut Petrus et Andréas Bethsáidæ natus et Ioánnis Baptístæ discípulus factus, a Dómino vocátus est, ut eum sequeretur; Iacóbus vero, filius Alpháei, apud Latínos idem ac frater Dómini hábitus est, cognométo Iustus, primus Ecclésiám Hierosolymítanam rexit et, controversia de circumcisióne orta, in Petri senténtiam discéssit, ne illud vetus iugum discípulis ex géntibus imponeretur; apostolátum mox martýrio coronávit.

2. Antínoe in Thebáide, sanctórum Timóthei et Mauræ, mártirum.

3. Via Nomentána miliário séptimo ab urbe Roma, sanctórum Evéntii, Alexándri et Theodúli, mártirum.

4. Nárníæ in Umbria, sancti Iuvenális, qui primus epíscopus huius sedis cólitur.

5*. Kildáriæ in Hibérnia, sancti Conléthi, epíscopi, qui sanctæ Brígidæ sócius fuit in spiritáli cura eius monastério aliorúmque ipsi subiéctis et auctoritáte apud prælátos loci multum pótuit.

6*. Argo in Græcia, sancti Petri, epíscopi, qui summam caritátem in páuperes ac servos navávit et pro bono fidei lítibus componéndis instánter consúluit.

7*. In monastério Hoborsténsi in Flándria, tránsitus sancti Ansfrídi, epíscopi Ultraiecténsis, qui, cæcitate afféctus, eódem recéssit.

8*. Kióviæ in Rússia, sancti Theodósii, abbátis, qui lauram Crypténsem nuncupátam fundávit et vitæ cænobíticæ ibídem institútor fuisse tráditur.

9*. Vercéllis in Subalpínis, beátæ Æmíliæ Bicchieri, vírginis ex Ordine Prædicatórum, quæ, etsi plúries prioríssa, inter Soróres ad vilíssima domus ministéria lætíssima intendébat.

10*. Casimírre in Polónia, beáti Stanislái, presbýteri et canónici reguláris, qui pastoráli caritáte motus díligens fuit verbi Dei minister, in spiritalibus magíster et in confessiónibus audiéndis expetítus.

11*. Segúsii in Subalpínis Itáliæ, beáti Eduárdi Ioséphi Rosaz, epíscopi, qui vigínti quinque annos curam egit apostólicam pópuli ipsi commissi, præsértim páuperum, et Congregatióem Sorórum e Tértio Ordine Sancti Francísci fundávit.

12*. In civitate *Sherbrooke* in Quebecénsi regione Cánadæ, beátæ Mariæ Leóniæ (Alódire) Paradis, vírginis, quæ Congregatióem Parvárum Sorórum a Sancta Família instítuit, sacerdotibus in usu vitæque commúni sublevándis déditam.

Die 4 maii

Quarto Nanas maii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

1. **C**irthæ in Numídia, commemorátio sanctórum mártýrum Agápíi et Secúndini, episcopórum, qui post longum apud præfátam urbem exsílum, in persecutióne Valeriáni imperatóris, in qua tune máxime gentílium rábies ad tentándam iustórum fidem inhiábat, ex illústri sacerdotio effécti sunt mártýres glórisi. Passi sunt in eórum

collégio sancti Æmilíanus miles, Tertúlla et Antónia, sacrae vírgines, et múlíer quædam cum suis géminis.

2. Nicææ in Bithýnia, sanctæ Antonínæ, mártiris, quæ, sáeviter torta et váriis afflícta cruciátibus, tribus diébus suspénsa et in cárcere biénno reclúsa, ad últimum a Priscilliáno præside in confessióne Dómini flammis exústa est.

3. Lauríaci in Nórico Ripénsi, sancti Floriáni, mártiris, qui sub Diocletiáno imperatóre, Aquílíni præsidis iussu, saxo ad collum ligáto, de ponte in flumen Anisum præcipitátus est.

4. Phænóne in Palæstína, pássio sanctórum mártirum Silváni, Gazæ epíscopi, et trigínta novem sociórum ad metálla damnatórum, qui in eádem persecutióne, de Maximíni Dazæ Cáesaris mandáto, cápíte cæsi mártýrio coronáti sunt.

5*. Varsáviæ in Polónia, beáti Ladislái de Gielniów, presbýteri ex Ordine Minórum, qui Passiόνem domínícam exímio zelo prædicávit piisque hymnis celebrávit.

6. Londínii in Anglia, Sanctórum presbyterórum mártirum Ioánnis Houghton, Robérti Lawrence et Augustíni Webster, priórum cartusiárum Londiniénsis, Bellavallénsis et Axholmiénsis, atque Richárdi Reynolds, ex Ordine Sanctæ Birgíttæ, qui, cum fidem patrum impávide proféssi essent, Tybúrne ad supplicium laniátus tracti sunt sub Henríco rege Octávo. Cum eis et beátus Ioánnes Haile, présbyter, paróchus loci *Isleworth* prope urbem, eódem patíbulo suspénsus est.

7*. Tréviris in Germánia, beáti Ioánnis Martíni Moyë, presbýteri e Societáte Parisiénsi Missiόνum ad éxteras gentes, qui in Lotharíngia Soróres a Providéntia atque in Sinis vírgines docéntes congregávit et, tempóribus gállicæ perturbatiónis e pátria pulsus, semper vero animárum zelo incénsum se præbuit.

Die 5 maii

Tértio Nonas maii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

1. **A**utissiodóri in Gállia Lugdunénsi, sancti Ioviniáni, lectóris et mártiris.
2. Alexandríæ in Ægýpto, sancti Euthýmii, diáconi et mártiris.
3. Commemorátio sancti Máximi, epíscopi Hierosolymitáni, qui a Máximina Daza Cáesare, post óculum effóssum pedémque igníto ferro adústum, ad metálla damnátus est; atque, liber inde abíre permíssus et Ecclésiæ Hierosolymitánæ præpósitus, ibi, conféssiónis glória præclárus, in pace tandem quiévit.
- 4*. Tréviris in Gállia Bélgica, sancti Brittónis, epíscopi, qui gregem suum a Priscilliáni erróribus deféndit, sed una cum sanctis Ambrósio Mediolanénsi et Martíno Turonénsi frustra conátus est feróciæ resistere eórum, qui Priscilliáni eiúsque asseclárum necem petiérunt.
5. Areláte in Província, sancti Hiláarii, epíscopi, qui, ex erémo Lirinénsi ad episcopátum invítus promótus, mánibus suis labórans, una túnica æstáte ac híeme indútus pedibúsque iter conficiens, amórem suum paupertátis ómnibus apérui; oratióni, ieiúniis et vigíliis déditus atque verbi ministério indesinenter insístens, peccatóribus Dei Misericórdiam monstrávit, órphanos suscepit et quidquid argénti basilicæ civitátis habuérunt ad captivórum redemptiónem prótinus destinávit.
6. Viennæ in Gállia Lugdonénsi, sancti Nicétii, epíscopi.
7. Medioláni in Ligúria, sancti Gerúntii, epíscopi.
- 8*. Marciánæ in Gállia Bélgica, sancti Maurónti, abbátis et diáconi, qui sancti Amándi discípulus fuit.
9. Lemóvici in Aquitánia, sancti Sacerdótis, qui, primum mónachus et abbas, deínde epíscopus, vitam monásticam postrémo exígere elégit.
10. Hildésiæ in Saxónia Germániæ, sancti Godehárdi, epíscopi, qui primum abbas monastérii Alténsis alia monastéria visitávit atque instaurávit, sancto Bernwárdo mox in sede episcopáli succédens bonum Ecclésiæ suæ promovit, regulárem disciplínam clero státuit et scholas apérui.
- 11*. In Calábria, sancti Leónis, eremítæ, qui, contemplátioni operibúsque pro paupéribus déditus, in monastério Africi prope Rhégium iúlii ab ipso cóndito óbiit.

12*. Ventíaci apud Turónos in Gállia, sancti Avertíni, diáconi, qui, sanctum Thomam Becket in exsílum secútus, post huius necem Ventíacum revérsus vitam egit eremitícam.

13. Leocátæ in Sicília, sancti Angeli, presbýteri ex Ordine Carmelitárum et mártiris.

14*. Recinéti in Picéno Itáliæ, beáti Benvenúti Mareni, religiósi ex Ordine Minórum.

15*. Neápoli in Campánia, beáti Núntii Sulprizio, qui, órphanus, crure cáríe infestáto et córpore exháusto, æquo hilaríque ánimo ómnia sústulit et ómnibus ádfuit, dolóris consórtes magnópere consolátus est et inops ínopum omnímodo sublevávit misériam.

16*. Somáschæ prope Bérgomum in Itália, beátæ Catharínæ Cittadini, vírginis, quæ, iam inde a puerítia paréntibus orbáta, húmilis ac sápiens præcéptrix, institutióni puellárum páuperum ac christiánæ doctrínæ summópere providit, quaprópter Institutum Sorórum Ursulinárum a Somáscha fundávit.

17*. Dresdæ in Germánia, beáti Gregórii Frąckowiak, religiósi e Societáte Verbi Divíni et mártiris, qui, belli témpore in cárcerem coniéctus, secúris ictu pro Christo occúbuit.

Die 6 maii

Prídie Nonas maii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	3	3	4	5	6	7	8							

1. **C**ommemorátio sancti Lúcii Cyrenáei, qui in Actus Apostolórum inter prophétas et doctóres Ecclésiæ, quæ erat Antiochiæ, adnumerátur.

2. Lambáesi in Numídia, Sanctórum mártirum Mariáni, lectóris, et Iacóbi, diáconi, quorum prior, cum iamprídem infestatiónes deciánæ persecutiónis in confessiône Christi vicísset, íterum cum caríssimo colléga tentus est et ambo, post dira supplícia, divína grátia confortáti, novíssime cum multis áliis gládio consummáti sunt.

3. Medioláni in Ligúria, sancti Venérii, epíscopi, qui sancti Ambrósii fuit discípulus et diáconus, Africæ episcopis cléricos misit adiutórium et sancto Ioánni Chrysóstomo éxsuli subvénit.

4. Romæ, sanctæ Benedíctæ, sírginis, quæ, sanctimoniális, narránte Gregório papa Magno, trigésima die post mortem sanctæ Gallæ, cui máxime præ céteris dilécta erat, in Deo, sicut ipsa depopóscerat, quiévit.

5. Lindisfárnre in Northúmbria, sancti Eadbérta, epíscopi, qui sancto Cuthbértó succéssit et sciéntia Scripturárum præceptorúmque cæléstium observántia ac præsertim elemosynárum largitáte enítuit.

6. Barcinóne in Hispánia, sancti Petri Nolásco, presbýteri, qui, una cum sancto Raymúndo de Penyafort et Iacóbo Aragóniæ rege Primo, Ordinem Beátæ Mariæ de Mercéde pro redemptióne captivórum instituísse créditur, témpore infidélium potestátis labórem et stúdiu in componéndam pacem et in christiános a servitútis iugo sublevándos aláriter impéndens.

7*. Monte Politiáno in Etrúria, beáti Bartholomæi Pucci-Franceschi, presbýteri ex Ordine Minórum, qui, uxórem filiósque et divítias pro Dei amóre relínquens, paupérculus Christi factus est.

8*. Londínii in Anglia, beatórum Eduárdi Jones et Antónii Middleton, presbyterórum et mártýrum, qui sub Elísabeth regína Prima propter sacerdotiu ad iánuas domórum, quas habitábant, furcis suspénsi sunt ferróque dissécti.

9*. In Québéco Cánadæ província, beáti Francísci de Montmorency-Laval, epíscopi, qui sedem episcopálem illic constituit et quinquaginta fere annos ad confirmándam et augéndam Ecclésiám in ingénti Américæ Septemtrionális regióne usque ad sinum mexicánum totum ánimu inténdit.

10*. Cairi in Ægýpto, beátæ Mariæ Catharínæ Troiáni, Vírginis e Tértio Ordine Sancti Francísci, quæ, ex Itália in Ægýptu missa, novam Famíliam Sorórum Franciscanárum Missionariárum ibídem fundávit.

11*. Romæ, beátæ Annæ Rosæ Gattorno, religiósæ, quæ, materfamílias, postquam vídua evásit, ad Dóminu proximúmque totam se devóvit et Fílias Sanctæ Annæ Matris Mariæ Immaculátæ instituit, summa ope in ægrótos, infirmos et inérmem infántiam énitens, in quorum vultu Christu páuperem contemplabátur.

12*. Prope Monáchium Baváriæ in Germánia, beatórum Henríci Kaczorowski et Casimíri Gostyński, presbyterórum et mártýrum, qui, e Polónia more militári a persecutóribus humánæ dignitátis invása vi dedúcti, in castris detentiónis Dacháni mortífero vapóre inquináti pro Christi fide vitam fuderunt.

Die 7 maii

Nonis maii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

1. **R**omæ, commemoratio sanctæ Domitillæ, mártýris, quæ, filia soróris Flávii Cleméntis cónsulis, cum in persecutióne Domitiáni imperatóris accusáta esset deos aliénos negánde, ob testimónium Christi cum áliis in ínsulam Póntiam deportáta, longum ibi martýrium duxit.

2. Nicomedíæ in Bithýnia, sanctórum Flávii et quáttuor sociórum, mártýrum.

3*. Apud Cenómanum in Gállia, sancti Ceneríci, diáconi, qui, mónachus, postquam sanctórum Martíni Turonénsis et Iuliáni Cenomanénsis sepúlcrâ visitávit, in solitúdine et austeritáte vitam exégit.

4. Beverláci in Northúmbria, tránsitus sancti Ioánnis, epíscopi primum Hagulstadénsis dein Eboracénsis, qui curam pastorálem solitáriæ oratióni coniúnxit et, múnere depósito, mónachus réliquam vitam in monastério, quod illic condíderat, egit.

5*. In monastério Nidroburgénsi Baváriæ, beátæ Giséllæ, quæ, sancto Stéphano regi Hungáriæ nupta, virum adiúvit in fidem propagándam et, post eius mortem, ómnibus facultátibus spoliáta exsúlque regno, in hoc monastérium se recépit, cui póstea abbátissa præefuit.

6*. Kióviæ in Rússia, sancti Antónii, eremítæ, qui vitam monásticam, quam in monte Atho didícerat, in laura Crypténsi nuncupáta prosecútus est.

7*. Cremónæ in Langobárdia, beáti Albérti de Bérghomo, Agrícolæ, qui uxóris reprehensiónes ob nímiā suā in páuperes liberalitatem patiēter sústulit et, relíctis agris, pauper vixit frater de Pæniténtia Sancti Domínici.

8*. Romæ, beátæ Rosæ Venerini, vírginis Viterbiēsis, quæ cum Magístris Piis primas in Itália scholas pro puéllis erudiéndis apérui.

9. Génuæ in Itália, sancti Augustíni Roscelli, presbýteri, qui pro puéllis erudiéndis Congregatióem instítuit Sorórum ab Immaculáta Conceptione Beátæ Mariæ Vírginis.

Die 8 maii

Octávo Idus maii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

1. **M**edioláni in Ligúria, commemorátio sancti Victóris, mártiris, qui, génere maurus, cum esset in castris imperiálibus miles, compellente Máximiano, ut idólis sacrificáret, arma depósuit atque Laudem Pompéiam dedúctus collum flexit et gládio occúbuit.

2. Byzántii, sancti Acácii mílitis, mártiris.

3. Autissiodóri in Gállia Lugdunénsi, sancti Helládii, epíscopi.

4. Apud Scetim Ægýpti montem, sancti Arsénii, qui Románæ Ecclésiæ diáconus fuisse tráditur, Theodósii imperatóris témpore in solitúdinem secéssit ibíque ómnibus virtútibus consummátus Deo spíritum réddidit.

5*. In território Catalaunénsi in Gállia, sancti Gibriáni, presbýteri, ex Hibérnia per Gálliam peregríni pro Christo.

6*. Biturígis in Aquitánia, sancti Desideráti, epíscopi, qui, ántea Régii sigilli custos, Ecclésiā hanc mártýrum relíquiis dotávit.

7. Saliónii in pago Santonénsi in Aquitánia, sancti Martíni, presbýteri et abbátis.

8. Romæ apud sanctum Petrum, sancti Bonifátii papæ Quarti, qui templum Pántheon a Phoca imperatóre impetrátum in ecclésiám vertit ac in honórem beátæ Mariæ omniúmque mártýrum Deo dedicávit et valde de monástica disciplína méritus est.

9. Ibídem, sancti Benedícti papæ Secúndi, paupertáti amíci, húmilis, mansuétí, patiéntia atque eleemósynis insígnis.

10*. Verónæ in Venétia, sancti Metrónis, eremítæ, qui ásperam et pæniténtem vitam duxísse fertur.

11. Ruræmúndæ ad Mosam in Brabántia Austrásiæ, sancti Wirónis, qui simul cum sóciis Plechélmo et Otgéro in hac regiône evangelizánda óperam dedísse créditur.

12*. Saludécii in Picéno Itáliæ, beáti Amáti Ronconi, hospitalitátis stúdio et peregrinórum cura insígnis.

13*. In monastério Sanctæ Mariæ *della Serra* item in Picéno, beáti Ángeli de Massátio, presbýteri ex Ordine Camaldulénsium et mártýris, strénui domínicæ diéi observántiæ defensóris.

14*. Randátii in Sicília, beáti Aloýsii Rabata, presbýteri ex Ordine Carmelitárum, in observánda Régula fidélissimi et erga inimícos caritáte fúlgidi.

15*. In Québéco Cánadæ província, beátæ Mariæ Catharínæ a Sancto Augustíno (Catharínæ) Symon de Longprey, vírginis e Soróribus Hospitaláriis a Misericórdia Ordinis Sancti Augustíni, quæ, infirmórum curæ dédita, eos ad spem erigéndo et consolándo excélluit.

16*. In pago *Hegne* in Bádena Germániæ Província, beátæ Ulrícre (Francíscæ) Nisch, vírginis, e Soróribus Caritátis a Sancta Cruce, quæ in humíllimis opéribus, præcipue in coquæ adiutrícis officio, indeféssam se Dómini præbuit ancíllam.

17*. In campo exítii *Oswiecim* seu *Auschwitz* prope Cracóviam in Polónia, beáti Antónii Bajewski, presbýteri ex Ordine Fratrum Minórum Conventuálium et mártýris, qui, bello sæviénte, in cárcere propter fidem torméntis dire afféctus ad glóriam Dómini pervénit.

Die 9 maii

Séptimo Idus maii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

1. **C**ommemoratio sancti Isaíæ, prophætæ, qui, in diébus Ozíæ, Iotham, Achaz et Ezechíæ, regum Iudæ, missus est ut pópulo infidéli et peccatóri Dóminum fidélem et salvatórem reveláret, ad impleméntum promissiónis David a Deo iurátæ. Apud Iudáeos sub Manásse rege martyr occubuísse tráditur.

2. Commemoratio sancti Hermæ, cuius beátus Paulus Apóstolus in epístula ad Romános méminít.

3. In Thebáide, sancti Pachómii, abbátis, qui, adhuc gentílis, testimonio christiánæ caritátis erga mílites in contubérnio deténtos perpúlsus, ad christiánam vitam convérsus, ab anachoréta Paláemone monásticum hábitum accépit et, septem post annos, divíno mónito plúrima ædificávit cœnóbia ad fratres suscipiéndos et præcláram Régulam monachórum scripsit.

4. In Pérside, Sanctórum mártýrum trecentórum et decem.

5. Viennæ in Gállia Lugdunénsi, sancti Dionýsii, epíscopi.

6. Cállii via Flamínia in Picéno Itáliæ, tránsitus sancti Gerúntii epíscopi Phicoclénsis, qui, e Sýnodo Romæ celebráta rédiens, ibídem nefárie interféctus esse tráditur.

7*. Vindocíni ad Lígerim flumen in Gállia, sancti Beáti, presbýteri, qui vitam eremíticam egít.

8*. In monastério Camaldulénsi Fontis Avellánæ m fínibus Umbriæ, beáti Fortis Gabrielli, eremítæ.

9*. Apud óppidum Montichiéllum in Etrúria, beáti Benincásæ de Monte Politiáno, religiósi ex Ordine Servórum Maríæ, qui in specum montis Amiátæ in agro Senénsi secéssit ibíque vitam pæniténtem egít.

10*. Londínii in Anglia, beáti Thomæ Pickering, mártiris, mónachi ex Ordine Sancti Benedícti, qui, vir sincéræ simplicitátis et innocentíssimæ vitæ, coniuratiónis in Cárolum regem Secúndum falso insimulátus, æquo ánimo ad Tybúrne patíbulum pro Christo ádiit.

11. In urbe Nam Định in Tunquíno, sancti Ioséphi Đỗ Quang Hién, presbýteri ex Ordine Prædicatórum et mártiris, qui, in cárcerem trusus, pagános ad Christum convertére et christiános in fide confortáre ístitit, donec ex decréto imperatóris Thiệu Trị decollátus est.

12*. Mónachii Baváriæ in Germánia, beátæ Maríæ Terésíæ a Iesu (Carolínæ) Gerhardinger, vírginis, quæ Congregatiónem Páuperum Sorórum Scholasticárum Dóminæ Nostræ providentíssima fundávit.

13*. Intra castra detentiónis Dacháni prope Monáchium Baváriæ in Germánia, beáti Stéphaní Grelewski, presbýteri et mártiris, qui, pátria Polónia more militári in bello occupáta, in cárcere a persecutóribus Ecclésiæ diris torméntis extenuátus gloriósam accépit corónam.

Die 10 maii

Sexto Idus maii. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	G	H	I	K	L	M	N	O	P	Q	R	S	T
2	3	4	5	6	7	8	9	10	11	12	13	14	15	16	17	18	19	20

- C**ommemoratio sancti Iob, admirándæ patiéntiæ viri in terra Hus.
- Myræ in Lýcia, sancti Dioscóridis, mártiris.
- Leóntii in Sicília, Sanctórum Alphii, Philadélphii et Cyrínii, mártirum.

4. Romæ via Latína, sancti Gordiáni, mártiris, qui sepúltus est in crýpta, in qua iam pridem sancti Epímachi mártiris reliquiæ colebántur.

5. Ibídem, commemorátio sanctórum Quarti et Quinti, mátyrum.

6*. In Hibérnia, sancti Comgálli, abbátis, qui célebre monastérium Bancorénse fundávit atque sápiens pater ac prudens· dux magni monachórum ágminis éxstitit.

7. Apud Taréntum in Apúlia, sancti Catáldi, epíscoli et peregríni, qui e Scótia venísse créditur.

8*. Apud Biturígas in Aquitánia, sanctæ Solóngiæ, vírginis, quæ ad castitátem servándam martýrio se subiecísse tráditur.

9*. Pontísaræ apud Parísios in Gállia, sancti Guliélmi, presbýteri, qui, anglus natióne, paróchus factus animárum zelo et pietátis stúdio cláruit.

10*. Patávii in Venétia, beátæ Beatricis Esténsis, vírginis, quæ cœnóbium Gémmulæ in cóllibus Eugáneis instituit et, brevi quidem vitæ spátio, árdum sanctitátis iter moniális perégit.

11*. Senis in Etrúria, tránsitus beáti Nicolái Albergati, epíscoli Bononiénsis, qui iúvenis in Ordinem Cartusianórum ingræssus est et, epísopus ordinátus, zelo pastoráli et apostólicis legatióibus Ecclésiæ magnópere prófuit.

12. Montíliæ in Vandalícia Hispániæ Província, sancti Ioánnis de Abula, presbýteri, qui cunctam Báeticam regiónem Christum prædicans pererrávit et, iniúste de háeresi suspicátus, in cárcerem trusus est, ubi præcípuam doctrínæ suæ spiritális partem scripsit.

13*. Zagábriæ in Croátia, beáti Ioánnis Merz, qui, humanárum litterárum stúdio et institutióni déditus, fúlgidum iuvénibus præbuit exémplum magístri Christi fidei inníxi et navitátis christifidélium laicórum in provéctum societátis.

14*. Cremónæ in Itália, beáti Henríci Rebuschini, presbýteri ex Ordine Clericórum Regulárium Ministrántium Infírmis, qui in valetudináriis ægrótis simpliciter servívit.

Die 11 maii

Quinto Idus maii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	8	8	9	10	11	12	13							

1. **I**n Byzacéna, sancti Maiúli, Adrumétici mártiris, qui ad béstias damnátus est.
2. Via Salária miliário vicésimo secúndo ab Urbe, sancti Anthimi, mártiris.
3. Byzántii, sancti Mócii, presbýteri et mártiris.
4. Viénnæ in Gállia Lugdunénsi, sancti Mamérti, epíscopi, qui ob imminéntem cladem sollémnes ante Ascensiónem. Dómini triduánas Litanías hac in urbe instituit.
5. Varénnis in pago Lingonénsi item in Gállia, sancti Gengúlfi.
6. Apud Silviníacum in Burgúndia, tránsitus sancti Maióli, abbátis Cluniacénsis, qui fide firmus, spe certus, gémina caritáte refértus per Gálliam et Itáliam multa monastéria renovávit.
- 7*. In monastério Stirpénsi pagi Lemovicénsis Gállia, sancti Gualtérii, presbýteri, qui, canonicórum rector, ab infántia Dei servítio erudítus, mansuetúdine erga fratres et caritáte erga páuperes enítuit.
- 8*. Verúculi in Flamínia, beáti Gregórii Celli, presbýteri ex Ordine Eremitárum Sancti Augustíni, qui, a frátribus e monastério eiéctus, apud Fratres Minóres in monte Carnério fertur obiísse.
- 9*. Eboráci in Anglia, beatórum mártirum Ioánnis Rochester et Iacóbi Walworth, presbyterórum et monachórum Cartúsia Londiniénsis, qui sub Henríco rege Octávo ob fidelitátem erga Ecclesiám servátam ex urbis pinnis usque ad mortem caténis suspénsi sunt.
10. Neápoli in Campánia, sancti Francísci de Geronimo, presbýteri e Societáte Iesu, qui diu missiónibus populáribus et pastoráli derelictórum curæ se dedit.

11. Cálari in Sardínia, sancti Ignátii de Láconi, religiósi ex Ordine Fratrum Minórum Capuccinórum, qui indefesse per urbis platéas et portus caupónas stipem rogávit ad páuperum misériis succurréndum.

12. Saigóniæ in Cocincína, sancti Matthæi Lê Văn Gám, mártiris, qui, cum missionários ex Európa advénientes navígio suo in regiónem introduxisset, deprehénsus est et, post annum in cárcere transáctum, ex decreto imperatóris Thiệu Tri decollátus.

Die 12 maii

Quarto Idus maii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	3	3	4	5	6	7	8							

Sanctorum Nérei et Achillei, mártirum, qui, ut sanctus Dámasus papa refert, milítiae nomen déderant et, pulsánte metu, ímpiis magistrátus præcéptis servíre paráti erant, sed, ad Deum verum convérsi, clípeos, pháleras et tela proiciéntes castra reliquérunt et, Christum conféssi, eius triúmpho gavísi sunt. Hac vero die Romæ in cœmetério Domítillæ via Ardeatína eórum córpora depósita sunt.

Sancti Pancrátii, mártiris, qui aduléscens pro Christi fide item Romæ via Aurélia miliário secúndo occubuísse fertur; ad cuius sepúlcrum sanctus Sýmmachus papa basílicam célebrem excitávit et Gregórius papa Magnus crébrius pópulum convocándum curávit, ut veræ dilectiónis Christiánæ exínde testimónium excíperent. Eius deposítio hac die commemorátur.

3. Axiópoli in Móesia, sancti Cyrílli, qui una cum sex sóciis martýrium consummávit.

4. Salamínæ in Cypro, sancti Epiphánii, epíscopi, qui, múltíplici eruditíone et sacrárum sciéntia litterárum excéllens, vitæ quoque sanctitáte, zelo Cathólicæ fidei, munificéntia erga páuperes et miraculórum virtúte éxstitit mirábilis.

5. Agýrii in Sicília, sancti Philíppi, presbýteri, e Thrácia oriúndi.

6. Tréviris in Rhenánia Austrásiæ, sancti Modoáldi, epíscopi, qui Ecclésias et monastéria eréxit vel locupletávit, plures vírginum coetus instítuit et iuxta sorórem Sevéram sepúltus est.

7*. In monastério Marcianénsi pagi Cameracénsis Austrásiæ, sanctæ Rictrúdis, abbatíssæ, quæ, post violéntam viri sui Adalbáldi mortem, sancti Amándi consílio sacrum velum accépit et sanctimoniálibus rectíssime præfuit.

8. Constantinópoli, sancti Germáni, epíscopi, doctrína et virtútibus insígnis, qui Leónem Isáuricum imperatórem edíctum advérsus sacras Imágenes promulgántem magna fidúcia redárguit.

9. In Castélla Hispániæ, in loco póstea eius nómine insigníto, sancti Domínici, Calceaténsis nuncupáti, presbýteri, qui ad usum peregrinórum Sancti Iacóbi ad Compostéllam pontes viásque stratas comparávit atque in cellis et xenodochío ibi quoque exstrúctis eórum necessitatibus piíssime opitulátus est.

10*. Bonóniæ in Æmília, beátæ Iméldæ Lambertini, vírginis, quæ, a prima ætáte ut moniális in Ordine Prædicatórum recépta, adhuc iuvéncula, post mirándam Eucharístiæ receptíonem, súbito emísit spíritum.

11*. Avéiri in Lusitánia, beátæ Ioánnæ, vírginis, quæ, Alphónsi regis Quinti filia, núptiis plúries recusátis, in Ordine Prædicatórum famulári máluit, páuperum, orphanórum et viduárum refúgium.

Die 13 maii

Tértio Idus maii. Luna

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

Beátæ Mariæ Vírginis de *Fatima* in Lusitânia, cuius clementíssiæ matris in órđine grátiae contemplátio in loco *Aljustrel*, instánter de advérsis hóminum sollicitæ, christifidéles turmátim in oratióne pro peccatóribus et in recónditam conversiόnem córdium concit.

2. Apud Traiectum Mosæ in Gállia Bélgica, natális sancti Servátii, Tungrénsis epíscopi, qui in plúribus concíliis de Christi natúra disputántibus pro fide orthódoxa Nicáena pugnávit.

3*. Pictávii in Aquitánia, sanctæ Agnétis, abbatíssiæ, quæ, sancti Germáni Parisiénsis Benedíctione consecráta, monastérium Sanctæ Crucis piíssime gubernávit.

4*. In loco *Goriano Sicoli* in Aprútio, beátæ Gemmæ, vírginis, quæ reclúsa in mínima quadam célula iuxta ecclésiā vixit, unde altáre tantum vidére póterat.

5*. Comi in Langobárdia, beátæ Magdalénæ Albrici, abbatíssiæ ex Ordine Sancti Augustíni, quæ Sorórum fervórem magnópere excitávit.

6. Pódii in pago Pictaviénsi Gálliae, sancti Andréæ Hubérti Fournet, presbýteri, qui paróchus témpore gállicæ perturbatiónis, licet proscríptus, fidéles roborávit in fide; dein, pace Ecclésiæ réddita, Institútum Filiárum a Cruce una cum sancta Elísabeth Bichier des Ages fundávit.

Die 14 maii

Prídie Idus maii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

Festum sancti Matthíæ, Apóstoli, qui Dóminum Iesum secútus est a baptísmate Ioánnis usque in diem, qua Christus assúptus est in cælum; quare, post Dómini Ascensiόnem, ab Apóstolis in locum Iudæ proditóris sufféctus est ut, inter Duódecim adnumerátus, testis resurrectiόnis fieret.

2. In Asia, sancti Máximi, mártiris, qui in persecutióne Décii imperatóris lapídibus cæsus spíritum Deo reddidisse narrátur.
3. Cemenélii in Província, sancti Póntii, mártiris.
4. In Sýria, Sanctórum Victóris et Corónæ, mártirum, qui simul passi sunt.
5. In ínsula Chio, sancti Isidóri, mártiris, qui in púteum fertur esse iniéctus.
6. Aquiléiæ in Venétia, sanctórum Felícis et Fortunáti, qui civitátem suam glorióso martýrio decorárunť.
7. In Sardínia ínsula, commemorátio sanctárum Iustæ et Heredínæ, mártirum.
- 8*. Arvérnæ in Aquitánia, sancti Aprúnculi, epíscopi, qui e sede Lingonénsi a Gundebálđo, Burgundiórum rege, expúlsus, cum apud Arvérnos advenísset, eórum Ecclesiæ præfécťus est.
9. Ibídem, sancti Galli, epíscopi, viri húmilis et mitis, qui pátruus fuit sancti Gregórii Turonénsis.
- 10*. Lismórii in Hibérnia, sancti Carthági, epíscopi et abbátis.
- 11*. In monastério Fontanéllæ in Néustria, sancti Erembérti, quondam epíscopi Tolosáni, qui sub régula monástica vitam exégit.
- 12*. Scallábi in Lusitánia, beáti Ægídii de Vaozéla, presbýteri, qui, Parísiiis artem medicam docens, dissolútam vivéndi ratiónem dimísit et, Ordinem Prædicatórum ingræssus, lácrimis, oratióne et abstinéntiis omnes répulit temptatiónes.
- 13*. In oppídulo Saint Mary of the Woods prope Indianópolis in Civitatibus Fœderatis Américæ Septemtrionális, beátæ Theodóræ (Annæ Terésia) Guérin, vírginis e Congregatióne Sorórum a Providéntia, quæ, in Gállia orta, licet inter máximas angústias, semper divínæ providéntiæ confisa de nascénti communitáte loci miséricors curávit.
14. In pago *Bétharram* prope Palum ad montes Pyrenáeos in Gállia, sancti Michaélis Garicoĩts, presbýteri, qui Societátem Presbyterórum Missionariórum a Sacro Corde Iesu fundávit.

15. Níciæ in Monte Ferráto in Subalpína Itáliæ regiône, sanctæ Mariæ Domínicæ Mazzarello, quæ cum sancto Joanne Bosco Institutum Filiarum Mariæ Auxiliatricis ad puéllas páuperes instituéndas fundávit, humilitáte, prudéntia et caritáte præclára.

Die 15 maii

Idibus maii. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	12	13	14	15	16	17							

1. **L**ámpsaci in Hellespónto, pássio sanctórum Petri, Andréæ, Pauli et Dionýsiæ, mártýrum.

2. Arvérnæ in Aquitánia, sanctórum Cássii et Victoríni, mártýrum, qui sub Chroco Alamannórum duce passi esse ferúntur.

3. In Sardínia, sancti Simplícii, presbýteri.

4*. Laríssæ in Thessália, sancti Achílleí, cognoménto Thaumaturgi, epíscopi, qui Concílio Eumenico Nicáeno Primo ádfuit et apostólico zelo ómnibus virtútibus signáto pópulos pagános evangelizávit.

5*. Augustodúni in Gállia Lugdunénsi, sancti Rhetícii, epíscopi, cuius sanctus Augustínus práesulis magnæ in Ecclésia auctoritátis méminit et sanctus Hierónymus Scriptúræ Sacræ egrégii enarratóris.

6. In Æthiópia, sancti Caleb seu Elésbaan regis, qui ad ultiónem mártýrum Negránensium, Christi hóstibus expugnátis ac, témpore Iustíni imperatóris, regio, ut fertur, misso Hierosólymam diadémate, monásticam vitam, sicut vóverat, agens, ad Dóminum migrávit.

7. Septémpedæ in Picéno Itáliæ, sancti Severíni, epíscopi, a quo cívitas nomen póstea cepit.

8*. Bínghii in Austrásia ad Rhenum flumen prope Mogúntiam, sancti Rupérti, qui, dux, iúvenis ad límina Apostolorum proféctus, in domínium revérsus, plures exstrúxit ecclésiás et undevigínti modo annos natus obdormívit in Dómino.

9. Apud Córdubam in Vandalícia Hispániæ regióne, commemorátio sancti Witesíndi, mártiris, qui Maurórum metu fidem christiánam desérui, sed, cum eórum cultum mox públice exercére recusavísset, in ódium Christiánæ fidei perémpus est.

10. Matríti in Castélla Hispániæ, sancti Isidóri, agricolæ, qui, simul cum beáta María de la Cabeza uxóre, strénue labórans atque magis cæli quam terræ fructus patiénter carpens, christiáni agricolæ piíssimi exémpar éxstitit.

11*. Aquis Séxtiis in Província, beáti Andréæ Abellon, presbýteri ex Ordine Prædicatórum, qui disciplínam regulárem instaurávit in cœnóbiis, quæ longanimitáte parcísque agéndi ratió nibus rexit.

Die 16 maii

Décimo séptimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	13	14	15	16	17	18							

1. Uzáli in Africa, commemorátio sanctórum Felícis et Gennádii, mártýrum.

2. Auximi in Picéno Itáliæ, sanctórum Floréntii et Diocletiáni, mártýrum.

3. In Pérside, sanctórum mártýrum Abdæ et Ebediésus, episcopórum, qui cum trigínta et octo sóciis sub Sápore rege Secúndo cæsi sunt.

4. In vico Baiáco in território Gállia Autissiodorénsi, sancti Peregríni, mártýris, qui primus huius civitátis epíscopus cólitur.

5. Commemorátio sancti Possídii, epíscopi Calaménsis in Numídia qui, sancti Augustíni discípulus et amícus fidélis, ei moriénti ádfuit eiúsque præcláram vitam scripsit.

6. Trecis in Gállia Lugdunénsi, sancti Fídoli, presbýteri, qui a Theodórico rege Arvérnos vastánte captus esse, sed, a sancto Aventíno abbáte redéemptus et in Dei servítio instrúctus, eídem successísse tráditur.
7. In Hibérnia, sancti Brendáni, abbátis Clonfértiæ, séduli vitæ monásticæ propagatóris, de quo célebris narrátur fabulósa navigátio.
8. Ambiáni in Néustria, sancti Honoráti, epíscopi.
- 9*. In Británnia, sancti Carantóci, epíscopi et abbátis Cardiganénsis.
10. In Palæstína, pássio Sanctórum quadragínta quáttuor monachórum, qui ab irrumpéntibus Saracénis in laura Sancti Sabæ membrátim occísi sunt, regnánte Heraclío imperátore.
- 11*. Tolósæ in Aquitánia, sancti Germérii, epíscopi, qui cultum sancti Saturníni ampliáre et plebem ipsi commíssam visitáre stúduit.
12. Eugúbii in Umbria, sancti Ubáldi, epíscopi, qui vitæ commúni clericórum instaurándæ óperam dedit.
- 13*. Firmi in Picéno Itáliæ, sancti Adámi, abbátis monastérii Sancti Sabíni.
- 14*. Burdígalæ in Vascónia, beáti Simónis Stock, presbýteri, qui, primum eremíta in Anglia, dein Ordinem Carmelitárum ingræssus est, quem ipse, singulári erga Vírginem Mariám devotióne céleber, mire rexit.
15. Ianóviæ apud *Pinsk* ad Pripétium flumen in fínibus Polóniæ, sancti Andréæ Bobola, presbýteri e Societáte Iesu et mártiris, qui ad christianórum uniónem strénue nisus est, donec, a milítibus raptus, sángine suo summum fidei testimónium libénter dedit.
- 16*. Prope Monáchium Baváriæ in Germánia, beáti Michaélis Woźniak, presbýteri et mártiris, qui, e Polónia sub regímine humánæ dignitáti ac religióni infénso redácta in castra detentiónis Dacháni allátus, per cruciátus ad glóriam cæléstem migrávit.
- 17*. In civitáte *Drobobych* in Ucráina, beáti Vitális Vladimíri Bajrak, presbýteri ex Ordine Sancti Iósaphat et mártiris, qui ante persecutóres religiónis per certámen fidei fructum áttulit ætérnum.

Die 17 maii

Sextodécimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	14	15	16	17	18	19							

1. **A**lexandriæ in Ægypto, sancti Adriónis, mártiris.
2. Romæ via Salária Vétère in cœmetério Basíllæ, sancti Victóris, mártiris.
3. Nivedúni ad Danubiúm in Scýthia, sanctórum Heráclii et Pauli, mártirum.
4. In Africa Proconsulári, commemorátio sanctæ Restitútæ, vírginis et mártiris.
5. Vercéllis in Ligúria, translátio sancti Æmíliani, epíscopi.
6. In Villa Regáli apud Valéntiam in Hispánia, sancti Paschális Baylon, religiósi ex Ordine Fratrum Minórum, qui, ómnibus semper sêdulum et benévolum se præbens, mystérium Sanctíssimæ Eucharístiæ ardénti amóre constánter cóluit.
7. In urbe Coeiiaménsi Provinciæ *Guizhou* Sinárum, sancti Petri Liu Wenyan, mártiris, qui, catechísta, pro Christi nómine strangulátus est.
- 8*. Casáureæ prope Neápolim in Campánia Itáliæ, beátæ Iúliæ Salzano, vírginis, quæ pro doctrína christiána docénda ac devotióne erga Eucharístiam diffundénda Congregatióem Sorórum Catechistárum a Sacratíssimo Corde Iesu excitávit.
- 9*. In óppido *Orgosolo* in Sardínia ínsula Itáliæ, beátæ Antóniæ Mesina, vírginis et mártiris, quæ decem et sex annos nata, Ecclésiæ opéribus dédita, usque ad mortem castitátem suam deféndit.
- 10*. In campo detentiónis civitátis *Oserlag* prope Ircúscam in Rússia, beáti Ioánnis Ziatyk, presbýteri e Congregatióne Sanctíssimi Redemptóris et mártiris, qui, témpore persecutiónis erga fidem, in cælésti iustórum convívio discúmbere mérui.

Die 18 maii

Quintodécimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	30	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	15	16	17	18	19	20							

Sancti Ioánnis papæ Primi, mártiris, qui, a Theodórico rege ariáno ad Iustínium imperatórem Constantinópolis missus, primus ex Románis Pontificibus hóstiam paschálem in illa Ecclésia obtulit; inde revérsus, ab eódem Theodórico indígne susceptus et in cárcerem coniéctus, Ravénnæ in Flamínia víctima pro Christo Dómino procúbuit.

2. Salónæ in Dalmátia, sancti Felícis, mártiris in persecutióne Diocletiáni imperatóris.

3. In Ægýpto, sancti Dióscori, mártiris, qui, filius lectóris, post multa et vária torménta, cápitis abscissióne martýrium consummávit.

4. Alexandríæ item in Ægýpto, Sanctórum Potamónis, Ortásii, Serapiónis, presbyterórum, et sociórum, mártirum.

5. Ancýne in Galátia, sanctórum mártirum Theódoti et Thecúsæ, eius ámitæ, Alexándrae, Cláudiæ, Pháinæ, Euphrásiæ, Matrónæ et Iulíttæ, vírginum, quæ a præside primum prostitútæ sunt, dein lapídibus ad collum ligátis in palúdem mersæ.

6*. In pago Argoviénsi apud Helvétios, beáti Burchárdi, presbýteri, qui, paróchus vici Beinwílre, gregi ipsi commisso sedulitáte pastoráli assidue cavit.

7. Upsalæ in Suécia, sancti Eríci regis Noni, mártiris, qui in regno suo ad pópulum sapiénter regéndum et mulíerum iura tuénda incúbuit et in Fínniam sanctum Henricum episcopum misit, ut Christi fidem propgáret, tandem, dum Missæ celebratióni adstábat, oppugnátus sub gládiis inimicórum cécidit.

8*. Tolósæ ad Garúmnam Gállia, beáti Guliélmi, presbýteri ex Ordine Eremitárum Sancti Augustíni.

9. Romæ, sancti Felícis de Cantalício, religiósi ex Ordine Fratrum Minórum Capuccinórum, miræ austeritátis et simplicitátis, qui quadragínta annos stipem cogéndi officio functus est circum se pacem et caritáte m séminans.

10*. In Mariæ Domo in Germánia, beátæ Blandínæ (Mariæ Magdalénæ) Merten, vírginis ex Ordine Sanctæ, quæ curam humánæ christianæque institutiónis puellárum et adulescéntium cum vita contemplatíva coniúnxit.

11*. Intra castra detentiónis Dacháni prope Monáchium Baváriæ in Germánia, beáti Stanislái Kubski, presbýteri et mártiris, qui, témpore belli, in conclávi mortífero vapóre inquináto pro Christo spíritum réddidit.

12*. In loco *Hartheim* prope Línciam in Austria, beáti Martíni Oprządek, presbýteri ex Ordine Fratrum Minórum et mártiris, qui, polónus natióne, eódem témpore et modo cæléste regnum adívit.

Die 19 maii

Quartodécimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	30	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	16	17	18	19	20	21							

1. **R**omæ in cœmetério Callísti via Appia, sancti Urbáni papæ Primi, qui, post sancti Callísti martýrium, octo annos Ecclésiám Románam fidéliter rexit.

2. Ibídem, sanctórum Parthénii et Calógeri, mártyrum, qui, sub Diocletiáno imperatóre, insígne Christo testimónium reddidérunt.

3*. Atrébati in Néustria, sancti Hadúlphi, epíscopi Atrebaténsis simul et Cameracénsis.

4. Cantuáriæ in Anglia, sancti Dunstáni, epíscopi, qui, primum abbas Glastonénsis, monásticam vitam instaurávit ac propagávit, et in sede episcopáli Vigorniénsi, dein Londiniénsi, tandem Cantuariénsi, de Regulári Concórdia promovénda monachórum sanctimonialiúmque laborávit.

5*. Floréntiæ in Etrúria, beátæ Humiliánæ, ex Tértio Ordine sancti Francísci, quæ, coniunx dúrius tractáta patiéntia et mansuetú-dine commendábilis, vídua effécta, in oratió-nem et caritátis ópera totam se trádidit.

6. Ad Castrum Fumorénse prope Alátrium in Látio, natális sancti Petri Cælestíni, qui, cum vitam eremíticam in Aprútio ágeret, fama sanctitátis et miraculórum clarus, octogenárius Románus Póntifex eléctus est, assúmpto nómine Cælestíni Quinti, sed eódem anno múnere se abdicávit et in solitúdinem recédere máluit.

7. In castéllo prope Trecóram in Británnia Minóre Gállia, sancti Ivónis, presbýteri, qui iustítiam sine personárum accepti-one servávit, concórdiam fovit, causas pupillórum, viduárum ac páuperum pro Christi amóre deféndit eosdémque míseros in domum suam suscepit.

8*. Senis in Etrúria, beáti Augustíni, cognoménto Novelli, presbýteri ex Ordine Eremitárum Sancti Augustíni, veræ humilitátis cultóris et religiósæ observántiæ amatóris.

9*. Granátæ in Hispánia, beatórum mártýrum Ioánnis de Cetína, presbýteri, et Petri de Dueñas, religiósi, ex Ordine Minórum Conventuálium, qui ob Christi fidei confessi-one Ípsius Maurórum regis manu occísi sunt.

10*. Suzútæ in Iapónia, beáti Ioánnis a Sancto Domínico Martínez, presbýteri ex Ordine Prædicatórum et mártýris, qui in cárcere pro Christo occúbuit.

11*. Londínii in Anglia, beáti Petri Wright, presbýteri et mártýris, qui, fidem Ecclesiæ Cathólicæ proféssus, in Societátem Iesu admíssus et ad ór-dines sacros promótus, témpore Reipúblicæ, propter sacerdotium ad Tybúrni patíbulum ductus est.

12. Ficécli in Etrúria, sancti Theóphili de Cúria, presbýteri ex Ordine Fratrum Minórum, qui sacros Fratrum recéssus valde propagávit magnam pietátem in domínica Passi-onem et Vírginem Mariám éxhibens.

13. Romæ, sancti Crispíni de Vitérbio, religiósi ex Ordine Fratrum Minórum Capuccinórum, qui, dum per vicos cursitábat montános, ut stipem mendicáret, agréstes rudiménta fidei docébat.

14*. In salo ante Rupifórtium in Gállia, beáti Ioánnis Baptístæ Xavérii (Ioánnis Ludovíci) Loir, presbýteri ex Ordine Fratrum Minórum Capuccinórum et mártýris,

qui, tempóribus gállicæ perturbatiónis, propter sacerdotium in navi servitútis prope octogenárius deténtus est et mortuus invéntus génibus submíssis.

15*. Carthágine Neogranaténsi in Colúmbia, beátæ Mariæ Bernárdæ (Verénæ) Bütler, vírginis, quæ, helvética génere, Congregatiónem Sorórum Missionariárum Franciscanárum a Mariá Auxiliatríce fundávit.

16*. Prope Monáchium Baváriæ in Germánia in castris detentiónis Dacháni, beáti Ioséphi Czempiel, presbýteri et mártiris, qui, polónus génere, in bello per supplícium mortíferi vapóris Christi sacrificio sociátus occúbuit.

Die 20 maii

Tértiodécimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	17	18	19	20	21	22							

Sancti Bernardíni Senénsis, presbýteri ex Ordine Minórum, qui verbo et exémplo per óppida et civitatés Itália plebem evangelizávit et devótiónem erga sanctíssimum nomen Iesu diffúdit, indefesse prædicatiónis offícium magno cum animárum fructu usque ad extrémum diem Aquilæ in Aprútio Itáliæ prósequens.

2. Commemorátio sanctæ Lýdiæ Thyatirénsis purpuráriæ, quæ, Philíppis in Macedónia, prædicánte sancto Paulo Apóstolo, ómnium prima crédidit Evangélio.

3. Apud Ostia Tiberína, sanctæ Aurere, mártiris.

4. Nemáusi in Gállia Narbonénsi, sancti Baudélii, mártiris.

5. Ægéis in Cilícia, sancti Thalalæi, mártiris.

6*. Cálari in Sardínia, sancti Lucíferi, epíscopi, qui fidei nicáenæ defénsor intrépidus a Constántio imperatóre multa perpéssus est et in exsílium relegátus, unde, ad sedem suam revérsus, óbiit conféssor Christi.

7*. Tolósæ in Gállia Narbonénsi, sancti Hilárii, epíscopi, qui super sancti Saturníni, sui decessóris, sepúlcrum parvam basílicam lígneam exstrúxit.

8. Apud Biturígas in Aquitánia, sancti Austregisílii, epíscopi, qui præsertim apud páuperes, órphanos, infirmos et cápite damnátos mínistrum caritátis se præebuit.

9. Bríxiæ in Langobárdia, sancti Anastásii, epíscopi.

10. Pápiæ item in Langobárdia, sancti Theodóri, epíscopi, qui, bello inter Francos et Langobárdos sæviénste, exsílíum passus est.

11*. Castanéti in Etrúria, beáti Guidónis de Gherardesca, eremítæ.

12*. Perúsia in Umbria, beátæ Colúmbæ (Angelæ), vírginis de Pæniténtia Sancti Domínici, quæ in civitáte a factiónibus divísa ad pacem promovéndam ínstitit.

13. Seuli in Coréa, sancti Protásii Chong Kuk-ho, mártiris, qui fidem cristiánam, quam ántea deserúerat, íterum repétiit et inter torménta in cárcere usque ad mortem proféssus est.

14*. In vico *Botticino Sera* prope Bríxiam in Itália, beáti Archángeli Tadini, presbýteri, qui pro iúribus et dignitáte operariórum curam impéndit et Congregatiónem Sorórum Óperariarum Sanctæ Domus a Názareth fundávit de iustítia sociáli præcípue sollicitam.

15*. Medioláni in Langobárdia Italiæ, beáti Aloýsii Talamoni, presbýteri, qui, vocatióinem suam educatóris iuventútis colens, ministérium exércuit summa cum cura et effícaci participatióne difficultátum societátis témporis sui ac Congregatiónem Sorórum Misericordinárum a Sancto Gerárdo suscitávit.

Die 21 maii

Duodécimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	18	19	20	21	22	23							

Sanctorum Christophóri Magallanes, presbýteri, et sociórum,¹ mártýrum, qui váriis in diciónibus Méxici, in ódium christiáni nóminis et cathólicæ Ecclesiæ persecúti atque Christum Regem conféssi, corónam martýrii sunt consecúti.

2. In Mauretánia, sancti Timóthei, díaconi et mártýris.

3. Cæsaréæ Cappadóciæ, sancti Polyéucti, mártýris.

4. Commemorátio sanctorum mártýrum utriúsque sexus, quos Alexandriæ in Ægýpto sacris diébus Pentecóstes sub Constántio imperátore Geórgius epíscopus ariánus sævíssime occídi vel in exsílium relegári præcépit.

5*. Dariórigi in Británnia Minóre, commemorátio sancti Patérni, epíscopi, qui a sancto Perpétuo Turonénsi in concílio provinciáli ibídem congregáto epíscopus hac die ordinátus esse tráditur.

6. Apud Nicæeam in Provinciá, sancti Hospícii, reclúsi, miræ abstinéntiæ viri, qui advéntum Langobardórum prædíxit.

7. Eboræ in Lusitánia, sancti Máncii, mártýris.

8*. Viénnæ in Burgúndia Gállia, sancti Theobáldi, epíscopi, qui per quadragínta quáttuor annos sedem illam illustrávit, caritáte ac pietáte conspícuus.

9*. Aboæ in Fínnia, sancti Hemming, epíscopi, qui, pastoráli zelo incénsus, huius Ecclesiæ disciplínam synódica ordinatióne instaurávit, clericórum stúdiis favit, cultum divínus exornávit pacémque inter pópulos promóvit.

10*. In alto ante Rupifórtium ad oram Gállia, beáti Ioánnis Mopinot, Fratris Scholárum Christianárum et mártýris, qui tempóribus gállicæ perturbatiónis in sórdida actuária deténtus est útpote religiósus, ubi tabe afféctus óbiit.

11. Massíliæ in Provinciá Gállia, sancti Cároli Eugénii de Mazenod, epíscopi, qui, ut páuperes evangelizaréntur, Missionários Oblátos Mariæ Immaculátæ suscitávit et per vigínti et quinque fere annos Ecclesiám virtútibus, ópere, sermónibus et scriptis illustrávit.

Die 22 maii

Undécimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	19	20	21	22	23	24							

Sanctæ Ritæ, religiósæ, quæ, violénto viro nupta, eius sævítias patiénter tolerávit eúmque Deo conciliávit; dein, cóniuge et filiis orbáta, Cássiæ in Umbria monastérium Ordinis Sancti Augustíni ingrèssa est, ómnibus patiéntiæ et compunctiónis sublíme præbens exémplum.

2. In Africa, Sanctórum Casti et Aémilii, mártyrum, qui per ignem passiónem suam consummárunť. Hos, ut sanctus Cypriánus scribit, in prima congressióne devíctos, Dóminus victóres in secúndo proelio réddidit, ut fortióres ígnibus fierent, qui ígnibus ante cessíssent.

3. Cománæ in Ponto, sancti Basilísci, epíscopi et mártýris.

4. In ínsula Córstica, commemorátio sanctæ Iúliæ, vírginis et mártýris.

5*. In pago Aturénsi in Aquitánia, sanctæ Quitériæ, vírginis.

6. Engolísmæ item in Aquitánia, sancti Ausónii, qui primus epíscopus huius civitátis habétur.

7*. Lemóvici item in Aquitánia, sancti Lupi, epíscopi, qui monastérii Solemníaci fundátiónem signávit.

8*. Parmæ in Æmília, sancti Ioánnis, abbátis, qui sancti Maióli Cluniacénsis admonitióibus multa ad monásticam observántiam promovéndam in suo cœnóbio constitúit.

9. Pistórii in Etrúria, sancti Attónis, epíscopi, qui, cum abbas esset in Ordine Vallis Umbrósæ, dein Ecclésiæ Pistoriénsi præféctus est.

10*. Floréntiæ item in Etrúria, beátæ Humilitátis (Rosánnæ), quæ, cóniuge consentiēte, per duódecim annos reclúsa vixit, dein, epíscopo poscēte, monastérium ædificávit ex Ordine Vallis Umbrósæ, cui abbátissa præfuit.

11*. Londínii in Anglia, beáti Ioánnis Forest, presbýteri ex Ordine Fratrum Minórum et mártiris, qui sub Henríco rege Octávo ob defensióem cathólicæ unitátis in foro *Smithfield* una cum sacris lígneis imaginibus vivus in rogo ardens martýrium consummávit.

12*. In civitatē *Kori* in Iapónia, beatórum Petri ab Assumptiōe, ex Ordine Fratrum Minórum, et Ioánnis Baptístæ Machado, presbyterórum et mártirum, qui, cum ministérium occúlte implevissent, in ódium fidei christiánæ decolláti sunt.

13*. Omúræ item in Iapónia, beáti Matthiæ de Aríma, mártiris, qui, catechísta, cum áliquem missionárium pródere noluisset, usque ad mortem torméntis cruciátus est.

14. In Annámia, sancti Michaélis Hồ Định Hy, mártiris, qui, mandarínus, comes imperatóris et catechísta, eo quod christiánus esset delátus, post atróces cruciátus abscísso cápite occúbuit.

15. In urbe *An-Xá* in Tunkuino, sancti Domínici Ngôn, mártiris, qui, paterfamílias et agrícola, a militibus petítus, ut crucem calcáret, contra procúbuit eámque adorávit et, cum ante iúdicem se christiánum intrépide proféssus esset, extémplo decollátus est.

16*. Luçæ in Etrúria Italiæ, beátæ Mariæ Domínicæ Brun Barbantini, religiósæ, quæ Congregatióem Sorórum Ministrántium Infirmiss a Sancto Camilla instítuit.

Die 23 maii

Décimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	30	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	20	21	22	23	24	25							

1. **C**arthágine, Sanctórum Lúcii, Montáni, Iuliáni, Victoríci, Victóris et Donatiáni, mártýrum, qui pro religióne et fide, quam sancto Cypriáno docente didícerant, sub Valeriáno imperatóre martýrium consummárunť.
2. Commemorátio sanctórum mártýrum, qui in Cappadócia in persecutióne Maximiáni imperatóris, confráctis crúribus, necáti sunt.
3. Item commemorátio sanctórum mártýrum, qui eódem témpore in Mesopotámia, pédibus sublíme appénsi, cápíte verso deórsum, suffocáti fumo et lento igne consúpti sunt.
4. Neápoli in Campánia, sancti Ephébi, epíscopi, qui plebi Dei sanctíssime práefuit et fidéliter ministrávit.
5. Apud Língones in Gállia Lugdunénsi, pássio sancti Desidérii, epíscopi, qui, ut fertur, cum plebem suam vexári cérneret a Vándalis, ad eórum regem pro ea supplicatúrus accéssit; a quo statim iugulári iussus, pro óvibus ipsi credítis libénter se óbtulit.
6. In pago Nursíno Umbriæ, commemorátio sancti Eutýchii, abbátis, qui, narránte sancto Gregório papa Magno, primum cum sancto Floréntio vitam solitáriam egit multósque ad Deum perdúcere exhortándo curávit, dein monastério vicíno sancte práefuit.
7. Item apud Núrsiam, sancti Spei, abbátis, qui per quadragínta annos cæcitatém mira patiéntia tolerávit.
- 8*. Apud Sublácum in Látio, commemorátio sancti Honoráti, abbátis, qui cellæ práefuit, ad quam sanctus Benedíctus ántea pertinúerat.
- 9*. Nicææ in Província, sancti Syágrii, epíscopi, qui apud túmulum sancti Póntii monastérium ædificávit.
10. Sýnnade in Phrýgia, sancti Michaélis, epíscopi, qui vir pacíficus pacem et concórdiam inter Græcos et Latínos fovit, sed in exsílum propter cultum sacrárum Imáginum relegátus procul a pátria decéssit.
- 11*. Apud Gémb lacum in agro Lotharíngiæ Leodiénsi, deposítio sancti Guibérti, mónachi, qui, cingulo militiæ depósito et monásticæ vitæ disciplína assúpta, in

fundo hereditário cœnóbium exstrúxit, ipse vitam monásticam Górzia in Lotharíngia ducens.

12. Romæ, sancti Ioánnis Baptistæ de Rossi, presbýteri, qui míseros et abiectíssimos quosque suscepit et sacra ímbuit doctrína.

13*. In óppido *Witowo* in Polónia, beatórum Ioséphi Kurzawa et Vincéntii Matuszewski, presbyterórum et mártýrum, qui, pátria vi aliénæ subiecta potestáti, a persecutóribus Ecclésiæ interfécti sunt.

Die 24 maii

Nono Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	30	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	21	22	23	24	25	26							

1. **C**ommemorátio sancti Mánæn, qui, Heródis tetrárchæ collactáneus, in Ecclésia quæ Antiochiæ erat doctor et prophéta sub grátia Novi Testaménti éxstitit.

2. Item commemorátio beátæ Ioánnæ, uxóris Chuza, procuratóris Heródis, quæ áliis cum múlteribus Iesu et Apóstolis ministrábat de facultátibus suis atque die Resurrectiónis Dómini lápidem revolútum a monuménto invénit et discipulis nuntiávit.

3. Lystræ in Lycaónia, sancti Zoélli, mártýris.

4*. Tergéste in Hístria, sancti Sérvuli, mártýris.

5. Nannétibus in Gállia Lugdunénsi, Sanctórum fratrum Donatiáni et Rogatiáni, mártýrum, quorum, ut fertur, alter baptísmum accéperat, alter catechúmenus erat; in extremo autem certámine Donatiánus fratrem ósculans Deum orávit, ut qui sacro lavácro tingi nequíerat cruóris flúmine abstergéri mererétur.

6. Commemorátio Sanctórum trigínta et octo mártýrum, qui Philippópoli in Thrácia, tempóribus Diocletiáni et Maximiáni, cápite truncáti esse dicúntur.

7. In monastério Lirinénsi in Província, sancti Vincéntii, presbýteri et mónachi, doctrína christiána et sanctitáte vitæ valde conspícui et attén-te in proféctum fidei animárum eníxi.

8. In monte Admirábili in Sýria, sancti Simeónis Stylítæ iunióris, presbýteri et anachorétæ, qui super colúmnam vixit in conversatióne cum Christo, vários cómpo-nens de re ascética tractátus magnísque charismátibus præeditus.

9*. Placéntiæ in Æmília, beáti Philíppi, presbýteri ex Ordine Eremitárum Sancti Augustíni, qui, ut ácrius in castigatió-nem carnis insísteret, férrea utebátur lorica.

10*. In Maróchio, beáti Ioánnis de Prado, presbýteri ex Ordine Fratrum Minórum et mártiris, qui in Africam missus est, ut christiánis in servitútem regnórum infidélium redáctis auxili-um spirítale præbéret; sed apprehénsus, coram tyránno Mulay al-Walid fidem Christi fórtiter conféssus est et Ípsius iussu per ignem martýrium consummávit.

11. Seuli in Coréa, sanctórum mártýrum Augustíni Yi Kwang-hõn, in cuius domo Sacræ Scriptú-ræ legebántur, Agathæ Kim A-gi, matrisfamílias, quæ in cárcere baptísmum recépit, atque septem sociórum, qui omnes simul propter nomen christiánum decolláti sunt.

12*. In urbe Sancti Hyacínthi in Cánada, beáti Ludovíci Zephyríni Moreau, epíscopi, qui in váriis curæ pastorális opéribus, ut ardén-ter sentíret cum Ecclésia, semper sibi suadébat.

Die 25 maii

Octávo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
28	29	30	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	22	23	24	25	26	27							

Sancti Bedæ Venerábilis, presbýteri et Ecclésiæ doctóris, qui, fámulus Christi ab anno ætátis Octávo cunctum vitæ tempus Girvi in Northúmbria Angliæ in eódem monastério péragens, omnem meditándis

et exponendis Scriptúris óperam dedit atque inter observántiam disciplínæ reguláris et cotidiánam cantándi in ecclésia curam semper aut díscere aut docére aut scríbere dulce hábuit.

Sancti Gregórii papæ Séptimi, qui olim Hildebrándus vitam monásticam duxit et multis legatióibus pontífices témporis sui adiúvit in Ecclésiæ reformatiône; ad Petri cáthedram evéctus, Ecclésiæ libertátem a potestáte princípum magna auctoritáte fortíque ánimo vindicávit et sanctitátem sacerdotii strénue deféndit; quaprópter Roma discédere coáctus, Salérni in Campánia in exsílio óbiit.

Sanctæ Mariæ Magdalénæ de' Pazzi, vírginis ex Ordine Carmelitárum, quæ Floréntiæ in Etrúria abscónditam in Christo vitam oratióis et abnegatióis duxit pro Ecclésiæ reformatiône eníxe orans et, multis donis a Deo insigníta, Soróres egrégie ad perfectiónem diréxit.

4. Atéllæ in Campánia, sancti Caniónis, epíscopi et mártiris.

5. Medioláni in Ligúria, commemorátio sancti Dionýsii, epíscopi, qui, ab imperatóre Constántio ariáno in Arméniam pro fide cathólica relegátus, ibídem propióre mártyrum título vitam exhalávit.

6. Floréntiæ in Etrúria, sancti Zenóbii, epíscopi.

7. In cœnóbio Mentuníaco apud Trecas in Gállia, sancti Leónis, abbátis.

8. In Anglia, sancti Aldhélmi, epíscopi, qui, vir doctrína scriptisque célebris, iam abbas Malmesburiénsis, primus quoque epíscopus Scireburniénsis inter Sáxones occidentáles ordinátus est.

9*. Pennálbæ in Astúria Hispániæ, sancti Gennádii, qui, ex abbáte epíscopus eiúsdem sedis factus, regum suásor fuit, sed; claustrí desidério motus, dignitátem episcopálem depósuit, ut réliquos annos vitæ mónachus et aliquándo solitárius exigéret.

10*. Villæ Magnæ apud Floréntiam in Etrúria, commemorátio beáti Gerárdi Mecatti, qui, vestígiis sancti Francísci sédulo adháerens, bona sua paupéribus distribuit et, in

erémum secéssus, pro Christi amóre in peregrínos recipiéndos atque infirmis subveniéndum se impéndit.

11*. Apud Montem Sanctum in Picéno Itáliæ, tránsito sancti Gérii, qui, quondam comes de Lunáte, solitáram vitam egit et in peregrinatióne sancta óbiit.

12*. Favéntiæ in Flamínia, beáti Iacóbi Philíppi (Andréæ) Bertóni, presbýteri ex Ordine Servórum Mariæ, lacrimárum dono et summa humilitáte insígnis.

13. In Tunquíno, sancti mártiris Petri Đoàn Văn Vân, qui, catechísta et curátor paróeciae *Bầu Nọ*, sub imperatóre Tỵ Đức constántiam fidei ságuine octogenárius firmávit.

14. Parísii in Gállia, sanctæ Magdalénæ Sóphiæ Barat, vírginis, quæ Societátem a Sacro Corde Iesu fundávit et pro christiána puellárum institutióne valde adlaborávit.

15. In loco *Munyonyo* in Ugánda, sancti Dionýsii Ssebuggwawo, mártiris, qui, sédecim annos natus, cum regi Mwanga interrogánti se duos áulicos docuísse Christiánæ fidei rudiménta affirmavísset, ab ipso rege láncea confóssus est.

16. In óppido *Catatán* territórii Guadalaíarénsis in México, sanctórum Christophóri Magallanes et Augustíni Caloca, presbyterórum et mátyrum, qui in persecutióne mexicána, Christo regi strénue confisi, corónam adépti sunt.

17*. In campo detentiónis óppidi *Javas* in Moldávia, beáti Nicolái Cehelskyj, presbýteri et mártiris, qui sub regímine persecutiónis erga religiómem, passiónis suæ torménta fortitúdine fidei superávit.

Die 26 maii

Séptimo Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
29	30	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	23	24	25	26	27	28							

Memória sancti Philippi Neri, presbyteri, qui in iuvenes a malo salvandos curam impendens Romae oratorium fundavit, in quo lectiones spirituales, cantus et opera caritatis exercebantur, et amore in proximum, evangelica simplicitate et hilaris animo, summo zelo et ferventi Dei servitio enituit.

2. Item Romae, sancti Eleutherii, papae, ad quem clarissimi martyres Lugdunenses, tunc in vinculis detenti, nobilem epistolam de pace in Ecclesia servanda scripserunt.

3. Item Romae in coemeterio Priscillae via Salaria Nova, sancti Simetrii, martyris.

4. Tuderti in Umbria, sanctae Felicissimae, martyris.

5. In territorio Galliae Autissiodorensi, passio sancti Prisci, martyris, cum sociis.

6. Cantuariæ in Anglia, depositio sancti Augustini, episcopi, cuius memoria cras agitur.

7. In territorio Lugdunensi in Gallia, passio sancti Desiderii, episcopi Viennensis, qui, a Brunechilde regina, quam ob nuptias incestas et alias pravitates redarguerat, primo in exilium pulsus est, deinde, Ipsius iussu lapidibus obrutus, martyrio coronatus est.

8*. In monasterio Sancti Papuli in Gallia, sancti Berengarii, monachi.

9*. Ventiæ in Provincia Galliae, sancti Lamberti, episcopi, antea monachi Lirinensis, qui pauperibus providens fuit et paupertatis amans.

10*. Senis in Etruria, beati Francisci Patrizi, presbyteri ex Ordine Servorum Mariae, qui praedicationis, animarum directionis et penitentiae ministerii mirabili zelo curam habuit.

11*. Pistorii item in Etruria, beati Andreæ Franchi, episcopi, qui prior ex Ordine Praedicatorum post pestem nigram vitam regularem in conventibus Ordinis huius regionis instauravit et in civitate sua Fraternitates penitentium ad pacem et misericordiam fovendas approbavit.

12. Quiti in Æquatória, sanctæ Mariæ Annæ a Iesu de Paredes, vírginis, quæ in Tértio Ordine Sancti Francísci vitam Christo consecrávit virésque ad páuperes indígenas vel nigrítas subveniéndos cóntulit.

13. In loco *Fuzhou* in *Fujian* Sinárum província, sancti Petri Sans i Jordá, epíscopi ex Ordine Prædicatórum et mártiris, qui, cum áliis sacerdótibus comprehénsus et per longum iter in vínculis ad tribúnal dedúctus, in loco supplicii génua flexit et, prece absolúta, libénter cervícem secúri præbuit.

14. Seuli in Coréa, sancti Ioséphi Chang Söng-jib, mártiris, qui, pharmacopólae artem exércens, christiánus efféctus in vínculis deténtus est et summis cruciátibus óbiit.

15. In urbe Đông Hói in Annámia, sanctórum mártirum Ioánnis Đoàn Trinh Hoan, presbýteri, et Matthæi Nguyễn Văn Phương, qui, paterfamílias et catechísta, martýrii sócio hospítium præbébat et ambo simul pro fide sub imperatóre Tụ Đức excruciáti sunt et dire decolláti.

16. In loco *Numyanyo* in Ugánda, sancti Andréæ Kaggwa, mártiris, qui, regis Mwanga tympanistárum præféctus eiúsque famíliaris, Christo vix initiátus, Evangélii doctrína éthnicos et catechúmenos ímbuit quaprópter crudéliter necátus est.

17. In loco *Ttaka Jiunge* item in Ugánda, sancti Pontiáni Ngondwe, mártiris, qui, satélles régis, persecutióne iam instánte, baptísmum suscepit et mox in cárcerem coniéctus, dum ad collem supplicii ducebátur, lancea a carnífice transfixus est.

Die 27 maii

Sexto Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
30	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	24	25	26	27	28	29							

Sancti Augustíni, epíscopi Cantuariénsis in Anglia, qui una cum áliis Smónachis a sancto Gregório papa Magno missus ad verbum Dei

Anglórúm genti praedicándum, ab Ædilbértó rege Cántiæ benévole accéptus, apostólicam primitívæ Ecclésiæ vitam ímitans, regem ipsum multósque ad fidem christiánam convértit et nonnúllas hac in terra sedes constitúit episcopáles. Die vero vigésima sexta maii óbiit.

2. Doróstori in Móesia, sancti iúlii, mártiris, qui, témpore persecutiónis, cum esset veteránus et eméritæ militiæ, comprehénsus est ab officiálibus et Máximo præsidi oblátus; quo præsénte, cum exsecrarétur idóla et Christi nomen constantíssime confiterétur, capitáli senténtia punítus est.

3. Via Nomentána miliário décimo sexto ab urbe Roma, sancti Restitúti, mártiris.

4. Arausióne in Província Gállia, sancti Eutrópii, epíscopi.

5. Herbípoli in Francónia Germániæ, sancti Brunónis, epíscopi, qui ecclésiám cathedrálem restítuit, clerum reformávit et Sacras Scriptúras pópulo enarrávit.

6*. In monastério Montis Salvíi apud Arvérnám Aquitániæ, sancti Gausbérti, presbýteri et eremítæ, cuius ópera locus ille, ántea hórridus, hospítium factus est ad peregrínos suscipiéndos.

7*. In loco *Dryburne* apud Dunélmum in Anglia, beatórum Edmúndi Duke, Richárdi Hill, Ioánnis Hogg et Richárdi Holiday, presbyterórum et mártýrum, qui, a Collégio Anglórum Reménsi in pátriam regréssi, sub Elísabeth regína Prima propter solum sacerdotium cápite damnáti, patíbulo suspénsi sunt.

8. Seuli in Coréa, sanctárum mártýrum Bárbaræ Kim, víduæ, et Bárbaræ Yi, vírginis, quíndecim annos natæ, quæ simul pro Christo in cárcere deténtæ peste obiérunt.

9. In loco *Nakiwubo* in Ugánda, sancti Athanásii Bazzekuketta, mártýris, qui ex iuvénibus régiæ domus, nuper baptizátus, dum ad locum supplicii pro Christi fide accépta cum céteris ducebátur, carnífices rogávit, ut eum íllico occíderent, et, íctibus percússus, martýrium complévit.

10. In loco *Lubawo* item in Ugánda, sancti Gonzágae Gonza, mártýris, qui e fámulis régiis, dum compédibus impéditus ad rogum ducebátur, a carníficibus lánceis transfóssus est.

Die 28 maii

Quinto Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

1. **C**orínthi in Acháia, sanctæ Helicónidis, mártiris, quæ, témpore Gordiáni imperatóris, sub Perénio præsidente, deinde sub eius successóre Iustino, multis torméntis afflícta, tandem cápitis obrunctiône martýrium complévit.

2. Carnúti in Gállia Lugdunénsi, sancti Caráuni, mártiris.

3. Urgélli in Hispânia Tarraconénsi, sancti Iusti, epíscopi, qui allegóricè Cánticum Canticórum explanávit et Concíliis hispánis intérfuit.

4. Parísii in Gállia, sancti Germáni, epíscopi, qui, primum abbas Sancti Symphoriáni Augustodunénsis, ad sedem Parisiensem vocátus, monásticæ vitæ modum rétinens fructuósam curam animárum exércuit.

5*. In monastério Gellonénsi in Gállia Narbonénsi, sancti Guliélmi, mónachi, qui, in aula imperatóris cunctis clárior, dilectiōnis afféctu vero sancto Benedicto Anianénsi adhæsit hábitum monásticum magna cum honestáte morum índuens.

6*. Cantuáriæ in Anglia, beáti Lanfránci, epíscopi, qui, mónachus Beccénsis in Normánnia, célebrem scholam fundávit et de veritáte córporis et ságuinis Christi in sacraménto contra Berengárium dissérui; ad sedem póstea Cantuariensem provéctus, Ecclésiæ disciplínam in Anglia reformáre stúduit.

7*. Pisis in Etrúria, sanctæ Ubaldéscre, vírginis, quæ a sexto décimo aetátis anno usque ad mortem, per quinquagínta quinque annos, in hospítio ópera misericórdiæ constánter perfécit.

8*. Apud Castrum Novum Carfaniánae item in Etrúria, beáti Herculáni de Plegáli, presbýteri ex Ordine Minórum, qui concionátor exímius vitæ austeritáte, diutúrna abstinéntia et miraculórum fama præfúlsit.

9*. Londínii in Anglia, beátæ Margarítæ Pole, matrisfamílias et mártýris, quæ, comitíssa Sarisberiénsis et cardínalis Regináldi mater, sub Henríco rege Octávo, cuius divórtium reprobáverat, in cárcere Turris abscísso cápite in pace Christi quiévit.

10*. Floréntiæ in Etrúria, beátæ Mariæ Bartholomææ Bagnesi, vírginis, soróris de Pæniténtia Sancti Domínici, quæ quadragínta quinque fere annos multos et aspérrimos dolóres tolerávit.

11 *. Londínii in Anglia, beatórum Thomæ Ford, Ioánnis Shert et Robérti Johnson, presbyterórum et mártýrum, qui in Elísabeth regínam Primam coniuratiónis falso insimuláti et cápite damnáti patíbulo Tybúrne simul suspénsi sunt.

12. In loco Chợ Quán in Cocincína, sancti Pauli Hánh, mártýris, qui, christíanos mores oblítus, manípulum forum ducébat, sed sub imperatóre Tỵ Đức comprehénsus se christíanum esse proféssus est et, nulla blandítia, nec flagellatióne, nec fórcipum laceratióibus a fide defléxus, cápitis decollatióne glorióso martýrio obviávit.

13*. Sachsenhúsæ in Germánia, beáti Ladislái Demski, mártýris, qui, polónus gente, in fide coram sectatóribus doctrínarum humánam omnem et christíanam dignitátem denegántium defendénda in campo detentiónis dire tortus óbiit.

14*. In civitáte *Działdowo* in Polónia, beáti Antónii Iuliáni Nowowiejski, epíscopi Plocénsis, qui, in eádem tempestáte ab inimícis in campo detentiónis reclúsus, fame et diris vexatióibus consúptus ad Dóminum migrávit.

Die 29 maii

Quarto Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	26	27	28	29	30	1							

1. Antiochiæ in Sýria, sancti Hesýchii palatíni, mártýris, qui in persecutióne Diocletiáni imperatóris cum præcéptum audísset, ut quisquis idólis non sacrificáret

cíngulum milítiae depóneret, repén-te cíngulum solvit; quam ob causam, ingénti saxo in délixtera eius ligáto, in flúvium Oróntem præcipitári iussus est.

2. Tréviris in Gállia Bélgica, sancti Maximíni, epíscopi, qui intrépidus fidei integritátis advérsus ariános defénsor sanctum Athanásium Alexandrínium aliósque epíscopos éxsules fratérne suscepit et, ab hóstibus sede pulsus, in pátria Pictaviénsi óbiit.

3. In valle Anauniénsi in agro Tridentíno, sanctórum mártýrum Sisínnii, diáconi, Martýrii, lectóris, et Alexándri, ostiárii, qui, natióne cappádoces, erécta ecclésia, divínæ laudis cántica in regiónem introduxérunt et a pagánis sacrificia lustrália litántibus interfécti sunt.

4. Ravénnæ in Flamínia, sancti Exsuperántii, epíscopi, qui huius Ecclésiæ prudénter præfuit, quo témpore Odoácer rex Itália ac civitáte potítus est.

5. Medioláni in Ligúria, sancti Senatóris, epíscopi, quem adhuc presbýterum sanctus Leo papa Magnus legátum Constantinópolis miserat.

6*. Maticóne in Burgúndia, sancti Gerárdi, qui, primum mónachus, deínde epíscopus eléctus, tandem in silva vitam exégit solitánam.

7*. Pisis in Etrúria, sanctæ Bonæ, vírginis, quæ sáepius in Terram Sanctam, Romam et Compostéllam pie peregrináta est.

8*. Avenionéti prope Tolósam in Gállia, beatórum Guliélmi Arnaud decémque sociórum,³ qui, múnere coniúcti labi catharórum obstándi, pro fide Christi et obœdiéntia Ecclésiæ Románæ dolóse comprehénsi in nocte Ascensiónis Dómini gládiis occubuérunt, «Te Deum» una voce canéntes.

9*. Pisis in Etrúria, beátæ Gherardéscae, víduæ, quæ in cella prope monastérium Camaldulénse Sancti Savíni vitam tradúxit láudibus et conversatióne Dómini.

10*. Eboráci in Anglia, beáti Richárdi Thirkeld, presbýteri et mártýris, qui, sub Elísabeth regína Prima cápite damnátus quod sacérdos esset atque multos Ecclésiæ cathólicæ reconciliavísset, patíbuli cruciátibus tráditus est.

11*. In loco *Roma* in Basutolándia in Africa Austráli, beáti Ioséphi Gerard, presbýteri ex Oblátis Mariæ Immaculátæ, qui primum in província Natalénsi, dein præsértim pópulo Basutórum Christum indefesse nuntiávit.

12. Romæ, sanctæ Ursulæ (Iúliae) Ledóchowska, vírginis, quæ Institutum Sororum Ursulinarum a Corde Iesu Agonizantis fundavit et per Polóniam, Scandináviam, Fínniam et Rússiam laboriósus itinéribus se commisit.

Die 30 maii

Tértio Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

1. **T**urri Lybisónis in Sardínia, sancti Gabíni, mártiris.
2. Cæsaréæ in Cappadócia, sanctorum Basílii et Emméliæ, qui paréntes fuérunt sanctorum episcoporum Basílii Magni, Gregórii Nysséni et Petri Sebasténsis atque sanctæ Macrínæ vírginis. Hi vero sancti cóniuges témpore Galérii Maximiani imperatóris extórres facti Pónticas solitúdines incoluérunt et post persecutiónem, filiis suárum virtútum herédibus relíctis, in pace quievérunt.
3. Pápiæ in Langobárdia, sancti Anastásii, epíscopi, qui, ariána háeresi relícta, firmiter cathólicam fidem proféssus est.
4. Ghelae in Brabántia Austrásiæ, sanctæ Dýmpnae, vírginis et mártiris.
5. Furæ in Brabántia Austrasiæ, tránsitus sancti Ruberti, epíscopi Tungrénsis et Traiecténsis ad Mosam, qui, sancti Lambérti discipulus et succéssor, in Evangélium vulgándum per Brabántiam et Arduénnam omni ope se cóntulit ibíque mores pagános expugnávit.
6. Híspali in Hispánia, sancti Ferdinándi Tértii, qui, Castéllæ et Legiónis rex, prudens in administrándo regno, ártium scientiarúmque cultor atque sédulus in fide propagánda.
7. Rothómagi in Normánnia Gállia, sanctæ Ioánnæ d’Arc, vírginis, puéllæ Aurelianénsis nuncupátae, quæ, cum fórtiter pro pátria dimicásset, tandem in hóstium potestátem trádicta iníquo iudício condemnáta est et igne cremáta.

8. Londínii in Anglia, sancti Lucae Kirby, presbýteri et mártiris, qui in persecutióne Elísabeth regínæ Primæ multis post torméntis Tybúrne furcae tríplici suspénsus est. Cum eo passi sunt in eódem patíbulo beáti presbýteri et mártires Guliélmus Filby, Lauréntius Johnson, necnon Thomas Cottam, e Societáte Iesu.

9*. Ibídem, trigínta post annis, beatórum Guliélmi Scott, ex Ordine Sancti Benedícti, et Richárdi Newport, presbyterórum et mártirum, quorum propter sacerdotium sub Iacóbo rege Primo prior láqueo strangulátus est, alter vero adhuc spirans ferro laniátus.

10. Kampaláe in Ugánda, sancti Matthíæ Kalemba, cognoménto Mulumba seu Fortis, mártiris, qui mahometánum cultum derelínquens post baptísmum in Christo officio iúdicis se abdicávit et fidem christiánam impénse diffúdit, quaprópter sub rege Mwanga supplíciis afféctus est et omni destitútus solácio spíritum Deo réddidit.

11. Savóne in Itália, tránsitus sancti Ioséphi Marelló, epíscopi Aquénsis in Subalpínis, qui Congregatiónem Oblatórum Sancti Joseph cóndidit curæ morális et christiánæ iúvenum disciplínæ déditam.

12*. In campo detentiónis *Buchenwald* in Thuringia Germániæ regióne, pássio beáti Othónis Neururer, presbýteri et mártiris, qui, cum iúveni cathólicæ dissuasísset, ne matrimónii formam simuláret cum nefárii regímínis Deo hominibúsque infénsi assectatóre quodam iam matrimónio iuncto, in cárcerem coniéctus est, ubi tamen inter omnímódas ærúmnas ministérium clam prosecútus esset, donec invérso cápíte pédibus suspénsus martýrium complévit.

Die 31 maii

Prídie Kalendas iunii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Festum Visitatiónis beátæ Mariæ Vírginis, cum ad cognátam suam Elísabeth venit filio in senectúte grávidam eámque salutávit. Cum

dure futúráe matres illæ lætántes occurrerent, Redemptor advéniens præcursórem suum adhuc in útero sanctificávit et María, salútatióni Elísabeth respóndens et in *Spíritu* exsúltans, cántico laudis magnificávit Dóminum.

2. Romæ in cœmetério Domítillæ via Ardeatína, sanctæ Petroníllæ, vírginis et mártiris.

3. Apud Cománam in Ponto, sancti Hérmiæ mílitis, mártiris.

4. Aquiléiæ in Venétia, Sanctórum Cántii, Cantíani et Cantianíllæ, mártirum, qui, a persecutore comprehénsi a civitate vehículo secedéntes, tandem ad pœnam perducti sunt.

5*. Tolósæ in Gállia Narbonénsi, sancti Sílvii, epíscopi, qui túmulum sancti Saturníni basílica adornáre cepit.

6*. Fori Lívii in Æmília, beáti Iacóbi Salomoni, presbýteri, qui aduléscens, patre defúnto et matre inter moniáles Cisterciénses suscépta, bona paupéribus distribuit et, Ordinem Prædicatórum ampléxus, ibídem per quadraginta quinque annos charismátibus insígnibus dotátus amícus paupéribus et vir pacíficus refúlsit.

7*. Cameríni in Picéno Itáliæ, beátæ Baptístæ (Camíllæ) Varano, abbatíssæ monastérii Clarissárum a patre Ípsius fundáti, quæ magnas tribulatiónes necnon mýsticas consolatiónes expérta est.

8*. Eboráci in Anglia, beatórum mártirum Robérti Thorpe, presbýteri, et Thomæ Watkinson, qui, sub Elísabeth regína Prima cápite damnáti, prior quod sacérdos esset, alter vero, paterfamílias provéctæ ætatis, quod auxílium sacerdotibus sæpe suppeditavisset, simul corónam martýrii in patíbulo accepérunt.

9*. Parísii in Gállia, beáti Nicolái Barre, presbýteri, qui, theológiæ magíster ac céleber præecéptor animárum in spíritu Evangélíi, ubíque Gállia Scholas Christiánas et Caritátis, necnon Soróres Magístras a Iesu Infánte instítuit pro filiis pópuli gratis erudiéndis.

10*. Hérbitæ in Sicília, beáti Felícis (Iacóbi) Amoroso, religiósi, qui, per decem annos recusátus, tandem Ordinem Fratrum Minórum Capuccinórum ingrèssus est, ubi humíllima múnera simplicitáte et innocéntia cordis implévit.

11*. In vico *Bellegra* in pago Romano, beāti Mariáni de Roccacasale (Domínici) Di Nicolantonio, religiósi ex Ordine Fratrum Minórum, qui, ianitóris officium adímplens, óstium convéntus apéruit paupéribus et peregrínis, quos summa cum caritáte omnímmodo sustínuit.

12. In loco *Mityana* in Ugánda, sancti Noe Mawaggali, mártiris, qui, fámulus régis, persecutióne orta, fugam cápere impávidus recúsans sponte pectus mílitum lánceis óbtulit, quibus confóssus árbori quoque suspénsus est, donec pro Christo spíritum emísit.

¹ Quorum nomina: presbyteri Romanus Adame, Rodericus Aguilar, Iulius Alvarez, Aloysius Batis Sainz, Augustinus Caloca, Matthæus Correa, Atilanus Cruz, Michæl de la Mora, Petrus Esqueda Ramirez, Margaritus Flores, Iosephus Isabel Flores, David Galvan, Petrus Maldonado, Iesus Mendez, Iustinus Orona, Sabas Reyes, Iosephus Maria Robles, Turibius Romo, Ianuarius Sanchez Delgadillo, Tranquillinus Ubiarco et David Uribe; atque Emmanuel Morales, Salvator Lara Puente et David Roldan Lara, laici.

² Quorum nomina: sancti Damianus Nam Myong-hyog, catechísta; Magdaléna Kim O-bi, Bárbara Han A-gi, Anna Pak A-gi, Agatha Yi So-sa, Lúcia Pak Hui-sun, Petrus Kwon Tu-gin.

³ Quorum nomina: beāti Bernárdus de Roquefort, García d'Aure, Stéphanus de Saint-Thierry, Raymundus Carbonier; Raymundus de Cortisan cognoménto Escriban, canonicus; Bernardus, Petrus d'Arnaud, Fortanerius et Ademar, cléríci; Prior Avenionetensis, cuius nomen ignoratur.

IUNIUS

Die 1 iúnií

Kaléndis iunii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

Memória sancti Iustíni, mártýris, qui philósophus veram sapiéntiam in Christi veritate ágnitam íntegre secútus est atque móribus assérui, assértam dócuit, scriptis propugnávit, morte Romæ complévit sub Marco Aurélio Antoníno imperatóre. Cum enim Apológiam pro religiône christiána imperatóri porrexísset et coram Rústico præfécito tráditus se christiánum proféssus esset, cápite damnátus est.

2. Ibídem, Sanctórum Charitónis et Charíti, Evelpísti et Ierácis, Pæónis et Liberiáni, mártýrum, qui, eiúsdem Iustíni discípuli, simul cum eo gloriósam accepérunt corónam.

3. Alexandríæ in Ægýpto, sanctórum mártýrum Ammónis, Zenónis, Ptolomæi, Ingenis, mílitum, et Theóphili senis, qui, tribunálibus adstántes, cum quidam christiánus, in suppliciis pósitus, trepidáret et iam prope ad negándum declináret, vultu, óculis ac nútibus illum conabántur erigere. Cumque hac de causa clamor totíus pópuli in eos prosilíret, prorumpéntes in médium se christiános esse testáti sunt; per quorum victóriam Christus, qui suis eam ánimi constántiam déderat, gloriosíssime triumphávit.

4. Lycópoli item in Ægýpto, sanctórum mártýrum Ischyriónis, ductóris mílitum, et aliórum quinque mílitum, qui, Arriáno præfécito iubénte, sub Décio imperatóre pro Christi fide diverso mortis génere perémpti sunt.

5. Bonóniæ in Æmília, sancti Próculi, mártýris, qui pro christiána veritate trabálibus clavis transfixus est.

6. Apud Montem Falcum in Umbria, sancti Fortunáti, presbýteri, qui, ut fertur, assíduo labóre paupéribus pauper et ipse subvénit et vitam suam pro frátribus profúdit.

7. In ínsula Lirinénsi in Província, sancti Caprásii, solitárii, qui cum sancto Honoráto illuc secéssit et vitæ monásticæ initíum dedit.

8*. Arvérnæ in Aquitánia, sancti Flori, a quo nomen accépit monastérium super eius túmulum elevátum, necnon cívitas atque sedis episcopális.

9*. In Británnia Minóre, sancti Ronáni, epíscopi, qui ex Hibérnia transfretávit et per silvas vitam duxit eremitícam.

10*. In agro Licestriénsi in Anglia, sancti Wistáni, mártiris, qui, e régia Merciórum prosápia, cum incestuóso matris regéntis matrimónio obstítisset, tyránni gládio occísus est.

11. Tréviris in Rhenánia Lotharíngiæ, sancti Simeónis, qui, patre græco Syracúsus natus, cum eremitícam vitam apud Bétlehem et in monte Sina duxísset et longe peregrinátus esset, reclúsus demum in turri Nigræ Portæ civitátis óbiit.

12. In monastério Onniénsi in território Burgénsi in Castélla Hispániæ regióne, sancti Enecónis, abbátis, viri pacífici, quem mortuum ipsi Iudæi et Mauri deflevérunt.

13*. Albæ Pompéiæ in Subalpínis, beáti Theobáldi, qui, amóre paupertátis motus, totam remisit pecúniam víduæ cuídám et, báulus efféctus humilitáte, ónera aliórum sústulit.

14*. Urbíni in Picéno Itáliæ, beáti Ioánnis Pelingotto, e Tértio Ordine Sancti Francísci, qui, mercátor, álios magis quam se locupletábat et reclúsus cellam tantum deserébat, ut páuperes et ægrótos adiuváret.

15*. Londínii in Anglia, beáti Ioánnis Storey, mártiris, qui, iurisperítus, Románo Pontífici fidélissimus, post cárceres et exsílum propter cathólicam fidem cápite damnátus, Tybúrni per suspéndii cruciátus ad gáudia æténa transívit.

16*. Omuræe in Iapónia, beatórum mártirum Alphónsi Navarrete, ex Ordine Prædicatórum, Ferdinándi a Sancto Ioseph de Ayala, ex Ordine Eremitárum Sancti

Augustíni, presbyterórum, et Leónis Tanaka, religiósi e Societáte Iesu, qui in ódium fidei Christiánæ ex edicto suprémi ducis Hidetada simul decolláti sunt.

17*. In navi servitútis ad áncoram ante portum Rupifórtii in Gállia deligáta, beáti Ioánnis Baptístæ Vernoy de Montjournal, presbýteri et mártiris, qui, canónicus Molinénsis, tempóribus gállicæ perturbatiónis propter sacerdotium ad víncula navália damnátus, tábido morbo conféctus óbiit.

18. In urbe Hung Yê in Tunkuino, sancti Ioséphi Túc, mártiris, qui, iúvenis agrícola, cum crucem calcáre recusáset, plúries in custódia cónditus et cruciátus est, dein sub imperatóre Tỵ Đức cápite truncátus.

19*. Placéntiæ in Itália, beáti Ioánnis Baptístæ Scalabrini, epíscopi, qui Ecclésiæ huius multímodis óperam navávit, sedulitáte conspicuus erga sacerdótes, agrícolas et operários, sed máxime curam adhíbuit pro migrántibus in Américæ civitátes, pro quibus Pias Societátes a Sacra Corde cóndidit.

20. Messánæ in Sicília Italiæ, sancti Hanníbalis Maríæ Di Francia, presbýteri, qui Congregatiónes fundávit Rogationistárum a Corde Iesu et Filiárum a Divína Zelo, ad rogándum Dóminum, ut Ecclésiám suam sanctis sacerdotibus uberáret, et magnam curam in órphanos consúmens manus Dei misericórdes exténdit ad ínopes.

Die 2 iúnii

Quarto Nonas iunii. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	1	30	1	2	3	4	5							

Sanctorum mártyrum Marcéllini, presbýteri, et Petri, exorcístæ, qui, ut sanctus Dámasus papa refert, persecutióne Diocletiáni imperatóris sæviénte, cápite damnáti ad locum supplicii in médiis séntibus ducti sunt et, ut córpora ómnibus occúlta manérent, suis ipsis mánibus sibi sepúlcrum fódere iussi sunt, sed pia fémina Lucílla Romæ via Labicána in cœmetério ad Duas Lauros sancta eórum membra compósuit.

2. Lugdúni in Gállia, Sanctórum mártýrum Pothíni, epíscopi, et Blandínae cum quadraginta et sex sóciis,¹ quorum fórtia et iteráta certámina, témpore Marci Aurelii imperatóris, Ecclésiæ Lugdunénsis epístula ad Ecclésias Asiæ et Phrýgiæ scripta recénset. In his Pothínus epíscopus nonagenárius, in cárcerem proféctus, paulo post spíritum réddidit; álii páriter in cárcere occubuérunt, álii vero ante innúmera mília hóminum ad spectáculum congregatórum in médio arénae statúti: qui cives románi repérti essent, cápite plectebántur, céteri vero béstiis tradebántur. Novíssime Blandína, in diuturnióra et acerbióra certámina data, gládio dénique iuguláta, quos ad palmam hortabátur, céteros secúta est.

3. Fórmii in Campánia, sancti Erásmi, epíscopi et mártýris.

4. Romæ apud sanctum Petrum, sancti Eugénii papæ Primi, qui sancto Martíno mártýri succéssit.

5. Apud Bósphorum in Propóntide, tránsitus sancti Nicéphori, epíscopi Constantinópolitani, qui, paternárum tradítiónum propugnátor acérrimus, pro cultu sacrárum Imáginum Leóni Arméno imperatóri iconoclástæ constánter se oppósuit; a quo sede pulsus et in monastério diu relegátus, æquo ánimo ad Dóminum migrávit.

6*. Aquis Statiéllis in Subalpínis, sancti Guidónis, epíscopi.

7. Trani in Apúlia, sancti Nicolái, qui, peregrínus, e Græcia ortus regiónem percurrébat crucem manu gerens et sine intermissióne orans: «Kyrie eleison ».

8*. Sandomírii ad Vistulam flumen in Polónia, beatórum mártýrum Sadóchi, presbýteri, et sociórum ex Ordine Prædicatórum, qui, ut fertur, a Tártaris necáti sunt, dum antíphonam canébant «Salve Regína», ipsam Matrem Vitæ in extrémis salutántes.

9. In urbe *Âu Thi* in Tunquíno, sancti Domínici Ninh, mártýris, qui, iúvenis agrícola, cum crucem Salvatóris obtérere noluisset, cervícibus abscíssis sub Tụ Đúc imperatóre passus est.

Die 3 iúnii

Tértio Nonas iunii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	1	2	1	2	3	4	5	6							

Memória Sanctórum Cároli Lwanga et duódecim sociórum,² qui inter quattuórdecim et trigínta annos nati, vel ex régia puerórum nobílium cohóрте vel Ípsius regis Mwanga custódiæ addícti, neóphyti et fidei cathólicæ strénue adhreréntes, cum impudícis desidériis regis indulgére noluissent, in colle *Namugongo* in Ugánda partim gládio necáti, partim igne cremáti sunt.

2. Carthágine, sancti Cæcílíi, presbýteri, qui sanctum Cypriánum ad Christi fidem perdúxit.

3*. Carcassóne in Gállia Narbonénsi, sancti Hilárii, qui primus huius civitátis epíscopus habétur, quo témpore Gothi ariánam háeresim in hac regióne diffundébant.

4. Turónis in Gállia Lugdunénsi, sanctæ Clotíldis Regínæ, cuius précibus coniunx eius Clodovéus, rex Francórum, Christi fidem suscepit; ipsa post eius mortem ad basilícam Sancti Martíni sese pie recépit, ut iam non putarétur regína, sed própria Dei ancílla.

5. Magdúni ad Lígerim in território Aurelianénsi item Gállia, sancti Lifárdi, presbýteri, qui ibídem solitárium duxit vitam.

6. Anágnia in Campánia, sanctæ Olívæ, vírginis.

7*. Glendálaci in Hibérnia, sancti Coemgéní, abbátis, qui monastérium fundávit, in quo multórum monachórum pater et dux fuísse tráditur.

8*. Arvérnæ in Aquitánia, sancti Genésii, epíscopi Claro Montáni, qui Magnilóci in Ecclésia monastérii ab ipso cum hospítio cónditi depósitus est.

9. Córdubæ in Vandalícia Hispániæ regiône, sancti Isaac, mártýris, qui, mónachus, sub Maurórum potestáte, non humano sed divíno impúlsu commótus, e Tabanénsi cœnóbio in forum descéndens iúdicem ádiit, ut cum eo de vera religiône decertáret, unde cápite damnátus est.

10. Lucae in Etrúria, sancti Davini, qui, arménus génere, vénditis ómnibus bonis, peregrínus pro Christo fuisse et, cum loca sancta et límina Apostolórum visitásset, morbo corréptus obiisse fertur.

11*. In vico *Altkirch* in pago Basileénsi Helvetiórú, sancti Morandi, mónachi, qui, in Rhenánia ortus, iam présbyter ad Compostéllam perréxit et illinc rédiens Cluníaci mónachus factus est et monastérium cóndidit, ubi cursum laboriósae vitæ complévit.

12*. Hispélli in Umbria, beáti Andréæ Caccioli, qui, primus présbyter inter Fratres Minóres adnumerátus, hábitum Ordinis e sancti Francísci mánibus suscepit eíque moriénti ádstitit.

13*. In cœnóbio Sanctæ Mariæ de Cadóssa in Lucánia, sancti Coni, mónachi, qui monástica conversatióne et innocéntia vitæ, consummátus in brevi, ad virtútum cúlmina, Deo protegénte, pervénit.

14*. Eboráci in Anglia, beáti Francísci Ingleby, presbýteri et mártýris, qui, alúmrus Collégii Anglórum Reménsis, sub Elísabeth regína Prima propter sacerdotium in pátria exércitum ad patíbuli supplícia ductus est.

15. Xerítii in Vandalícia Hispániæ regiône, sancti Ioánnis Grande, religiósi ex Ordine Sancti Ioánnis a Deo, qui, caritáte erga captivos, derelíctos et reiéctos ab ómnibus insígnis, in pestiléntia vexátis curándis ipse inféctus óbiit.

16*. In salo apud Rupifórtium in Gállia, beáti Cároli Renáti Collas du Bignon, presbýteri e Societáte a Sancto Sulpítio et mártýris, qui, rector Seminárii Minóris Bituricénsis, gállica perturbatióne sæviénte, propter sacerdotium in navem servitútis inclúsus et plagis verminósis inféctus occúbuit.

17. In urbe *Au Thi* in Tunquíno, sancti mártýris Petri Đông, qui, paterfamílias, cruciátus immánes subíre máluit quam crucem proculcáre et, cum in fácie sua loco verbórum «falsa relígio» illa «vera relígio» incidénda curásset, decollátus est sub imperatóre Tụ Đức.

18*. In vico *Bellegra* in pago Romano, beāti Dídaci (Ioséphi) Oddi, religiósi ex Ordine Fratrum Minórum, oratióne et simplicitáte vitæ exímii.

19*. Romæ, beāti Ioánnis papæ Vigésimi Tértii, qui vita et opéribus, singulári humanitáte imbútus, summo pastoráli zelo abundántiam cristiánæ caritátis in omnes effúndere stúduit ac fratérnam populórum uniónem excólere et, de pastoráli Ecclésiæ Christi efficiacitáte in univérso orbe terrárum præcípue sollicitus, Concílium Œuménicum Vaticanum Secúndum convocávit.

Die 4 iúni

Prídie Nonas iunii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	1	2	3	2	3	4	5	6	7							

1. **S**abárie in Pannónia, pássio sancti Quiríni, epíscopi Sisciacénsis in Illýrico et mártiris, qui sub Galério imperatóre pro Christi fide, molári ad collum religáto, in flumen præcipitátus est.

2. Constantinópoli, sancti Metróphanis, epíscopi Byzantíni, qui Novam Romam Dómino consecrávit.

3. Milévi in Numídia, commemorátio sancti Optáti, epíscopi, qui universalitátem Ecclésiæ et necessariam íntimam christifidélium unitátem scriptis suis de donatistárum insánia enarrávit.

4*. In Cornúbia, sancti Petróci Cambriénsis, abbátis.

5*. Serviliáni in Picéno Itáliæ, sancti Gualtérii, abbátis monastérii huius loci.

6*. In ínsula Sardínia, sanctórum Nicolái et Trani, eremitárum.

7*. Sáccere in Sardínia, beāti Pacífici Ramati, presbýteri ex Ordine Minórum, qui pro christianórum defensióne prædicans ad Dóminum migrávit.

8. Agnóne in Aprútio, sancti Francísci Caracciolo, presbýteri, qui Congregatióne Clericórum Regulárium Minórum fundávit mira in Deum et próximum caritáte succensus.

9*. Lyciáe in Apúlia, beáti Philíppi Smaldone, presbýteri, qui fervénti stúdio ad surdórum ac cæcórú indigéntiú curam eorúmque humánam et cristiánam institutióne se dedit et Congregatióne Sorórum Salèsianarum a Sacris Córdibus fundávit.

10*. Prope Monáchiú Baváriæ in Germánia, beatórum Antónii Zawistowski, presbýteri, et Stanislái Starowieyski, mártýrum, qui, bello furénte, intra castra detentióis Dacháni atróces cruciátus pro Christo perpéssi de terréna vita decessérunt.

Die 5 iúnii

Nonis iunii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	1	2	3	4	3	4	5	6	7	8							

Memória sancti Bonifátii, epíscopi et mártýris. Cum mónachus esset, nómine Winfrídu, ex Anglia Romam advéctus a sancto Gregório papa Secúndo epíscopus ordinátus est et, nómine Bonifátio sumpto, in Germániam missus, ut Christi fidem illis géntibus nuntiáret, ingéntes turmas cristiánæ religióni lucrátus est et Moguntínam rexit sedem; novíssime Docci apud Frísios, a furéntibus gentílibus gládio peréemptus, martýrium consummávit.

2. In Ægýpto, sanctórum Marciáni, Nicándri, Apollónii et sociórum, mártýrum, qui, ut fertur, propter fidei cristiánæ confessióne, post magnos cruciátus, muro conclúsi et soli ardénti expósi æstu, siti et fame extermináti sunt.

3. Tyri in Phoenícia, sancti Dorothei, epíscopi, qui, cum adhuc présbyter esset, sub Diocletiano imperátore multa passus est et, usque ad Iuliáni témpora supérstes, sub

eo, annum agens séptimum supra centésimum, venerándam senectútem in Thrácia martýrio honestavísse fertur.

4. Arvérnæ in Aquitánia, sancti Illídi, epíscopi, qui, ab imperatóre Tréviros vocátus, ut filiam a spírítu immúndo liberáret, cum redíret, ad Dóminum migrávit.

5*. Comi in Ligúria, sancti Eutýchii, epíscopi, oratióne et solitúdinis cum Deo amóre insígnis.

6. Docci apud Frísios, Sanctórum Eobáni, epíscopi, Adelárii et novem sociórum,³ mártýrum, qui cum sancto Bonifátio eódem eius glorióso agóne coronáti sunt.

7. Córdubæ in Vandalícia Hispániæ regióne, beáti Sántii, mártýris, qui aduléscens, ex Albigénsi óppido comprehénsus et in aula régia instrúctus, in persecutióne Maurórum martýrium pro Christi fide pati non dubitávit.

8*. Prope Asséricum in Vestínis, sancti Franci, eremítæ, qui, cellam artam sub rúpibus in spelúnca construxit, ibíque ásperram et ténuem duxit vitam.

9*. Ciáni prope Milétum in Calábria, sancti Petri Spanó, eremítæ, paupertáte et compunctiόne clari.

10. Hanóii in Tunquíno, sancti Lucæ Vĩ Bá Loan, presbýteri et mártýris, sub imperatóre Minh Mạng pro Christo decolláti.

11. In urbe *Tang Gia* item in Tunquíno, Sanctórum Domínici Toại et Domínici Huyên, mártýrum, qui, patresfamílias et piscatóres, sub imperatóre Tụ Đức, etsi in diútina custódia váriis torméntis excrucíati, omni ánimo tamen sócios cárceris cobortáti sunt, ut fidem servárent, et tandem flammis martýrium consummárunť.

Die 6 iúnii

Octávo Idus iunii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	1	2	3	4	5	4	5	6	7	8	9							

Sancti Norbérti, epíscopi, qui, móribus austérus atque totus unióni cum Deo et Evangélii pnedicatióni déditus, prope Laudúnum in Gállia Canonicórum Regulárium Ordinem Præmonstraténsem instítuit et, Magdebúrgi in Saxónia pastor exímíus efféctus, vitam christiánam reformávit et fidem diffúndere ad vicínas gentes stúduit.

2. Romæ via Aurélia miliário secúndo, sanctórum Artémii et Paulínæ, mártýrum.

3. Scetis in Ægýpto, sancti Bessariónis, anachorétæ, qui pro Dei amóre mendícus et peregrínus éxstitit.

4*. Gratianópolis in Burgúndia, sancti Cerátii, epíscopi, qui sancto Leóni papæ Magno pro líteis ad Flaviánum scriptis grátias persólvit et gregem suum ab háeresi incólumem servávit.

5. Medioláni in Ligúria, sancti Eustórgii Secúndi, epíscopi, qui, pietáte, iustítia et pastóris virtútibus clams, insígne baptistérium ædificávit.

6*. In Hibérnia, sancti Iarláthi, epíscopi.

7. In monte Iura, sancti Cláudii, qui epíscopus et abbas monastérii Condatiscénsis créditur fuisse.

8. In agro Bononiénsi in Æmília, tránsitus sancti Alexándri, epíscopi Fæsuláni, qui, rédiens e civitáte Papia, ubi Ecclésiæ suæ bona apud Langobardórum regem ab usurpatóribus vindicáverat, ab his in flúvium deiéctus est et aquis præfocátus.

9. Constantinópolis, sancti Hilariónis, presbýteri et hegúmeni monastérii Dalmátii nuncupáti, qui ob sacrárum Imáginum cultum cárcerem, flagellatiónes et exsílíum invícte passus est.

10*. In ínsulis Orcádibus ad Scótiam respiciéntibus, sancti Colmáni, epíscopi.

11*. In monastério Cavénsi in Campánia, beáti Falcónis, abbátis.

12*. Arvérnæ in Aquitánia, sancti Gilbérti, abbátis ex Ordine Præmonstraténsi, qui, primum eremíta, dein Novemfontánis monastérium et nosocomíum exstrúxit.

13*. Utini in Venétia, beáti Bertrándi, epíscopi Aquileiénsis et mártiris, qui cleri institutióni sédulo provídít, páuperes témpore famis suo sumptu nutrívít, iura Ecclésiæ suæ strénue deféndít et nonagenárius sicariórum íctibus vulnerátus óbiit.

14*. Ortónae in Aprútio, beáti Lauréntii de Villamágnā de Másculis, presbýteri ex Ordine Fratrum Minórum, verbi Dei prædicatióne illústris.

15*. Londínii in Anglia, beáti Guliélmi Greenwood, mártiris, e Cartúsia huius civitátis, qui ob tenácem fidelitátem Ecclésiæ servátam sub Henríco rege Octávo cárceris squalóre, fame et morbo conféctus martýrium complévit.

16. Apud civitátem Sancti Annemúndi in pago Gállia Lugdunénsi, sancti Marcellíni Champagnat, presbýteri e Societáte Mariæ, qui Institutum Parvulórum Fratrum Mariæ pro púeris christiáne instituéndis fundávit.

17. In urbe Luong Mỹ in Tunquíno, Sanctórum mártýrum Petri Dũng et Petri Thuán, piscatórum, atque Vincéntii Đưong, agrícolæ, qui, cum crucem obtérere perseveránter renuísset, ad ignem damnáti sunt, sub imperatóre Tụ Đức.

18*. Mexicópoli, tránsitus beáti Raphaélis Guízar Valencia, epíscopi Veræ Crucis in México, qui témpore persecutiónis exsul vel clandestínus munus episcopále strénue exércuit.

19*. Sachsenhúsæ in Germánia, beáti Innocéntii Guz, presbýteri ex Ordine Fratrum Minórum Conventuálium et mártiris, qui, polónus génere, pátria more militári a sectatóribus opiniónum hóminum et religiónis adversárum invása, a vigílibus castrórum detentiónis ob Christi fidem trucidátus est.

Die 7 iúnii

Séptimo Idibus iunii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
1	2	3	4	5	6	5	6	7	8	9	10							

1*. In Hibérnia, sancti Colmáni, epíscopi et abbátis Dromorénsis monastérii ab ipso cónditi, qui in agro Dunénsi mire pro Christo laborávit.

2. Córdubæ in Vandalícia Hispániæ regiône, sanctórum mártýrum Petri, presbýteri, Wallabónsi, diáconi, Sabíniáni, Wistremúndi, Habéntii et Ieremíae, monachórum, qui pro Christo in persecutióne Maurórum iuguláti sunt.

3. Novi Monastérii in Northúmbria Angliæ, sancti Robérti, abbátis, ex Ordine Cisterciénsi, qui paupertátis ac oratiónis studiósus cum duódecim mónachis hoc cœnóbium fundávit, ex quo brevi témpore tria profudérunt monachórum exámina.

4*. Antvéрпиæ in Brabántia, beátæ Annæ a Sancto Bartholomæo, vírginis ex Ordine Carmelitárum Discalceatárum, quæ, discípula et scriba sanctæ Teresiæ a Iesu atque mýsticis donis prædita, in Gállia Ordinem diffúdit et assídue renovávit.

5. Placéntiæ in Æmília, tránsitus sancti Antónii Mariæ Gianelli, epíscopi Bobiénsis, qui Congregatiónem Filiárum Mariæ Sanctíssimæ ab Horto fundávit et in indigéntibus animarúmque salúti consuléndo atque in cleri sanctitáte promovénda navitáte et ínclito præluxit exémplo.

6*. Parísii in Gállia, beátæ Mariæ Teresiæ de Soubiran La Louvière, vírginis, quæ ad maiórem Dei glóriam Societátem Mariæ Auxiliatricis fundávit, e qua pulsa, in summa humilitáte réliquam vitam egit.

Die 8 iúnii

Sexto Idus iunii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	1
A	B	C	D	E	F	F	G	H	M	N	P							
2	3	4	5	6	7	6	7	8	9	10	11							

1. Aquis Séxtiis in Província Gállia, sancti Maximíni, cui fidei Christiánæ exórdia in hac civitáte ascribúntur.

2. Rothómagi item in Gállia, sancti Gildárdi, epíscopi.

3. Suessiōne item in Gállia, sancti Medárdi, epíscopi Veromanduórum, qui ex horum civitatē evērsa cáthedram suam Noviónum óppidum tránstulit, unde omnem curam egit de pópulo a pagánis superstitióibus ad Christi doctrínam converténdo.

4*. Fani in Picéno Itáliæ, sancti Fortunáti, epíscopi, in rediméndis captívīs assídui.

5. Metis in Austrásia, sancti Clodúlphi, epíscopi, sancti Arnúlphi filii et regis consiliárii.

6. Eboráci in Anglia, sancti Guliélmi Fitzherbert, epíscopi, qui, vir amábilis ac mansuétus, a sede iniúste depósitus, inter Vintoniēses mónachos se recépit et, in sedem restitútus, inimícis ignóvit et pacem inter cives conciliávit.

7*. Londínii item in Anglia, beáti Ioánnis Davy, díaconi e Cartúsia huius civitátis et mártiris, qui, sub Henríco rege Octávo propter fidelitátem Ecclesiæ et Romano Pontífici servátam dire in cárcere excruciatús, ibídem fame conféctus óbiit.

8*. Ambiátibe in Madagascária, beáti Iacóbi Berthieu, presbýteri e Societáte Iesu et mártiris, qui pace bellóque pro Evangélio impénse molítus est et, ter e missiōibus pulsus, tandem in ódium fidei cálcibus petítus et plúries ad apostásiam frustra vocátus interémptus est.

9*. Portu Calénsi in Lusitânia, beátæ Mariæ a Divíno Corde Iesu Droste zu Vischering, vírginis, e Congregatiōe Sorórum a Caritáte Boni Pastóris, quæ devótiōnem erga Sacratíssimum Cor Iesu mire promóvit.

10*. In vico. *Kuzhikkattussery* in Kérala Indiæ diciōe, beátæ Mariæ Terésiae Chiramel Mankidiyan, vírginis, quæ, eremítica conversatiōe et pæniténtiæ austeritáte exímia, in paupérrimis et derelictíssimis ómnium Christum quæsívit et Congregatiōnem Sorórum a Sacráta Família fundávit.

11*. Cálari in Sardínia, beáti Nicolái de Gesturi (Ioánnis) Medda, religiósi ex Ordine Fratrum Minórum Capuccinórum, qui, semper in auxílium egenórum parátus, multos in caritátem erga páuperes iúgiter virtútis et benignitátis exémplo incitávit.

Die 9 iúnii

Quinto Idus iunii. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	1	2
A	B	C	D	E	F	F	G	H	M	N	P							
3	4	5	6	7	8	7	8	9	10	11	12							

Sancti Ephræm, diáconi et Ecclésiæ doctóris, qui primum Nísibi in pátria sua munus prædicándi et sacram doctrínam tradéndi exércuit, deínde, cum Persae Nísiben invasissent, Edéssæ in Osrhoéne, quo cum discipulis confúgerat, fundaménta pósuit scholæ theológicæ, verbis ac scriptis ministérium suum adímplens atque austeritáte vitæ et doctrína ádeo conspícuus, ut ob exquisitos hymnos compósitos cíthara Spíritus Sancti mererétur appellári.

2. Via Nomentána ad Areas miliário décimo quinto ab urbe Roma, sanctórum Primi et Feliciáni, mártýrum.

3. Nicææ in Bithýnia, sancti Diomédis, mártýris.

4. Verneméti in pago Agennénsi Aquitániæ, sancti Vincéntii, mártýris, qui, dum incolæ in honórem solis festum agébant, pro Christi nómine agónem consummásse díctur.

5. Syracúsis in Sicília, sancti Maximiáni, epíscopi, cuius sanctus Gregórius papa Magnus sáepius méminit.

6. In Hiénsi Scótiae ínsula, sancti Colúmbæ seu Colum Cille, presbýteri et abbátis, qui, in Hibérnia natus et præcéptis monásticis instrúctus, ibídem tandémque in Hia monastéria cóndidit conversatiónis disciplína et litterárum cultu insígnia, donec senectúte conféctus, suprémó diéi præstólans, ante altáre in Dómino quiévit.

7. Andriae in Apúlia, sancti Richárdi, epíscopi, angli natióne et virtúte célebris, qui sanctórum Erásmi et Pontiáni relíquias devóte suscepit.

8*. Londínii in Anglia, beáti Robéti Salt, mártiris, mónachi e Cartúsia huius civitátis, qui, ob fidelitátem erga Ecclésiám contra Henricum regem Octávum firmiter servátam, in cárcere Neopórtus deténtus fame occúbuit.

9*. Reritíbæ in Brasília, beáti Ioséphi Anchieta, presbýteri e Societáte Iesu, qui, in ínsulis Canariénsibus natus, per fere totum vitæ cursum in Brasília missionálibus opéribus impénse ac fructuóse se trádedit.

10*. Ad oram marítimam ante Rupifórtium in Gállia, beáti Ioséphi Imbert, presbýteri et mártiris, qui, iam e Societáte Iesu, témpore gállicæ perturbatiónis, a Pio papa Sexto vicárius apóstolicus Molinénsis factus, in ódium Ecclésiæ in navem servitútis coniéctus est, ubi mortáli contagióne inféctus óbiit.

11*. Romæ, beátæ Annæ Mariæ Taigi, matrisfamílias, quæ, a violénto cóniuge opprèssa, eiúsdem curæ ac septem liberórum educatióni inténta permánsit, nulla umquam prætermíssa spiritali ac materiáli sollicitúdine páuperum et ægrotórum.

Die 10 iúnii

Quarto Idus iunii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	1	2	3
A	B	C	D	E	F	F	G	H	M	N	P							
4	5	6	7	8	9	8	9	10	11	12	13							

1. **A**utissiodóri in Gállia Lugdunénsi, sancti Censúrii, epíscopi.

2*. Parísii in Néustria, sancti Landeríci, epíscopi, qui paupéribus sublevándis témpore famis sacram suppelléctilem alienásse et iuxta ecclésiám cathedrálem nosocomíum aedificásse tráditur.

3*. Roffæ in Anglia, sancti Ithamári, epíscopi, qui, primus e gente Cantuariórum ad órđinem episcopálem vocátus, vitæ dignitáte et eruditiónē emícuit.

4*. Dobróviæ in Polónia, natális sancti Bogumili, epíscopi Gnesnénsis, qui, sede abdicáta, ibídem vitam eremíticam duxit, austeritátibus consúptus.

5*. Bonóniæ in Æmília, beátæ Diánae de Andaló, vírginis, quæ, ómnibus impediméntis famíliæ remótis, in mánibus Ípsius sancti Domínici propósitum vitæ claustrális vovit et monastérium Sanctæ Agnétis ádiit ab ipsa fundátum.

6*. Tarvísii in Venétia, beáti Henríci de Bauzáno, qui lignárius et illitterátus ómnia paupéribus erogábat et, licet víribus deficiéntibus, stipem tamen precárium emendicábat, quam cum mendícis partiebátur.

7*. Budæ in Hungária, tránsitus beáti Ioánnis Domínici, epíscopi Ragusíni, qui, post pestem nigram, in convéntibus Prædicatórum in Itália observántiam regulárem instaurávit et in Bohémiam et Hungáriam missus, ut Ioánnis Hus prædicatióni obstáret, ibídem óbiit.

8*. Londínii in Anglia, beatórum mártýrum Thomæ Green, presbýteri, et Gualtérii Pierson, mónachi e Cartúsia huius civitátis, qui, Henríco rege Octávo suprema iura in rebus ecclésiasticis sibi affectánte, cum ei obstitissent, in squálido cárcere circumclúsi, fame et morbo corrépti, gloriósi tamen obiérunt.

9*. Augústæ Taurinórum in Itália, beáti Marci Antónii Durando presbýteri e Congregatióne Missiónum, qui Congregatiónem Sorórum Iesu Nazaréni fundávit pro ægrótiis iuvenibúsque derelictis assidéndó.

10*. In civitáte *Moerzeke-lez-Termonde* prope Gandávum in Bélgio, beáti Eduárdi Poppe, presbýteri, qui in angústiiis témporis sui scriptis ac prædicatióne christiánam institutiónem et devótiónem erga Eucharístiam per Flándriam propagávit.

Die 11 iúnii

Tértio Idus iunii. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	1	2	3	4
A	B	C	D	E	F	F	G	H	M	N	P							
5	6	7	8	9	10	9	10	11	12	13	14							

Memória sancti Barnabre, Apóstoli, qui vir bonus et plenus *Spiritu* Sancto et fide, inter primos fidéles Hierosólymæ annumeratus, Antiochiæ Evangélium prædicávit et Saulum Tarsénsem vix convérsus

ad fratrum númerum introduxit atque in primo illius itinere ad Asiam evangelizándam comitatus est; Concílio Hierosolymitano porro interfuit et in insulam Cyprum, pátriam suam, revérsus Evangélium diffudit.

2. Neápoli in Campánia, sancti Máximi, epíscopi, qui ob fidem nicénam a Constantio imperatóre in exsílum pulsus est ibíque ærúmnis consúptus fidei conféssor occúbuit.

3. Bremæ in Saxónia, sancti Rembérti, epíscopi Hamburgénsis ac simul Breménsis, qui, sancti Ansgárii fidélis discípulus et succéssor, ministérium suum ad fines Dániæ et Suéciae dilatávit et, témpore Normannórum irruptiónum, de christiánis captívís rediméndis curávit.

4*. Moguntiæ in Francónia Germániæ, beáti Bardónis, epíscopi, qui, primum abbas Heresfeldénsis, ad órđinem episcopálem evéctus Ecclésiám indeféssa pastoráli sollicitúdine egrégie curávit.

5*. In monastério Cámeræ prope Bruxéllas in Brabántia, sanctæ Aleýdis, vírginis ex Ordine Cisterciénsi, quæ, vigínti duos annos nata, lepra affécta, vitam reclúsam gérere coácta est atque, últimis vitæ annis óculis étiam capta, ne membrum quidem ei sanum permánserat, præter linguam ad Dei laudes canéndas.

6. Tarvísi in Venétia, sancti Parisii, presbýteri ex Ordine Camaldulénsi, qui septuagínta septem annos moniáles salutáribus consíliis iuvit in spiritalibus et octávo anno ultra centenárium óbiit.

7*. Apud Gnesnam in Polónia, beátæ Iolentre, abbatíssæ, quæ, post viri Boleslai Pii ducis óbitum, terrenis ópibus abdicátis, monásticam vitam cum filia in Ordine Sanctæ Claræ proféssa est.

8*. Salútiis in Subalpínis, beáti Stéphani Bandelli, presbýteri ex Ordine Prædicatórum, egrégii prædicatióne et in confessiόνibus audiéndis assídui.

9. Salmánticæ in Hispánia, sancti Ioánnis a Sancto Facúndo González de Castrillo, presbýteri ex Ordine Eremitárum Sancti Augustíni, qui Concórdiam inter cives cruéntis factiόνibus exagitátos privátis collóquiis ac vitæ sanctitáte restítuit.

10. Dertósre in Hispânia, sanctæ Rosæ Franciscæ Mariæ a Dolóribus (Mariæ Rosæ) Molas Vallvé, vírginis, quæ piárum mulierum sodalícium in Congregatióne Sorórum Dóminæ Nostræ a Consolatióne vertit afflictórum servítio addíctam.

11. Romæ, sanctæ Paulæ Frassinetti, vírginis, quæ, multis victis initiórum discriminibus, Congregatióne Sorórum a Sancta Dorothea fundávit ad puéllas christiáne erudiéndas et forti ánimo summáque cum conveniéntia suavitátis ac ímpetus óperi suo insístens.

12*. Ragúsae in Sicília, beátæ Mariæ Schininá, vírginis, quæ húmilis et simplex vívere elégit ad curándos infirmos, derelictos et páuperes atque Soróres a Sacra Corde Iesu instítuit, ut omni géneri misériæ auxiliúm præstárent.

13*. In vico *Kara-Kenpru* prope Amídám in Túrca, beáti Ignátii Maloyan, epíscopi Mardinénsis Armenórum et mártiris in genocídio christianórum illíus regiónis a persecutóribus fidei patrátó, qui, cum aliénam religióne amplécti renúisset, consecráto pane pro spiritali refectiÓne concaptivórum, innúmeris cum christifidélibus plumbis transfóssus, effúso ságuine ad perpétuæ pacis fructum pervénit.

Die 12 iúnii

Prídie Idus iunii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	1	2	3	4	5
A	B	C	D	E	F	F	G	H	M	N	P							
6	7	8	9	10	11	10	11	12	13	14	15							

1. **L**órii via Aurélia miliário Duodécimo ab Urbe; sancti Basilídis, mártiris.

2. In Ægýpto, sancti Onúphrii, anachorétæ, qui in vasta erémo sexagínta annos vitam religiÓse perégit.

3. Romæ apud sanctum Petrum, sancti Leónis papæ Tértii, qui Cárolo Magno, Francórum regi, corónam románi Impéríi cóntulit et rectæ fidei seu divínæ dignitáti Fílii Dei defendéndæ summópere dedit óperam.

4*. Ultraiécti in Gældria Lotharíngiæ, sancti Odúlphi, presbýteri, qui Frísios evangelizávit.

5*. In Suécia, sancti Eskílli, epíscopi et mártiris, qui, génere anglus, a sancto Sigfrído magistro suo epíscopus ordinátus, in Sudermánnia província multis labóribus pro Christo apud pagános impénse se trádídít, a quibus vero lapidátus est.

6*. Cortónæ in Etrúria, beáti Guidónis, presbýteri, qui, discípulus sancti Francísci, vitam duxit in ieiúniis, paupertáte et humilitáte.

7*. Prope Ocrá in Aprútio, beáti Plácidi, abbátis, qui primum eremíta in spelúnca, dein in monastério Sancti Spíritus discípulos congregávit.

8*. Tiférni Tiberíni in Umbria, beátæ Flóridæ (Lucrétíæ Hélenæ) Cevoli, vírginis ex Ordine Clarissárum, quæ, etsi córpore plagis affécta, munéribus ipsi commíssis indústria et álacris functa est.

9. Verónæ in Venétia, sancti Gásparis Bertóni, presbýteri, qui Congregatióem a Sacris Stigmátibus Dómini nostri Iesu Christi instítuit, cuius sodáles missionárii in obséqium episcopórum fierent.

10*. Capránicæ in agro Viterbiénsi prope Romam, beáti Lauréntii Maríæ a Sancto Francíscó Xavério Salvi, presbýteri e Congregatióne Passiόνis, qui erga Iesum infántem devótióem dístulit.

11*. Rivibámbæ in Æquatória, beátæ Mercédis Maríæ a Iesu Molina, vírginis, quæ religiósam communitátem cóndidit, cuius munus esset puéllas órphanas pauperésque recípere et institúere mulierésque lapsas vítiis erípere et in nova grátia vita confirmáre.

12*. Ragúsæ in Sicília Itáliæ, beátæ Maríæ Cándidæ ab Eucharístia Barba, vírginis ex Ordine Carmelitárum Discalceatárum, quæ summam vitæ consecrátæ et régulæ observántiam exhibuit et novis monastériis exstruéndis summópere consúluit.

Die 13 iúnii

Idibus iunii. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	1	2	3	4	5	6
A	B	C	D	E	F	G	H	I	K	L	M	N	P	Q	R	S	T	U
7	8	9	10	11	12	13	14	15	16	17	18	19	20	21	22	23	24	25

Memória sancti Antónii, presbýteri et doctóris Ecclésiæ, qui, Lusitánus patria, iam canónicus reguláris, Ordinem Minórum nuper fundátum iníit, ut ad propagándam fidem inter Africæ pópulos incúmbere, sed in Itália et Gállia prædicationis múnere magno cum fructu fungens, multos ad veram attráxit doctrínam; sermónes vero scripsit doctrína et suavitate perfúsos et de sancti Francísci mandáto fratres theológiam dócuit, donec Patávii ad Dóminum migrávit.

2. Via Ardeatina miliário séptimo ab urbe Roma, sanctæ Felículae, mártiris.

3. Alexandríæ in Ægýpto, beáti Achíllej, epíscopi, qui eruditióne, fide, conversatióne ac móribus fuit insígnis.

4. Leucósiae in Cypro, sancti Triphýllij, epíscopi, qui fidem orthodoxam nicénam strénue deféndit, disertíssimus ætátis suæ orátor et Cántici Canticórum mirus explanátor, ut refert sanctus Hierónymus.

5. In Aprútio, sancti Cethéi seu Peregríni, epíscopi Amiterníni, qui, Langobárdis regiónem pervadéntibus, de urbis proditione falso accusátus, morti addíctus in flumen demérsus est.

6. Alexandríæ in Ægýpto, sancti Eulógij, epíscopi, doctrína célebris, cui sanctus Gregórius papa Magnus plúrimas epístulas misit, de eo scribens: «Longe a me non est, qui mecum unum est».

7*. Apud Lemóvicum in Aquitánia, sancti Psalmódij, eremítæ.

8*. In finibus Lugdunénsibus in Gállia, sancti Ragnebérti, mártiris, qui, illústri génere ortus et nobílibus virtútibus ornátus, tam odiósus fuit Ebroíno magistro palátii, ut relegatióne tandémque nece afficéretur.

9*. In valle Arbústo in móntibus Pyrenáeis, sancti Aventíni, eremítæ et mártiris, qui a Mauris interféctus esse tráditur.

10. Córdubæ in Vandalícia Hispániæ regióne, sancti Fandílae, presbýteri et mónachi, qui in Maurórum persecutióne, Mohamédo Primo regnante, cápite obtruncátus est pro Christi fide.

11*. In monastério Claravallénsi in Burgúndia, beáti Gerárdi, mónachi, sancti Bernárdi fratris, qui, litterárum experts, magnam tamen in spiritalibus sagacitatem ac discrimen hábuit.

12. Apud Hunéum in Annámia, sanctórum Augustíni Phan Viêt Huy et Nicolái Búi Viêt Thê, mártýrum, qui, cum metu percúlsi crucem calcavissent, pœnam peccáti sui luéndi cúpidi statim ab imperatóre Minh Mạng petiérunt, ut dénuo véluti christiáni iudicaréntur, quaprópter vivi in navi secti ad cæléstia gáudia pervenérunt.

13*. In óppido *Naumowicze* apud Grodnam in Polónia, beátæ Mariæ Annæ Biernacka, matrisfámiliæ et mártýris, quæ in regímine occupatiónis in bello sponte pro prægnanti nuru milítibus se óbtulit et plumbis conféstim transfóssa gloriósam palmam martýrii excépit.

Die 14 iúnii

Décimo Octávo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	12	13	14	15	16	17							

1. Samaríæ seu Sebáste in Palæstína, commemorátio sancti Elisæi, qui, discipulus Elíæ, prophéta fuit in Israel témpore regis Ioram usque ad dies Ioas; etsi orácula non relíquit, tamen, mirácula pro ádvenis patrándo, salútem nuntiávit ómnibus homínibus adfutúram.

2. Aquiléiæ in Venétia, sancti Proti, mártýris.

3. Apud Suessiónem in Gállia Bélgica, sanctórum Valérii et Rufíni, mártýrum.

4*. Neápoli in Campánia, sancti Fortunáti, epíscopi.

5. Viénnæ in Burgúndia, sancti Æthérii, epíscopi.

6. Constantinópolis, sancti Methódii, epíscopi, qui, dum mónachus erat, pro

defensióne sacrárum Imáginum Romam se cóntulit apud Paschálem papam Primum et, ad episcopátum evéctus, orthodóxam fidem triumphántem sollémniter celebrávit.

7. Córdubæ in Vandalícia Hispániæ regióne, sanctórum mártýrum Anastásii, presbýteri, Felícis, mónachi, et Dignæ, vírginis, qui eódem die páriter ceciderunt. Anastásius, ante cónsules Mauros cristiánam fidem proféssus, gládio conféstim occísus est; cum eo et Felix, gétulus natióne, qui per Astúrias fidem cathólicam et monásticam conversatióne duxerat; Digna vero adulescéntula, quæ in eórum caede iúdicem veheménter reprehénderat, íllico decolláta est.

Die 15 iúnii

Décimo séptimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	13	14	15	16	17	18							

1. **C**ommemorátio sancti Amos, prophétæ, quem armentariúm Thécua et vellicántem sycomóros Dóminus ad filios Israel misit, ut iustítiam eius et sanctitátem vindicáret advérsus prævaricatiónes eórum.

2. Doróstori in Mœsia, sancti Hesýchii, qui, miles, cum beáto Iúlio comprehénsus, post eum, sub Máximo præside, martýrio coronátus est.

3. In Lucánia, sancti Viti, mártýris.

4. Arvérnæ in Aquitánia, sancti Abrahæ, mónachi, qui, ad Euphrátis flúvii litus ortus, ad visitádos eremítas in Ægýptum se cóntulit, sed, a pagánis deprehénsus, quinque annos in vínculis tentus est; deínde in Gálliam apud Arvérnos advénit, ubi in monastérium Sancti Cýrici secéssit et plenus diérum óbiit.

5. Crispínii in Hannónia, sancti Landelíni, abbátis, qui a sancto Autbérto epíscopo a latrocíniis ad virtútum exercítia convérsus Laubiénse cœnóbium fundávit posteaque Crispínium pétiit, ubi e vita discéssit.

6*. Ságii in Néustria, sancti Lothárii, epíscopi, qui, múnere depósito, solitárium mortem oppetiísse fertur.

7. Córdubæ in Vandalícia Hispániæ regióne, sanctæ Beníldis, mártiris, quæ, ætáte iam provécta, in Maurórum persecutióne occúbuit.

8. In monte Iove in Vallésia, sancti Bernárdi de Menthóne, presbýteri, qui, canónicus et archidiáconus Augústæ Prætóriæ, per multos annos inter summa Alpium iuga habitávit ibíque celebérrimum cœnóbium extrúxit et viatóribus hospítia in duóbus móntibus constitúit, quæ adhuc nómine eius celebrántur.

9*. Racebúrgi in Holsátia Germániæ, sancti Isfrídi, epíscopi, qui Canonicórum Præmonstraténsium mores servans Vendárum evangelizatióni óperam dedit.

10*. Londínii in Anglia, beáti Thomæ Scryven, mártiris, mónachi e Cartúsia huius civitátis, qui sub Henríco rege Octávo fidem Ecclésiæ servávit, quaprópter fame conféctus in cárcere corónam martýrii accépit.

11*. Eboráci item in Anglia, beatórum mátyrum Petri Snow, presbýteri, et Radúlphi Grimston, qui sub Elísabeth regína Prima cápite damnáti, alter quod sacerdos esset, alter quod eum a captóribus subrípere conátus esset, patíbuli supplícium passi sunt.

12. Pibráci in pago Tolosáno Gállia, sanctæ Germánae, vírginis, quæ, ignótis orta paréntibus et iam inde a puerítia servílem vitam infirmitatésque perpéssa, omne genus ærumnárum forti ánimo et hílari vultu tolerávit, donec vicésimo secúndo ætátis anno pie quiévit.

13*. Bérghi in Itália, beáti Aloýsii Mariæ Palazzolo, presbýteri, qui Congregatiónes Sorórum Pauperculárum atque Fratrum a Sancta Família instítuit.

14. In pago *Qianshengzhuang* apud urbem *Liushuitao* in província *Hebei* Sinárum, sanctæ Bárbaræ Cui Lianzhi, mártiris, quæ, cum fílius eius iam interféctus esset, salúte noctu fuga petíta, a christianórum hóstibus apprehénsa et sævíssime exercuciáta occúbuit.

Die 16 iúnii

Sextodécimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	14	15	16	17	18	19							

1. **I**n Asiae pártibus, commemoratio sanctórum Quírici et Iulíttae, mártýrum.
2. Vesontióne in Gállia Lugdunénsi, sanctórum Ferréoli et Ferrútii, mártýrum.
3. Nannétibus item in Lugdunénsi, sancti Similiáni, epíscopi, quem sanctus Gregórius Turonénsis magnum confessórem laudat.
4. Amathúnte in Cypro, sancti Tychónis, epíscopi, témpore Theodósii iunióris imperatóris.
5. Moguntiæ in Gállia Bélgica, sanctórum Aurei, epíscopi, Iustínae soróris eius, ac sociórum mártýrum, qui, dum Eucharístiam celebrábant, ab Hunnis éthnicis trucidáti esse ferúntur.
6. Lugdúni in Gállia, depositio sancti Aureliáni, epíscopi Arelaténsis, qui, a Vigílio papa vicárius in Gállia nominátus, duo monastéria, álterum viris, álterum féminis in civitáte sua eréxit, régulam eis tradens própriam.
- 7*. Carrárie in Etrúria, tránsitus sancti Cechárdi, epíscopi Lunénsis ac Sarzanénsis, qui, prope marmórum lapicídinas iníque a marmoráriis quibúsdam occísus, martyr reputátus est.
8. Misnæ in Saxónia, sancti Bennónis, epíscopi, qui, cum Ecclésiæ unitátem et Románo Pontífici fidelitátem serváre volúisset, a sede eiéctus exsílium perpéssus est.
9. In monastério moniálium Cisterciénsium Aquíriæ in Brabántia, sanctæ Lutgárdis, vírginis, devotióne erga sacrum Cor Dómini insígnis.

10*. Londínii in Anglia, beáti Thomæ Reding, mártiris, mónachi e Cartúsia huius civitátis, qui, Henríco Octávo rege, unitáti Ecclésiæ firmiter adhæsit, quaprópter in squalóre cárceris vínculis immóbilis constrictus, fame et morbo confectus óbiit.

11*. Ad áncoram in salo ante portum Rupifórtii in Gállia, beáti Antónii Constántis Auriel, presbýteri et mártiris, qui, vicárius parœciális Cadurcénsis, tempóribus gállicæ perturbatiónis propter sacerdotium in squálida navi inclúsus, mox morbo corréptus in conceptívis adiuvándis spíritum réddidit.

12. In urbe *Lăng Cốc* in Tunquíno, sanctórum mártirum Domínici Nguyễn, médici, Domínici Nhi, Domínici Mạo, Vincéntii et Andréæ Tuóng, agrícolarum, qui ínsimul ob christiánam fidem apprehénsi et in cárcere multis torméntis excrucíati, tandem decolláti sunt, sub imperátore Tỵ Đức.

13*. In pago *Ingenbohl* prope Swiciam in Helvétia, beátæ Mariæ Terésiae (Annæ Mariæ Catharínæ) Scherer, vírginis, quæ prima Soróres a Caritate Sanctæ Crucis gubernávit.

Die 17 iúnii

Quintodécimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	15	16	17	18	19	20							

1. **R**omæ via Salária Vétère ad Septem Palúmbas, sanctórum Blasti et Diógenis, mártirum.

2. Apollóniæ in Macedónia, sanctórum Isáuri, Innocéntii, Felícis, Hérmiæ, Peregríni et Basílii, mártirum.

3. Doróstori in Mœsia, sanctórum mártirum Nicándri et Marciáni, qui, mílites, donátivum respuéntes et sacrificáre diis firmiter recusántes, cápite damnáti sunt a Máximo præside in persecutióne Diocletiáni imperatóris.

4. Vesontióne in Gállia Lugdunénsi, sancti Antídii, epíscopi et mártiris, qui capitálem senténtiam sub Croco Vandalórum rege tráditur suscepísse.

5. In Bithýnia, sancti Hypátii, hegúmeni monastérii Rufinianórum, qui parca vita arctisque ieiúniis discípulos perféctam dócuit monásticæ conversatióni obœdiéntiam, sæculáres vero timórem Dei.

6*. In Británnia Minóre, sancti Hervæi, eremítæ, qui, ut fertur, claritáte solis iam a nativitáte orbátus, iucúnde tamen paradísi gáudia decantábat.

7. Aureliáni in Gállia, sancti Avíti, abbátis.

8. Pisis in Etrúria, sancti Rainérii, páuperis et peregríni pro Christo.

9*. Lorvánii in Lusitánia, sanctæ Teresiæ, quæ, Legionénsis regína et mater trium liberórum, post cóniugis mortem, in monastério ab ipsa cóndito sub disciplína Cisterciénsi vitam regulárem egit.

10*. Venétiis, beáti Petri Gambacorta, fundatóris Ordinis Eremitárum Sancti Hierónymi, cuius primi religiósi latrónes fuérunt ab ipso convérsi.

11*. Neápoli in Campánia, beáti Pauli Burali, ex Ordine Clericórum Regulárium Theátinórum, epíscopi primum Placéntiæ, dein Neápoli, qui ad Ecclésiæ disciplínam instaurándam et gregem ipsi commíssum in fide confirmándum se dedit.

12*. Ad Gállia litus in navi ad áncoram ante Rupifórtium, beáti Philíppi Papon, presbýteri Augustodunénsis et mártiris, qui, paróchus, témpore gállicæ perturbatiónis propter sacerdotium ad labem captivitátis detrúsus, cum concaptívum moribúndum absolvísset, ipse occúbuit.

13. In loco *Qua Linh* in Tunquíno, sancti mártiris Petri Đa, qui, faber lignárius et sacrísta, multis et diris torméntis tortus, firmus tamen in professiône fidei permánsit, dénique in flammis iniéctus occúbuit sub imperatóre Tỵ Đức.

Die 18 iúnii

Quartodécimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	16	17	18	19	20	21							

1. **R**omæ in cœmetério Balbínæ via Ardeatína, sanctórum Marci et Marcelliáni, mártýrum in persecutióne Diocletiáni imperatóris, quos eádem pássio fecit germános.

2. Tripoli in Phœnícia, sancti Leóntii mílitis, qui, acérba torménta in cárcere perpéssus, ad corónam martýrii pervénit.

3. In Africa, sanctórum Cyríaci et Paulæ, mártýrum.

4. Burdígalæ in Aquitánia, sancti Amándi, epíscopi, qui sanctum Paulínus Nolánus doctrína veritátis instítuit ac baptizávit, ab ipso sæpe laudátus.

5. In monte Chrónio apud Thermas Selinúntias in Sicília occidentáli, sancti Calógeri, eremítæ.

6. Schonáviæ in Rhenánia Germániæ, sanctæ Elísabeth, vírginis, monásticæ vitæ observántia célebris.

7*. Mántuæ in Langobárdia, beátæ Hosánnæ Andreasi, vírginis, quæ, hábitu Sorórum de Pæniténtia Sancti Domínici indúto, divinórum contemplatióne cum sæculáribus occupatióne et cura bonórum óperum mira sapiéntia coniúnxit.

8. Patávii in Venétia, sancti Gregórii Barbarigo, epíscopi, qui seminárium clericórum instítuit, catechésim púeros in eórum idiómate dócuit, sýnodum et collóquia cum clero hábuit, scholas plúrimas apéruit, liberális in omnes, in se autem sevérus.

Die 19 iúnii

Tértiodécimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	17	18	19	20	21	22							

Sancti Romuáldi, anachorétæ et monachórum Camaldulénsium patris, qui, a Ravénna oriúndus, vitam et disciplínam eremíticam áppetens, plures annos Itáliam peragrávit, párvula monastéria ædíficans et vitam evangélicam inter mónachos ubíque indeféssó ópere prómovens, donec in monastério Vallis Castri in Picéno Itáliæ labóres felíciter perfécit.

2. Medioláni in Ligúria, commemorátio sanctórum Gervásii et Protásii, mártýrum, quorum córpora sanctus Ambrósius réperit et in basilícam novam ab ipso ædificátam sollémni pompa hac die tránstulit.

3*. In monte Vósego in Burgúndia Austrásiæ, sancti Deódati, epíscopi Nivernénsis, qui monastérium in loco póstea Ípsius nómine appelláto condidísse tráditur.

4*. In Fiscámno monastério Néustriæ, sanctæ Childomárcæ, abbatíssæ, quæ sanctum Leodegaríum ab Ebroíno mutilátum benígne excépit et curávit.

5. Cæsaraugústæ in Hispánia, sancti Lambérti, mártýris.

6*. Cálataæ Hierónis in Sicília, translátio beáti Gerlándi, qui, eques Ordinis Sancti Ioánnis Hierosolymitáni, víduis et púeris paréntibus orbátis benéfico ánimo se dedit.

7. Floréntiæ in Etrúria, sanctæ Iuliánæ Falconieri, vírginis, quæ Soróres Ordinis Servórum Mariæ, propter religiónis hábitum Mantellátas nuncupátas, instituit.

8*. Pisáuri in Picéno Itáliæ, beátæ Michælinæ, víduæ, quæ ómnia bona sua paupéribus largíta est et, Tértii Ordinis Sancti Francísci hábitu indúto, panem mendícans vitam duxit húmílem et disciplína castigátam.

9*. Londínii in Anglia, beatórum mártýrum Sebastíani Newdigate, Humphrédi Middlemore et Guliélmi Exmew, presbyterórum e Cartúsia eiúsdem civitátis, qui, sub Henríco rege Octávo in cárcere cónditi quod fidéles Christi Ecclesiæ firmiter perseveravíssent, septem et decem dies colúmnis armíllis férreis vincti stantes, deínde Tybúrni suspéndii supplício martýrium consummavérunt.

10*. Ibídem, beáti Thomæ Woodhouse, presbýteri e Societáte Iesu et mártiris, qui sub María regína Cathólica sacérdos ordinátus, dein in persecutióne Elisabeth regínæ Primæ duódecim ámplius annos propter fidem deténtus, ad concaptívos cum Ecclésia cathólica reconciliándos strénuam dedit óperam, donec Tybúrní in patíbulo martýrio coronátus est.

11. In vico *Wuyi* apud civitátem Scienscienénsem in Sinárum *Hebei* Provinciá, sanctórum Remígii Isoré et Modéstí Andlauer, presbyterórum e Societáte Iesu et mártirum, qui in persecutióne ab ásseclis factiόνis «Yihetuan» gesta, dum ante altáre orábant, occísi sunt.

Die 20 iúnii

Duodécimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	18	19	20	21	22	23							

1. **C**ommemorátio sancti Methódii, epíscopi Olympénsis et mártiris, qui nítidi et compósi sermónis líbros confécit et ad extrémum persecutiόνis Diocletiáni imperatóris martýrio coronátus est.

2*. In pago Laudunénsi Néustriæ, sancti Gobáni, presbýteri, qui in Hibérnia natus et in Anglia sancti Fusci discípulus efféctus, ob Christi amórem in Gálliam proféctus est et in silvis eremíticam duxit vitam.

3*. In monastério Sancti Iacóbi Fodiénsi in Apúlia, sancti Ioánnis de Matéola, abbátis, qui, austeritáte et prædicatióne apud pópulum conspícuus, in regióne Gargánica Congregatióne in Pulsanénsem sub observántia Régulæ sancti Benedícti instítuit.

4*. In monastério Medingeáno in Bavária, beátæ Margarítæ Ebner, vírginis ex Ordine Prædicatórum, quæ multas afflictiónes pro Christo perpétuens vitam sibi salutárem duxit, ómnibus spectábilem ac Deo gratam, atque de re mýstica plura scripsit.

5*. Eblánæ in Hibérnia, pássio beáti Dermítii O’Hurley, epíscopi et mártiris, qui, iurisperítus láicus ex voluntáte Gregórii papæ Décimi Tértii epíscopus Cassiliénsis factus, sub Elísabeth regína Prima plures menses interrogátus et tortus calúmnia constánter réspuit et ante patíbulum in loco *Hoggen Green* eréctum se propter fidem cathólicam et episcopále munus moritúrum declarávit.

6*. Ibídem commemorátio beátæ Margarítæ Ball, mártiris, quæ, vídua effécta, cum domi accepísset plures sacerdótes inquisítos, ipso filio indicánte, comprehénderi iussa est et post vária génera molestiarum in cárcere die non trádito septuagenária óbiit.

7*. Nagasákii in Iapónia, beatórum mártirum Francísci Pacheco, presbýteri, et sociórum octo,⁴ e Societáte Iesu, qui in ódium fidei ad ignem damnáti sunt.

8*. Londínii in Anglia, beatórum mártirum Thomæ Whitbread et sociórum Guliélmi Harcourt, Ioánnis Fenwich, Ioánnis Gavan et Antónii Turner, presbyterórum e Societáte Iesu, qui, coniuratiónis in mortem Cároli regis Secúndi calumnióse accusáti, pro regno cælórum Tybúrne martýrium complevérunt.

Die 21 iúnii

Undécimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	19	20	21	22	23	24							

Memória sancti Aloýsii Gonzaga, religiósi, qui, princípum stirpe natus et innocéntia vitæ claríssimus, avíto principátu in fratrem transmísso, Societáti Iesu Romæ se adiúnxit, at, víribus fractus in morbo pestilénti contaminátis assidéndo, adhuc aduléscens mortem oppétiit.

2*. Gaeli in Británnia Minóre, sancti Mevénni, abbátis, qui, ex Cábria ortus, in silvam Armóricæ interiórís recéssit ac monastérium cóndidit.

3. In pago Ebroicénsi Néustriæ, sancti Leutfrídi, abbátis, qui monastérium Sanctæ Crucis cóndidit, cui annos circiter quadragínta et octo præfuit.

4*. Biturígis in Aquitánia, sancti Radúlphi, epíscopi, qui, de vita sacerdotáli sollicitus, cum presbýteris Ecclésiæ ipsi commíssæ capítula e sanctórum Patrum et cánonom senténtiis ad usum pastorálem collígere curávit.

5*. Oscæ in Aragónia, sancti Raymúndi, qui, ex canónico regulári epíscopus Roténsis et Barbastrénsis efféctus, numquam inimícos nóminis christiáni manu militári debelláre vóluit, quaprópter tres annos a sede sua expúlsus est.

6*. Urbevéti in Túsia, beáti Thomæ, religiósi ex Ordine Servórum Mariæ.

7. Londínii in Anglia, sancti Ioánnis Rigby, mártiris, qui sub Elísabeth regína Prima Londínii deprehénsus et cápite damnátus, eo quod Ecclésiæ se cathólicæ reconciliavísset, Southvárci láqueo suspénsus est et adhuc vivens exenterátus.

8*. In navi ad áncoram deligáta in alto apud Rupifórtium in Gállia beáti Iacóbi Morelle Dupas, presbýteri et mártiris, qui, ad víncula damnátus quad ministérium parœciále in pago Pictaviénsi témpore gállicæ perturbatiónis exercuísset, sevérus in se, in céteros vero dulcis inédia consúptus óbiit.

9. In pago *Zapotlanejo* in México, sancti Ioséphi Isabel Flores, presbýteri et mártiris in témpore magnæ persecutiónis.

Die 22 iúnii

Décimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	20	21	22	23	24	25							

Sancti Paulíni, epíscopi, qui, baptísimo Burdígalæ recepto et consulatu relícto, ex nobilíssimo et opulentíssimo factus est pro Christo pauper et húmilis et, Nolam in Campánia apud sancti Felícis presbýteri sepúlcrum migrátus, ut eius exémplum vitæ ex propínquo sequerétur, ascéticam exégit conversatióem cum uxóre et sóciis; epíscopus vero efféctus, eruditiónem et sanctitáte clarus, peregrínos adiúvit et míseros studióse sublevávit.

Sanctorum Ioannis Fisher, episcopi, et Thomae More, martyrum, qui, cum Henrico regi Octavo in controversia de eius matrimonio repudiando et de Romani Pontificis primatu restitissent, in Turrem Londinii in Anglia trusi sunt. Ioannes Fisher, episcopus Roffensis, vir eruditione et dignitate vitae clarissimus, hac die iussu Ipsius regis ante carcerem decollatus est; Thomas More vero, paterfamilias vita integerrimus et praeses coetus moderatorum nationis, propter fidelitatem erga Ecclesiam catholicam servatam sexta die iulii cum venerabili antistite martyrio coniunctus est.

3. Romae, commemoratio sancti Flavii Clementis, martyris, qui a Domitiano imperatore, quocum consulatum gesserat, nomine deorum negatoris, revera ob Christi fidem interemptus est.

4. Verulamii in Britannia, sancti Albani, martyris, qui, ut narratur, nondum baptizatus, pro clerico hospite, quem domi suscepit et a qua christianae fidei praecipis imbutus erat, seipsum commutata veste tradidit; quam ob rem, post verbera et acerbissima tormenta capite truncatus est.

5. Legionis in Britannia Minore, sanctorum iulii et Aaronis, martyrum, qui post sanctum Albanum in persecutione Diocletiani imperatoris passi sunt; qua tempore ibidem plurimi, diversis cruciatibus torti et saevissime lacerati, ad supernae civitatis gaudia, consummato agone, pervenerunt.

6. Doliche in Syria, sancti Eusebii, Samosateni episcopi, qui, tempore Constantii imperatoris ariani, sub habitu militari incognitus Ecclesiae Dei visitabat, ut in fide catholica illas confirmaret; deinde, sub imperatore Valente, in Thraciam relegatus est, sed, reddita Ecclesiae pace, tempore imperii Theodosii ab exilio revocatus, tandem, cum iterum Ecclesiae visitaret, confracto capite ex tegula ab ariana muliere desuper in eum immissa, martyr occubuit.

7. Commemoratio sancti Nicetae, episcopi Remesianae in Dacia, quem carmine sanctus Paulinus Nolanus laudat, quod barbaros oves factos Evangelium edocuisset atque in pacis caulas duxisset et quondam imperiti ac latrones Christum corde romano resonare didicissent.

8*. Romae in Laterano, beati Innocentii papae Quinti, qui, ex Ordine Praedicatorum, sacram theologiam Parisiis docuit et, sedem episcopalem Lugdunensem invito

adéptus, una cum sancto Bonaventúra Concílium Œcuménicum pro unióne inter Latínos et Græcos seiúctos moderátus est; dein, ad Petri cáthedram evéctus, pérbreui témpore munus Pontíficis explévit, Ecclésiæ Románæ pótius osténsus quam datus.

Die 23 iúnii

Nono Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

1. **C**ommemorátio plurimórum sanctórum mártýrum Nicomedíæ, qui, témpore Diocletiáni imperatóris in móntibus et spelúncis laténtes, pro Christi nómine martýrium æquo ánimo tulérunt.

2. In monastério Eliénsi in Anglia orientáli, sanctæ Ediltrúdis, abbatíssæ, quæ, fília regis et ipsa regína Northúmbriæ, bis núptiis posthábitis, a sancto antístite Wilfrído sanctimoniálium velum accépit in monastério ab ipsa cóndito, cui exémples et mónitis vírginum perplúrium mater præfuit.

3*. Dariórigi in Británnia Minóre, sancti Bílii, epíscopi et mártýris, qui a Normánnis civitátem vastántibus interféctus esse tráditur.

4*. Pápiæ in Langobárdia, beáti Lanfránci, epíscopi, qui, vir pacíficus, pro pace et concórdia in civitáte fovéndis multa passus est.

5*. Onháyre in Hannónia, sancti Walhéri, presbýteri, qui, dum Mosam traiciébat, a nepóte suo presbýtero, cuius mores redarguébat, Remígii tonsa mactátus esse tráditur.

6*. Oignáci item in Hannónia, beátæ Mariæ, quæ, mýsticis donis prædita, sponso consentiente, in cella vixit reclúsa et institútum «beghinárum» creávit atque ordinávit.

7*. In erémo Vallismanénsi in Picéno Itáliæ, beáti Petri Iacóbi de Pisáuro, presbýteri ex Ordine Eremitárum Sancti Augustíni.

8. Londínii in Anglia, sancti Thomæ Garnet, presbýteri e Societáte Iesu et mártiris, qui in Collégio Anglórum Vallisoletáno ordinátus et in Angliam revérsus, bis in cárcerem trusus, sub Iacóbo rege Primo Tybúrne patíbulum passus est.

9. Augústæ Taurinórum in Itália, sancti Ioséphi Cafasso, presbýteri, qui levítis pietáte et sciéntia augéndis atque míseris in carcéribus deténtis vel étiam cápite damnátis Deo conciliándis se trádídít.

10*. Alátrii in Látio Itália, beátæ Mariæ Raphaélæ (Sanctínae) Cimatti, vírginis, e Soróribus a Misericórdia pro infirmis, quæ vitam egít occúltam et húmílem, urbána caritaté constantíque cura óperam suam in ægrótos præsértim et páuperes cónferens.

Die 24 iúnii

Octávo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
28	29	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	22	23	24	25	26	27							

Sollémnitas Nativitatis sancti Ioánnis Baptístæ, Præcursóris Dómini, qui iam in útero matris, Spíritu Sancto replétæ, exsultávit gáudio ad humánæ salútis advéntum cuiúsque ipsa natívitas Dóminum Christum prophetávit; et tanta grátia refúlsit in eo, ut ipse Dóminus de illo díceret néminem maiórem inter natos mulierum Ioánnē Baptísta.

2. Romæ ad Septem Palúmbas via Salária Vétère, sanctórum Ioánnis et Festi, mártýrum.

3. Augustodúni in Gállia Lugdunénsi, sancti Simplicii, qui nóbilis et devótæ stirpis, honestíssimæ cóniugis societáte castíssime vivens, ad episcopátum eléctus est.

4. In vico Cristólio territórii Parisiénsis, pássio sanctórum Agoárdi et Agilbérti aliorúmque multórum, mártýrum.

5. Mechlínia in Brabántia, sancti Rumóldi, qui eremíta et martyr cólitur.

6. Láubii in Austrásia, sancti Theodúlfi, epíscopi et abbátis.

7*. Nannétibus in Británnia Minóre, sancti Gobárdi, epíscopi et mártiris, qui Missárum sollémnia cum pópulo célebrans in ecclésia cathedráli, dum «Sursum corda» canébat, impiórum Normannórum sagíttis confíxus cum plúrimis fidélibus occúbuit.

8*. Vestervígi in Dánia, sancti Theodgári, presbýteri, qui missionárius in hac regióne primam constrúxit ecclésiám lígneam.

9. In *Sichuan* Sinárum província, sancti Ioséphi Yuan Zaide, presbýteri et mártiris, in ódium fidei cristiánæ stranguláti.

10*. Guadalaxáræ in México, beátæ Maríæ a Guádalupe (Anastásiæ) García Zavala, vírginis, quæ Congregatiónis Ancillárum Sanctæ Margarítæ Maríæ et Páuperum fundátioni náviter intérfuit et sédula inter páuperes ægrotósque perégit ópera caritátis.

Die 25 iúnii

Séptimo Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
29	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	23	24	25	26	27	28							

1. **A**ugústæ Taurinórum in Ligúria, sancti Máximi, primi illíus sedis epíscopi, qui gentílium turbas patérno elóquio ad Christi fidem vocávit et cælésti doctrína ad præmium salútis diréxit.

2. Commemorátio sancti Prósperi Aquitáni, qui, in philosophía et lítteris instrúctus, cum cóniuge vitam íntegram et modéstam degit et, Massíliæ mónachus efféctus, advérsus Pelagiános sancti Augustíni doctrínam de Dei grátia deque dono perseverántiæ strénue deféndit atque Romæ sancti Leónis papæ Magni scriptóris múnere functus est.

3. Régii Lépidi in Æmília, sancti Prósperi, epíscopi.

4*. Mauriánæ in Sabáudia, sanctæ Tígridis, vírginis, quæ sancti Ioánnis Præcursóris cultum ibídem omni stúdio promóvit.

5*. Rossmárkæi in Scótia, sancti Molóchi seu Luáni, epíscopi.

6*. Iacæ in Hispánia Tarraconénsi, sanctæ Eurósiae, vírginis et mártiris.

7. Egmúndæ in Frísia, sancti Adalbérta, díaconi et abbátis, qui sanctum Willibrórdum in evangélica sedulitate adiúvit.

8*. In Británnia Minóre, sancti Salomónis, mártiris, qui, quámdiu rex gubernávit, episcopáles instituit sedes, monastéria amplificávit atque æquitatem servávit; regno vero dímisso, ab adversáriis in ecclésia obcæcátus et occísus est.

9. Guléti apud Nuscum in Campánia, sancti Guliélmi, abbátis, qui, e civitate Vercellénsi peregrínus et pauper pro Christi amóre factus, a sancto Ioáanne Materanénsi admónitus monastérium Montis Vírginis cóndidit sociósque sibi ascívit, quos alta sua spiritali doctrína erudívit, et plúrima ascetéria tam monachórum quam sanctimoniálíum in meridiánis Itáliæ regiónibus fundávit.

10*. In Cartúsia Repositórii in Sabáudia, beáti Ioánnis, cognoménto Hispáni, mónachi, qui pro moniálíbus Ordinis Cartusiáni institutiónes conscrípsit.

11*. Mariæ Verdæ in Borússia polónica, beátæ Dorotheæ Montaviénsis, quæ, vídua, in cella iuxta ecclésiám cathedrále reclúsa, assíduæ oratióni et pæniténtiæ perpétuo se dedit.

12*. Valle Guidónis in Gállia, beátæ Mariæ Lhuillier, vírginis et mártiris, quæ, inter Hospitalárias a Misericórdia excépta, témpore gállicæ perturbatiónis votis religiósís Ecclésiæ strénue fidélis, cápitis obtruncatióne occúbuit.

13. In urbe Nam Định in Tunquíno, sanctórum Domínici Henares, epíscopi ex Ordine Prædicatórum, et Francísci Đỗ Minh Chiểu, mártirum, quorum prior quadraginta novem annos fidem christíanam propagávit, alter vero, catechísta, cum eo sédulo operátus est; utérque sub imperatóre Minh Mạng pro Christo simul cápite obtruncáti sunt.

Die 26 iúnii

Sexto Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D		E	F	F	G	H	M	N	P						
20	21	22	23		24	25	24	25	26	27	28	29						

1. **R**omæ, commemoratio sanctorum Ioannis et Pauli, quorum nómini basilica dicata est in monte Cáelio ad clivum Scauri, in título Pammachii senatoris.

2. Tridenti in Venétia, sancti Vigílii, episcopi, qui, a sancto Ambrósio Mediolanénsi institutionis insígnibus cum instructióne pastoráli accéptis, opus evangelizatiónis in agro suo firmáre ac reliquias idololatriæ pénitus exstirpáre conátus est et pro Christi nómine, a feris homínibus percússus, martýrium implevísse tráditur.

3*. Nolæ in Campánia, sancti Deodáti, episcopi, qui sancto Paulíno succéssit.

4. In pago Pictaviénsi in Aquitánia, sancti Maxéntii, abbátis, virtútibus insígnis.

5. Thessalónicæ in Macedónia, sancti Dávidis, eremítæ, qui extra muros civitátis in célula reclúsus fere annos octogínta transégit.

6. Apud Valentiánam in Austrásia, sanctorum Salvíi, episcopi, et discípuli eius, qui ex Arvéro território in hanc regiónem pervenérunt et sub Winegárdo Dómino loci martýrium tulérunt.

7. Córdubæ in Vandalícia Hispániæ regióne, sancti Pelágii, mártiris, qui, tredécim annos natus, ob Christi fidem et castitátem servátas contra molles blandítias Maurórum regis ‘Abd ar-Rahman Tértii, eiúsdem iussu, forcípibus férreis membrátim cæsus martýrium suum glorióse consummávit.

8. Eugúbii in Umbria, sancti Radúlphi, episcopi, qui verbo prædicatiónis ínstitit et quidquid domésticis surrípere váluit expénsis pródigus in páuperes dispérsit.

9. Bellícii in Sabáudia, sancti Anthélmi, episcopi, qui mónachus Maióris Cartúsiaæ ædem magna nivis cópia dírutam restítuit; prior efféctus capítulum generále

convocávit et, in sedem episcopálem levátus, in corrigendis clericórum et optimátum móribus indeféssó stúdio et intrépida firmitáte enítuit.

10*. In actuária ante portum Rupifórtii áncoris deligáta in Gállia, beáti Raymúndi Petiniaud de Jourgnac, presbýteri et mártiris, qui, archidiáconus Lemovicénsis, témpore gállicæ perturbatiónis propter sacerdotium in inhumánis adiúctis deténtus est et ulcéribus pediculisque conféctus martýrium consummávit.

11*. Cameráci in Gállia, beatárum Magdalénæ Fontaine, Franciscæ Lanel, Terésiae Fantou et Ioánnæ Gérard, vírginum et mártirum, quæ, Fíliæ a Caritate, in ódium Ecclésiæ témpore gállicæ perturbatiónis cápite damnátæ, per ludíbrium coronátæ Rosário ad supplícium ductæ sunt.

12*. Tarvísii in Itália, beáti Andréæ Hyacínthi Longhin, epíscopi, qui in tempestátibus belli necessitatibus profugórum captivorúmque strénue subvénit et in angústiiis témporis sui singulári sollicitúdine iura deféndit operariórum, agricolárum omniúmque ínopum societátis.

13. In pago *Qianshengzhuang* apud urbem *Liushuitao* in Sinárum *Hebei* província, sancti Ioséphi Ma Taishun, mártiris, qui, médicus et catechísta, quamvis in persecutióne a fautóribus sectae «Yihetuan» patrátá ex eius família céteri a fide defecíssent, ságuine suo Christum testári máluit.

14. In pago *Jalisco* territórii Guadalaiarénsis in México, sancti Ioséphi Mariæ Robles, presbýteri et mártiris, qui, persecutióne erga Ecclésiám témpore perturbatiónis mexicánæ sæviénte, árbori suspénsus occúbuit.

15*. In silva *Birok* prope civitátem *Stradch* in pago Leopolitáno Ucráinæ, beatórum Nicolái Konrad, presbýteri, et Vladimíri Pryjma, qui, témpore regíminis Deo infénsi, per impávidam mortem spem resurrectionis Christi proclamavérunt.

16*. In vico *Sykhiv* item in pago Leopolitáno, beáti Andréæ Iščak presbýteri et mártiris, qui in eádem tempestáte ob Christi fidem plumbis interféctus est.

17. Romæ, sancti Ioséphi Mariæ Escrivá de Balaguer, presbýteri, qui Opus Dei et Societátem sacerdotálem Sanctæ Crucis fundávit.

Die 27 iúnii

Quinto Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	25	26	27	28	29	1							

Sancti Cyrílli, epíscopi et Ecclésiæ doctóris, qui, ad sedem Alexandrínam in Ægýpto eléctus, singulári pro cathólicæ fidei integritáte stúdio in Concílio Ephesíno dógmata de una in Christo eadémque persóna ac divína Vírginis Mariæ maternitáte dissérui.

2. Carthágine, sanctæ Guddénes, mártiris, quæ Rufini procónsulis iussu quater diversis tempóribus ecúleo et ungulárum laceratióne cruciáta, cárceris étiam squalóre diu afflícta, novíssime gládio cæsa est.

3. Córdubæ in Hispánia Báetica, sancti Zóili, mártiris.

4. Constantinópoli, sancti Samsónis, presbýteri, páuperum receptóris, qui valetudinárium fertur excitásse hortátu Iustiniáni imperatóris, quem a morbo sanáverat.

5. In castro Cainóno in pago Gállia Turonénsi, sancti Ioánnis, presbýteri, qui, britó génere, ob amórem divínium ab aspéctibus se hóminum cóhibens, párvulam oratórii cèllulam habébat ante vici ecclésiám.

6*. Medioláni in Langobárdia, sancti Ariáldi, diáconi et mártiris, qui insánis clericórum móribus simoniacórum et depravatórum fórtiter óbstitit et ob zelum erga domum Dei a duóbus cléricis atrócibus cruciátibus interféctus est.

7*. Cornéti prope Bobínium in Apúlia, beáti Benvenúti de Eugúbio, religiósi ex Ordine Minórum, qui per húmile ægrotórum servítium ad vitam Christi páuperis se conformávit.

8. In urbe *Nam Định* in Tunkuino, sancti Thomæ Toán, mártiris, qui, catechísta et missiónis *Trung Linh* curátor, pro Christo sub imperatóre Minh Mạng nova et sævíssima supplicia in cárcere passus est, ubi fame et siti conféctus óbiit.

9*. In pago Friburgénsi in Helvétia, beátæ Margarítæ Bays, vírginis, quæ, artem vestificæ in familia exércens, ad multiplicem próximi utilitatem totam se dedit numquam orationem néglens.

10*. Molínis in Gállia, beátæ Ludovicæ Terésiæ Montaignac de Chauvance, vírginis, quæ Piam Uniónem Oblatárum Sacri Cordis Iesu fundávit.

Die 28 iúnii

Quarto Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	26	27	28	29	1	2							

Memória sancti Irenæi, epíscopi, qui, ut scribit sanctus Hierónymus, ab infánte sancti Polycárpi Smyrnénsis discípulus fuit et apostolicórum témporum memóriam fidéliter custodívit; Lugdunénsis iam présbyter, sancto Pothíno epíscopo succéssit itémque glorióso martýrio coronátus esse fertur. De apóstolica traditióne multa dissérui, sed et advérsus háereses præcláros édidi libros ad fidem cathólicam defendéndam.

2. Alexandríæ in Ægýpto, sub Septímio Sevéro imperatóre, sanctórum mártýrum Plutáchi, Seréni, Heraclídis catechúmeni, Herónis Neóphyti altérius que Seréni, Heráidis catechúmenæ, Potamiœnæ et Marcéllæ, matris eius, qui omnes illústres Orígenis discípuli, álíi per gládium, álíi per ignem Christum conféssi sunt; inter quos præcípuè enítuit Potamiœna virgo, quæ primum innúmeros agónes pro virginitáte consérui, ad últimum inaudíta torménta pro fide passa est et una cum matre igne consúmpta.

3. Romæ, sancti Pauli papæ Primi, qui, mitis et valde miséricors, nocte cellas páuperum infirmórum siléntio circumiébat, illis minístrans alimónia; orthodoxæ fidei defénsor, Constantíno et Leóni Augústis scripsit, ut in prístinum veneratiónis statum sacre Imáginis restitueréntur; sanctorúmque sédulus cultor de díutis cœmetériis mártýrum córpora cum hymnis et cánticis intra urbem per títulos et monastéria constitúit studúitque honoráre.

4. Córdubæ in Vandalícia Hispániæ regiône, sancti Argimíri, mártiris, qui, mónachus, in Maurórum persecutióne, Mohamédo Secúndo regnante, cum iam ætáte provéctus a iúdice Christum negáre iussus esset, sed perseveránte in confessiône fidei remaneret, ecúleo vivens impósitus enséque transfóssus est.

5*. Hasúngae in Hássia, sancti Heimerádi, presbýteri et eremítæ, qui, e claustro eiéctus et multis despéctui ludibrióque hábitus, tamen longe latéque pro Christo peregrinátus est.

6. Londínii in Anglia, sancti Ioánnis Southworth, presbýteri et mártiris, qui, cum sacerdotium in Anglia profiteretur, plúries cárcerem et exsílum passus est; demum sub regímine Olivérii Cromwell cápite damnátus, parátum Tybúrni láqueum conspiciens exclamávit se patíbulum ut Christi crucem habére.

7. Lúere in Langobárdia, sanctæ Vincéntiæ Gerosa, vírginis, quæ Institutum Sorórum a Caritáte una cum sancta Bartholomæa Capitánio fundávit.

8. In vico *Wanglajia* apud *Dongguangxian* in *Hebei* Sinárum província, sanctárum mártirum Lúciæ Wang Cheng, Mariæ Fan Kun, Qi Yu et Mariæ Zheng Xu, quæ, puéllæ in orphanotrophío educatæ, in persecutióne sectatórum «Yihetuan», iunctis inter se mánibus, lætæ quasi ad núptias progredérunt ferro periérunt.

9. In loco *Jieshuiwang* apud urbem *Shenxian* in eádem província, sanctæ Mariæ Du Zhaozhi, mártiris, quæ mater sacerdotis e fuga revérta, Christi fidem pródere nolens, hóstium secúri æquo ánimo cervícem subiécit.

10*. In civitaté *Drohobych* in Ucráina, beatórum Severiáni Baranyk et Ióachim Senkivskyj, presbyterórum ex Ordine sancti Iósaphat et mártirum, qui in persecutióne erga fidem per martýrium Christi victóriæ partícipes facti sunt.

Die 29 iúnii

Tértio Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	27	28	29	1	2	3							

Sollémnitas Sanctórum Apostolórum Petri et Pauli. Simon, fílius Iona et Andréæ frater, primus inter discípulos Iesum conféssus est Christum, Fílium Dei vivi, a quo Petrus vocátus est. Paulus vero, Apóstolus géntium, Iudáeis et Græcis Christum crucifixum prædicávit. Ambo in fide et dilectióne Iesu Christi Evangélium in urbe Roma nuntiavérunt et sub Neróne imperatóre mártires occubuérunt: prior, ut fert tradítio, cruci verso cápíte affixus et in Vaticáno iuxta viam Triumphálem sepultús, alter gládio animadvérsus et via Ostiénsi confóssus; quorum triúmphum hac die totus Orbis pari honóre et veneratióne célebrat.

2. Génuæ in Ligúria, sancti Syri, qui epíscopus cólitur.

3. Nárníæ in Umbria, sancti Cássii, epíscopi, qui, ut refert sanctus Gregórius papa Magnus, cotidie Deo hóstias placatiónis offerébat totus in lácrimis díffluens et, quæ habébat, cuncta ut stipem largiebátur demum, natalício Apostolórum die, quo síngulis annis Romam veníre consuéverat, cum Missárum sollémnia in sua civitáte celebrásset et corpus Dómini ómnibus ministravísset, migrávit ad Dóminum.

4*. Gurci in Carinthia, sanctæ Hemmæ, quæ, comitíssa, quadragínta annos in viduitáte vixit et magnas opes paupéribus atque Ecclésiæ largíta est.

5*. In freto ponti ínsulam Maióricam prospiciénte, beáti Raymúndi Lulli, religiósi e Tértio Ordine Sancti Francísci et mártiris, qui, vir exímíæ sciéntiæ et illuminátæ doctrínæ, ad propagándum Christi Evangélium fratérnum cum Saracénis instaurávit colloquium.

6. In pago *Xiaoliyyi* apud *Shenxian* in *Hebei* Sinárum província, sanctórum mártirum Pauli Wu Juan eiúsque filii Ioánnis Baptístæ Wu Mantang et nepótis Pauli Wu Wanshu, qui in persecutióne sectatórum «Yihetuan», cum christiános se conféssi essent, simul martýrio coronári meruérunt.

7. In pago *Dujiadun* item apud *Shenxian*, sanctárum Mariæ Du Tianshi eiúsque filię Magdalénæ Du Fengju, mártirum, quæ in eádem persecutióne, ex arundinéto, quo se abdíderant, sublátæ, ob christiánum nomen occubuérunt, áltera adhuc spirans in sepúlcrum coniécta.

Die 30 iúnii

Prídie Kalendas iúlii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	28	29	1	2	3	4							

Sanctorum protomartyrum Sanctæ Románæ Ecclesiæ, qui de Urbis Incendio accusati diversis suppliciis a Nerone imperatore sævissime interfici iussi sunt; alii enim ferarum tergis contecti laniatibus canum exposti sunt, alii crucibus affixi aliique incendio traditi, ut, ubi defecisset dies, nocturna lumina deservirent. Erant hi omnes Apostolorum discipuli et primitiæ martyrum, quas Romána Ecclesia transmisit Dómino.

2. Alexandriæ in Ægýpto, sancti Basilidis, qui, sub Septímio Sevéro imperatore, cum sanctam Potamiœnam vírginem, quam ad supplicium ducébat, ab impudicorum hóminum petulantia tutatus esset, religiôsi officii mercédem recépit; nam ipse, eius precibus ad Christum convérsus et brevi agóne certans, martyr gloriósus effectus est.

3. Lemóvici in Aquitánia, sancti Martialis, epíscopi.

4*. Cenómani in Néustria, sancti Bertichrámmi, epíscopi, pastóris pacífici et paupéribus monachisque inténti.

5*. Salisbúrgi in Bavária, sanctæ Erentrúdis, primæ abbatíssæ monastérii Nonneburgénsis et sancti Rupérti nepótis, cuius prædicatióem oratióne et labore adiúvit.

6. Salanícæ in território Vicentíno, sancti Theobáldi, presbýteri et eremítæ, qui, ex Campániæ gállicæ comítibus, cum amíco Gualtério honóribus et divítiis peregrinatiónes pro Christo paupertátem et solitúdinem prætulit.

7. Nitrávæ ad Vagum flumen apud montes Carpátes, tránsitus sancti Ladislái, qui, rex Hungáriæ, in domínio suo leges christiánas a sancto Stéphano edíctas restítuit, mores emendávit, ipse virtútum exémpa præbens, atque in Croátia, Hungárico regno coniúcta, de christiána fide propagánda strénue laborávit et Zagábriæ sedem episcopálem cóndidit. Dum vero Bohémis bellum inferébat, óbiit et corpus eius póstea Varadíni in Transilvânia depósitum est.

8. Bambérgæ in Francónia, sancti Othónis, epíscopi, qui Pomerános summo zelo evangelizávit.

9*. Osnabrúgi in Saxónia, sancti Adólphi, epíscopi, qui Cisterciénses consuetúdi-
nes in monastério Altencampénsi suscepit.

10*. Londínii in Anglia, beáti Philíppi Powell, presbýteri ex Ordine Sancti Benedícti
et mártiris, qui, género cambriénsis, sub Carólo rege Primo in navi captus quod
sacérdos esset et Angliam péteret, Tybúrne ad patíbuli cruciátus ductus est.

11*. Neápoli in Campánia, beáti Ianuárii Maríæ Sarnelli, presbýteri e Congregatióne
Sanctíssimi Redemptóris, qui ad omne genus miserórum adiuvándum actuóse
incúbuit.

12. In urbe Hái Duong in Tunkuino, sancti Vincéntii Đỗ Yén, presbýteri ex Ordine
Prædicatórum et mártiris, qui sub imperatóre Minh Mạng in ódium christiánæ fidei
decollátione périit.

13. In pago *Chendun* apud *Jiaohe* Provinciæ *Hebei* in Sinis, sanctórum Raymúndi
Li Quanzhen et Petri Li Quanhui, mártirum, qui, fratres, in persecutióne a fautoribus
sectæ «Yihetuan» confécta præclárum testimónium Christo dedérunt: alter enim ad
ethnicórum templum perductus commentícia númina excólere rénuít et verberátus
occúbuit, alter vero haud minóre crudelitáte interféctus est.

14*. Leópoli in Ucráina, commemorátio beáti Zenónis Kovalyk, presbýteri e
Congregatióne Sanctíssimi Redemptóris et mártiris, qui, témpore regímínis in Deum
hostílis, ignóto die huius mensis gloriósam palmam adipísci méruit.

15*. Vinnipégæ in Manitóba Canadénsi Provinciá, beáti Basílii Velyčkovskyj,
epíscopi Ecclésiæ græcocat'hólicæ Ucráinæ et mártiris, qui, ob munus clandestíne
exércitum inter christifidéles cathólicos Ritus byzantíni multa a persecutóribus fidei
in pátria crudéliter perpéssus, Christi sacrificio sociátus, exsul occúbuit.

¹ Quorum nomina: sancti Zacharías presbyter, Vetius Epagatus, Macarius, Asclibiades, Silvius, Primus, Ulpus, Vitális, Comminus, October, Philomenus, Geminus, Iulia, Albina, Grata, Æmília, Potamia, Pompeia, Rodana, Biblis, Quartia, Materna, Helpis, Sanctus diáconus, Matúrus neophytus, Attalus Pergamenus, Alexánder Phrygius, Ponticus, Istus, Aristeus, Cornelius, Zosimus, Titus, Iulius, Zoticus, Apollonius, Geminianus, Iulia áltera, Ausona, Æmília áltera, Iamnica, Pompéia áltera, Domna, Iusta, Trophima, Antónia.

² Quorum nomina: sancti Mbaya Tuzinde, Bruno Seronuma, Iacobus Buzabaliao, Kizito, Ambrósius Kibuka, Mgagga, Gyavira, Achilles Kiwanuka, Adolphus Ludigo Mkasa, Mukasa Kiriwanvu, Anatolius Kiriggwajjo, Lucas Banabakintu.

³ Quorum nomina: sancti Vintrungus et Gualtérius, presbýteri; Amundus, Sevibaidus et Bosa, diáconi; Vaccarus, Gundecarus, Ellurus et Atevulfus, mónachi.

⁴ Quorum nomina: beáti Balthasar de Torres et Ioánnes Baptísta Zola, presbýteri; Petrus Rinsei, Vincentius Kaun, Ioánnes Kisaku, Paulus Kinsuke, Míchæl Tozo et Gasparus Sadamatsu, religiói.

IULIUS

Die 1 iúlii

Kaléndis iúlii. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	30	29	1	2	3	4	5							

1. **C**ommemoratio sancti Aaron, de tribu Levi, qui a Móyse fratre óleo sacro unctus est sacerdos Véteris Testaménti et in monte Hor depósitus.

2. Viénnæ in Gállia Lugdunénsi, sancti Martíni, epíscopi.

3. In monastério Bebronnénsi in pago Gállia Lugdunénsi, sancti Domitiáni, abbátis, qui primus illic eremíticam vitam exércuit et, cum plúrimos illuc in Dei servítium congregásset, tandem cælo inténtus in senectúte bona e sáeculo migrávit.

4. In território Néustriæ Reménsi, sancti Theodórici, presbýteri, discípuli sancti Remígii epíscopi.

5. Engolísmae in Aquitánia, sancti Epárchii, presbýteri, qui annos trigínta et novem in reclusióne explévit, soli oratióni déditus, discípulos suos docens: «Fídes famem non timet».

6*. In Británnia Minóre, sancti Golvéni, epíscopi, qui post vitam solitáriam sancto Paulo Leonénsi successísse fertur.

7*. In monastério Annínsulæ in pago Gállia Cenomanénsi, sancti Cariléfi, abbátis.

8*. Londínii in Anglia, beatórum Geórgii Beesley et Montfórdi Scott, presbyterórum et mártýrum, qui, sub Elísabeth regína Prima propter sacerdotium cápite damnáti, per acérba torménta ad palmam martýrii pervenérunt.

9*. Ibídem, beáti Thomæ Maxfield, presbýteri et mártiris, qui, sub Iacóbo rege Primo, cápite damnátus quod sacerdos in Angliam venisset, supplícium súbiit in Tybúrne patíbulo flóribus sero, ex insígni adstántium fidélium erga eum pietáte.

10. Ibídem, sancti Olivérii Plunkett, epíscopi Armacháni et mártiris, qui, sub Cárolo rege Secúndo proditionis falso insimulátus et cápite damnátus, in conspéctu adstántis multitudínis ante patíbulum, inimícis ignóscens, firmiter Cathólicam fidem ad últimum proféssus est.

11*. In salo ante Rupifórtium ad oram Gálliae, beatórum Ioánnis Baptístæ Duverneuil, ex Ordine Carmelitárum Discalceatórum, et Petri Arédii Labrouhe de Laborderie, canónici Arvéni, presbyterórum et mártirum, qui, gállica perturbatióne sæviénte, simul propter sacerdotium in navi servitútis deténti, morbo confécti perierunt.

12*. Vallétæ in ínsula Meliténsi, beáti Ignátii Falzon, qui, cléricus, in oratióem et christiánæ doctrínæ institutióem incúbuit, magnam præstans curam pro milítibus nautisque assidéndo, ut ad fidem cathólicam pervenírent, ántequam in bellum proficiscerentur.

13. In vico *Zhuhedian* apud *Jieshui* in Hunanénsi Sinárum província, sancti Zhang Huailu, mártiris, qui in persecutióne sectatórum «Yihetuan» adhuc catechúmenus sponte se christiánum proféssus est et, signo crucis múnitus, próprio ságuine in Christo mérui baptizári.

14. In vico *Rancho de las Cruces* pagi Guadalaíarénsis in México, sanctórum Iustíni Orona et Atiláni Cruz, presbyterórum et mártirum, qui in persecutióne mexicána ob Christi regnum simul enecáti sunt.

15*. Prope Monáchium Baváriæ in Germánia, beáti Ioánnis Nepomucéni Chrzan, presbýteri et mártiris, qui, polónus natióne, témpore belli, intra castra detentiónis Dacháni in fide defendénda coram persecutóribus passióem complévit.

Die 2 iúlii

Sexto Nonas iúlii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

1. **R**omæ in cœmetério Dámasi via Aurélia miliário secúndo, sanctórum Procéssi et Martiniáni, mártýrum.
2. Commemorátio sanctórum mártýrum Liberáti, abbátis, Bonifátii, diáconi, Servi et Rústici, subdiaconórum, Rogáti et Séptimi, monachórum, et Máximi púeri, qui Carthágine in persecutióne vandálica sub Hunneríco rege ariáno, pro confessiône catholicæ fidei et únici baptísmatis defensióne diris suppliciis exagitáti, demum super ligna, quibus concremáti erant, clavis confixi, remórum véctibus percússi et comminútis cérebris enecáti, speciósus cursum certáminis sui, coronánte Dómino, perfecérunt.
3. Turónis in Néustria, sanctæ Monegúndis, Deo sacrátæ, quæ, pátria parentibúsq; desértis, soli oratióni vacávit.
4. Vintóniæ in Anglia, sancti Swithíni, epíscopi, austeritáte et dilectiône páuperum præclári, qui multas cóndidit ecclésiás, quas semper pédibus ambulándo visitávit.
- 5*. Sétiae in Látio, sancti Lidáni, abbátis et monastérii loci fundátoris, qui ópera monachórum ex paludósa infestatióne circumiéta liberáre stúduit.
- 6*. Villæ Nówæ prope Aveniónem in Gállia, tránsitus beáti Petri de Luxembúrgo, epíscopi Meténsis, pæniténtiis ac oratióni semper inténti.
- 7*. Fabriáni in Picéno Itáliæ, commemorátio beatórum Ioánnis et Petri Becchetti, presbyterórum ex Ordine Eremitárum Sancti Augustíni, quos eádem conversatio vitæ magis quam ságuinis víncula coniúnxit.
8. Lyciæ in Apúlia, sancti Bernardíni Realino, presbýteri e Societáte Iesu, qui, caritáte et benignitáte clarus, mundánis honóribus posthábitis, captivórum infirmorúmque curæ pastoráli atque verbi ac pæniténtiæ ministério se dedit.
- 9*. Leódii in Bélgio, beátæ Eugéniae Joubert, vírginis e Congregatióne Sacræ Famíliæ a Sacro Corde, quæ in tradéndam puérulis cristiánam doctrínam incúbuit et, phthisi corrépta, Christum patiéntem amánter secúta est.

Die 3 iúlii

Quinto Nonas iúlii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

Festum sancti Thomæ, Apóstoli, qui céteris discípulis nuntiántibus Iesum surrexisse non crédidit, sed, cum Iesus ipse ei præbuit latus perforátum, exclamávit: «Dóminus meus et Deus meus». De qua fide índicos evangelizásse pópulos tráditur.

2. Laodicæe in Sýria, commemorátio sancti Anatólii, epíscopi, qui non solum religiósus viris, sed et philósophis admiránda scripta relíquit.

3. Bízycæ in Thrácia, sancti Memnónis centuriónis, mártiris, qui, tempóribus Diocletiáni et Maximiáni a sancto Sevéro ad fidem convérsus, cum eo atrócibus torméntis excruciátus, primus victor ábiit in cælum.

4. In Mœsia, commemorátio sanctórum Marci et Mociáni, mártirum, qui, cum idólis immoláre denegárent et Christum immo veheméntius confiteréntur, pro Christo cápite cæsi sunt.

5. Altíni in Venétia, sancti Heliodóri, epíscopi, qui, sancti Valeriáni Aquileiénsis magistério institútus, sodális fuit sanctórum Chromátii et Hierónymi primúsque sedem episcopálem huius civitátis ténuít.

6*. Constantinópolis, sancti Anatólii, epíscopi, qui orthodóxam fidem in duas Christi natúras in tomo sancti Leónis papæ ad Flaviánum expréssam proféssus est et in Concílio Chalcedonénsi profiténdam curávit.

7. Romæ apud sanctum Petrum, sancti Leónis papæ Secúndi, græca latináque linguis erúdití, paupertáti ac paupéribus amíci, qui tértium Concílium Constantinopolitánum suscepit.

8*. Tolósæ ad Garúnnam Gállia, sancti Raymúndi Gayrard, qui, scholárum magíster, uxóre orbátus caritátis opéribus studiósè incúbuit ac hospítium fundávit, dein inter canónicos basilicæ Sancti Saturníni ascítus est.

9. In urbe *Hung Yên* in Tunquíno, sancti Ioséphi Nguyễn Đình Uyên, mártiris, qui, catechísta, sub imperatóre Minh Mạng in ódium fidei christiánæ in cárcere óbiit.

10. In urbe *Vĩnh Long* in Cocincína, sancti Philíppi Phan Van Minh, presbýteri et mártiris, qui sub imperatóre Tự Đức pro Christo decollátionem cápitis perpéssus est.

11*. In óppido *Fuencarral* prope Matrítum in Hispánia, beátæ Mariæ Annæ Mogas Fontcuberta, vírginis, quæ pro puéllis instituendis et paupéribus ægrotisque assidéndo Congregatiónem Sorórum a Matre Divíni Pastóris fundávit.

12. In palúde apud vicum *Dongyangtai* prope *Shenxian* in *Hebei* Sinárum província, sanctórum Petri Zhao Mingzhen et Ioánnis Baptistæ Zhao Mingxi, mártirum, qui, fratres, in persecutióne ab ásseclis sectæ «Yihetuan» excitáta, salutis suæ immémores, dum mulíeres puerósque christiános fugiéntes tuebántur, ab inimícis necáti sunt.

Die 4 iúlii

Quarto Nonas iúlii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	3	3	4	5	6	7	8							

Sanctæ Elísabeth, quæ, Lusitanórum regína, in regum discórdiis componendis et in caritate erga páuperes admirábilis, cóniuge Dionýsio rege defúncto, vitam religiósam ampléxa est inter moniáles Tértii Ordinis Sanctæ Claræ in cœnóbio Stremóntii in Lusitánia ab ipsa cóndito, ubi ad Deum migrávit, dum filium et génerum reconciliáre conabátur.

2. In Africa, sancti Iucundiáni, mártiris.

3. In vico Vistíno pagi Bituricénsis in Aquitánia, sancti Lauriáni, mártýris.

4*. Cadúrcei in Aquitánia, sancti Floréntii, epíscopi, quem sanctus Paulínus Nolánus laudat húmílem corde, fortem in grátia dulcémque in verbo.

5*. Apud Línrones item in Aquitánia, sancti Valentíni, presbýteri et eremítæ.

6*. Blangíaci in pago Gállia Atrebaténsi, sanctæ Berthæ, abbatíssæ, quæ, in monastérium ab ipsa cónditum cum filiis Gertrúda et Deotíla ingrèssa, post áliquot annos in cellam se reclúsit.

7. Eréssi in Lesbo ínsula, tránsitus sancti Andréæ Creténsis, epíscopi Gortyniénsis, qui oratióibus, hymnis et cánticis laudes Deo singulári arte cécinit et Vírginem Dei Genetrícem immaculátam et in cælum assúptam exaltávit.

8. Augústæ Vindelicórum in Bavária, sancti Udalríci, epíscopi, mira abstinéntia, largitáte et vigilántia illústris, qui post quinquagínta annos in episcopátu nonagenárius óbiit.

9*. In monastério Altæ Cumbæ ad lacum Burgétum in Sabáudia, depositio beáti Bonifátii, epíscopi, qui, e stirpe regia, primum ábditus inter Cartusiános, dein ad sedem Bellicénsem, tandem Cantuariénsem evéctus, in gregis sui curam semper incúbuit.

10*. Floréntiæ in Etrúria, beáti Ioánnis de Vespiniáno.

11*. Dorcéstria in Anglia, beatórum mártýrum Ioánnis, cognoménto Cornélii, presbýteri in Societátem Iesu paulo ante admissi, Thomæ Bosgrave, Ioánnis Carey et Patrícii Salmon, laicórum, qui ipsi sacerdoti subvenérunt; omnes simul sub Elísabeth regína Prima martýrio Christum clarificavérunt.

12*. Eboráci item in Anglia, beatórum mártýrum Guliélmi Andleby, presbýteri, Henríci Abbot, Thomæ Warcop et Eduárdi Fulthorp, laicórum, qui, in eádem persecutióne propter fidelitátem erga Ecclésiám cápite damnáti, simul per patíbuli supplicia ad æténa præmia migravérunt.

13. Apud Hurónes in território Canadénsi, sancti Antónii Daniel, presbýteri e Societáte Iesu et mártýris, qui, Missa perfecta, ad fores Oratórii assístens in tutéla neophytárum ab inimícis éthnicis irrumpéntibus, sagíttis perfúsus et tandem igne combústus est. Cuius memória cum sóciis ágitur die undevicésima octóbris.

14*. Mauríaci ad montem Celtórum in Gállia, beátæ Catharínæ Jarrige, vírginis, quæ, sodális Tértii Ordinis Sancti Domínici, paupéribus ægrotisque adiuvándis præclára, témpore gállicæ perturbatiónis, omni ope sacerdótes a seditiósibus vestigatóribus deféndit et in cárcere inclúsos visitávit.

15. In urbe Hemceuvénsi in Hunanénsi Sinárum província, sancti Cæsídii Giacomantonio, presbýteri ex Ordine Minórum et mártiris, qui in persecutióne a fautoribus factiόνis «Yihetuan» patrátæ, dum Sanctíssimum Sacraméntum a satéllitum turba protégere conabátur, lapídibus óbrutus et línteo petróleo imbúto involútus igne occúbuit.

16*. Augústæ Taurinórum in Itália, beáti Petri Geórgii Frassati, qui, iúvenis in consociatióne laicórum catholicórum mílitans, in Societátem excitándam et caritátem erga páuperes ægrotósque exercéndam totum ánimum aláriter impéndit, donec parálysi fulmínea corréptus occúbuit.

17*• In campo exítii *Oświęcim* seu *Auschwitz* prope Cracóviam in Polónia, beáti Ioséphi Kowalski, mártiris, qui, témpore belli, cárceri propter Christum datus est, ubi cruciátibus afféctus martýrium consummávit.

Die 5 iúlii

Tértio Nonas iúlii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

Sancti Antónii Mariæ Zaccaria, presbýteri, qui ad reformándos fidélium mores Congregatióne Clericórum Regulárium Sancti Pauli seu Barnabitarum instítuit et Cremónæ in Langobárdia ad Salvatórem migrávit.

2. Rhégii iúlii in Calábria, sancti Stéphanii de Nicæa, epíscopi et mártiris.

3. Cyréne in Líbya, sanctæ Cypríllæ, mártiris, quæ, ut narrátur, in persecutióne Diocletiáni imperatóris ardéntes carbónes cum thure super manum pósitos diu tenuit,

ne prunas excutiendo thus obtulisse videretur; deinde, sævissime laniata, proprio decorata sanguine migravit ad Sponsum.

4. Commemoratio sancti Athanasii Hierosolymitani, diaconi Ecclesiæ Sanctæ Resurrectionis et martyris, qui a Theodosio monacho hæretico trucidatus est, eo quod eius impietatem exprobrasset et sanctam Synodum Chalcedonensem contra adversarios defendisset.

5. Item commemoratio sancti Dométii, cognomento Médici, eremite in monte *Quros* in Arménia.

6*. In monte Mirabili in Sýria, sanctæ Marthæ, matris sancti Simeónis Stylitæ iunióris.

7*. In monasterio Sanctæ Mariæ de Terréto prope Rhégium iúlii in Calábria, sancti Thomæ, abbátis.

8*. In monte Atho, sancti Athanasii, hegúmeni, húmilis et pacífici, qui in Magna Laura cænobiticam vivendi ratiónem instituit.

9*. Vexfórdire in Hibérnia, beatórum Matthæi Lambert, Robérti Meyler, Eduárdi Cheevers et Patrícii Cavanagh, mártýrum, qui, primus pistor, álíi vero náutici, propter fidelitatem Ecclesiæ Románæ servátam et auxílium cathólicis commodátum sub Elísabeth regína Prima suspénsi et exenteráti sunt.

10*. Oxónii in Anglia, beatórum mártýrum Geórgii Nichols, Richárdi Yaxley, presbyterórum, Thomæ Belson, ad sacerdotium destináti, et Humphrédi Pritchard, qui sub eádem regína cápíte damnáti, álíi quod sacerdótes in Angliam ingrési essent, álíi vero quod illos adiuvíssent, patíbuli subiérunt supplícia.

11. Prope vicum *Huangeryin* apud *Ningjinxian* Sinárum *Hebei* provinciæ, sanctárum Terésiæ Chen Jinxie et Rosæ Chen Aixie, vírginum et mártýrum, quæ, sorores, in persecutióne a sectatóribus «Yihetuan» gesta, ut virginitátis decus fidémque christiánam servarent, corruptelæ barbaræque persecutórum immanitati fórtiter obnixæ sunt et lanceárum íctibus transfóssæ.

Die 6 iúlii

Prídie Nonas iúlii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

Sanctæ Mariæ Goretti, vírginis et mártiris, quæ puerítiam transégit ásperam, matrem ádiuvans in domésticis negótiis et oratióne assidua, et duodécimo ætátis anno, castitátem contra aggressórem deféndens prope Neptúnum in Látio Itáliæ pugiónis íctibus confóssa enecáta est.

2*. Nicomedíæ in Bithýnia, sanctæ Cyríacæ, vírginis et mártiris sub Diocletiáno, quæ Tropææ in Calábria summa veneratióne cólitur.

3. Fésulis in Etrúria, sancti Rómuli, diáconi, qui primus civitátis martyr celebrátur.

4*. In Ægýpto, sancti Sisoës, cognométo Magni, eremítæ, exercítio vitæ monásticæ admódum insígnis.

5*. In Scótia, commemorátio sancti Palládii, epíscopi, qui, ex urbe Roma in Hibérniam missus, dum sanctus Germánu Autissiodorénsis apud Británnos errórem Pelágii impugnábat, ibídem óbiit.

6*. In território Armacháno in Hibérnia, sanctæ Monénnæ, abbatíssæ monastérii *Killeevy* ab ipsa fundáti.

7. Ad ripam Rheni flúminis, sancti Goáris, presbýteri, ex Aquitánia oriúndi, qui, epíscopo Trevirénsi favénte, hospítium et oratórium extrúxit, ut peregrínos susciperet eorúmque animárum salúti consúleret.

8*. In pago Condatiscénsi ad Iuram in Burgúndia, sancti Iusti, mónachi.

9. Londínii in Anglia, pássio sancti Thomæ More, qui die vigésima secunda iúnii una cum sancto Ioánnæ Fisher commemorátur.

10*. Ibídem, beáti Thomæ Alfield, presbýteri et mártiris, qui primum extórtus fidem catholicam abiurávit, sed in exsílum pulsus, pænítens in pátriam revértit et sub Elísabeth regína Prima, quod quamdam Apológiam pro catholicis distribuísset, Tybúrne patíbuli supplícium perpéssus est.

11*. Ad áncoram in alto ante Rupifórtium ad oram Gálliae, beáti Augustíni Ioséphi (Elíæ) Desgardin, mónachi ex Ordine Cisterciénsi et mártiris, qui, témpore gállicæ perturbatiónis, in ódium religiónis de monastério Septem Fóntium sublátus est et, in squálidam navem coniéctus, morbo corréptus in concaptívís ægrótis sustinéndis óbiit.

12*. Arausióne item in Gállia, beátæ Susánnæ Agathæ (Maríæ Rosæ) de Loye, vírginis ex Ordine Sancti Benedícti et mártiris, quæ, gállica perturbatióne sæviénte, prima ex turma trigínta duárum religiosárum e váriis Ordínibus et convéntibus in eódem cárcere congregatárum, in vita religiósa perseverávit et, in ódium nóminis cristiáni diébus sequéntibus cum áliis damnáta, ad patíbulum impávida accéssit.

13. In loco *Shuangzhong* apud *Jixian* in *Hebei* Sinárum província, sancti Petri Wang Zuolong, mártiris, qui in persecutióne sectatórum «Yihetuan», cum in idólium ductus Christi fidem abiuráre renuísset, palo suspénsus est.

14*. Romæ, beátæ Maríæ Terésíæ Ledóchowska, vírginis, quæ Afris servitúte oppréssis totam se trádidit et Sodalítium Sancti Petri Claver fundávit.

15*. Bonærópoli in Argentína, beátæ Nazáriæ a Sancta Terésia March Mesa, vírginis, quæ, in Hispánia nata et in Méxicum cum família immigráta, zelo missionário animáta totam se cóntulit ad evangelizándos páuperes in váriis Américæ latínæ natió nibus et Institutum Missionariárum Cruciatárum Ecclésiæ fundávit.

Die 7 iúlii

Nonis iúlii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

1. **C**ommemoratio sancti Pantæni Alexandríni, viri apóstolici et omni sapiéntia adornáti, cuius stúdiu et amor erga verbum Dei tantus fuísse tráditur, ut fide et devotióne succénsus ad Christi Evangéliu géntibus prædicándum proficiscerétur, quæ in longínquis Oriéntis secéssibus recondúntur, ac demum, Alexandríam revérsus, ibi, sub Antoníno Carácalla imperatóre, in pace quiévit.
2. Eboríaci in pago Meldénsi Aquitániæ, sanctæ Ædilbúrgæ, abbatíssæ monastérii Farénsis, quæ, regis Anglórum orientáliu filia, sevéra córporis abstinéntia perpetuáque virginitate glóriam Deo réddidit.
3. Vintóniæ in Anglia, sancti Heddæ, epíscopi Sáxonu occidentáliu, viri sapiéntia clari, qui e Dorcéstria in hanc civitátem sancti Biríni corpus tránstulit et sedem suam stabilívit.
4. Dryópoli in Francónia, sancti Willibáldi, epíscopi, qui, mónachus factus, per loca sancta multásque regiónés ad vitam monásticam instaurándam diu peregrinátus est, tandem sancto Bonifátio, a quo primus huius civitátis epíscopus ordinátus est, in ópere Germániæ evangelizándæ subvénit et multas convértit ad Christum gentes.
- 5*. Tamláhti in Hibérnia, sancti Mæl Ruain, epíscopi et abbátis, qui sacræ litúrgiæ celebrationem, cultu sanctórum et monásticam disciplínam impénse instaurávit.
6. Urgélli in Cataláunia Hispániæ, sancti Odónis, epíscopi, qui, adhuc láicus pópuli acclamatióné eléctus et confirmátus, humilióres deféndit et ómnibus benígnum se præbuit.
- 7*. Perúsia in Umbria, tránsitus beáti Benedícti papæ Undécimi, ex Ordine Prædicatórum, qui, benígnus et mitis, iurgiórú vindex et pacis amátor, brevi pontificátus sui spátio, Ecclésiæ pacem, disciplínæ instauratióne, religiónis increméntu promóvit.
- 8*. Fossáni in Subalpínis, beáti Oddíni Barotti, presbýteri, qui, paróchus pauper et vita austéru, dum contágio sæviébat, die ac nocte totas vires consúmpsit in ægróto et moribúndo.
- 9*. Vintóniæ in Anglia, beatórum mártýru Rogéríi Dickinson, presbýteri, et Radúlphi Milner, agricolæ et patrisfamílias páuperis et litteráru expértis, sed fide firmi, qui sub Elísabeth regína Prima simul capti sunt et patíbuli supplíciis necáti;

cum illis beátus Lauréntius Humphrey commemorátur, qui, cum cathólicam fidem iúvenis ampléxus esset, incérto die ibídem suspéndio occúbuit.

10*. In freto maris ante Rupifórtium in Gállia, beáti Ioánnis Ioséphi Juge de Saint-Martin, presbýteri et mártiris, qui, canónicus Lemovicénsis, témpore gállicæ perturbatiónis propter sacerdótium in navi servitútis inhumáne deténtus est, ubi morbo consúptus ad Dóminum migrávit.

11*. Arausióne item in Gállia, beátæ Iphigeníæ a Sancto Mattháo (Francíscæ Mariæ Suzánnæ) de Gaillard de la Valdène, vírginis ex Ordine Sancti Benedicti et mártiris témpore gállicæ perturbatiónis.

12. Prope urbem Hemceuvénsem in Hunanénsi província Sinárum, sanctórum Antoníni Fantosati, epíscopi, et Ioséphi Mariæ Gambaro, presbýteri ex Ordine Minórum, qui, in persecutióne ab ásseclis «Yihetuan», cum ad ripam appulissent ad fidélibus auxiliúm præstándum, lapidáti occubuérunt.

13. Apud urbem Ueihreivénsem in *Hebei* província item in Sinis, sancti Marci Ji Tianxiang, mártiris, qui, trigínta annos ab Eucharístiæ convívio prohibitus quod ópii usu abstinére nolúerat, pium tamen vitæ éxítum imploráre non déstitit et, in iudícium vocátus constantíque ánimo fidem Christi proféssus, convívium ætérnum adéptus est.

14. In vico *Hujiacun* apud *Shenxian* item in *Hebei*, sanctæ Mariæ Guo Lizhi, mártiris, quæ in eádem persecutióne, quasi áltera mater Macchabæórum, septem ex família sua, quos in locum supplicíi comitabátur, ad ánimi constántiam confirmávit petens, ut ipsa póstea cæderétur; dénique, quos ad cælum præmíserat, eos subsecúta est.

15*. In vico *Rakunai* in Nova Británnia Melanésiae ínsula, beáti Petri To Rot, mártiris, qui, paterfamílias et catechísta, áltero totíus mundi bello sæviénte, comprehénsus quod in officio suo perseverásset, letális venéni iniéctiône martýrium consummávit.

16*. Legióne in Nicarágua, beátæ Mariæ Romero Meneses, vírginis ex Institúto Filiárum Mariæ Auxiliatrícis, quæ in diciónibus Oræ Dívitis pro institutióne puellárum, præsértim páuperum et derelictárum, benígne nisa est et pietátem erga Eucharístiam et Beátam Vírginem Mariám valde diffúdit.

Die 8 iúlii

Octávo Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	F	G	H	M	N	P							
2	3	4	5	6	7	7	8	9	10	11	12							

1. **C**ommemoratio sanctórum Aquilæ et Priscæ seu Priscillæ, cóniugum, qui, sancti Pauli Apóstoli adiutóres, in domo sua Ecclésiám hospítio accipiébant et pro eo cervices suas supposuérunt.

2. Heraclææ in Thrácia, sanctæ Glycériæ, mártiris.

3. Cæsaréæ in Palæstína, sancti Procópii, mártiris, qui sub Diocletiáno imperatóre ab urbe Scythópoli ductus Cæsaréam, illic, ad primam responsiónum suárum confidéntiam, a iúdice Fabiáno cápite cæsus est.

4. Tauroménii in Sicília, sancti Pancrátii, epíscopi et mártiris, qui huic Ecclésiæ primus créditur præfuísse.

5. Tulli in Gállia Bélgica, sancti Auspícii, epíscopi.

6*. In Rhenánia, sancti Disibódi, eremítæ, qui, congregátis quibúsdam sóciis, monastérium cóndidit prope ripam Navæ flúminis.

7*. Belísia in Brabántia, sanctæ Landrádæ, abbatíssæ.

8. Herbípoli in Austrásia, sancti Kiliáni, epíscopi et mártiris, qui, ex Hibérnia oriúndus, ad prædicándum Evangélium illuc pervénit et ob mores cristiános diligénter custodítos trucidatióne martýrium consummávit.

9. Constantinópoli, pássio Sanctórum monachórum Abrahamitárum, qui, ob cultum sacrárum Imáginum, sub Theóphilo imperatóre martýrium consummáru(n)t.

10*. Spinæ Lambérti in Æmília, tránsitus sancti Hadriáni papæ Tértii, qui omni ope Ecclésiám Constantinopolitánam conciliáre Románæ Ecclésiæ stúduit et, cum ad Gálliam iter fáceret, gravi morbo corréptus, sanctíssime óbiit.

11 *. Tíburi in Látio, tránsito beáti Eugénii papæ Tértii, qui, sancti Bernárdi diléctus discípulus, abbas præfuit monastério Sanctórum Vincéntii et Anastásii ad Aquas Salvias et, ad sedem Románam eléctus, eníxe óperam dedit, ut christíanum pópulum Urbis ab infidélium insídiis defénderet atque ecclésiasticam disciplínam in Mélius restitúeret.

12*. Shimabáræ in Iapónia, beáti Máncii Araki, mártiris, qui, cum domi beátum Francíscum Pacheco presbýterum recepisset, in cárcerem coniéctus est, ubi phthisi consúptus óbiit.

13. In urbe Iomnienína in *Hebei* Sinárum provincia, sancti Ioánnis Wu Wenyin, mártiris, qui, catechista, in persecutióne a fautoribus sectae «Yihetuan» excitáta, cum a doctrína christiána ad éthnicos deficere nolúisset, cápite damnátus est.

Die 9 iúlii

Séptimo Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	8	8	9	10	11	12	13							

Sanctórum Augustíni Zhao Rong, presbýteri, Petri Sans i Jordá, Epíscopi, et sociórum,¹ mártirum, qui váriis in ætátibus et locis Sinárum Evangélium Christi verbo et ópere strénue testáti sunt et ob prædicatióem seu confessiόem fidei víctimæ persecutiόnum gloriόsis dápiis recreáti sunt.

2*. Régii Lépidi in Æmília, beátæ Ioánnæ Scopelli, vírginis ex Ordine Carmelitárum, quæ monastérium cóndidit ex donis concívium et panem soróribus in refectório oratióne suppeditáre váluit.

3*. Londínii in Anglia, beáti Hadriáni Fortescue, mártiris, qui, paterfamílias et eques, sub Henríco rege Octávo proditionis calumnióse accusátus et bis in cárcere deténtus, demum obtruncáto cápite martýrium complévit.

4. Briélæ ad Mosam apud Bátavos, pássio sanctórum mártýrum Nicolái Pieck, presbýteri, et sociórum decem ex Ordine Fratrum Minórum et octo e clero dioecesáno vel regulári,² qui, ob tuéndam doctrinam de præsentia Christi in Eucharístia et Ecclésiæ Románæ auctoritatem a calvinianis vária ludíbria et torménta perpéssi, tandem láqueo suspénsi agónem consummárunť.

5. Tiférni Tiberíni in Umbria, sanctæ Verónicæ Giuliani, abbatíssæ ex Ordine Clarissárum Capuccinárum, quæ, charismátibus spiritalibus præedita, córpore et ánimo cum passióne Christi comunicávit, quaprópter in custódiam data est quinquagínta dies, mirándum patiéntiæ et obædiéntiæ spécimen præbens.

6*. Arausióne in Província Gállia, beatárum Melánia et Mariæ Annæ Magdalénæ de Guilhermier atque Mariæ Annæ Margarítæ ab Angelis de Rocher, vírginum ex Ordine Sanctæ Ursulæ et mártýrum témpore gállicæ perturbatiónis.

7. In civitáte Coeíaménsi in *Guizhou* Sinárum província, sancti Ióachim He Kaizhi, mártýris, catechístæ pro Christi fide stranguláti.

8. In civitáte Treíuenénsi in Província *Shanxi* item in Sinis, pássio sanctórum Gregórii Grassi et Francísci Fogolla, episcopórum ex Ordine Fratrum Minórum, et vigínti quáttuor sociórum,³ mártýrum, qui in persecutióne sectatórum «Yihetuan » in ódium nóminis christiáni necáti sunt.

9. Paulópoli in Brasília, sanctæ Paulínæ a Corde Iesu Agonizánte (Amábilis) Visintainer, Vírginis, quæ, puélla ex Itália migráta, Congregatiónem Parvárum Sorórum Immaculatæ Conceptionis in servítium ægrotórum et páuperum fundávit, cui, multas post ærúmnas, in máxima humilitáte et assídua oratióne servívit.

10*. Dacháni prope Monáchium Baváriæ in Germánia, beáti Fidélis Chijnacki, religiósi ex Ordine Fratrum Minórum Capuccinórum et mártýris, qui, e Polónia sub nefándo regímine coácta in castra detentiónis propter Christi confessiónem addúctus, torméntis excruciatús glóriam ætérnam adéptus est.

Die 10 iúlii

Sexto Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	30	1	2	3
A	B	C	D	E	F	F	G	H	M	N	P							
4	5	6	7	8	9	9	10	11	12	13	14							

1. **R**omæ, Sanctórum mártýrum Felícis et Philíppi in cœmetério Priscíllæ, Vitális, Martiális et Alexándri in Iordanórum, Siláni in Máximi, et Ianuárii in Prætextáti; quorum coniúcta memória gaudet Ecclésia Romana, quæ una die tot glorificátur triúmphis, quia cum múltiplici exémplo multiplicáta intercessióne munítur.
2. Via Cornélia miliário nono ab urbe Roma, sanctárum Rufinæ et Secúndæ, mártýrum.
3. In Sabínis, sanctárum Anatóliæ et Victóriæ, mártýrum.
4. In Africa, Sanctórum Ianuárii et Maríni, mártýrum.
5. Icónii in Lycaónia, sancti Apollónii Sardénsis, mártýris, qui per crucem martýrium consummavísse fertur.
6. Nicópoli in Arménia, sanctórum Leóntii, Maurítii, Daniélis, Antónii, Anicéti, Sisínni et aliórum, mártýrum, qui sub Licínio imperatóre et Lýsia præside multímodis excruciáti sunt.
7. In Pisídia, Sanctórum Biánoris et Silváni, mártýrum.
- 8*. Nannétibus in Británnia Minóre, sancti Paschárii, epíscopi, qui sanctum Hermelándum e Fontanéllæ convéntu postulátum cum duódecim sóciis suscepit et in Antro ínsula collocávit, ut monastérium fundáret.
9. Tamísia in Flándria, sanctæ Amalbérgæ, cui sanctus Willibrórdus sacrárum víginum velámen impósuit.
- 10*. Perúsia in Umbria, sancti Petri Vincioli, presbýteri et abbátis, qui antíquam ecclésiám Sancti Petri fatiscéntem denuo ædificávit eíque monastérium coniúnxit, quo, inter crebras oppositiónes, sed máxima cum patiéntia, consuetúdines Cluniacénses introdúxit.
11. Ottónia in Dánia, sancti Canúti, mártýris, qui, rex zelo succénsus, in regno suo cultum divínium amplificávit, statum clericórum promóvit et, Ecclésiis Lundénsi et Ottoniénsi fundátis, demum a cívibus quibúsdam seditiósus interféctus est.

12*. Arausióne in Provinciá Gálliaë, beatárum Mariæ Gertrúdis a Sancta Sóphia de Ripert d'Alauzin et Agnétis a Iesu (Sýlviaë) de Romillon, vírginum ex Ordine Sanctæ Ursulæ et mártýrum in tempestátibus gállicæ perturbatiónis.

13. In urbe *Đồng Hới* in Annámia, Sanctórum Antónii Nguyễn Hữu (Nam) Quỳnh et Petri Nguyễn Khắc Tư, mártýrum, qui, catechístæ, ob Christi fidem sub imperatóre Minh Mạng stranguláti sunt.

14*. Damásci in Sýria, pássio beatórum mártýrum Emmanuélis Ruiz, presbýteri, et sociórum,⁴ septem ex Ordine Fratrum Minórum et trium germanórum fidélium ex Ecclesiá Maronítárum, qui, hóstibus fraudulénter a proditóre tradíti, váriis propter fidem vexáti supliciis gloriósa morte martýrium complevérunt.

Die 11 iúlii

Quinto Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

Memória sancti Benedícti, abbátis, qui, Núrsiæ in Umbria natus et Romæ educátus, vitam eremíticam inchoávit in regiône Sublacénsi, multos discípulos circa se cóngregans, deínde Casínus se cóntulit, ubi célebre cóndidit monastérium et Régulam compósuit, quæ per omnes regiones sic pervásit, ut ipse appellári mererétur patriárcha monachórum in Occidéntē. Obiísse tráditur die vigésima prima mártii.

2. Romæ, commemorátio sancti Pii papæ Primi, qui, germánus Hermæ illíus, auctóris óperis cui título «Pastor», quíndecim annos et ipse pastor bonus Ecclesiám custodívit.

3. Icónii in Lycaónia, sancti Marciáni, mártýris, qui sub Perénio præsíde per multa torménta ad palmam pervénit.

4. Cæsaréæ in Mauretánia, sanctæ Marciánæ, vírginis, quæ ad béstias damnáta martýrium consummávit.

5*. Burdígalæ in Aquitánia, sancti Leóntii, epíscopi, qui plebis et urbis honor, necnon templórum cultor, sacri baptísmatis aulæ instaurátor atque tácitus largítor egenórum enítuit.

6*. Ad Varæ æstuaríum in Scótia, sancti Drostáni, abbátis, qui váriis monastériis præfuit, demum eremíticam vitam exégit.

7*. Desertínæ in Ráetia Superióre, sanctórum Plácidi, mártiris, et Sigisbérti, abbátis, quorum alter, sócius sancti Columbáni, monastérium Sancti Martíni ibídem cóndidit, in quo prior vitam monásticam martýrio coronávit.

8*. In monastério Mediáno in monte Vósego, sancti Hidúlphi, qui chorepíscopus Tréviris in solitúdinem recéssit et, discíplis affluéntibus, cœnóbium fundávit et rexit.

9. Córdubæ in Vandalícia Hispániæ regióne, sancti Abúndii, presbýteri, qui in Maurórum persecutióne, cum a iúdice interrogátus intrépida responsiόne ratiόnem fidei pánderet, céleri indignatiόne mota, perémpus est, cánibus et béstiis devorándus expósitus.

10. Kióviae in Rússia, sanctæ Olgæ, sancti Vladimíri áviae, quæ prima Rurikidórum baptísmum simul cum nómine Hélena recépit et cuncto pópulo Rússiæ viam ad Christum parávit.

11*. In monastério Grandis Silvæ in pago Tolosáno Gállia, beáti Bertrándi, abbátis, qui, regulárem disciplínam stabilíre cúpiens, monastérium suum in Ordinem Cisterciénsem aggregávit.

12*. Vibúrgi in Dánia, sancti Ketílli, presbýteri et canónici reguláris, qui in schola capítuli summópere díligens fuit et conversatiόnis exémpar.

13*. Lincólniæ in Anglia, commemoratiό beatórum Thomæ Benstead et Thomæ Sprott, presbyterórum et mártirum, sub Elísabeth regína Prima propter sacerdotium incérto huius mensis die morti traditórum.

14*. Arausiόne in Província Gállia, beatárum Rosáliæ Clotíldis a Sancta Pelágia Bés, Mariæ Elísabeth a Sancto Theoctísto Pélissier, Mariæ Claræ a Sancto Martíno Blanc et Mariæ Margarítæ a Sancta Sóphia de Barbegie d'Albarède, vírginum et mártirum pro Christo in gállica perturbatiόne.

15. In vico *Liugongyin* prope *Anping* in Provinciā *Hebei* Sinárum, sanctárum Annæ An Xinzhi, Mariæ An Guozhi, Annæ An Jiaozhi et Mariæ An Lihua, vírginum et mártýrum, quæ, cum nullo modo addúci potuissent, ut ad impietátem transfúgerent, in persecutióne sectatórum «Yihetuan» decollátæ sunt.

Die 12 iúlii

Quarto Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	30	1	2	3	4	5
A	B	C	D	E	F	F	G	H	M	N	P							
6	7	8	9	10	11	11	12	13	14	15	16							

2. Aquiléiæ in Venétia, sanctórum Fortunáti et Hermágoræ, mártýrum.

3. Medioláni in Ligúria, Sanctórum Náboris et Felícis, mártýrum, qui, mílites ex Mauretánia orti, Laude Pompéia in persecutióne passi esse tradúntur et Medioláni sepúlti.

4. Fani in Picéno Itáliæ, sancti Paterniáni, epíscopi.

5. Lugdúni in Gállia, sancti Viventíoli, epíscopi, qui e schola monastérii Sancti Eugéndi ad episcopátum promótus, Concílio Epaonénsi cléricos et láicos ut adéssent indúxit, quo Mélius pontíficum statúta pópulus agnóscere posset.

6. Passiniáni in Etrúria, sancti Ioánnis Gualbérti, abbátis, qui miles florentínus interfectori fratris ob Christi amórem pepércit, dein hábitum monásticum recépit, sed, arctiorem vitam ducéndi studiósus, in Valle Umbrósa nóvæ famíliæ monásticæ fundaménta iecit.

7*. In monasterio Cavénsi in Campánia, sancti Leónis abbátis Primi, qui paupéribus próprio mánuum labóre provídit eósque protéxit apud príncipes.

8*. Apud Londínium in Anglia, beáti Dávidis Gunston, mártýris, qui, eques Ordinis Sancti Ioánnis Hierosolymitáni, Henríci regis Octavi régimen in spiritálibus negávit, quaprópter Southvárci patíbulo suspénsus est.

9. Ibídem, sancti Ioánnis Jones, presbýteri ex Ordine Fratrum Minórum et mártýris, qui, gènere cambriénsis, in Gállia religiósus effectus, sub Elísabeth regína Prima cápíte damnátus est, quod sacerdos in Angliam ingrèssus esset, et láqueo usque ad mortem suspénsus martýrium consummávit.

10*. Nagasákii in Iapónia, beatórum Matthias Araki et septem sociórum,⁵ mártýrum, qui pro Christo martýrium subiérunt.

11*. Arausióne in Provinciá Gállia, beatárum Rosæ a Sancto Xavério (Magdalénæ Terésia) Tallien, Marthæ a Bono Angelo (Mariæ) Cluse, Mariæ a Sancto Henríco (Margarítæ Eleonóræ) de Justamond et Ioánnæ Mariæ a Sancto Bernárdo de Romillon, vírginum et mártýrum, quæ, gállica perturbatióne furénte, palmam consecútæ sunt.

12. In urbe Nam Dinh in Tunquíno, sancti Cleméntis Ignátii Delgado Cebrian, epíscopi et mártýris, qui, quinquagínta annis in Evangélli prædicatióne peráctis, iussu imperatóris Minh Mạng pro Christi fide comprehénsus, multa passus est et in cárcere óbiit.

13. In provinciá *Ninh Bình* item in Tunquíno, sanctæ Agnétis Lê Thị Thành (Đê), mártýris, quæ, materfamílias, etsi sævis torméntis sub imperatóre Thiệu Tri vexáta, quod sacerdotem in domo sua celavísset, fidem abiuráre résput et in cárcere occúbuit.

14. In provinciá *Nghệ An* in Annámia, sancti Petri Khanh, presbýteri et mártýris, qui, in telónio christiánus ágnitus, sex menses in custódia tentus et frustra ad abiurándum illéctus, tandem iussu imperatóris Thiệu Trị decollátus est.

Die 13 iúlii

Tértio Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	12	13	14	15	16	17							

Sancti Henríci, qui, Romanórum imperátor, cum uxóre sua sancta Cunegúnde ad vitam Ecclésiæ reformándam ac fidem Christi in univérſa Európa propagándam óperam dedit et, zelo missionário motus, plures episcopáles sedes inſtituit et monastéria fundávit. Gronae prope Gottingam in Francónia hac die e vita discéssit.

2. Commemorátio sancti Esdræ, Sacerdótis et scribæ, qui, témpore Artaxérxis regis Persárum, Babylóne in Iudæam rédiens pópulum dispérsuſ congregávit et omni stúdio eníſus est, ut legem Dómini investigáret, impléret et docéret in Israel.

3. Commemorátio sancti Silæ, qui, ab Apóstolis ad Eccléſias géntiuſ una cum sanctis Paulo et Barnaba destinátus, prædicatiónis offícium, grátia Dei plenus, instánter consummávit.

4. Alexandriæ in Ægýpto, sancti Serapiónis, mártiris, qui sub Septímio Sevéro imperátore et Aquila præſide per ignem ad corónam martýrii pervénit.

5. In ínsula Chio, sanctæ Myrópis, mártiris.

6. Philomélii in Phrýgia, sanctórum mártyrum Alexándri et trigínta mílitum, qui sub Magno, Antiochiæ Pisídiæ præfécto, passi esse ferúntur.

7. Albiæ in Aquitánia, tránsitus sancti Eugénii, epíſcopi Carthaginénsis, qui, fide et virtútibus glorióſus, in exsílíum expúlsus est in persecutióne vandálica.

8. In Británnia Minóre, sancti Turiávi, monastérii Dolénsis abbátis et epíſcopi.

9*. Génuæ in Ligúria, beáti Iacóbi de VoráGINE, epíſcopi, ex Ordine Prædicatórum, qui pro vita christiána in pópulo promovénda multa exémpſa virtútum in scriptis suis propósuit.

10*. Norvíci in Anglia, beáti Thomæ Tunſtal, presbýteri ex Ordine Sancti Benedícti et mártiris, qui, sub Iacóbo rege Primo cápíte damnátus quod sacerdos in Angliam ingrèssus esset, patíbulo suspénsus est.

11*. Ante Rupifórtiuſ ad oram Gállíæ in sórdído navígio in salo constitúto, beatórum Ludovíci Armándi Ioséphi Adam, ex Ordine Fratrum Minórum Conventuáliuſ, et Bartholomæi Jarrige de la Morélie de Biars, presbyterórum et mártyrum, qui, persecutióne contra Ecclésiám sæviénTE, propter sacerdotiuſ ad

víncula navália damnáti, contagióne affécti et concaptivórum caritátis víctimæ occubuérunt.

12*. Arausióne in Provinciá Gálliaē, beatárum Magdalénæ a Matre Dei (Elísabeth) Verchière et quinque sociárum,⁶ víginum et mártýrum in eádem perturbatióne.

13. In urbe Châu Đốc in Cocincína, sancti Emmanuélis Lê Văn Phụng, mártýris, qui, paterfamílias, quamvis in cárcere deténtus, filios et famíliáres exhortári non déstitit ad caritátem erga inimícos et demum, iussu imperatóris Tụ Đức, abscisso cápíte enecátus est.

14. Búdriæ in Flamínia, sanctæ Cléliæ Barbieri, víginis, quæ in spiritále bonum puellárum sese impéndit et Congregatióne Minimárum a Vírgine Perdolénti fundávit ad míseras in primis ac egénas humáne et christiáne instituéndas.

15*. Galeátiaē prope Bonóniam in Itália, beáti Ferdinándi Mariæ Baccilieri, presbýteri, qui, pópulum commíssum omnímodo excóluit et ad famílias páuperes adiuvándas et puéllas præsértim instituéndas Congregatióne Servárum Mariæ fundávit.

16. In pago *Langziqiao* apud *Hengshui* in Sinárum *Hebei* provinciá, sancti Pauli Liu Jinde, mártýris, qui, vir provéctæ ætátis, in persecutióne a fautóribus factiόνis «Yihetuan» patrátá solus cristiánus in pago permánsit et rosárium precúmque librum manu tenens insectatóribus óbviám pródiiit eósque cristiáno more salutávit, quaprópter ab eis íllico interféctus est.

17. In urbe *Nangong* item in *Hebei*, sancti Ioséphi Wang Guiji, mártýris, qui in eádem persecutióne, renuntiáta facultáte levi mendácio vitam servándi, gloriósam pro Christo mortem máluit.

18*. In civitaté *Angostura* in Colúmbia, beáti Mariáni a Iesu Euse Hoyos, presbýteri, qui, simplicitáte et integritáte vitæ conspícuus, se totum oratióni, stúdiis et Christiánæ institutióni puerórum trádidiit.

19*. Ioannípoli Portus Dívitis, beáti Cároli Emmanuélis Rodriguez Santiago, qui sacræ litúrgiæ instauratióni et fidei inter iúvenes concitatióni óperam indefesse dedit.

Die 14 iúlii

Prídie Idus iúlii. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	13	14	15	16	17	18							

Sancti Camílli de Lellis, presbýteri, qui, prope Theánum in Aprútio natus, iam inde ab adulescéntia rem militárem secútus et ad sáeculi vitia pronus, tandem convérsus in inserviéndo infirmis in nosocomío insanábílium sicut ipsi Christo magnópere enísus est et, sacerdotío auctus, Romæ fundaménta iecit Congregatiónis Clericórum Regulárium infirmis ministrántium.

2. Bríxiæ in Venétia, sancti Optatiáni, epíscopi, qui epístulas synódicas de fide cathólica in Incarnatióem ab Eusébio epíscopo Mediolanénsi ad sanctum Leónem papam missas subscripsit.

3*. Sonégiæ in Brabántia Austrásiæ, sancti Vincéntii seu Madelgárii, qui, uxóre sancta Valdeutrúde consentiénte, vitam monásticam ampléxus est et duo monastéria condidísse fertur.

4. Davéntriæ in Frísia, sancti Marchélmi, presbýteri et mónachi, qui, anglus génere, sancti Willibrórdi ab infántia discipulus fuit et labórum pro Christo patratórum sócius.

5*. In loco *Sary Kynsperk* prope Egram in Bohémia, beáti Hroznátæ, mártiris, qui, cóniuge et filio mórtuis, aulam ducis reliquísse et cœnóbium Teplénse Præmonstraténsium ingrèssus esse, cuius iura deféndens a prædónibus captus esse et fame conféctus ad mortem perductus dicitur.

6*. Verónæ in Venétia, sanctæ Tuscánæ, quæ, cóniuge mórtuo, ómnia bona sua dedit paupéribus et in Ordine Sancti Ioánnis Hierosolymitáni infirmos curáre numquam déstitit.

7*. Fulgínii in Umbria, beátæ Angelínæ de Marsciáno, quæ, vídua, quinquagínta ámplius annos tantum in servítium Dei et proximórum utilitátem impéndit et

Tertiariarum Franciscanarum religionis in claustris degentium initium fecit pro puellis instituendis.

8*. Valentiae in Hispania, beati Gasparis de Bono, presbyteri ex Ordine Minimorum, qui arma terreni principis deseruit pro Christi Régis militia et domus provinciae hispanae Ordinis zelo, prudentia et caritate rexit.

9. Limae in Peruvia, sancti Francisci Solano, presbyteri ex Ordine Fratrum Minorum, qui pro animarum salute per Americae Meridionalis regiones longe lateque peragravit et praedicatione ac signis omnes curas ad populos indos ipsosque colonos hispanos novitatem vitae christianae docendos contulit.

10*. Londinii in Anglia, beati Richardi Langhorne, martyris, qui, clarus iurisperitus, sub Carolo rege Secundo proditiōnis insimulatus, capite damnatus est et Tyburni patibulo reddidit spiritum.

11*. In loco *Cerecca-Ghebaba* in Aethiopia, beati Ghebre Michaelis, presbyteri e Congregatione Missionis et martyris, qui semper in studiis et oratione veram fidem quaesivit et tandem in unitatem Ecclesiae ingressus est, quapropter carceres, dein itinera cum militibus, pedibus catena oneratis, tredecim menses passus est, donec flagellis, siti ac fame confectus obiit.

12. In urbe *Nangong* in Sinarum *Hebei* provincia, sancti Ioannis Wang Guixin, martyris, qui in persecutiōne sectatorum «Yihetuan» potius pro Christo mori maluit quam foedari etiam levi mendacio.

Die 15 iulii

Idibus iulii. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	14	15	16	17	18	19							

Memoria depositiōnis sancti Bonaventurae, episcopi Albanensis et Ecclesiae doctoris, doctrina, vitae sanctitate et praclaris in Ecclesiae servitium gestis celeberrimi. Ordinem Minorum, cui minister generālis

præfuit, in spíritu sancti Francísci prudénter rexit. Multis in scriptis summam eruditiónem cum pietátis ardóre coniúnxit. Dum autem rebus Concílii Œcumenici Lugdunénsis Secúndi egrégiam óperam navábat, ad beátam Dei visiónem perveníre méruit.

2. In Portu Romano, Sanctórum Eutrópii, Zósimæ et Bonósæ, mártyrum.

3. Carthágine via quæ Scillitanórum dícitur in basílica Fausti, depositio sancti Felícis, epíscopi Thibiucénsis et mártýris, qui a Magniliáno curatóre iussus igni libros Scripturárum trádere respóndit Mélius esse se igne adúri quam Scriptúras deíficas; idcírco ab Anulíno procónsule gládio animadvérsus est.

4. Ibídem, commemorátio Sanctórum Catulini, díaconi et mártýris, de cuius láudibus sanctus Augustínus sermónem ad pópulum hábuit, et reliquórum mártýrum qui in basílica Fausti requiéscunt.

5. Alexandríæ in Ægýpto, sanctórum mártýrum Philíppi et decem infántium.

6. In ínsula Ténedo in Hellespónto, sancti Abudémii, mártýris.

7. Nísibi in Mesopotámia, sancti Iacóbi, huius urbis primi epíscopi, qui Concílio Nicæno intérfuit et gregem suum in pace rexit aluítque atque ab hóstium fidei ímpetu deféndit.

8*. Apud Runemúndam ad Mosam in Brabántia Austrásiæ, sancti Plechélmi, epíscopi, qui, ex Northúmbria ortus, divítias Christi multis nuntiávit.

9*. Anspáchii in Francónia, sancti Gumbérti, abbátis, qui in villa sua hoc cœnóbium cóndidit.

10. In Thessália, tránsitus sancti Ioséphi, epíscopi Thessalonicénsis, qui, frater sancti Theodóri Stuídtæ, primum mónachus hymnos compósuit plúrimos, dein vix ad episcopátum promótus, multa et dira propter ecclésiasticam disciplínam et defensiónem sacrárum Imáginum pértulit atque in Thessáliam relegátus fame périit.

11. Neápoli in Campánia, sancti Athanásii, epíscopi, qui, ab ímpio nepóte Sérgio multa passus ac sede pulsus, tandem Vérulis in Hérnicis conféctus ærúmnis migrávit in cælum.

12. Kióviæ in Rússia, sancti Vladimíri princípis, qui baptísmum sub nómine Basílii accépit et in fidem orthodoxam inter pópulos sibi súbditos diffundéndam curas consúpsit.

13*. Racebúrgi in Holsátia Germániæ, sancti Ansuéri, abbátis et mártiris, qui cum vigínti octo mónachis a Vinédis contra fidei christiánæ prædicatóres insurgéntibus lapidátus est.

14*. Arósíæ in Suécia, sancti Dávidis, epíscopi, qui, angulus natióne, Cluniacénsis mónachus factus ad converténdos Suécos ad Christum proféctus est et in monastério, quod condíderat, senex pie quiévit.

15*. Breslávíæ in Silésia, beáti Cesláí, presbýteri e primis frátribus Ordinis Prædicatórum, qui in Silesia aliisque Polóniæ regiónibus pro regno Dei operátus est.

16*. In vico Monte Calério in Subalpínis, beáti Bernárdi, qui, márchio Badénsis, iter in Oriéntem fáciens pro defendéndis pópulis christiánis post Constantinópolim ab inimícis captam, morte corréptus est.

17*. Pássio beatórum mártirum Ignátii de Azevedo, presbýteri, atque trigínta et octo sociórum e Societáte Iesu,⁷ qui, cum missiões Brasiliénses péterent in navi Sancto Iacóbo nuncupáta, prædatória navi opprèssi sunt et in ódium religiónis cathólicæ gládio lanceáque transfóssi.

18. Campi Salentinórum in Apúlia, sancti Pompílii Mariæ Pirrotti, presbýteri ex Ordine Clericórum Regulárium Scholárum Piárum, vitæ austeritáte præclári.

19*. In navi servitútis ad áncoram ante Rupifórtium ad oram Gállíæ, beáti Michaélis Bernárdi Marchand, presbýteri et mártiris, qui, gállica perturbatióne sæviénte, propter sacerdotium Rothómago in fœdam naválem translátus captivitátem, morbo corréptus óbiit.

20. In urbe *Nam Định* in Tunquíno, sancti Petri Nguyễn Bá Tuân, presbýteri et mártiris, qui, pro Christo in cárcere deténtus, sub imperatóre Minh Mạng fame conféctus óbiit.

21*. Parísíis in Gállia, beátæ Annæ Mariæ Javouhey, vírginis, quæ Congregatiónem Cluniacensem Sorórum a Sancto Ioseph pro ægrótis curándis puellisque christiáne instituéndis fundávit et in terris missiónum dilatávit.

22. In Provinciā *Mỹ Tho* in Cocincina, sancti Andréæ Nguyễn Kim Thông Nam (Nam Thuông), mártýris, qui, catechista, sub imperatōre Tự Đức post cárcerem exsílio damnátus, caténis vinctus et trabe opprēssus, itínérans martýrium complévit.

23*. In óppido *Bielsk Podlaski* in Polónia, beáti Antónii Beszta-Borowski, presbýteri et mártýris, qui, bello furēte a fidei hóstibus comprehénsus, plumbis necátus pro Christo occúbuit.

Die 16 iúlii

Décimo séptimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	30	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	15	16	17	18	19	20							

Beátæ Mariæ Vírginis de Monte Carmélo, quo Elías prophéta pópulum Israel quondam ad coléndum Deum vivum redúxerat et póstea eremítæ quidam solitúdinem quæréntes secessérunt ac dénique Ordinem constituérunt ad vitam contemplatívam ducéndam sub patrocínio sanctæ Dei Genetrícis.

2. Anastasiópolis in Galátia, sancti Antíochi, mártýris, fratris sancti Platónis.

3. Sebáste in Arménia, sancti Athenógenis, chorepíscopi et mártýris, qui discíplis hymnum relíquit divinitátem Spíritus Sancti declarántem et pro Christo igni tráditus est.

4*. In Cæsaréa ínsula in mari Britannico, sancti Helérii, eremítæ, qui a pirátis martýrium subiísse tráditur.

5*. Traiécti Mosæ in Brabántia Austrásiæ, Sanctórum Monúlphi et Gondúlphi, episcopórum.

6. Sántonis in Hannónia, sanctórum mártýrum Reiníldis, vírginis, Grimoáldi et Gondúlphi, qui a prædónibus occísi esse tradúntur.

7. Córdubæ in Vandalícia Hispániæ regiōne, sancti Sisenándi, diáconi et mártýris, qui pro Christi fide a Mauris iugulátus est.

8*. In monastério ad lacum Auvam in Bavária, beátæ Irmengárdis, abbatíssæ, quæ iam a ténera ætáte, splendóre aulæ régiæ demisso, Deo servíre quæsívit et Agno plures dedit virgíneas cómites.

9*. Pássio beáti Simónis da Costa, religiósi e Societáte Iesu et últimi mártýris ágminis in navi Sancto Iacóbo nuncupáta prídíe huius diéi in ódium Ecclésiæ extermináti.

10*. Viánæ Castélli in monastério Sanctæ Crucis in Lusitânia, beáti Bartholomæi a Martýribus Fernandes, epíscopi Bracarénsis, qui, vitæ integritáte exímíus, summa pastoráli caritáte in necessitatibus gregis enísus est et sana doctrína multa excóluit scripta.

11*. Virovíaci in Anglia, beatórum Ioánnis Sugar, presbýteri, et Robérti Grissold, mártýrum, qui sub Iacóbo rege Primo damnáti, prior quad sacérdos in Angliam ingræssus esset, alter quia eidem subvenísset, per ásperas sævítiás ad palmam martýrii pervenérunt.

12*. In civitáte *Cunhau* prope Natáliam in Brasília, beatórum Andréæ de Soveral, presbýteri e Societáte Iesu, et Domínici Carvalho, mártýrum, qui in ipsa Missæ celebratióne cum turma fidélium in ecclésia a milítibus dolóse reclúsi sunt et atróciter interfécti.

13*. In navi servitútis ad áncoram constitúta ante Rupifórtium ad oram Gállíæ, beatórum Nicolái Savouret, ex Ordine Fratrum Minórum Conventuálium, et Cláudii Béguignot, ex Ordine Cartusiénsi, presbyterórum et mártýrum, qui, gállica perturbatióne sæviénte, in ódium sacerdotii in sórdida captivitáte deténti, morbo corrépti sunt.

14*. Arausióne item in Gállia, beatárum Amátæ a Iesu (Maríæ Rosæ) de Gordon et sex sociárum,⁸ vírginum et mártýrum, quæ, cum in eádem persecutióne vitam religiósam depónere renúissent, cápíte damnátæ sunt et palmam martýrii gaudéntes recepérunt.

15. In pago Sancti Salvatóris Vicecómitis in Normánnia Gállíæ, sanctæ Maríæ Magdalénæ Postel, vírginis, quæ in eádem tempestáte, sacerdotibus expúlisis, omnem opem ægrótiis fidelibúsque tulit ac, pace restitúta, in extrémá inópia

Congregatióinem fundávit rexítque Filiárum a Misericórdia pro puéllis paupéribus christiáne instituéndis.

16. In loco *Lijiapo* apud *Qinghe* in *Hebei* Sinárum província, sanctórum Lang Yangzhi, catechúmenae, et Pauli Lang Fu, filii eius, mártýrum, qui in persecutióne a fautóribus factiόνis «Yihetuan» patrátá, cum mater se christiánam proféssa esset, in domo igne vastátá martýrium pro Christo consummavérunt.

17. In vico *Zhangjiaji* apud *Ningjin* item in *Hebei*, sanctæ Teresiæ Zhang Hezhi, mártýris, quæ in eádem persecutióne, cum ad ethnicórum pagódam rapta reveréntiam numínibus loci præstáre noluisset, una cum duóbus filiis hastae cúspide transfíxa est.

Die 17 iúlii

Sextodécimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	30	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	16	17	18	19	20	21							

1. Carthágine, natális Sanctórum mártýrum Scillitanórum, id est Speráti, Nártzalis, Cittíni, Vetúrii, Felícis, Aquilini, Lætántii, Ianuáriæ, Generósæ, Vestiae, Donátæ et Secúndæ, qui iussu Saturníni procónsulis, post primam Christi confessiόνem in cárcerem trusi et sequénti die in ligno confíxi, cum demum christiános se esse firmiter conféssi essent et imperatóri honórem divínium recusavissent, cápite damnáti sunt et in loco occisiónis, flexis génibus unanímiter, grátias Christo ágéntes gládio decolláti sunt.

2. Amástride in Paphlagónia, sancti Hyacínthi, mártýris.

3. Híspali in Báetica Hispániæ província, sanctárum Iustæ et Rufínre, vírginum, quæ, a præside Diogeniáno comprehénsæ, diris vexátæ cruciátibus, póstea cárcere, inédia et váriis torsió nibus sunt afflíctæ; tandem Iusta in custódia spíritum exhalávit, Rufínæ vero cervix, in confessióne Dómini, confrácta est.

4. Medioláni in Ligúria, sanctæ Marcellínæ, vírginis, soróris sancti Ambrósii epíscopi, quæ Romæ in basilica Sancti Petri in Epiphanía Dómini a Libério papa velum consecratiónis accépit.

5. Romæ in Ecclésia in colle Aventíno sita, sub nómine Aléxii celebrátur homo Dei, qui, ut tradítio refert, opuléntam deséruit domum ut inops fieret et incógnitus eleemósynam mendicáret.

6. Autissiodóri in Gállia Lugdunénsi, sancti Theodósii, epíscopi.

7. Pápiæ in Ligúria, sancti Ennódii, epíscopi, qui hymnis decorávit memórias et templa sanctórum atque divitiárum largus dispensátor fuit.

8*. Turníni prope Antvérpíam in Brabántia Austrásiæ, sancti Fredegándi, qui mónachus ex Hibérnia venísse díctur, sancti Foilláni aliorúmque peregrinatiónis et labóris missionárii sócius.

9*. In monastério Wincelcumbæ in Mércia Angliæ, sancti Kenélmi, qui, Merciórum princeps, martyr reputátus est.

10. Romæ apud sanctum Petrum, sancti Leónis papæ Quarti, Urbis defensóris et primátus Petri cultóris.

11. Apud *Stockerau* in pago Vindobonénsi Baváriæ, sancti Colmání, natióne hibérni, qui, pro nómine Dei peregrínus, Terram Sanctam petens, explorátor hostílis hábitus est et, in árbore suspénsus, ad cæléstem Hierosólymam pervénit.

12*. Nitrávæ ad Vagum flumen apud montes Carpátes, sanctórum Zoerárdi seu Andréæ et Benedícti, eremitárum, qui e Polónia, rogánte sancto Stéphano rege, in Hungáriam venérunt et in erémo montis Zobor vitam egérunt aspérrimam.

13. Cracóviæ in Polónia, sanctæ Hedwígis, quæ, regína in Hungária nata, Polóniæ regnum recépit et Iaghellióni, magno Lithuániæ duci, nupsit, quocum, in baptísmate Ladisláo vocáto, cathólicam fidem in Lithuánia sevit.

14*. Parísíis in Gállia, beatárum Terésíæ a Sancto Augustina (Maríæ Magdalénæ Claudínæ) Lidoine et quíndecim sociárum,⁹ vírginum e Carmelo Compéndii et martyrum, quæ, tempore gállicæ perturbatiónis, cum disciplínam monásticam fidéliter servavíssent, cápite damnátæ, ante patíbulum promissiónes fidei baptismális et vota religiósa renovavérunt.

15. In pago *Zhujiaxieshuang* apud *Shenxian* in *Hebei* provincia Sinárum, sancti Petri Liu Ziyu, mártýris, qui in persecutióne ab ásseclis sectae «Yihetuan» gesta contra amiórum conátus coram mandaríno in fide christiána firmiter permánsit, quaprópter gládio perfóssus est.

16*. Leopoldópoli in Slováchia, beáti Pauli (Petri) Gojdich, epíscopi et mártýris, qui, pastor in território Presoviénsi, témpore regíminis in Deum infénsi in cárcerem coniéctus, tantas passus est ærúmna, ut, atróriter vexátus, Christi verba fidéliter excípiens per strénuam confessiόνem in vitam transíret gloriósam.

Die 18 iúlii

Quintodécimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	17	18	19	20	21	22							

1. **V**ia Tiburtína miliário nono ab urbe Roma, commemoratio sanctórum Symphorósæ et septem sociórum Crescéntis, Iuliáni, Nemésii, Primitívi, Iustíni, Stactéi et Eugénii, mártýrum, qui divérso mortis éxitu martýrium complevérunt, germáni effécti in Christo.

2. Medioláni in Ligúria, sancti Matérni, epíscopi, qui, libertáte Ecclésiæ réddita, mártýrum Náboris et Felícis córpora e Laude Pompéia in civitátem suam honorífice tránstulit.

3. Doróstori in Móesia, sancti Æmíliani, mártýris, qui, edícta Iúliani Apóstatae minásque Catulíni eius vicárii spernens, idolórum altári evérso sacrificiíoque inhíbito, in fornácem iniéctus, martýrii palmam accépit.

4. Bríxiæ in Venétia, sancti Philástrii, epíscopi, cuius vitam et mortem laudávit sanctus Gaudéntius, eius succéssor.

5. Fori Pópilii in Æmília, sancti Ruffilli, epíscopi, qui primus Ecclésiám hanc gubernásse plebémque ruris ad Christum perduxísse totam crédito.

6. Metis in Austrásia, sancti Arnúlphi, epíscopi, qui Dagobérti, regis Austrásiae, consiliárius fuit et, múnere depósito, in Vósego monte eremíticam egit vitam.

7. Constantinópoli, sanctæ Theodósiae, moniális, quæ pro defensione antíquæ Christi imaginis, quam e Porta Ænea domus Palatínæ Leo Isáuricus imperátor déici iússerat, martýrium passa est.

8. Ultraiécti in Géldria Austrásiae, sancti Frideríci, epíscopi, qui, Sacrárum Scripturárum stúdio conspícuus, curam et óperam impéndit in evangelizándos Frísios.

9. Sígniæ in Látio, sancti Brunónis, epíscopi, qui pro reformánda Ecclésia multa fecit et passus est, quaprópter a sede sua abíre coáctus, in Monte Casíno refúgium invénit et abbas monastério ad tempus práefuit.

10*. Cracóviæ in Polónia, beáti Simónis de Lipníca, presbýteri ex Ordine Minórum, qui, prædicatióne ac devotióne erga nomen Iesu insígnis, in curándis peste moribúndis ipse caritáte motus mortem oppétiit.

11*. Ad áncoram ante litus Rupifórtii ad oram Gálliae, beáti Ioánnis Baptístæ de Bruxelles, presbýteri Lemovicénsis et mártiris, qui témpore gállicæ perturbatiónis in squalóre navis servitútis inédia et pestilénti morbo conféctus occúbuit.

12. In urbe *Nam Định* in Tunkuino, sancti Domínici Nicolái Đinh Đạt, mártiris, qui, cum esset miles, fidem christíanam negáre coáctus, post dira supplicia crucem calcávit; sed statim de re pænitens, prétio apostásiae réddito, imperatóri Minh Mạng scripsit, ut dénuo iudicarétur christianus, ac tandem strangulátus occúbuit.

13*. In vico *Krystonopil* in Ucráina, beátæ Tarsícíæ (Olgæ) Mackiv, vírginis e Congregatióne Sorórum Ancillárum Mariæ Immaculátæ et mártiris, quæ, belli témpore, ob fidem coram persecutóribus defénsam géminam virginitátis et martýrii victóriam consecúta est.

Die 19 iúlii

Quartodécimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	18	19	20	21	22	23							

1. **C**ommemoratio sancti Epaphræ, qui Colóssis, Laodicæ et Hierápoli pro Evangélio multum laborávit et a beáto Paulo Apóstolo carissímus consérvus, concáptivus et fidélis mínister Christi appellátur.
2. Meri in Phrýgia, sanctórum Macedónii, Theodúli et Tatiáni, mátyrum, qui, sub Iuliáno Apóstata imperátore, ab Almáchio práeside, post alia torménta, super crates férreas ignítas pósiti, exsultántes martýrium complevérunt.
3. In monastério Annesíno apud flumen Irim in Ponto, sanctæ Macrínæ, vírginis, soróris Sanctórum Basílii Magni, Gregórii Nysséni et Petri Sebasténsis, quæ, Sacris Scriptúris erudíta, ad vitam solitáriam se cóntulit, mirum exémplum desidérii Dei discessúsque a vanitáte mundi.
- 4*. Constantinópolis, sancti Dii, cognoménto Thaumáturgi, archimandritæ, qui pátria antiochénus, in hac civitáte présbyter ordinátus monastérium instituit sub Régula Acœmetórum.
5. Romæ apud sanctum Petrum, sancti Sýmachi, papæ, qui, schismaticórum factióne diútius fatigátus, demum conféssor fidei quiévit.
6. Córdubæ in Vandalícia Hispániæ regióne, sanctæ Aureæ, vírginis, soróris sanctórum mátyrum Adólphi et Ioánnis, quæ, témpore Maurórum persecutiónis ad iúdicem addúcta metu lapsa est, sed mox facti pænitens, iteráto certámine, hostem effúso ságuine superávit.
- 7*. Ultraiécti in Géldria Lotharíngiæ, sancti Bernóldi seu Bernúlphi, epíscopi, qui ecclésiās et monastéria e potestáte poténtium liberávit, plures ecclésiās fundávit et in monastériis consuetúdines Cluniacénces fovit.
- 8*. In monastério Mariæburgi in Francónia, beátæ Stillæ, vírginis sacratæ, quæ in Ecclésia, quam fundáverat, sepúlta est.

9*. Fulgínii in Umbria, beáti Petri Crisci, qui, bonis ómnibus paupéribus datis, Ecclesiæ cathedrális ministério se mancipávit et in turri campanária húmilis et summe pænitens degit.

10. Céstriæ in Anglia, sancti Ioánnis Plessington, presbýteri et mártiris, qui, Segóbiæ sacérdos factus atque in Angliam revérsus, hac de causa sub Carólo rege Secúndo suspéndii torméntis destinátus est.

11. In vico *Lujiazhuang* prope *Yingxian* in Sinárum *Hebei* Província, sancti Ioánnis Baptistæ Zhou Wurui, mártiris, qui, adhuc aduléscens, coram sectatóribus «Yihetuan » se cristiánum apérte proféssus est, quare parte membrórum mutilátus est et secúri percússus.

12. In óppido *Liucun* apud urbem *Renqin* item in *Hebei*, sanctórum mártýrum Elísabeth Qin Bianzhi eiúsqe filii Simónis Qin Chunfu, quattuórdecim annos nati, qui in eádem persecutióne fortes in fide omnem hóstium crudelitátem vicérunt.

13*. In óppido *Borowikowszczyzna* in Polónia, beatórum Achíllis Puchala et Hermánni Stępién, presbyterórum ex Ordine Fratrum Minórum Conventuálium et mártýrum, qui, pátria Polónia aliéno militári império violáta, in ódium fidei interfécti sunt.

Die 20 iúlii

Tértiodécimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	19	20	21	22	23	24							

Sancti Apollináris, epíscopi, qui, investigábiles divítias Christi inter gentes propágans, pastor bonus suum antecéssit gregem et Ecclesiám Classénsem apud Ravénnam in Flamínia ínclito martýrii honóre decoravísse tráditur Die vero vigésima tértia iúlii ad dapes ætéernas migrávit.

2. Commemoratio sancti Eliæ Thesbítæ, qui prophéta Dómini in diébus Achab et Acaziæ, regum Israel, Dei únici iura vindicávit advérsus infidélem pópulum tali ánimi róbre, ut non modo Ioánnem Baptístam, sed étiam Christum ipsum præfiguráret; orácula scripta non relíquit, sed eius memória fidéliter servátur, præsértim in monte Carmélo.

3. Commemoratio beáti Ioseph, qui vocabátur Barsábbas et cognominátus est Iustus, discípus Dómini, quem cum beáto Matthia Apóstoli statuérunt ut unus ex eis locum apostolátus Iudæ proditóris impléret; sed, cum sors cecidisset super Matthíam, ipse nihilóminus prædicatiónis et sanctitátis officio insérviit.

4. Antiochiæ in Pisídia, sanctæ Marínæ seu Margarítæ, quæ virginitáte et martýrio corpus suum Christo dedicásse tráditur.

5. In Æthiópia, sancti Fruméntii, epíscopi, qui, primum ibi cáptivus, deínde, epíscopus a sancto Athanásio ordinátus, Evangélium in ea regióne propagávit.

6. Carthágine, sancti Aurelíi, epíscopi, qui, firmíssimum Ecclésiæ cólumen, fidéles advérsus mores pagános munívit et sedem episcopálem simulácri deae Cæléstis loco collocávit.

7. In pago Bononiénsi Gállia, sancti Vulmári, presbýteri, qui, ex húmili pastóre ad stúdia indúctus et munus sacerdotále adéptus, erémum more antiquórum patrum pétiit, deínde Altomónte in Hannónia in silva pátria duplex cóndidit monastérium, álterum virórum, vírginum álterum.

8. Córdubæ in Vandalícia Hispániæ regióne, sancti Pauli, diáconi et mártiris, qui, exémplo verbóque sancti Sisenándi instrúctus, Maurórum príncipes et cónsules vanitátis eórum cultus argúere non tímuit atque Christum verum Deum cónfítens peréemptus est.

9*. Hildésiæ in Saxónia Germániæ, beáti Bernárdi, epíscopi, qui in pace tres et vigínti annos Ecclésiám suam rexit, etsi cæcus.

10. Seuli in Coréa, sanctórum Magdalénæ Yi Yöng-hui, Terésia Yi Mæ-im, Marthæ Kim Söng-im, Lúciæ Kim, Rosæ Kim, Annæ Kim Chang-güm atque Mariæ Wön Kwi-im, vírginis, et Ioánnis Baptístæ Yi Kwang-nyol, mártýrum.

11. In urbe Nam Định in Tunquino, sancti Ioséphi Mariæ Díaz Sanjurjo, epíscopi ex Ordine Prædicatórum et mártiris, qui, persecutióne imperatóris Tụ Đức furénte, in ódium fidei cápite damnátus est.

12. In vico *Zhoujiahe* apud urbem *Yingxian* in *Hebei* Sinárum província, pássio sanctórum Leónis Ignátii Mangin et Pauli Denn, presbyterórum e Societáte Iesu, qui in persecutióne a fautoribus sectae «Yihetuan» patrata fideles in ecclésia eníxe cobortantes ab hóstibus irrumpéntibus ante altáre perfóssi sunt. Cum iis cécidit sancta María Zhou Wuzhi, quæ sanctum Leónem sacra ministrántem corpore suo obtégere vóluit et vulneribus percússa óbiit.

13. In pago *Lujiazhuang* prope *Yingxian* item in *Hebei*, sancti Petri Zhou Rixin, mártiris, qui in eádem persecutióne coram præfécito instánti se Deum creatórem mundi eiuráre posse negávit, quam ob rem cápite præcísus est.

14. In óppido *Daliucun* apud *Wuyi* item in eádem província, sanctæ Mariæ Fu Guilin, quæ, magístra, in eádem persecutióne in manus inimicórum Evangélii trádita Christum Salvatórem ínvocans cápite truncata est.

15. In vico *Wuqiao Zhaojia* item in *Hebei*, commemorátio sanctárum Mariæ Zhao Guozhi eiúsque filiárum Rosæ Zhao et Mariæ Zhao, quæ in eádem persecutióne, ne violaréntur, in púteum se proiecerunt, sed inde extráctæ martýrium consummáru.

16. In óppido *Dechao* item in *Hebei*, commemorátio sancti Xi Guizi, mártiris, qui adhuc catechúmenus, coórto tumúltu, se christiánum perhíbuit et, vulneribus concísus, próprio ságuine baptizátus est.

17*. Matríti in Hispánia, beatárum Ritæ a Vírgine Perdolénti a Corde Iesu Pujalte y Sánchez et Francíscæ a Corde Iesu Aldea y Araujo, vírginum e Congregatióne Sorórum Caritátis a Sacro Corde Iesu et mártirum, quæ, persecutióne religiósá in bello civíli flagrante, in ecclésia collégii ab inimícis Ecclésiæ apprehénsæ sunt et paulo post plumbis in via transfóssæ.

Die 21 iúlii

Duodécimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	30	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	20	21	22	23	24	25							

Sancti Lauréntii de Brundúsió, presbýteri et Ecclésiæ doctóris, qui, inter Fratres Minóres Capuccínos adscríptus, prædicándi múnere in Európe regiónibus indefesse functus est, tum pro Ecclésiæ defensióne advérsus infideles, tum in reconciliándis princípibus, tum in Ordinis sui moderatióne, ómnia múnera explens simplicitáte et humilitáte. Die vero vigésimo secúndo iúlii Ulyssipóne in Lusitánia óbiit.

2. Massíliæ in Província Gállia, sancti Victóris, mártiris.

3. Apud Emesam in Sýria, sancti Simeónis, cognométo Sali, qui, a Spíritu divíno motus, stultus pro Christo et ignóbilis apud hómínes habéri cupívit. Item, commemorátio sancti Ioánnis, eremítæ, qui trigínta fere annos sócius fuit sancti Simeónis in peregrinatióne sancta et in erémo apud Aspháltitem lacum.

4. Romæ, commemorátio sanctæ Praxédis, sub cuius nómine ecclésia Deo dicáta est in Esquilíno.

5. Argentoráti in Burgúndia, sancti Arbogásti, epíscopi.

6*. In salo ante Rupifórtium ad oram Gállia in squalóre navis ad áncoras constitútæ, beáti Gabriélis Pergaud, presbýteri et mártiris, qui, canónicus reguláris Belli Loci in pago Briocénsi, propter sacerdotium témpore gállicæ perturbatiónis ex abbátia expúlsus est et, in captivitátem tráditus, contagióne corréptus martýrio coronátus est.

7. Apud *Yanzibian* prope *Yangpingguan* in Sinis, sancti Alberíci Crescitelli, presbýteri e Pontificio Institúto pro Missiónibus éxteris et mártiris, qui, in persecutióne sectatórum «Yihetuan», acérrime fere ad mortem percússus, sequénti die ligátis pédibus per callem sílice stratum ad flumen raptátus, ibi minútum concísus et tandem decollátus, martýrio coronátus est.

8. In itínere versus *Daining* apud Iomnienínam urbem *Hebei* provínciæ item in Sinis, pássio sancti Ioséphi Wang Yumei, mártiris in eádem persecutióne.

Die 22 iúlii

Undécimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	30	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	21	22	23	24	25	26							

Memória sanctæ Mariæ Magdalénæ, quæ, a septem dæmóniis a Dómino liberáta et discípula Ípsius effécta, eum usque ad Calvárium montem secúta est et summo mane Páschatis prima méruit Salvatórem vidére a mórtuis resurgéntem et áliis discípulis núntium afférre resurrectiόνis.

2. Ancýræ in Galátia, sancti Platónis, mártiris.

3. In Africa, sanctórum mártyrum Massilitanórum, in quorum die natáli sanctus Augustínus tractátum hábuit.

4. Antiochiæ in Sýria, sancti Cyrílli, epíscopi, qui sub Diocletiáno imperatóre cárcerem et exsílum passus est.

5. In castro Suániæ in iugis Cáucasi, sancti Anastásii, mónachi, qui, sancti Máximi Confessóris discípulus, propter orthodóxam fidem cum eo cárceres sævitiásque súbiit et, ad hoc castrum progressus, ibídem vel fortásse in ipso itínere e víta cessit.

6. In monastério Fontanellénsi in Néustria, sancti Wandregísili, abbátis, qui, cum Dagobérti regis cúriam reliquísset, vitam monásticam divérsis in locis duxit et, a sancto Audæno epíscopo Rothomagénsi ad sacerdotium promótus, in silva Gemmeticénsi monastérium fundávit et rexit.

7. Menáti in território Gállia Arvernénsi, sancti Menélei, abbátis.

8*. Pápiæ in Langobárdia, sancti Hierónymi, epíscopi.

9*. Laude Pompéia item in Langobárdia, sancti Gualtérii, fundatóris Domus hospitális Misericórdia.

10*. Venétiis, beáti Augustíni de Bugélla Fangi, presbýteri ex Ordine Prædicatórum, qui Soncíní, Viglébani et Venétiis benefícia multa præstitit.

11. Ulyssipóne in Lusitânia, natális sancti Lauréntii de Brundúsió, cuius memória prídie huius diéi ágitur.

12. Cardíffæ in Cámbría, sanctórum Philíppi Evans, e Societáte Iesu, et Ioánnis Lloyd, presbyterórum et mártýrum, qui propter sacerdotium in pátria patefáctum sub Carólo rege Secúndo simul láqueo suspénsi sunt.

13*. In sórdida actuária ante litus Rupifórtii in Gállia constitúta, beáti Iacóbi Lombardie, presbýteri Lemovicénsis et mártýris, qui, tempestáte magnæ contra Ecclésiám persecutiónis propter sacerdotium inhumáne deténtus, insanábili morbo consúptus est.

14. In loco *Majiazhuang* prope *Daining* in *Hebei* Sinárum província, sanctórum mártýrum Annæ Wang, vírginis, Luciæ Wang Wangzhi et filii eius Andréæ Wang Tianqing, qui in persecutióne a fautóribus sectæ «Yihetuan» confécta pro Christi nómine occísi sunt.

15. Prope *Daining* apud Iomnienínám urbem item in Hebei, sanctæ Mariæ Wang Lizhi, mártýris, quæ in eádem persecutióne, cum éthnici quidam eius salúti consúlere vellent negántes eam esse christiánám, se fámulam Christi Iesu apérte declarávit et statim occísa est.

Die 23 iúlii

Décimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
28	29	30	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	22	23	24	25	26	27							

Sanctae Birgíttæ, religiósæ, quæ, in Suécia núptui Ulfóni legífero data, Octo quos génuit filios piíssime educávit et cóniugem ipsum verbis et exémpis ad pietátem excitávit. Quo defúncto, multa per loca sacra peregrináta est et, de cápite et membris Ecclésiæ mýstice reformándis scriptis relictis atque Ordinis Sanctíssimi Salvatóris fundaméntis actis, Romæ migrávit in caelum.

2. Commemoratio sancti Ezechiélis, prophétæ, qui filius Buzi sacerdotis, tempore exsili in terra Chaldæorum visione glóriæ Dómini insignitus et speculator dómui Israel præpósitus, infidelitatem pópuli elécti improbávit, civitatem sanctam Ierúsalem in ruínas eversúrum iri populúmque in deportatióem missum prospéxit; in médio captivórum ipse pósitus, spem eórum áluit iisque árida ossa ad vitamurrectúra prophetávit.

3. Classe apud Ravénnam in Flamínia, commemoratio sancti Apollináris, epíscopi, cuius memória die vigésima iúlii celebrátur.

4. Bízyæin Thrácia, sancti Sevéri, mártiris, qui, tempóribus Diocletiáni et Maximiani mártirum palmas remulátus, sanctum Memnónem centurióem ad fidem convertísse et in agóne secútus esse crédito.

5*. Massíliæ in Província Gállia, sancti Ioánnis Cassiáni, presbýteri, qui duo monastéria, álterum pro viris, álterum pro múlueribus, cóndidit et, longo rerum monasticárum usu perítus, de Cœnobíticis Institútis et Collátiones Patrum scripsit ad ædificatióem monachórum.

6*. Címelæ item in Província, sancti Valeriáni, epíscopi, qui, e monastério Lirinénsi ad episcopátum sublátus, pópulo monachisque exémpla sanctórum propósuit.

7*. Urbevéti in Túscia, beátæ Ioánnæ, vírginis, Soróris de Pœniténtia Sancti Domínici, caritáte et patiéntia præcláræ.

8*. In civitate *Manzanares* in Nova Castélla Hispániæ regione, beatórum mártirum Nicéphori a Iesu et María (Vincéntii) Díez Tejerina, presbýteri, et quinque sociórum¹⁰ e Congregatióne Pássonis, qui, persecutiónis tempore, cum vocatióni religiósæ fidèles permansissent, plumbis cæsi corónas accípere meruérunt.

9*. In loco *Carabanchel Bajo* apud Matritum item in Hispânia, in eádem persecutióne, beatórum mártirum Germáni a Iesu et María (Emmanuélis) Pérez Giménez, presbýteri, et octo sociórum,¹¹ religiosórum eiúsdem Congregatiónis Pássonis, qui certámen pro Christo victóres complevérunt.

10*. Apud Tolétum item in Hispânia, beatórum mártirum Petri Ruiz de los Paños et Ioséphi Sala Picó, presbyterórum ex Instituto Sacerdotum operariórum diœcesanórum et mártirum, qui in eádem persecutióne occubuérunt.

11*. Dacháni prope Monáchium Baváriæ in Germánia, beáti Christíni Gondek, presbýteri ex Ordine Fratrum Minórum et mártiris, qui, de Polónia sub regímine humánæ dignitatí ac religióni infénso coácta in castra detentiónis propter Christi fidem ablátus, cruciátibus conféctus gloriósam corónam consecútus est.

12*. Epériis in Slováchia, beáti Basílii Hopko, epíscopi auxiliáris Presoviénsis et mártiris, qui, témpore regíminis Christi fidei et Ecclesiæ infénsi, cum christifidélibus Ritus byzantíni ministráret, in cárcerem coniéctus, sævítias ac longum ægrúmque morbum usque ad mortem passus est, palmam ássequens victóriæ.

Die 24 iúlii

Nono Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
29	30	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	23	24	25	26	27	28							

Sancti Sarbélii (Ioséphi) Makhhlūūf, presbýteri ex Ordine Libanénsium Maronítarum, qui, arctae solitúdinis et altiórís perfectiúnis studiósus, e cœnóbíio Annáíæ in Líbano in erémum secéssit, ubi summa vitæ asperítate, ieiúniis et obsecratióibus die ac nocte Deo servívit. Die vicésima quarta decémbris in Dómino requiévít.

2. Volsínii in Túscia, sanctæ Christínæ, vírginis et mártiris.

3. Amitérni in Sabína via Salária, sancti Victoríni, mártiris.

4*. Tauriáni in Calábria, sancti Fantíni Senióris, cognoménto Thaumátúrgi.

5. In Thebáide, sanctæ Euphrásiæ, vírginis, quæ, e senatória família orta, eremíticam vitam dúcere elégit in desérto, húmilis, pauper et obædiens.

6*. Ardmóriæ in Momónia Hibérniæ Província, sancti Decláni, qui primus epíscopus huius Ecclesiæ percólitur.

7*. In pago Albigénsi Aquitániæ, sanctæ Sigolénæ, religiósæ.

8. In Rússia, sanctórum Boris et Gleb, mártýrum, qui, príncipes Ruthéni et filii sancti Vladimíri, mortem excípere maluérunt quam vi fratri Suatópolco resístere. Boris ad Altam flumen prope Pereisláviam palmam martýrii nactus est, Gleb vero paulo post in Borísthene flúminæ prope Smolénsicum.

9*. Apud Reáte in Sabína, sancti Balduíni, abbátis, qui, sancti Bernárdi discípulus in monastério Claravallénsi, ab eo in hanc civitátem missus est, ut cœnóbium Sancti Matthæi sub Lacu cónderet et régeret.

10*. Sancti Trudónis Fani in Brabántia, beátæ Christínæ, cognoménto Mirábilis, vírginis, quia in ea, tum córpore afflícta, tum spíritu rapta, Dóminus mirábiliter operátus est.

11. Sandécia apud Tarnóviam in Polónia, sanctæ Kingæ seu Cunegúndis, quæ, regis Hungáriæ filia, Bolesláo duci nuptum data, illibátam cum eo virginitátem servávit et, cóniuge defúnto, Régulam sanctæ Claræ proféssa est in monastério ab ipsa fundáto.

12*. Ferráriæ in Æmília, beáti Ioánnis de Tossiniáno Tavelli, epíscopi, ex Ordine Iesuatórum.

13. Colóniæ Agrippínæ in Lotharíngia, translátio trium magórum, qui, sapiéntes ex Oriénte, múnera deferéntes Béthlehem venérunt contempláre in púero mystérium celsitúdinis Unigéniti.

14*. Aquilæ in Vestínis, beáti Antónii Torriani, presbýteri ex Ordine Eremitárum Sancti Augustíni, córporum animarúmque médici.

15*. Orbæ in Sabáudia, beátæ Ludovicæ, religiósæ, quæ, filia beáti Amadéi ducis, Hugóni príncipi de Chalan nupsit eoque vita functo Régulam sanctæ Claræ sub reformatióne sanctæ Colétæ in humilitáte et fidelitáte proféssa est.

16*. Derébiæ in Anglia, beatórum Nicolái Garlick, Robérti Ludlam et Richárdi Simpson, presbyterórum et mártýrum, qui, multos post labóres vexationésque Elísabeth regína Prima regnánte propter sacerdotium cápite damnáti, patíbulo ad cæléstia pervenérunt gáudia.

17*. Novi Castri ad Tinam flumen item in Anglia, beáti Ioséphi Lambton, presbýteri et mártýris, qui, viginti et quáttuor annos natus, in eádem persecutióne propter sacerdotium per atróces cruciátus vivus disséctus est.

18. Dunélmi item in Anglia, sancti Ioánnis Boste, presbýteri et mártýris, qui, sub eádem regína martyr propter sacerdotium, etiam coram iúdice sócios confirmáre non désinit.

19. In urbe Nam Định in Tunquíno, sancti Ioséphi Fernández, presbýteri ex Ordine Prædicatórum et mártýris, pro Christo decolláti sub imperatóre Minh Mạng.

20*. Neápoli in Campánia, beáti Modéstini a Iesu et Mariá (Domínici) Mazzarello, presbýteri ex Ordine Fratrum Minórum, qui, omnis géneris páuperum et afflictórum próximus, témpore pestiléntiæ in moribúndis assidéndo ipse choléra corréptus óbiit.

21*. Guadalaxáræ in Hispánia, beatárum Mariæ a Colúmna a Sancto Francíscó Bórgia (Iacóbæ) Martínez García, Terésia a Iesu Infánte (Eusébiæ) García García et Mariæ Angelæ a Sancto Iosépho (Marciánæ) Voltierra Tordesillas, vírginum ex Ordine Carmelitárum Discalceatárum et mártýrum, quæ lætántes Christo Sponso acclamántes témpore persecutiónis martýrio coronátæ sunt.

22*. Apud Barcinónem item in Hispánia, beátæ Mariæ a Mercéde Prat, vírginis e Societáte a Sancta Terésia a Iesu et mártýris, quæ in eádem tempestáte, cum religiósá esset, passióem consummávit.

23*. Item Barcinóne, beáti Xavérii Bordas Piferrer, religiósi e Societáte Salesiána et mártýris, qui Christi magístri exémpulum martýrio suo testificátus est.

Die 25 iúlii

Octávo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
30	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	24	25	26	27	28	29							

Festum sancti Iacóbi, Apóstoli, qui, filius Zebedæi et beáti Ioánnis evangelistæ frater, cum Petro et Ioánnē transfiguratiónis Dómini eiúsque agóniæ testis fuit. Prope autem festum Páschatis ab Heróde Agríppa decollátus, primus ex Apóstolis corónam martýrii percépit.

2. In Lýcia, sancti Christóphori, mártiris.

3. Barcinóne in Hispánia Tarraconénsi, sancti Cucuphátis, mártiris, qui, in persecutióne Diocletiáni imperatóris gládio percússus, victor migrávit in cælum.

4. Cæsaréæ in Palæstína, sanctórum Valentínæ, Theæ et Pauli, mártirum in persecutióne Maximiani imperatóris, sub Firmiliáno præside. Valentína virgo, cum aram idólis eréctam cálceibus evertisset, post diros cruciátus una cum Thea vírgine in ignem coniécta cucúrrit ad Sponsum. Paulus vero, cápite damnátus, exíguo orándi spátio impetráto, pro salúte ómnium Deum toto corde precátus, abscíssis cervícibus, martýrii corónam accépit.

5. Nicomedíæ in Bithýnia, tránsitus sanctæ Olymiádis, víduæ, quæ, adhuc iúvenis cóniuge orbáta, Constantinópoli inter mulieres Deo sacrátas réliquum vitæ tempus piíssime transégit, paupéribus subvéniens et sancto Ioánni Chrysóstomo fidelíssima étiam in eius exsilio.

6. Tréviris in Rhenánia Austrásiæ, sancti Magneríci, epíscopi, qui sancti Nicétii discipulus fuit, fidélis in exsílio sócius et zelo æmulus in cura pastoráli succéssor.

7*. Ibídem, sanctórum Beáti et Banti, presbyterórum, qui, témpore sancti Magneríci, vitam eremíticam degérunt.

8*. Metis in Gállia Bélgica, sanctæ Glodesíndis, abbatíssæ.

9. Córdubæ in Vandalícia Hispániæ regióne, sancti Theodemíri mónachi Carmonénsis et mártiris adhuc iúvenis in Maurórum persecutióne.

10*. Andégavi in Gállia, beáti Ioánnis Soreth, presbýteri ex Ordine Carmelitárum, quem ad strictiórē observántiam addúxit et convéntibus moniálium locupletávit.

11 *. Cameríni in Picéno Itáliæ, beáti Petri de Molliáno Corradini, presbýteri ex Ordine Minórum, evangélica prædicatióne, virtútum exémpis et miraculórum fama clari.

12*. Salséte in India, beatórum mártýrum Radúlphi Aquaviva, Alphónsi Pacheco, Petri Berna, Antónii Francisco, presbyterórum, et Francísci Aranha, religiósi, e Societáte Iesu, qui propter crucem exaltátam ab infidélibus cæsi sunt.

13*. Bobíni in Apúlia, beáti Antónii Lucci, epíscopi, ex Ordine Fratrum Minórum Conventuálium, qui singulári doctrína cláruit et in paupéribus sublevándis ita effúsus fuit, ut ne suis quidem necessitatibus consúleret.

14*. In navígio ad áncoras ante oram Rupifórtii in Gállia, beáti Michaélis Ludovíci Brulard, presbýteri ex Ordine Carmelitárum Discalceatórum et mártýris, qui in gállica perturbatióne propter sacerdotium inhumáne reclúsus morbo consúptus périit.

15*. Matriti in Hispánia, beátæ Mariæ a Monte Carmélo Sálles y Barangueras, vírginis, quæ ad educándas pias excultásque mulieres Congregatióem Sorórum ab Immaculáta Conceptione fundávit.

16*. Urdæ in Hispániæ Toletána provincia, beatórum mártýrum Petri a Corde Redondo, presbýteri, Felícis a Quinque Vulnéribus Ugalde Irurzun et Benedícti a Vírgine «del Villar» Solano Ruiz, religiosórum e Congregatióne Passiόνis, qui in magna persecutióne propter fidem christiánam plumbis interfécti martýrii palma coronáti sunt.

17*. Prope Eboram Carpetanórum in agro Toletáno item in Hispánia, beatórum mártýrum Frideríci (Cárolí) Rubio Alvarez, presbýteri, Primi Martínez de San Vicente Castillo, Hierónymi Ochoa Urdangarín et Ioánnis a Cruce (Elígii) Delgado Pastor religiosórum, mártýrum, qui, omnes ex Ordine Sancti Ioánnis a Deo, in eádem persecutióne prompto iure gloriósam corónam consecúti sunt.

18*. In loco *Monzon* prope Oscam in Aragónia Hispániæ regióne, beáti Dionýsii Pamplona, presbýteri ex Ordine Clericórum Regulárium Scholárum Piárum et mártýris, eódem témpore in ódium fidei occísi.

19*. In vico *Motril* apud Granátam ad oram Hispániæ, beatórum mártýrum Deográtias Palacios, Leónis Inchausti, Ioséphi Rada, Iuliáni Moreno, presbyterórum, et Ioséphi Richárdi Díez, religiósi, qui, in Ordine Augustínianórum Recollectórum pro Christo militátes, in eádem persecutióne repénite a turba comprehénsi sunt et statim in via plumbis enecáti.

20*. In campo detentiōnis *Dzialdowo* in Polōnia, beātæ Mariæ Teresiæ Kowalska, vīrginis e Clarissis Capuccīnis et mārtyris, quæ, tēmpore occupatiōnis Polōniæ in bello, ob fidem servātam cárceri data diem sup̄rēum Christi fide suffēcta obiit.

Die 26 iūlii

Séptimo Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

Memória sanctōrum Ióachim et Annæ, paréntum immaculātæ Vīrginis Dei Genetrícis Mariæ, quorum nómīna ab antiquis tradítionibus christianōrum æservāta sunt.

2. Commemorátio sancti Erásti, qui, arcárius civitatís Corínthi, beáto Paulo Apóstolo ministrávit.

3. In monastério Sancti Benedícti ad Padum in agro Mantuáno, sancti Simeónis, mónachi et eremítæ.

4*. Augústæ Auscōrum in Aquitánia, sancti Austíndi, epíscopi, cuius ópera ecclésia cathedrális instrúcta est, pópuli mores expolíti, domus Dei ædificāta.

5*. Verónæ in Venétia, beatōrum Evangelístæ et Peregríni, presbyterōrum.

6*. Saxoferráti in Picéno Itáliæ, beáti Hugónis de Actis, mónachi e Congregatiōne Silvéstrinorum Ordinis Sancti Benedícti.

7*. Septémpedæ item in Picéno, beātæ Camíllæ Gentili, mārtyris, ab ímpio cóniuge necātæ.

8*. In pago *Gateshead* prope Novum Castrum ad Tinam flumen in Anglia, beáti Ioánnis Ingram, presbýteri et mārtyris, qui, gēnere anglus, in basílica Lateranénsi ordinátus in Scótia ministrávit, donec ultra fines Angliæ transgréssus propter sacerdotium sub Elísabeth regína Prima suspēndii pœna occúbuit.

9*. Darlintonii item in Anglia, beáti Geórgii Swallowell, mártiris, qui, eódem anno, cum Ecclesiæ catholicæ reconciliátus esset, cápite damnátus est et, quamvis magno timóre pertérritus et dire ab inimícis vexátus esset, fortis in fide sævissíma pro Christo accépit supplicia.

10*. Lancástriæ item in Anglia, beatórum Eduárdi Thwing, ex Ordine Prædicatórum, et Robértil Nutter, presbyterórum et mártirum, qui, multis labóribus in vínea Dómini peráctis, sub Elísabeth regína Prima propter sacerdotium damnáti, gloriósum martýrium consummavérunt.

11*. Londínii item in Anglia, beáti Guliélmi Webster, presbýteri et mártiris, qui, cum vigínti ámplius annos váriis in carcéribus ministrásset, Cárolo Primo regnán-te, de mandáto Parlaménti apprehénsus quad sacerdos esset, Tybúrni patíbulo suspénsus martýrium complévit.

12*. In vico Phù Yên in Annámia, beáti Andréæ, mártiris, qui, catechísta, persecutióne erga christiánam doctrínam furén-te, a milítibus ímpie captus pro Christo sánguinem fudit, Ecclesiæ térræ istíus primítia.

13*. In salo ad litus Rupifórtii in tabe navis ad áncoras deligátæ, beatórum Marcélli Gaucherii Labigne de Reigne-fort, e Societáte Missionariórum, et Petri Ioséphi Le Groing de La Romagère, presbyterórum et mártirum, qui, prior in pago Lemovicénsi, alter in Bituricénsi, témpore gállicæ perturbatiónis in ódium religiónis ad inhumánam custódiam dati, inédia morbóque confécti quievérunt.

14*. Arausióne item in Gállia, beatárum Mariæ Margarítæ a Sancto Augustíno Bonnet et quáttuor sociárum,¹² vírginum ex Ordine Sanctæ Ursulæ, quæ in eádem tempestáte martýrium subiérunt.

15. Lúere in Langobárdia, sanctæ Bartholomææ Capitano, vírginis, quæ cum sancta Vincéntia Gerosa Institútum Sorórum a Caritáte a María Infán-te fundávit et vicésimo séptimo anno ætátis suæ óbiit, phthisi corrépta sed pótius caritáte consúmpta.

16*. In vico *Motril* apud Granátam ad litus Hispániæ, beatórum Vincéntii Pinilla, ex Ordine Augustinianórum Recollectórum, et Emmanuélis Martín Sierra, presbyterórum et mártirum, qui postrídie martýrii quinque sociórum ex ecclésia abrépti sunt et plumbis transfóssi.

17*. Intra castra detentiónis Dacháni prope Monáchium Baváriæ in Germánia, beáti Titi Brandsma, presbýteri ex Ordine Carmelitárum et mártiris, qui, nederlándicus génere, pro Ecclésiæ et dignitátis hómínis defensióne, omne genus ærumnárum vexationúmque æquo ánimo pértulit, exémplum exímíæ caritátis tam erga concaptívos quam étiam erga ipsos carnífices præbens.

18*. Valléttæ in ínsula Meliténsi, beáti Geórgii Preca, presbýteri, qui, múnere amánte déditus catechéticam curándi institutiónem puerórum, Societátem Doctrínæ Christiánæ fundávit pro verbo Dei in pópulum próvide testificándo.

Die 27 iúlii

Sexto Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	26	27	28	29	30	1							

1. **C**ommemorátio sanctórum septem Dormiéntium Ephesi, qui, ut narrátur, mártýrio consummáto, in pace quiéscunt, diem resurrectiόνis expectántes.

2. Nicomedíæ in Bithýnia, sancti Pantaleónis vel Pantalaimónis, mártiris, qui in Oriénte médicus artem suam sine ullo múnere exércens cólitur.

3*. Ledóne Salinário in monte Iura Gállíæ, sancti Desiderati, qui Bisuntínus epíscopus fúisse créditur.

4. Romæ in cœmetério Priscillæ via Salária, sancti Cælestíni papæ Primi, qui, sédulus in Ecclésiæ fide tuénda et finibus ampliándis, primus in Británnia et Hibérnia episcopátum instítuit ac, eo favénte, Concílium Ephesínus advérsus Nestórium beátam Mariám salutávit Deíparam.

5. Prope Antíochiam in Sýria, sancti Simeónis, mónachi, qui multos annos vixit stans super colúmnam, unde et Stylítæ cognómen accépit, cuius vita et conversátio admirábilis éxstitit.

6*. Loccis super Ingerim in pago Turonénsi Gálliaē, sancti Ursi, abbátis, multórum cœnobiórum patris, admiránda abstinéntia et áliis virtútibus célebris.

7*. Ravénnæ in Flamínia, sancti Ecclesii, epíscoli, qui, consors sancti Ioánnis papæ Primi in atrocitátibus Theodoríci regis sustinéndis, solus in superándis, Ecclésiám suam ad novum decórem evéxit.

8*. In Beárnia regiône ad Pyrréneos in Vascónia Gálliaē, sancti Galactórii, qui Lascurrensis epísopus et martyr honorátur.

9. Mantineióne prope Claudiópolis in Honoríade, sanctæ Anthúsæ, vírginis, quæ, moniális, sub Constantíno Coprónymo imperátore ob cultum sacrárum Imáginum verbéribus cæsa et exsílio affécta, tandem in pátriam revocáta in pace decéssit.

10. Córdubæ in Vandalícia Hispániæ Provinciá, Sanctórum mártýrum Geórgii, diáconi et mónachi syri, Aurelíi et Sabigothónis, cóniugum, atque Felícis et Liliósæ, ítem cóniugum, qui in Maurórum persecutióne, desidério capti testimónii et fidei Christi, in cárcere Christum laudáre non cessábant et tandem decolláti sunt.

11*. Achridæ in Illyrico, sancti Cleméntis, epíscoli Velicénsis, qui, eruditiónē et sacrárum litterárum sciéntia insígnis, fidei lumen pópulo Bulgarórum prótulit. Cum eo commemorántur sancti epíscoli Gorázdus, Nahum, Sabas et Angelárius, qui in Bulgária opus sanctórum Cyrílli et Methódii prosecúti sunt.

12*. In cœnóbio Garsténsi in Stíria, beáti Berthóldi, abbátis, apud quem pœniténtibus consília quæréntibus vel beneficia poscéntibus facilis áditus erat.

13*. Placéntiæ in Æmília, beáti Raymúndi Palmerio, patrisfamílias, qui, uxóre et filiis orbátus, hospítium fundávit ad páuperes excipiéndos.

14*. Favéntiæ ítem in Æmília, beáti Nevolóni, sacris peregrinatiónebus, austeritáte vitæ et eremítica observántia insígnis.

15*. Amériæ in Umbria, beátæ Lúciæ Bufalári, vírginis, beáti Ioánnis de Reáte soróris, ex Oblátis Ordinis Sancti Augustíni, pœniténtiis et animárum zelo Claræ.

16*. Statefúrti in Anglia, beáti Robérti Sutton, presbýteri et mártýris, qui sub Elísabeth regína Prima propter sacerdotium suspénsus est.

17*. Bellomarísci in Cámbría, beáti Guliélmi Davies, presbýteri et mártýris, qui in eádem persecutióne propter solum sacerdotium, pro adstántibus orans, idem supplícium passus est.

18*. Bríxiæ in Langobárdia, beátæ Mariæ Magdalénæ Martinengo, abbatíssæ ex Ordine Clarissárum Capuccínarum, abstinéntiis insígnis.

19*. In óppido *Ollería* in pago Valentíno Hispánia, beáti Ióachim Vilanova Camallonga, presbýteri et mártýris, qui témpore persecutiónis erga fidem cæléstem glóriam consecútus est.

20*. In vico *Llisá* prope Barcinónem item in Hispánia, beáti Modésti Vegas Vegas, presbýteri ex Ordine Fratrum Minórum Conventuálium et mártýris, qui, eádem persecutióne erga fidem furénte, ságuinem pro Christo effúdit.

21*. Barcinóne item in Hispánia, beatórum Philíppi Hernández Martínez, Zachariæ Abadia Buesa et Iacóbi Ortíz Alzueta, religiosórum e Societáte Salesiána et mártýrum, qui in eádem persecutióne martýrium passi sunt.

22*. In loco *Oświęcim* seu *Auschwitz* prope Cracóviam in Polónia, beátæ Mariæ Cleméntis a Iesu Crucifixo Staszewska, vírginis ex Ordine Sanctæ Ursulæ et mártýris, quæ, bello sæviénte, in diram campi exítii custódiam propter fidem cóndita, cruciátibus fracta occúbuit.

Die 28 iúlii

Quinto Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

1. **C**ommemorátio Sanctórum Prochórii, Nicanóris, Timónis, Pármenæ et Nicolái prosélyti antiochéni, qui e septem fuérunt, quos plenos Spíritu et sapiéntia elégit multitúdo discipulórum quibúsque Apóstoli manus imposuérunt, ut ministrárent in servítium egenórum.

2. Romæ, sancti Victóris papæ Primi, Africáni, qui constituit ut sacrum Pascha ab ómnibus Ecclésiis celebrarétur die domínica Pascha iudáicum insequénti.

3. Commemorátio plurimórum mártýrum, qui in Thebáide Ægýpti in persecutióne Décii et Valeriáni imperatórum passi sunt, cum christiánis optántibus pro Christi nómine gládio pércuti cállidi hostes, tárda ad mortem supplicia conquiréntes, ánimas cúperent iuguláre, non córpora.

4. Miléti in Chária, sancti Acácii, mártýris sub Licínio imperatóre.

5. Medioláni in Ligúria, sanctórum Nazárii et Celsi, mártýrum, quorum córpora a sancto Ambrósio invénta sunt.

6*. Trecis in Gállia, sancti Cameliáni, epíscopi, qui discípulus fuit sancti Lupi eiúsque succéssor.

7. Doli in Británnia Minóre, sancti Samsónis, abbátis et epíscopi, qui Evangélíum et disciplínam monásticam, quam in Cámbrica a sancto Iltúdo abbáte didícerat, in Domnónia propagávit.

8*. In Suécia, sancti Botvídi, mártýris, qui, suécus génere et in Anglia baptizátus, pátriæ evangelizatióni se trádedit, donec a viro, quem ipse a servitúte redémerat, occísus est.

9. In urbe Nam Định in Tunquíno, sancti Melchióris García Sanpedro, epíscopi ex Ordine Prædicatórum et mártýris, qui pro Christo in arctíssimam custódiam dedúctus est et iussu imperatóris Tụ Đức membris cæsus.

10. Matríti in Hispânia, sancti Petri Poveda Castroverde, presbýteri et mártýris, qui Institutum Teresiánum ad institutiónem christiánam divulgándam fundávit et, persecutióne erga Ecclésiám incipiénte, in ódium fidei occísus clarum dedit Deo testimónium.

11*. Gábasæ in pago Cæsaraugustáno item in Hispânia, beatórum Emmanuélis Segúra, presbýteri, et Dávidis Carlos, religiósi, ex Ordine Clericórum Regulárium Scholárum Piárum, mártýrum in eádem persecutióne.

12. Tarracóne item in Hispânia, sancti Iacóbi Hilárii (Emmanuélis) Barbal Cosan, religiósi e Frátribus Scholárum Christianárum, mártýris, qui, persecutióne grassánte, in ódium Ecclésiæ cápite damnátus est.

13*. Barcinóne item in Hispânia, beatórum Ioséphi Caselles Moncho et Ioséphi Castell Camps, presbyterórum e Societáte Salesiána et mártýrum, qui in eádem persecutióne erga fidem per martýrium vitæ æternæ glóriam cónsequi meruérunt.

14*. In urbe *Bharananganam* in Kérala Indiæ dicióne, beátæ Alphónsæ ab Immaculáta Conceptione (Annæ) Muttathupadathu, vírginis, quæ, ut impósitum conúbium aufúgeret, pedem in ignem immísit et, inter Claríssas Malabariénses admíssa, fere semper ægrótans vitam Deo obtulit.

Die 29 iúlii

Quarto Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Memória sanctæ Marthæ, quæ Bethániæ prope Hierosólymam in domum suam Dóminum Iesum excépit et, fratre mórtuo, confessa est: «Tu es Christus Fílius Dei qui in mundum venisti».

2. Commemorátio Sanctórum Lázari, fratris sanctæ Marthæ, quem mortuum Dóminus flevit et resuscitávit, atque Mariæ, soróris eius, quæ, dum Martha satagébat circa frequens ministérium, sedens secus pedes Dómini verbum illíus audiebat.

3. Gangra in Paphlagónia, sancti Calliníci, mártýris.

4. Romæ via Portuénsi miliário tértio in cœmetério eius nómini dicáto, sancti Felícis, mártýris.

5. Ibídem in cœmetério Generósæ, sanctórum Simplícii, Faustíni, Viatrícis et Rufi, mártýrum.

6. Trecis in Gállia Lugdunénsi, sancti Lupi, epíscopi, qui cum sancto Germáno Autissiodorénsi ad expugnándam Pelagianórum hæresim in Británnia Minórem perréxit, urbem suam a furóre Attilæ oratióne deféndit et quinquaginta duos annos sacerdotio venerabiliter functus in pace quiévit.

7. Aureliáni item in Lugdunénsi, sancti Prósperi, epíscopi.

8. Nidarósia in Norvégia, sancti Olávi, mártiris, qui, rex gentis suæ, quam fidem christíanam in Anglia cognóverat, in regno suo idololatriám sédulo expúgnans propagávit, sed postrémo ab inimícis oppugnátus gládio occúbuit.

9*. Romæ apud sanctum Petrum, beáti Urbáni papæ Secúndi, qui libertátem Ecclésiæ contra laicórum invasíones túitus est, advérsus simoníacos et pravos cléricos pugnávit et in Concílio Claromontáno mílites christíanos adhortátus est, ut cruce signáti fratres ab infidélibus opprésos et sepúlcrum Dómini liberárent.

10. In Briocénsi óppido Británnia Minóris Gállia, sancti Guliélmi Pinchon, epíscopi, qui in Ecclésiæ cathedrális ædificatiónem se impéndit, benignitáte et simplicitáte refúlsit et impávido ánimi róbre pro óvibus ac iúribus Ecclésiæ defendéndis graves vexátiones exsiliúmque passus est.

11*. Omúræ in Iapónia, beatórum mártirum Ludovíci Bertrán, presbýteri ex Ordine Prædicatórum, Máncii a Sancta Cruce et Petri a Sancta María, religiosórum ex eódem Ordine, qui pro Christo in ignem iniécti sunt.

12*. In freto prope Rupifórtium ad oram Gállia, beáti Cároli Nicolái Antónii Ancel, presbýteri e Societáte Iesu et Mariæ et mártiris, qui, témpore gállicæ perturbatiónis in navi servitútis inhumáne útpote sacérdos deténtus, tristi contagióne corréptus martýrium complévit.

13. In urbe *Qingyan* in *Guizhou* Sinárum província, sanctórum mártirum Ioséphi Zhang Wenlan, Pauli Chen Changpin, seminárii alumnórum, Ioánnis Baptístæ Lou Tingyin, seminárii administratóris, et Marthæ Wang Louzhi, víduæ, qui, in cálida et húmida cávea reténti, atróces subiérunt vexátiones et demum pro Christi fide capítibus abscíssis obiérunt.

14*. In civitáte *Esplugues* prope Barcinónem in Hispánia, beáti Ioánnis Baptístæ Egozcuezábal Aldaz, religiósi ex Ordine Sancti Ioánnis a Deo et mártiris, qui, témpore persecutiónis erga fidem, in ódium Ecclésiæ occísus est.

15*. Calándæ prope Terúlium item in Hispánia, beatórum Lúcii Martínez Mancebo, presbýteri ex Ordine Prædicatórum, et sociórum,¹³ mártirum, qui, fortitúdine Christi suffúlti, in eádem persecutióne occubuérunt.

16*. Valentiae item in Hispania, beati Iosephi de Calasanz Marqués, presbyteri e Societate Salesiana et martyris, qui in eadem persecutiōne sanguinem pro Christo effudit.

Die 30 iulii

Tertio Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

Sancti Petri, cognomento Chrysologi, episcopi Ravennatensis et Ecclesiae doctoris, qui, beati Apostoli nactus cognomen, eiusdem munus ita perfecit, ut caelestis doctrinae reti in fidem turbas concluderet et divini sermonis dulcedine satiaret. Ipsius vero transitus Fori Cornelii in Flaminia crastina die advénit.

2. Romae in coemeterio Pontiani via Portuensi, sanctorum Abdon et Sennen, martyrum.

3. Caesarae in Cappadocia, sanctae Iulittae, martyris, quae, cum constanter iudicis iussum recusasset thuris idolis offerendi, in ignem coniecta est.

4. Thuburbone Lucernariae in Africa, sanctorum Maximae, Donatillae et Secundae, virginum et martyrum, quarum duae primae in persecutiōne Diocletiani imperatoris sine metu praecceptum caesaris idolis sacrificandi respuerunt et ex Anulini proconsulis sententia una cum puella Secunda primum ad bestias traditae sunt, dein gladio iugulatae.

5. Autissiodori in Gallia Lugdunensi, sancti Ursi, episcopi.

6*. Gistellae in Flándria, sanctae Godelévæ, martyris, quae, nupta Domino loci, a coniuge et matre eius multa passa est et tandem a duobus famulis strangulata.

7*. Calerógæ in Castélla Hispániæ regiône, commemorátio beáti Mannis Guzman, presbýteri, sancti Domínici fratris, in Ordine Prædicatórum propagádo eius adiutóris et prudéntis moniálium consiliárii.

8*. Londínii in Anglia, beatórum Eduárdi Powell, Richárdi Featherstone et Thomæ Abel, presbyterórum et mátyrum, qui, doctóres sacrae theológiæ, divórtio illo ab Henríco rege Octávo propósito obstitérunt et in fidelitáte erga Románum Pontíficem tenáciter perseverárun, quaprópter post captivitátem in Turre civitátis, patíbulo in loco Smithfield suspénsi sunt.

9. In vico *Daying* prope urbem *Zaoqiang* in *Hebei* Sinárum província, sancti Ioséphi Yuan Gengyin, mátyris, qui in persecutióne sectatórum «Yihetuan», cum ínstitor esset in núndinis loci, propter Christi nomen occísus est.

10*. In loco *Calafell* prope Tarracónem ad oram Hispániæ, beatórum mátyrum Brauliónis Mariæ (Pauli) Corres Díaz de Cerio, presbýteri, et quattuórdecim sociórum¹⁴ ex Ordine Sancti Ioánnis a Deo, qui, in persecutióne erga religiósos capti, inimícis ignoscéntes beatíssimam martýrii corónam meruérunt.

11*. In óppido *Castelserás* prope Teruliúm item in Hispánia, beatórum mátyrum Ioséphi Mariæ Muro Sanmiguel, presbýteri, Ióachim Prats Baltueña, religiósi, ex Ordine Prædicatórum, et Zósimi Izquierdo Gil, presbýteri qui, eádem persecutióne erga fidem furénte, pro Christo corónam glóriæ consecúti sunt.

12*. Barcinóne item in Hispánia, beáti Sérgii Cid Pazo, presbýteri e Societáte Salesiána et mátyris, qui, témpore eiúsdem persecutiónis, ob impávidum fidei testimónium occúbuit.

13. Patávii in Itália, sancti Leopóldi (Bogdáni) de Castronóvo Mandie, presbýteri ex Ordine Fratrum Minórum Capuccinórum, qui christianórum unitátis zelo exársit et totam vitam impéndit in ministérium reconciliatiónis.

14*. Guadalaxáræ in México, beátæ Mariæ Vincéntiæ a Sancta Dorothea Chávez Orozco, vírginis, quæ, fundátrix Institúti Servárum Páuperum, soli Deo et Providéntiæ auxílio confisa, testimónium dedit lenitátis ac sedulitátis in mæréntes et páuperes.

15. Ibídem, beátæ Mariæ a Iesu Sacramentáto Venegas de la Torre, vírginis, quæ quinquagínta et quáttuor annos in infirmos curándos óperam impéndit in parvo

valetudinário pro paupéribus, in quo Congregationem Filiárum a Sacro Corde Iesu fundávit.

Die 31 iúlii

Prídie Kalendas augusti. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	1	30	1	2	3	4	5							

Memória sancti Ignátii de Loyola, presbýteri, qui, hispánus in Vascónia natus, in aula régia et milítia vitam egit, donec, post grave vulnus accéptum ad Deum convérsus, Lutétiae Parisiórum stúdia theológica complévit et primos sócios sibi ascívit, quos póstea in Societátem Iesu Romæ constituit, ubi ipse fructuósum exércuit ministérium et in óperis conscribéndis et in discíplis instituéndis, ad maiórem Dei glóriam.

2. Medioláni in Transpadána, sancti Caliméri, epíscopi.

3. Sýnnade in Phrýgia, Sanctórum Demócriti, Secúndi et Dionýsii, mártýrum.

4. Cæsaréæ in Mauretánia, sancti Fábii, mártýris, qui, cum in concílio totíus provínciæ ferre vexílla præsidália recusáret, primum in cárcerem trusus est et, cum in confessióne Christi perduráret, a iúdice capitáli senténtia condemnátus est.

5. Romæ via Latína, sancti Tertullíni, mártýris.

6. Apud Ravénnam in Flamínia, tránsitus sancti Germáni; epíscopi Autissiodorénsis, qui Britannórum fídem a pelagiána háeresi bis deféndit et, cum Ravénnam pro pace Armóricæ regiónis conciliánda perrexísset, a Valentiniáno et Galla Placídia Augústis glorióse suscéptus est, ibíque cæléstia regna conscéndit.

7. Apud Forum Cornélii item in Flamínia, tránsitus sancti Petri Chrysólogi, epíscopi Ravennaténsis, cuius memória prídie huius diéi ágitur.

8. Schédviæ in Suécia, sanctæ Hélienæ, víduæ, quæ iniúste occísa martyr habétur.

9*. Aquipéndii in Túscia, tránsitus beáti Ioánnis Columbíni, qui, dives negotiátor vestiárius ad paupertátem convérsus, discípulos adscívit in Ordinem Iesuatórum, quos vóluit páuperes Christi et sponso dómínæ Paupertátis.

10*. Londínii in Anglia, beáti Everárdi Hanse, presbýteri et mártiris, qui fidem catholicam ex die, qua eam proféssus erat, fidéliter custodívit, apud concives propagávit et sub Elisabeth regína Prima martýrio Tybúrne consummáto glorióse firmávit.

11*. In salo ante Rupifórtium in Gállia, beáti Ioánnis Francísci Jarrige de la Morélie du Breuil, presbýteri et mártiris, qui, persecutióne sæviénite contra Ecclésiám témpore gállicæ perturbatiónis, in sórdida navi servitútis cónditus phthisi mortem óbiit.

12. In loco *Cáy Mét* prope Saigóniam in Cocincína, sanctórum Petri Đoán Cống Quý, presbýteri, et Emmanuélis Phụng, mártirum, qui, córciter septem ménsibus in cárcere peráctis, sub imperátore Tụ Đức pro Christo decolláti sunt.

13. In valle *Alighede* in Æthiópia, sancti Iustíni De Iacóbis, epíscopi e Congregatióne Missiόνis, qui, mansuétus et caritáte plenus, ad apostólica ópera et clerum indígenum instituéndum incúbuit, mox famem, sitim, tribulatiónes et cárcerem perpétiens.

14*. In civitáte *Granollers* prope Barcinónem in Hispánia, beatórum mártirum Dionýsii Vicente Ramos, presbýteri, et Francísci Remón Játiva, religiósi, ex Ordine Fratrum Minórum Conventuálium, qui in persecutióne erga fidem martýrio suo vestígia Christi secúti sunt.

15*. Valentíæ item in Hispánia, beáti Iacóbi Buch Canals, religiósi e Societáte Salesiána et mártiris, qui in eádem persecutióne Christum cónfírens occúbuit.

16*. Prope Monáchium Baváriæ in Germánia intra castra detentiónis Dacháni, beáti Michaélis Ozięblowski, presbýteri et mártiris, qui, e pátria Polónia sub regímine religióni infénso coácta in aliénum cárcerem propter fidem dedúctus est, ubi per torménta martýrium perfécit.

17*. Calíssiæ in Polónia, beáti Francísci Stryjas, mártiris, qui, in eádem tempestáte, plúrimis torméntis fractus ad Dóminum glorióse migrávit.

18*. Tyrnáviæ in Slováchia, beátæ Sidóniæ (Cæciliæ) Schelingová, vírginis e Congregatióne Sorórum a Caritatē Sanctæ Crucis et mártiris, quæ, témpore perdifficili Ecclesiæ natiónis suæ, ob sacerdotem quemdam ab ipsa servátum multa córpore et spírиту pátiens, morbo demum confécta, indeféssa ac læta Christi testis effúlsit.

¹ Quorum nomina: sancti epíscopi Aloysius Versiglia, Antoninus Fantosati, Franciscus Fogolla, Gabriel Taurinus Dufresse et Gregórius Grassi; presbýteri Cæsídus Giacomantonio, Elías Facchini, Ioánnes de Trióra (Franciscus María) Lantrua, Ioséphus María Gambaro, Theodóricus Balat, ex Ordine Fratrum Minórum; Franciscus Díaz del Rincon, Franciscus Fernández de Capillas, Franciscus Serrano, Ioachim Royo, Ioánnes Alcober, ex Ordine Prædicatórum; Leo Ignatius Mangin, Modestus Andlauer, Paulus Denn, Remigius Isore, e Societate Iesu; Albericus Crescitelli, e Pontificio Institutó pro Missiúnibus exteris; Augústus Chapdelaine et Ioánnes Petrus Neel, e Societate Parisiénsi Missiúnibus ad éxteras gentes; Callistus Caravario, e Societate Salesiána; Franciscus Régis Clet, e Congregatióne Missiúnibus; Paulus Liu Hanzuo et Thaddreus Liu Ruiting; necnon María a Pace (María Anna) Giuliani, María a Sancta Natalia (Ioánnas María) Kerguin, María a Sancto Iusto (Anna Francisca) Moreau, María Adolphina (Anna Catharina) Dierk, María Amandina (Paulina) Jeuris, María Clara (Clelia) Nanetti, María Ermellina a Iesu (Irma) Grivot, vírgines ex Institutó Franciscálium Missionariárum Mariæ; Ioséphus Zhang Wenlan et Paulus Chen Changpin, Seminárii alumni; Ioánnes Wang Rui, Ioánnes Zhang Huan, Ioánnes Zhang Jingguang, Patricius Dong Bodi, Philíppus Zhang Zhihe, Andréas Bauer, Franciscus Zhang Rong, Matthias Feng De, Petrus Wu Anpeng, Petrus Zhang Banniu, Simon Chen Ximan, Thomas Shen Jihe, religiósí; Hierónymus Lu Tingmei, Ioachim He Kaizhi, Ioánnes Chen Xianheng, Ioánnes Zhang Tianshen, Ioséphus Zhang Dapeng, Lauréntius Wang Bing, Lúcia Yi Zhenmei, Martínus Wu Xuesheng, Petrus Liu Wenyuan, Petrus Wu Guosheng, catechístæ; atque Agatha Lin Zhao, Agnes Cao Kuiying, Andréas Wang Tianqing, Anna An Jiaozhi, Anna An Xinzhí, Anna Wang, Bárbara Cui Lianzhi, Elisabeth Qin Bianzhi, Iacobus Yan Guodong, Iacobus Zhao Quanxin, Ioánnes Baptísta Lou Tingyin, Ioánnes Baptísta Wu Mantang, Ioánnes Baptísta Zhao Mingxi, Ioánnes Baptísta Zhou Wurui, Ioánnes Wang Guixin, Ioánnes Wu Wenyin, Iosephus Ma Taishun, Iosephus Wang Guiji, Iosephus Wang Yumei, Ioséphus Yuan Gengyin, Iosephus Yuan Zaide, Lang Yangzhi, Lauréntius Bai Xiaoman, Lúcia Wang Cheng, Lúcia Wang Wangzhi, Magdaléna Du Fengju, Marcus Ji Tianxiang, María An Guozhi, María An Lihua, María Du Tianshi, María Du Zhaozhi, María Fan Kun, María Fu Guilin, María Guo Lizhi, María Qi Yu, María Wang Lizhi, María Zhao Guozhi, María Zhao, María Zheng Xu, María Zhou Wuzhi, Martha Wang Louzhi, Paulus Ke Tingzhu, Paulus Lang Fu, Paulus Liu Jinde, Paulus Wu Juan, Paulus Wu Wanshu, Petrus Li Quanhui, Petrus Liu Ziyu, Petrus Wang Erman, Petrus Wang Zuolong, Petrus Zhao Mingzhen, Petrus Zhou Rixin, Raymundus Li Quanzhen, Rosa Chen Aixie, Rosa Fan Hui, Rosa Zhao, Simon Qin Chunfu, Terésia Chen Jinxie, Terésia Zhang Hezhi, Xi Guizi et Zhang Huailu, láici.

² Quorum nomina: sancti Hierónymus de Weert, Theodóricus van der Eem, Nicasius de Heeze, Willehadus de Dánia, Godefridus de Melveren Coart, Antonius de Hoornært, Antonius de Werta et Franciscus de Rauga, presbýteri ex Ordine Fratrum Minórum, necnon Petrus d'Assche van der Slagmolen et Cornelius de Dorestado, religiósí ex eódem Ordine; Ioánnes Lenærts, canónicus Reguláris Sancti Augustíni; Ioánnes Coloniénsis, presbyter ex Ordine Prædicatórum; Hadrianus de Hilvarenbeek, Iacobus Lacops, presbýteri ex Ordine Præmonstraténsium; Leonardus Vechel, Nicolaus Poppel, Godefridus van Duynen, Andréas Wouters, presbýteri.

³ Quorum nomina: sancti Elías Facchini, Theodóricus Balat, presbýteri, et Andréas Bauer, religiosus, ex Ordine Fratrum Minórum; María Ermellina a Iesu (Irma) Grivot, María a Pace (María Anna) Giuliani, María Clara (Clelia) Nanetti, María a Sancta Natalia (Ioanna María) Kerguin, María a Sancto Iusto (Anna Francisca) Moreau, María Adolphina (Anna Catharina) Dierk, María Amandina (Paulina) Jeuris, religiósæ ex Institutó Franciscálium Missionariárum Mariæ; et adhuc Ioánnes Zhang Huan, Patricius Dong Bodi, Philíppus Zhang Zhihe, Ioánnes Zhang Jingguang, Ioánnes Wang Rui, Thomas Shen Jihe, Simon Chen Ximan, Petrus Wu Anpeng, Franciscus Zhang Rong, Matthias Feng De, Iacobus Yan Guodong, Petrus Zhang Banniu, Iacobus Zhao Quan:):in, Petrus Wang Erman. mártiris, qui, e Polónia sub nefándo regímine cóacta in castra detentiónis propter Christi confessiúnem addúctus, torméntis excruciatús glóriam ætérrnam adéptus est.

⁴ Quorum nomina: beāti Carmelus Volta, Petrus Soler, Nicolaus Alberca, Engelbertus Kalland, Ascanius Nicanor, presbýteri, atque Franciscus Pinazo et Ioánnes Iacobus Fernández, religiōsi, ex Ordine Fratrum Minórum; Franciscus, Mootius et RapHael Massabki, Germáni.

⁵ Quorum nomina: beāti Petrus Arakiyori Chobioye et Susanna, coniuges; Ioánnes Tanaka et Catharina, coniuges; Ioánnes Nagai Naisen et Monica, coniuges, et filius eórum Ludovicus, puer.

⁶ Quarum nomina: beátæ Terésia Henricre ab Annuntiatione Faurie, Annæ Andréæ a Sancto Alexio Minutte, Mariæ Annæ a Sancto Francisco Lambert, Mariæ Annæ a Sancta Francisca Depeyre et Mariæ Anastásiæ a Sancto Gervasio de Roquard.

⁷ Quorum nomina: beāti Didacus de Andrade, presbyter; Gundisalvus Henriques, diáconus; Antonius Soares, Benedictus de Castro, Ioánnes Fernandes, Emmanuel Alvares, Franciscus Alvares, Ioánnes de Mayorga, Stéphanus Zuraire, Alphonsus de Bæna, Dóminicus Fernandes, alter Ioánnes Fernandes, Aléxius Delgado, Ludovicus Correia, Emmanuel Rodrigues, Simon Lopes, Emmanuel Fernandes, Alvarus Mendes, Petrus Nunes, Ludovicus Rodrigues, Franciscus de Magalhães, Nicolaus Dinis, Gaspar Alvares, Blasius Ribeiro, Antonius Fernandes, Emmanuel Pacheco, Petrus de Fontoura, Andréas Gonçalves, Maurus Vaz, Didacus Piães, Marcus Caldeira, Antonius Correia, Fernandus Sanchez, Gregorius Escrivano, Franciscus Pérez Godoy, Ioánnes de Zafra, Ioánnes de San Martín, religiōsi, et Ioannes, qui adiunctus est.

⁸ Quarum nomina: beatæ Mariá a Iesu (Margarita Terésia) Charansol, Mariá Anna a Sancto Ióachim Beguin-Royal, Mariá Anna a Sancto Michaële Doux, Mariá Rosa a Sancto Andréa Laye, Dorothéa a Corde Mariæ et Magdaléna a Sanctissimo Sacraménto de Justamont.

⁹ Quarum nomina: beátæ Mariá Anna Francisca a Sancto Ludovico Brideau, Mariá Anna a Iesu Crucifixo Piedcourt, Carlotta a Resurrectione (Anna Mariá Magdalena) Thouret, Euphrasia ab Immaculata Conceptione (Mariá Claudia Cypriana) Brard, Henrica a Iesu (Mariá Gabriela) de Croissy, Terésia a Corde Mariæ (Mariá Anna) Hanisset, Terésia a Sancto Ignatio (Mariá Gabriela) Trezelle, Iulia Ludovica a Iesu (Rosa) Chretien de Neufville, Mariá Henrica a Carmelo Compendii et mártýrum, quæ, témpore gállicæ perturbatiōnis, cum disciplinam monasticam fidéliter servavissent, capite damnatæ, ante patibulum promissiones fidei baptismális et vota religiōsa renovaverunt.

¹⁰ Quorum nomina: beāti Iosephus a Sacris Córdibus Estalayo García, Epiphanius a Sancto Michaële Sierra Conde, Abilius a Cruce Ramos y Ramos, Zacharías a Sanctissimo Sacraménto Fernández Crespo, Fulgentius a Corde Mariæ Calvo Sanchez, religiōsi.

¹¹ Quorum nomina: beāti Philíppus a Sacro Corde Mariæ Valcabado Granado, presbyter; Maurilius a Iesu Infante Macho Rodriguez, Ioséphus a Iesu et Mariá Osés Sainz, Iulius a Sacro Corde Mediavilla concejero, Iosephus Mariá a Iesu Moriente Ruiz Martínez, Laurinus a Iesu Crucifixo Proano Cuesta, Anacárius ab Immaculata Benito N ozal, Philíppus a Sancto Michaële Ruiz Fraile, religiōsi.

¹² Quarum nomina: beátæ Catharina a Iesu (Mariá Magdalena) de Justamont, Anna a Sancto Basilio Cartier, Clara a Sancta Rosalia (Mariá Clara) du Bæ, Elísabeth Terésia a Corde Iesu Consolin.

¹³ Quorum nomina: Antonius López Couceiro, Felicissimus Díez González, Saturius Rey Robles, Thyrsus Manrique Melero, presbýteri, Gumersindus Soto Barros et Lambertus de Navascues y de Juan, religiōsi, ex Ordine Prædicatórum; atque Emmanuel Albert Gines, presbyter.

¹⁴ Quorum nomina: beāti Iuliánus (Michæl) Carrasquer Fos, Eusebius (Antonius) Forcades Ferrate, Constans (Saturninus) Roca Huguet, Benedictus Ioséphus Labre (Arsenius) Mafioso González, Vincentius de Paul Canelles Vives, religiōsi; Thomas Urdanoz Aldaz, RapHael Flamárique Salinas, Antonius Llauradó Parisi, Emmanuel López Orbara, Ignatius Tejera Molina, Henricus Beltran Llorca, Dóminicus Pitarch Gurrea, Antonius Sanchis Silvestre, Emmanuel Jimenez Salado, novitii.

AUGUSTUS

Die 1 Augústi

Kaléndis augusti. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	1	2	1	2	3	4	5	6							

Memória sancti Alphónsi Madre de' Liguori, epíscopi et Ecclésiæ doctóris, zelo animárum, scriptis, verbo et exémplo insígnis, qui ad vitam christiánam fovéndam in pópulo prædicationi óperam dedit librósque conscrípsit, præsértim de re moráli, cuius disciplínæ magíster habétur, et multa inter impediménta Congregatiónem Sanctíssimi Redemptóris instítuit ad rústicos evangelizándos. Epíscopus Sanctæ Agathæ Gothórum eléctus, præter modum hoc in munus sese impéndit, quod ob graves vero morbos quíndecim post annos dimísit, et Nucériæ Paganórum in Campánia réliquam vitam exégit, magnos labóres difficultatésque suscipíens.

2. Commemorátio passiónis sanctórum septem fratrum mártýrum, qui Antiochiæ in Sýria, sub Antíocho Epíphane rege, propter legem Dómini invícta fíde servátam, morti crudéliter tradíti sunt cum matre sua, in síngulis quidem filiis passa, sed in ómnibus coronáta, sicut in secúndo libro Maccabæórum narrátur. Item commemorátur sanctus Eleázarus, unus de primóribus scribárum, vir ætáte provéctus, qui in eádem persecutióne, illicítam carnem manducáre propter vitæ amórem réspuens, gloriosíssimam mortem magis quam odiósam vitam compléctens, voluntárie præívit ad supplicium, magnum virtútis relínquens exémpulum.

3. Via Prænestína miliário tricésimo ab urbe Roma, sancti Secúndini, mártýris.

4. Gerúndæ in Hispánia Tarraconénsi, sancti Felícis, mártýris in persecutióne Diocletiáni imperatóris.

5. Vercéllis in Ligúria, natális sancti Eusépii, epíscopi, cuius memória eras ágitur.
- 6*. Baiócis in Gállia Lugdunénsi, sancti Exsupérii, qui primus epíscopus illius civitátis cólitur.
- 7*. In Aquitánia, sancti Sevéri, presbýteri, qui opes suas in ecclésias condéncias et in páuperum servítium erogávit.
- 8*. In Vindunéta ínsula apud Nannétes in Gállia, sanctórum Friárdi et Secundélli diáconi, eremitárum.
- 9*. Marciánæ in Gállia Bélgica, sancti Ionáti, abbátis, sancti Amandi discípuli.
10. Vintóniæ in Anglia, depositio sancti Ethelwóldi, epíscopi, qui, Régularem Concórdiam illam exarávit ad monásticam disciplínam redintegrándam, quam a sancto Dunsáno didícerat.
- 11*. Augústæ Prætóriæ in Alpibus Graiis, beáti Emeríci de Quart, epíscopi, vitæ austeritáte et salútis animárum stúdio mirábilis.
- 12*. Reáte in Sabína, beáti Ioánnis Bufalari, religiósi ex Ordine Eremitárum Sancti Augustíni, iúvenis húmilis et iucúndi, in próximos semper inténti.
- 13*. Romæ, beáti Petri Favre, presbýteri, qui, primus e Societátis Iesu sóciis, diversis in Európe pártibus graves labóres suscepit et ad Concílium Œcuménicum Tridentínium pergens in Urbe óbiit.
- 14*. Eboráci in Anglia, beáti mártiris Thomæ Welbourne, qui, ludimagíster, sub Iacóbo rege Primo cápite damnátus quod Románum Pontíficem sectándum suasísset, patíbulo suspénsus et ad Christum summum Magístrum conformátus occúbuit.
- 15*. In urbe *Nam Định* in Tinquíno, Sanctórum Domínici Nguyễn Văn Hạnh (Diêu), ex Ordine Prædicatórum, et Bernárdi Vũ Văn Duệ, presbyterórum et mártirum, qui sub imperatóre Minh Mạng pro Christo cápitis obtruncatióne enecáti sunt.
16. In vico *La Mure* ad *Isaram* in Gállia, natális sancti Petri Iuliáni Eymard, presbýteri, cuius memória crástina die ágitur.

17*. Matríti in Hispánia, beáti Benvenúti (Ioséphi) de Miguel Arahál, presbýteri e Tértio Ordine Sancti Francísci Capulatórum a beáta Vírgine Perdolénti et mártýris, qui, persecutióne erga fidem sæviénte, ságuinem pro Christo effúdit.

18*. Intra castra detentiónis Dacháni prope Monáchium Baváriæ in Germánia, beáti Aléxii Sobaszek, presbýteri et mártýris, qui, polónus natióne, témpore belli ab invasóribus inhumáne deportátus, in fide defendénda cruciátibus pro Christo occúbuit.

19*. In silva apud civitátem *Nowogródek* in Polónia, beatárum Mariæ Stellæ Sanctíssimo Sacraménto (Adelhéidis) Mardosewicz atque decem sociárum e Congregatióne Sorórum Sacratæ Famíliæ a Názaeth,¹ vírginum et mártýrum, quæ, funéstis tempóribus belli, a fidei hóstibus plumbis transfóssæ ad cæléstem adivérunt glóriam.

Die 2 Augústi

Quarto Nonas augusti. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	1	2	3	2	3	4	5	6	7							

Sancti Eusébii, primi epíscopi Vercellénsis in Ligúria, qui in tota regióne Subalpína Ecclésiám firmávit et ob confessióne nicæná fidei a Constantío príncipe Scythópolim, dein in Cappadóciám et in Thebáidem relegátus est, unde ad sedem suam post octo annos revérsus, strénue pro fidei restauratióne advérsus ariános adlaborávit.

Sancti Petri Iuliáni Eymard, presbýteri, qui, primum sacérdos diócesánuS, dein sodális Societátis Mariæ factus, exímíus éxstitit eucharístici mystérii cultor ac novas instituit Congregatiónes, álteram clericórum, álteram ancillárum, ad pietátem erga Sanctíssimum Sacraméntum coléndam et diffundéndam atque in ipso vico *La Mure* apud Gratianópolim in Gállia, ubi natus erat, e vita discéssit.

3. In Africa, commemorátio sancti Rutílii, mártýris, qui, cum sáepius de loco in locum persecutióne fugísset et perículum intérdum étiam pecúnia redemísset, inopináto aliquándo comprehénsus et práesidi oblátus, torméntis plúrimis cruciátus, demum ígnibus tráditus, egrégio martýrio coronátus est.

4. Romæ in cœmetério Callísti, sancti Stéphaní papæ Primi, qui, ne christianórum baptismális cum Christo unio semel tantum efficiénda obscurarétur, hæréticos prohibuit, qui plenam Ecclésiæ communionem péterent, íterum baptizári.

5. In pago Burgénsi Hispániæ, sanctæ Centóllæ, mártiris.

6. Patávii in Venétia, sancti Máximi, epíscopi, qui sancto Prosdócimo successísse créditur.

7*. Massíliæ in Província Gállia, sancti Seréni, epíscopi, qui sanctum Augustínus eiúsque sócios ad evangelizándam Angliam a sancto Gregório papa Magno missos hospítio accépit et Romam pergens in agro Vercellénsi pie requiévít.

8*. Carnúti in Néustria, sancti Bethárii, epíscopi.

9*. Paléntiæ in Castélla Hispániæ, tránsitus sancti Petri, epíscopi Oxoménsis, qui, primum mónachus, deínde archidiáconus Ecclésiæ Toletánæ, tandem ad sedem Oxoménsis elátus est, nuper a Maurórum dominatióne liberátam, quam pastoráli zelo instaurávit.

10*. Calerógæ item in Castella, commemorátio beátæ Ioánnæ, sancti Domínici matris, quæ, fide plena, míseris et afflíctis magnam misericórdiam tríbuit.

11 *. Barbástri item in Hispánia, beatórum Philíppi a Iesu Munárriz Azcona, Ioánnis Díaz Nosti et Leóntii Pérez Ramos, presbyterórum et mártirum, qui Missionárii Fílii Immaculáti Cordis Beátæ Mariæ Vírginis, cum persecútió advérsus Ecclésiám sævíret, in ódium vitæ religiósæ a militiánis ad postes cœmetérii plumbis interfécti sunt.

12*. Ibídem, beáti Zephyríni Giménez Malla, mártiris, qui, cíngarus génere, ad pacem et concórdiam promovéndas inter pópulum suum et vicínos incúbuit, donec in eádem persecutióne, cum sacerdotem quemdam per vias a militiánis tractum defénderet, in cárcerem detrúsus et demum in cœmetérium ductus, corónam Rosárii in mánibus tenens plumbis necátus terrénam peregrinatiónem perfécit.

13*. In vico *Hijar* prope Terúlium in Hispánia, beáti Francísci Calvo Burillo, presbýteri ex Ordine Prædicatórum et mártiris, qui, persecutióne erga fidem furénte, mártýrium passus est.

14*. Matríti item in Hispánia, beáti Francísci Tomás Serer, presbýteri e Tértio Ordine Sancti Francísci Capulatórum a beáta Vírgine Perdolénti et mártýris, qui in eádem persecutióne sáanguinem pro Christo effúndere mérúit.

Die 3 Augústi

Tértio Nonas augusti. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	1	2	3	4	3	4	5	6	7	8							

1. **N**eápoli in Campánia, sancti Asprenátis, primi civitátis epíscoli.

2. Augustodúni in Gállia Lugdunénsi, sancti Euphrónii, epíscoli, qui basílicam sancti Symphoriáni mártýris ædificávit et sepúlcrum sancti Martíni Turonénsis Maióre décore adornávit.

3. In monte Mássico in Campánia, sancti Martíni, qui, solitáriam vitam ducens, multos annos in angustíssimo specu reclúsus mansit.

4. Anágniae in Látio, sancti Petri, epíscoli, qui monástica primum observántia, deinde pastoráli vigilántia cláruit et ecclésiæ cathedrális ædificatióem perfécit.

5*. Lucériæ in Apúlia, beáti Augustíni Kazotic, epíscoli, ex Ordine Prædicatórum, qui primum Ecclésiæ Zagrebiénsi præfuit, dein ob hostilitátem regis Dalmátiae Lucerinam sedem pétiit, ubi summam curam páuperum et egenórum egit.

6*. Lucenti in Hispánia, beáti Salvatóris Ferrandis Seguí, presbýteri et mártýris, qui, persecutióne erga fidem sæviénte, sáanguinem pro Christo effúdens ad palmam gloriósam pervénit.

7*. In vico *Samalús* prope Barcinónem item in Hispánia, beatórum mártýrum Alphónsi López López, presbýteri, et Michaélis Remón Salvador, religiósi, ex Ordine Fratrum Minórum Conventuálium, qui in eádem persecutióne ob Christi testimónium coronáti sunt.

8*. Barcinóne item in Hispánia, beáti Francísci Bandrés Sánchez, presbýteri e Societáte Salesiána et mártiris, qui, témpore eiúsdem persecutiónis, sáanguine suo fidelitátem Dómino confirmávit.

Die 4 Augústi

Prídie Nonas augusti. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	1	2	3	4	5	4	5	6	7	8	9							

Memória sancti Ioánnis Mariæ Vianney, presbýteri, qui, quadragínta ámplius annos paróeciae ipsi commíssæ in vico *Ars* prope Bellícium in Gállia actuósa prædicatióne, oratióne et pæniténtiæ exémplo mirum in modum ministrávit et cotídie púeros et adultos catechízans, pæniténtes reconcílians atque ardénti caritáte e sacra Eucharístia velut e fonte hausta refúlgens tantópere provéxit, ut longe latéque consília sua diffúnderet et permúltos ad Deum sapiénter dúceret.

2. Commemorátio sancti Aristárchii Thessalonicénsis, qui sancti Pauli Apóstoli fuit discípulus, fidélis comes in itinéribus, tandem concáptivus Romæ.

3. Romæ via Tiburtína, sanctórum Iustíni et Crescentiúnis, mártýrum.

4. Társiæ in Bithýnia, sancti Eleuthérii, mártýris.

5. In Pérside, sanctæ Iae, mártýris sub Sápore rege Secúndo.

6. Turónis in Néustria, commemorátio sancti Euphrónii, epíscopi, qui plúribus concíliis ádfuit, plures ecclésiass restítuit in urbe, paróecias fundávit in pago et sanctæ Crucis veneratióne atténite promóvit.

7*. In silvis Panáíæ prope Catácium in Calábria, sancti Onúphrii, eremítæ, ieiúniis et austeritáte vitæ insígnis.

8*. Spálati in Dalmátia, sancti Rainérii, epíscopi et mártýris, qui, ántea mónachus, pro iúribus Ecclésiæ defénsis primum in sede Calliénsi multa passus est, deínde in Spalaténsi lapidátus occúbuit.

9*. Bonóniæ in Æmília, beátæ Cæcíliae, vírginis, quæ sanctimoniálíum hábitum a sancto Domínico accépit, cuius vultus et spíritus testis fuit fidelíssima.

10*. Londínii in Anglia, beáti Guliélmi Horne, mártiris, qui, mónachus in Cartúsia huius civitátis, a regulári perseverántia numquam devérsus, sub Henríco rege Octávo diutúrno cárcere afféctus et novíssime Tybúrni patíbuli supplíciis datus, ad déxteram Christi migrávit.

11*. Marianópolis in Québéco Cánadæ província, beáti Frideríci Janssoone, presbýteri ex Ordine Fratrum Minórum, qui ad proféctum fidei peregrinatiónes in Terram Sanctam valde propagávit.

12*. Matríti in Hispánia, beáti Gundisálvi Gonzalo, religiósi ex Ordine Sancti Ioánnis a Deo et mártiris, qui, persecutióne erga fidem sæviénte, Christi confessiónem ságuine suo confirmávit.

13*. Barcinóne item in Hispánia, beatórum mártirum Ioséphi Batalla Parramón, presbýteri, Ioséphi Rabasa Bentanachs et Ægídií Gil Rodicio, religiosórum, e Societáte Salesiána, qui in eádem persecutióne per certámen fidei vitam accepérunt ætérrnam.

14*. Intra castra detentiónis Dacháni prope Monáchium Baváriæ in Germánia, beáti Henríci Krzysztofik, presbýteri et mártiris, qui, témpore belli e Polónia in aliénium cárcerem propter christiánam confessiónem deportátus, per supplícia martýrium consummávit.

Die 5 Augústi

Nonis augusti. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
1	2	3	4	5	6	5	6	7	8	9	10							

Dedicatio basílicæ Sanctæ Maríæ, Romæ in Exquíliis cóndítae, quam in Memóriam Concílii Ephesini, in quo María Virgo Dei Genetrix salútata est, Xystus papa Tértius plebi Dei obtulit.

2. Cataláuni in Gállia Bélgica, sancti Mémmii, qui primus huius civitátis epíscopus cólitur.

3. Theáni in Campánia, sancti Páridis, epíscopi, qui primus hanc sedem créditur tenuísse.

4. Augustodúni in Gállia Lugdunénsi, sancti Cassiáni, epíscopi.

5. Naziánzi in Cappadócia, sanctæ Nonnæ, quæ coniunx fuit sancti epíscopi Gregórii Seniórís et mater sanctórum Gregórii Theólogi, Cæsárii et Gorgóniæ.

6. Asculi in Picéno Itáliæ, sancti Emígdii, qui primus huius civitátis epíscopus et martyr celebrátur.

7*. Vivárii ad Rhódanum in Gállia, sancti Venántii, epíscopi.

8*. Tremúlii in Secaláunia Gállia regione, sancti Viatóris, eremítæ.

9. In loco *Maserfield* póstea ab eo Oswéstria nuncupáto in agro Angliæ Salopiénsi, sancti Oswáldi, mártiris, qui, rex Northúmbriæ arte militári clarus, sed magis paci amícus, cristiánam fidem in regione strénue pervulgávit et in próelio contra pagános in ódium Christi interféctus est.

10*. In Monte Granáριο in Picéno Itáliæ, beáti Francísci Zanfordini, vulgo Cecchi de Pisáuro, e Tértio Ordine Sancti Francísci, qui, bonis ómnibus in egénos erogátis, in erémo, quem ædificáverat, pæniténtiæ, oratiónis ac bonórum óperum annos prope quinquagínta exémplum fuit.

11. Apud Septémpedam item in Picéno, sanctæ Margarítæ, víduæ.

12*. In freto maris ante Rupifórtium ad litus Gállia, beáti Petri Michaélis Nöel, presbýteri Rothomagénsis et mártiris, qui in gállica perturbatióne propter sacerdotium in navi servitútis inhumáne deténtus gravi contagióne consúptus est.

Die 6 Augústi

Octávo Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	1
A	B	C	D	E	F	F	G	H	M	N	P							
2	3	4	5	6	7	6	7	8	9	10	11							

Festum Transfiguratiónis Dómini, in qua Christus Iesus, Unigénitus æténa Patri diléctus, coram sanctis Apóstolis Petro, Iacóbo et Ioánnē glóriam suam, lege prophetísque testántibus, manifestávit, ut in humilitáte servílis formae nostræ ipsi coaptátæ gloriósam nostram ex grátia reparatióem significáret et imago Dei, ad quam creátus est homo, etsi in Adam corrúpta, in Christo reformáta usque ad fines térræ proclamarétur.

2. Romæ via Appia in cœmetério Callísti, pássio sancti Xysti papæ Secúndi eiúsque sociórum, quorum memória eras celebrátur.

3. Complúti in Hispánias, sanctórum fratrum Iusti et Pastóris, mátyrum, qui, adhuc púeri, sponte ad martýrium, relíctis in schola tábulis, cucurrérunt et mox, a præside tenéri iussi et fústibus cædi, ambo, cum mútuis exhortatióibus se roborárent, a carnífice gládio pro Christo iuguláti sunt.

4. Romæ apud sanctum Petrum, depositio sancti Hormísdæ papæ, qui, sínifer pacis, obtínuit ut in Oriénte schisma acaciánum componerétur et in Occidéntē iura Ecclésiæ a novis géntibus reverénter servaréntur.

5*. Savóne in Ligúria, beáti Octaviáni, epíscopi et fratris Callísti papæ Secúndi, qui in claustro sicut in cáthedra Deo ac frátribus servíre curávit.

6*. In território Luxemburgénsi, beáti Schecelíni, eremítæ, qui in silva sine tugúrio nec vestiménto vixit, confidens in Deo qui dat nivem sicut lanam.

7. Bonóniæ in Æmília, natális sancti Domínici, presbýteri, cuius memória bíduo post celebrátur.

8*. Apud Montem Vidéntem in Uruguáia, beátæ Mariæ Francíscæ a Iesu (Annæ Mariæ) Rubatto, vírginis, quæ in civitáte *Loano* prope Savónem in Itália Institutum Sorórum Tertiariárum Capuccinárum fundávit et in Américam Latínā profécta omnem curam de paupéribus inserviéndō adhíbuit.

9*. Prope civitatem *Gandia* in pago Valentíno Hispániæ, beāti Cároli López Vidal, mártýris, qui, témpore persecutiónis erga fidem, glóriam cæléstem consecútus est.

10*. Prope Monáchium Baváriæ in Germánia, beāti Thaddæi Dulny, mártýris, qui, témpore Polóniæ more militári occupátæ, castris detentiónis Dacháni ob Christi fidem datus est et, dira perpéssus torménta, ad cæléstem glóriam migrávit.

Die 7 Augústi

Séptimo Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	1	2
A	B	C	D	E	F	F	G	H	M	N	P							
3	4	5	6	7	8	7	8	9	10	11	12							

Sanctorum Xysti papæ Secúndi et sociórum, mártýrum. Xystus Póntifex, dum sacra peragébat et cæléstia iussa fratres docébat, superveniéntibus milítibus, ex edicto Valeriáni imperatóris súbito comprehénsus et decollátus est, die sexta augústi; cum eo diáconi quáttuor martýrium passi sunt et Romæ cum pontífice in cœmetério Callísti via Appia depósi sunt. Eódem die sancti Agapítus et Felicíssimus ipsi, eius diáconi, in cœmetério Prætextáti cecidérunt, ubi quoque sepúlta sunt.

Sancti Caietáni Thienæi, presbýteri, qui Neápoli in Campánia óperam caritátis pie dedit, præsertim tabe insanábili inféctis, sodalítia pro láicis religióse instituendis promóvit et ad Ecclésiám reformándam Cléricos Régulares instituit, prístinam apostólicam vivéndi ratiónem alúmnis suis coléndam tradens.

3. Augústæ Vindelicórum in Ráetia, sanctæ Afræ, mártýris, quæ, peccátrix ad Christum convérta et nondum baptizáta, ob Christi confessiόnem igni trádicta esse narrátur.

4. Arétii in Etrúria, sancti Donáti, secúndi huius sedis epíscopi, cuius oratiónis virtútem et vim sanctus Gregórius papa Magnus laudat.

5. Cataláuni in Gállia Bélgica, sancti Donatiáni, epíscopi.

6. Rothómagi item in Gállia, sancti Victrícii, epíscopi, qui, adhuc miles, sub Iuliáno imperátore, pro Christo cingulum abíciens, a tribúno multis torméntis afféctus est et

cápitis damnátus, dein, liber evásus epíscopus factus, indómitas Morinórum et Nerviórum gentes ad Christi fidem quoque perdúxit.

7*. Vesontióne in Burgúndia, sancti Donáti, epíscopi, qui e præcéptis sanctórum Benedícti, Columbáni et Cæsárii Régulam pro virgínibus compósuit.

8*. Venétiis, beáti Iordani Forzaté, abbátis, qui Patávii monasteriórum fundátor fuit et, cum pátriæ ruínam omni conátu suo avértere non posset, religiosíssimus exsul, honestáte, morum probitáte et sciéntia clarus, pie in Dómino obdormívit.

9*. Messánæ in Sicília, sancti Albérti de Abbátibus, presbýteri ex Ordine Carmelitárum, qui prædicatióne multos Iudæos ad Christum convértit et urbi obséssæ commeátus providit.

10*. Apud Saxoferrátum in Picéno Itáliæ, beáti Albérti, mónachi ex Ordine Camaldulénsi, austeritáte atque summa régulæ observántia insígnis.

11*. Aquilæ in Vestínis, beáti Vincéntii, religiósi ex Ordine Minórum, humilitáte et spírиту prophético exímii.

12*. In urbe *Gondar* in Æthiópia, beatórum Agathángeli de Vindocíno (Francísci) Nourry et Cassiáni de Nannétibus (Gundisálvi) Vaz López-Netto, presbyterórum ex Ordine Fratrum Minórum Capuccinórum et mártýrum, qui in Sýria, Ægýpto atque Æthiópia cristiános seiúctos cum Ecclésia cathólica reconciliáre conáti sunt, sed regis Æthiopiæ iussu, proprio fune truncis suspensi, lapídibus óbruti sunt.

13*. Lancástriæ in Anglia, beatórum Martíni a Sancto Felice (Ioánnis) Woodcock, ex Ordine Fratrum Minórum, Eduárdi Bamber et Thomæ Whitaker, presbyterórum et mártýrum, qui, cum sacerdótes in Cároli regis Primi domínia se recepíssent, suspéndii supplícium perpéssi sunt.

14*. Eboráci item in Anglia, beáti Nicolái Postgate, presbýteri et mártýris, qui sub Cárolo rege Secúndo propter sacerdotium, quod quinquagínta círciter annos inter páuperes clam proféssus erat, patíbulo suspénsus est.

15*. In óppido *Górka Duchowna* prope Posnániam in Polónia, beáti Edmúndi Bojanowski, qui paupéribus et rústicis iuxta Evangélii præcépta instituéndis omni stúdio óperam navávit et Congregatióne Ancillárum Immaculátæ Conceptionis Matris Dei fundávit.

16. Colímæ in México, sancti Michaélis de la Mora, presbýteri et mártiris, qui, persecutióne contra Ecclésiám furénte, quod sacerdos esset, martýrio coronátus est.

Die 8 Augústi

Sexto Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	1	2	3
A	B	C	D	E	F	F	G	H	M	N	P							
4	5	6	7	8	9	8	9	10	11	12	13							

Memória sancti Domínici, presbýteri, qui, Oxoménsis canónicus, prædicatiónis húmilis mínister in regiónibus háresi Albigénsi perturbátis, in abiectiône vixit voluntáriæ paupertátis cum Deo vel de Deo semper loquens et, nóvæ fidem propagándi ratiónis cúpidus, Ordinem Prædicatórum fundávit, ut in Ecclésia apostólica vivéndi forma renovarétur, frátribus suis mandans, ut oratióne, stúdio et verbi ministério próximis deservírent; eius óbitus Bonóniæ die sexta augústi evenit.

2. Albáni via Appia miliário décimo quinto ab urbe Roma, sanctórum Secúndi, Carpóphori, Victoríni et Sevériani, mátyrum.

3. Romæ via Ostiénsi miliário septimo, sanctórum Cyríaci, Largi, Crescentiáni, Mémmiæ, Iuliánæ et Smarágdi, mátyrum.

4. Tarsi in Cilícia, pássio sancti Maríni, senis Anazarbénsis, qui sub Diocletiáno imperatóre et Lýsia præside decollátus est eiúsque corpus, iussu præfécti, feris devorándum proiéctum.

5. Medioláni in Ligúria, sancti Eusébii, epíscopi, qui pro orthódoxa fíde adlaborávit atque ab Hunnis dírutam ecclésiám cathedrálem restítuit.

6. Viénnæ in Gállia Lugdunénsi, sancti Sevéri, presbýteri.

7*. Burdígalæ in Aquitánia, sancti Múmmoli, abbátis Floriacénsis.

8. Cýzici in Hellespónto, sancti Æmiliáni, epíscopi, qui, pro sacrárum Imáginum cultu a Leóne imperátore multa passus, demum in exsílio vita excéssit.

9*. In monastério Godewicénsi in Austria, sancti Altmánni, epíscopi Passaviénsis, qui crebras clericórum domus sub Régula sancti Augustíni fundávit, cleri disciplínam instaurávit et ob Ecclésiæ libertátem defénsam ab Henríco imperátore Quarto sede sua pulsus exsul óbiit.

10*. Gallésii apud Vitérbium in Túsca, sancti Famiáni, eremítæ, qui Colóniæ Agrippínæ natus, ópibus in páuperes distribútis, post sacras peregrinatiónes in Cisterciénsi hábitu hoc in loco óbiit.

11*. Londínii in Anglia, beáti Ioánnis Felton, mártiris, qui senténtiam excommunicatiónis advérsus Elísabeth regínam Primam a sancto Pio papa Quinto latam públice adfixit, quaprópter apud Sanctum Paulum dire disséctus, nomen Salvatóris ínvocans martýrium glorióse consummávit.

12*. Eboráci item in Anglia, beáti Ioánnis Fingley, presbýteri et mártiris, sub eádem regína propter sacerdotium cápite damnáti et patíbuli supplício affécti. Cum eo étiam commemorátur beátus Robértus Bickendike, martyr, qui, eódem témpore sed incérto die et anno, quod se cum Ecclésia cathólica reconciliávisset, eádem torménta passus est.

13. In pago *Xixiaodun* apud *Xinhexian* in *Hebei* provincia Sinárum, sancti Pauli Ke Tingzhu, mártiris, qui christianórum pagi dux, in persecutióne a fautóribus factiόνis «Yihetuan» gesta particulátim excarnificátus, céteris exémpulum constántiæ præfúlsit.

14*. Zamórre in Hispánia, beátæ Bonifátiae Rodríguez Castro, vírginis, quæ, de christiáno et sociáli mulierum proféctu per oratióem et labórem sollicita ad exémpulum Sacratíssimæ Familiæ Názaresh Congregatióem Servárum a Sancto Ioseph suscitávit.

15*. Sydnéyi in Austrália, beátæ Mariæ a Cruce (Mariæ Hélenæ) MacKillop, vírginis, quæ Congregatióem Sorórum a Sancto Ioseph et a Sacro Corde fundávit et inter múltiplices ærúmnas iniuriásque moderáta est.

16*. Pódii Caiáni in Etrúria, beátæ Mariæ Margarítæ (Mariæ Annae Rosae) Caiáni, vírginis, quæ Institutum Franciscanárum cóndidit Sorórum Minimárum a Sacra Corde, pro iuventúte instituenda ægrotísque opitulándis.

17*. In loco *El Saler* nuncupáto prope Valéntiam in Hispánia, beáti Antónii Silvestre Moya, presbýteri et mártiris, qui, persecutióne erga fidem sæviénte, ob constans Christi testimónium invíctus ad cæléste regnum pervénit.

18*. Valéntiæ item in Hispánia, beatárum Mariæ a Iesu Infánte Baldillou y Bullit et sociárum,² vírginum ex Institutó Filiárum Mariæ Scholárum Piárum et mártýrum, quæ in eádem persecutióne Christo Sponso vi inimicórum Ecclésiæ glorióse exiérunt óbviám.

19*. In loco Gusen in Germánia, beáti Vladimíri Laskowski, presbýteri et mártiris, qui, belli témpore, in castra detentiónis propter fidem coniéctus et dire excruciátus glóriam martýrii adéptus est.

Die 9 Augústi

Quinto Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	1	2	3	4
A	B	C	D	E	F	F	G	H	M	N	P							
5	6	7	8	9	10	9	10	11	12	13	14							

Sanctæ Terésiaë Benedíctæ a Cruce (Edíthæ) Stein, vírginis ex Ordine Carmelitárum Discalceatárum et mártiris, quæ, in iudáica religióne nata et institúta, cum áliquot annos magnas inter ærúmna philosophiam professa esset, vitam novam in Christo per baptísmum suscepit et sub veláminæ sanctimoniálíum prosecúta est, donec sub nefáριο regímine in hóminum ac fidei dignitátem hostíli in captivitátem exsul trusa, in campo exítii *Oświęcim* seu *Auschwitz* prope Cracóviam in Polónia mortífero vapóre necáta est.

2. Romæ in cœmetério sancti Lauréntii via Tiburtína, sancti Románi, mártiris.

3*. In monastério Achadénsi in Hibérnia, sancti Nathæi, epíscopi et abbátis.

4*. Kilmóræ item in Hibérnia, sancti Fedlimíni, epíscopi.

5. Constantinópolis, commemoratio sanctorum martyrum, qui, cum antiquam Salvatoris imaginem in Porta Ænea collocatam, iussu Leonis Isaurici imperatoris deiciendam, defendissent, necati esse narrantur.

6*. Pálenæ in Calábria, beati Falci, eremitæ.

7*. Floréntiæ in Etrúria, beati Ioánnis de Salérno, presbyteri ex Ordine Prædicatórum, qui convéntum Sanctæ Mariæ Novellæ fundávit et contra hæreticos patarénos intrépide egit.

8*. In Alvérniæ monte item in Etrúria, beati Ioánnis de Firmo, presbyteri ex Ordine Minórum, qui in solitúdine vixit mira abstinéntia et pæniténtia corpus édomans.

9*. Londínii in Anglia, beati Richárdi Bere, presbyteri et mártiris, qui, iussu Henrici regis Octavi, propter fidelitatem erga Románum Pontíficem et matrimónii christiáni defensiónem, cum confratribus Cartúsia illius civitátis diu squalóre cárceris et fame confectus, exspirávit.

10*. In sórdida actuária ad áncoras constitúta in salo ante Rupifórtium in Gállia, beati Cláudii Richard, presbyteri ex Ordine Sancti Benedicti et mártiris, qui témpore gállicæ perturbatiónis propter sacerdotium e Mediano monastério pulsus et in navem servitútis coniectus, dum concaptivis ægrótis assidébat, ipse contagióne corréptus obiit.

11*. Salmánticæ in Hispânia, beátæ Cándidæ Mariæ a Iesu (Ioánnæ Ioséphæ) Cipitria, vírginis, quæ Congregatiónem Filiárum Iesu fundávit, ut adiutricem óperam præbéret in christiána puerórum institutióne.

12*. Barbástri item in Hispânia, beati Fiorentíni Asensio Barroso, epíscopi et mártiris, qui, persecutióne contra Ecclesiám sæviénte, quam fidem pópulo ipsi commísso prædicáre non cessáverat próprio ságuine testátus est, plumbis a militiánis perfóssus.

13*. Barcinóne item in Hispânia, beatórum Ruben a Iesu López Aguilar et sex sociórum,³ religiosórum ex Ordine Sancti Ioánnis a Deo et mártirum, qui in eádem persecutióne in ódium vitæ religiósæ occisi ad Dóminum transivérunt.

14*. In óppido *Azanuy* in pago Oscénsi item in Hispânia, beatórum Faustíni Oteiza, presbyteri, et Fiorentíni Felipe, religiosórum ex Ordine Clericórum Regulárium Scholárum Piárum et mártirum, qui in eádem persecutióne pro Christo occubuérunt.

15*. In loco *Argès* prope Tolétum item in Hispânia, beáti Guliélmi Plaza Hernández, presbýteri e Sodalitáte sacerdotum operariórum diœcesanórum et mártýris, qui eódem die in eódem certámine réddidit spíritum.

16*. In vico *Carcaixent* in pago Valentíno item in Hispânia, beáti Germáni (Ioséphi Mariæ) Garrigues Hernández, presbýteri ex Ordine Fratrum Minórum Capuccinórum et mártýris, qui, persecutióne erga fidem furénte, pretiósá morte córporis torménta devícit.

Die 10 Augústi

Quarto Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	1	2	3	4	5
A	B	C	D	E	F	F	G	H	M	N	P							
6	7	8	9	10	11	10	11	12	13	14	15							

Festum sancti Lauréntii, diáconi et mártýris, qui, Xysti papæ consortium étiam in martýrio cúpiens, ut refert sanctus Leo Magnus, thesáuros Ecclésiæ trádere iussus, páuperes, in quorum victum atque vestiméntum facultátes cumuláverat, illúso tyránno osténdit ac post triduum pro Christi fide flammás superávit et in honórem eius triúmphi transiérunt étiam instruménta supplicii. Eius corpus Romæ in cœmetério in agro Veráno eius nómine appelláto depósitum est.

2. Commemorátio sanctórum mártýrum, qui Alexandríæ in Ægýpto, in persecutióne Valeriáni imperatóris sub præféccto Æmiliáno diversis exquisítisque torméntis diútius cruciáti, vário mortis génere corónam martýrii sunt adépti.

3*. Dumbláni in Scótia, sancti Blani, epíscopi.

4*. Alcami in Sicília, beáti Archángeli de Calataphíno Piacentini, presbýteri ex Ordine Minórum, vitæ austeritáte et stúdio solitúdinis insígnis.

5*. In urbe *Iki* in Iapónia, beáti Augustíni Ota, religiósi e Societáte Iesu et mártýris, qui pro Christo decollátus est.

6*. In freto maris ante Rupifórtium ad oram Gálliae, beatórum Cláudii Ioséphi Jouffret de Bonnefont, e Societáte Sancti Sulpítii, Francísci François, ex Ordine Fratrum Minórum Capuccinórum, et Lázari Tiersot, ex Ordine Cartusiénsi, presbyterórum et mártýrum, qui, témpore gállicæ perturbatiónis in foedam navem relegáti, propter sacerdotium martýrium complevérunt.

7*. In loco *El Saler* nuncupáto prope Valéntiam in Hispánia, beáti Ioséphi Toledo Pellicer, presbýteri et mártýris, qui, Christo summo sacerdoti conformátus, quem cóluit, martýrii triúmpho imitátus est.

8*. Valéntiæ item in Hispánia, beáti Ioánnis Martorell Soria, presbýteri e Societáte Salesiána et mártýris, qui in eádem persecutióne martýrium passus est. Cum eo commemorátur étiam beátus martyr Petrus Mesonero Rodriguez, religiósus ex eádem Societáte, qui in vico *Vedat de Torrent* in pago Valentíno ignóto die ob Christi testimónium coronátus est.

9*. Intra castra detentiónis Dacháni prope Monáchium Baváriæ in Germánia, beatórum Francísci Drzewiecki, e Congregatióne Parvi Óperis Divínæ Providéntiæ, et Eduárdi Grzymala, presbyterórum et mártýrum, qui, polóni génere, pátria témpore belli vastáta, in aliénam custódiam a persecutóribus cónditi, per supplicium exhalatiónis mortíferi vapóris ad Christum migravérunt.

Die 11 Augústi

Tértio Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	11	12	13	14	15	16							

Memória sanctæ Claræ, vírginis, quæ, prima planta Páuperum Dominárum Ordinis Minórum, sanctum Francíscum secúta est, Asísii in Umbria vitam agens áasperam, sed opéribus caritátis et pietátis locuplétem; exímia vero paupertátis amátrix, ab ea numquam, ne in extrémá quidem indigéntia et infirmitáte, divélli concéssit.

2. Cománæ in Ponto, sancti Alexándri, cognoménto Carbonárii, epíscopi, qui, e philosophía eminéntem Christiánæ humilitátis sciéntiam adéptus et a sancto Gregório Thaumáturgo in sedem illíus Ecclésiæ sublimátus, non solum prædicatióne, sed étiam consummáto per ignem martýrio illústris éxstitit.

3. Romæ in cœmetério ad duas lauros via Labicána miliário Tértio sancti Tibúrtii, mártiris, cuius laudes sanctus Dámasus papa celebrávit.

4. Ibídem, commemorátio sanctæ Susánnæ, sub cuius nómine, in fastis antíquis inter mártýres celebráto, Deo dicáta est sáeculo sexto basílica Tituli Gáii iuxta Thermas Diocletiáni.

5. Asísii in Umbria, sancti Rufíni, qui primus huius civitátis epíscopus et martyr habétur.

6*. Benevénti in Campánia, sancti Cassiáni, epíscopi.

7. Ebróicis in Gállia, sancti Tauríni, qui primus epíscopus huius civitátis cólitur.

8*. In Hibérnia, sanctæ Attráctæ, abbatíssæ, quæ a sancto Patrício velum vírginum accepísse fertur.

9. In Província Valériæ, sancti Equítii, abbátis, qui, ut sanctus Gregórius papa Magnus scribit, sanctitátis suæ grátia multórum monasteriórum pater éxstitit et, quocúmque pervénerat, Sacrárum Scripturárum aperiébat fontem.

10. Cameráci in Austrásia, sancti Gaugerci, epíscopi, pietáte ac caritáte erga páuperes clari, qui a Magneríco Treviænsi diáconus ordinátus est et, ad sedem Cameracénsem eléctus, episcopátum trigínta novem annos egit.

11*. Areláte in Província, sanctæ Rustícolæ, abbatíssæ, quæ moniálibus sancte præfuit annos fere sexagínta.

12*. Glocéstriæ in Anglia, beatórum Ioánnis Sandys et Stéphani Rowsham, presbyterórum, et Guliélmi Lampley, manuleárii, mártýrum, qui, sub Elísabeth regína Prima diversis non tráditis diébus eádem supplícia pro Christo subiérunt.

13*. Ad áncoram extra portum Rupifórtii ad oram Gállia, beáti Ioánnis Geórgii (Iacóbi) Rhem, presbýteri ex Ordine Prædicatórum et mártýris, qui, témpore

persecuti6nis in squálidam captivitátem detrúsus, sócios cárceris dire vexátos in spem inducébat, donec ipse insanábili morbo pro Christo occúbuit.

14*. In vico *Agulient* in pago Valentíno Hispániæ, beáti Raphaélis Alonso Gutiérrez, mártýris, qui, paterfamílias, persecuti6ne erga fidem sæviénte, ságuinem pro Christo effúdit. Cum eo commemorátur étiam beátus martyr Cárolus Díaz Gandía, qui hoc die in eódem pago per certámen fidei vitam accépit ætérrnam.

15*. In vico Prat de Compte prope Tarrac6nem item in Hispánia, beáti Michaélis Domingo Cendra, religi6si e Societáte Salesiána et mártýris, qui in eádem persecuti6ne per martýrium palmam insígnem c6nsequi mérui.

16*. Ad fines Tibéti, beáti Maurítii Tornay, presbýteri et mártýris, qui, can6nicus Reguláris e Congregati6ne Sanct6rum Nicolái et Bernárdi Montis Iovis, Evangélium in Sinis et Tibéto eníxe nuntiávit atque a christiáni nóminis inimícis necátus est.

Die 12 Augústi

Prídie Idus augusti. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	12	13	14	15	16	17							

Sanctæ Ioánnæ Francíscæ Fremiot de Chantal, religi6sæ, quæ e Christiáno Matrim6nio sex hábuit filios, quos pie educávit; c6niuge p6stmodum defúnto, sub moderáminæ sancti Francísci de Sales viam perfecti6nis alácriter percúrrit atque ópera caritátis in páuperes præsértim et ægr6tos exércuit. Ordini Visitati6nis Sanctæ Mariæ initíum dedit, quem et sapiénter diréxit. Ípsius tránsitus Molínis ad ripam Eláveris prope Nívernum in Gállia die tértia décima decémbris occúrrit.

2. Cátanæ in Sicília, sancti Eupli, mártýris, qui in persecuti6ne Diocletiáni imperatóris, ut fertur, cum volúmina Evangeli6rum in manu habéret, a correctóre Calvisiáno in cárcerem coniéctus est; cumque, íterum inquisítus, se Evangélia in corde tenére gloriári respondísset, fústibus ad mortem cæsus est.

3. Nicomedíæ, sanctórum Anicéti et Phótii, mártýrum.

4*. Alládæ in Hibérnia, sancti Muredáchi, epíscopi.

5*. Item in Hibérnia, in cella eius nómine vocáta, sanctæ Léliæ vírginis.

6. Bríxiæ in Langobárdia, sancti Herculáni, epíscopi.

7. In Lirinénsi ínsula in Província, sanctórum mártýrum Porcárii, abbátis, et plurimórum monachórum, qui a Saracénis cæsi esse tradúntur.

8*. Ruthíni in Cámbría septemtrionáli, beáti Cároli Meehan, presbýteri ex Ordine Fratrum Minórum et mártýris, qui, gènere hibérnus, dum per illam diciónem ad pátriam iter faciébat comprehénsus et cápite damnátus, quod Cároli regis Secúndi domínia petivísset, fune ferróque palmam martýrii consecútus est.

9*. Romæ, beáti Innocéntii papæ Undécimi, qui Ecclésiám sapiénter rexit, etsi acérbis dolóribus et ærúmnis vexátus.

10*. In fœda actuária in salo ante Rupifórtium in Gállia constitúta, beáti Petri Jarrige de la Morélie de Puyredon, presbýteri, qui, persecutióne in Ecclésiám sæviénte, diutíssime ad ásperam vim solis expósitus pro Christo mórtuus est.

11. In urbe *Nam Định* in Tunkuino, sanctórum mártýrum Iacóbi Đỗ Mai Năm, presbýteri, Antónii Nguyễn Dich, agricolæ, et Michaélis Nguyễn Huy Mỹ, médici, qui pro Christo sub imperatóre Minh Mạng post dira torménta cápite truncáti sunt.

12*. In óppido *Hornachuelos* prope Córdubam in Hispánia, beátæ Victóriæ Díez y Bustos de Molina, vírginis et mártýris, quæ magístræ munus in Institutó Teresiáno implévit et, ímpetu advérsus Ecclésiám facto, fídem cristiánam proféssa, ad martýrium álios exhórtans martýrium ipsa pati méruit.

13*. In Valle Mauri prope Matrítum ítem in Hispánia, beáti Flávii (Atiláni) Argüeso González, religiósi ex Ordine Sancti Ioánnis a Deo et mártýris, qui in eádem persecutióne in ódium fidei occúbuit.

14*. Barbástri prope Ocam in Aragónia Hispániæ, beatórum Sebastiáni Calvo Martínez, presbýteri, et quinque sociórum,⁴ mártýrum, qui, religiósi ex Congregatióne Missionariórum Immaculáti Cordis Mariæ, in eádem persecutióne gloriósum peregérunt certámen.

15*. Tarracóne item in Hispânia, beáti Antónii Perulles Estí vill, presbýteri e Sodalitáte sacerdotum operariórum diócesanórum et mártiris, qui in eádem persecutiónis tempestáte in via agónem consummávit.

16*. Dacháni prope Monáchium Baváriæ in Germánia, beatórum Floriáni Stępníak, ex Ordine Fratrum Minórum Capuccinórum, et Ioséphi Straszewski, presbyterórum et mártýrum, qui, témpore invasiónis Polóniæ in bello, in castris detentiónis mortífero vapóre inquináti vita excessérunt.

17*. In loco *Planegg* prope Monáchium Baváriæ in Germánia, beáti Cároli Leisner, presbýteri et mártýris, qui, adhuc diáconus, propter públicam fidei professiόnem et assíduum animárum servítium in cárcerem dedúctus est et, in campo detentiónis Dacháni sacérdos ordinátus, etsi libertáti rédditus, ob ærúmnas in captivitáte suscéptas occúbuit.

Die 13 Augústi

Idibus augusti. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	13	14	15	16	17	18							

Sanctórum mártýrum Pontiáni, papæ, et Hippólyti, presbýteri, qui simul in Sardíniam deportáti sunt ibíque ambo commúni damnatióne et una, ut vidétur laureáti coróna, tandem in Urbem hie in cœméterium ad viam Tiburtínam, ille in cœméterium Callísti transláti sunt.

2. Fori Cornélii in Flamínia, sancti Cassiáni, mártýris, qui, cum idóla adoráre noluisset, púeris, quibus magíster præfúerat, tráditus est cálamis ad mortem torquéndus, ut, quanto infirmior manus, tanto gravior pœna esset martýrii.

3. Lugdúni in Gállia, sancti Antíochi, epíscopi, qui, adhuc présbyter, usque ad viséndum sanctum Iustum, epíscopum suum, in erémo Ægýpti tunc degéntem perréxit.

4. Pictávii in Aquitánia, sanctæ Radegúndis, quæ, regína Francórum, adhuc vivénre rege Clotário cóniuge suo, sacrum velámen accépit et in monastério Sanctæ Crucis Pictaviénsis, quod ipsa constrúxerat, sub Régula sancti Cæsárii Arelaténsis militávit.

5. In castro Schemári ad ripam Hippí in iugis Cáucasi, tránsitus sancti Máximi Confessóris, abbátis Chrysopolitáni prope Constantinópolis, doctrína et cathólicæ veritátis zelo insígnis, qui, cum advérsus monothelítas strénue decertáret, ab imperátore hærético Constante, præcisa manu dextera, duóbus cum discípulis, quibus nomen Anastásius, post duram custódiam et múltiples sævítias, in Lazícam regiónem relegátus, spíritum Deo réddidit.

6. Fritesláriæ in Hássia Austrásiæ, sancti Vigbérti, presbýteri et abbátis, cui sanctus Bonifátius curam monastérii loci commísit.

7*. In monastério Aldenburgénsi in terra Vocatórum Germániæ, beátæ Gertrúdis, abbatíssæ ex Ordine Præmonstraténsi, quæ adhuc puéllula a matre sancta Elísabeth, regína Hungáriæ, hoc in loco Deo obláta est.

8*. Macólici in Hibérnia, beatórum Patrícii O’Healy, epíscopi Mayénsis, et Conni O’Rourke, presbýteri, ambórum ex Ordine Fratrum Minórum, qui propter sacerdotium palam patefáctum cápite damnáti sunt et patíbuli supplíciis dedúcti.

9*. Virovíaci in Anglia, beáti Guliélmi Freeman, presbýteri et mártiris, qui, sub Elísabeth regína Prima tantúmmodo quod sacérdos esset cápite damnátus, pro patíbulo hymnum «Te Deum» cánere inchoávit et constánti ánimo ad martýrii supplícia adívit.

10. Romæ, sancti Ioánnis Berchmans, religiósi e Societáte Iesu, qui ómnibus dilectíssimus ob sincéram pietátem, caritátem non fictam perpetuámque hilaritátem, brevem post infirmitátem supréum diem lætus óbiit.

11*. Vindóbonæ in Austria, beáti Marci de Aviáno (Cároli Domínici) Cristofori, presbýteri ex Ordine Fratrum Minórum Capuccinórum, qui, sápiens prædicátor verbi Dei, ubíque miram dedit óperam pro egénis atque ægrótis, ánimos poténtium mundi præsértim cóncitans, ut fidem et pacem omni negótio et utilitáti antepónerent.

12*. In freto maris ad litus Rupifórtii porrigénti in Gállia, beáti Petri Gabilhaud, presbýteri et mártiris, qui, gállicæ perturbatiónis tempestátibus propter sacerdotium in navi servitútis deténtus, inédia morbóque consúptus est.

13. In óppido *Saugues* prope Anícium item in Gállia, sancti Beníldi (Petri) Romançon, ex Institúto Fratrum Scholárum Christianárum, qui in erudiénda iuventúte ætátem degit.

14*. Barbástri prope Oscam in Aragónia Hispánia, beatórum Secúndini Maríæ Ortega García, presbýteri, et undevigínti sociórum,⁵ mártýrum, qui, religiósi e Congregatióne Missionariórum Filiórum Immaculáti Cordis Maríæ, persecutióne advérsus Ecclésiám sæviénte, in ódium vitæ religiósæ interfécti sunt.

15*. In óppido *Almazora* prope Castáliam ad litus Hispánia, beáti Ioánnis Agramunt, presbýteri ex Ordine Clericórum Regulárium Scholárum Piárum et mártýris in eádem persecutióne.

16*. Prope vicum *Albocasser* in pago Castellionénsi in Hispánia, beáti Modéstí García Martí, presbýteri ex Ordine Fratrum Minórum Capuccinórum et mártýris, qui in persecutióne erga fidem evangélicum propósitum mártýrio perfécit.

17*. Barcinóne item in Hispánia, beáti Ioséphi Bonet Nadal, presbýteri e Societáte Salesiána et mártýris, qui, témpore eiúsdem persecutiónis, certámen pro fide complévit.

18*. Berolíni in loco *Plötzensee* in Germánia, beáti Iacóbi Gapp, presbýteri e Societáte Maríæ et mártýris, qui firmo ánimo nefária plácita militáris regíminis humánæ et christiánæ dignitáti infénsi mínime cum doctrína christiána congrúere proclamávit, quaprópter persecutió nibus obnóxius in Gálliam et Hispániam exsílio afféctus se cóntulit, sed ab emissáriis apprehénsus cápitis abscissióne tandem enecátus est.

Die 14 Augústi

Décimo nono Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	14	15	16	17	18	19							

Memória sancti Máximiliani Maríæ (Raymúndi) Kolbe, presbýteri ex Ordine Fratrum Minórum Conventuálium et mártýris, qui, Milítiae

Maríæ Immaculátæ fundátor, diversa in loca captivitátis deportátus, tandem in campo exítii *Oświęcim* seu *Auschwitz* prope Cracóviam in Polónia pro concaptívo carnificibus se trádedit, ministérium suum ut holocáustum caritátis cónferens et exéplum fidelitátis erga Deum ac hómines.

2. In Illýrico, sancti Ursicíni, mártiris.

3. Apaméæ in Sýria, sancti Marcélli, epíscopi et mártiris, qui, cum Iovis delúbrum dirúisset, a furéntibus gentílibus occísus est.

4. Romæ, sancti Eusébii, tituli sui conditóris in Exquíliis.

5*. Róssiæ in Hibérnia, sancti Fachanáni, epíscopi et abbátis, qui ibi monastérium instítuit, rerum divinárum humanarúmque scholis célebre.

6. Aldenbúrgi in Flándria, tránsitus sancti Arnúlphi, epíscopi Suessionénsis, qui, ex mílite mónachus efféctus, dein epíscopus, pro pace et concórdia molítus est et in monastério ab ipso cóndito óbiit.

7*. Prope Montem Baróchium in Picéno Itáliæ, beáti Sancti de Urbíno Brancorsini, fratris convérsi ex Ordine Minórum.

8*. Hydrúnti in Apúlia, beatórum fere octingentórum mártirum, qui a milítibus Othománis irrumpéntibus fidem abdicáre iussi, sed a beáto António Primaldo, sene tetrínæ artis opífice, commóniti, ut in fide Christi perseverárent, cápitis trucidatióne corónam martýrii acceperunt.

9. Nagasákii in Iapónia, sanctórum mártirum Domínici Ibáneñz de Erquicia, presbýteri ex Ordine Prædicatórum, et Francísci Shoyemon, novítii in eódem Ordine catechístæ, qui in ódium nóminis christiáni sub suprémio duce Tokugawa Yemitsu interfécti sunt.

10*. Coriáni in Æmília, beátæ Elísabeth Renzi, vírginis, quæ, fundátrix Magistrárum Piárum a Vírgine Perdolénte, totum ánimun inténdit, ut in scholis puéllæ páuperes humana et catechética institutióne imbueréntur.

11*. In vico *Picassent* in pago Valentíno Hispániæ, beáti Vincéntii Rubiols Castelló, presbýteri et mártiris, qui in persecutióne fidem Christi martýrio testificátus est.

12*. In loco *El Saler* nuncupáto prope Valéntiam item in Hispánia, beáti Felícis Yuste Cava, presbýteri et mártiris, cui ob impávidam fidelitátem præmium Dóminus tríbuit ætérnum.

Die 15 Augústi

Décimo Octávo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	15	16	17	18	19	20							

Sollémnitas Assumptiόνis beátæ Mariæ Vírginis, Dei et Dómini nostri Iesu Christi Genetrícis, quæ, expléto terréstris vitæ cursu, córpore et ánima ad cæléstem glóriam assúpta est. Hanc fidem Ecclésiæ tradítióne recéptam Pius papa Duodécimus sollémniter definívit.

2. Romæ in cœmetério Callísti via Appia, commemorátio sancti Tarsícii, mártiris, qui, Christi deféndens sacratíssimam Eucharístiam, quam insána gentílium turba profanáre conabátur, lapídibus usque ad mortem mactári máluit quam sacra pródere cánibus.

3. Nicomedíæ in Bithýnia, Sanctórum Stratónis, Philíppi et Euthychiáni, mártirum.

4. Medioláni in Ligúria, sancti Simpliciani, epíscopi, quem sanctus Ambrósius sibi designávit successórem atque sanctus Augustínus láudibus celebrávit.

5. Commemorátio sancti Alýpii, epíscopi Thagasténsis in Numídia, qui sancti Augustíni olim discípulus, póstea in convérsiône sócius, in múnere pastoráli colléga et in certamínibus advérsus hæréticos commílito strénuus ac demum in cælésti glória consors fuit.

6*. Hildésíæ in Saxónia Germániæ regióne, sancti Altfrídi, epíscopi, qui Ecclésiám cathedrálem exstrúxit et monastéria condénda fovit.

7*. Apud Alham Regálem in Pannónia, natális sancti Stéphani, regis Hungarórum, cuius memória postrídie huius diéi cólitur.

8. Cracóviæ in Polónia, sancti Hyacínthi, presbýteri ex Ordine Prædicatórum, qui a sancto Domínico designátus est, ut Ordinem in illa natióne propagáret, et cum beáto Cesláo et Henríco Germánico sóciis in Bohémia ac Silésia Evangélium prædicávit.

9*. Saviliáni in Subalpínis, beáti Haymónis Taparelli, presbýteri ex Ordine Prædicatórum, veritátis defensóris indeféssi.

10*. Pallántiæ apud Nováriam in Itália, beátæ Iuliánæ de Busto Arsítio, vírginis ex Ordine Sancti Augustíni, invícta ánimi fortitúdine mirabilíque patiéntia et assídua cæléstium rerum contemplatióne insígnis.

11. Romæ, sancti Stanislái Kostka, qui, polónus génere, Societátem Iesu íngredi cúpiens, patérnæ domus fugam arrípuít et pédibus Romam pétiit, ubi a sancto Francísco de Borja in novitiátum admíssus, brevi consúptus in humíllimis offíciis præstándis, sanctitáte clarus óbiit.

12*. In óppido *Wenga* prope *Busira* in Congo Bélgico, beáti Isidóri Bakanja, mártiris, qui aduléscens christiáne initiátus, fidem sédulo cóluit et impávide ádeo testátus est, dum labórem exercébat, ut a præpósito colóniæ in ódium christiánæ religiónis diutúrna flagellatióne excruciarétur et paucos post menses, persecutóri ignóscens, spíritum rédderet.

13. In loco *Chalchihuites* territórii Durangénsis in México, sanctórum mártyrum Aloýsii Batis Sáinz, presbýteri, Emmanuélis Morales, patrisfamílias, Salvatóris Lara Puente et Dávidis Roldan Lara, qui in persecutióne mexicána in ódium nóminis christiáni interfécti sunt.

14*. Barbástri prope Oscam in Aragónia Hispániæ, beatórum Ludovíci Masferrer Vila, presbýteri, et undevigínti sociórum,⁶ mártyrum, qui, religiósi e Congregatióne Missionariórum Filiórum Immaculáti Cordis Mariæ, persecutióne contra Ecclésiám sæviénte, in Christo vitam posuérunt et confrátres pridie huius diéi in eódem loco interféctos in glóriam Dómini ampléxi sunt.

15*. In vico *Almazora* apud Castáliam ad litus Hispániæ, beáti Ioséphi Mariæ Peris Polo, presbýteri e Sodalitáte sacerdotum operariórum diócesanórum et mártiris, qui in eádem persecutióne in cœmetério martýrii palmam adeptus est.

16*. Matríti item in Hispánia, beátæ Mariæ a Sacrário a Sancto Aloýsio Gonzaga (Elvírae) Moragas Cantarero, vírginis ex Ordine Carmelitárum Discalceatárum et in eádem persecutióne mártiris.

17*. Item Matríti in Hispánia, beáti Domínici (Augustíni) Hurtado Soler, presbýteri e Tértio Ordine Sancti Francísci Capulatórum a beáta Vírgine Perdolénti et mártiris, qui ob Christi testimónium coronátus est.

18*. In vico *Motril* apud Granátam ad litus Hispániæ, beáti Vincéntii Soler, presbýteri ex Ordine Augustínianórum Recollectórum et mártiris, qui in eádem persecutióne, cum áliis concaptívis ab ipso pie ad mortem parátis cápite damnátus est et ante cœmetérii muros plumbis transfóssus in Christo triumphávit.

19*. In vico *Palma de Gandía* in pago Valentíno item in Hispánia, beáti Carméli Sastre Sastre, presbýteri et mártiris, qui in eádem persecutióne, Christi vestígiis adhærens, per eius grátiam ad regna pervénit æténa.

20*. In óppido *Tárrega* prope Barcinónem item in Hispánia, beáti Iacóbi Bonet Nadal, presbýteri e Societáte Salesiána et mártiris, qui in Christi ságuine discípus fídelis méruit rédimi.

21*. Patávii in Itália, beáti Cláudii (Richárdi) Granzotto, religiósi ex Ordine Fratrum Minórum, qui professióis religiósæ exercítium cum arte statuárii coniúnxit et paucis annis in Christi imitatióne perfectiõem assecútus est.

Die 16 Augústi

Décimo séptimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	16	17	18	19	20	21							

Sancti Stéphani, regis Hungarórum, qui baptísimo regenerátus, coróná regni a Silvestro papa Secúndo suscépta, Christi fídei apud Húngaros propagándæ provídít et Ecclésiám in regno suo ordinávit ac ópibus monastériisque dotávit, iustus et pacíficus in súbditis regéndis, donec Albæ Regáli in Hungária, die Assumptióis, ánima eius in cælum migrávit.

2. Commemoratio sancti Arsáccii, qui sub Licínio imperatóre fidem christiánam proféssus est et, militiá relicta, Nicomedíæ solitáriam duxit vitam; dénique, futúram civitátis cladem prænúntians, in oratióne spíritum Deo réddidit.

3. Sedúni in Vallésia apud Helvétios, sancti Theodóri, primi illíus civitátis epíscopi, qui, sancti Ambrósii exémplum sequens, fidem cathólicam advérsus ariános deféndit et mártýrum reliquias Agaunénsium honorífice cóluit.

4*. In Británnia Minóre, sancti Armagíli, eremítæ.

5*. In pago Gállíæ Cenomanénsi, sancti Frambáldi, mónachi, qui vitam duxit tum solitáriam tum cœnobíticam.

6*. In silva Rhedonénsi Británniæ Minóris, beáti Radúlphi de Fustéia, presbýteri, monastérii Sancti Sulpítii fundátoris.

7*. Subláci in Látio, beáti Lauréntii, cognoménto Loricáti, qui, cum quemdam forte occidísset, pœnam summa austeritáte et pœniténtia lúere státuit, in spelúnca montis vitam agens solitáriam.

8. In Langobárdia, sancti Rochi, qui, Monte Pessuláno in Langedócia Gállíæ ortus, pie peregrínando et pestiféros per Itáliam curándo sanctitátis famam consecútus est.

9*. Floréntiæ in Etrúria, beáti Angeli Augustíni Mazzinghi, presbýteri ex Ordine Carmelitárum.

10*. Kyóti in Iapónia, beáti Ioánnis a Sancta Martha, presbýteri ex Ordine Fratrum Minórum et mártýris, qui, dum ad supplícium tradebátur, pópulo prædicábat et psalmum «Laudáte Dóminum, omnes gentes» canébat.

11*. Kokúræ item in Iapónia, beatórum mártýrum Simónis Bokusai Kyota, catechístæ, et Magdalénæ, cóniugum, Thomæ Gengoro et Mariæ, páriter cóniugum, atque Iacóbi filii eórum adhuc púeri, qui ex decréto præfécti Yetsundo in ódium nóminis christiáni simul crucifixi sunt, cápite deórsum.

12*. In foedo navígio ad áncoras deligáto in salo ante Rupifórtium in Gállia, beáti Ioánnis Baptístæ Ménestrel, presbýteri et mártýris, qui, témpore gállicæ perturbatiónis propter sacerdotium ad víncula navália damnátus, plagis verminósis inféctus martýrium consummávit.

13. In vico *Fanjiahuang* apud *Wujiao* in *Hebei* Sinárum provincia, sanctæ Rosæ Fan Hui, vírginis et mártiris, quæ in persecutióne sectatórum «Yihetuan», vulneribus confóssa, in flumen adhuc spirans præcipitata est.

14*. Barcinóne in Hispânia, beátæ Petræ a Sancto Ioseph (Annæ Ioséphæ) Pérez Florido, vírginis, quæ assiduitatem derelictis sénibus aláriter præbuit et Congregatióne Sorórum Matrum Derelictórum fundávit.

15*. Hemeroscópíi in pago Lucentíno item in Hispânia, beáti Plácidi García Gilabert, religiósi ex Ordine Fratrum Minórum et mártiris, qui pro Christo egrégium perégit certámen.

16*. In vico *Benicasim* prope Castáliam item in Hispânia, beáti Henríci García Beltran, díaconi ex Ordine Fratrum Minórum Capuccinórum et mártiris, qui per martýrium victóriæ Christi párticeps factus est.

17*. In vico *Picassent* in pago Valentíno item in Hispânia, beáti Gabriélis (Ioséphi Mariæ) Sanchis Mompó, religiósi e Tértio Ordine Sancti Francísci Capulatórum a beáta Vírgine Perdolénti et mártiris, qui vi inimicórum Ecclesiæ ad Dóminum migrávit.

Die 17 Augústi

Sextodécimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	17	18	19	20	21	22							

1. Cýzici in Hellespónto, sancti Myrónis, presbýteri et mártiris, qui, ut fertur, sub Décio imperatóre et Antípatro práeside, post multa torménta, cápite truncátus est.

2. Cæsaréæ in Cappadócia, sancti Mamántis seu Mamétis, mártiris, qui, pastor humíllimus, solitárius in silvis móntium vixit máxima frugalitáte et, Christi fidem cónfitens, sub Aureliáno imperatóre martýrium consummávit.

3. In Sicília, natális sancti Eusébii, papæ, qui, strénuus testis Christi, a Maxéntio imperatóre hanc in ínsulam deportátus est et, exsul pátriæ terrénæ, mérui obtinére cæléstem; cuius corpus Romam translátum in cœmetério Callísti depósitum est.

4*. In Frísia, sancti Ierónis, presbýteri et mártiris, qui a pagánis Normánnis occísus esse tráditur.

5*. Thessalónicæ in Macedónia, tránsitus sancti Elíæ Iunióris, mónachi sub normis orientálium Patrum, qui, pro fide plura a Saracénis perpéssus, invícto tamen ánimo tum in Calábria, tum in Sicília ásperam oratiónis et austeritátis vitam duxit.

6*. Arcáriæ prope Mylas in Sicília, sancti Nicolái Politi, eremítæ, qui vitam máxime austéram duxit in spelúnca.

7*. Colle Etrúsko prope Senas in Etrúria, beáti Albérti, presbýteri, qui pópulo virtútum egrégium exéplum explicuit.

8. Monte Falco in Umbria, sanctæ Claræ a Cruce, vírginis ex Ordine Eremitárum Sancti Augustíni, quæ monastério Sanctæ Crucis præfuit, amóre Christi pássionis flagrans.

9. Toléti in Castélla Hispániæ, sanctæ Beatricis da Silva Meneses, vírginis, quæ, primum fémina nóbilis in aula régia regínam Isabéllam cómitans, perfectiórem dein vitam dúcere malens inter moniáles Ordinis Sancti Domínici multos annos se recépit, demum novum Ordinem sub título Conceptionis Beátæ Mariæ Vírginis instituit.

10. Nagasákii in Iapónia, sanctórum mártirum Iacóbi Kyuhei Gorobioye Tomonaga, presbýteri ex Ordine Prædicatórum, et Michaélis Kurobioye, qui pro Christo sub suprémo duce Tokugawa Yemitsu cápite damnáti sunt.

11. Salmúrii apud Andégavum in Gállia, sanctæ Ioánnæ Delanoue, vírginis, quæ, divínæ Providéntiæ præsidio pénitus inníxa, primum órphanas, vétulas, ægrótas perditásque mulieres domum recépit, deínde cum sóciis Institúti Sorórum Sanctæ Annæ a Providéntia fundaménta iecit.

12*. In freto maris ante Rupifórtium in Gállia, beáti Natális Hilárii Le Conte, mártiris, qui, cléricus cathedrális Bituricénsis officio músici præpósitus, in ódium religiónis persecutióne sæviénte in navi servitútis deténtus, morbo corréptus pro Christo occúbuit.

13*. Apud oppidum *Castelfullit de la Roca* prope Gerúndam in Hispânia, beáti Henríci Canadell, presbýteri ex Ordine Clericórum Regulárium Scholárum Piárum et mártýris, in ódium Ecclésiæ interfécti.

Die 18 Augústi

Quintodécimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	18	19	20	21	22	23							

1. **P**rænéste in Látio, sancti Agapíti, mártýris.

2. Uticæ in Africa, sanctórum mártýrum Massæ Cándidæ, qui, crebrióres pískibus ab Apóstolis in rete tractis, fidéles epíscopo suo Quadráto, simul Christum Dei Fílium confiténtes, magnánimi mortem occubuérunt.

3. Myræ in Lýcia, sancti Leónis, mártýris.

4. Romæ via Labicána, sanctæ Hélienæ, matris Constantíni imperatóris, quæ singuláriter stúduit egénos iuváre et pie mixta turbis ecclésiæ adíre atque, Hierosólymam peregrináta, ut Christi Nativitátis, Passiónis et Resurrectiónis loca investigáret, præsepe crucémque Dómini venerándis basilícis honorávit.

5. Metis in Gállia Bélgica, sancti Firmíni, epíscopi.

6*. Areláte in Província, sancti Eónii, epíscopi, qui Ecclésiám suam ab erróre Pelágii deféndit et sanctum Cæsárium, quem presbýterum ordináverat, pópulo suo commendávit successórem.

7. In Bithýnia, tránsitus sancti Marcárii, hegúmeni monastérii Peleceténsis, qui sub Leóné imperátore Quinto pro defensióne sacrárum Imáginum multa passus est.

8*. In monastério Cavénsi in Campánia, beáti Leonárdi, abbátis, viri admódum pacífici.

9*. Ravénnæ in Flamínia, beáti Rainálði de Concorégio, epíscopi, zelo, prudéntia et caritáte clari.

10*. Mántuæ in Langobárdia, beátæ Paulæ Montaldi, vírginis, abbatíssæ ex Ordine Clarissárum, devotióne erga Pássionem Dómini, assídua oratióne et austeritátibus conspícua.

11*. In navi servitútis in salo constitúta apud Rupifórtium in Gállia, beáti Antónii Banassat, presbýteri et mártiris, qui, paróchus, sæviénte gállica perturbatióne, in ódium fidei deténtus esúrie ad Dóminum migrávit.

12*. Valle Mauri prope Matrítum in Hispánia, beáti Francísci Arias Martín, presbýteri et mártiris, qui, novítius in Ordine Sancti Ioánnis a Deo, témpore persecutiónis iter perfectiúnis in brevi consummávit.

13*. Barbástri prope Ocam in Aragónia Hispániæ, beatórum Iacóbi Falgarona Vilanova et Athanásii Vidaurreta Labra, religiosórum e Congregatióne Missionariórum Filiórum Cordis Immaculáti Maríæ et mártirum in eádem persecutióne.

14*. Apud Alcanítium in pago Dertosénsi Hispániæ, beáti Martíni Martínez Pascual, presbýteri et mártiris, qui, in Sodalitátem sacerdotum operariórum diócesanórum aggregátus, in eádem tempestáte eódem die gloriósam suscepit corónam.

15*. In vico *Rafelbunyol* in pago Valentíno Hispániæ, beáti Vincéntii Maríæ Izquierdo Alcón, presbýteri et mártiris, in ódium fidei interémpti.

16*. Sancti Iacóbi in Chília, beáti Albérti Hurtado Cruchaga, presbýteri e Societáte Iesu, qui opus cónclidit, ut paupéribus tecto caréntibus vagisque potíssimum púeris verum et domésticum darétur domicílium.

Die 19 Augústi

Quartodécimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	19	20	21	22	23	24							

Sancti Ioánnis Eudes, presbýteri, qui plures annos ad prædicationem in paróeciis incúbuit, deínde Congregationem Iesu et Mariæ ad instituendos sacerdotes in semináriis necnon álteram moniálíum Dóminæ Nostræ a Caritate ad mulieres pæniténtes in vita christiána firmándas fundávit atque devótionem erga sacra Corda Iesu et Mariæ máxime fovit, donec Cadómi in Normánnia Gállíæ pie in Dómino obdormívit.

2. Fabratériæ Véteris in Látio, sancti Magni, mártiris.

3. In pago Tarraconénsi in Hispánia, sancti Magíni, mártiris.

4. Gazæ in Palæstína, sancti Timóthei, mártiris, qui in persecutióne Diocletiáni imperatóris, sub Urbáno præside, multis superátis supplíciis, lento igne combústus est.

5. In Cilícia, sancti Andréæ tribúni et sociórum mílitum, qui, ut fertur, victória de Persis divínitus adépta, ad fidem Christi convérsi et hoc nómine accusáti, sub Maximiano imperatóre in angústiis Tauri montis ab exércitu Seléuci præsidis trucidáti sunt.

6. Romæ via Tiburtína iuxta Sanctum Lauréntium, depositio sancti Xysti papæ Tértii, qui inter Antiochénum patriarchátum et Alexandrínium dissensiónes compósuit atque in Urbe beátæ Mariæ basílicam plebi Dei dedit in Exquíliis.

7. In pago Sistariénsi in Gállia, sancti Donáti, presbýteri, qui anachoréticam vitam multos annos exegísse fertur.

8*. In monastério Bobiénsi in Ligúria, sancti Bertúlfí, abbátis, sancti Attalæ in eódem cœnóbio successóris.

9. Norimbérgæ in Francónia Germániæ, sancti Sebáldi, eremítæ.

10*. In Calábria, sancti Bartholomæi de Símero, presbýteri et abbátis, qui, post vitam eremitícam, monastérium Græcórú condidit.

11*. In monastério Igniénsi in Gállia, beáti Guerríci, abbátis, qui, verus sancti Bernárdi discípulus, cum propter córporis debilitátem frátribus suis exémplum labóris præbere non posset, eos máxime firmábat spiritálibus sermónibus humilitáte et caritate crebris.

12*. In monastério Cavénsi in Campánia, beáti Leónis Secúndi, abbátis.

13. Apud Brinólium in Província Gállia, tránsito sancti Ludovíci, epíscopi, qui, sancti Ludovíci regis nepos, plus evangélicam paupertátem appétiit pérpeti quam laudes et honóres mundi et, iúvenis adhuc ætáte sed matúrus virtúte, ad sedem Tolosánam evéctus est, mox vero infirma valetúdine consúptus pie obdormívit.

14*. Placéntiæ in Æmília, beáti Iordani de Pisis, presbýteri ex Ordine Prædicatórum, qui altam doctrínam máxima cum simplicitáte pópulo vulgári lingua exponébat.

15*. Aquæ Pagánæ in Picéno Itáliæ, beáti Angeli, eremítæ ex Ordine Camaldulénsium.

16*. Nagasákii in Iapónia, beatórum mártýrum Ludovíci Florés, presbýteri ex Ordine Prædicatórum, Petri de Zuñiga, presbýteri ex Ordine Eremitárum Sancti Augustíni, et tredécim sociórum⁷ nautárum iaponénsium, qui in portum expósi statímque apprehénsi, propter fidem christiánam váriis cruciátibus idem unum martýrium simul complevérunt.

17*. Dorcéstria in Anglia, beáti Hugónis Green, presbýteri et mártýris, qui, Duáci ordinátus, trigínta annos in pátria ministrávit, donec sub Cárolo rege Primo, dire et longo témpore ferro laniátus, Christi passióni mérui sociári.

18. Monte Acúto in Navárre Hispániæ, natális sancti Ezechiélis Moreno Díaz, epíscopi Pastopolitáni in Colúmbia, ex Ordine Recollectórum Sancti Augustíni, qui tam in Ínsulis Philippínis quam in América Austráli Evangélio nuntiádo óperam vitámque dedit.

19*. In vico *Llosa de Ranes* in pago Valentíno item in Hispánia, beáti Francísci Ibæñz Ibæñz, presbýteri et mártýris, qui, persecutióne erga fidem sæviénte, Christo adúsque mortem adhærens vitam complévit.

20*. In civitáte *Gandía* in eódem pago Hispániæ, beáti Thomæ Sitjar Fortiá, presbýteri e Societáte Iesu et mártýris, qui in eádem persecutióne sánguinem pro Christo effúdit.

21*. In loco *El Saler* nuncupáto item in pago Valentíno, beatárum Elvíræ a Nativitáte Dóminæ Nostræ Torrentallé Paraire et sociárum, vírginum ex Institutó Sorórum Carmelitárum a Caritáte et mártýrum, quæ pro Christo Sponso certámine fidei fructum attulérunt ætérnum.

Die 20 Augústi

Tértiodécimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	20	21	22	23	24	25							

Memória sancti Bernárdi, abbátis et Ecclésiæ doctóris, qui cum trigínta sóciis novum monastérium Cistércii ingrèssus, póstea Claravallénsis monastérii fundátor et primus abbas, vita, doctrína et exémplo mónachos in viam mandatórum Dei sapiénter diréxit, Euróпам ad pacem unitatémque restituéndas peragrávit atque univérsam Ecclésiám scriptis et mónitis sédulis illustrávit, donec in território Gállia Lingonénsi in Dómino quiévit.

2. Commemorátio sancti Samuélis, prophétæ, qui puer a Deo vocátus, dein iúdicis in Israel múnere fungens, Deo iubén-te, Saulem unxit regem super pópulum, sed, illo póstea a Dómino ob infidelitátem reiécto, regálem unctiónem cóntulit étiam David, cuius ex séminæ Christus erat nascitúrus.

3. Apud castrum Cainónum in pago Turonénsi Aquitánia, sancti Máximi, discipuli sancti Martíni, qui, primum mónachus in ínsula Bárbara apud Lugdúnium, dein ad Vigénnam flúvium monastérium cóndidit, in quo iam plenus diérum óbiit.

4. Nigri Monastérii in Hério ínsula item ad oram Aquitánia, sancti Philibérti, abbátis, qui, in cúria Dagobérti regis educátus, adhuc aduléscens mónachus factus, primum Gemmeticénse cœnóbium, deínde Heriéense fundávit ac rexit.

5. Córdubæ in Vandalicia Hispánia regiône, sanctórum mártýrum Leovigíldi et Christóphori, monachórum, qui, in Maurórum persecutióne, sponte coram iúdice Christum proféssi sunt, quaprópter cápitis abscissióne martýrii palmam accepérunt.

6*. Senis in Etrúria, tránsitus beáti Bernárdi Tolomei, abbátis, qui, Congregatiónis Olivetanæ sub Régula sancti Benedícti fundátor, disciplínæ monásticæ valde stúduit et, peste per Itáliam grassánte, apud mónachos Senéenses periclitántes óbiit.

7*. In actuária in salo deligáta ante Rupifórtium ad oram Gállia, beatórum Ludovíci Francísci Le Brun et Gervásii Brunel, presbyterórum et mártýrum, qui, alter

mónachus e Congregatióne Benedíctina Sancti Mauri, alter vero prior abbátiae Cisterciénsis Trappénsis, ambo témpore gállicae perturbatiónis inhumáne deténti, morbo martýrium consummavérunt.

8. Romæ, sanctæ Mariæ de Mattias, vírginis, quæ Congregatiónem Sorórum ab Adoratióne Pretiosíssimi Ságuinis Christi fundávit.

9. Romæ, natális sanctii Pii papæ Décimi, cuius memória eras recólitur.

10. Vallibónæ in pago Castellionénsi in Hispánia, beáti Matthiæ Cardona, presbýteri ex Ordine Clericórum Regulárium Scholárum Piárum et mártiris in persecutióne religiósa.

11*. In civitáte *Xátiva* in pago Valentíno item in Hispánia, beátæ Mariæ Climent Mateu, vírginis et mártiris, quæ témpore eiúsdem persecutiónis ob perseverántiam fidei Christo mérui conformári.

12*. Intra castra detentiónis Dacháni prope Monáchium Baváriæ in Germánia, beáti Ladislái Mączkowski, presbýteri et mártiris, qui, polónus natióne, témpore belli deportátus, fidem coram persecutóribus humánæ et christiánæ dignitátis per supplicia ad mortem usque deféndit.

Die 21 Augústi

Duodécimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

Memória sancti Pii papæ Décimi, qui, sacérdos in cura parœciáli, Mantuánuſ epíscopus dein Venétiarum Patriárcha, tandem Póntifex Románuſ eléctus, ratióne regíminis, ut ómnia in Christo instauráret, suscepit, quam in simplicitáte ánimí, paupertáte et fortitúdine complévit, inter fidéles vitam christiánam per Eucharístiæ participatióne, dignitátem sacrae Litúrgiæ et integritátem doctrínæ éxcitans.

2. In Thrácia, sanctórum Agathoníci, Zótici et aliórum, mártýrum, qui Selýmbriæ et áliis in locis martýrium subiísse tradúntur.
3. Romæ in agro Veráno, sanctæ Cyríacæ, quæ nomen relíquit cœmetério via Tiburtína, quod Ecclésiæ donáverat.
4. Uticæ in Africa, sancti Quadráti, epíscopi et mártýris, qui cum tota plebe sua, cléricis et láicis, Christum conféssus est et, quem páverat gregem, post quatrídium pastor secútus est.
5. Verónæ in Venétia, sancti, qui primus epíscopus huius civitátis habétur.
6. Fori Traiáni in Sardínia, sancti Luxórii, mártýris.
7. Commemorátio sanctórum mártýrum Bassæ ac trium eius filiórum Theógnii, Agápíi et Pístii, quorum Bassa in ínsula Halóna, céteri autem Edéssæ in Héllade martýrium subiísse ferúntur.
8. Apud Gábalos in Gállia, sancti Priváti, epíscopi et mártýris, qui, Vándalis in Gálliam irrumpéntibus, in crypta, ubi ieiúniis orationibúsque vacábat, repértus, cum oves suas trádere et idólis immoláre nolúisset, fústibus cæsus occúbuit.
9. Arvérnæ in Aquitánia, sancti Sidónii Apollináris, qui ex præfécto Urbi Romæ epíscopus Claromontánus ordinátus, tam divínis quam humánis imbútus, christiáno vigóre pollens, bárbaræ ferocitáti cathólicus pater et doctor insígnis óbstitit.
- 10*. Alzíræ in território Valéntiæ in Hispánia, commemorátio sanctórum mártýrum Bernárdi, ántea ‘Ahmed vocáti, mónachi ex Ordine Cisterciénsi, et Sorórum eius Maríæ (Záidæ) et Grátiae (Zoráidæ), quas ex mahometána religióne ille ad Christi fidem addúxerat.
11. In urbe Húng Yên in Tunquíno, sancti Ioséphi Đặng Đình (Niên) Viê, presbýteri et mártýris sub imperátore Minh Mạng.
- 12*. Tananarívi in ínsula Madagascária, beatæ Victóriæ Rasoamanarivo, quæ, post matrimónium cum violénto viro vídua effécta, missionáriis de ínsula depúlsis, omni sollicitúdine christiánis subvénit et Ecclésiám apud públicos magistrátus deféndit.

13*. In vico *Alberic* in pago Valentíno Hispániæ, beāti Salvatōris Estrugo Solves, presbýteri et mártýris, qui, témpore persecutiónis, pro amóre Christi ómnia advérſa ad palmam usque tolerávit.

14*. In loco *El Morrot* prope Barcinónem item in Hispânia, beāti Raymúndi Peiró Victori, presbýteri ex Ordine Prædicatórum et mártýris, qui in eádem persecutióne, Christi verba fidéliter excipiens, per mortem in vitam transívit glorióſam.

15*. Prope Monáchium Baváriæ in Germánia, beāti Brunónis Zembol, mártýris, qui, e Polónia sub regímine Deo advérſo coácta in castra detentiónis Dacháni propter fidem ablátus, torméntis fractus glorióſe occúbuit.

Die 22 Augústi

Undécimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
28	29	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	22	23	24	25	26	27							

Memória beátæ Mariæ Vírginis Regínæ, quæ Fílium Dei génuit, príncipem pacis, cuius regni non erit finis, et a pópulo christiáno Regína cæli et Mater Misericórdiæ salutátur.

2. Augustodúni in Gállia Lugdunénsi, sancti Symphoriáni, mártýris, quem, dum ad supplicium ducebátur, de muro urbis mater commónuit dicens: «Nate, nate, Symphoriáne, in mente habe Deum vivum. Hódie tibi vita non tóllitur, sed mutátur in mélius».

3. Romæ via Ostiénsi in cœmetério eiúſdem, sancti Timóthei, mártýris.

4. Tudérti in Umbria, sancti Philíppi Benizi, presbýteri Florentíni, qui, vir exímiae humilitátis et Ordinis Servórum Mariæ propágator, Christum crucifixum únicum librum suum existimábat.

5*. Mevániæ in Umbria, beāti Iacóbi Bianconi, presbýteri ex Ordine Prædicatórum, qui ibídem convéntum fundávit et Nicolaitárum erróres árguit.

6*. Ocræ apud Fossam in Aprútio, beáti Timóthei de Montícúlo, presbýteri ex Ordine Minórum, vitæ austeritáte et oratiónis fervóre conspícui.

7*. Eboráci in Anglia, beáti Thomæ Percy, mártiris, qui, comes Northúmbriæ sub Elísabeth regína Prima ob fidelitátem Ecclésiæ Románæ servátam abscisso cápite palmam martýrii consecútus est.

8*. Ibídem, sub eádem regína, beatórum Guliélmi Lacey et Richárdi Kirkman, presbyterórum et mártirum, qui, cápite damnáti quod sacerdótes in Angliam ingressi essent, ad patíbuli supplicia ducti sunt.

9. Vigórniæ item in Anglia, sancti Ioánnis Wall, presbýteri ex Ordine Fratrum Minórum et mártiris, qui, vigínti ámplius annos pastóris munéribus occúlte explétis, sub Carólo rege Secúndo propter sacerdótium láqueo suspénsus ferróque laniátus occúbuit.

10. Herefórdiæ item in Anglia, eódem die et anno, sancti Ioánnis Kemble, presbýteri et mártiris, qui quinquagínta ámplius annos curam pastorálem témpore persecutiónis exércuit, donec octogenárius propter sacerdótium fune suspénsus passióinem consummávit.

11*. Ophydæ in Picéno Itáliæ, beáti Bernárdi (Domínici) Peroni, religiósi ex Ordine Fratrum Minórum Capuccinórum, cordis simplicitáte, vitæ innocéntia et mira erga páuperes caritáte clari.

12*. In mari ante Rupifórtium in Gállia, beáti Elíæ Leymarie de Laroche, presbýteri et mártiris, qui, in gállica perturbatióne in squálidam corbítam in salo constitútam coniéctus et dire ibi mulcátus, morbo corréptus spíritum exhalávit.

13*. In vico *Starunya* in pago Stanislaopolitáno Ucráinæ, beáti Simeónis Lukač, epíscopi et mártiris, qui, sub regímine fidei infénso gregi catholicórum Ritus byzantíni clandestíne minístrans, per fidélem mortem Christi Dómini ac Dei glóriam et honórem proclamávit.

Die 23 Augústi

Décimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
29	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	23	24	25	26	27	28							

Sanctæ Rosæ, vîrginis, quæ, iam puëllula exîmiæ austeritâtis, Limæ in Perúvia hábitu Sorórum Tértii Ordinis reguláris Prædicatórum assúpto, pæniténtiæ ac oratióni dédita atque zelo ardens peccatórum et Indiórum salútis, pro quibus vitam donáre cupiébat, ómnibus afflictiónibus sponte se subiciébat, ut eos Christo lucrifáceret. Eius óbitus postrídie huius diéi evénit.

2. Commemorátio sancti Zachæi, epíscopi, qui quartus a sancto Iacóbo, fratre Dómini, Hierosolymítanam Ecclésiám rexísse tráditur.

3. Romæ in cœmetério sancti Lauréntii via Tiburtína, Sanctórum Abúndii et Irenæi, mártyrum.

4. Apud Ostia Tiberína, Sanctórum Cyríaci et Archelái, mártyrum.

5. Novis in Moesia Inferióre, sancti Luppi, mártiris, qui gládio libertátem Christi adéptus esse fertur.

6. Ægéis in Cilícia, Sanctórum mártyrum Cláudii, Astérii et Neónis fratrum, qui, cristiánæ religiónis a novérca accusáti, sub Diocletiáno imperatóre et Lýsia præside decolláti esse ferúntur.

7. Augustodúni in Gállia Lugdunénsi, sancti Flaviáni, epíscopi, qui tempóribus Clodovéi regis flóruit.

8*. Dériæ in Hibérnia, sancti Eugénii, primi epíscopi Ardstraténsis.

9*. In monastério Sancti Philíppi prope Locros in Calábria Inferióre, sancti Antónii de Hierácio, eremítæ.

10*. Ad áncoras longe in mari ante Rupifórtium ad oram Gállia, beáti Ioánnis (Protásii) Bourdon, presbýteri ex Ordine Fratrum Minórum Capuccinórum et mártiris, qui, témpore gállicæ perturbatiónis una cum plúribus sacerdotibus in

captivitatem circumclusus, levamen concaptivis afferēbat, donec contagiōne cōsumptus est.

11*. In loco *Tavernes de Valldigna* in pago Valentīno in Hispānia, beatōrum mārtyrum Constantīni Carbonell Sempere, presbýteri, Petri Gelabert Amer et Raymúndi Grimaltós Monllor, religiōsōrum, e Societāte Iesu, qui in persecutiōne erga fidem martýrium passi sunt.

12*. Prope óppidum Vallibónam item in pago Valentīno Hispāniæ, beatōrum mārtyrum Fiorentīni Pérez Romero, presbýteri, et Urbáni Gil Sáez, religiōsi, e Tértio Ordine Sancti Francísci Capulatōrum a beāta Vírgine Perdolēnti, qui, témpore eiúsdem persecutiōnis, certāmen pro fide compleverunt.

13*. In óppido *Silla* in eódem pago, beāti Ioánnis Mariæ a Cruce (Mariáni) García Méndez, presbýteri e Congregatiōne Sacerdotum a Sacro Corde Iesu et mārtyris, qui in eādē persecutiōne religiōsa Christi fidem ad mortem usque servāvit.

14*. In vico *Puzol* item prope Valentiam in Hispānia, beatārum Rosáriæ (Petræ Mariæ Victóriæ) Quintana Argos et Seraphínæ (Emmanuélæ Iustæ) Fernández Ibero, vírginum e Tértio Ordine Capuccinārum a Sacra Família et mārtyrum, quæ, eādē persecutiōne sæviēte, grátiam martýrii consecútæ sunt.

15*. Intra castra detentiōnis Dacháni prope Monáchium Baváriæ in Germánia, beāti Francísci Dachtera, presbýteri et mārtyris, qui, polónus natiōne, belli témpore, atrocitatibus fractus a médicis patrātis nullo salvo humanæ dignitátis respéctu, pro Christo occúbuit.

Die 24 Augústi

Nono Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	24	25	26	27	28	29							

Festum sancti Bartholomæi, Apóstoli, qui idem ac Nathánæl plerúmque créditos, Canæ Galilææ ortus, apud Iordánem a Philíppo

ad Christum Iesum ductus est; póstea Dóminus ad se sequéndum eum vocávit et Duódecim aggregávit; post Ascensiónem Dómini Evangélium in India ipse prædicásse tráditur ibíque martýrio coronátus esse.

2. Claudiópolis in Honoríade, sancti Tatiónis, mártiris.

3. Clippiáci in agro Parisiénsi, tránsitus sancti Audoeni, epíscopi Rothomagénsis, qui, ex regis Dagobérti referendário ad episcopátum ordinátus, Ecclésiam suam feliciter rexit annos tres et quadraginta, plúrimas Ecclésias condens et monastéria fovens.

4. In monte Olýmpo in Bithýnia, sancti Geórgii Limniótæ, mónachi, qui, cum ímpium Leónem imperatórem Tértium reprehendísset, quod sacras Imágines frángeret sanctorúmque reliquias combúreret, hanc ob causam, eius iussu náribus abscíssis et cápite incénso, martyr migrávit ad Dóminum.

5. Limæ in Perúvia, natális sanctæ Rosæ, cuius memória pridie huius diéi recólitur.

6*. Andégavi in Gállia, beáti Andréæ Fardeau, presbýteri et mártiris, qui tempóribus gállicæ perturbatiónis in ódium sacerdotii decollátus est.

7. Neápoli in Campánia, sanctæ Ioánnæ Antídæ Thouret, vírginis, quæ vitam religiósam, témpore gállicæ perturbatiónis interrúptam, aliquibus cum sóciis prosecúta est, quas Vesontióne in novam Societátem Sorórum a Caritáte sibi aggregávit, cristiánæ ac civíli iuventútis institutióni et caritati erga párvulos derelictos, páuperes ægrotósque dicátas, donec magnis affécta tribulátionibus óbiit.

8. Massíliæ in Gállia, sanctæ Æmíliæ de Vialar, vírginis, quæ, de Evangélio in regiones longínquas diffundéndo molíta, Congregatiónem Sorórum a Sancto Ioseph ab Apparitióne instítuit et magnópere disseminávit.

9. Valéntiæ in Hispánia, sanctæ Mariæ Michaélæ a Sanctíssimo Sacraménto Desmaisières, vírginis, fundatrícis Congregatiónis Ancillárum a Sanctíssimo Sacraménto et a Caritáte, quæ, tenáci stúdio ac desidério ánimas Deo lucrándi inflammáta, puéllis deviátis et meretrícibus rediméndis vitam dicávit.

10*. Tulcánia in Æquatória, beátæ Mariæ ab Incarnatióne (Mariæ Vincéntiæ) Rosal, vírginis, quæ Bethlehemítas Soróres instaurávit, præsértim ad mulierum dignitátem vindicándam atque puéllas cristiáne instituéndas.

11*. Prope Monáchium Baváriæ in Germánia intra castra detentiónis Dacháni, beáti Maximiani Binkiewicz, presbýteri et mártiris, qui, in bello ob Christi fidem e pátria Polónia a milítibus invasóribus eréptus, torméntis cruciatibúsque laborátus óbiit.

12*. Dresdæ in Germánia, beatórum Cesláí Jóźwiak, Eduárdi Kaźmierski, Francísci Kęsy, Eduárdi Klinik et Iarogniévi Wojciechowski, mártirum, qui, polóni gènere, in eádem tempestáte in cárcerem coniécti, secúris íctibus martýrium consummavérunt.

Die 25 Augústi

Octávo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	25	26	27	28	29	1							

Sancti Ludovíci Noni, quem, regem Gállia, vel domi vel belli in Christianórum defensióne gesti actuósa fides, iustítia in regéndo, amor in páuperes et constántia in advérsis illustravérunt. Matrimónio contrácto, úndecim hábuit filios, quos óptime piéque educávit. In coléndam vero crucem, corónam ac sepúlcrum Dómini opes virésque et ipsam vitam impéndit, donec peste corréptus in castris apud Tunétem ad oram Africæ septemtrionális óbiit.

Sancti Ioséphi de Calasanz, presbýteri, qui ad erudiéndos púeros atque adulescéntes in amóre et sapiéntia Evangélii scholas populáres instituit Ordinémque Clericórum Regulárium Páuperum Matris Dei Scholárum Piárum Romæ fundávit.

3. Areláte in Província, sancti Genésii, mártiris, qui, adhuc catechúmenus, exceptóris officio fungens, cum contra christiános ágere recusavisset, fuga salútem petívit, sed a milítibus comprehénsus próprio cruóre baptizátus est.

4. Itálicæ prope Híspalim in Báetica Hispániæ, sancti Gerúntii, epíscopi; qui in cárcere tráditur obiisse.

5*. Agathæ in Gállia Narbonénsi, sancti Sevéri, abbátis monastérii ab ipso in hac urbe cónditi.

6. Constantinópoli, sancti Menæ, epíscopi, qui a sancto Agapíto papa ordinátus, communióne intérdum suspénsa cum Vigílio papa reconciliáta, magnam Ecclésiám ab imperátore Iustíniano ædificátam divínæ Sóphiæ dedicávit.

7*. Attáni in pago Lemovicénsi Aquitániæ, sancti Arédii, abbátis, qui pro cœnóbio, quod fundáverat, sapiéntem Régulam compósuit e præcéptis haustam variórum monásticæ vitæ institútórum.

8. Ultraiécti in Géldria Austrásiæ, sancti Gregórii, abbátis, qui adhuc aduléscens sanctum Bonifátium ad Hássiæ et Thuringiæ conversiónem pergéntem contínuo secútus est, dein de Ípsius mandáto monastérium Sancti Martíni abbas rexit et Ecclésiám Ultraiecténsem gubernávit.

9. Apud Montem Faliscórum in Túscia, tránsitus sancti Thomæ Cantelupe, epíscopi Herefordiénsis in Anglia, qui, eruditióné clarus, in se sevérus, erga páuperes vero largitórem muníficus se exhibuit.

10*. Scimabáre in Iapónia, beatórum mártýrum Michaélis Carvalho, e Societáte Iesu, Petri Vázquez, ex Ordine Prædicatórum, Ludovíci Sotelo et Ludovíci Sasanda, presbyterórum, atque Ludovíci Baba, religiósi ex Ordine Fratrum Minórum, qui pro Christi fide vivi combústi sunt.

11*. In fœda actuária in salo constitúta ante oram Rupifórtii in Gállia, beáti Pauli Ioánnis Charles, presbýteri et mártýris, qui, prior Cisterciénsis, gállica perturbatióne sæviénte, a sectatóribus propter sacerdotium de monastério Septem Fóntium ad navália víncula ablátus, inédia morbóque corréptus occúbuit.

12*. Córdubæ in Argentína, beátæ Mariæ a Tránsitu Iesu Sacraménti, vírginis, quæ cristiánæ institutióni páuperis derelictæque infántiæ summam dedit óperam et Soróres Missionárias e Tértio Ordine Sancti Francísci in Argentína instituit.

13*. Valentíæ in Hispániá, beáti Aloýsii Urbáno Lanaspa, presbýteri ex Ordine Prædicatórum et mártýris, qui pro Christo egrégium perégit certámen.

Die 26 Augústi

Séptimo Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	26	27	28	29	1	2							

1. **C**ommemoratio sancti Melchisedech, regis Salem et sacerdotis Dei altissimi, qui Abraham benedicens salutavit a victoria regressum, Domino sanctum sacrificium, immaculatam hostiam, offerens, atque in præfiguratione Christi rex pacis et iustitiae interpretatus est et, licet genealogiae expers, sacerdos in ætérnum.

2. Romæ in cœmetério Basíllæ via Salária Vétère, sancti Máximiliani, mártiris.

3. Salónæ in Dalmátia, sancti Anastásii fullónis, mártiris.

4. Cæsaréæ in Mauretánia, sancti Victóris, mártiris, qui, cápite damnátus, crucifixus esse fertur die sábbato.

5. Bérghomi in Transpadána, sancti Alexándri, mártiris.

6. Autissiodóri in Gállia Lugdunénsi, sancti Eleuthérii, epíscopi.

7*. In freto apud Rupifórtium ad litus Gállia, beáti Iacóbi Retouret, presbýteri ex Ordine Carmelitárum et mártiris, qui, gállica perturbatióne grassánte, de convéntu Lemovicénsi in squálidam corbítam tractus est, ubi nocte paucis cum vestiméntis relictus frígore óbiit.

8. Pódii apud Pictávium item in Gállia, sanctæ Ioánnæ Elísabeth Bichier des Âges, vírginis, quæ in gállica perturbatióne sanctum Andréam Hubértum Fournet ministérium clandestíne agéntem adiúvit et, pace Ecclésiæ restitúta ad páuperes instituéndos ægrotósque sublevándos Congregatiónem Filiárum a Cruce fundávit.

9*. In civitaté Bétlehem in Terra Sancta, beátæ Maríæ a Iesu Crucifixo (Maríæ) Baouardy, vírginis ex Ordine Carmelitárum Discalceatárum, quæ, mysticórum charísmatum cópia reférta, vitam contemplatívam singulári cum caritaté duxit.

10. Líríæ in Hispánia, sanctæ Terésíæ a Iesu Jornet Ibars, vírginis, quæ ad vétulis assidéndum Institutum fundávit Parvárum Sorórum Senum Derelictórum.

11*. Valéntiæ item in Hispânia, beáti Ambrósii (Aloýsii) Valls Matamales, presbýteri ex Ordine Fratrum Minórum Capuccinórum et mártiris, qui, témpore persecutiónis, ad magnum convívium, effúso sángine, íngredi méruit.

12*. Hemeroscópíi in pago Lucentíno item in Hispânia, beáti Petri (Alexándri) Max Ginestar, presbýteri ex Ordine Fratrum Minórum Capuccinórum et mártiris, qui in eádem persecutióne pro Christo coronátus est.

13*. In civitáte *Esplugues* prope Barcinónem item in Hispânia, beáti Felícis Vivet Trabal, religiósi e Societáte Salesiána et mártiris, qui, témpore eiúsdem persecutiónis, ad magnum convívium íngredi méruit.

14*. In óppido *Kharsk* prope Tomíscum in Sibiriána Rússiæ província, beátæ Lauréntiæ (Leucádiæ) Harasymiv, vírginis e Congregatióne Sorórum Sancti Ioseph, quæ, pátria a persecutóribus fidei opprésa, in campum detentiónis alláta est, ubi constántiam fidei puritáti vitæ gloriósa morte cumulávit.

15*. Romæ, beátæ Mariæ Beltrame Quattrocchi, quæ, materfamílias, vitam cum viro suo agens altæ ac lætæ communiónis fidei caritatísque in próximum, Christi luce familiam et societátem collustrávit.

Die 27 Augústi

Sexto Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	27	28	29	1	2	3							

Memória sanctæ Mónica, quæ, adhuc adulescéntula Patrício nuptum tráditá, filios génuit, inter quos Augustínus, pro cuius convérsiáne multas lácrimas fudit precésque Deo adhíbuit et in Africam progrédiens apud Ostia Tiberína, cæléstia valde desíderans, e vita migrávit.

2. Cápuæ in Campánia, sancti Rufi, mártiris.

3. Tomis in Scýthia, Sanctórum mártýrum Marcéllini, tribúni, et Mannéæ, cóniugum, atque Ioánnis, filii eórum, Serapiónis, cléríci, et Petri, mílitis.

4. Bérgomi in Ligúria, sancti Narni, qui primus civitátis epíscopus habétur.

5. In Thebáide Ægýpti, sancti Póemenis, abbátis, de quo, ex anachorétis spectatíssimo, plura referúntur apophtégmata sapiéntia instrúcta.

6. Conseráni in Aquitánia, sancti Licérii, epíscopi, qui, hispánus natióne et sancti Fausti Reiénsis epíscopi discípulus, civitátem a Visigothórum eversióne oratióibus protéxit.

7. Areláte in Província, sancti Cæsárii, epíscopi, qui, post vitam monásticam in ínsula Lirinénsi ductam, episcopátum invítus suscipiens, sermónes festivitátibus cóngruos ad catechizándum pópulum presbýteris legéndos parávit collégitque et régulas quoque tam pro viris quam pro virgínibus conscrípsit ad monásticam moderándam convérsatiónem.

8. Pápiæ in Langobárdia, sancti Ioánnis, epíscopi.

9*. In monastério Petrishusénsi, quod condíderat, in Suévía, depositio sancti Gebhárdi, epíscopi Constantiénsis.

10*. In monastério Alpénsi Sabáudiæ, tránsitus sancti Guaríni, epíscopi Sedunénsis, qui, mónachus Molisménsis témpore sancti Robérti, cænóbium hoc cóndidit, quod sancte rexit et in Ordinem Cisterciénsem aggregávit.

11*. Lausónii apud Helvétios, sancti Amadéi, epíscopi, qui, mónachus Claravallénsis, abbas præfécus est cænóbio Altæ Cumbæ, deínde, epíscopus eléctus, iúvenes sollérter instituit, clerum pium et purum informávit atque beátam Vírginem Mariám prædicatióne celebrávit.

12*. Fulgínii in Umbria, beáti Angeli Conti, presbýteri ex Ordine Eremitárum Sancti Augustíni, pæniténtiis et humilitáte insígnis et iniuriárum patientíssimi.

13*. Leomonastérii in Anglia, beáti Rogérii Cadwallador, presbýteri et mártýris, qui, Vallisoléti in Hispánia ordinátus et sciéntia clarus, sédecim annos in pátria clam ministrávit, tandem, sub Iacóbo rege Primo propter sacerdotiurn damnátus, post áspera torménta patíbuli supplíciis occúbuit.

14*. Nagasákii in Iapónia, beatórum Francísci a Sancta María, presbýteri ex Ordine Fratrum Minórum, et quattuórdecim sociórum,⁹ mártýrum, qui iussu Kawachi Dono præfécit urbi in ódium nóminis cristiáni passi sunt.

15. In óppido *Usk* in Cámbria, sancti Dávidis Lewis, presbýteri e Societáte Iesu et mártýris, qui, Romæ sacérdos ordinátus, trigínta ámplius annos in pátria sacraménta occúlte celebrávit pauperibúsq; subvénit, donec sub Carólo rege Secúndo propter sacerdotium patíbulo suspénsus est.

16*. In salo ad litus Rupifórtii in Gállia in tabe navis ad áncoras deligátæ, beatórum mártýrum Ioánnis Baptístæ de Souzy, presbýteri, et Udalríci (Ioánnis Baptístæ) Guillaume, fratris Scholárum Christiánarum, mártýrum, qui, persecutióne erga Ecclésiam sæviénite, inhumáne deténti sunt et fame ac gravi morbo affécit pro Christo occubuérunt.

17*. Radíngæ in Anglia, beáti Domínici a Matre Dei Barberi, presbýteri e Congregatióne Passiόνis, qui, unitáti christianórum redintegrándæ studens, non paucos in Ecclésiam cathólicam recépit.

18*. In vico *Picassent* in pago Valentíno Hispániæ, beáti Ferdinándi González Añón, presbýteri et mártýris, qui, témpore persecutiónis, ad beátitudinem ætérrnam mérúit transíre.

19*. In itínere inter óppida *Godella* et *Bétera* in eódem pago Hispániæ, beáti Raymúndi Martí Soriano, presbýteri et mártýris, qui, eádem persecutióne erga fidem furénite, ságuinem pro Christo effúdit.

20*. Sebastianópolis in Hispánia, beátæ Mariæ a Colúmna Izquierdo Alberó, vírginis, quæ, paupertáte ac grávibus morbis diu vexáta, Deum in actuósa dilectiÓne páuperum afflictorúmque cóluit, pro quibus ministrándis Óperam Missionáriam a Iesu et María constitúit.

Die 28 Augústi

Quinto Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	28	29	1	2	3	4							

Memória sancti Augustíni, epíscopi et Ecclésiæ doctóris exímii, qui, post adulescéntiam doctrínis et móribus inquiétam ad Cathólicam fidem convérsus, a sancto Ambrósio Medioláni baptizátus est et, in pátriam revérsus, vitam ascéticam cum amícis quibúsdam duxit Deo et Scripturárum stúdio déditam; mox, epíscopus Hipponénsis in Africa eléctus, trigínta quáttuor annos forma gregis factus, eum erudívit sermónibus et scriptis copiósiss, quibus étiam strénue contra erróres sui témporis dimicávit vel rectam fidem erudíte illustrávit.

2. Romæ in cœmetério Basíllæ via Salária Vétère, sancti Hermétis, mártiris, quem, ut refert sanctus Dámasus papa, Græcia misit, Urbs civem tenuit pro sancto nómine passum.

3. Constántiæ in Suévia, commemorátio sancti Pelágii, mártiris.

4. Briváte apud Arvérnos in Aquitánia, sancti Iuliáni, mártiris, qui témpore persecutiónis, cum hortátu sancti Ferréoli in hos fines venísset, ibídem palmam martýrii adéptus esse tráditur.

5. Constantinópolis, sancti Alexándri, epíscopi, cuius apostólica precátio, ut scribit sanctus Gregórius Nazianzénus, ariánæ impietátis ducem opprèssit.

6. Carthágine, sancti Restitúti, epíscopi, in cuius festivitáte sanctus Augustínus de illo ad pópulum sermónem hábuit.

7*. Sársime in Flamínia, sancti Vicínii, primi epíscopi huius civitátis.

8. Apud Sántonas in Gállia, sancti Viviáni, epíscopi.

9. In Ægýpto, sancti Móysis Æthíopis, qui, ex insígni latróne insígnis anachoréta efféctus, multos gregis sui convértit et secum duxit ad monastérium.

10. Híspali in Vandalícia Hispániae regiōne, sanctæ Florentínæ, vírginis, cui, ecclesiasticarum disciplinarum valde perítæ, Isidórus et Leándrus fratres tractátus exímiae doctrínæ despondérunt.

11*. Londínii in Anglia, beatórum mártýrum Guliélmi Dean, presbýteri, et septem sociórum,¹⁰ qui pro regno Dei sub Elísabeth regína Prima eódem die, sed in diversis locis civitátis vel in propínquis, suspéndio martýrium consummáruunt.

12. Lancástriæ item in Anglia, sancti Edmúndi Arrowsmith, presbýteri e Societáte Iesu et mártýris, ex eódem ducátu oriúndi, qui post plures annos in pátria curæ pastoráli addíctus, cum sacérdos esset et ad cathólicam fidem multos induxisset, ípsis protestántibus loci invítis, sub Carólo rege Primo fune suspénsus occúbuit.

13*. Monte Regáli in California, beáti Iuníperi (Michaélis) Serra, presbýteri ex Ordine Fratrum Minórum, qui in tríbutus illíus regiōnis adhuc pagánis, multis incómmodis ærumnísq̃ue gravátus, Evangélium Christi idiómate populórum loci prædicávit atq̃ue páuperum et humílium iura strénue deféndit.

14*. Ad áncoras ante Rupifórtium ad oram Gállíæ, beáti Cároli Arnáldi Hanus, presbýteri et mártýris, qui, témpore gállicæ perturbatiōnis propter sacerdotium in navi actuária reclúsus, defectiōne vírium et mox morbo corréptus martýrium consummávit.

15. Barcinóne in Hispánia, sanctæ Ioachímæ de Vedruna, quæ, materfamílias, novem púeros pie educávit et, vídua effécta, Institutum Carmelitárum a Caritáte fundávit, omne genus vexatiōnum æquo ánimo tólerans, donec choléra corrépta óbiit.

16*. In pago Valentíno item in Hispánia, beatórum mártýrum Ioánnis Baptístæ Faubel Cano et Arthúri Ros Montalt, qui, patresfamílias, témpore persecutiōnis erga Ecclésiám, ab homínibus mortem, a Deo vero vitam acceperunt ætérnam.

17*. Prope vicum Vinalésam in eódem pago Hispániae, beáti Aurelíi (Ioséphi) Ample Alcaide, presbýteri ex Ordine Fratrum Minórum Capuccinórum et mártýris, qui in eádem tempestáte per certámen fidei fructum áttulit gloriósum.

18*. Intra óppidum *Nawojowa Góra* in Polónia, beáti Alphónsi Mariæ Mazurek, presbýteri et mártýris, qui, témpore belli, a pátriæ invasóribus propter christiánam confessiōnem interféctus est.

Die 29 Augústi

Quarto Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	30	29	1	2	3	4	5							

Memória passiónis sancti Ioánnis Baptístæ, quem Heródes Antipas rex in arce Macheróntis in cárcere ténuít et in anniversário suo, filia Herodíadis rogánte, decollári præcépít; ídeo, Præcúrsor Dómini, sicut lucérna ardens et lucens, tam in morte quam in vita testimónium perhíbuit veritáti.

2. Apud Sirmíum in Pannónia, sanctæ Basíllæ.

3. Romæ, commemorátio sanctæ Sabínæ, cuius título in Aventíno cónditus eius nomen præbet venerándum.

4. Metis in Gállia Bélgica, sancti Adelphi, epíscopi.

5*. In pago Nanneténsi Británnia e Minóris, sancti Victóris, solitárii, qui in parvo oratório ab ipso exstrúcto apud Campum Bonum reclúsus vixit.

6. Londínii in Anglia, commemorátio sancti Sebbi, qui, rex Sáxonum orientálium Deo devotíssimus, regno depósito, in monástico hábitu, quem diu desideráverat, obíre vóluit.

7. Parísii in Néustria, sancti Mederíci, presbýteri et abbátis Augustodunénsis, qui in recéssu prope civitátem vixit.

8*. Valentíæ in Hispânia, beatórum mártýrum Ioánnis de Perúsia, presbýteri, et Petri de Saxoferráto, religiósi, ambórum ex Ordine Minórum, qui, ob fidei prædicatióem apud Mauros Valéntinos, in pública platéa iussu regis cápíte detruncáti, martýrii palmam accepérunt.

9*. Apud Cracóviam in Polónia, beátæ Bronislávæ, vírginis ex Ordine Præmonstraténsium, quæ vitam húmilem et absconditam dégere vóluit et, monastério suo a Tártaris díruto, in tugúrio mansit cum Deo sola.

10*. Lancástriæ in Anglia, beáti Richárdi Herst, mártýris, qui, paterfamílias et agrícóla, crimine homícidii falso insimulátus, sub Iacóbo rege Primo pro Christo láquei supplício damnátus est.

11*. In æquóribus ponti ante Rupifórtium in Gállia, beáti Ludovíci Vulfilácii Huppy, presbýteri et mártýris, qui témpore gállicæ perturbatiónis propter sacerdotium in fóetida navi inhumáne deténtus ægrótus óbiit.

12*. Vaterfórdii in Hibérnia, beáti Edmúndi Ignátii Rice, qui omni fervóre ac perseverántia puerórum iuvenúmque institutióni se trádídít in dimíssis condició nibus, ad quod opus augéndum Congregatió nes Fratrum Christianórum necnon Fratrum a Præsentió ne cón didít.

13*. Apud Rhédones in Gállia, beátæ Mariæ a Cruce (Ioánnæ) Jugan, vírginis, quæ ad stipem pro paupéribus et Deo emendicándam Congregatió nem fundávit Parvulárum Sorórum Páuperum, at ex Institúti moderatió ne iníque eiécta, réli quos vitæ annos in oratió ne et humilitáte duxit.

14*. Valentíæ in Hispánia, beáti Constantíni Fernández Álvarez, presbýteri ex Ordine Prædicatórum et mártýris, qui, témpore persecutió nis, certámen pro fide complévit.

15*. In vico *Hijar* prope Teruliúm item in Hispánia, beáti Francísci Monzón Romeo, presbýteri ex Ordine Prædicatórum et mártýris, qui in eádem persecutió ne ságuine suo fidelitátem Dómino confirmávit.

16*. Intra castra detentió nis Dacháni prope Monáchium Baváriæ in Germánia, beáti Domínici Jędrzejewski, presbýteri et mártýris, qui, bello furénte e Polónia in alién um cárcerem detráctus, torméntis excruciátus pro Christo occúbuit.

17*. Posnánia in Polónia, beátæ Sánciæ (Ioannínæ) Szymkowiak, vírginis e Congregatió ne Filiárum Beátæ Mariæ Vírginis Perdoléntis, quæ, belli tempestátibus sæviéntibus, omni stúdio in cárcere reclúsis consuléndo dedit óperam.

18*. In pago Sanctæ Iúliæ in Subalpínis Itáliæ, beátæ Teresiæ Bracco, vírginis et mártýris, quæ operária in agris, áltero totíus mundi bello grassánte, strénue castitátem túita, mílitum íctibus percússa occúbuit.

Die 30 Augústi

Tértio Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

1. **R**omæ in cœmetério Commodíllæ via Ostiénsi, sanctórum mártýrum Felícis et Adáucti, qui, pro intemeráta fíde páriter Christum conféssi, victóres páriter ad cælum properárunt.

2. Commemorátio sanctórum sexagínta mártýrum, qui, Colóniæ Sufetánæ in Africa Byzacéna, destrúcto Hermétis simulácro, furóre gentílium cæsi sunt.

3. Romæ, commemorátio sancti Pammáchii senatóris, sollértia in fíde et largitáte in páuperes exímii, cuius pietáte in Deum tíulus Cælimontánuus cónditus est.

4*. In monastério Resbacénsi in pago Meldénsi Néustriæ, sancti Agíli, primi abbátis.

5. Brióli item in pago Meldénsi, sancti Fiácrii, eremítæ, qui ex Hibérnia oriúndus vitam duxit solitáram.

6*. Thessalónicæ in Macedónia, sancti Fantíni, Iunióris nuncupáti, eremítæ, ieiúniis, vigíliis ac labóribus pro Christo consummáti.

7. Lucédii in Subalpínis, sancti Bonónii, abbátis, qui primum in Ægýpto, dein in Monte Sina vitam eremíticam duxit.

8. Trébiæ in Látio, sancti Petri, qui, litterárum experts, Evangélíi sapiéntiam in solitúdine cóluit.

9. Londínii in Anglia, sanctæ Margarítæ Ward, mártiris, quæ, uxor, sub Elísabeth regína Prima cápíte damnáta quod sacerdotem adiuvisset, Tybúrni láqueo suspénsa martýrium libénti ánimo suscepit. Ibídem, cum ea pássio nem consummavérunt beáti mártires Richárdus Leigh, présbyter, et láici Eduárdus Shelley ac Richárdus Martin, angli, Ioánnes Roche, hibérnus, et Richárdus Lloyd, cambriénsis, primus quod sacerdos esset, álii vero quod sacerdotes recepissent.

10*. Salútiis in Subalpínis, beáti Ioánnis Iuvenális Ancina, epíscopi, qui, olim médicus, in Oratórium sancti Philíppi Neri inter primos venit.

11*. Cæsaraugústæ in Hispánia, beátæ Maríæ Ráfols, vírginis, quæ Congregatiónem Sorórum a Caritáte Sanctæ Annæ apud valetudinárium huius civitátis instituit et forti ánimo multas inter ærúmnas rexit.

12*. Almériæ item in Hispánia, pássio beatórum mártirum Dídaci Ventaja Milán, epíscopi Almeriénsis, et Emmanuélis Medina Olmos, Guadicénsis, qui, in ódium nóminis christiáni in cárcerem ducti, iniúrias ac contumélias patiénter tulérunt, donec noctu trucidáti sunt.

13*. In itínere inter *Puebla Tornesa* et *Villafamés* prope Castáliam item in Hispánia, beáti Ióachim (Ioséphi) Ferrer Adell, presbýteri ex Ordine Fratrum Minórum Capuccinórum et mártiris, qui per martýrium promíssa perseverántibus consecúsus est.

14*. Flaviobrigæ item in Hispánia, beáti Vincéntii Cabanes Badenas, presbýteri e Tértio Ordine Sancti Francísci Capulatórum a beáta Vírgine Perdolénti et mártiris, qui, témpore eiúsdem persecutiónis erga fidem, ad magnum convívium ingredi mérui.

15*. Venegóni prope Varésium in Itália, tránsitus beáti Alaphrídi Hildephónsi Schuster, epíscopi, qui, ex abbáte Sancti Pauli de Urbe ad sedem Mediolanénsem evéctus, mira sapiéntiæ doctrína munus pastóris pro bono pópuli sui impensíssime explévit.

Die 31 Augústi

Prídie Kalendas septémbris. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

1. **H**ierosólymæ, commemoratio sanctórum Ioseph de Arimathæa Nicodémi, qui corpus Iesu a cruce depósitum accepérunt, involvérunt in síndone et posuérunt in monuménto. Ioseph, nóbilis decúrio et discípulus Dómini, regnum Dei expectábat; Nicodemus autem, ex Pharisæis, prínceps Iudæórum, ad Iesum nocte vénerat intérogans de missióne eius atque coram pontificibus et Pharisæis, qui volébant Iesum apprehéndere, causam eius deféndit.

2. Athénis, sancti Arístidis philósophi, fidei et sapiéntia claríssimi, qui Adriáno príncipi de religióne christiána líbros óbtulit.

3. Tréviris in Gállia Bélgica, sancti Paulíni, epíscopi et mártiris, qui témpore ariánæ infestatiónis verus veritátis præco fuit et in Sýnodo Arelaténsi, a Constántio imperatóre ariáno congregáta, nec minis nec adulatió nibus addúci pótuit, ut sanctum Athanásium damnáret et a fide orthódoxa declináret. Quare relegátus est in Phrýgiam, ubi post quinquénium in exsílio martýrium complévit.

4. Lindisfárnæ in Northúmbria, sancti Aidáni, epíscopi et abbátis, qui, vir summæ mansuetúdinis, pietátis et recti moderáminis, ex Hiénsi monastério a sancto Oswáldo rege vocátus sedem episcopálem et monastérium ibídem constítuit, ut ad illud regnum effícaciter evangelizándum incúmbet.

5. Cardónre in Cataláunia, sancti Raymúndi Nonnátí, qui, inter primos sancti Petri Nolásci sócios in Ordine Beátæ Mariæ Vírginis a Mercéde, multa pro Christi nómine in redemptió nem captivórum passus esse tráditur.

6*. In erémo Vallúcolæ in Etrúria, beátí Andréæ de Burgo Sancti Sepúlcri, presbýteri ex Ordine Servórum Mariæ, austeritátibus et contemplatió ni dédit.

7*. Almería in Hispánia, beatórum Edmígii (Isidóri) Primo Rodriguez, Amálii (Iusti) Zariquiegui Mendoza et Valérii Bernárdi (Martíani) Herrero Martínez, mártirum, qui, fratres Scholárum Christianárum, persecutió ne verténte, in ódium fidei occísi sunt.

¹ Quarum nomina: beátæ María Imelda a Iesu Hostia (Hedwigis Cárolina) Zak, María Raymunda a Iesu et María (Anna) Kukolowicz, María Daniela a Iesu et María Immaculáta (Eleonora Aniela) J6zwick, María Canuta a Iesu in Horta Getsemani (Iosepha) Chrobot, María Sergia a Vírgine Perdolénti (Iulia) Rapiěj, María Guidona a Divína Misericórdia (Hélena) Cierpka, María Felicitas (Paulina) Borowik, María Heliodora (Leucadia) Matuszewska, María Canisia (Eugenia) Mackiewicz, María Boromea (Veronica) Narmontowicz.

² Quarum nomina: Presentatio a Sacra Família (Paschalina) Gallen y Martí, María Aloysia a Iesu Giron y Romera, Carmela a Sancto Philíppo Neri (Nazaria) Gómez y Lezaun et Clementia a Sancto Ioáñne Baptísta (Antónia) Riha y Mestres.

³ Quorum nomina: beati Arthurus (Aloysius) Ayala Nifio, Ioannes Baptísta (Iosephus) Velazquez Pelæz, Eugenius (Alphonsus Antonius) Ramirez Salazar, Stephanus (Gabriel) Maya Gutierrez, Melchiades (Raymundus) Ramirez Zuluaga, Gaspar (Aloysius Modestus) Pæz Perdon.

⁴ Quorum nomina: beáti Petrus Cunill Padros, Iosephus Pavon Bueno, Nicasius Sierra Dear, presbýteri; Venceslaus Claris Vilaregut, subdiáconus; Gregórius Chirivas Lacambra, religiosus.

⁵ Quorum nomina: beáti Antoninus Calvo Calvo, Antonius María Dalmau Rosich, Ioáñnes Echarri Vique, Petrus García Bernal, Hilarius María Llorente Martin, Salvator Pigem Serra, lectores; Xaverius Ludovicus Bandres Jimenez, Iosephus Brengaret Pujol, Thomas Capdevila, Stéphanus Casadevall Puig, Eusebius Codina Milla, Ioáñnes Codinachs Tuneu, Raymundus Novich Rabionet, Iosephus María Ormo Sero, Theodorus Ruiz de Larrinaga García, Ioáñnes Sánchez Munarriz, Emmanuel Torras Sais, Emmanuel Buil Lalueza, Alphonsus Miquel Garriga, religiósí.

⁶ Quorum nomina: beáti Iosephus María Blasco Juan, Alphonsus Sorribes Teixido, acolythi; Iosephus María Badia Mateu, Iosephus Figuero Beltran, Eduardus Ripoll Diego, Franciscus María Roura Farro, Iesus Augustínus Viela Ezcurdia, lectores; Ioséphus María Amoros Hernández, Ioáñnes Baixeras Berenguer, Raphaél Briega Morales, Ludovicus Escale Binefa, Raymundus Illa Salvia, Ludovicus Llado Teixido, Míchael Masip González, Faustinus Pérez García, Sebastianus Riera Coromina, Ioséphus María Ros Florensa; Franciscus Castan Messegúer et Emmanuel Martínez Jarauta, religiósí.

⁷ Quorum nomina: beáti Ioachim Hirayama, Leo Sukeyemon, Ioáñnes Soyemon, Míchael Díaz, Antonius Yamada, Marcus Takenoshima Shinyemon, Thomas Koyanagi, Iacobus Matsuo Denshi, Lauréntius Rokuyemon, Paulus Sankichi, Ioáñnes Yago, Ioáñnes Nagata Matakichi, Bartholomáeus Mobioye.

⁸ Quarum nomina: Rosæ a Dómina Nostra a Bono Consilio Pedret Rull, María a Dómina Nostra Providéntiæ Calaf Miracle, Francisca a Sancta Terésia de Amezua Ibaibarriaga, María a Derelíctis a Sanctíssimo Sacraménto Giner Lister, Terésia a Matre Divíni Pastóris Chambo Pales, Agatha a Dómina Nostra Virtutum Hernández Amoros, María a Dolóribus a Sancto Francisco Xavério Vidal Cervera et María a Nivibus a Sanctíssima Trinitáte Crespo López.

⁹ Quorum nomina: beáti Bartholomæus Laurel et Antonius a Sancto Francisco, religiósí ex Ordine Fratrum Minórum; Gaspar Vaz et María, coniuges; Magdaléna Kiyota, vídua; Caius Jiyemon, Francisca, Franciscus Kurobioye, Franciscus Kubioye, Ludovicus Matsuo Soyemon, Martínus Gómez, Thomas Wo Jinyemon, Lucas Kiyemon et Míchael Kizayemon.

¹⁰ Quorum nomina: beáti Guliélmus Gunter, Robertus Morton, Thomas Holford et Iacobus Claxton, presbýteri; Thomas Felton, cléricus ex Ordine Fratrum Minórum; Henricus Webley et Hugo More, láici.

SEPTEMBER

Die 1 septémbris
Kaléndis septémbris. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	3	3	4	5	6	7	8							

1. **C**ommemoratio sancti Iósue, filii Nun, servi Dómini, qui, cum Móyses manus ei imposuisset, replétus est spírítu sapiéntiæ et post Móysis mortem pópulum Israel per Iordánis álveum in terram promissiónis mirabíliter introdúxit.
2. Remis in Gállia Bélgica, sancti Sixti, qui primus huius civitátis epíscopus habétur.
3. Cápuæ via Aquária in Campánia, sancti Prisci, mártiris.
4. Tudérti in Umbria, sancti Terentiáni, epíscopi.
5. Ad Aquas Augustas in Aquitánia, sancti Vincéntii, qui epíscopus et martyr celebrátur.
6. Zurzáci ad Rhenum flumen in pago Tiguríno Germánia, sanctæ Verénæ, vírginis.
7. Cenómani in Gállia Lugdunénsi, sancti Victórii, epíscopi, de quo sanctus Gregórius Turonénsis refert.
8. Apud Aquínium in Látio, sancti Constántii, epíscopi, cuius sanctus Gregórius papa Magnus donum prophetiæ laudat.
9. In pago Nemausénsi Gállia Narbonénsis, sancti Ægídii, cuius nómine vocátum est óppidum, quod póstea in Camária excrevit, ubi ipse monastérium erexísse et mortális vitæ cursum absolvísse tráditur.
10. Apud Sénones in Néustria, sancti Lupi, epíscopi, qui, cum plebem a Sacerdóte regi oportére et Deo obœdíre pótius quam princípibus audácter coram præstánti hóminæ loci proféssus esset, exsílium passus est.
- 11*. Venétiis, beátæ Iuliánæ de Collálto, abbatíssæ ex Ordine Sancti Benedicti.
- 12*. Floréntiæ in Etrúria, beátæ Ioánnæ, vírginis e Tértio Ordine Servórum Mariæ, oratióne et austeritáte claræ.

13*. Apud Matrítum in Hispánia, beatórum Christíni (Michaélis) Roca Huguet, presbýteri, et úndecim sociórum,¹ mártýrum, qui, omnes ex Ordine Sancti Ioánnis a Deo, bello civíli furénte, in ódium religiónis interépti sunt.

14*. In civitáte *Patérna* in pago Valentíno item in Hispánia, beáti Alphónsi Sebastia Viñals, presbýteri et mártýris, qui, præpósitus scholæ institutiónis sociális Valentínæ, in persecutióne erga fidem gloriósam accépit corónam.

15*. Barcinóne item in Hispánia, beatórum mártýrum Petri Rivera, presbýteri ex Ordine Fratrum Minórum Conventuálium, Mariæ a Monte Carmélo Moreno Benitez et Mariæ a Refúgio Carbonell Mufioz, vírginum ex Institutó Mariæ Auxiliatrícis, quæ in eádem persecutióne, passióni Christi Sponsi configuratæ, ad perpétuæ pacis fructum pervenérunt.

Die 2 septémbris

Quarto Nonas septémbris. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

1. **N**icomediæ in Bithýnia, sancti Zenónis, mártýris.

2. Nicææ item in Bithýnia, pássio sanctæ Theódotæ cum filiis Evódio, Hermógene et Callísto.

3. Edéssæ in Osrhoéne, sancti Habib, díaconi et mártýris, qui, sub Licínio imperatóre, a Lysánia præside in ignem cónici iussus, egrégium certámen perfécit.

4. Apaméæ in Sýria, sancti Antoníni, mártýris, qui, lapicída, cum idóla géntium destruxísset, vicésimo ætátis anno propter fidei stúdium a pagánis necátus esse fertur.

5*. Tarracóne in Hispánia, sancti Prósperi, epíscopi.

6. Lugdúni in Gállia, depositio sancti Iusti, epíscopi, qui, cum episcopátum post Aquileiense Concílium dimisísset, una cum Viatóre lectóre in erémum Ægýpti

secéssit, ubi áliquot annos mónachis consociátus húmilem egit vitam; cuius sanctum corpus cum óssibus sancti Viatóris Lugdúnum póstea delátum est.

7. In monte Sorácte ad viam Flamíniam in Látio, sancti Nonnósi, abbátis.

8. Augustodúni in Burgúndia, sancti Syágrii, epíscopi, qui in concíliis quibus intérfuit sciéntia et zelo praelúxit.

9*. Avenióne in Província, sancti Agrícolæ, epíscopi, qui, post vitam monásticam in ínsula Lirinénsi ductam, sancto Magno, patri suo, auxílio fuit eíque in episcopátu succéssit.

10. In Picéno Itáliæ, sancti Elpídii, cuius nómine óppidum, ubi corpus eius asservátur, appellátum est.

11*. Pontídæ in pago Bergoménsi Langobárdiæ, sanctórum Albérti et Viti, monachórum, quorum prior milítiam Christi armis honoribúsque sáeculi præpósuit et in própria civitáte iuxta consuetúdines Cluniacénses monastérium cóndidit, cui alter præfuit.

12*. In monte Carmélo in Palæstína iuxta fontem Elíæ, beáti Brochárdi, prióris Eremitárum quibus sanctus Albértus, Hierosolymítanus epíscopus, vitæ formam trádidit, ut die ac nocte permanérent in lege Dómini cogitántes et in oratióibus vígiles.

13*. Skeníngiæ in Suécia, beátæ Ingrídis Elofsdotter, quæ, vídua effécta, ómnia bona sua in Dei honórem dicávit et post peregrinatióem in Terram Sanctam hábitum moniálium Ordinis Prædicatórum índuit.

14*. Parísii in Gállia, pássio beatórum mártýrum Ioánnis Maríæ du Lau d'Allemans, Francísci Ioséphi et Petri Ludovíci de la Rochefoucauld, episcopórum, atque nonagínta et trium sociórum,² clericórum vel relígiosórum, qui, cum iusiurándum nefárie témpore gállicæ perturbatiónis cléricis impósitum renúissent, in convéntum Carmelitárum coácti in ódium religiónis pro Christo trucidáti sunt.

15*. Ibídem, eódem die et anno, beáti Petri Iacóbi Maríæ Vitális, presbýteri, et vigínti sociórum,³ mártýrum, qui in eádem tempestáte in abbátia Sancti Germáni Praténsi in ódium Ecclésiæ interfécti sunt.

Die 3 septémbris

Tértio Nonas septémbris. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

Memoria sancti Gregórii Magni, papæ et Ecclésiæ doctóris, qui, vita monástica ínita, múnere legáti Constantinópoli functus est et, ad Sedem Románam hac die tandem eléctus, et terréna compósuit et sacra servus servórum curávit. Verum se exhibuit pastórem in rebus regéndis, in egénis omnímodo subveniéndó, in vita monástica fovénda, necnon in fíde ubíque firmánda vel propagánda, quaprópter multa étiam de re moráli ac pastoráli egrégie scripsit. Obiit vero die duodécima mártii.

2. Commemorátio sanctæ Phœbes, ancíllæ Dómini inter fidéles Cenchrénses, quæ beáto Paulo Apóstolo multísque ástitit, ipso testánte in epístula ad Romános.

3. Nicomedíæ in Bithýnia, sanctæ Basilíssæ, vírginis et mártiris.

4. Córdubæ in Hispânia Báetica, sancti Sandálii, mártiris.

5. Tulli in Gállia Bélgica, sancti Mansuétii, primi epíscopi huius civitátis.

6. In monte Titáno prope Aríminum in Flamínia, sancti Maríni, diáconi et anachorétæ, qui plebem adhuc gentílem ad lucem Evangélii et libertátem Christi créditur perduxísse.

7*. In Hibérnia, sancti Macanísii, epíscopi.

8. Medioláni in Langobárdia, sancti Auxáni, epíscopi.

9*. Cáudii in Campánia, sancti Vitaliáni, epíscopi.

10*. In monastério Stabulénsi in Brabántia, sancti Rimágili, epíscopi et abbátis, qui post Sollemniacénse duplex monastérium Stabuléti et Malmundárii cóndidit in Arduennénsis silvæ solitúdine.

11. In ínsula Lirinénsi in Província, sancti Aigúlphi, abbátis, et sociórum monachórum, qui a Saracénis incursiónem faciéntibus martýrium subiísse censéntur.

12*. Ságii in Néustria, sancti Chrodogángi, epíscoli et mártiris.

13*. In pago Astinénsi Vallis Camúnicae in Langobárdia, beáti Guálæ, epíscoli Brixíensis, ex Ordine Prædicatórum, qui pro bono pacis Ecclésiæ et rei públicæ, témpore Frideríci imperatóris Secúndi, prudénter óperam dedit et exsílum passus est.

14*. Nagasákii in Iapónia, beatórum Bartholomæi Gutiérrez, presbýteri ex Ordine Eremitárum Sancti Augustíni, et quinque sociórum,⁴ mártýrum, qui in ódium fidei cristiánæ in aquas sulphúreas fervéntes primum immérsi sunt, deínde igni tradíti.

15*. Placéntiæ in Æmília, beátæ Birgíttæ a Iesu Morello, quæ, vídua effécta, Dómino se consecrávit pæniténtiæ, opéribus caritátis omni stúdio desérviens et Congregatiónem fundávit Sorórum Ursulinárum Mariæ Immaculátæ pro puellárum cristiána institutióne.

16*. Parísii in Gállia, pássio beatórum Andréæ Abel Alricy, presbýteri, atque uníus et septuagínta sociórum,⁵ mártýrum, quorum pleríque presbýteri, qui post pridiánam cædem in Seminário Sancti Firmíni tamquam in cárcere reclúsi in ódium Ecclésiæ trucidáti sunt.

17*. Ibídem, eódem die et anno, beatórum mártýrum Ioánnis Baptístæ Bottex, Michaélis Mariæ Francísci de la Gardette, Francísci Hyacínthi le Livec de Trésurin, qui in eádem tempestáte in cárcere «La Force» nuncupáto pro Christo occubuérunt.

18. Seuli in Coréa, pássio sanctórum Ioánnis Pak Hu-jæ et quinque sociárum,⁶ mártýrum, qui, sæviénte persecutióne, ad críminum tribúnal ducti ut christiani, dira supplícia pro fide perpéssi, decollatióne interfécti sunt.

Die 4 septémbris

Prídie Nonas septémbris. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

1. **C**ommemoratio sancti Móysis, prophetae, quem Deus elegit, ut populum in Ægypto oppressum liberaret et in terram promissionis adduceret; cui etiam in monte Sina sese revelavit dicens: «Ego sum qui sum», atque legem proposuit, quae vitam populi electi regeret. Ille servus Dei in monte Nebo terrae Moab coram terra promissionis plenus dierum obiit.

2. Cabilloni in Gallia Lugdunensi, sancti Marcelli, martyris.

3. Romae in coemeterio Maximi via Salaria, depositio sancti Bonifatii papae Primi, qui multas de disciplina ecclesiastica controversias composuit.

4*. Carnuti in Neustria, sancti Caletrici, episcopi.

5*. Heresfeldae in Saxonia, sanctae Idae, Ecberti ducis viduae, caritate in pauperes et orationis assiduitate insignis.

6*. Mimati in Aquitania, sancti Fredaldi, episcopi et martyris.

7*. Coloniae Agrippinae in Lotharingia, sanctae Irmgardis, quae, comitissa de *Süchteln*, bona sua impendit pro ecclesiis condendis.

8. Panormi in Sicilia, sanctae Rosaliae, virginis, quae in monte Pellegrino solitariam vitam duxisse creditur.

9*. Caramaniae in Subalpinis, beatae Catharinae Mattei, virginis, sororis de Pœnitentia Sancti Domini, quae perpetuam malam valetudinem, hominum calumnias et omnes temptationes mira caritate et virtutum copia toleravit.

10*. In freto maris ad ancoras ante Rupifortium ad litus Galliae, beati Scipionis Hieronymi Brigeat de Lambert, presbyteri et martyris, qui, canonicus Abrincensis, in persecutione temporibus gallicae perturbationis propter sacerdotium in navem actuariam inhumane coniectus, fame affectus occubuit.

11*. In urbe *Sillery* in Quebeco Canadae provincia, beatae Mariae a sancta Cæcilia Romana (Dinae) Belanger, virginis, ex Congregatione Religiosarum Iesu et Mariae, quae gravis morbi vim haud paucos annos soli Deo confisa toleravit.

12*. In urbe *Oropesa* apud Castáliam ad litus Hispániæ, beáti Ioséphi Paschális Carda Saporta, presbýteri e Sodalitáte sacerdotum operariórum diœcesanórum et mártýris, qui, persecutióne erga Ecclesiám sæviénte, in ódium religiónis ad gloriósum martýrium tractus est.

13*. In vico *Teulada* prope Lucéntum item in Hispânia, beáti Francísci Sendra Ivars, presbýteri et mártýris, qui in eádem persecutióne erga fidem martýrium passus est.

14*. Prope vicum *Genovés* in pago Valentíno item in Hispânia, beáti Bernárdi (Ioséphi) Bieda Grau, religiósi ex Ordine Fratrum Minórum Capuccinórum et mártýris, qui in eádem tempestáte pro Christo egrégium perégit certámen.

Die 5 septémbris

Nonis septémbris. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	F	G	H	M	N	P							
2	3	4	5	6	7	7	8	9	10	11	12							

- 1.** In Portu Romano, Sanctórum Acónti, Nonni, Herculáni et Tauríni, mártýrum.
- 2.** Cápuae in Campánia, sancti Quinti, mártýris.
- 3.** Nicomedíæ in Bithýnia, sanctórum mártýrum Urbáni, Theodóri, Menedémi et sociórum, tum dericórum cum laicórum, qui a Valénte imperátore, pro fide Cathólica in navígium impósiti, in mari combúri iussi sunt.
- 4.** In pago Taruannénsi in Flándria, sancti Bertíni, abbátis Sithivénsis, qui depósitus est in monastério, quod una cum sancto Mummolíno condíderat et eius nómine vocátum est.
- 5*.** Derthónæ in Ligúria, sancti Alpérti, qui cónditor et primus abbas Butriénsis monastérii habétur.
- 6*.** In Dalmátia, beáti Ioánnis Boni de Sipónto, abbátis, qui monastérium Sancti Michaélis in lítore Dalmatiæ ædificávit, in conspéctu montis Gargáni.

7*. Ripóniæ in Anglia, beáti Guliélmi Browne, mártiris, qui, sub Iacóbo rege Primo cápite damnátus quod álios ad fidem cathólicam excipiéndam induxisset, láqueo suspénsus est et dire disséctus.

8*. In sórdido navígio áncoris deligáto in salo ante Rupifórtium in Gállia, beáti Floréntii Dumontet de Cardaillac, presbýteri et mártiris, qui, témpore gállicæ perturbatiónis propter sacerdotium damnátus, caritátis zelíque sui in concaptívis ægrótis assidéndis víctima morbo martýrium complévit.

9. In urbe *Ninh Tai* in Tunquíno, sanctórum mártirum Petri Nguyễn Văn Tụ, presbýteri ex Ordine Prædicatórum, et Ioséphi Hoáng Luông Cảnh, médici, qui in ódium Nóminis christiáni decolláti sunt.

10*. Calcúttæ in India, beátæ Teresiæ (Agnétis) Gonhxa Bojaxhiu, vírginis, quæ, ex Epíro nata, sitim Christi in cruce derelícti exímia caritáte in paupérrimos fratres restínxit et Congregatiónes Missionariárum et Missionariórum a Caritáte in plenum servítium ægrotórum derelictorúmque instituit.

Die 6 septémbris

Octávo Idus septémbris. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	F	G	H	M	N	P							
3	4	5	6	7	8	8	9	10	11	12	13							

1. **C**ommemorátio sancti Zachariæ, prophétæ, qui pópulum de exsílio in terram promissiónis revérsurum prophetávit eíque regis pacífici núntium áttulit, quod Christus Dóminus triumpháli suo ingressu in Sanctam Civitátem Ierúsalem mire implévit.

2. Item commemorátio sancti Onesíphori, qui beátum Paulum Apóstolum Ephesi sæpe refrigerávit et caténam eius non erúbuit, sed Romam advéctus eum sollicite quæsívit et invénit.

3. **C**ommemoratio sanctorum Donatiani, Præsidi, Mansueti, Germani et Fusculi, episcoporum in Africa, qui in persecutiōne vandālica, iussu Hunnerici regis ariani, pro assertiōne catholice veritatis, fustibus dirissime cæsi et exsilio affecti sunt; quibuscum etiam Lætus, episcopus Neptensis in Byzacena, strenuus atque doctissimus vir, qui post diuturnos carceris squalores incendio concrematus est.

4. Spolēti in Umbria, sancti Eleutherii, abbatis, cuius simplicitatem et cordis compunctiōnem sanctus Gregorius papa Magnus laudat.

5*. Laudūni in Gāllia, sancti Cagnoaldi, episcopi, qui sancti Columbani discipulus eiusque in eremo prope Brigantium unus minister fuit.

6*. Ad litus Cūmbriæ Angliæ regione, in oppido postea eius nomine vocato, sanctæ Begæ, monialis.

7*. In monasterio Faucensi in Bavaria, sancti Magni, abbatis.

8*. In monasterio Cisterciensi Bosqueti prope Arausiōnem in Provincia Gāllia, commemoratio beati Bertrandi de Garrigues, presbyteri, qui, ex primis discipulis sancti Domīnici, se ad exemplum magistri semper accommodare studebat.

9*. In vico *Gata de Gorgos* in pago Lucentino Hispaniæ, beati Dīdaci Llorca Llopi, presbyteri et martyris, qui in persecutiōne erga Ecclesiam ob Christi testimonium coronatus est.

10*. In vico *Carcaixent* in pago Valentino item in Hispania, beati Paschalis Torres Lloret, martyris, qui, paterfamilias, Christi gestans crucem, ad mercedem cælestem pervenire meruit.

11*. Varsaviæ in Polonia, beati Michaëlis Czartoryski, presbyteri ex Ordine Prædicatorum et martyris, qui, Polonia a Dei hostibus invasa, ob fidem minime abdicatam apud parociam loci plumbis occisus est.

Die 7 septēbris

Séptimo Idus septēbris. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	30	1	2	3
A	B	C	D	E	F	F	G	H	M	N	P							
4	5	6	7	8	9	9	10	11	12	13	14							

1. **A**lésiæ apud Æduos in Gállia, sanctæ Regínæ, mártýris.
2. Pompeiópolis in Cilícia, sancti Sozóntis, mártýris.
3. Benevénti in Campánia, sanctórum mártýrum Festi, diáconi, et Desidérii, lectóris.
4. Aureliáni in Gállia Lugdunénsi, sancti Evúrtii, epíscopi.
- 5*. Augústæ Prætoríæ in Alpibus Graiis, sancti Grati, epíscopi.
6. Brólii in pago Gállia Trecénsi, sanctórum Memórii et sociórum, mártýrum, qui ab Attila, rege Hunnórum, interfécti esse credúntur.
- 7*. Cataláuni in Gállia Lugdunénsi, sancti Alpíni, epíscopi, qui discípulus fuit sancti Lupi Trecénsis.
8. In vico Novigénto agri Parisiénsis item in Gállia, sancti Clodoáldi, presbýteri, qui, stirpe régia ortus, patre fratribúsque interféctis, a sancta Clotílda avia suscéptus, regno terréno contémpito, cléricus factus est.
- 9*. Albiæ in Aquitánia, sanctæ Carissímæ, vírginis reclúsæ.
- 10*. Malbódii in Hannónia Austrásiæ, sanctæ Madelbértre, abbatíssæ, quæ sanctæ Adeltrúdæ soróri succéssit.
- 11*. In Flándria Austrásiæ, commemorátio sancti Hilduárdi, epíscopi.
- 12*. Tulli in Lotharíngia, sancti Gauzlíni, epíscopi, qui disciplínam monásticam fovit.
- 13*. Eugúbii in Umbria, sancti Ioánnis Laudénsis, epíscopi, qui sócius fuit sancti Petri Damiáni in legatióibus.

14*. Deæ Vocontiórum in Gállia, sancti Stéphani de Castellióne, epíscopi, qui, de Portárum solitúdine eréptus, sed nihil de Cartusiána austeritáte demínuens, huic Ecclésiæ summópere præfuit.

15. Cassóviæ in móntibus Carpátibus, sanctórum mártýrum Marci Crisini, presbýteri Strigoniénsis, Stéphani Pongracz et Melchióris Grodziecki, presbyterórum e Societáte Iesu, qui nec fame nec rotæ ignisque torméntis ad abiurándam fidem cathólicam addúci potuérunt.

16*. Nagasákii in Iapónia, beatórum mártýrum Thomæ Tsuji, presbýteri e Societáte Iesu, Ludovíci Maki et filii eius Ioánnis, qui in ódium fidei Christiánæ ad ignem damnáti sunt.

17*. Londínii in Anglia, beatórum Randúlphi Corby, e Societáte Iesu, et Ioánnis Duckett, presbyterórum et mártýrum, qui, Carólo Primo rege cápite damnáti quod sacerdótes in Angliam ingrèssi essent, Tybúrni láqueo palmam cæléstem nacti sunt.

18*. In actuária ante Rupifórtium ad oram Gállia, beatórum Cláudii Bárnabæ Laurent de Mascloux et Francísci d'Oudinot de la Boissière, presbyterórum et mártýrum, qui, témpore gállicæ perturbatiónis propter sacerdotium comprehénsi et ad navália víncula destináti, gravi morbo ob famem corrèpti pro Christo occubuérunt.

19*. In ínsula *Woodlark* Oceániæ, beáti Ioánnis Baptístæ Mazzucconi, presbýteri e Mediolanénsi Institúto pro missiúnibus éxteris et mártýris, qui, post duos annos in ópere evangelizatiónis peráctos, iam fébribus et ulcéribus exháustus, in ódium fidei secúris ictu occísus est.

20*. Parmæ in Æmília Itáliæ, beátæ Eugénia Picco, Vírginis e Congregatióne Parvárum Filiárum a Sacris Córdibus Iesu et Mariæ, quæ, voluntáti Dei summópere vota, dignitátem mulierum promóvit et spiritáli institutióniac liberáli doctrinæ Religiosárum provídít.

21*. In óppido Gandia in pago Valentíno Hispániæ, beátæ Ascensionis a Sancto Iosépho Calasanz Lloret Marco, Vírginis ex Institúto Sorórum Carmelitárum a Caritáte et mártýris, quæ in persecutióne certámen pro fide complévit.

Die 8 septémbris

Sexto Idus septémbris. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

Festum Nativitátis beátæ Mariæ Virgínis, ex séminæ Abrahæ, de tribu Iuda ortæ, ex progénie regis David, e qua Fílius Dei natus est, factus homo de Spíritu Sancto, ut hómines vetústa servitúte peccáti liberáret.

2. Romæ, commemorátio sancti Hadriáni, mártýris, qui Nicomedíæ in Bithýnia passus est et in cuius honóre Honórius papa Primus Senátus Románi cúriam in ecclésiám convértit.

3. Alexandríæ in Ægýpto, sanctórum Fausti, Dii et Ammónii, presbyterórum et mártýrum, qui in persecutióne Diocletiáni imperatóris cum sancto Petro epíscopo martýrii corónam accepérunt.

4. In civitáte *Bagrevand* in Arménia Maióre, sancti Isaac, epíscopi, qui ad vitam christiánam pópuli fovéndam Sacram Scriptúram atque Litúrgiam in arménium sermónem vertit; fidei in Sýnodo Ephesína confirmátæ adhæsit, sed mox sede pulsus exsul óbiit.

5. Romæ apud sanctum Petrum, depositio sancti Sérgii papæ Primi, génere syri, qui magnam impéndit óperam in Sáxonum Frisonúmque evangelizatiónem et multas compósuit controversías ac lites, mori éligens quam erróribus consentíre.

6. Frisingæ in Bavária, sancti Corbiniáni, qui, epíscopus ordinátus et ad prædicándum Evangélium in Baváriam missus, úberes fructus rétulit.

7*. Piperáci in Aniciénsi território Gállíæ, sancti Petri de Chavanon, presbýteri, qui, ad perfectiorem vitam aspírans, in illum recéssum se ábdidit, ubi cœnóbium Canonicórum Regulárium ædificávit, cui étiam præpósitus est.

8*. Pisáuri in Picéno Itáliæ, beátæ Seraphínæ Sforza, quæ in vita coniugáli plures expérta est adversitátes et, vídua effécta, sub Régula sanctæ Claræ réliquos vitæ annos humíllime transégit.

9. Valentíæ in Hispânia, sancti Thomæ de Villanóva, epíscopi, qui, eremíta sub Régula sancti Augustíni, cum episcopále munus ex obœdiéntia suscepisset, inter álias pastorales virtútes tam flagránti amóre páuperum excélluit, ut ómnia pro egénis disperderet, ne léctulum quidem sibi relínquens.

10*. Dunélmi in Anglia, beatórum mártýrum Thomæ Palaser, presbýteri, Ioánnis Norton et Ioánnis Talbot, qui, sub Elísabeth regína Prima cápite damnáti, primus quod sacérdos in Angliam revérsus esset, álii ob auxílium ipsi sufféctum, patíbuli cruciátus passi sunt.

11. Carthágine Nova in Colúmbia, natális sancti Petri Claver, presbýteri, cuius memória eras ágitur.

12*. Nagasákii in Iapónia, beatórum Antónii a Sancto Bonavéntura, ex Ordine Fratrum Minórum, Domínici Castellet, ex Ordine Prædicatórum, presbyterórum, et vigínti sociórum,⁷ mártýrum, quorum céteri láici et plures infántes, qui omnes vel per ensem vel per ignem pro Christo martýrium subiérunt.

13*. Massíliæ in Gállia, tránsitus beáti Frideríci Ozanam, qui, vir eruditíone et pietáte clarus, eminénti sua doctrína veritátes fidei deféndit ac propagávit, in Societáte a sancto Vincéntio de Paul nuncupáta assiduam caritátem paupéribus præbuit et, paterfamílias exímius, famíliam fecit domésticam Ecclésiam.

14*. Almériæ ad litus Vandalíciæ Hispániæ regiónis, beatórum Ioséphi Cæcílíi (Bonifátii) Rodriguez González, Theodemíri Ióachim (Hadriáni) Sainz Sainz et Evéntii Richárdi (Eusébii Alphónsi) Urjurra, mártýrum, qui, Fratres Scholárum Christianárum, témpore belli civílis ob persecutiónem religiósam palmam mártýrum adépti sunt.

15*. In vico *Alcoy* prope Lucéntum item in Hispânia, beáti Maríni Blanes Giner, mártýris, qui, paterfamílias, témpore eiúsdem persecutiónis, ab homínibus mortem, a Deo vero vítam ætérrnam accépit.

16*. In civitáte *Patérna* in pago Valentíno item in Hispânia, beáti Ismáelis Escrihucla Esteve, mártýris, qui, paterfamílias, per martýrium victóriæ Christi párticeps factus est.

17*. Villæ Regális Infántum in pago Castellionénsi item in Hispânia, beáti Paschális Fortuño Almela, presbýteri ex Ordine Fratrum Minórum et mártýris, qui ob Christi testimónium coronátus est.

18*. In civitate *Buñol* prope Valéntiam item in Hispânia, beatárum Ioséphæ a Sancto Ioánnē a Deo Ruano García et Mariæ a Dolóribus a Sancta Eulalia Puig Bonany, vírginum e Congregatióne Sorórum Senum Derelictórum et mártýrum, quæ in eádem persecutióne erga fidem corónam glóriæ, effúso ságuine, accepérunt.

19*. Prope Monáchium Baváriæ in Germánia intra castra detentiónis Dacháni, beáti Adámi Bargielski, presbýteri et mártýris, qui in bello sponte pro párocho suo fidei hóstibus se trádedit et in cárcere dira perpéssus ad ætérnam glóriam invíctus migrávit.

20*. Apud locum *Groß-Rosen* in Germánia, beáti Ladislái Bładziński, presbýteri e Congregatióne Sancti Michaélis et mártýris, qui in eádem tempestáte ab inimicis Ecclesiæ e pátria Polónia in fodínis lápidis deportátus est ibíque necatus.

Die 9 septémbris

Quinto Idus septémbris. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	30	1	2	3	4	5
A	B	C	D	E	F	F	G	H	M	N	P							
6	7	8	9	10	11	11	12	13	14	15	16							

Sancti Petri Claver, presbýteri e Societáte Iesu, qui, Carthágine Nova in Colúmbia annos ámplius quadragínta mira abnegatióne sui et exímia caritáte pro nigrítis in servitútem abdúctis óperam impéndens, tercénta fere mília eórum Christi sua ipsa manu baptísimo regenerávit.

2. Romæ in cœmetério ad Duas Lauros via Labicána, sancti Gorgónii, mártýris.

3. In Sabínis trigésimo ab Urbe Roma miliário, sancti Hyacínthi, mártýris.

4. In monastério Clauanénsi ad ripam Seni flúminis in Hibérnia, sancti Ciaráni, presbýteri et abbátis, eiúsdem monastérii fundátoris.

5*. In Castélla Hispániæ regiõne, beátæ Mariæ de la Cabeza seu a Cápite, quæ, uxor sancti Isidóri Agrícolæ, vitam eremíticam húmilem et laboriósam duxit.

6*. Monastérii in Germánia, beátæ Mariæ Euthýmire (Emmæ) Üffing, vírginis e Congregatiõe Sorórum a Compassiõe, quæ, exímia pietáte, benignitáte et negligéntia sui, Deo inter ægrótos inservívit.

7*. Eboráci in Anglia, beáti Geórgii Douglas, presbýteri et mártiris, qui, génere scotus, ex ludimagístro sacérdos Parísii efféctus, sub Elisabeth regína Prima, eo quod áliis persuásisset, ut cathólicam fidem amplecteréntur, per patíbuli cruciátus victor in cælum migrávit.

8*. In civitáte *Gramat* in pago Cadurcénsi Gállia, beáti Petri Bonhomme, presbýteri, qui missiõnibus ad pópulum et evangelizatiõni rurum miram dedit óperam et Congregatiõnem Sorórum Dóminæ Nostræ a Monte Calvário fundávit, cui iúvenum, ægotórum atque ínopum necessitátum commísit curam.

9*. In Portu Ludovíci ínsulæ Mauritiánæ in Océano Indico, beáti Iacóbi Desideráti Laval, presbýteri, qui, post áliquot annos in arte médica peráctos, missionárius in Congregatiõe Sancti Spíritus efféctus, nigrítas nuper a servitúte liberátos ad filiórum Dei libertátem perdúxit.

10*. Flaviobrigæ in Vascónia Hispániæ, beáti Francísci Gárate Aranguren, religiõsi e Societáte Iesu, qui ianitóris officio duos et quadragínta annos christiána cum humilitáte functus est.

Die 10 septémbris

Quarto Idus septémbris. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	12	13	14	15	16	17							

1. **A**lexandriæ in Ægýpto, sancti Nemésii, mártiris, qui, primum per calúmniam quasi latro iúdice delátus eóque crímine absolútus, mox, in persecutiõe Décii imperatóris, christiánæ religiõnis nómine coram Æmiliano iúdice accusátus, a quo,

geminátis supplíciis excruciátus, cum latrónibus iussus est incendi, Salvatóris déferens similitúdinem, qui una cum latrónibus pértulit crucem.

2. Commemorátio Sanctórum Nemesiáni et sociórum Felícis, Lúcii, altérius Felícis, Littéi, Poliáni, Victóris, Iadéris et Datívi, qui, epíscopi, presbýteri et diáconi, in Africa sub Valeriáno et Galliéno imperatóribus, exurgénte persecutiónis rábie, primum pro Christo gráviter fústibus cæsi, deínde compédibus vincti et ad fodiénda metálla deputáti sunt, sancto Cypriáno epístulis adhortánte, ut firmiter sustinérent caténas et domínica conservárent mandáta.

3. Constantinópoli, sanctæ Pulchériæ, quæ rectam fidem deféndit et promóvit.

4. Nováriæ in Ligúria, sancti Agábii, epíscopi.

5. Albiæ in Aquitánia, sancti Sálvii, epíscopi, qui, e claustro edúctus, ad hanc sedem invítus ordinátus est; peste invalescénte, bonus pastor numquam ab urbe recédere vóluit.

6. Prope Spiram in Rhenánia Austrásiæ, pássio sancti Theodárdi, epíscopi Tungrénsis et mártiris, qui in itinere ad regem Childerícum occísus est.

7*. Abríncis in Néustria, sancti Autbérti, epíscopi, cuius stúdio sancti Michaélis Archángeli cultus in monte Tumba flóruit.

8*. In monastério Locediénsi apud Vercéllas in Subalpínis, beáti Oglérii, abbátis ex Ordine Cisterciénsi.

9. Tolentíni in Picéno Itáliæ, sancti Nicolái, presbýteri ex Ordine Eremitárum Sancti Augustíni, qui arctíssimæ abstinéntiæ déditus et oratióne assíduus, sevérus in se, clemens vero in céteros, pæniténtiam aliórum sæpe sibi imponébat.

10*. Nagasákii in Iapónia, beatórum Sebastíani Kimura, e Societáte Iesu, Francísci Morales, ex Ordine Prædicatórum, presbyterórum, et quinquaginta sociórum,⁸ mártýrum, qui, presbýteri, religiósi, cóniuges, iúvenes, catechístæ, víduæ et infantes, in colle coram ingénti turba sævíssimis cruciátibus pro Christo occubuérunt.

11. Londínii in Anglia, sancti Ambrósii Eduárdi Barlow, presbýteri ex Ordine Sancti Benedícti et mártýris, qui vigínti quáttuor annos in Lancástriæ regióne cathólicos in fide ac pietáte firmávit et, comprehénsus dum die Páschatis Dómini prædicábat, sub Carólo rege Primo post cárcerem propter sacerdotium cápite damnátus, Tybúrne patíbulo suspénsus est.

12*. In æquóribus ponti ante Rupifórtium ad litus Gálliaë, beáti Iacóbi Gagnet, presbýteri ex Ordine Carmelitáno et mártiris, qui, témpore gállicæ perturbatiónis propter sacerdotium in squálidam navem inhumáne coniéctus, concaptívos ægrótos susténtans carnis tabe consúptus est.

Die 11 septémbris

Tértio Idus septémbris. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	13	14	15	16	17	18							

1. **R**omæ in cœmetério Basíllæ via Salária Vétère, depositio sanctórum mártirum Proti et Hyacínthi, quos sanctus Dámasus papa, eórum túmulos terra recónditos restítuens, vérsibus exornávit. Ibídem, fere quíndecim post sáeculis, dénuo sancti Hyacínthi intáctum sepúlcrum corpúsque cremátum invéntum est.

2*. Túrici apud Helvétios, sanctórum mártirum Felícis et Régulæ.

3. Commemorátio sancti Paphnútii, epíscopi in Ægýpto, qui unus fuit ex iis fidei confessóribus, qui sub Galério Maximíno imperatóre, dextro óculo effósso et sinístro póplite succíso, ad metálla damnáti fuérunt; deínde Concílii Nicæni párticeps, advérsus ariános pro fide cathólica strénue decertávit.

4. Lugdúni in Gállia, sancti Patiéntis, epíscopi, qui caritáte motus, iuxta Rhódanum et Ararem flúmina civitatibus plúrimum fruménti gratis dispértiit, ut pópulis fame oppréssis subveníret, et apostolátum fuse impéndit in hæreticórum conversiónem egenorúmque curam.

5. Parísii in Gállia, tránsitus sancti Sacerdotis, epíscopi Lugdunénsis, qui in amóre timoréque Dei vixit et, cum in hanc civitátem ad concílium advenísset, ibídem óbiit.

6*. In ínsula *Bardsey* ad oram Cámbríæ septemtrionális, sancti Daniélis (Deiniol Wyn), epíscopi et abbátis Bancorénsis.

7*. In monastério Luxoviénsi in Burgúndia, tránsito sancti Adélphii, abbátis monastérii Romaricénsis, qui dissentióne brevis moménti lácrimis diu profúsis luit.

8*. Tulli in Austrásia, sancti Leudíni seu Bodónis, epíscopi, qui primum uxorátus, dein ad vitam monásticam se cóntulit, Odíla cóniuge simul idem capiénte consílium.

9*. In monastério Aulinénsi in Calábria, sancti Elíæ, cognométo Speleótæ, vitæ eremíticæ et cœnobíticæ insígnis cultóris.

10*. Nagasákii in Iapónia, beatórum Gásparis Koteda, catechístæ, Francísci Takeya et Petri Shichiemon puerórum, mártýrum qui, cum patres eórum pridie huius diéi passi essent, ibídem eádem firmitáte idem supplícium decollatióis ipsi pro Christo subiérunt.

11*. Romæ, beáti Bonaventúre de Barcinóne (Michaélis) Gran, fratris ex Ordine Fratrum Minórum, qui, Reguláris observántiæ stúdio, plúribus in locis territórii románi convéntus instítuit ad sacros recéssus, semper máximam éxhibens austeritátem vitæ et caritátem erga páuperes.

12*. Ad litus Gállia apud Rupifórtium in navi ad áncoras constitúta, beáti Francísci Mayaudon, presbýteri et mártýris, qui, témpore gállicæ perturbatióis propter sacerdotium in navi servitútis comprehénsus, novíssime carnis tabe consúptus est.

13. In urbe Uciaménsi Provinciæ Hubei Sinárum, sancti Ioánnis Gabriélis Perboyre, presbýteri e Congregatióne Missiόνis et mártýris, qui ad prædicándum Evangélium spéciem sumpsit iuxta consuetúdines loci, sed persecutióne advéniente, in diútino cárcere váriis cruciátibus afféctus, demum in cruce appénsus est et láqueo strangulátus.

14*. Barcinóne in Hispánia, beáti Petri de Alcántara (Lauréntii) Villanueva Larráyoz, religiósi ex Ordine Sancti Ioánnis a Deo et mártýris, qui, persecutióne erga fidem sæviénte, quod religiósus esset, mártýrium assecútus est.

15*. In vico *Genovés* in pago Valentíno item in Hispánia, beáti Ioséphi Mariæ Segúra Penadés, presbýteri et mártýris, qui in eádem persecutióne ságuinem pro Christo effúdit.

Die 12 septémbris

Prídie Idus septémbris. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	14	15	16	17	18	19							

Sanctíssimi Nóminis beátæ Vírginis Mariæ, qua die ineffábilis diléctio Dei Genetrícis erga Prolem sanctíssimam revocátur et ante fidélium óculos propónitur figúra Matris Redemptóris pie invocánda.

2. In Bithýnia, sancti Autónomi, epíscopi et mártiris.

3. Alexandríæ in Ægýpto, Sanctórum Crónidis, Leóntii et Serapiónis, mártirum, qui sub Máximina imperátore ob Christi Nóminis confessiónem in mare demérsi esse ferúntur.

4*. Eméliæ in Momónia Hibérniæ província, sancti Albei, epíscopi, qui peregrínus Evangélium multis prædicávit.

5. Anderláci in Brabántia, sancti Guidónis, qui primum ecclésiæ Mariæ Laci ædítuus fuit, dein liberalitáte erga páuperes conspicuus septem annos ad loca sacra peregrinátus est et tandem in terram suam revérsus pie occúbuit.

6*. Omúræ in Iapónia, beatórum Apollináris Franco, ex Ordine Fratrum Minórum, et Thomæ Zumárraga, ex Ordine Prædicatórum, presbyterórum, atque quáttuor sociórum,⁹ mártirum, qui in ódium fidei cristiánæ in cárcere coniécti sunt, deínde igne cremáti.

7*. In freto maris Rupifórtii in Gállia, beáti Petri Sulpítii Christophóri Faverge, fratris Scholárum Christianárum et mártiris, qui, in gállica perturbatióne cárceri datus quod religiósus esset, omnem curam concaptívis navávit, donec contagióne consúptus pie occúbuit.

8. Seuli in Coréa, sancti Francísci Ch'oe Kyöng-hwan, mártiris, qui, catechísta, ad præfécum ductus cristiánam fidem denegáre nóluit atque in cárcere deténtus numquam ab oratióne et catechési tradénda desístens per tormentórum cruciátus ad martýrium pervénit.

Die 13 septémbris

Idibus septémbris. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	30	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	15	16	17	18	19	20							

Memória sancti Ioánnis, epíscopi Constantinópolisani et Ecclésiæ doctóris, qui, antiochénus gènere, sacerdotio initiátus ex áurea sua eloquéntia cognómen Chrysóstomi méruit; ad sedem illam eléctus, óptimum se præbuit pastórem et fídei magístrum, sed ab inimícis in exsílum eiéctus, cum e sancti Innocéntii papæ Primi decréto inde revocarétur, in itínere, a custodiéntibus milítibus multa mala perpéssus, ánimam Deo réddidit, die décima quarta septémbris, apud Cománam in Ponto.

2. Ancýræ in Galátia, sancti Iuliáni, presbýteri et mártiris sub Licínio imperatóre.
3. Hierosólymæ, dedicatio basilicárum, quas super montem Calvárium et sepúlcrum Dómini Constantínus imperátor pie ædificári vóluit.
4. Turónis in Gállia Lugdunénsi, sancti Litórii, epíscopi, qui primus intra moenia civitátis ecclésiám ædificávit, cum iam ántea ibídem christiáni fuíssent.
5. Iúliæ Valéntiæ in Gállia Lugdunénsi, sancti Æmilíani, qui primus epíscopus huius civitátis cólitur.
6. Carthágine, sancti Marcellíni, mártiris, qui, tribúnus ac sanctórum Augustíni et Hierónymi famíliaris, ex invidia tyránnidis Heracleánæ, ob catholicæ fidei defensióem ab hæréticis donatístis innocens occísus est.
7. Andégavi in Gállia Lugdunénsi, sancti Maurílii, epíscopi, qui, Medioláni natus, sanctum Martínus Turonénsem ádiit, a quo presbyter ordinátus et ecclésiæ Calónnæ

præpósitus est; póstea epíscopus efféctus, ut superstitiónes paganórum rurálium profligáret cavit.

8. Apud Vósegos in Néustria, sancti Amáti, presbýteri et abbátis, austeritáte, ieiúniis et solitúdinis amóre célebris, qui monastério Habendénsi, quod cum sancto Romaríco condíderat, recte præfuit.

9. In ínsula Tyro Maióre ad Lunæ Sinum in Ligúria, sancti Venérii, eremítæ.

10. Bróili in pago Gállia Ambianénsi, tránsitus sancti Amáti, epíscopi Sedunénsis apud Helvétios, qui iussu Theodoríci regis Tértii in exsílium pulsus, ibídem óbiit.

11*. Toléti in Hispánia, beátæ Mariæ a Iesu López de Rivas, vírginis ex Ordine Carmelitárum Discalceatárum, quæ tam in ánimo quam in córpore cum dolóribus Pássionis Dómini comunicávit, semper húmilis atque ómnia sústinens.

12*. In freto Rupifórtii ad oram Gállia in squálido navígio áncoris deligáto, beáti Cláudii Dumonet, presbýteri et mártiris, qui, magíster ártium, in tempestátibus persecutiónis in fœdam actuáriam detrúsus, pédibus caténis obstrictus feбри consúptus pro Christo occúbuit.

13*. Almériæ in Vandalícia Hispániæ regióne, beáti Aurelii Mariæ (Benvenúti) Villalón Acebrón, fratris Scholárum Christianárum et mártiris, in ódium Ecclésiæ occísi.

Die 14 septémbris

Décimo Octávo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	30	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	16	17	18	19	20	21							

Festum exaltatiónis Sanctæ Crucis, quæ, postrídie dedicatiónis basilicæ Resurrectiόnis super sepúlcrum Christi eréctæ, exaltátur et honorátur, sicut victóriæ eius Paschális tropæum et signum in cælo apparitúrum, álterum advéntum eius iam univérssis prænúntians.

2. Romæ via Appia in crýpta Lucínæ cœmetérii Callísti, depositio sancti Cornélii, papæ et mártiris, qui Novatiáni schismáti fórtiter óbstitit, plures de lapsis magna caritatē recépit in communióne Ecclésiæ; a Gallo imperatóre demum Centumcéllas expúlsus, passus est, ut ait sanctus Cypriánus, quidquid pati pótuit. Eius memória peréndie celebrátur.

3. Carthágine, pássio sancti Cypriáni, epíscopi, sanctitatē et doctrína claríssimi, qui funestíssimis tempóribus Ecclésiám óptime rexit, confessóres fidei in ærúmnis firmávit et, Valeriáno et Galliéno princípibus, post durum exsílium, coram frequentíssimo pópulo a procónsule gládio animadvérti iussus martýrium consummávit. Eius memória peréndie celebrátur.

4. Colóniæ Agrippínæ in Germánia, sancti Matérni, epíscopi, qui Tungrénses, Coloniénses et Treviaénses íncolas ad Christi fidem perdúxit.

5. Apud Cománam in Ponto, natális sancti Ioánnis Chrysóstomi, epíscopi, cuius memória pridie huius diéi reláta est.

6. In monastério Bellævallénsi in pago Gállia Bisuntíno, tránsitus sancti Petri, epíscopi, qui, ex abbáte Cisterciénsi, sedem Tarantasiénsem, ad quam evéctus erat, fervénti stúdio rexit, concórdiam inter pópulos eníxe prómovens.

7. Ptolemáide in Palæstína, sancti Albérti, epíscopi, qui, e Vercellénsi ad Hierosolymítanam translátus Ecclésiám, eremítis montis Carméli Régulam trádidit et, dum festum Sanctæ Crucis celebrábat, ab improbo hómine, quem reprehénderat, gládio enecátus est.

8*. In vico *Eben* in Tirólo, sanctæ Notbúrgæ, vírginis, quæ, curæ domésticæ inténta, Christo in paupéribus famuláta est, agricolis exémplum sanctitátis præbens.

9*. In salo ante Rupifórtium ad litus Gállia, beáti Cláudii Laplace, presbýteri et mártiris, qui, in gállica perturbatióne propter sacerdotium in corbítam trusus ad áncoras constitútam, gravi tabe conféctus martýrium complévit.

10. In urbe Cemtuána Provinciæ *Sichuan* Sinárum, sancti Gabriélis Tauríni Dufresse, epíscopi et mártiris, qui actuósum ministérium, cui quadraginta annos vacáverat, decollatiónis martýrio perfécit.

Die 15 septémbris

Décimo séptimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	17	18	19	20	21	22							

Memória beátæ Mariæ Vírginis perdoléntis, quæ, iuxta crucem Iesu adstans, Fílii salutíferæ passióni íntime fidelitérque sociáta est et nova éxstitit Eva, ut, quemádmódum primæ múlueris inobœdiéntia ad mortem cóntulit, ita mira eius obœdiéntia ad vitam conférret.

2. Romæ, sancti Nicomédis, mártiris, cuius corpus in cœmetério via Nomentána recónditum Bonifátius papa Quintus basilica sepulcráli honorávit.

3. Tinúrti ad Ararem flumen in Gállia Lugdunénsi, sancti Valeriáni, mártiris.

4. Tomis in Scýthia, sanctórum Stratónis, Valérii, Macróbii et Gordiáni, mártirum, qui sub Licínio imperatóre passi esse ferúntur.

5. Ad ripas Danúbii, sancti Nicétæ Gothi, mártiris, qui ab Athanaríco rege ariáno ob cathólicam fidem iussus est igne necári.

6. Lugdúni in Gállia, sancti Alpíni, epíscopi, qui sancto Iusto succéssit.

7. Tulli prope Nancéium item in Gállia Lugdunénsi, sancti Apri, epíscopi.

8. In monastério Gemmeticénsi in Néustria, sancti Aichádri, abbátis, qui, sancti Philibérti discípulus, ab eo ibídem præpósitus est.

9. Córdubæ in Vandalícia Hispániæ regióne, Sanctórum mártirum Emilæ, diáconi, et Ieremíæ, qui, in Maurórum persecutióne, post longam cárceris maceratióne, demum cervícibus pro Christo abscíssis martýrium complevérunt.

10*. Busséti in territorio Fidentíno in Æmília, beáti Rolándi de Médicis, anachorétæ, qui in locis áspers et solitáriis Alpium summa abstinéntia vixit cum Deo solo convérsans.

11. Génuæ in Ligúria, sanctæ Catharínæ Fieschi, víduæ, contémpu mundi, crebris ieiúniis, caritáte in Deum et dilectióne erga egénos infirmósque insígnis.

12*. In urbe *Hirado* in Iapónia, beáti Camílli Costanzo, presbýteri e Societáte Iesu et mártiris, qui, a suprémó duce Hidetada iussus igne combúri, in ipso rogo Christum prædicáre non cessávit.

13*. In loco Sancto Domínico Xagacía in México, beatórum Ioánnis Baptístæ et Hyacínthi ab Angelis, mártirum, qui, catechístæ, cum idóla pro Christo cólere renúissent, sáeviter percússi, passióne Christi æmulánte præmíum ætérnum mériti sunt.

14*. Vindóbonæ in Austria, beáti Antónii Mariæ Schwartz, presbýteri, qui pro tirónum iuvenúmque operariórum cura pastoráli necnon ad eorúndem iura defendénda Congregatióne instituit pro óperariis cristiánis a Sancto Iosépho de Calasanz.

15*. In vico *Llosa de Ranes* in pago Valentíno Hispániæ, beáti Paschális Penadés Jornet, presbýteri et mártiris, qui, témpore persecutióne, per terrénus certámen ad ætérnæ salútis plenitúdinem pervénit.

16*. Prope Monáchium Baváriæ in Germánia, beáti Ladislái Miegoń, presbýteri et mártiris, qui, e Polónia sub regímine Deo hominibúsque infénso coácta in castra detentióne Dacháni propter fidem ablátus, per cruciátus ad gloriósam pervénit corónam.

17*. Neápoli in Itália, beáti Pauli Manna, presbýteri e Pontificio Institúto pro Missiúnibus Exteris, qui, missionárii officio in Birmánia infirmæ valetúdinis causa relicto, de evangelizatióne navitáte admódum molítus est et summo stúdio verbi Dei prædicatióne et unitátem christianórum fovénde curávit.

Die 16 septémbris

Sextodécimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	18	19	20	21	22	23							

Memória Sanctórum Cornélii, papæ, et Cypriáni, epíscopi, mártýrum, quorum prióris depositio alteriúsque pássio quarto décimo septémbris recenséntur; quos vero hac die, ut indefectíbilis veritátis amóris testes témpore perturbatiónis coram Ecclésia Dei et mundo, una voce christiánus orbis laudat.

2. Chalcédone in Bithýnia, sanctæ Euphémiæ, vírginis et mártýris, quæ sub Diocletiáno imperatóre et Prisco procónsule, multis pro Christo superátis torméntis, per agónem certáminis ad corónam glóriæ ducta est.

3. In monte Sorácte ad viam Flamíniam in Látio, sanctórum Abúndii et sociórum, mártýrum.

4. Romæ via Nomentána ad Cápream in cœmetério maióre, sanctórum Victóris, Felícis, Alexándri et Pápiæ, mártýrum.

5*. Nucériæ Paganórum in Campánia, sancti Prisci, epíscopi et mártýris, quem sanctus Paulínus Nolánus métricis éxtulit láudibus.

6. Apud Cándidam Casam in Scótia, commemorátio sancti Niniáni, epíscopi, qui, britto natióne, Pictos ad fidei veritátem duxit et sedem episcopálem ibídem státuit.

7. Córdubæ in Vandalícia Hispániæ regióne, sanctórum mártýrum Rogélli, mónachi provéctæ ætátis, et Servidéi (‘Abdallah) iúvenis, qui, ab Oriéntis pártibus oriúndi, audácter coram plebe saracéna Christum prædicavérunt, quaprópter, cum cápite damnáti essent, nulla compúncti tristítia, mánibus cruribúsque amputáti collísque demum abscíssi corruérunt.

8*. Pragæ in Bohémia, sanctæ Ludmíllæ, mártýris, quæ, ducíssa Bohémiæ, institutióni præpósita nepótis sui sancti Vencesláii, in cuius ánimo amórem Christi ingígnere conáta est, coniuratióne nurus Drahomíráe et nobílium Paganórum stranguláta est.

9. Viltóniæ in Anglia, sanctæ Edíthæ, vírginis, quæ, regis Anglórum filia, in monastério a téneris annis Deo dicáta, sáeculum hoc ignorávit pótius quam relíquit.

10*. In Monte Casíno, tránsitus beáti Victóris papæ Tértii, qui monastérium célebre trigínta annos sapiénter rexit ac magnífice locupletávit, mox Ecclésiám Románam accépit regéndam.

11*. Saviníaci in Normánna Gállia, sancti Vitális, abbátis, qui, sæculáribus depósitis munéribus, in desértis locis rigidióris cultum observántiæ dídidit et multos aggregávit in cœnóbium ab ipso cónditum.

12*. In monastério Horténsi in Castélla Hispániæ, tránsitus sancti Martíni, cognoménto Sacerdótis, qui, ex abbáte Cisterciénsi epíscopus Seguntínus ordinátus, omnes curas ad reformándum clerum inténdit, deínde íterum in idem monastérium secéssit.

13*. Sali in Província Gállia, tránsitus beáti Ludovíci Aleman, epíscopi Arelaténsis, qui, in exímia pietáte ac pæniténtia vitam degit.

14*. Nagasákii in Iapónia, beatórum mártýrum Domínici Shobioye, Michaélis Timonoya et filii eius Pauli, qui pro fide decolláti sunt.

15. Limæ in Perúvia, sancti Ioánnis Macías, religiósi ex Ordine Prædicatórum, qui diu humíllimis munéribus functus est, páuperes ægrotósque sédulo curávit et assídue pro defunctórum ánimabus Rosárii precem orávit.

16. Apud *Sai-Nam-Hte* in Coréa, pássio sancti Andréæ Kim Tægön, presbýteri et mártýris, qui, duóbus annis summo zelo sacerdotáli múnere déditis, abscísso cápite, gloriósum pértulit martýrium, cuius memória vicésimo septémbris recólitur.

17*. Apud óppidum *Odena* in pago Barcinonénsi in Hispánia, beáti Ignátii Casanovas, presbýteri ex Ordine Clericórum Regulárium Scholárum Piárum et mártýris, pro Christo in persecutiónis tempestátibus interfécti.

18*. In óppido *Turis* in pago Valentíno item in Hispánia, beatórum mártýrum Laureáni (Salvatóris) Ferrer Cardet, presbýteri, Benedícti (Emmanuélis) Ferrer Jordá et Bernardíni (Pauli) Martínez Robles, relígiósorum, e Tértio Ordine Sancti Francísci Capulatórum a beáta Vírgine Perdolénti, quos, in eádem persecutióne, hómínes occidérunt, Deus autem ad regnum exaltávit cæléstem.

Die 17 septémbris

Quintodécimo Kalendas octobris. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	19	20	21	22	23	24							

Sancti Robérti Bellarmino, epíscopi et Ecclésiæ doctóris, e Societáte Iesu, qui præclære de theológicis témporis sui controversiis peculiári ac subtíli hábitu disputávit; cardinális renuntiátus, ad ministérium pastorále in Ecclésia Capuána magnópere sese impéndit et tandem Romæ ad Apostólicæ Sedis et fidei doctrínæ defensionem plúrimos suscepit labóres.

2. Medioláni in Ligúria, depositio sancti Sátyri, cuius insígnia mérita sanctus Ambrósius, frater eius, commémorat. Nondum Christi initiátus mystériis, cum in naufrágium incidisset, mortem non métuit, sed, ne vácuus mystériis exíret e vita, ex undis servátus Dei Ecclésiám requisívit; quem íntima et mútua cáritas fratri Ambrósio coniúnxit, a quo iuxta sanctum mártýrem Victorem sepúltus est.

3. Leódii in Austrásia, pássio sancti Lambérti, epíscopi Traiecténsis et mártýris, qui, exsílio afféctus, in monastérium Stabulénse se recépít; póstea, sede restitúta, múnere pastoráli egrégie perfúntus est et ab ínvidis ínnocens occísus.

4*. In silva Argonnénsi ad Mosam flumen in Austrásia, sancti Rodíngi, abbátis, qui monastérium Belli Loci cóndidit piéque rexit.

5. Córdubæ in Vandalícia Hispániæ regióne, sanctæ Colúmbæ, vírginis et mártýris, quæ in Maurórum persecutióne sponte coram iúdice et sátrapum collégio fidem professa est et contínuo ante fores palátii gládio decolláta est.

6*. Melínæ intra fines Andegavénses in Gállia, sancti Regínaldi, eremítæ, qui in silvam Cratumnénsem se cóntulit ad præcépta Dómini plénius adimplénda.

7. In monastério Montis Sancti Ruperti prope Bíngium in Hássia, sanctæ Hildegárdis, vírginis, quæ, sciéntia rerum natúræ et medicínæ necnon arte música períta, quam mýstica contemplatióne expérta erat, pie in libris expósuit ac descripsit.

8*. Aviliánæ in território Taurinénsi in Subalpínis, beáti Cherubíni Testa, presbýteri ex Ordine Eremitárum Sancti Augustíni, erga domínica Passiónem devotíssimi.

9. Cæsaraugústæ in Aragónia Hispániæ, sancti Petri de Arbués, presbýteri et mártiris, qui, canónicus Reguláris ex Ordine Sancti Augustíni, in Aragóniæ regno contra superstitiónes ac háereses incúbuit et ab inquisítis quibúsdam ante altáre ecclésiæ cathedrális percússus cécidit.

10. Huéi in Annámia, sancti Emmanuélis Nguyễn Văn Triêu, presbýteri et mártiris, sub regímine dómini Cảnh Thịnh.

11. Genuæ in Ligúria, sancti Francísci Mariæ de Camporósso, religiósi ex Ordine Fratrum Minórum Capuccinórum, caritaté in páuperes insígnis, qui, peste grassánte, pro salúte proximórum ipse morbo corréptus víctimam se óbtulit.

12*. Cracóviæ in Polónia, beáti Sigismúndi Felícis Feliński, epíscopi Varsaviénsis, qui summas inter ærúmnas pro Ecclésiæ libertáte et instauratióne adlaborávit ac pro ómnibus pópuli necessitudínibus Institutum Sorórum Franciscálium Famíliæ Mariæ fundávit.

13*. In vico *Castillo de Villamalefa* prope Castáliam in Hispánia, beáti Ioánnis Ventura Solsona, presbýteri et mártiris, qui, persecutióne sæviénte, constántia fidei invíctus ad cæléstem glóriam migrávit.

14*. Matríti item in Hispánia, beáti Timóthei Valero Pérez, presbýteri e Tértio Ordine Sancti Francísci Capulatórum a beáta Vírgine Perdolénti et mártiris, qui in eádem tempestáte pro Christo egrégium perégit certámen.

15*. In silva *Palmiry* prope Varsáviam in Polónia, beáti Sigismúndi Sajna, presbýteri et mártiris, qui, belli témpore, ob fidem coram aliéno regímine in Deum hostíli mínime abdicátam plumbis transfóssus est.

Die 18 septémbris

Quartodécimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	30	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	20	21	22	23	24	25							

1. **N**icomediæ in Bithýnia, sancti Océani, mártiris.
2. Prymnéso in Phrýgia, sanctæ Ariádnæ, mártiris.
3. In pago Gállia Viennénsi, sancti Ferréoli, mártiris, qui, ut fertur, cum esset tribuniciæ potestátis, témpore persecutiónis christiános apprehéndere recusávit, quaprópter iussu præsidis tentus, crudelíssime verberátus est et in cárcerem trusus; unde evásus, sed ab insequéntibus íterum captus, martýrii palmam cápitis obtruncatióne percépit.
4. Medioláni in Ligúria, sancti Eustórgii, epíscopi, cuius sanctus Athánasius veræ fidei confessiόνem advérsus ariánorum errórem laudat.
- 5*. Abríncis ad oram Británniæ Minóris, sancti Senárii, epíscopi.
- 6*. Lemóvici in Aquitánia, sancti Ferréoli, epíscopi, qui Marcum, Childebérti regis referendárium, quem pópulus civitátis interficere volébat, imminéti discrímine liberávit.
7. Gortýnæ in ínsula Creta, sancti Euménii, epíscopi.
- 8*. Andlávix in Alsátia Lotharíngiæ, sanctæ Richárdis, quæ, regína, regno terréno contépto, in monastério ab ipsa cóndito Deo famuláta est.
9. Auximi in Picéno Itáliæ, sancti Ioséphi de Cupertíno, presbýteri ex Ordine Fratrum Minórum Conventuálium, in árduis vitæ adiúctis paupertáte, humilitáte et caritáte erga egénos Dei conspíci.

10. In urbe *Nam Định* in Tunquino, sancti Domínici Trách, presbýteri ex Ordine Prædicatórum et mártiris, qui sub imperatóre Minh Mạng pótius mori quam crucem calcáre máluit et decollatióne martýrium consummávit.

11*. In vico *Paimol* prope missiόnem Kalόngi in Ugánda, beáti Dávidis Okelo et Gildi Irwa, catechistárum et mártýrum, qui, cum sponte óperam dárent pópulo suo Evangélio tradéndo, a pagánis loci láncea transfóssi, intrépido martýrio Christi virtútem manifestavérunt.

12*. Apud Civitátem Regálem in Hispánia, beáti Cároli Eraña Guruceta, religiόsi e Societáte Mariæ et mártýris, qui violéntia advérsus sacerdótes et religiόsos furénte, a militánis apprehénsus sine iudicio plumbis interféctus est.

13*. Prope civitátem *Gandía* in pago Valentíno item in Hispánia, beatórum Ferdinándi García Sendra et Ioséphi García Mas, presbyterórum et mártýrum, qui, témpore eiúsdem persecutiόnis, ságuine suo fidelitátem Dómino confirmáverunt.

14*. Monte Serráto in eódem pago Hispániæ, beatórum mártýrum Ambrósii (Salvatóris) Chuliá Ferrandis et Valentíni (Vincéntii) Jaunzarás Gómez, presbyterórum, atque Francísci (Iusti) Lerma Martínez, Richárdi (Ioséphi) López Mora et Modéstii (Vincéntii) Gay Zarzo, religiόsorum, e Tértio Ordine Sancti Francísci Capulatórum a beáta Vírgine Perdolénti, qui in eádem tempestáte ob Christi testimónium coronáti sunt.

15*. Intra castra detentiόnis Dacháni prope Monáchium Baváriæ in Germánia, beáti Ioséphi Kut, presbýteri et mártýris, qui, génere polónus, in feram custódiam, bello sæviénte, propter fidem cónditus et diris torméntis afféctus ad Dóminum migrávit.

Die 19 septémbris

Tértiodécimo Kalendas octobris. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	30	1	2	3	4	5	6	7	8	9	10	11	12	13	14	15
A	B	C			D	E		F	F	G	H		M	N		P		
16	17	18	19		20	21	21	22	23	24	25	26						

Sancti Ianuárii, epíscopi Beneventáni et mártýris, qui témpore persecutiόnum erga fidem Putéolis prope Neápolim in Campánia pro Christo passus est.

2. Sýnnade in Phrýgia, sancti Tróphimi, mártýris.

3. In Palæstína, sanctorum mártýrum Pélei et Nili, episcoporum in Ægýpto, Elíæ, presbýteri, et Patermúthii, qui, témpore persecutiónis Diocletiáni imperatóris, cum plúrimis cléricis pro Christo igne concremáti sunt.

4. Turónis in Gállia Lugdunénsi, sancti Eustóchii, epíscopi, qui, ex órđine senatório, vir sanctus et religiósus sancto Bríctio succéssit.

5. In monastério Sistariénsi apud Língones item in Gállia, sancti Séquani, presbýteri et abbátis.

6. In território Bituricénsi in Aquitánia, sancti Mariáni, eremítæ, cui cibus fuérunt poma agréstia et mel forte repértum.

7*. Metis in Austrásia, sancti Goeríci seu Abbónis, epíscopi, qui sancto Arnúlpho succéssit eiúsque corpus reveréter hanc in urbem tránstulit.

8. Cantuáriæ in Anglia, sancti Theodóri, epíscopi, qui, mónachus Tarsénsis a sancto Vitáliano papa ad episcopátum evéctus et in Angliam prope septuagenárius missus, forti ánimo Ecclésiám ipsi commíssam moderátus est.

9. Córdubæ in Vandalícia Hispániæ regióne, sanctæ Pompósæ, vírginis et mártýris, quæ in Maurórum persecutióne, cum martýrium sanctæ Colúmbæ audivisset, clam e monastério Pinnæ Melláriæ aufúgit et Córdubæ, coram iúdice impávida Christum conféssa, conféstim ante fores palátii gládio decolláta palmam consecúta est.

10*. Frisingæ in Bavária, sancti Lantbérti, epíscopi.

11*. Bonivicíni prope Conséntiam in Calábria, sancti Cyríaci, abbátis.

12*. Vapínci in Província Gállia, sancti Arnúlphi, epíscopi, qui pro recta forma vitæ Ecclésiæ restituénda multa sustínuit.

13*. Barcinóne in Cataláunia Hispániæ regióne, sanctæ Mariæ de Cervelló, vírginis ex Ordine Beátæ Mariæ de Mercéde, quæ propter opem invocántibus collátam María de Subsídio vulgo nuncupáta est.

14. Matríti in Hispánia, sancti Alphónsi de Orozco, presbýteri ex Ordine Eremitárum Sancti Augustíni, qui, prædicatióni in cúria regis præpósitus, austérum et húmílem sese exhibuit.

15. Seuli in Coréa, pássio sancti Cároli Hyon Söng-mun, mártiris, qui, catechísta, ut missionários in pátriam suam perdúceret, longa ac difficília itínера perfécit, demum áliis cum christiánis in cárcerem tráditus sócios numquam hortári déstitit et pro Christo cápíte truncátus est.

16. Villæ Francæ in pago Ruthenénsi Gállia, sanctæ Mariæ Guliélmæ Æmíliæ de Rodat, vírginis, quæ ad puéllas erudiéndas et egénos sublevándos Congregatiónem Sorórum a Sancta Família fundávit.

17*. In loco *Ciempozuelos* prope Matrítum in Hispánia, beáti Hyacínthi Hoyuelos González, religiósi ex Ordine Sancti Ioánnis a Deo et mártiris, qui, persecutióne contra Ecclésiám vastánte, Christi confessióne gloriósum martýrium complévit.

18*. In vico *Benifayó* in pago Valentíno ítem in Hispánia, beátæ Francíscæ Cualladó Baixauli, vírginis et mártiris, quæ in eádem persecutióne erga fidem ságuinem pro Christo effúdit.

19*. Matríti ítem in Hispánia, beatárum Mariæ a Iesu de la Yglesia y de Varo, Mariæ a Dolóribus et Consolátæ Aguiar-Mella y Díaz, vírginum ex Institutó Filiárum Mariæ Scholárum Piárum et mártýrum, quæ ob Christi testimónium coronátæ sunt.

Die 20 septémbris

Duodécimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
28	29	30	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	22	23	24	25	26	27							

Memória sanetórum Andréæ Kim Tæ-gön, presbýteri, Pauli Chöng Ha-sang et sociórum,¹⁰ mártýrum in Coréa. Hac die commúni vero celebratióne omnes centum et tres mártýres étiam colúntur, qui in Coréa

fidem christiánam, a quibúsdam láicis primum hoc in regnum fervénter introdúctam, missionariórum deínde prædicatióne et sacramentórum celebratióne enutritam et firmátam impávide testificáti sunt. Omnes hi Christi athlétæ, quorum tres epíscopi, octo presbýteri et céteri láici, sive matrimónio iuncti sive non, senes, iúvenes ac púeri, supplicio affécti, pretiósó sáanguine suo primórdia Ecclésiæ in Coréa consecrárunt.

2. Sýnnade in Phrýgia, sancti Dorymedóntis, mártiris.

3. Romæ, commemorátio sancti Eustáchii, mártiris, cuius nomen cólitur in antíqua diáconia Urbis.

4. Constantinópoli, sanctórum mártirum Hypátii et Asiáni, episcopórum, atque Andréæ, presbýteri, qui, ob cultum sacrárum Imáginum, sub Leóne Isáurico imperatóre, post dira et grávia torménta esca cánibus tradíti sunt.

5*. Apud óppidum Arcum in pago Tridentíno, beáti Adelpréti, epíscopi, qui, strénuus tutor páuperum pupillorúmque et libertátis Ecclésiæ defénsor, ab hóstibus in insídias indúctus et crudéliter percússus occúbuit.

6*. Londínii in Anglia, beáti Thomæ Johnson, presbýteri e Cartúsia huius civitátis et mártiris, qui sub Henríco rege Octávo ob fidelitátem Ecclésiæ servátam in cárcere Neopórtus nonus ex número confrátrum fame et morbo corréptus périit.

7*. Córdubæ in Hispánia, beáti Francísci de Posadas, presbýteri ex Ordine Prædicatórum, qui, pæniténtia, humilitáte et caritáte clarus, quadragínta annos in illa regióne Christum evangelizávit.

8. In arce *Son-Tây* in Tunquíno, sancti Ioánnis Cároli Cornay, presbýteri e Societáte Parisiénsi Missiónum ad éxteras gentes et mártiris, qui ob christiánam confessiónem post dira supplicia decréto imperatóris Minh Mạng in partes disséctus est et demum decollátus.

9. Seuli in Coréa, sanctórum Lauréntii Han I-hyǒng, catechístæ, et sex sociórum,¹¹ mártirum, qui divérsis in carcéribus láqueo suffocáti martýrium pro Christo subiérunt. Quorum memória una cum céteris harum regiónum martýribus hódie celebrátur.

10. Plebe in México, beáti Ioséphi Mariæ de Yermo y Parres, presbýteri, qui Congregatióinem instituit Servárum a Sacro Corde Iesu et Paupéribus ad derelíctis subveniéndum in ánimi corporisque necessitatibus.

Die 21 septémbris

Undécimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
29	30	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	23	24	25	26	27	28							

Festum sancti Matthæi, Apóstoli et Evangelístæ, qui, Levi cognominátus, a Iesu vocátus ad sequéndum, munus publicáni seu vectigálium exactóris reliquit et, inter Apóstolos eléctus, Evangélium conscrípsit, quo Iesum Christum, Fílium David, Fílium Abrahæ, Vetus Testaméntum adimplevísse præsertim proclamátur.

2. Commemorátio sancti Ionæ, prophétæ, filii Amathi, cuius nómine liber Véteris Testaménti appellátus est et céleber éxitus e ceti ventre tamquam signum domínicæ Resurrectiόνis in ipso Evangélio enarrátur.

3. In Græcia, commemorátio sancti Quadráti, Apostolorum discípli, qui, ut fertur, in persecutióne Hadriáni imperatóris, Ecclesiám terróre dispérsam fide et indústria sua cóngregans, librum pro christiánæ religiόνis defensióne apostólica doctrína dignum eídem imperatóri porréxit.

4. Romæ via Salária Vétère, sancti Pámphili, mártiris.

5. Ad Baccánas via Cássia vicésimo miliário ab urbe Roma, sancti Alexándri, mártiris.

6. Gazæ in Palæstína, Sanctórum Eusébii, Néstabi et Zenónis, mártirum, qui, fratres, témpore Iuliáni Apóstatæ imperatóris, irruén-te in eos gentílium turba, discérpti atque necáti sunt. Passus est cum eis sanctus Nestor, qui ex accéptis vulneribus paulo post martýrium consummávit.

7*. Aptæ Iúliæ in Provinciā, sancti Cástoris, epíscopi, qui, cúpiens monachórum vitam frátribus in novélla monastério explanári, a sancto Ioánnē Cassiáno pétiit, ut exímias tráderet conferéntias ascetárum Ægyptiórum.

8*. In monastério Lancarvanénsi in Cámbría meridionali, sancti Cadóci, abbátis, sub cuius nómine étiam in Cornúbia et in Británnia Minóre plura monastéria cóndita sunt.

9*. In monastério Ettenheiménsi in Bádena regióne, sancti Landelíni, mónachi, ex Hibérnia orti.

10*. Trunchínii in Flándria Austrásiæ, sancti Gerúlphi, mártiris, adulescéntis.

11*. Trecis ad Sequánam in Gállia, sanctæ Mauræ, vírginis, pietátis et caritátis opéribus assíduæ.

12*. Pisáuri in Picéno Itáliæ, beáti Marci de Mútina Scalabrini, presbýteri ex Ordine Prædicatórum, qui plúrimos errántes in viam iustítiæ redúcere pótuit.

13. Apud arcem *Quảng-Trị* in Annámia, Sanctórum Francísci Jaccard, presbýteri e Societáte Parisiénsi Missiónum ad éxteras gentes, et Thomæ Trần Văn Thiện, mártyrum, qui, sub imperatóre Minh Mạng, pro Christo cárcerem verberâque subiérunt demúmque láqueo suffocáti sunt.

14. Apud *Sai-Nam-Hte* in Coréa, pássio sanctórum mártyrum Lauréntii Imbert, epíscopi, Petri Maubant et Iacóbi Chastan, presbyterórum e Societáte Parisiénsi Missiónum ad éxteras gentes, qui ad vitam christianórum servándam sese satellítibus contulérunt et gládio interfécti sunt.

15*. In vico *Benisoda* in pago Valentíno in Hispánia, beatórum mártyrum Vincéntii Galbis Gironés, patrisfamílias, et Emmanuélis Torró García, qui, passióni Christi configuráti, quem coluérunt, martýrii triúmpho imitáti sunt.

Die 22 septémbris

Décimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
30	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	24	25	26	27	28	29							

1. **R**omæ in cœmetério Commodíllæ via Ostiénsi, commemorátio sanctæ Eméritæ, mártýris.
2. Agáuni in pago Vallénsi apud Helvétios, sanctórum mártýrum Maurítii, Exsupérii, Cándidi, mílitum, qui, ut sanctus Euchérius Lugdunénsis trádedit, cum sóciis eiúsdem Thebææ legiónis et Victóre veteráno, sub Maximiáno imperátore pro Christo necáti, gloriósa sua passióne Ecclésiám illustrárunt.
3. Romæ via Salária Vétère, depositio sanctæ Basíllæ, mártýris, sub Diocletiáno et Maximiáno imperátóribus.
4. In vico Libróso territórii Bituricénsis in Aquitánia, sancti Silváni, eremítæ.
5. In monte Glonna ad Lígerim flumen in pago Pictaviénsi Gállia, sancti Floréntii, presbýteri.
6. In território Gállia Constantiénsi, sancti Lautónis seu Laudi, epíscopi.
7. Laudúni in Néustria, sanctæ Salabérgæ, abbatíssæ, quam cæcam sanctus Columbánuš sanavísse et ad Dei servítium direxísse fertur.
8. Rátisbonæ in Bavária, sancti Emmerámmi, epíscopi, qui pro Christi fide interémptus est.
- 9*. In monastério Cisterciénsium Morimúndi in Gállia, tránsitus beáti Othónis, epíscopi Frisingénsis, qui in monacháli hábitu, quem numquam in episcopátu deposúerat, óbiit.
10. Augústæ Taurinórum in Subalpínis, sancti Ignátii de Sandóne (Lauréntii Maurítii) Belvisotti, presbýteri ex Ordine Fratrum Minórum Capuccinórum, in pæniténtibus audiéndis et infirmis adiuvándis assídui.

11*. In salo ante Rupifórtium in Gállia, beáti Ioséphi Marchandon, presbýteri et mártýris, qui, témpore gállicæ perturbatiónis propter sacerdotium in tábidam actuáram coniéctus, esúrie ac morbo consúptus ad Patrem migrávit.

12. Seuli in Coréa, pássio Sanctórum Pauli Chǒng Ha-sang et Augustíni Yu Chin-gil, mártýrum, quorum alter primam christianórum communitátem vigínti annos témpore persecutiónis diréxit, alter lítteris ad Gregórium papam Sextum Décimum scripsit, ut presbýteros in Coréam mitteret, et, ambo catechístæ, simul post dira supplicia pro fide decolláti sunt.

13*. Monte Serráto in Hispánia, beáti Cároli Navarro, presbýteri ex Ordine Clericórum Regulárium Scholárum Piárum et mártýris, persecutióne erga religiósos sæviénte, illústri martýrio coronáti.

14*. Ibídem, beáti Germáni Gozalvo Andreu, presbýteri et mártýris, qui in eádem persecutióne ob Christi testimónium coronátus est.

15*. Alziráe in pago Valentíno item in Hispánia, beatórum mártýrum Vincéntii Pelufo Corts, presbýteri, et Ioséphæ Moscardó Montalvá, vírginis, qui, témpore eiúsdem persecutiónis erga fidem, ante Deum omnipoténtem palmam victóriæ gérere meruérunt.

16*. In vico *Bolbaite* item in pago Valentíno, beáti Vincéntii Sicluna Hernández, presbýteri et mártýris, in eádem tempestáte interfécti.

17*. In vico *Corbera* prope Valéntiam item in Hispánia, beátæ Mariæ a Purificatióne Vidal Pastor, vírginis et mártýris, quæ cum Christo Sponso ad núptias ætéernas méruit intráre.

Die 23 septémbris

Nono Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

Sancti Pii de Pietrelcina (Francísci) Forgione, presbýteri ex Ordine Fratrum Minórum Capuccinórum, qui in convéntu oppíduli Sancti Ioánnis Rotúndi in Apúlia ad spiritálem moderatiónem fidélium et ad

pæniténtium reconciliatióem summópere inténdit, tanta erga egénos pauperésque providénti cura, ut hac die terrénam peregrinatióem Christo Crucifixo vere configurátus compléret.

2. Commemorátio Sanctórum Zachariæ et Elísabeth, paréntum beáti Ioánnis Baptistæ, Præcursóris Dómini. Elísabeth, cum Mariám cognátam in domum suam suscepisset, repléta Spíritu Sancto matrem Dómini salutávit benedíctam inter mulieres. Zacharías vero, sacérdos prophético spíritu replétus, filio nato, laudávit Deum redemptórem et próximum prædicávit advéntum Christi, ex alto oriéntis.

3. Romæ, commemorátio sancti Lini, papæ, cui, ut refert sanctus Irenáeus, beáti Apóstoli Ecclésiæ in Urbe fundátæ episcopátus curam commisérunt quemque sibi sócium méminit beátus Paulus Apóstolus.

4. Miséni in Campánia, sancti Sóssii, diáconi et mártiris, qui, ut fert sanctus Sýmmachus papa, episcopum suum morti subducere cúpiens, cum eo necem nactus est ac pari prétio parem glóriam consecútus.

5. Ancónæ in Picéno Itáliæ, commemorátio sancti Constántii, qui, ecclésiæ mansionárius, magis humilitáte quam miraculórum grátia conspicuus éxstitit.

6*. In Hiénsi ínsula Scótiæ, sancti Adamnáni, presbýteri et abbátis, viri sciéntia Scripturárum óptime instrúcti unitátisque ac pacis studiosíssimi, qui tam in Scótia quam in Hibérnia románam consuetúdinem de Páschatis celebratióne multis prædicatióne sua suásit.

7. In Africa, sanctórum Andréæ, Ioánnis, Petri et Antónii, mártyrum, qui, Syracúsis capti, a Mauris deportáti sunt ac supplíciis affécti.

8*. Venétiis, beáti Petri Acotanto, mónachi, qui abbátis offícium humíliter recusávit et reclúsus vívere máluit in claustro.

9*. Bonóniæ in Æmília, beátæ Hélienæ Duglioli Dall'Olio, quæ, post matrimónium in mirábili cum cóniuge concórdia, vídua effécta, exemplárem duxit vitam.

10*. Tlaxcálæ in México, beatórum Christóphori, Antónii et Ioánnis, mártyrum, qui, témpore primæ Américæ evangelizatiónis, christiánæ fidei læti adhæsérunt, quaprópter a concívibus ad mortem cæsi sunt.

11*. Maríanópoli in Quebecénsi Cánadæ província, beátæ Mariæ Æmiliæ Tavernier, religiósæ, quæ, marito filiisque orbata, egénis assidendo se dedit et Congregatiónem Sorórum a Providéntia fundávit pro órphanis, sénibus et mente captis ministrándis.

12*. In loco *Kingston* ad Támesim in Anglia, beáti Guliélmi Way, presbýteri et mártiris, qui, sub Elísabeth regína Prima cápite damnátus quod sacerdos Angliam ingræssus petivisset, patíbulo suspénsus est.

13*. In vico *Benisa* in pago Valentíno in Hispánia, beáti Vincéntii Ballester Far, presbýteri et mártiris, qui, témpore persecutiónis, pro Christo egrégium perégit certámen.

14*. In vico *Benicalap* in eódem pago Hispániæ, beatárum Sóphiæ Ximénez Ximénez, matrisfamílias, Mariæ a Purificatióne a Sancto Ioseph Ximénez atque Mariæ Ioséphæ del Río Mesa, víginum ex Institutó Sorórum Carmelitárum a Caritáte, mártirum, quæ per agónem certáminis ad glóriam copiósam ductæ sunt.

15*. Cracóviæ in Polónia, beátæ Bernárdinæ Jablonska, víginis, quæ, Congregatiónis Sorórum Paupéribus Serviéntium fundátrix, pro paupéribus et ægróis semper sollícita fuit.

16*. Varsáviæ item in Polónia, beáti Ioséphi Stanek, presbýteri e Societáte Apostolátus Cathólici et mártiris, qui, témpore belli, a persecutóribus fidei per suspéndii cruciátum martýrium perfécit.

Die 24 septémbris

Octávo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	26	27	28	29	30	1							

1. **M**edioláni in Transpadána, sancti Anatólii, qui primus huius civitátis epíscopus créditur.

2. Sedeláuci in pago Augustodunénsi Gálliae, sanctórum Andóchii, Thyrsi et Felícis, mártýrum.
3. Arvérnæ in Aquitánia, sancti Rústici, epíscopi, qui, cum présbyter iam esset in eádem urbe, pontificátus honórem, pópulo gaudénte, suscepit.
4. Lugdúni in Gállia, sancti Lupi, epíscopi, qui, ántea anachoréta víxerat.
- 5*. Massíliæ in Província, sancti Isárni, abbátis, qui, austérus in se, in álios vero mansuétus ac pacíficus, vitam regulárem in monastério Sancti Victóris renovávit.
6. In Pannónia, sancti Gerárdi Sagredo, Morisénæ sedis epíscopi et mártýris, qui magíster fuit sancti Emeríci príncipis adulescéntis, sancti Stéphani regis fílii, et in seditióne Hungarórum paganórum prope flumen Danúbium lapídibus óbrutus occúbuit.
- 7*. Gerúndæ in Cataláunia Hispániae, beáti Dalmátii Moner, presbýteri ex Ordine Prædicatórum, solitúdinis et siléntii amóre conspícui.
- 8*. Eboráci in Anglia, beatórum mártýrum Guliélmi Spenser, presbýteri, et Robérti Hardesty, qui, sub Elísabeth regína Prima cápite damnáti, prior quod sacérdos esset, alter quod eum hospítio recepisset, patíbulo suspénsi sunt.
9. Nagasákii in Iapónia, sancti Antónii González, presbýteri ex Ordine Prædicatórum et mártýris, qui in Iapóniam quinque cum sóciis missus et paulo post in vínculis deténtus, bis aquæ torménto excruciatús est atque, febri corréptus, céteros in morte præívit, sub suprémó duce Tokugawa Yemitsu.
10. Septémpedæ in Picéno Itáliæ, sancti Pacífici de Sancto Sevérino, presbýteri ex Ordine Fratrum Minórum, pæniténtiis, amóre solitúdinis et oratióne coram Sanctíssimo Sacraménto præclári.
- 11*. Maribóri in Slovénia, beáti Antónii Martíni Slomšek, epíscopi, qui curam vitæ cristiánæ famíliarum et institutiónis cleri máximam hábuit et pro unitáte Ecclésiæ ómnibus víribus conténdit.
- 12*. Romæ, beátæ Colúmbæ (Ioánnæ) Gabriel, abbatíssæ, quæ monastério Leopolitáno præfuit, at iniúste calumniáta Romam pétiit, ubi pauper et læta vivens Congregatiónem Sorórum Benedictinárum a Caritate fundávit, necnon opus sociále

Domum Famíliæ nuncupátum pro puéllis operáriis paupéribus seu a famíliis longínquis.

13*. In vico *Abalat de la Ribera* in pago Valentíno Hispániæ, beáti Ioséphi Raymúndi Paschális Ferrer Botella, presbýteri et mártiris, qui in persecutióne erga fidem martýrium passus est.

14*. In vico *Rotglà y Corbera* in eódem pago Hispániæ, beáti Ioséphi Maríæ Ferrándiz Hernández, presbýteri et mártiris, qui, témpore eiúsdem persecutiónis, certámen pro fide complévit.

15*. In óppido *Ollería* item in pago Valentíno, beátæ Incarnatiónis Gil Valls, vírginis et mártiris, quæ, lámpadem splendéntem déferens, Christo Sponso óbviám invícta incéssit.

16*. Alzíræ in eódem pago Hispániæ, beáti Ioséphi Raymúndi Ferragud Girbés, mártiris, qui, paterfamílias, pro Christo víctima persecutórum fidei cécidit.

Die 25 septémbris

Séptimo Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

1. **C**ommemorátio sancti Cleóphæ, discípuli Dómini, cuius arsit cor, dum iter faciénti cum áltero discípulo Christus sero Páschatis appáruit Scriptúras in via eis apériens, et qui in castélló Emmaus Salvatórem in fractiÓne panis cognóvit.

2. Ambiáni in Gállia Bélgica, sancti Firmíni, qui epíscopus et martyr cólitur.

3. Damásci in Sýria, sanctórum mártirum Pauli et Tattæ, cóniungum, atque Sabiniáni, Máximi, Rufi et Eugénii filiórum, qui, cristiánæ religiÓnis accusáti, verbéribus aliisque supplíciis torti, ánimam Deo reddidérunt.

4. Carnúti in Gállia Lugdunénsi, sancti Solémnis, epíscopi.

5. Suessiōne in Gállia Bélgica, sancti Principii, epíscopi, fratris sancti Remígií.

6*. Corcágia in Momónia Hibérniæ, sancti Finbárri, epíscopi.

7. Autissiodóri in Néustria, sancti Aunachárii, epíscopi, quo sedēte Martyrológium Hieronymiánum nuncupátum complétum est.

8*. Cusántiæ in pago Bisuntíno in Néustria, sancti Ermenphrídi, abbátis.

9*. In monastério Sanctíssimæ Trinitátis in Mosquénsi Rússiæ regiōne, sancti Sérgii de Radonez, qui, primum in silvis ásp̄eris eremíta, dein vitam cœnobíticam cóluit et hegúmenus eléctus propagávit, vir mitis, consiliárius príncipum et consolátor fidélium.

10*. In iugis *Alpujarras* prope Granátam in Vandalícia Hispánia regiōne, beáti Marci Criado, presbýteri ex Ordine Sanctíssimæ Trinitátis pro redemptiōne captivórum et mártiris, a Mauris interfécti.

11*. In óppido *Carrión de Calatráva* prope Civitátem Regálem item in Hispánia, beatórum mártýrum Ioánnis Petri (Ioséphi) Bengoa Aranguren, presbýteri, et Pauli Maríæ (Petri) Leoz y Portillo, religiósi e Congregatiōne Pássionis, atque Iesu Hita Miranda, religiósi e Societáte Maríæ, qui, persecutiōne furēte, in ódium Ecclésiæ a militiánis plumbis interfécti sunt.

Die 26 septémbris

Sexto Kalendas octobris. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Sanctórum Cosmæ et Damiáni, mártýrum, qui nullam mercédem peténtes Cyrri in Euphrátésia medicínam exercúisse ferúntur et multi gratuítis curis eórum sanáti.

2. Commemoratio sancti Gedeónis, ex tribu Manásse, qui iudex fuit in Israel et, cum signum roris in vellus descendentis a Dómino accepisset, in fortitúdine Dei, ara Baal destrúcta, de manu inimicórum pópulum Israel liberávit.

3. Albáni in Látio, sancti Senatóris, mártiris.

4. Bonóniæ in Æmília, commemoratio sancti Eusébii, epíscopi, qui pro fide cathólica advérsus ariános cum sancto Ambrósio decertávit et promovéndæ inter puéllas virginitáti plúrimum labórem impétiit.

5*. Caiétæ in Látio, sancti Stéphani de Rossáno, mónachi, sócii sancti Nili iunióris.

6. In agro Tusculáno prope Romam, sancti Nili Iunióris, abbátis, qui, græcus génere, hábitum sanctæ conversatiónis quæsívit et, abstinéntiæ, humilitáti et peregrinatióni studens, prophétia et sapiéntiæ doctrína clarus, secúndum orientálium Patrum normas célebre monastérium Cryptæ Ferrátæ fundávit ibíque nonagenárius in oratório spíritum Deo réddidit.

7*. Salérni in Campánia, beatæ Lúciæ de Cálata Hierónis, vírginis e Tértio Ordine Regulári Sancti Francísci.

8. Seuli in Coréa, pássio sanctórum Sebastíani Nam I-gwan et novem sociórum,¹² mártýrum, qui pro christiána fide post immánia supplícia decolláti sunt; commemorántur item sanctæ mártýres Lúcia Kim, Catharína Yi, vídua, atque Ípsius filia Magdaléna Cho, virgo, quæ, in cárcere pro Christo deténtæ, die incérto huius mensis ob passa supplícia occubuérunt.

9. Lugdúni in Gállia, sanctæ Terésia (Maríæ Victóriæ) Couderc, vírginis, quæ non sine magna tribulátione, seréno vero ánimo Societátem Dóminæ Nostræ a recéssu Cenáculi in vico *La Louvesc* apud túmulum sancti Ioánnis Francísci Régis fundávit.

10*. In vico *Gars* prope Monáchium Baváriæ in Germánia, beáti Gásparis Stanggassinger, presbýteri e Congregatióne Sanctíssimi Redemptóris, qui, iúvenum eruditióni addíctus, iisdem exémples iucúndæ caritátis et oratiónis assíduæ præbuit.

11*. In civitaté *Los Reyes* in Perúvia, beáti Aloýsii Tezza, presbýteri ex Ordine Clericórum Regulárium Infirmis Ministrántium, qui ad inserviéndum Deo inter ægrótos Congregatiónem Filiárum a Sancto Camílllo fundávit, quam sapiénter ad múltiplicis caritátis ópera redégit.

12. Valentíæ in Hispânia, beatárum Mariæ a Refúgio (Terésíæ) Rosat Balasch et Mariæ a Calvário (Ioséphæ) Romero Clariana, vírginum e Congregatióne Doctrínæ Christiánæ et mártýrum, quæ, persecutióne sæviénte, ob fidelitátem Christo Sponso servátam in cárcerem trusæ sunt tandémque interéptæ.

13*. Ibídem, beáti Raphaélis Pardo Molina, religiósi ex Ordine Prædicatórum et mártýris, qui témpore persecutiónis erga fidem occúbuit. Cum eo commemorátur étiam beátus martyr Ioséphus María Vidal Segú, présbyter ex eódem Ordine, qui ob indeféssum fidei testimónium Barcinóne in Christo exaudítus est in glóriam.

14*. In vico *Puerto de Canals* in pago Valentíno Hispániæ, beátæ Crescéntiæ Valls Espí, vírginis et mártýris, quæ in persecutióne erga fidem martýrium passa est.

15*. In vico *Benifairó de Valldigna* in eódem pago Hispániæ, beátæ Mariæ ab Oblivióne Noguera Albelda, vírginis et mártýris, quæ, témpore eiúsdem persecutiónis, martýrium pro fide complévit.

16*. In vico *Gilet* item in pago Valentíno, beáti Bonaventúráe (Iúlii) Esteve Flors, presbýteri ex Ordine Fratrum Minórum Capuccinórum et mártýris, qui in eádem tempestáte ad Dóminum vi inimicórum fidei migrávit.

17*. In vico *Benifallim* in pago Lucentíno item in Hispânia, beátæ Mariæ Jordá Botella, vírginis et mártýris, quæ pro Christo egrégium perégit certámen.

18*. Matríti item in Hispânia, beáti Leónis (Emmanuélis) Legua Martí, presbýteri e Tértio Ordine Sancti Francísci Capulatórum a beáta Vírgine Perdolénti et mártýris, qui, eódem témpore persecutiónis, gloriósam obtínuit corónam.

Die 27 septémbris

Quinto Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

Memória sancti Vincéntii de Paul, presbýteri, qui, spíritu sacerdotáli plenus, Parísii in Gállia paupéribus addíctus, in fácie qualiscúmque doléntis vultum agnoscébat Dómini sui; ad formam primitívæ Ecclésiæ instaurándam, clerum sancte formándum et páuperes sublevándos Congregatiónem Missiónis instítuit et, sancta Ludovíca de Marillac cooperánte, Congregatiónem étiam Puellárum a Caritáte.

2. Medioláni in Transpadána, sancti Caii, epíscopi.

3. In castro Sedúno apud Æduos in Gállia, sancti Florentíni, qui una cum sancto Hilário Vandalórum gládio vulnerátus esse fertur.

4. In cœnóbio Lætiénsi in Hannónia Austrásiæ, sanctæ Hiltrúdis, vírginis, quæ, apud fratrem Guntárdum abbátem ábdita, piíssime vixit.

5. Córdubæ in Vandalicia Hispániæ regióne, sanctórum mártýrum Adólphi et Ioánnis, qui, fratres, in persecutióne Maurórum, témpore ‘Abd ar-Rahman regis Secúndi, martýrio pro Christo coronáti sunt.

6*. Faræ apud Cíngulum in Picéno Itáliæ, sancti Bonfilii, iam Fulginaténsis epíscopi, qui, post decem annos in Terra Sancta peráctos, in Itáliam rédiit, ut mónachus fieret in monastério Storacénsi, cui abbas ántea præfúerat, tandem in solitúdine óbiit.

7. Parísii in Gállia, sancti Elzeári de Sabran, qui, comes Ariáni, virginitáte cum beáta Delphína uxóre et ómnibus virtútibus servátis, adhuc florénti ætáte defúctus est.

8*. Pistórii in Etrúria, beáti Lauréntii de Ripafrácta, presbýteri ex Ordine Prædicatórum, qui sexagínta annos vitam regulárem fidéliter servávit, in audiéndis peccatóribus assíduus.

9*. In sórdido navígio áncoris deligáto prope Rupifórtium ad oram Gállia, beáti Ioánnis Baptístæ Laborier du Vivier, diáconi et mártýris, qui, témpore persecutiónis Ecclésiæ propter statum clericálem ad sævam captivitátem damnátus, gravi morbo consúptus occúbuit.

10*. Sagúnti in Hispánia, beatórum mártýrum Ioséphi Fenollosa Alcayna, presbýteri, et Fidélis (Mariáni) Climent Sanchés, religiósi ex Ordine Fratrum

Minórum Capuccinórum, qui, persecutióne erga fidem furénte, ságuinem pro Christo effuderunt.

11*. In vico *Gilet* in pago Valentíno item in Hispánia, betárum mátyrum Francíscae Xavériæ (Maríæ) Fenollosa Alcayna, religiósá e Tértio Ordine Capuccinárum a Sacra Família, et Hermínire Martínez Amigó, matrisfamílias, quæ, in eádem tempestáte, ságuine suo fidelitátem Dómino confirmáverunt.

Die 28 septémbris

Quarto Kalendas octobris. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	1	30	1	2	3	4	5							

Sancti Vencesláí, mátyris, qui, dux Bohemórum, sapiéntia divína et humána ab ávia sancta Ludmílla eruditus, sevérus in se, pacíficus vero in administrándo regno et erga páuperes miséricors, servos pagános Pragæ vendéndo turmátim redémit, ut baptizaréntur; post multas difficultátes susténtas in súbditis regéndo atque fide informándis, a fratre Bolesláo próditus, Véteris Boleslávíæ in Bohémia in ecclésia a sicáriis occísus est.

Sanctórum Lauréntii de Maníla Ruiz et quíndecim sociórum,¹³ mátyrum, qui, tum presbýteri cum religiósi vel láici, postquam fidem christiánam per ínsulas Philippínas, Formósam et Iapónicas dissemináverunt, ex decréto suprémi ducis Tokugawa Yemitsu Nagasákii in Iapónia separátis diébus pro Christi amóre mátyrium consummáverunt, sed una celebrántur commemoratióne.

3. Calydóne Pisídiæ, sanctórum fratrum Alpháei, Alexándri et Zósimi, mátyrum.

4. In Vétere Laura prope Bétlehem Palæstínæ, sancti Charitónis, abbátis, qui, oratióne et ieiúniis assíduus, plures lauras in desérto fundávit.

5. Bonóniæ in Æmília, sancti Zamæ, qui primus eiúsdem civitátis epíscopus habétur.
6. Tolósæ in Aquitánia, sancti Exsupérii, epíscopi, qui basílicam in honórem sancti Saturníni dicávit et, bárbaris irruéntibus, strénuum civitátis suæ defensórem se præbuit; quantum in se parcus, in álios vero largus exstíterit sanctus Hierónymus refert.
7. In Béthlehem Iudæ, commemorátio sanctæ Eustóchii, vírginis, quæ cum sancta Paula, matre sua, ex urbe Roma ad præsépe Dómini profécta est, ne sancti Hierónymi magístri consílio careret, ibíque præcláris méritis fulgens ad Dóminum migrávit.
8. Genévæ Helvetiórum, sancti Salónii, epíscopi, qui primum in ínsula Lirinénsi vitam monásticam egit, dein epíscopus efféctus sancti Leónis papæ Magni doctrínam assérui atque Sacras Scriptúras mýstice explanávit.
- 9*. Régii in Província Gállia, sancti Fausti, epíscopi, ántea abbátis Lirinénsis, qui contra ariános de Verbo Dei carne facto et de Spíritu Sancto consubstantiáli Patri Filióque coætérno scripsit et ab Euríco rege exsílio afféctus est.
- 10*. Lugdúni in Gállia, sancti Annemúndi, epíscopi et mártiris.
- 11*. Salisbúrgi in Bavária, sanctórum Chuniáldi et Gisiláarii, presbyterórum, qui sancto Rupérto epíscopo opem tulérunt.
12. Apud Mogúntiam in Rhenánia Austrásiæ, sanctæ Léobæ, vírginis, quæ a sancto Bonifátio propínquo suo ex Anglia in Germániam vocáta est et ad Túberam monastério præfécta, ubi ancíllas Dei ad perfectiónis viam verbo et exémplo diréxit.
- 13*. Pápiæ in Langobárdia, beáti Bernardíni de Féltria (Martíni) Tomitano, presbýteri ex Ordine Minórum, qui usquequáque bonam tulit frugem múnieris prædicatiónis sui, advérsus usúram Montes Pietátis, qui dicúntur, instítuit et, vir pacis, ad civíles discórdias componéndas a Xysto papa Quarto vocátus est.
14. Matríti in Hispánia, sancti Simónis de Rojas, presbýteri ex Ordine Sanctíssimæ Trinitátis pro redemptióne captivórum, qui, regínæ Hispániæ comitátui addíctus, currum aut mercédem numquam accépit, sed inter régios splendóres húmílem, páuperem, misericórdem in míseros et Deo ardénter devótum semper se præbuit.

15*. Nagasákii in Iapónia, beatórum Ioánnis Shozaburo, catechístæ, Máncii Ichizayemon, Michaélis Taiemon Kinoshi, Lauréntii Hachizo, Petri Terai Kuhioye et Thomæ Terai Kahioye, mártýrum, qui pro Christo decolláti sunt.

16*. In vico Sancti Felícis *de Codines* in Cataláunia Hispániæ regiône, beáti Francísci Xavérii Ponsa Casallarch, religiósi ex Ordine Sancti Ioánnis a Deo et mártýris, qui, persecutióne sæviénte, pro Christo et Ecclésia ad gloriósam palmam pervénit.

17*. In óppido *Benillup* in pago Lucentíno item in Hispânia, beátæ Amáliæ Abad Casasempere, mártýris, quæ, materfamílias, témpore persecutiónis erga fidem ob Christi testimónium coronáta est.

18*. Valentíæ item in Hispânia, beáti Ioséphi Tarrats Comaposada, religiósi e Societáte Iesu et mártýris, qui in eádem persecutióne in Christo exaudítus est in glóriam.

19*. In civitáte *Karadzar* prope Caragándam in Cazastánia, beáti Nicétæ Budka, epíscopi, qui, primus exércens munus in Cánada inter christifidéles cathólicos Ritus byzantíni, témpore regíminis in Deum hostílis, in campum detentiónis deportátus est, ubi in fide perseverans pro amóre Christi ómnia advérsa ánimi fortitúdine usque ad mortem tolerávit.

Die 29 septémbris

Tértio Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	1	2	1	2	3	4	5	6							

Festum Sanctórum Michaélis, Gabriélis et Rapháelis, archangelórum. In die dedicatiónis basilicæ sub título Sancti Michaélis via Salária miliário sexto ab Urbe antiquitus ædificátæ, una celebrántur tres Archángeli, quorum singuláres Scriptúra Sancta revélat missiões, qui die ac nocte Deo sérviant et vultum eius contemplántes ipsum incessánter glorificant.

2. Perínthi seu Heracléæ in Thrácia, sancti Euthýchii, epíscopi et mártiris.
3. Valeroctístæ in Arménia, sanctárum Rípsimis, Gaiánæ et sociárum, mártirum.
4. Autissiodóri in Gállia Lugdunénsi, sancti Fratérni, epíscopi.
5. In Palæstína, sancti Quiríaci, anachorétæ, qui nonagínta fere annos in spelúncis vitam duxit aspérrimam, anachoretárum exémpplar atque advérsus erróres Origenistárum veritátis fidei defensor.
- 6*. Medioláci ad Sarávum flúvium in Rhenánia, depositio sancti Liudwíni, epíscopi Trevirénsis, qui, monastérii huius loci fundátor, Remis óbiit.
- 7*. In ínsula Augia lacus Turicénsis apud Helvétios, sancti Adelríci, presbýteri et eremítæ.
- 8*. In Británnia Minóre, sancti Maurítii, abbátis primum Langoneténsis, dein Carnoeténsis monastérii Ordinis Cisterciénsis ab ipso cónditi, ubi sanctitátis signis clams quiévit.
- 9*. In monastério Cisterciénsium Longipóntis in Gállia, beáti Ioánnis de Monte Mirábili, qui ex claríssimo équite húmilis mónachus factus est.
- 10*. Apud Dariórigum ad oram Británnia e Minoris, beáti Cároli de Blesis, viri pii, mitis et húmilis, qui, dux Británnia e, etsi in número Fratrum Minórum adesse malúerat, coáctus tamen ad principátum ab adversário vindicándum, constans in ærúmnis diútinum cárcerem súbiit et in certámne iuxta Alréum occísus est.
- 11*. Romæ, beáti Nicolái de Furca Paléna, presbýteri ex Ordine Eremitárum Sancti Hierónymi, qui in colle Ianículo monastérium Sancti Onúphrii fundávit, ubi centenárius quiévit in Dómino.
- 12*. Leópolis in Polónia, sancti Ioánnis de Dukla, presbýteri ex Ordine Minórum, qui vitam abscónditam et ascéticam iuxta consuetúdines Observántium ducens, cum fervénti stúdio animárum curæ pastoráli óperam dedit atque christianórum unitátem fovit.
13. Nagasákii in Iapónia, pássio sanctórum Michaélis de Aozaráza, Guliélmi Courtet, Vincéntii Shiwozuka, presbyterórum ex Ordine Prædicatórum, Lázari de Kyoto et Lauréntii de Maníla Ruiz, patrisfamílias, mártirum, qui, annum ámplius in

cárcere deténti propter nomen christiánum, supplicium crucis subiérunt, dein decolláti sunt. Eórum memória, una cum áliis sóciis, pridie huius diéi acta est.

14. In vico *Ossernenon* in território Canadénsi, pássio sancti Renáti Goupil, mártiris, qui, médicus atque sancti Isaáci Jogues cooperátor, ab éthnico quodam secúris ictu occísus est.

15*. In vico *Gilet* prope Valéntiam in Hispánia, beáti Iacóbi Mestre Iborra, presbýteri ex Ordine Fratrum Minórum Capuccinórum et mártiris, qui, persecutióne erga fidem furénte, ságuinem pro Christo effúdit.

16*. Valéntiæ item in Hispánia, beatórum mártirum Pauli Bori Puig, presbýteri, et Vincéntii Salès Genovés, religiósi, e Societáte Iesu, qui pro Christo egrégium peregérunt certámen.

17*. In vico *Picadero de Paterna* in pago Valentíno item in Hispánia, beáti Darii Hernández Morató, presbýteri e Societáte Iesu et mártiris, qui in eádem persecutióne ánimam réddidit Deo.

18*. Illérdæ item in Hispánia, beáti Francísci de Paula Castélló i Aleu, mártiris, qui, in eádem persecutióne religiósa damnátus, æquo ánimo summáque firmitúde mortem pro Christo oppétere non dubitávit.

Die 30 septémbris

Pridie Kalendas octóbris. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	1	2	3	2	3	4	5	6	7							

Memória sancti Hierónymi, presbýteri et Ecclésiæ doctóris, qui, in Dalmátia natus, Romæ ómnium litterárum stúdia cultor exímus adéptus est ibíque baptizátus; dein, contemplatiónis vitæ virtúte captus et vitam ascéticam ampléxus, in Oriéntem perréxit et présbyter ordinátus est. Romam revérsus, a secrétis fuit Dámasi papæ, dein vero Béthlehem Iudæ constitútus ad monásticam conversatióne secéssit et in Sacris Scriptúris verténdis et explanándis doctor insígnis evásit. Mirum in modum

Ecclésiæ plúrium necessitátum párticeps fuit; demum, cum ad provéctam usque vixisset ætátem, in pace quiévit.

2. Placéntiæ in Æmília, sancti Antoníni, mártiris.

3. Solodóri apud Helvétios, sanctórum Ursi et Victóris, mártirum, qui ex Thebæa Legióne fuisse dicuntur.

4. In Arménia, sancti Gregórii, cognométo Illuminatóris, epíscopi, qui post magnos labóres in spelúncam prope confluéntes ramos Euphrátis recéssit ibíque in pace quiévit, apóstolus Armenórum hábitus.

5*. Massíliæ in Província Gállia, sanctæ Eusébiæ, vírginis, quæ a iuventúte ad senéctam Deo fidéliter famuláta est.

6. Cantuáriæ in Cántia Angliæ, sancti Honórii, epíscopi, qui, mónachus románu, a sancto Gregório papa Magno sancti Augustíni sócius ad evangelizándam Angliam missus est, cui tandem étiam in sede succéssit.

7*. Romæ, sancti Simónis, mónachi, qui, iam comes Crispeiénsis in Gállia, pátriæ, matrimónio omnibúsque renúntians vitam elégit monásticam, dein eremíticam in móntibus Iurénsibus; sáepius tamen petítus, ut legatús pacem inter príncipes conciliáret, in Urbe óbiit atque ad Sanctum Petrum sepúltus est.

8. Apud Nuscum in Hirpínia, sancti Amáti, epíscopi.

9*. Deæ Vocontiórum in Gállia, sancti Ismidónis, epíscopi, qui, amóre locórum sanctórum flagrans, bis Hierosólymam pie peregrinátus est.

10*. Pisáuri in Picéno Itáliæ, beátæ Felíciæ Meda, abbatíssæ ex Ordine Clarissárum.

11. Romæ, sancti Francísci de Borja, presbýteri, qui, mórtua uxóre, a qua octo filios habúerat, Societátem Iesu ingrédus est et, abdicátis sáeculi et recusátis Ecclésiæ dignitatibus, præpósitus generális eléctus, vitæ asperitáte ac oratióne memorábilis éxstitit.

12*. Ad oram Gállia ante fretum maris Rupifórtii, beáti Ioánnis Nicolái Cordier, presbýteri et mártiris, qui, Societáte Iesu suppressa, ministérium sacerdotále egit in

pago Virodunénsi, donec, sæviēnte gállica perturbatióne, in actuárium ad áncoras in salo constitútam coniēctus quod sacérdos esset, dira inédia ægrótus occúbuit.

13*. In vico *Lanzo* apud Augústam Taurinórum in Itália, beáti Frideríci Albert, presbýteri, qui, paróchus, ad míseros omnímodo sublevándos Congregatiónem Sorórum Sancti Vincéntii de Paul ab Immaculáta Conceptione fundávit.

14. Lexóvii item in Gállia, natális sanctæ Terésiae a Iesu Infante, cuius memória eras ágitur.

¹ Quorum nomina: beáti Processus (Joachim) Ruiz Cascales, Euthymius (Nicolaus) Aramendia García, Canutus (Iosephus) Franco Gómez, Dosithreus (Gulielmus) Rubio Alonso, Cresarius (Marianus) Nifio Pérez, Bénéiamin (Alexander) Cobos Celada, Carmelus (Isidorus) Gil Arano, Cosmas (Simon) Brun Arara, Crecilius (Henricus) López López, Rufinus (Crescentius) Lasheras Aizcorbe et Faustinus (Antonius) Villanueva Igual, religiósí.

² Quorum nomina: beáti Vincentius Abraham, Andréas Angar, Ioáñnes Baptísta Claudius Aubert, Franciscus Balmain, Ioáñnes Petrus Bangué, Ludovicus Franciscus Andréas Barret, Ioséphus Becavin, Jacobus Iulius Bonnaud, Ioáñnes Antonius Hyacinthus Boucharene de Chaumeils, Ioáñnes Franciscus Bosquet, Claudius Cayx seu Dumas, Ioáñnes Charton de Millon, Claudius Chaudet, Nicolaus Clairet, Claudius Colin, Franciscus Dardan, Gulielmus Antonius Delfaut, Maturinus Victor Deruelle, Gabriel Desprez de Roche, Thomas Nicolaus Dubray, Thomas Renatus Dubuisson, Franciscus Dumasrambaud de Calandelle, Henricus Hippolytus Ermes, Armandus de Foucauld de Pontbriand, Jacobus Friteyre-Durvé, Claudius Franciscus Gagnieres des Granges, Ludovicus Lauréntius Gaultier, Ioáñnes Goizet, Andréas Grasset de Saint-Sauveur, Ioáñnes Antonius Guilléminet, Ioáñnes Baptísta Jannin, Ioáñnes Lacan, Petrus Landry, Claudius Antonius Radulphus de Laporte, Robertus le Bis, Maturinus Nicolaus Le Bous de Villeneuve de la Villecrochain, Oliverius Lefevre, Carolus Franciscus Legue, Jacobus Ioséphus Lejardinier Deslandes, Jacobus Ioáñnes Lemeunier, Vincentius Ioséphus le Rousseau de Rosencourt, Franciscus Cibsar Londiveau, Ludovicus Longuet, Jacobus Franciscus de Lubersac, Gaspar Claudius Maignien, Ioáñnes Philíppus Marchand, Ludovicus Mauduit, Franciscus Ludovicus Meallet de Fargues, Jacobus Alexánder Menuret, Ioáñnes Baptísta Nativelle, Renatus Nativelle, Matthias Augustínus Nogier, Ioséphus Thomas Pazery de Thorame, Iulius Honoratus Cypriánus Pazery de Thorame, Petrus Franciscus Pazery de Thorame, Petrus Ploquin, Renatus Nicolaus Poret, Iuliánus Poulain-Delaunay, Ioáñnes Robertus Queneau, Franciscus Urbánus Salins de Niart, Ioáñnes Henricus Ludovicus Samson, Ioáñnes Antonius de Savine, Ioáñnes Antonius Barnabas Seguín, Ioáñnes Baptísta María Tessier, Lupus Thomas seu Bonnotte, Franciscus Vareille-Duteil, Petrus Ludovicus Ioséphus Verrier; atque Ludovicus Barreau de la Touche, e Congregatióne Sancti Mauri Ordinis Sancti Benedicti; Ioáñnes Franciscus Burte, ex Ordine Fratrum Minórum; Apollináris (Ioáñnes Iacobus) Morel, ex Ordine Fratrum Minórum Capuccinórum; Ambrósíus Augustínus Chevreux et Renatus Iuliánus Massey, ex Ordine Sancti Benedicti; Bernárdus Franciscus de Cucsac, Iacobus Gabriel Galais, Petrus Gauguin, Petrus Michæl Guerin, Iacobus Stephanus Philíppus Hourrier, Henricus Augústus Luzeau de la Mulonniere, Ioannes Baptísta Michæl Pontus, Petrus Nicolaus Psalmonet Claudius Rousseau, e Societate a Sancto Sulpitio; Carolus Ieremias Berauld du Perou, Franciscus Ludovicus Hebert et Franciscus Lefranc, e Societate Iesu et Marire, Urbanus Lefevre, e Societate Parisiensi Missiόνum ad exterar gentes; Severinus (Georgius) Girauld, e Tertio Ordine Régulari Sancti Francisci, omnes presbyteri; Ludovicus Alexius Matthias Boubert, Stephanus Franciscus Deusdedit de Ravinel et Iacobus Augustinus Robert de Lezardieres, diaconi; Salomon (Gulielmus Nicolaus Ludovicus) Leclercq, religiosus Scholárum Christiánarum; Augustus Nezel, cléricus, atque Carolus Regis Matthreus de la Calmette.

³ Quorum nomina: beati Daniel Ludovicus Andre des Pommerayes, Ludovicus Remigius Benoist, Ludovicus Renatus Nicolaus Benoist, Antonius Carolus Octavianus du Bouzet, Ioannes Andréas Capeau, Armandus Chapt de Rastignac, Claudius Fontaine, Petrus Ludovicus Gervais, Sanctus Hure, Ioannes Ludovicus Guyard de Saint-Clair, Alexánder Carolus Lenfant, Laurentius, Ludovicus le Danois, Thomas Ioannes Monsaint, Franciscus Iosephus Pey, Ioannes

Iosephus Rateau, Marcus Ludovicus Royer, Ioannes Petrus Simon, necnon Carolus Ludovicus Hurtrel, ex Ordine Minimorum, omnes presbyteri, et Ludovicus Bénéjamin Hurtrel, diáconus.

⁴ Quorum nomina: beáti presbyteri Vincentius Carvalho et Franciscus Terrero, ex Ordine Eremitarum Sancti Augustini; Antonius Ishida, e Societate Iesu; Hieronymus Jo; Gabriel a Magdalena, religiosus ex Ordine Fratrum Minorum.

⁵ Quorum nomina: beáti Renatus Maria Andrieux, Petrus Paulus Balzac, Ioannes Franciscus Maria Benoit seu Vourlat, Michæl Andréas Silvester Binard, Nicolaus Bize, Petrus Bonze, Petrus Briquet, Petrus Brisse, Carolus Carnus, Bertrandus Antonius de Caupenne, Iacobus Dufour, Dionysius Claudius Duval, Ioséphus Falcoz, Gilbertus Ioannes Fautrel, Philibertus Fougere, Petrus Ioannes Garrigues, Nicolaus Gaudreau, Stéphanus Michæl Gillet, Georgius Hieronymus Giroust, Ioséphus Maria Gros, Petrus Guerin du Rocher, Robertus Franciscus Guerin du Rocher, Ivo Andréas Guilan de Keranrun, Iulianus Franciscus Bedouin, Petrus Franciscus Henocq, Eligius Herque seu du Roule, Petrus Ludovicus Jaret, Iacobus de la Lande, Jegidius Ludovicus Symphorianus Lanchon, Ludovicus Ioannes Matthreus Lanier, Ioannes Ioséphus de Laveze-Belay, Michæl Leber, Petrus Florentius Leclercq, Ioannes Carolus Legrand, Ioannes Petrus Le Laisant, Iulianus le Laisant, Ioannes Lemaltæ, Ioannes Thomas Leroy, Martinus Franciscus Aléxius Loublier, Claudius Ludovicus Marmotant de Savigny, Claudius Silvanus Mayneaud de Bizefranc, Henricus Ioannes Millet, Franciscus Ioséphus Monnier, Maria Franciscus Mouffle, Ioséphus Ludovicus Oviere, Ioannes Michæl Philippot, Iacobus Rabe, Petrus Robertus Regnet, Ivo Ioannes Petrus Rey de Kervizic, Nicolaus Claudius Roussel, Petrus Saint-James, Iacobus Ludovicus Schmid, Ioannes Antonius Seconds, Petrus Iacobus de Turmenies, Renatus Ioséphus Urvoy, Nicolaus Maria Verron, Carolus Victor Veret, omnes presbyteri, necnon Ioannes Carolus Maria Bernard du Cornillet, canonicus ex abbátia Sancti Victoris Parisiensis; Ioannes Franciscus Bonnel de Pradel et Claudius Pons, canonici ex abbátia Sanctæ Genovefre Parisiensis; Ioannes Carolus Caron, Nicolaus Colin, Ludovicus Ioséphus Francois et Ioannes Henricus Gruyer, e Congregatione Missionis; Claudius Bochat et Eustachius Felix, e Congregatione Patrum a Doctrina Christiana; Cosmas (Ioannes Petrus) Duval, ex Ordine Fratrum Minorum Capuccinorum; Petrus Claudius Pottier, e Societate Iesu et Mariæ; atque Sebastianus Desbrielles, magister scholæ Parisiis, Ludovicus Franciscus Rigot et Ioannes Antonius Ioséphus de Villette.

⁶ Quarum nomina: sanctæ Maria Pak Kun-a-gi Hui-sun, soror sanctæ Lúciæ Pak Hui-sun; Bárbara Kwon-hui, uxor sancti Augustini Yi Kwang-hem; Bárbara Yi Chong-hui; Maria Yi Yon-hui, uxor sancti Damiáni Nam Myong-hyog; Agnes Kim Hyo-ju.

⁷ Quorum nomina: beáti Dóminicus de Nagasakio, religiosus ex Ordine Fratrum Minorum; Thomas a Sancto Hyacintho et Antonius a Sancto Dóminico, religiosi ex Ordine Prædicatorum; Lúcia Ludovica, vídua; Ioannes Tomachi et filii eius Dóminicus, Michæl, Thomas et Paulus; Ioannes Imamura, Paulus Sadayu Aybara, Románus Aybara et filius eius Leo, Iacobus Hayashida, Matthreus Alvarez, Michæl Yamada et filius eius Laurentius, Ludovicus Higashi et filii eius Franciscus et Dóminicus.

⁸ Quorum nomina: beáti Angelus Orsucci, Alphonsus de Mena, Ioséphus a Sancto Hyacintho de Salvanes, Hyacinthus Orfanel, presbyteri ex Ordine Prædicatorum, atque Dóminicus a Rosário et Aléxius, religiosi ex eodem Ordine; Richardus a Sancta Anna et Petrus de Abula, presbyteri ex Ordine Fratrum Minorum, atque Vincentius a Sancto Iosepho, religiosus ex eodem Ordine; Carolus Spinola, presbyter e Societate Iesu, atque Gundisalvus Fusai, Antonius Kiuni, Thomas a Rosario, Thomas Akaboshi, Petrus Sampo, Michæl Shumpo, Ludovicus Kawara, Ioannes Chugoku, religiosi ex eadem Societate; Leo de Satsuma, Lúcia de Freitas; Antonius Sanga, catechista, et Magdalena, coniuges; Antonius Coréanus, catechista, et Maria, coniuges, cum filiis eorum Ioanne et Petro; Paulus Nagaishi et Theda, coniuges, cum filio eorum Petro; Paulus Tanaka et Maria, coniuges; Dóminicus Yamada et Clara, coniuges; Isabella Fernández, vídua beáti Domínici Jorge, cum filio eius Ignatio; Maria, vídua beáti Andréæ Tokuan; Agnes, vídua beáti Cosmæ Takeya; Maria, vídua beáti Ioannis Shoun; Dóminica Ogata, Maria Tanaura, Apollonia et Catharina, víduæ; Dóminicus Nakano, filius beáti Matthiæ Nakano; Bartholomæus Kawano Shichiemon; Damianus Yamichi Tanda et filius eius Michæl; Thomas Shichiro, Rufus Ishimoto; Clemens (Bosio) Vom et filius eius Antonius.

⁹ Quorum nomina: beáti Franciscus a Sancto Bonaventúra et Petrus a Sancta Clara, religiosi ex Ordine Fratrum Minorum, atque Dóminicus Magoshichi et Matthreus a Sancto Thoma Chiwiato, religiosi ex Ordine Prædicatorum.

¹⁰ Quorum nomina: sancti Simeon Berneux, Antonius Daveluy, Lauréntius Imbert, episcopi; Iustus Ranfer de Bretenières, Ludovicus Beaulieu, Petrus Henricus Dorie, Petrus Maubant, Iacobus Chastan, Petrus Aumaitæ, Martinus

Lucas Huin, presbýteri; Ioánnes Yi Yun-il, Andréas Chong Hwa-gyong, Stéphanus Min Kuk-ka, Paulus Ho Hyob, Augustínus Pak Chongwon, Petrus Hong Pyong-ju, Paulus Hong Yong-ju, Josephus Chang Chu-gi, Thomas Son Chason, Lucas Hwang Sok-tu, Damianus Nam Myong-hyog, Franciscus Ch'oe Kyong-hwan, Carolus Hyon Songmun, Laurentius Han I-hyong, Petrus Nam Kyong-mun, Augustínus Yu Chin-gil, Petrus Yi Ho-yong, Petrus Son Son-ji, Benedícta Hyon Kyong-nyon, Petrus Ch'oe Ch'ang-hub, catechistæ; Agatha Yi, María Yi In-dog, Bárbara Yi, María Won Kwi-im, Terésia Kim Im-i, Columba Kim Hyo-im, Magdaléna Cho, Elisabeth Chong Chong-hye, vírgines; Terésia Kim, Bárbara Kim, Susanna U Sur-im, Agatha Yi Kan-nan, Magdaléna Pak Pongson, Perpétua HongKum-ju, Catharína Yi, Cæcilia Yu So-sa, Bárbara Cho Chung-i, Magdaléna Han Yong-i, víduæ; Magdaléna Son So-byog, Agatha Yi Kyong-i, Agatha Kwon Chin-i, Ioánnes Yi Mun-u, Bárbara Ch'oe Yong-i, Petrus Yu Chong-nyul, Ioánnes Baptísta Nam Chongsam, Ioánnes Baptísta Chon Chang-un, Petrus Ch'oe Hyong, Marcus Chong Ui-bæ, Aléxius U Se-yong, Antonius Kim Song-u, Protasius Chong Kuk-ho, Augustínus Yi Kwang-hon, Agatha Kim A-gi, Magdaléna Kim O-bi, Bárbara Han A-gi, Anna Pak A-gi, Agatha Yi So-sa, Lúcia Pak Hui-sun, Petrus Kwon Tu-gin, Josephus Chang Song-jib, Magdaléna Yi Yong-hui, Terésia Yi Mæ-im, Martha Kim Song-im, Lúcia Kim, Rosa Kim, Anna Kim Chang-gum, Ioánnes Baptísta Yi Kwang-nyol, Ioánnes Pak Hu-jæ, María Pak Kun-a-gi Hui-sun, Bárbara Kwon-hui, Bárbara Yi Chong-hui, María Yi Yon-hui, Agnes Kim Hyo-ju, Catharína Chong Ch'or-yom, Josephus Im Ch'i-bæg, Sebastianus Nam I-gwan, Ignatius Kim Che-jun, Carolus Cho Shinch'ol, Iulitta Kim, Agatha Chon Kyong-hyob, Magdaléna Ho Kye-im, Lúcia Kim, Petrus Yu Tæch'ol, Petrus Cho Hwa-so, Petrus Yi Myong-so, Bartholomæus Chong Mun-ho, Josephus Petrus Han Chac-kwon, Petrus Chong Won-ji, Josephus Cho Yun-ho, Bárbara Ko Sun-i, Magdaléna Yi Yong-dog.

¹¹ Quorum nomina: sancti Petrus Nam Kyong-mun, catechista; Teresia Kim Im-i, virgo; Susanna U Sur-im et Agatha Yi Kan-nan, vidme; Catharina Chong Ch'or-yom et Josephus Im Ch'i-bæg, baptizatus in carcere.

^{*12} Quorum nomina: sancti Ignatius Kim Che-jun, Carolus Cho Shin-ch'ol, Columba Kim Hyo-im, virgo; Magdaléna Pak Pong-son et Perpétua Hong Kum-ju, víduæ; Iulitta Kim, Agatha Chon Kyong-hyob, Magdaléna Ho Kye-im.

OCTOBER

Die 1 octobris

Kaléndis octóbris. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	1	2	3	4	3	4	5	6	7	8							

Memória sanctæ Teresiæ a Iesu Infante, vírginis et Ecclésiæ doctóris, quæ, monastérium Carmelitárum Lexoviense in Gállia adhuc adulescéntula ingrèssa, innocéntia ac simplicitáte vitæ magístra sanctitátis in Christo effécta, viam ad christiánam perfectiónem per spiritálem infántiam dócuit atque in animárum salútem et Ecclésiæ increméntum omnem mýsticam sollicitúdinem infúdit, vitam consúmmandam vicésimo quinto ætátis suæ anno. Obiit vero die trigésima septémbris.

2. Sacilínii in Gállia Bélgica, sancti Piatónis, qui présbyter, evangelizátor Tornacénsium et martyr cólitur.

3. Ulyssipóne in Lusitánia, sanctórum Veríssimi, Máximæ Iúia, mártirum.

4. Constantinópoli, sancti Románi, diáconi, qui, ex sublími arte in hymnis ecclésiasticis in honórem Dómini atque sanctórum componéndis, Melódus cognominári méruit.

5. Tréviris in Rhenánia Austrásiæ, sancti Nicétii, epíscopi, qui, teste sancto Gregório Turonénsi, fortis in prædicádo, terríbilis in arguéndó, constans in docéndo, sub Clotário rege Francórum exsílio afféctus est.

6. Gandávi in Flándria Néustriæ, sancti Bavónis, mónachi, qui sancti Amándi discípulus fuit et, sáeculo valedicens, distribútis bonis paupéribus, in monastérium hoc in castro cónditum se cóntulit.

7*. Condáte ad Scaldim in Hannónia Austrásiæ, sancti Wasnúlphi, mónachi, pátria scoti.

8. Cantuáriæ in Anglia, sancti Geráldi Edwards, presbýteri et mártiris, qui, in Gállia ordinátus et in patriam, persecutióne Elísabeth reginæ Primæ furénte, revérsus, post diútinum cárcerem patíbulo martýrium complévit. Simul cum eo passi sunt beáti Robertus Wilcox et Christóphorus Buxton, presbýteri, item propter sacerdotium, et Robertus Widmerpool, quad sacerdotem adiuvísset.

9*. Cicéstriæ item in Anglia, beatórum Radúlphi Crockett et Eduárdi James, presbyterórum et mártýrum, qui, ex Collégio Anglórum Reménsi in pátriam regréssi, propter solum sacerdotium ad patíbuli supplícia ducti sunt.

10*. Gippevíci item in Anglia, beáti Ioánnis Robinson, presbýteri et mártýris, qui, paterfamílias, uxóre defúncta, propter sacerdotium in summa senectúte susceptum martýrio coronátus est.

11*. Nagasákii in Iapónia, beatórum Gásparis Hikojiro et Andréæ Yoshida, mártýrum, qui, catechístæ, cum sacerdotés domi suscepissent, cápitis detruncatióem subiérunt.

12*. Sarónni prope Varésium in Langobárdia Itáliæ, beáti Aloýsii Maríæ Monti, religiósi, qui, etsi condicióem servans laicálem, Fílios ab Immaculáta Conceptione instituit, quos in spíritu caritátis erga páuperes et egénos diréxit, præsertim infirmis orphanisque assidendo et iúvenum institutióni cavens.

13*. In vico *Rotglá y Corbera* in pago Valentíno Hispániæ, beátæ Floréntiæ Cærols Martínez, vírginis et mártýris, quæ, témpore persecutiónis erga fidem, per martýrium vitæ æternæ glóriam cónsequi méruit.

14*. In vico *Villena* in eódem pago Hispániæ, beáti Alvári Sanjuán Canet, presbýteri e Societáte Salesiána et mártýris, qui in eádem tempestáte per agónem certáminis ad palmam copiósam est ductus.

15*. Prope Monáchium Baváriæ in Germánia, beáti Antónii Rewera, presbýteri et mártýris, qui, e Polónia in castra detentiónis Dacháni propter Christi confessióem cónditus, per torménta ad corónam martýrii pervénit.

Die 2 octobris

Sexto Nonas octóbris. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	1	2	3	4	5	4	5	6	7	8	9							

Memória sanctórum Angelórum Custódum, qui, primum ad contemplándam in splendóre faciém Dei vocáti, a Dómino étiam apud hómines commíssi sunt, ut iis invisíbili sua, sed sollicita, præséntia adéssent ac consúlerent.

2. Nicomedíæ in Bithýnia, sancti Eleuthérii, mártiris.

3*. Numánciæ in Hispánia Carthaginénsi, sancti Satúrii, eremítæ.

4. Sarcinióne in território Néustriæ Atrebaténsis, pássio sancti Leodegárii, Augustodunénsis epíscopi, quem, váriis afflíctum iniúriis et excæcátum, Ebroínus maiordómus aulæ régiæ Theodoríci iniúste interfécit. Cum eo cólitur memória fratris eius sancti Geríni, mártiris, qui, duóbus annis ántea, eiúsdem Ebroíni iussu lapídibus óbrutus est.

5*. Andágii in saltu Arduénnæ in Austrásia, sancti Beregísi, abbátis, qui monastérium Clericórum Regulárium ibídem fundávit eíque sédulo præfuit.

6*. In Rætia, sancti Ursicíni, epíscopi Curiénsis et primi abbátis monastérii Disentinénsis ab ipso fundáti.

7. Constantinópoli, commemorátio sancti Theóphili, mónachi, qui pro defensióne sacrárum Imáginum a Leóne Isáurico sævíssime cæsus est et in exsílium pulsus.

8*. Nagasákii in Iapónia, beatórum Ludovíci Yakichi et Lúciæ, cóniugum, atque filiórum eórum Andréæ et Francísci, mártirum, qui pro Christo mortem obiérunt, púeris cum matre coram patre decollátis, ipso póstea in ignem proiécto.

9*. In salo ante Rupifórtium in Gállia in squálida corbíta áncoris deligáta, beáti Geórgii Edmúndi René, presbýteri et mártiris, qui, canónicus Vezeliacénsis, témpore gállicæ perturbatiónis ad navália víncula damnátus quod munus sacerdotále exercéret, córporis tabe consúptus occúbuit.

10*. Lugdúni in Gállia, beáti Antónii Chevrier, presbýteri, qui Opus Providéntiæ Pradénse instituit, ubi sacerdótes ad iúvenes páuperes christiána religióne docéndos compararéntur.

11*. Fianarantsóæ in Madagascária, beáti Ioánnis Beyzym, presbýteri e Societáte Iesu, qui férvidam hac in ínsula pro leprósis exércuit navitátem, quorum córpori et spíritui magna ope caritátis inservívit.

12*. Prope Castáliam ad oram Hispániæ, beatórum Francísci Carceller, ex Ordine Clericórum Regulárium Scholárum Piárum, et Isidóri Bover Oliver, e Sodalitáte sacerdotum operariórum diœcesanórum, presbyterórum et mártýrum, qui, persecutióne sæviénte, in ódium sacerdotii ante murum cœmetérii plumbis interémpti martýrium consummáruunt.

13*. In vico *Sax* prope Lucéntum item in Hispânia, beatórum Elíæ et Ioánnis Baptistæ Carbonell Mollá, presbyterórum et mártýrum, qui, fratres, in eádem persecutióne erga Ecclésiám plumbis interfécti sunt.

14*. In vico *Silla* prope Valéntiam item in Hispânia, beátæ Maríæ Guádalupe (Maríæ Francíscæ) Ricart Olmos, religiósæ ex Ordine Servórum Maríæ et mártýris, quæ in eádem tempestáte ob Christi testimónium coronáta est.

15*. In urbe *Stanislawów* in Polónia, beátæ Maríæ Antonínæ Kratochwil, vírginis e Congregatióne Sorórum Scholarium a Dómina Nostra et mártýris, quæ, belli témpore, cárceri propter fidem data est, ubi cruciátibus pro Christo Sponso afflícta occúbuit.

Die 3 octobris

Quinto Nanas octóbris. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
1	2	3	4	5	6	5	6	7	8	9	10							

1. **C**ommemorátio sancti Dionýsii Areopagítæ, qui Christo a beáto Paulo Apóstolo coram Areopágo prædicáto adhæsit et primus Atheniénsium epíscopus constitútus est.

2. Romæ in cœmetério Pontiáni via Portuénsi, sanctæ Cándidæ, mártýris.

3. Alexandríæ in Ægýpto, commemorátio sanctórum Fausti, Caii, Petri, Pauli, Eusébii, Chærémonis, Lúcii et aliórum duórum, qui primum sub Décio imperatóre, demum sub Valeriáno, iussu Æmilíani præsidis cum sancto Dionýsio epíscopo multa passi sunt, confessóres fidei, inter quos vero Faustus sub império Diocletiáni étiam martýrii palmam méruit.

4. Maiúmæ in Palæstína, commemorátio sancti Hesýchii, mónachi, qui sancti Hilariónis discipulus fuit et in peregrinatióne sócius.

5. Commemorátio sancti Maximiáni, epíscopi Bagaiénsis in Numídia, qui, ab hæréticis íterum íterúmque sævissíma perpéssus, ex alta dénique turri præcipitátus est et pro mórtuo derelíctus; sed, póstmodum a transeúntibus colléctus et sanátus, cathólicam fidem propugnáre non déstitit.

6*. Telónii in Província Gállíæ, sancti Cypriáni, epíscopi, qui, sancti Cæsárii Arelaténsis discipulus, plúribus in sýnodis orthodóxam de grátia fidem deféndit, nihil per se proféctus inténdens e divínis quemquam arrípere posse, nisi prímitus Dei grátia præveniéntem vocátum.

7. Apud Sáxones, sanctórum mártyrum duórum Ewaldórum, cognoménto altérius Nigri, altérius Albi, qui, presbýteri natióne angli, sancti Willibrórdi et sociórum exémplo institúti ad Sáxones transiérunt et, cum illis prædicáre Christum cœpíssent, a pagánis comprehénsi martýrium consummárun.

8*. In monastério Metheménsi in Bavária, beáti Uthónis, fundatóris et primi abbátis.

9. In pago Namurcénsi Lotharíngiæ, sancti Gerárdi, primi abbátis monastérii Broniénsis ab ipso cónditi, qui tam in Flándria quam in Lotharíngia monásticæ disciplínæ instaurándæ óperam dedit et plura cœnóbia ad prístinam régulæ observántiam revocávit.

10*. Cúriæ Rhætórum apud Helvétios, beáti Adalgótti, epíscopi, qui, Claraválle discipulus sancti Bernárdi, de disciplína monástica óptime méritus est.

11*. Ad ripam flúminis *Uruaçu* prope Natáliam in Brasília, beatórum Ambrósii Francísci Ferro, presbýteri, et sociórum,¹ mártyrum, qui víctimæ oppressiónis contra Cathólicam fidem patrátæ occubuérunt.

12*. Matríti in Hispánia, beáti Crescéntii García Pobo, presbýteri e Tértio Ordine Sancti Francísci Capulatórum a beáta Vírgine Perdolénti et mártyris, qui, persecutióne erga fidem sæviéntem, sánguinem pro Christo effúdit.

Die 4 octobris

Quarto Nonas octóbris. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	1
A	B	C	D	E	F	F	G	H	M	N	P							
2	3	4	5	6	7	6	7	8	9	10	11							

Memória sancti Francísci, qui post expeditam iuventutem convérsus Asísii in Umbria vitam evangélicam delégit, Iesu Christo in paupéribus máxime derelictisque invénto ipse pauper factus desérviens, et Fratres Minóres sibi in Societáte adiúnxit; amórem Dei ómnibus in itinere adúsque Terram Sanctam prædicávit, in verbis et gestis perféctam Christi quærens sequélam, et super nudam terram obíre vóluit.

2. Bonóniæ in Æmília, sancti Petróonii, epíscopi, qui e mundána potestáte in sacerdotii munus ascéndit et de officio episcopáli scriptis et exémplo dócuit.

3*. In pago Gállia Turonénsi, sancti Quintíni, mártiris.

4. Parísii item in Gállia, sanctæ Aureæ, abbatíssæ, quam sanctus Elígius monastério præpósuit intra civitátem ab ipso fundáto sub Régula sancti Columbáni, ubi trecéntas vírgines congregáverat.

5*. Novæ Auréliæ in Ludoviciána e Civitatibus Fœderátis Américæ Septemtrionális, beáti Francísci Xavérii Seelos, presbýteri e Congregatióne Sanctíssimi Redemptóris, e Bavária oriúndus, de puerórum, iúvenum et migrántium necessitatibus assídue sollicitus.

6*. In vico *Xaraco* in pago Valentíno Hispániæ, beáti Henríci Morant Pellicer, presbýteri et mártiris, qui, témpore persecutiónis, certámen pro fide complévit.

7*. Prope civitátem *Gandía* in eódem pago Hispániæ, beáti Ioséphi Canet Giner, presbýteri et mártiris, qui ob fidelitátem erga Christum sacrificio Salvatóris sociári méruit.

8*. In óppido *Bellrreguart* item in pago Valentíno, beáti Alaphrídi Pellicer Muñoz, religiósi ex Ordine Fratrum Minórum et mártýris, qui in eádem tempestáte ad palmam usque Christi fidem confirmávit.

Die 5 octobris

Tértio Nonas octóbris. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	1	2
A	B	C	D	E	F	F	G	H	M	N	P							
3	4	5	6	7	8	7	8	9	10	11	12							

1. **T**réviris in Gállia Bélgica, commemorátio sanctórum mártýrum, qui tempóribus persecutiónis Diocletiáni imperatóris palmam adépti esse credúntur.

2. Corýci in Cilícia, sanctæ Charitínæ, mártýris.

3. Commemorátio sanctæ Mamláchæ, vírginis et mártýris, quæ, e Garamæórum terra in Pérsidem profécta, a Sápore rege Secúndo interficí iussa est.

4. Iúliæ Valentíæ in pago Viennénsi Gállia, sancti Apollináris, epíscopi, qui, frater sancti Avíti Viennénsis epíscopi atque vir iustítia et honestátis fervóre incénsus, post longam Valentinénsis sedis vacatiónem, christiánæ religiónis vires et prístinum decus restítuit.

5. Commemorátio sancti Plácidi, mónachi, qui inde a puerítia caríssimus fuit discípulus sancti Benedícti.

6*. Nivérni in Néustria, sancti Hierónymi, epíscopi, cuius munificéntia et pastoráli sollicitúdine Ecclésia Ípsius locupletáta est.

7*. Apud Paderbórnem in Saxónia, sancti Meinúlphi, díaconi, qui monastérium Budicénse extrúxit et locupletávit, ubi sacras vírgines constitúit.

8. Legióne in Hispánia, commemorátio sancti Froiláni, epíscopi, qui, ex eremíta ad episcopátum evéctus, Hispániæ regiónes a iugo Maurórum liberátas evangelizávit, monásticæ vitæ propagándæ stúdio ac beneficéntia in páuperes clarus.

9. Zamórre item in Hispánia, commemorátio sancti Attiláni, epíscopi, qui, primum mónachus, máximus comes fuit sancti Froiláni ad regiões prius a Mauris devastátas ad Christum alliciéndas.

10*. Floréntiæ in Etrúria, beáti Petri de Fora Cornélii, qui, eques Ordinis Sancti Ioánnis Hierosolymitáni, in curam infirmórum pia caritatē incúbuit.

11*. Belli Loci in pago Cadurcénsi in Gállia, commemorátio sanctæ Floræ, vírginis ex Ordine Sancti Ioánnis Hierosolymitáni, quæ in valetudinário páuperes ægrótos curávit atque corde et corpore Christi passióem comunicávit.

12*. Coræ in Látio, beáti Sancti, presbýteri ex Ordine Eremitárum Sancti Augustíni, quem verbum Dei prædicántem multitúdo secúta est.

13*. Norimbérgæ in Bavária, beáti Raymúndi de Víneis, presbýteri ex Ordine Prædicatórum, qui sanctæ Catharínæ Senénsis prudens ánimi moderator fuit eiúsque vitæ Memóriam compósuit.

14*. Viglébani in Langobárdia, beáti Matthæi (Ioánnis Francísci) Carreri, presbýteri ex Ordine Prædicatórum, qui véhemens ac facundíssimus fuit verbi Dei ætátis suæ concionátor.

15*. Londínii in Anglia, beatórum mártýrum Guliélmi Hartley et Ioánnis Hewett, presbyterórum, atque Robérti Sutton, qui ob constántiam erga Ecclesiám cathólicam sub Elísabeth regína Prima divérsis in locis prope civitátem láqueo suspénsi sunt.

16*. In vico *Mindelstetten* pagi Ratisbonénsis in Germánia, beatæ Annæ Schäffer, vírginis, quæ undevigínti annos nata, munus fámulæ explens, aqua fervénti adústa est ac deinceps, progrediénte infirma eius valetúdine, æquo ánimo pauper et orans vixit, crucem ferens dolóris sui pro salúte animárum.

17*. Pompéiis apud Neápolim in Itália, beáti Bartholomæi Longo, qui, iurisperítus, de mariáli cultu et de christiána institutióne agricolárum puerorúmque sollicitus, Rosárii sanctuárium in Valle Pompeiána et Sorórum eiúsdem tituli Congregatióem, pia uxóre opes ferénte, fundávit.

18. Apud locum *Tepatitlán* in México, sancti Tranquillíni Ubiarco, presbýteri et mártýris, qui, persecutióne in Ecclesiám sæviénte, ministérium pastorále indesinéter implévit, quaprópter árbori suspensus martýrium gloriósum perfécit.

19. Cracóviæ in Polónia, sanctæ Mariæ Faustínæ (Hélenæ) Kowalska, vírginis e Soróribus Beátæ Mariæ Vírginis a Misericórdia, de mystério divínæ misericórdiæ patefaciéndó valde sollicitæ.

20*. In óppido *Plonkowo* item in Polónia, beáti Mariáni Skrzypczak, presbýteri et mártiris, qui, témpore occupatiónis Polóniæ sub regímine in Deum hostíli, ob invíctam fidem ante ecclésiám plumbis interféctus palmam martýrii accépit.

Die 6 octobris

Prídie Nonas octóbris. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	1	2	3
A	B	C	D	E	F	F	G	H	M	N	P							
4	5	6	7	8	9	8	9	10	11	12	13							

Sancti Brunónis, presbýteri, qui, a Colónia Agrippína in Lotharíngia **S**oriúndus, postquam disciplínas theológicas in Gállia dócuit, vitam solitáriam desíderans, cum paucis discíplis in desérta valle Cartúsia in Alpibus Ordinem fundávit, ubi Eremitárum solitúdo cum cœnobítica quadam conversatióne componerétur. A beáto Urbáno papa Secúndo Romam vocátus, ut eum in Ecclésiæ necessitatibus adiuváret, in erémo tamen apud monastérium Turris in Calábria últimos annos transégit.

2. Laodicéæ in Phrýgia, sancti Ságaris, epíscopi et mártiris, sub Servílio Paulo, Asiæ procónsule.

3. Agínni in Aquitánia, sanctæ Fídei, mártiris.

4. Surrénti in Campánia, sancti Renáti, epíscopi.

5. Autissiodóri in Néustria, sancti Románi, epíscopi.

6*. In Venétia, commemorátio sancti Magni, epíscopi, qui ex Opitérgio urbe a Langobárdis capta cum máxima gregis sui parte emigrásse fertur, urbem novam Heraclíam condidisse et Venétiis octo ecclésiás exstruéndas curavísse.

7*. In Británnia Minóre, sancti Ywii, diáconi et mónachi, qui, sancti Cuthbérti Lindisfarnénsis epíscopi discípulus, mare transfretávit et in hac regiône commorátus est, vigíliis ieiuniisque assíduus.

8*. Azogýeæ in Creta, sancti Ioánnis, cognoménto Xení, qui monásticam conversatiónem per ínsulam propagávit.

9*. Garácti in pago Lemovicénsi Aquitániæ, sancti Pardúlphi, abbátis, qui, sanctitate vitæ clarus, Saracénos a Cárolo Martéllo rege profligátos ab oratório suo effugavísse fertur.

10*. Lambáci in Bavária, tránsitus beáti Adalberónis, epíscopi Herbipolénsis, qui, pro Sede Apostólica multa a schismáticis passus et a sede sua semel iterúmque pulsus, postrémos vitæ annos apud Lambacénse monastérium ab ipso cónditum in pace transégit.

11*. In Cartúsia Arvériæ in Burgúndia, quam fundáverat, sancti Artáldi, epíscopi Bellicénsis, qui, mónachus prope nonagenárius, epíscopus invítus eléctus est et post duos annos ad monásticam vitam rédiit usque ad centésimum sextum annum.

12. Neápoli in Campánia, sanctæ Mariæ Franciscæ a Vulnéribus Dómini nostri Iesu Christi (Annæ Mariæ) Gallo, vírginis e Tértio Ordine Seculári Sancti Francísci, ad innúmeros et assíduos cruciátus ac certámina patiéntia, pæniténtia et amóre Dei et animárum admirábilis.

13*. Apud Rupifórtium in Gállia, beáti Francísci Hunot, presbýteri et mártiris, qui, persecutióne contra Ecclésiám furénte, propter sacerdotium in sórdido navígio tamquam cárcere reclúsus, fébribus corréptus spíritum réddidit.

14*. In loco *Longueuil* in Cánada, beátæ Mariæ Rosæ (Euláliæ) Durocher, vírginis, fundatricis Congregatiónis Sorórum a Sanctis Nomínibus Iesu et Mariæ, pro puellárum humána et christiána institutióne.

15. Apud urbem *An-Hòa* in Annámia, sancti Francísci Trần Văn Trung, mártiris, qui, miles, fidem christiánam abiuráre iussus, strénue apostatáre recusávit, quaprópter imperatóris Tỵ Đức iussu cápite truncátus est.

16*. Cortoriáci in Bélgio, beáti Isidóri a Sancto Ioseph de Loor, religiósi e Congregatióne Passiónis, qui múnere ipsi commissa sancte explévit et, morbo corréptus, confrátribus exémples diros tulit dolóres.

Die 7 octobris

Nonis octóbris. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	1	2	3	4
A	B	C	D	E	F	F	G	H	M	N	P							
5	6	7	8	9	10	9	10	11	12	13	14							

Memória beátæ Mariæ Vírginis de Rosário, die quo per Rosárii seu mariális coronæ precatióne sanctæ Dei Genetrícis præsidium invocátur ad Christi mysteriórum meditatióne promovendam, ipsa ducénte, quæ incarnatióne, passióne ac resurrectióri Filii Dei singuláriter sociáta est.

2. Cápuæ in Campánia, sancti Marcélli, mártiris.

3. Patávii in Venétia, sanctæ Iustínæ, vírginis et mártiris.

4. Bethsáloe in Augústa Euphratésia provincia Sýriæ, sanctórum Sérgii et Bacchi, mártirum.

5. Romæ, sancti Marci, papæ, qui título in Pallacínis cóndidit et basílicam in cœmetério Balbínæ via Ardeatina, ubi ipse humátus est.

6. Apud Biturígas in Aquitánia, sancti Augusti, presbýteri et abbátis, qui, mánibus pedibúque ádeo contráctis, ut non áliter quam si génibus et cúbitis se sustentáret, sancti Martíni intercessióri sanátus, mónachos congregávit et contínuo oratióri vacávit.

7*. Sántonis item in Aquitánia, sancti Palládii, epíscopi, qui super sancti Eutrópii túmulum basílicam eréxit et sanctórum cultum in civitáte sua ampliávit.

8*. In monastério Bellofonténsi in Legionénsi regno, beáti Martíni, cognomento Cid, abbátis, qui hoc cœnóbium fundávit et ad Ordinem Cisterciensem aggregávit.

9*. In freto maris in Rupifórtium Gálliae vergente, beáti Ioánnis Hunot, presbýteri et mártýris, qui, in gállica perturbatióne ob sacerdotium in navem servitútis trusus, fidelitáte erga Deum cursum captivitátis suæ complévit.

10*. In vico *Benaguacil* in pago Valentíno Hispániæ, beáti Ioséphi Llosá Balaguer, religiósi e Tértio Ordine Sancti Francísci Capulatórum a beáta Vírgine Perdolénti et mártýris, qui in persecutióne erga fidem martýrium passus est.

Die 8 octobris

Octávo Idus octóbris. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	1	2	3	4	5
A	B	C	D		E	F	F	G	H	M	N	P						
6	7	8	9		10	11	10	11	12	13	14	15						

1. Antiochiæ in Sýria, sanctæ Pelágiæ, vírginis et mártýris, quam sanctus Ioánnes Chrysóstomus magnis éxtulit láudibus.

2. Commemorátio sanctæ Reparátæ, quæ diversis in locis virgo et martyr cólitur.

3. Comi in Ligúria, sancti Felícis, epíscopi, qui, a sancto Ambrósio Mediolanénsi ordinátus, primus huius civitátis Ecclésiæ præfuit.

4. Rothómagi in Gállia Lugdunénsi, sancti Evódii, epíscopi.

5*. Denónii in Hannónia, sanctæ Ragenfrédis, abbatíssæ, quæ ibídem ópibus suis cœnóbium eréxit, cui digne præfuit.

6*. Génuæ in Ligúria, sancti Hugónis, religiósi, qui, postquam in Terra Sancta diu militávit, magíster Comméndæ Ordinis Sancti Ioánnis Hierosolymitáni in hac civitate, bonitáte et caritáte erga indigéntes enítuit.

7*. Londínii in Anglia, beatórum Ioánnis Adams, Robéti Dibdale et Ioánnis Lowe, presbyterórum et mártýrum, qui, Elísabeth Prima regnante, pópulo cathólico separátim ministravérunt, quaprópter cápite damnáti Tybúrne per acerbíssimos cruciátus ad regnum cæléste simul pervenérunt.

Die 9 octobris

Séptimo Idus octóbris. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	11	12	13	14	15	16							

Sanctórum Dionýsii, epíscopi, et sociórum, mártýrum, quorum ille a Románo Pontífice missus in Gálliam pervenísse tráditur et, primus epíscopus Parisiórum efféctus, prope Lutétiam una cum Rústico presbýtero et Eleuthério diácono martyr occubuísse.

Sancti Ioánnis Leonárdi, presbýteri, qui Lucæ in Etrúria quam artem exercúerat apothecáriam desérui, ut sacerdotio initiarétur. Inde ad púeros doctrína christiána docéndos, ad vitam apostólicam cleri instaurándam et ad fidem christiánam ubíque propagándam Ordinem Clericórum Regulárium, póstea Matris Dei nuncupátum, instítuit, quaprópter multas suscepit tribulatiónes, et Romæ fundaménta iecit Collégii de Propagánda Fíde, ubi labórum póndere fractus plácide óbiit.

3. Commemorátio sancti Abrahæ, patriárchæ et ómnium credéntium patris, qui, Dómino vocánte, ab urbe Ur Chaldæórum, pátria sua, egréssus est et per terram errávit eídem et sémini eius a Deo promíssam. Item totam fidem suam in Deo manifestávit, cum, sperans contra spem, unigénitum Isaac ei iam seni a Dómino datum ex uxóre stérili in sacrificium offérre non rénuít.

4. Laodicæ in Sýria, pássio Sanctórum Diodóri, Diomédis et Dídymi.

5. Apud Iúliam in território Parménsi via Cláudia, sancti Domníní, mártýris.

6. Antiochiæ in Sýria, commemoratio sanctæ Públiæ, quæ, cóniuge defuncto, monastérium ingressa, Iuliáno imperatóre Apóstata transeúnte, davídicum illud «Simulácra géntium argéntum et aurum » et «Símiles illis fiant qui fáciunt ea» cum virgínibus suis canens, imperatóris iussu, álapis cæsa est et gráviter obiurgáta.

7*. In pago Bigorrénsi ad clivum montis Pyrenæi, sancti Sabíni, eremítæ, qui monásticam vitam in Aquitánia illustrávit.

8*. Tiférni Tiberíni in Umbria, sancti Domníní, eremítæ.

9. In Hannónia Austrásiæ, sancti Gisléni, qui monásticam vitam in cella a seípso exstrúcta duxit.

10. Apud Casínium, sancti Deúsdedit, abbátis, qui, a Sicérdo tyránno in cárcerem trusus, illic fame et ærúmnis conféctus spíritum Deo réddidit.

11*. Brennóviæ in Bohémia, depositio sancti Gunthéri, eremítæ, qui, sáeculi delíciis relictis, primum ad vitæ monásticæ látebras, dein étiam ad remótas inter Baváriam et Bohémiam solitúdines silvárum secéssit, in quibus tam coniúctus Deo quam ab homínibus disiúctus vixit et óbiit.

12*. In monastério Montis Salvíi in Gállia, sancti Bernárdi Ruthenénsis, abbátis canonicórum regulárium.

13. Valentíæ in Hispánia, sancti Ludovíci Bertrán, presbýteri ex Ordine Prædicatórum, qui in América Meridionali vários indígenas pópulos Christi Evangélium dócuit et ab oppressóribus deféndit.

14. In loco Turón in Astúria Hispániæ regióne, sanctórum mártyrum Innocéntii ab Immaculáta (Emmanuélis) Canoura Arnau, presbýteri e Congregatióne Passiónis, et octo sociórum,² e Frátribus Scholárum Christianárum, qui in illius témporis tempestátibus in ódium fídei sine iudício extermináti suprémam victóriam adépti sunt.

Die 10 octobris

Sexto Idus octóbris. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	12	13	14	15	16	17							

1. **C**ommemoratio sancti Pinýti, Cnossi in Creta ínsula epíscopi, qui sub Marco Antoníno Vero et Lúcio Aurélio Cómmodo imperatóribus flóruit et scriptis suis fidei ac proféctus gregis eídem commíssi sollicitúdini summópere consúluit.
2. Nicomedíæ in Bithýnia, sanctórum Eulámpii et soróris eius Eulámpiaë, mártýrum in persecutióne Diocletiáni imperatóris.
3. Colóniæ Agrippínæ in Germánia, sanctórum Gereónis et sociórum, mártýrum, qui pro vera pietáte gládiis colla fortes subdidérunt.
4. Apud vicum Bertunénse item in pago Coloniénsi Germániaë, sanctórum Victóris et Mallósi, mártýrum.
5. Bonnæ item in Germánia, sanctórum Cássii et Floréntii, mártýrum.
- 6*. Nannétibus in Gállia Lugdunénsi, sancti Clari, qui primus huius civitátis epíscopus cólitur.
7. Populónii in Etrúria, sancti Cerbónii, epíscopi, qui, ut sanctus Gregórius papa Magnus refert, Langobárdis regiónem devastántibus, in Ætháliam ínsulam secéssit, multa virtútis suæ éxhibens signa.
- 8*. Prope Ramerúde in agro Trecénsi item Néustriæ, sanctæ Tanchæ, vírginis et mártýris, quæ, ut fertur, pro tuénda virginitáte gloriósam mortem oppétiit.
9. Roffæ in Anglia, tránsitus sancti Paulíni, epíscopi Eboracénsis, qui, mónachus et sancti Gregórii papæ Magni discípulus, ab eo cum áliis ad prædicándum Evangélium Anglis missus, Edwínum regem Northúmbriæ ad Christi fidem convértit eiúsque pópulum in flúviis lavácro regeneratiónis ábluit.
- 10*. In monastério Iodrénsi in pago Meldénsi Néustriæ, sanctæ Telchíldis, abbatíssæ, quæ, génere nóbilis, méritis fulgens, strénua móribus, vírgines sacrátas dócuit óbviám Christo cum lampádibus accénsis exíre.

11. Apud Septam in Mauritania Tingitana, passio sanctorum septem martyrum ex Ordine Minorum, scilicet Danielis, Samuelis, Angeli, Leonis, Nicolai et Hugolini, presbyterorum, atque Domni, qui, a fratre Elia ad predicandum Christi Evangelium apud Mauros missi ac contumelias, vincula et flagella perpessi, demum, capitibus abscissis, palmam martyrii adepti sunt.

12. Bridlingtonae in Anglia, sancti Ioannis, presbyteri, qui prior monasterii Canonicorum Regularium Sancti Augustini oratione, austeritate ac mansuetudine claruit.

13. In urbe *Khartūm* in Sudania, sancti Danielis Comboni, episcopi, qui Institutum condidit Missionum Nigritiae et, ipse episcopus in Africa constitutus, viribus non parcens, per illas regiones Evangelium propagavit et humanae dignitati multimodis provexit.

14*. Cracoviae in Polonia, beatae Angelae Mariae (Sophiae Camillae) Truszkowska, virginis, quae Congregationem Franciscanam sub titulo Sancti Felicis de Cantalicio instituit ad pueros derelictos, pauperes et segregatos adiuvandos.

15*. In oppido *Działdowo* item in Polonia, beati Leonis Wetmański, episcopi auxiliaris Plocensis, qui, tempore nefariae erga homines et Deum persecutionis in Polonia, in campo detentionis intrépida morte martyrium complevit.

16*. Apud Linciam in Austria, beati Eduardi Detkens, martyris, qui, polonus natione, in eadem tempestate per supplicium mortifere exhalationis occubuit.

Die 11 octobris

Quinto Idus octobris. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	13	14	15	16	17	18							

1. Commemoratio sancti Philippi, qui, unus e septem diaconis ab Apostolis electis, Samariam ad Christi fidem convertit, Candacis reginae Aethiopum eunuchum baptizavit et, quas civitates pertransibat, cunctas evangelizabat, donec Caesaream venit, ubi requievisse traditur.

2. Anazárbi in Cilícia, sanctorum Tharaci, Probi et Andronici, martyrum, qui in persecutióne Diocletiani imperatoris pro confessiÓne Christi vitam obtulerunt.
3. In pago Vilcassino Galliae Lugdunensis, commemoratio sanctorum Nicasii, Quirini, Scubiculi et Pientiae, martyrum.
4. Viroduni item in Gallia, sancti Sanctini, episcopi, qui primus illic Evangelium praedicasse creditur.
5. Commemoratio sancti Sarmatae, abbatis in Thebaide, qui discipulus sancti Antonii a Saracenis necatus est.
6. Ucetiae in Gallia Narbonensi, sancti Firmini, episcopi, qui, sancti Caesarii Arelatensis discipulus, populum suum viam veritatis docuit.
7. In Ossoria Hiberniae regione, sancti Canici, abbatis Achadhbcensis monasterii, quod inter plura alia condidit.
8. Prope castrum Schemarim in iugis Caucasi, natalis sancti Anastasii, presbyteri, Romanae Ecclesiae apocrisiarii, qui, sancti Maximi Confessoris in confessiÓne fidei catholicae et in exsilio socius, dum in sancta Synaxi dicebat: «Sancta sanctis », animam Deo reddidit.
9. Apud Lynam in Brabantia, sancti Gummarii, qui, miles Deo devotus, ibidem ex bonis suis oratorium extruxit, ubi depositus est.
- 10*. Colonia Agrippinae in Lotharingia Germaniae, sancti Brunonis, episcopi, qui, Germanus Othonis imperatoris Primi, Lotharingae regimine cum episcopatu suscepto, et munere sacerdotis magna cum religione functus est et pro necessitate virtute magnanimi ducis.
- 11*. Gnesna in Polonia, sancti Gaudentii seu Radzim, episcopi, qui, sancti Adalberti Pragensis episcopi carne et spiritu frater ac fidelis comes, eius martyrio adfuit ac postea in vincula coniectus.
- 12*. Rigae ad mare Balticum, commemoratio sancti Meinardi, episcopi, qui, primum in Germania monachus, aetate iam provecta itinere se commisit, ut Livoniae populum evangelizaret, Ykescoli ecclesiam extruxit et, episcopus ordinatus, christianae fidei fundamenta actuose in hac regione posuit.

13*. Bonóniæ in Æmília, beáti Iacóbi de Ulma Griesinger, religiósi ex Ordine Prædicatórum, qui, etsi illitterátus, vitreárum laminárum pictor peritíssimus, quinquaginta annos exémplum labóris et oratiónis ómnibus præbuit.

14. Calótii in Langobárdia, tránsitus sancti Alexándri Sauli, epíscopi primum Aleriénsis in Córstica ínsula, deínde Papiénsis, qui, e Congregatióne Clericórum Regulárium Sancti Pauli, mira caritaté páuperes sublevávit.

15. Hanóii in Tunquíno, sancti Petri Lê Tùý, presbýteri et mártiris, qui sub imperatóre Minh Mạng pro Christo decollátus est.

16. Matriti in Hispánia, sanctæ Mariæ Desolátæ (Emmanuélæ) Torres Acosta, vírginis, quæ inde a iuveníli ætáte miram sollicitúdinem ægrotórum egenórum exhibuit, quibus indefessa sui Ípsius abnegatióne subvénit, máxime in Congregatióne Servárum Mariæ Infirmit Ministrántium, quam fundávit.

17*. Barcinóne item in Hispánia, beáti Ángeli Ramos Velázquez, religiósi e Societáte Salesiána et mártiris, qui, témpore persecutiónis erga Ecclésiám, certámen pro fide complévit.

Die 12 octobris

Quarto Idus octóbris. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	14	15	16	17	18	19							

1. **R**omæ via Laurentina, sancti Hedísti, mártiris.

2. Anazárbi in Cilícia, sanctæ Domnínæ, mártiris, quæ sub Diocletiano imperatóre et Lýcia præside multa torménta passa esse et in cárcere spíritum Deo reddidisse tráditur.

3. Commemorátio sanctórum mártirum et fidei confessórum quáttuor milium nongentórum sexaginta sex, qui, in persecutióne vandálica in Africa, cum Ecclésiæ Dei sive epíscopi et presbýteri sive diáconi essent, associátis turbis fidélium

pópulorum, iussu Hunneríci regis ariáni, in ódium cathólicæ veritátis in horribilis erémi exsílíum trusi sunt et ad extrémum, várie excrucíati, martýrium celebrárunť, inter quos Cypriánus et Felix, epíscopi, præcípi Dómini sacerdótes.

4*. Placéntiæ in Æmília, sancti Opiliónis, diáconi.

5. Romæ, sancti Felícis papæ Quarti, qui templa duo in foro románo in ecclésiám convértit in honórem sanctórum Cosmæ et Damiáni et pro fide cathólica plúrimum adlaborávit.

6. In Nórico Ripénsi, sancti Maximiliáni, qui epíscopus Lauriacénsis créditur.

7*. Pápiæ in Langobárdia, sancti Rotobáldi, epíscopi, viri abstinéntia exempláris, cúltui divíno et exquiréndis sanctórum relíquiis máxime déditi.

8. Asculi in Picéno Itáliæ, sancti Seraphíni de Monte Granário (Felícis) de Nicola, religiósi ex Ordine Fratrum Minórum Capuccinórum, qui, verus pauper, humilitáte et pietáte enítuit.

9*. Londínii in Anglia, beáti Thomæ Bullaker, presbýteri ex Ordine Fratrum Minórum et mártiris, qui sub rege Carólo Primo, in ipsa Missa celebrándá comprehénsus, propter sacerdótium Tybúrne láqueo suspénsus est et adhuc spirans eviscerátus occúbuit.

10*. In vico *Ribarroja de Turía* in pago Valentíno Hispániæ, beáti Ioséphi González Huguet, presbýteri et mártiris, qui, persecutióne erga fidem sæviénte, pro Christo egrégium perégit certámen.

11*. In vico *Massamagrel* in eódem pago Hispániæ, beáti Pacífici (Petri) Salcedo Puchades, religiósi ex Ordine Fratrum Minórum Capuccinórum et mártiris, qui in eádem persecutióne Christi passióni conformátus est.

12*. In campo exítii *Oświęcim* seu Auschwitz prope Cracóviam in Polónia, beáti Románi Sitko, presbýteri et mártiris, qui, témpore occupatiónis Polóniæ in bello, a persecutóribus hómínium ac religiónis dignitátis dire excrucíatus ad æternæ beatitúdinis visiónem transívit.

Die 13 octobris

Tértio Idus octóbris. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	15	16	17	18	19	20							

1. **C**ommemoratio sancti Theóphili, epíscopi Antiochéni, viri summæ eruditiónis, qui sextus post beátum Apóstolum Petrum eiúsdem Ecclésiæ pontificátum ténuít et librum advérsus Marciónem compósuit ad orthodóxam fidem tuendam.
2. Córdubæ in Hispánia Báetica, sanctórum Fausti, Ianuárii et Martiális, mártýrum, qui tamquam tres corónæ civitátem ornant.
3. Thessalónicæ in Macedónia, sancti Floréntii, mártýris, qui post vária torménta igne necátus esse tráditur.
- 4*. Cubríni ad Moséllam apud Tréviros, sancti Lubéntii, presbýteri.
- 5*. Matútæ ad litus Ligúriæ, depositio sancti Rómuli, epíscopi Ianuénsis, qui, apóstolico ardóre replétus, in plébibus ruri visitándis mórtuus est.
6. Turónis in Gállia Lugdunénsi, sancti Venántii, abbátis, qui, cum iuveníli adhuc ætáte uxórem duxísset, ad basílicam Sancti Martíni perdúctus ac monachórum vita commótus, muliere consentién-te, inter eos in Christo vívere elégit.
- 7*. Selaníaci in pago Lemovicénsi Aquitániæ, sancti Leobóni, solitárii.
- 8*. In Hiénsi Scótiæ ínsula, depositio sancti Comgáni, abbátis, qui ex Hibérnia cum soróre sancta Kentigérna eiúsque filiis atque nonnúllis missionáriis in hanc regiónem accéssit.
- 9*. Augústæ Vindelicórum in Bavária Germániæ, sancti Simbérti, qui epíscopus et abbas Morbacénsis éxstitit.
- 10*. Cezerníaci in pago Arvéro Gállia, sancti Geráldi, qui, comes Aureliacénsis, pro provínciarum suárum salúte sub hábitu sæculári vitam monásticam secréte gessit, princípibus tráditus exémplum memorandum.

11. Apud Sublácum in Látio, sanctæ Chelidónæ, vírginis, quæ quinquaginta duos annos vitam solitáriam atque aspérrimam soli Deo insérviens duxísse asséritur.

12*. Tridíni in Monte Ferráto, beátæ Magdalénæ Panatieri, vírginis, soróris de Pæniténtia Sancti Domínici.

13*. In vico *Balasar* prope Brácaram in Lusitânia, beátæ Alexandrínæ Mariæ da Costa, quæ, ómnibus membris capta ut malam erga se cuiúsdam fúgeret voluntáte, in Eucharístiæ contemplatióne omnes dolóres suos Dómino pro amóre Dei Fratrúmque egenórum obtulit.

Die 14 octobris

Prídie Idus octóbris. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	16	17	18	19	20	21							

Sancti Callísti papæ Primi, mártiris, qui, diáconus, post diutúrnum in Sardínia exsílium, cœmetérium sui Nóminis via Appia curávit, ubi memórias pósteris exhibuit venerándas; papa eléctus rectam doctrínam promóvit et lapsos benígne reconciliávit, operósum demum episcopátum suum clarióre consúmmandis martýrio. Hac die depositio córporis eius Romæ via Aurélia in cœmetério Calepódii commemorátur.

2. Cápuæ in Campánia, sancti Lúpuli, mártiris.

3. Arímini in Æmília, sancti Gaudéntii, qui, témpore persecutiónis, primus epíscopus huius civitátis fuisse créditur.

4. Brugis in Gállia Bélgica, commemorátio sancti Donatiáni, epíscopi Reménsis, cuius relíquiæ hac in urbe servántur.

5. Tudérti in Umbria, sancti Fortunáti, epíscopi, qui, ut refert sanctus Gregórius papa Magnus, in ægrótiis adiuvándis imménsæ virtútis grátia emícuit.

6*. In território Catalaunénsi in Campánia Gállia, sanctæ Manechíldis, vírginis.

7*. Lunæ in Ligúria, commemorátio sancti Venántii, epíscopi, qui præcípue cleri ac monachórum curam hábuit et sancti Gregórii papæ Magni in honóre et amicítia fuit.

8*. Apud Bellovácum in Néustria, sanctæ Angadrísmæ, abbatíssæ cœnóbii a sancto Ebrúlpho cónditi et Oratórii nuncupáti, quod plures oratiónis locos habéret, ubi sine intermissióne Dómino famulabátur.

9*. Septémpedæ in Picéno Itáliæ, sancti Domínici, ob lorícam férream qua ad carnem erat præcínctus Loricáti cognomináti, presbýteri ex Ordine Camaldulénsi, qui, simoníace ordinátus, mónachus eremíta factus est et, sancti Petri Damiáni discípulus, vitam egit austeritáte ac disciplína aspérrimam.

10*. Andégavi in Gállia, beáti Iacóbi Laigneau de Langellerie, presbýteri et mártiris, qui, tempestátibus gállicæ perturbatiónis sæviéntibus, propter sacerdotium decollátus est.

11 *. In vico *Picadero de Patérna* in pago Valentíno Hispániæ, beátæ Annæ Mariæ Aranda Riera, vírginis et mártiris, quæ, persecutióne erga fidem furénte, ságuinem pro Christo effúdit.

12*. Intra castra detentiónis Dacháni prope Monáchium Baváriæ in Germánia, beatórum Stanislái Mysakowski et Francísci Rosłaniec, presbyterórum et mártirum, qui, Polónia belli témpore occupáta ab homínibus Deo et humanitáti inimícis, per mortíferi vapóris inquinaméntum martýrium consummavérunt.

13*. Leópolis in Ucráina, beáti Románi Lysko, presbýteri et mártiris, qui, témpore persecutiónis erga fidem, Christi vestígiis iúgiter adhærens, per eius grátiam ad regna pervénit cæléstia.

Die 15 octobris

Idibus octóbris. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	17	18	19	20	21	22							

Memória sanctæ Teresiæ a Iesu, vírginis et Ecclésiæ doctóris, quæ, Abulæ in Hispânia ad Ordinem Carmelitárum aggregáta, arctióri observántiæ mater et magístra effécta, spiritálem in corde suo dispósuit proféctum sub spécie ascensiónis per gradus ánimæ ad Deum; pro Ordinis sui reformatióne multas sustínuit ærúmna, quas vero invícto ánimo superávit; líbros étiam compósuit altíssima doctrína et experiéntia sua refértos.

2. Edéssæ in Sýria, commemorátio sancti Barsen, epíscopi, qui, a Valénte imperatóre ariáno in díssitas regiónés ob fidem cathólicam relegátus ac tríplici mutáto exsílíi loco fatigátus, die ignóto mensis mártii vitam finívit.

3. Tréviris in Gállia Bélgica, sancti Sevéri, epíscopi, qui, discípulus sancti Lupi Trecénsis, sócius fuit sancto Germáno Autissiodorénsi in eradicándis in Británnia Pelágii erróribus et apud Germános Christi Evangélium prædicávit.

4. Kitzíngæ in Germánia, sanctæ Theclæ, abbatíssæ, quæ, ex Anglia sancto Bonifátio auxílio missa, primum monastério Ochsenfúrti, dein Kitzingénsi præfuit.

5. In monastério Trebnicénsi in Silesia, natális sanctæ Hedwígis, religiósæ, cuius memória eras ágitur.

6*. Túrribus Vetéribus in Lusitánia, beáti Gundisálvi de Lacobríga, presbýteri ex Ordine Eremitárum Sancti Augustíni, qui puerórum rudiúmque christiána præcépta edocendórum stúdio enítuit.

7. Nagasákii in Iapónia, sanctæ Magdalénæ, vírginis et mártiris, fortis ánimo tam in fide fovénda quam in supplício furcæ tredécim dies perpetiéndó sub imperatóre Yemitsu.

8*. Valéntiæ in Hispânia, beáti Narcissi Basté Basté, presbýteri e Societáte Iesu et mártiris, qui, Christi verba fidéliter excipiéns, témpore persecutiónis erga fidem, per mortem in vitam transívit gloriósam.

Die 16 octobris

Décimo séptimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	18	19	20	21	22	23							

Sanctæ Hedwígis, religiósæ, quæ, bávara génere et Polonórum dux, páuperum auxílio magnópere dédita, pro quibus hospítia fundávit et, post mortem cóniugis sui Henríci ducis, in monastério moniálíum Cisterciénsium, quod ipsa eréxerat cuíque filia eius Gertrúdis præerat abbatíssa, réliquos vitæ annos operóse transégit. Obiit vero Trebnítii in Polónia die décima quinta octóbris.

Sanctæ Margarítæ Maríæ Alacoque, vírginis, quæ, moniálibus Ordinis Visitatiónis beátæ Maríæ adnumeráta, mirum in modum in via perfectiόνis cucúrrit et, mýsticis donis prædita, præsertim de devotióne erga sacratíssimum Cor Iesu sollicita fuit, ad cuius cultum in Ecclésiám promovéndum multa gessit. Parédii Monachórum in pago Gálliaë Augustodunénsi die décima séptima octóbris in Dómino quiévit.

3. Hierosólymæ, commemorátio sancti Longíni, qui miles cólitur latus Dómini cruci affixi láncea apériens.

4. In agro Tullénsi Gálliaë, sancti Elíphii, qui martýrii corónam accepísse tráditur.

5. Commemorátio Sanctórum Martiniáni et Satriáni, mártyrum in Africa, cum duóbus frátribus eórum, qui, témpore vándalicæ persecutiónis, sub Genserico rege ariáno, cum Vándali cuiúsdam servi essent, a sancta Máxima virgine, ipsórum consérva, ad Christi fidem convérsi, pro constántia fidei cathólicæ primum nodósis fústibus cæsi sunt et usque ad ossa laniáti, dein inter Mauros éxsules relegáti, ubi, cum nonnúllos ad fidem Christi adduxíssent, morte damnáti sunt; Máxima vero, post multos superátos agónes liberáta, in monastério multárum vírginum mater sancto fine quiévit.

6. In territorio Lemovicensi Aquitaniæ, sanctorum Amândi eiusque discipuli Iuniâni, eremitarum.

7. Apud Arbónam in Germania, sancti Galli, presbyteri et monachi, qui, adhuc puer a sancto Columbano in monasterium Bancorense Hiberniæ exceptus, demum in hac regione sedulo Evangelium propagavit et monasticis fratres imbuit disciplinis, donec prope centenarius in Deo quievit.

8*. Noviomni in Neustria, sancti Mummolini, episcopi, qui primum monachus in opere missionis sanctum Audomarum adiuvit, dein in sede episcopali sancto Eligio successit.

9. In monasterio Heresfeldensi in Franconia Germaniæ, sancti Lulli, episcopi Moguntini, qui, sancti Bonifatii in predicationis munere socius et adiutor, ab ipso episcopus ordinatus est, ut presbyteris magister, monachis Regulæ doctor, populo christiano fidelis predicator et pastor esset.

10*. In pago Ratiatensi prope Nannètes in Britannia Minore, sancti Vitalis, eremita.

11*. In pago Mirapicensi ad Pyreneos in Gallia, sancti Gauderici, agricolæ, pietate erga Dei Genetricem clari.

12*. Brivate apud Arvernos in Aquitania, sanctæ Bonitæ, virginis.

13*. Apud Apamias ad Pyrenæos item in Gallia, sancti Anastasii, monachi, qui, Venetiis natus, primum vitam duxit eremiticam in Tumbella insula prope Montem Sancti Michaelis, dein monasticam Cluniaci, demum ultimos per annos in solitudine secēssit.

14. Convenis item apud montes Pyrenæos Gallia, sancti Bertrandi, episcopi, qui consiliis a sancto Gregorio papa Séptimo captis ad reformandam Ecclesiam strenue interfuit, civitatem suam incultu temporis eversam restituit et apud cathedralem ecclesiam ab integro extructam Canonicos Regulares disciplina sancti Augustini adstrictos instituit.

15*. In monasterio Igniensi pagi Galliæ Remensis, transitus beati Gerardi Claravallensis, abbatis, qui in hoc cœnobio visitando a monacho nequam occisus est.

16. Muri in Lucânia, sancti Gerárdi Maiella, religiósi e Congregatióne Sanctíssimi Redemptóris, qui, ímpetu amóris in Deum captus, ubíque aspérrimum vitæ genus amplexus est et, Dei animarúmque zelo consúptus, adhuc iúvenis pie quiévit.

17*. Prope Cracóviam in Polónia in campo exítii Oświęcim seu *Auschwitz*, beatórum Anicéti Kopliński, ex Ordine Fratrum Minórum Capuccinórum, et Ioséphi Jankowski, e Societáte Apostolátus Cathólici, presbyterórum et mártýrum, qui, pátria more militári a sectatóribus nefáriæ doctrínæ homínibus et fidei infénsæ invása, alter in concláve mortífero vapóre inquinátum cónditus, alter a vigílibus castri trucidátus, Christi fidem ad mortem usque testáti sunt.

Die 17 octobris

Sextodécimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	19	20	21	22	23	24							

Memória sancti Ignátii, epíscopi et mártýris, qui, discípulus sancti Ioánnis Apóstoli, secúndus post sanctum Petrum, Ecclésiám rexit Antiochénam et, sub Traiáno imperátore damnátus ad béstias, Romam delátus est ibíque glorióso martýrio coronátus. In itínere, dum custódum, tamquam leopardórum, experiebátur feróciám, septem scripsit epístulas ad diversás Ecclésias, quibus fratres exorávit, ut Deo in unitáte cum episcopis servírent neque eum prohibérent pro Christo víctimam immolári.

2. Commemorátio sancti Oséæ, prophétæ, qui non tantum verbis, sed étiam ratióne vitæ pópulo infidéli Israel Dóminum indicávit Sponsum semper fidélem et infínita misericórdia motum.

3. Commemorátio Sanctórum Rufi et Zósimi, mártýrum, quos beátus Polycárpus sancto Ignátio in martýrio sociávit, ad Philippénses scribens: «Dómini passiónum partícipes exstitérunt, nec dilexérunt præsens sáeculum, sed eum qui pro ipsis et pro ómnibus mórtuus est et resurrexit ».

- 4.** In Africa Proconsulári, sanctorum mártýrum Volitanórum, quos sanctus Augustínus in sermóne celebrávit.
- 5.** Lycópolis in Ægýpto, sancti Ioánnis, eremítæ, qui, inter cétera virtútum insígnia, étiam prophético spírítu conspicuus fuit.
- 6*.** Agínni in Aquitánia, sancti Dulcídii, epíscopi, qui fidem cathólicam advérsus ariánam impietátem acérrime propugnávit.
- 7.** Arausióne in Província Gállia, sancti Floréntii, epíscopi.
- 8*.** Tolósæ item in Gállia, natális beáti Gilbérti, abbátis Cistércii, qui, anglus natióne, vir sciéntiæ sublímis, sanctum Thomam Becket éxsulem deféndit.
- 9*.** Binásci in Langobárdia, beáti Balthasáris Ravaschieri de Clavário, presbýteri ex Ordine Minórum.
- 10.** Gurexámii in Cámbrica, sancti Richárdi Gwyn, mártýris, qui, paterfamílias et ludimagíster, fidem cathólicam proféssus est et, comprehénsus quod áliis ad eámdem transíre persuásisset, post diútnos cruciátus invíctus in fide patíbulo suspénsus est et adhuc spirans laniátus.
- 11*.** Romæ, beáti Petri a Nativitáte beátæ Mariæ Vírginis Casani, presbýteri ex Ordine Clericórum Regulárium Scholárum Piárum, qui dótibus suis natúræ et grátiae pro puerórum institutióne usus est, lætus tantum Dómino in párvulis servíre.
- 12.** Parédii Monachórum in pago Gállia Augustodunénsi, tránsitus sanctæ Margarítæ Mariæ Alacoque, vírginis, cuius memória prídíe huius diéi celebrátur.
- 13*.** In agro Vallis Guidónis item in Gállia, beáti Iacóbi Burin, presbýteri et mártýris, qui, témpore gállicæ perturbatiónis, cum multas curas in pastorále officium clam impénderet, de domo in domum ab insectatórum turma fúgiens, tandem confóssus est, mánibus cálicem tenens.
- 14*.** Valentíanæ item in Gállia, beatárum Mariæ Natáliæ a Sancto Ludovíco (Mariæ Ludovícæ Ioséphæ) Vanot et quáttuor sociárum,³ vírginum ex Ordine Ursulinárum et mártýrum, quæ, sæviénste gállica perturbatióne, in ódium cathólicæ fidei cápíte damnátæ, psalmum «Miserere» recitántes patíbulum ascendérunt.

15. Huéi in Annámia, sancti Isidóri Gagelin, presbýteri e Societáte Parisiénsi Missiónum ad éxteras gentes et mártiris, qui sub imperatóre Minh Mạng pro Christo strangulátus est.

16*. Sunæ ad Verbánum lacum in Itália, beáti Contárdi Ferrini, qui, in iuvénibus educándis, humánam sciéntiam fide et christiána vita superávit.

17*. Apud Civitátem Regálem in Hispánia, beáti Fidélis Fuidio Rodriguez, religiósi e Societáte Mariæ et mártiris, qui, persecutióne erga fidem sæviénte, plumbis interféctus ad Dóminum migrávit.

18*. In loco *La Nucía* prope Lucéntum item in Hispánia, beáti Raymúndi Stéphaní Bou Pascual, presbýteri et mártiris, qui, témpore eiúsdem persecutiónis, in Christi sángine discípus fidélis rédimi méruit.

19*. In civitáte *Algemesí* in pago Valentíno item in Hispánia, beátæ Tarsíllæ Córdoba Belda, mártiris, quæ, materfamílias, in eádem tempestáte in Christo exaudíta est in glóriam.

Die 18 octobris

Quintodécimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	20	21	22	23	24	25							

Festum sancti Lucae, Evangelístæ, qui, ut fertur, Antiochiæ ex éthnica família natus et arte médicus, ad Christi fidem convérsus et comes caríssimus beáti Pauli Apóstoli factus, in libro Evangélíi, quæ fecit Iesus et dócuit, mansuetúdinis Christi scriba ómnia diligénter ordinávit et item in Actus Apostolorum primórdia vitæ Ecclésiæ usque ad primam Pauli in Urbe commoratiónem enarrávit.

2. Antiochiæ in Sýria, sancti Asclepiádis, epíscopi, qui unus ex præcláro fidei confessórum número fuit, témpore persecutiónis.

3. Putéolis in Campánia, sanctórum mártýrum Próculi, diáconi, Eutícii et Acútii.

4*. Ricómagi apud Arvégnos in Aquitánia, sancti Amábilis, presbýteri.

5*. Nassóniæ in Brabántia Austrásiæ, sancti Monónis, qui eremíta in silva Arduénnæ et martyr fuisse créditur.

6. Arénis in Castélla Hispániæ regióne, sancti Petri de Alcántara, presbýteri ex Ordine Fratrum Minórum, qui, consílii dono necnon pæniténtiæ et austeritátis vita ornátus, regulárem disciplínam in convéntibus Ordinis per Hispániam reformávit et sanctæ Terésíæ a Iesu in Ordine Carmelitárum reformándo consiliárius fuit.

7. In vico *Ossernenon* in território Canadénsi, pássio sancti Isaac Jogues, presbýteri e Societáte Iesu et mártýris, qui ab éthnicis primum in servitútem redáctus ac dígitis mutilátus, demum secúris ictu cápite confrácto óbiit; cuius memória una cum sóciis postrídie huius diéi ágitur.

8. Romæ, natális sancti Pauli a Cruce, presbýteri, cuius memória cras ágitur.

Die 19 octobris

Quartodécimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

Sanctórum mártýrum Ioánnis de Brébeuf, Isaac Jogues, presbyterórum, et sociórum e Societáte Iesu, qua die sanctus Ioánnes de la Lande, religiósus, a pagánis quibúsdam loci necátus est in vico Ossernenon, tunc in território Canadénsi, ubi vero, paucis ante annis, étiam sanctus Renátus Goupil martýrii palmam consecútus erat. Una eadémque veneratióne colúntur hac die eórum quoque confrátres sancti Gabriel Lalemant, Antónius Daniel, Cárolus Garnier et Natális Chabanel, qui in dicióne Canadénsi, diversis diébus multos post labóres in missióne apud Hurónes

peráctos ad Evangélium Christi pópulis illíus regiónis nuntiándum mártýres occubuérunt.

Sancti Pauli a Cruce, presbýteri, qui, iam inde a iuventúte pæniténtia ac zelo conspicuus et singulári caritáte erga Christum crucifíxum in vultu Páuperum ægrotorúmque spectátum incénsus, Congregatiónem Clericórum Regulárium a Cruce et Passiône Dómini Nostri Iesu Christi instítuit; eius natális vero prídie huius diéi Romæ occúrrit.

3. Commemorátio sancti Ioélis, prophétæ, qui magnum diem Dómini et mystérium effusiónis Spíritus eius super omnem carnem nuntiávit, quod die Pentecóstes divína maiéstas in Christo mire perfícere dignáta est.

4. Romæ, commemorátio sanctórum Ptolomæi, Lúcii et altérius sócii, qui, ut refert sanctus Iustínus, christiáni probáti ex eo quod vel libídinem in móribus vel iniustítiam in senténtiis reprehénderant, sub Antoníno Pio imperatóre a Lollo Urbico præfécito condemnáti sunt.

5. Apud Ostia Tiberína, sancti Astérii, mártýris.

6. Apud Sénones in Gállia Lugdunénsi, commemorátio sanctórum Sabiniáni et Potentiáni, qui primi pastóres huius civitátis habéntur ibíque confessiόnem suam martýrio complevérunt.

7. In Ægýpto, sancti Vari, mílitis, qui, sub Maximiano imperatóre, dum sanctos sex eremítas in cárcere deténtos visitáret atque refíceret, séptimo in erémo defúncto, in eius locum subrogári vóluit et cum illis, sævissíma passus, martýrii palmam adéptus est.

8*. Illuróne ad Pyrenæos in Aquitánia, commemorátio sancti Grati, epíscopi, qui, témpore Alaríci, Gothórum regis ariáni, Concílio Agathénsi ádfuit ad Ecclésiám huius regiónis Gálliae instaurándam.

9. In Británnia Minóre, sancti Ethbíni, mónachi, qui vitam egit solitáriam.

10. Cabelliόne in Província, sancti Veráni, epíscopi, qui magnis virtútibus, præsertim in ægrótiis curándis, præditus fuit.

11. Ebróicis item in Gállia, sancti Aquilíni, epíscopi, qui, ut fertur, cum miles esset, opéribus bonis se dedit necnon, uxóre consentiēte, continéntiæ voto atque ad hanc sedem evéctus est.

12. Oxónii in Anglia, sanctæ Frideswíðæ, vírginis, quæ, e stirpe régia orta et abbátissa facta, duplex cœnóbium, álterum monachórum álterum sanctimoniálum, rexit.

13*. Bivíllæ prope Cáesaris Burgum in Normánnia, beáti Thomæ Hélye, presbýteri, qui dies in sacro ministério, noctes vero in oratióne et pæniténtia impendébat.

14. Londínii in Anglia, sancti Philíppi Howard, mártiris, qui, comes Arundeliénsis et paterfamílias, cum regínæ Elísabeth grátia excidísset, eo quod cathólicam fidem amplexus esset, in cárcerem trusus est ibidémque, oratióni et pæniténtiæ mire déditus, egestáte vero ærumnísque consúptus, mártýrii corónam accípere méruit.

15. Nagasákii in Iapónia, sanctórum mártýrum Lucae Alphónsi Gorda, presbýteri, et Matthæi Kohioye, religiósi, utriúsque ex Ordine Prædicatórum, quorum prior primum in ínsulis Philippínis, dein decénnum in Iapónia Evangélíi intrépídus adminíster fuit, alter vero, duodevigínti annos natus, sócius eius in propagánda ac testificánda fide.

16*. Langíaci ad Eláver flumen in Gállia, beátæ Agnétis a Iesu Galand, vírginis ex Ordine Prædicatórum, quæ, cœnóbii prioríssa, ardénti in Iesum Christum emínuit amóre ac stúdio erga Ecclésiám, contínuas ófferens oratiónes et pæniténtias pro eius pastóribus.

Die 20 octobris

Tértiodécimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
28	29	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	22	23	24	25	26	27							

1. Commemorátio sancti Cornélii centuriónis, quem Cæsaréæ in Palæstína sanctus Petrus Apóstolus baptizávit, primítias Ecclésiæ ex gentibus.

2. Agínni in Aquitánia, sancti Caprásii, mártýris.

3. Alsóntiæ in agro Reménsi in Néustria, sancti Sindúlphi, eremítæ, qui solitárium vitam egit, soli Deo notus.

4*. Salisbúrgi in Bavária, sancti Vitális, epíscopi, qui, ex Hibérnia oriúndus, sancti Rupéрти discípulus fuit, itínerum sócius et labórum vigiliarúmque æmulus; ab ipso in successórem eléctus, pópulum Pinzgeriensem ad fidem Christi convértit.

5. Constantinópoli, sancti Andréæ dicti in Crisi seu Calybítæ, mónachi et mártýris, qui, Creta ínsula ortus, ob cultum sacrárum Imáginum, sub Constantíno Coprónymo imperatóre, sáepius verberátus et usque ad mortem supplíciis animadvérsus, tandem e muro civitátis inter sordes præcipitátus est.

6*. Apud Trecas ad Séquanam in Gállia, sancti Aderáldi, archidiáconi, qui mónitis et exémpis suis canónicam régulam illustrávit, étiam dum a Saracénis in Terra Sancta cáptivus tenebátur.

7*. Savíniaci in Normánnia, sanctæ Adelínæ, primæ abbatíssæ monastérii Moretonénsis, quod sancti Vitális fratris sui auxílio cóndidit.

8*. Leópoli in Ruthénia, beáti Iacóbi Strepa, epíscopi Haliciénsis, ex Ordine Minórum, pastoráli sollicitúdine et apostólicis virtútibus illústris.

9. Tarvísii in Itália, sanctæ Mariæ Bertíllæ (Annæ Francíscæ) Boscardin, vírginis e Congregatióne Sorórum a Sancta Dorothea Sacrórum Córdium, quæ in valetudinário de ægrotórum et corporáli et spiritáli salúte sollicita fuit.

10*. Vindóbonæ in Austria, beáti Iacóbi (Francísci Alexándri) Kern, presbýteri ex Ordine Præmonstraténsi, qui, alúm nus, in prióre totíus mundi bello ad arma citus et gravi vúlnerē afféctus, póstea omni sollicitúdine ministério pastoráli se dedit, quo breve functus est; longo enim acerbóque morbo corréptus est, quem cum fortitúdine ánimi excépit, Dei voluntáti pacáte obtémperans.

Die 21 octobris

Duodécimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
29	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	23	24	25	26	27	28							

1. **N**icomediæ in Bithýnia, Sanctórum Dásii, Zótici et Caii, qui, doméstici Diocletiáni, incéndii palátii insimuláti, morti tradíti sunt et, alligátis ad collum moláribus, in mare demérsi.

2. Apud Colóniam Agrippínam in Germánia, commemorátio sanctárum vírginum, quæ pro Christo martýrio vitam consummárunť ubi póstea basílica civitátis exstrúcta est in honórem dicáta puéllæ Ursulæ, vírginis innocéntis, quasi princípis eárum hábitæ.

3. In Cypro ínsula, sancti Hilariónis, abbátis, qui, sancti Antónii vestígiis insístens, primum prope Gazam vitam duxit solitáriam, dein in hac província fundátor atque exémpLAR eremíticæ conversatiónis éxstitit.

4. Commemorátio sancti Malchi, mónachi, cuius ascésim et illústrem vitam Maronéæ prope Antiochiám in Sýria sanctus Hierónymus expósuit.

5. Burdígalæ in Aquitánia, sancti Severíni, epíscopi, quem de pártibus Oriéntis veniéntem sanctus Amándus epíscopus honorífice recépít atque suum vóluit successórem.

6. Apud Laudúnum in Gállia, sanctæ Cilíniæ, matris sanctórum episcopórum Princípii Suessionénsis et Remígii Reménsis.

7. Lugdúni in Gállia, commemorátio sancti Viatóris, lectóris, qui, discípulus et miníster sancti Iusti, Lugdunénsis epíscopi, eum secúťus est in Ægýpti solitúdine et in morte.

8*. Apud Tréviros in Austrásia, sancti Wendelíni, eremítæ.

9*. Massíliæ in Província Gállia, sancti Maurónti, epíscopi, qui et abbas fuit ecclésiæ Sancti Victóris.

10*. Cortónæ in Etrúria, beāti Petri Capucci, presbýteri ex Ordine Prædicatórum, qui meditatióne mortis seípsum ad supérna diréxit atque sédula prædicatióne fidéles commónuit, ne in mortem incíderent ætérrnam.

11. Seuli in Coréa, sancti Petri Yu Tæ-ch'ol, mártiris, qui, tredécim annos natus, in cárcere concaptívus ad supplicia ferénda hortátus est et, verbérum íctibus centénis cæsus, dénique láqueo strangulátus martýrium complévit.

12*. In vico *Belencito* prope Metellínium in Colúmbia, beátæ Láuræ a Sancta Catharína Senénsi Montoya y Upeguí, vírginis, quæ ad Evangélium inter pópulos indígenos adhuc Christi fide expértes nuntiándum magno Dei lucro se cóntulit et Congregatiónem Sorórum Missionariárum Mariæ Immaculátæ et Sanctæ Catharínæ Senénsis suscitávit.

Die 22 octobris

Undécimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	24	25	26	27	28	29							

1. Commemorátio sancti Marci, epíscopi Hierosolymitáni, qui primus ex géntibus sanctæ civitátis Ecclésiám suscepit regéndam, quam terróre dispérsam fide et indústria sua congregáre cœpit.

2. Hierápoli in Phrýgia, sancti Abércii, epíscopi, quem, Christi boni Pastóris discípulum, fidem peregrínium per divérsas regiões conduxisse et mýstico cibo enutrivísse narrátur.

3. Hadrianópolis in Thrácia, sanctórum mártýrum Philíppi, epíscopi Heracleénsis, et Hermétis, diáconi, quorum prior, Diocletiáni imperatóris persecutióne ineúnte, cláudere iussus ecclésiám et ómnia vasa librósque eius osténdere, cum præsidi Iustino dixisset, quæ ille postulábat, nec sibi dari nec ei accíperere conveníre, post cárcerem et flagélla cum diácono igne cremátus est.

4. Rothómagi in Gállia Lugdunénsi, sancti Mallóni, epíscopi, qui in hac civitate christiánam fidem nuntiavísse sedémque episcopálem constituísse tráditur.

5*. In território Bisuntíno Germániæ, sancti Valérii, Ecclésiæ Lingonénsis diáconi, ab éthnicis occísi.

6*. In pago Catalaunénsi Néustriæ, sancti Lupéntii, abbátis basilicæ Sancti Priváti Gabalórum, qui ab Innocéntio, cómite civitátis, multa dira iniúste passus cápite abscíssus est.

7*. Augústæ Ausciórum in Aquitánia, sancti Leotádii, epíscopi.

8*. In monastério Berceti in Langobárdia, sancti Moderáni, abbátis, quondam Rhedonénsis epíscopi in Gállia, solitúdinis amóre et pietáte erga loca sanctórum insígnis.

9*. In território Nanneténsi Británnia e Minóris, sancti Benedícti, qui Maceráci vitam egit eremitícam.

10. Oscæ in Aragónia Hispániæ, sanctárum Nunilónis et Alódiæ, vírginum et mártýrum, quæ, infidéli patre natæ, sed in doctrína christiána a matre edóctæ, cum Christi fidem desérere recusárent, post diutúrná custódiam ex edícto ‘Abd ar-Rahman Secúndi, Cordubénsis regis, sub ictu gládii corruérunt.

11. Fæsulis in Etrúria, sancti Donáti Scoti, epíscopi, qui, eruditíone ac pietáte clams, ex Hibérnia Romam peregrínans pópulo huius civitátis ut pastor exímus divínus datus est.

Die 23 octobris

Décimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	25	26	27	28	29	1							

Sancti Ioánnis de Capestráno, presbýteri ex Ordine Minórum, qui disciplínam regulárem propugnávit et per fere totam Euróпам

ministrávit ad fidem et mores cathólicos firmándos; suárum exhortatiónum precúmque fervóre pópulum fidélium sustentávit atque in libertátem christianórum defendéndam se impéndit. Apud locum *Ujlak* tandem ad ripam Danúbii in regno Hungáriæ e vita discéssit.

2. Prope Gades in Báetica Hispániæ regióne, sanctórum Servándi et Germáni, mártýrum in persecutióne Diocletiáni imperatóris.

3. In Pérside, sanctórum mártýrum Ioánnis, epíscopi, et Iacóbi, presbýteri, qui sub Sápore rege Secúndo in cárcerem coniécti sunt et post annum gládio agónem consummavérunt.

4. Antiochiæ in Sýria, sancti Theodoréti, presbýteri et mártýris, qui, ut fertur, ab ímpio Iuliáno, cómite Oriéntis, comprehénsus, cum in confessiόne Christi persisteret, ad martýrium ductus est.

5. Colóniæ Agrippínæ in Germánia, commemorátio sancti Severíni, epíscopi, ómnibus virtútibus laudábilis.

6*. Pápiæ in Ligúria, commemorátio sancti Severíni Boétii, mártýris, qui, sciéntia ac scriptis præclárus, in cárcere deténtus tractátum scripsit de consolatióne philosóphiæ et Deo usque ad mortem a Theodórico rege inflíctam cum integritáte servívit.

7*. Syracúsis in Sicília, sancti Ioánnis, epíscopi, cuius sanctus Gregórius papa Magnus laudávit mores, iustítiam, sapiéntiam, próvidum consílium atque curam rerum Ecclésiæ.

8. Rothómagi in Néustria, sancti Románi, epíscopi, qui, paganórum delúbra, quæ adhuc in civitáte valde frequentabántur, fúnditus evértit, bonos promóvit ad melióra et malos a malis revocáre stúduit.

9. In pago Herbadíllico apud Pictávium in Aquitánia Gállia, sancti Benedícti, presbýteri.

10. Constantinópoli, sancti Ignátii, epíscopi, qui, cum Bardam Cæsarem ob repudiátam uxórem arguísset, ab eo multis iniúriis afféctus est et in exsílium pulsus, sed a sancto Nicoláo papa Primo restitútus, tandem in pace quiévit.

11*. Ruméseiae in Anglia, sanctae Ethelflédæ, quæ, in monasterio a patre Ethelwóldo cóndito iam inde ab infántia Deo dicata est et, abbatissa effécta, usque ad senéctam óptime rexit.

12*. Campuliáni in Etrúria, sancti Allúcii, veri pacífici páuperum ac peregrinórum procuratóris atque captivórum liberatóris.

13*. Mántuæ in Langobárdia, beáti Ioánnis Boni, eremítæ, qui, iúvenis, matre relícta, artem iaculatóris et histriónis exércens, per várias Itáliæ regiões errávit, sed quadragínta annos natus, gravi morbo superveniénte, Dómino vovit se mundum desertúrum, ut Christo et Ecclésiæ totum pæniténtia et amóre se daret, atque Congregatiónem fundávit sub Régula sancti Augustíni.

14*. Medioláni item in Langobárdia, beáti Ioánnis Angeli Porro, presbýteri ex Ordine Servórum Mariæ, qui, prior convéntus, ómnibus diébus festis ad portam ecclésiæ stans vel vicos percúrrens púeros congregábat, ut doctrína christiána eos docéret.

15*. Eboráci in Anglia, beáti Thomæ Thwing, presbýteri et mártiris, qui, coniuratiónis crimine falso insimulátus, de iussu Cároli regis Secúndi láqueo suspénsus et dire disséctus, mártýrii palmam consecútus est.

16*. Valentíanæ in Gállia, beatárum Mariæ Clotíldis Angelæ a Sancto Francísco Bórgia (Clotíldis Ioséphæ) Paillot et quinque sociárum,⁴ vírginum et mártirum, quæ, Deo sacrátæ, témpore gállicæ perturbatiónis in ódium fidei cápite damnátæ, pópulo miránte, pie ad patíbulum accessérunt.

17. In urbe *Thọ-Đức* in Annámia, sancti Pauli Tông Viêt Bường, mártiris, qui, miles, sub imperatóre Minh Mạng pro Christo occúbuit.

18*. Remis in Gállia, beáti Arnóldi (Iuliáni Nicolái) Rèche, fratris Scholárum Christianárum, qui, Spirítui Sancto in ómnibus dócilis, iuvénibus summo stúdio cavit, semper in magístri múnere exercéndo et in oratióne assíduus.

19*. Apud Civitátem Regálem in Hispánia, beatórum mártirum Hildephónsi García et Iustiniáni Cuesta, presbyterórum, atque Euphrásii de Celis, Honoríni Carracedo, Thomæ Cuartero et Ioséphi Mariæ Cuartero, relígiósorum, e Congregatióne Pássio nis, qui, persecutióne religiósá sæviénte, pro Christo et Ecclésia plumbis interfécti sunt.

20*. In loco *El Saler* nuncupáto prope Valentiam item in Hispánia, beáti Leonárdi Olivera Buera, presbýteri et mártiris, qui, témpore eiúsdem persecutiónis religiósæ, passióem Christi æmulans, práemium ætérnum cónsequi méritus est.

21 *. In óppido *Benimaclet* item in pago Valentíno Hispániæ, beatórum Ambrósii Leónis (Petri) Lorente Vicente, Floréntii Martíni (Alvári) Ibæñz Lázaro et Honoráti (Andréæ) Zorraquino Herrero, religiosórum ex Institúto Fratrum Scholárum Christianárum et mártýrum, qui in eádem tempestáte sánguinem pro Christo effuderunt.

Die 24 octobris

Nono Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	26	27	28	29	1	2							

Sancti Antónii Mariæ Claret, epíscopi, qui, présbyter ordinátus, plures annos Cataláuniam Hispániæ regiónem peragravit pópulo prædicans; Societátem instituit Missionariórum Filiórum Immaculáti Cordis Beátæ Mariæ Vírginis et, epíscopus factus Sancti Iacóbi in Cuba ínsula, de salúte animárum óptime méritus est. In Hispániam revérsus, adhuc multa pro Ecclesiá sustínuit et exsul apud mónachos Cisterciénses Fontis Frígida prope Narbónem in Gállia meridionali óbiit.

2. Hierápoli in Phrýgia, Sanctórum Cyríaci et Claudiáni, mártýrum.

3. Constantinópoli, sancti Procli, epíscopi, qui beátam Mariám Dei Genetrícem strénue proclamávit et corpus sancti Ioánnis Chrysóstomi de exsílio triumpháli translatione civitáti réddidit, ut in Concílio Œcuménico Chalcedonénsi Magnus étiam appellári mererétur.

4. Negránæ in Arabia, pássio sanctórum Aréthæ, princípis civitátis, et sociórum eius trecentórum et quadraginta, témpore Iustíni imperatóris, sub Dū Nuwās seu Dun‘an, Homerítarum rege.

5*. Apud Turónos in Néustria, sancti Senóchi, presbýteri, qui in rudéribus antíquis monastérium constituit, vigíliis orationéque et caritáte erga servos assíduus.

6*. In monastério Vertavénsi in pago Ratiaténsi Gálliae, sancti Martíni, diáconi et abbátis, quem sanctus Felix epíscopus Nanneténsis ad pagános regiónis converténdos misit.

7. Apud Tungros in Brabántia Austrásiæ, sancti Evergísli, epíscopi Coloniénsis et mártiris, qui, dum de pastoráli officio curas adhibébat, Pictávium proféctus a latrónibus in itinere percússus occúbuit.

8. In Británnia Minóre, sancti Maglórii, qui, sancti Iltúti discípulus, sancto Samsóni Dolénsi epíscopo successísse et in solitúdine Sargiénsis ínsulæ vitam duxísse tráditur.

9*. Constántiæ in Néustria, sancti Fromúndi, epíscopi, qui cœnóbium moniálium Haméti cóndidit et pastorále munus in amóre Dómini exércuit.

10. Huéi in Annámia, sancti Ioséphi Lê Đãng Thị, mártiris, qui, centúrio, in cárcere deténtus quod christiánus esset, in torméntis fidem, a qua numquam defléxit, inter concaptívos testátus est, demum strangulátus sub imperatóre Tỵ Đức.

11*. Comi in Itália, beáti Aloýsii Guanella, presbýteri, qui Congregatiónem Servórum a Caritáte et Filiárum a Sancta María Providéntiæ fundávit, tum ad miseriórum afflictorúmque necessitatibus subveniéndum, tum ad eórum salútem provehéndam.

12*. Ronchi ad Athesim flumen in agro Veronénsi Italiæ, beáti Ioséphi Baldo, presbýteri, qui, pastoráli curæ addíctus, Congregatiónem Parvárum Filiárum a Sancto Ioseph fundávit ad senes ægrotósque iuvándos necnon infántes iuvenésque instituéndos.

Die 25 octobris

Octávo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	27	28	29	1	2	3							

1. **R**omæ in cœmetério Thrasónis via Salária Nova, sanctórum Chrysanthi et Daríæ, mártýrum, quos sanctus Dámasus papa laudat.

2. Suessióne in Gállia Bélgica, sanctórum Crispíni et Crispíniani, mártýrum.

3. Floréntiæ in Etrúria, sancti Miniátis, mártýris.

4. Petricórdii in Aquitánia, sancti Frontónis, qui primus in hac civitáte Evangélium prædicásse créditur.

5. Constantinópolis, sanctórum Martýrii, subdiáconi, et Marciáni, cantóris, qui ab ariánis sub Constántio imperátore necáti sunt.

6. Bríxiæ in Venétia, sancti Gaudéntii, epíscopi, qui a sancto Ambrósio ordinátus, inter præsules ætátis suae doctrína virtutibúsq; conspicuus, verbo et scriptis pópulum suum dócuit atque basílicam cóndidit, quam Concílium Sanctórum nuncupávit.

7. In território Gállia Gabalitáno, sancti Hilárii, epíscopi Mimaténsis.

8*. In pago Segobiénsi Hispániæ, sancti Fructi, qui in áspera rupe vitam duxit eremitícam.

9*. Quinque Ecclésiis in Hungária, sancti Mauri, epíscopi, qui, fere totam vitam scholásticus, tandem mónachus et abbas in monastério Sancti Martíni vixit.

10*. Vici in Cataláunia Hispániæ, sancti Bernárdi Calbó, epíscopi, qui, iúdicis officio dimísso, primum inter Cisterciénses abbas factus est, dein ad sedem Vicénssem eléctus, rectam doctrínam strénue promóvit.

11*. Burgi Sancti Antónii in Subalpínis, tránsitus beáti Thaddæi Machar, epíscopi Corcagiénsis et Cloynénsis in Hibérnia, qui poténtium invídiam passus recéssit et, dum Romam pergébat, ad cælum migrávit.

12*. In oppido *Nules* prope Dertósam in Hispânia, beáti Recarédi Centelles Abad, presbýteri e Sodalitáte sacerdotum operariórum diœcesanórum et mátyris, qui, persecutióne erga Ecclésiám grassánte, in ódium sacerdotii ad portas cœméterii interféctus est.

13*. Alzíræ in pago Valentíno item in Hispânia, beatárum Mariæ Teresiæ Ferragud Roig atque Filiárum eius Mariæ a Iesu (Vincéntiæ), Mariæ Verónicæ (Ioachímæ), Mariæ Felicitátis Masiá Ferragud, vírginum ex Ordine Clarissárum Capuccinárum, et Ioséphæ a Purificatióne (Raymúndæ) Masiá Ferragud, vírginis ex Ordine Augustinianárum Discalceatárum, mátyrum, quæ in eádem tempestáte ob impávidum Christi testimónium coronátæ sunt.

Die 26 octobris

Séptimo Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	28	29	1	2	3	4							

1. **N**icomediæ in Bithýnia, sanctórum Luciáni et Marciáni, mátyrum, qui sub Décio imperatóre, iussu Sabíni procónsulis, igne necáti esse narrántur.

2. Carthágine, commemorátio sancti Rogatiáni, presbýteri, cui, in persecutióne Décii imperatóris, sanctus Cypriánus Ecclésiám Carthaginénsem commísit geréndam et qui una cum sancto Felicíssimo pro Christi nómine ærúmnas carcerésque passus est.

3*. Argenteráti in Germánia, sancti Amándi, qui huius civitátis primus epíscopus fuísse crédito.

4. Narbóne ad oram Gállia, sancti Rústici, epíscopi, qui, cum munus depónere et vitam in siléntio dégere cogitávisset, a sancto Leóne papa Magno indúctus ad beátam perseverántiam, sic reféctus, in ópere ipsi crédito et in labóre suscêpto permánsit.

5*. Engolísmæ in Aquitánia, commemorátio sancti Aptónii, epíscopi.

6*. Lastinghámia in Northúmbria, sancti Ceddæ, qui, frater sancti Ceáddæ, a sancto Fináno episcopus Saxonum orientálium ordinátus est et inter eos Ecclésiæ fundaménta agénda curávit.

7*. Axelodúni item in Northúmbria, sancti Eátæ, episcopi, qui, vir dulcíssimus et simplicíssimus, plúra cœnóbia necnon Ecclésias rexit, donec Axelodúnum revérsus, abbas simul et episcopus, ascética conversatióne numquam déstitit.

8*. Metis in Austrásia, sancti Sigebáldi, episcopi, plúrium monasteriórú conditóris.

9*. In monastério Heresfeldénsi in Germánia, depositio sancti Wittæ seu Albuíni, primi episcopi Buriburgénsis, qui, anglus natióne, a sancto Bonifátio cum áliis accítus est et in Hássiam missus, ut verbi divíni ibídem spárgeret sémina.

10*. In Scótia, sancti Beáni, episcopi Murthlacénsis.

11. Pápiæ in Langobárdia, sancti Fulci, episcopi, ex gente scota, viri pacífici, navitáti et caritáti summópere déditi.

12*. Régii Lepídi in Æmília, beáti Damiáni Furcheri, presbýteri ex Ordine Prædicatórum, Evangélii præcónis egrégii.

13*. Rebélli apud Amálphiam in Campánia, beáti Bonaventúráe de Poténtia, presbýteri ex Ordine Fratrum Minórum Conventuálium, qui obœdiéntia et caritáte in omnes enítuit.

Die 27 octobris

Sexto Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	30	29	1	2	3	4	5							

1. **R**omæ, sancti Evarísti, papæ, qui quartus post beátum Petrum sub Traiáno imperatóre Románam rexit Ecclésiám.

2. Apud Smyrnam in Asia, sancti Thraséæ, epíscopi Euménia in Phrýgia et mártiris.

3*. Arvérnæ in Aquitánia, sancti Namátii, epíscopi, qui ecclésiám cathedrálem exstrúxit.

4. Neápoli in Campánia, depositio sancti Gaudiósi, epíscopi, qui ob Vandalórum persecutióem ex Abitínis in Campániam venísse et sancto fine in monastério quievísse fertur.

5*. In Hiénsi Scótiæ ínsula, sancti Otteráni, mónachi, qui inter primos discípulos fuit sancti Colúmbæ.

6*. Vicétia in Venétia, commemoratio beáti Bartholomæi de Bregántia, epíscopi, ex Ordine Prædicatórum, qui in hac civitate Milítiam Iesu Christi ad fidem cathólicam et Ecclésiæ libertátem tuéndam instítuit.

7*. In civitate Patérna in pago Valentíno Hispániæ, beáti Salvatóris Mollar Ventura, religiósi ex Ordine Fratrum Minórum et mártiris, qui, témpore persecutióis erga fidem, in Christi ságuine discipulus fidélis méruiť redimi.

Die 28 octobris

Quinto Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

Festum sanctórum Simónis et Iudæ, Apostolórum, quorum prior Cananáus seu «Zelótes» cognominabátur; alter vero, et Thaddæus vocátus, Iacóbi filius, in Cena novissíma Dóminum de eius manifestatióne rogávit, qui ei respóndit: «Si quis díligit me, sermónem meum servábit et

Pater meus diligit eum et ad eum veniémus et mansiónem apud eum faciémus».

2. Moguntiæ in Gállia Béllica, sancti Ferrútii, mártiris, qui, militia relícta, ut libérius aptiúsque Christo servíret, martyr occubuísse fertur.

3. Apud Cómum in Gállia Cisalpína, sancti Fidélis, mártiris.

4. Abulæ in Hispânia, pássio sanctórum Vincéntii, Sabinæ et Christétæ, mártirum, qui ex Ebora Carpetanórum in hanc urbem fugiéntes crudéliter occísi sunt.

5*. Tigérni in Aquitánia, sancti Genésii, qui albis indútus per martýrium ab hoc mundo migrásse celebrátur.

6. Ambiáni in Néustria Gállia, sancti Sálvíi, epíscopi, a prima iuventúte stúdiis divínis dediti et integritáte morum ornáti.

7. Meldis item in Néustria, sancti Farónis, epíscopi, qui, primum regis famíliaris, per sanctam Faram sorórem suam ad Dei servítium addúctus, uxóri suæ velum religiónis indúere persuásit, ut in clerum ipse cooptarétur, et, ad régimen pastorále vocátus, Ecclésiam largíssimis donatióibus ex suis ditávit, parœcias eréxit monasteriáque fovit.

8*. Annécii in Sabáudia, commemorátio sancti Germáni, abbátis, qui priorátum Tallueriánum fundávit ac rexit, solitúdinis amóre insígnis.

9. In *Fujian* Sinárum província, sanctórum Francísci Serrano, epíscopi, atque Ióachim Royo, Ioánnis Alcober et Francísci Díaz del Rincón, presbyterórum ex Ordine Prædicatórum, mártirum, qui eándem fidem eádem passióne firmárun.

10. In pago *Chợ-Rà* in Tunkuino, sancti Ioánnis Đạ, presbýteri et mártiris, pro Christo decolláti.

11. In vico *Ejutla* in México, sancti Roderíci Aguilar, presbýteri et mártiris, qui, persecutióne sæviénte, a militibus árbori suspénsus martýrium, quod desideráverat, glorióse complévit.

12*. Alzíræ in pago Valentíno Hispániæ, beáti Salvatóris Damiáni Enguix Gares, mártiris, qui, paterfamílias, témpore persecutiónis, certámen pro fide complévit.

13*. In vico *Gilet* in eódem pago Hispániæ, beáti Ioséphi Ruiz Bruixola, presbýteri et mártýris, qui in eádem tempestáte ante Deum omnipoténtem palmam victóriæ méruit gére.

Die 29 octobris

Quarto Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

- 1.** Carthágine, sancti Feliciáni, mártýris.
- 2.** Commemorátio sancti Narcissi, epíscopi Hierosolymítáni, sanctitáte, patiéntia ac fide laudábilis, qui, cum sancto Victóre papa conséntiens de Páschatis christiáni témpore celebratiónis, nulla alia quam domínica die mystérium Resurrectiόνis Dómini celebrándum esse assérui et, centum et sédecim annórum senex, feliciter ad Dóminum migrávit.
- 3.** Vercéllis in Ligúria, sancti Honoráti, epíscopi, qui, sancti Eusébii discípulus in cœnóbio et sócius in cárcere, post magístrum secúndus hanc sedem tenuit, quam recto dógmate edócuit, et dignus qui sancto Ambrósio moriénti præbéret viáticum.
- 4.** Sidóne in Phœnicia, sancti Zenóbii, presbýteri, qui, sub Diocletiáni imperatóris persecutiónis acerbitáte, ad martýrium álios exhórtans, martýrio et ipse coronátus est.
- 5.** Edéssæ in Osrhoéne Mesopotámia, sancti Abrahæ, anachorétæ, cuius res gestas sanctus Ephræm diáconus conscrípsit.
- 6.** In território Viennénsi Gállia, sancti Theodárii, abbátis, qui, sancti Cæsárii Arelaténsis discípulus, cellas pro mónachis fundávit et ab epíscopo orátor ad Deum constitútus est et présbyter pænitentiárius pro univérso pópulo civitátis.
- 7*.** Duácæ Gállicæ in Hibérnia, sancti Colmáni, epíscopi.

8*. Monastérii in Fánia in pago Néustriæ Cameracénsi, sancti Dodónis, abbátis, qui, Waslerénsi monastério præpósitus, eremíticam prætulit vitam.

9*. Secundiliáni prope Neápolim in Itália, beáti Caietáni Errico, presbýteri, qui recéssus spiritalés et Eucharístiæ contemplatiónem omni stúdio fovit, ut Christo ánimas lucraretur, quo étiam Missionários Sacrórum Córdium Iesu et Mariæ suscitávit.

Die 30 octobris

Tértio Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	'	D	E	F	F	G	H	M	N	P						
28	29	30	1	2	3	3	4	5	6	7	8							

1. **S**yracúsis in Sicília, sancti Marciáni, qui primus huius civitátis epíscopus créditur.

2. Commemorátio sancti Serapiónis, epíscopi Antiochéni, qui, eruditióne et doctrína claríssimus, sanctimóniæ famam non minórem reliquit.

3. Alexandríæ in Ægýpto, sanctæ Eutrópiæ, mártiris, quæ, cum Christum denegáre renúisset, sævíssime cruciáta spíritum réddidit.

4. Tingi in Mauretánia, pássio sancti Marcélli centuriónis, qui, die natáli imperatóris, cum omnes sacrificárent, cingulum militiæ, arma et ipsam vitem coram signis reiécit, se christiánus esse prófitens, nec ámplius sacraménto mílitum congruenter obædíre posse, sed soli Iesu Christo; quaprópter cápitis abscissióne martýrium complévit.

5. Legióne in Hispánia, Sanctórum Cláudii, Lupércii et Victórii, mártirum, qui in persecutióne Diocletiáni imperatóris pro Christi nómine passi sunt.

6. Cumis in Campánia, sancti Máximi, mártiris.

7. Cápuæ item in Campánia, sancti Germáni, epíscopi, de quo sanctus Gregórius papa Magnus scripsit.

8. Poténtiæ in Lucánia, sancti Gerárdi, epíscopi.

9*. Foroiúlii in Venétia, beátæ Benvenútæ Boiani, vírginis, soróris de Pæniténtia Sancti Domínici, quæ in oratióem et austeritátes se totam impéndit.

10*. Vintóniæ in Anglia, beáti Ioánnis Slade, mártiris, qui, propter Elísabeth Regínæ Primæ dominátum in re spiritali denegátum, in patíbulo suspénsus diréque disséctus est.

11*. Limeríci in Hibérnia, pássio beáti Teréntii Albérti O’Brien, epíscopi et mártiris, qui, ex Ordine Prædicatórum, Ecclésiæ Hemeliénsi præpósitus, peste vexatórum curæ impénsam óperam dedit, sed a milítibus sub regímine Olivéríi Cromwell comprehénsus in ódium sacerdótii et Cathólicæ fidei ad patíbulum ductus est.

12*. Acríi in Calábria, beáti Angeli, presbýteri ex Ordine Fratrum Minórum Capuccinórum, qui regnum Neapolitánum indefesse péragrans sermóne simplicibus apto verbum Dei prædicávit.

13*. Andégavi in Gállia, beáti Ioánnis Michaélis Langevin, presbýteri et mártiris, propter sacerdótium decollatióne interfécti, primi ex ágminæ prope centum virórum ac mulierum, qui, dum in gállica perturbatióne terror sæviébat, unánimes usque ad mortem constánter et impávide in Christi fide permansérunt.

14*. In óppido *Dolinka* prope Caragándam in Cazastánia, beáti Aléxii Zaryckyj, presbýteri et mártiris, qui, témpore regíminis in Deum hostílis in campum detentiónis deportátus, per certámen fidei vitam apprehéndit ætéram.

Die 31 octobris

Prídie Kalendas novembris. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

1. **A**lexandriæ in Ægýpto, sancti Epimáchii Pelusiótæ, mártýris, qui, ut fertur, témpore Décii imperatóris persecutiónis, cum præfécum cristiános ad idolórum sacrificia subígere vidéret, aram subvértere conátus est, quaprópter comprehénsus et dilaniátus, demum gládio decollátus est.

2. Apud Augústam Viromanduórum in Gállia Bélgica, sancti Quintíni, mártýris, qui, ex órdine senatório, sub Maximiano imperátore pro Christo passus est.

3*. Apud Fossas in Brabántia Austrásiæ, sancti Foilláni, presbýteri et abbátis, qui, hibernus génere, frater et sócius sancti Furséi, institútis monásticis pátriæ semper fidélis, Fossis et Nivéllæ duplex, virórum nempe et múlierum, constituit monastérium, inter quæ iter fáciens a latrónibus interfécus est.

4. Medioláni in Langobárdia, sancti Antoníni, epíscopi, qui máxime adlaborávit, ut inter Langobárdos háeresim ariánam exstíngueret.

5. Ratisbome in Bavária, sancti Wolfgangi, epíscopi, qui post magístri scholæ officium atque professiõem monásticam ad sedem episcopálem evéctus cleri disciplínam instaurávit et in território Puppíngæ visitádo humíliter óbiit.

6*. Cadúrcki in Aquitánia, beáti Christophóri de Romaníola, presbýteri ex Ordine Minórum, qui, a sancto Francíscó missus, post multos ad animárum salútem labóres centenárius óbiit.

7*. Reáte in Sabína, beáti Thomæ de Floréntia Bellaci, religiósi ex Ordine Minórum, qui in Terram Sanctam atque Ethiópiam profécus, captivitátem æumnásque pro Christo ab infidélibus passus est, demum in pátriam redux prope centenárius in pace quiévit.

8*. Yogháliæ in Hibérnia, beáti Domínici Collins, religiósi e Societáte Iesu et mártýris, qui diútius deténtus, instánte interrogátus et torméntis excruciátus cathólicam fidem firmiter conféssus est, quaprópter láqueo suspénsus martýrium cósummavit.

9. Palmæ in Maiórica ínsula, sancti Alphónsi Rodríguez, qui, cóniuge, púeris ac omni fortúna orbátus, religiósus in Societátem Iesu accéptus atque ianitóris múnere in Collégio multos annos functus, humilitáte, obœdiéntia ac constántia in iugo pæniténtiæ effúlsit.

10*. In óppido *Piotrków Kujawski* in Polónia, beáti Leónis Nowakowski, presbýteri et mártiris, qui, témpore occupatiónis Polóniæ more militari, ob fidem strénue coram regimine Dei inimico defénsam plumbis necátus est.

¹ Quorum nomina: beáti Antonius Baracho, Antonius Vilela Cid, Antonius Vilela iúnior et filia eius, Didacus Pereira, Emmanuel Rodrigues Moura et coniunx eius, filia Francísci Dias iunióris, Franciscus de Bastos, Franciscus Mendes Pereira, Ioánnes da Silveira, Ioánnes Lostau Navarro, Ioánnes Martins et septem iúvenes, Josephus do Porto, Matthreus Moreira, Simon Correia, Stéphanus Machado de Miranda et filia eius <lure, Vincentius de Souza Pereira.

² Quorum nomina: sancti Cyríllus Bertrandus (Iosephus) Sanz Tejedor, Marcianus Ioséphus (Philomenus) López López, Victorianus Pius (Claudius) Bernabe Cano, Iuliánus Alaphridus (Wilfridus) Fernández Zapico, Béniamin Iuliánus (Vincentius Alphonsus) Andres, Augústus Andréas (Romanus) Martin Fernández, Benedictus a Iesu (Hector) Valdivielso Sæz et Anicetus Adolphus (Emmanuel) Seco Gutierrez.

³ Quarum nomina: beátæ María Laurentina a Sancto Stanislao (Ioáнна Regína) Prin, María Ursula a Sancto Bernárdino (Hyacintha Augustina Gabriela) Bourla, María Ludovíca a Sancto Francíscio (María Genovefa) Ducrez et María Augustina a Sacro Corde Iesu (María Magdalena) Dejardin.

⁴ Quarum nomina: beátæ María Scholastica Iosepha a Sancto Iacobo (María Margarita Iosepha) Leroux et María Cordula Iosepha a Sancto Domínico (Ioáнна Ludovica) Barre, ex Ordine Ursulinárum; Josephina (Anna Iosepha) Leroux, ex Ordine Clarissárum; María Francisca (María Lievina) Lacroix et Anna María (María Augustina) Erraux, ex Ordine Brigittinarum.

NOVEMBER

Die 1 novémbris

Kaléndis novembris. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

Sollémnitas ómnium Sanctórum qui cum Christo sunt in glória, qua sub uno festivitátis gáudio, quorum societáte cælum exsúltat, eórum memóriam sancta Ecclésia in terra adhuc peregrínans venerátur, ut eorúndem exémplo incitétur, patrocínio lætétur triumphóque in conspéctu divínæ maiestátis ad æténa sáecula coronétur.

2. Tarracínæ ad oram Látii, sancti Cæsárii, mártiris.
3. Divióne in Gállia Lugdunénsi, sancti Benígni, qui présbyter et martyr cólitur.
4. Arvérnæ in Aquitánia, sancti Austremónii, epíscopi, qui in hac civitáte verbum salútis prædicásse fertur.
5. Parísii in Gállia Lugdunénsi, sancti Marcélli, epíscopi.
- 6*. In pago Bituricénsi Aquitániæ, sancti Rómuli, presbýteri et abbátis.
7. Tíburi in Látio, sancti Severíni, mónachi.
8. Medioláni in Langobárdia, sancti Magni, epíscopi.
9. Baiócis in Gállia Lugdunénsi, sancti Vigóris, epíscopi, qui discípulus fuit sancti Vedásti.
10. Andégavi in Néustria, sancti Licínii, epíscopi, cui sanctus Gregórius papa Magnus mónachos Angliam peténtes commendávit.
11. Lyricánti in pago Gastinénsi Aquitániæ, sancti Maturíni, presbýteri.
12. In território Taruannénsi Flándriæ, sancti Audomári, qui, iam sancti Eustásii abbátis Luxoviénsis discípulus, epíscopus Morinórum eléctus est et apud eos fidem christiánam renovávit.

13*. Burgi Sancti Sepúlcri in Umbria, beáti Rainérii Aretíni, religiósi ex Ordine Minórum, qui humilitáte, paupertáte et patiéntia refúlsit.

14*. Ulyssipóne in Lusitánia, beáti Nónii Alvarez Pereira, qui, primum defensióni regni præpósitus, dein inter fratres oblátos cooptátus in Ordine Carmelitárum, vitam duxit páuperem et abscónditam in Christo.

15*. Shimabáræ in Iapónia, beatórum Petri Pauli Navarro, presbýteri, Dionýsii Fujishima et Petri Onizuka Sandayu, relígiósórum, e Societáte Iesu, atque Cleméntis Kyuemon, mártýrum, qui in ódium fidei christiánæ igne cremáti sunt.

16. In urbe Hái Dương in Tunquíno, Sanctórum mártýrum Hierónymi Hermosilla et Valentíni Berrio Ochoa, episcopórum, atque Petri Almató Ribeira, presbýteri, ex Ordine Prædicatórum, qui iussu imperatóris Tụ Đức cápite truncáti sunt.

17*. Mónachii Baváriæ in Germánia, beáti Rupérti Mayer, presbýteri e Societáte Iesu, qui, studiosíssimus fidélium moderátor, páuperum operariórumque adiútor et verbi Dei prædicátor, persecutiónes sub nefáριο regímine nazistárum súbiit, primum in campum detentiónis deportátus, dehinc in monastérium sine ullo ámplius cum fidélibus commércio.

18*. In óppido *Mukačevo* in Ucráina, beáti Theodóri Geórgii Romzsa, epíscopi et mártýris, qui, témpore coercitiónis fidei, ob indeféssam fidelitátem erga Ecclésiám servátam palmam gloriósam ássequi mérui.

Die 2 novémbris

Quarto Nonas novembris. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

Commemorátio ómnium fidélium defunctórum, qua pia Mater Ecclésia, iam de univérsis filiis suis in cælo lætántibus cóngruis celebrándis præcóniis sollicita, intercédere studet apud Deum pro ómnium animábus, qui nos cum signo fidei præcessérunt et in spe resurrectiós

dormiérunt, necnon pro ómnibus ab inítio mundi, quorum fides soli Dómino cógnita est, ut de contagióne peccáti purgáti, in societátem supernórum cívium ingressi, beatitúdinis æternæ visióne gaudére váleant.

2. Commemorátio sancti Victoríni, epíscopi Poetaviénsis in Pannónia, qui ad explanándos Sacrórum Bibliórum líbros multa édedit scripta et in persecutióne Diocletiáni imperatóris mártýrio coronátus est.

3. Tergéste in Hístria, sancti Iusti, mártýris.

4. Sebáste in Arménia, sanctórum Cartérii, Styriaci, Tobíæ, Eudóxii, Agápíi et sociórum, mártýrum, qui, sub Licínio imperátore, cum mílites essent et in fide Christi permanérent, in flammis coniécti esse narrántur.

5. In Pérside, sanctórum Acíndyni, Pegásii, Aphthónii, Elpidíphori, Anempodísti atque plurimórum sociórum, mártýrum, qui sub Sápore rege Secúndo passi esse ferúntur.

6. Viénnæ in Gállia Lugdunénsi, sancti Domníní, epíscopi, qui in rediméndos captívos insúmpsit óperam.

7. Commemorátio sancti Marciáni, eremítæ, qui, Cyrrhi natus, in erémum Chalcedonénsem se cóntulit, ubi, in angustíssima domúncula degens, véspere tantum módico pane et aqua utebátur, fratérnam tamen dilectiúnem ieiúnio præpónens.

8. In monastério Agaunénsi apud Helvétios, sancti Ambrósii, abbátis, qui, primum prope Lugdúnum monastérii ínsulæ Bárbaræ pater, illuc translátus ob egrégiaæ religiónis consuetúdinem suam, laudis perénnis usum ibídem instítuit.

9. Apud fontem in loco *Holywell* in Cámbrica, sanctæ Winefrídæ, vírginis, quæ moniális exímia cólitur.

10. Viénnæ in Burgúndia, sancti Geórgii, epíscopi.

11. In monastério Claravallénsi in Burgúndia, depositio sancti Malachíæ, epíscopi Dunénsis et Connorénsis in Hibérnia, qui vitam Ecclésiæ ibídem restaurávit et, dum Romam pergébat, Claraválle, sancto Bernárdo abbáte præsente, spíritum réddidit.

12*. Moritániæ in Normánnia Gállia, beátæ Margarítæ de Lotharíngia, quæ, olim Alencónii ducíssa, vídua effécta, vitam duxit religiósam in monastério Clarissárum, quod ædificáverat.

13*. Andovéræ in Hantónia comitátu Angliæ, beáti Ioánnis Bodey, mártiris, qui, ludimagíster, propter domínium Elísabeth regínæ Primæ in spiritalibus recusátum, láqueo suspénsus et eviscerátus occúbuit.

14*. Casále in Flamínia Itáliæ, beáti Pii a Sancto Aloýsio (Aloýsii) Campidelli, religiósi e Congregatióne Passiónis, qui iúvenis, violénto morbo corréptus, divínæ voluntáti perfécte consénsit.

Die 3 novémbris

Tértio Nonas novembris. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	30	1
A	B	C	D	E	F	F	G	H	M	N	P							
2	3	4	5	6	7	7	8	9	10	11	12							

Sancti Martíni de Porres, religiósi ex Ordine Prædicatórum, qui, e viro hispáno et nigra muliere natus, iam inde a puerítia, etsi per angústias e condicióne filii illegítimi et mixtíci procedéntes, medicamentáriam artem dídicit, quam póstea, religiósus factus, Limæ in Perúvia pro paupéribus large exércuit et ieiúnio, pæniténtiæ et oratióni déditus vitam gessit ásperam et húmilem, caritáte irradiátam.

2. Cæsaréæ in Cappadócia, sanctórum Germáni, Theóphili et Cyrílli, mátyrum.

3*. Agrigénti in Sicília, sancti Libertíni, epíscopi et mátyris.

4*. In pago Laureacénsi in Gállia Narbonénsi, sancti Pápuli, qui martyr cólitur.

5. Vitérbii in Túsca, sanctórum Valentíni, presbýteri, et Hilárii, diáconi, mátyrum.

6*. In Británnia Minóre, sancti Guenaélis, abbátis Landevenecénsis hábiti.

7. Romæ, commemoratio sanctæ Sílviæ, matris sancti Gregórii papæ Magni, quam orationis ac pænitiæ culmen attigisse aliisque summo exémplo fuisse ipse Póntifex scriptis réttulit.

8. In monastério Hornbacénsi apud Argentorátum in Burgúndia, depositio sancti Pirmíni, epíscopi et abbátis Augiénsis, qui Alamánnos et Bávaros evangelizávit, plura monastéria cóndidit et discipulis de catechizándis rúdis librum compósuit.

9. In cœnóbio Antídii in Bithýnia, sancti Ioannícii, mónachi, qui, post annos ámplius vigínti in armis militia relícta, solitáram vitam váriis in Olýmpi sáltibus egit, his verbis orationem prósequi sólitus: «Spes mea Deus, refúgium meum Christus, protéctor meus Spíritus Sanctus».

10*. Alemi in Flándria, depositio sanctæ Odrádæ, vírginis.

11. Urgélli in Cataláunia Hispániæ, sancti Ermengáudii, epíscopi, ex præcláris præsúlibus qui Ecclésiám in terris a iugo Maurórum liberátis restitúere curavérunt, qui ipse própriis mánibus ponti ædificándo óperas laborésque ponens, deórsum elápsus confrácto inter sílices cérebro óbiit.

12*. Apud Marsos in Aprútio, sancti Berárdi, epíscopi, qui in extirpánda simonía, cleri disciplína restauránda, paupéribus sustinéndis et protegéndis emínuit.

13*. Cudóti in pago Senonénsi Gállia, beátæ Alpáidis, vírginis, quæ, adulescéntula sæve percússa et a suis derelícta, in célula reclúsa vixit usque ad sénium.

14*. Prope monastérium Fisingénse apud Helvétios, sanctæ Iddæ, reclúsæ.

15*. Arímini ad litus Flamíniæ, beáti Simónis Balacchi, religiósi ex Ordine Prædicatórum, qui vitam degit totam servítio fratrum, pænitiæ et oratióni déditam.

16. Medioláni in Langobárdia, natális sancti Cároli Borromeo, epíscopi, cuius memória cras celebrátur.

17. Apud arcem Xã Đoài in Tunkuino, sancti Petri Francísci Néron, presbýteri e Societáte Parisiénsi Missiónum ad éxteras gentes et mártiris, qui sub imperatóre Tұ Đúc tres menses in angustíssimam cáveam vixit detrúsus et, vírgis atróriter cæsus, tres hebdómadas omni aliménto abstínuit et tandem abscísso cápite martýrium consummávit.

Die 4 novémbris

Prídie Nonas novembris. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	30	1	2
A	B	C	D	E	F	G	F	G	H	M	N	P						
3	4	5	6	7	8	8	9	10	11	12	13							

Memória sancti Cároli Borromeo, epíscopi, qui, ab avúnculo Pio papa Quarto inter cardináles cooptátus et epíscopus Mediolanénsis eléctus, in hac sede verus pastor de necessitatibus Ecclésiæ témporis sui sédulus fuit: ad informándum clerum sýnodos collégit seminariáque instítuit, ad christiános mores fovéndos totum gregem plúries visitávit multáque ad animárum salútem decrevit. Ad pátriam cæléstem prídie huius diéi migrávit.

2. Bonóniæ in Æmília, sanctórum Vitális et Agrícolæ, mártýrum, quorum, narránte sancto Ambrósio, prior altérius servus ántea fuit, dein consors et colléga martýrii: hic enim ómnia tormentórum génera ita passus, ut non esset in córpore sine vúlneris locus; ille vero, supplício servi non térritus, cruci affíxus eiúsdem martýrium imitátus est.

3. Myræ in Lýcia, sanctórum mártýrum Nicándri, epíscopi, et Hermétis, presbýteri.

4. Commemorátio sancti Piérii, presbýteri Alexandríni, qui, philosóphicis doctrínis illústris, sed integritáte vitæ et voluntária paupertáte clárior, regénte Alexandrínam Ecclésiám Theóna, pénitus divínas Scriptúras pópulum dócuit et post persecutiónem Romæ in pace quiévit.

5. Ruthénis in Aquitánia, sancti Amántii, epíscopi, qui huius civitátis primus antístes créditur fuisse.

6*. Traiecti Mosæ in Brabántia Austrásiæ, sancti Perpétui, epíscopi.

7. Tréviris in Austrásia, sanctæ Modéstæ, abbatíssæ, quæ, ab ipsa infántia Deo consecráta, gregi sanctimoniálium cœnóbii Horreénsis in civitatē prima præfuit et cum sancta Gertrúde Nivellénsi summa in Deo familiaritatē coniúcta est.

8. Apud Albam Regálem in Pannónia, sancti Emeríci seu Henríci, filii sancti Stépiani Hungarórum regis, immatúra morte prævénti.

9*. Patávii in Venétia, beátæ Hélienæ Enselmini, vírginis ex Ordine Clarissárum, quæ multos dolóres ac ipsam loquélæ amissionem mira patientia tolerávit.

10*. Apud Cervum Frigidum territórii Meldénsis in Gállia, sancti Felícis de Valois, qui, postquam solitáriam vitam diu egit, sócius sancti Ioánnis de Matha in Ordine Sanctíssimæ Trinitátis Redemptióne Captivórum instituendo fuisse habétur.

11*. In convéntu de Scótiis apud Nannétes in Gállia, beátæ Francíscæ de Ambósia, quæ, ducíssa Británniæ, Dariórigi primum in Gállia carmélum mulierum cónclit, in quem, vídua effécta, ancílla Christi secéssit.

Die 5 novémbris

Nonis novembris. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	30	1	2	3
A	B	C	D	E	F	F	G	H	M	N	P							
4	5	6	7	8	9	9	10	11	12	13	14							

1. **C**æsaréæ in Palæstína, sancti Domnini, mártiris, qui iúvenis médicus, persecutióne Diocletiáni imperatóris ineúnte, ad metálla damnátus Phænénsia relegátus est, ubi crudéles pértulit ærúmnas, et ob confessiόnem suam firmiter servátam, anno persecutiόnis quinto, ab Urbáno præfécto igni tradi iussus est.

2. Ibídem, commemorátio sanctórum Theótimi, Philóthei et Timóthei, mártirum, qui, iúvenes, ludis circénsibus destináti sunt ad oblectaméntum plebis, atque sancti Auxéntii, senis, ad béstias tradíti.

3*. In Apúlia, sancti Marci, epíscopi Æcanénsis.

4. Tréviris in Rhenánia Austrásiæ, sancti Fibíci, epíscopi.

5*. In Británnia Minóre, sancti Guethnóci, qui frater excólitur sanctórum Winwalœi et Iacúti.

6*. In cœnóbio Calénsi apud Meldas in Gállia Lugdunénsi, sanctæ Bertíllæ, primæ abbatíssæ.

7*. Bitérris in Gállia Narbonénsi, sancti Geráldi, epíscopi, viri miræ honestátis et simplicitátis, qui, ex canónico regulári invítus ad episcopátum assúptus, humilitáti in dignitáte addíctior fuit.

8*. Constantinópoli, beáti Gómidæ Keumurgian (Cosmæ de Carboniáno), presbýteri et mártiris, qui, paterfamílias, in Ecclésia Armenórum natus et ordinátus, propter fidem cathólicam a Chalcedonénsi Sýnodo proféssam, quam firmiter ténuít et propagávit, multa perpéssus est, dénique sýmbolum nicænum récitans cápíte obtruncáto occúbuit.

9. Prope flumen *Hung Yên* in Tunkuino, sancti Domínici Mâu, presbýteri ex Ordine Prædicatórum et mártiris, qui in persecutióne Tỵ Đức imperatóris, Rosárii corónam públice ferens et cristiános ad professiόνem fidei hortans, ad supplícium decollatiónis, mánibus iunctis sicut ad altáre, pro Christo ductus est.

10*. Parmæ in Itália, beáti Guidónis Mariæ Conforti, epíscopi, qui, bonus pastor, semper de Ecclésia ac pópuli fide defendéndis vigilávit et, sollicitúdine evangelizatiónis populórum motus, Piam Societátem Sancti Francísci Xavérii fundávit.

11*. Matríti in Hispánia, beáti Ioánnis Antónii Burró Mas, religiósi ex Ordine Sancti Ioánnis a Deo et mártiris, propter evangélicam professiόνem in persecutióne erga Ecclesiám occísi.

12*. In loco *El Saler* nuncupáto prope Valéntiam item in Hispánia, beátæ Mariæ a Monte Carmélo Viel Ferrando, vírginis et mártiris, quæ in eádem tempestáte pro Christo egrégium perégit certámen.

13*. In óppido Hof in Germánia, beáti Bernárdi Lichtenberg, presbýteri et mártiris, qui, cum Dei et hóminum dignitas láederetur, pro Iud~is inhumániter vexátis et deténtis públice precabatur, quaprópter ipse comprehénsus et ad campum detentiónis Dacháni destinátus, in itínere vexatió nibus oppressus, sed in Christo impávidus óbiit.

14*. In campo detentiónis civitátis Abez in Siberiana Rússiæ Província, beáti Gregórii Lakota, epíscoli Premisliensis et mártiris, qui, pátria a persecutóribus fidei vexáta, impávida morte córporis torménta pro Christo devícit.

Die 6 novémbris

Octávo Idus novembris. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	30	1	2	3	4
A	B	C	D	E	F	F	G	H	M	N	P							
5	6	7	8	9	10	10	11	12	13	14	15							

1. **T**hínisæ in Numídia, sancti Felícis, mártiris, de quo sanctus Augustínus loqui vidétur ad pópulum dicens: «Vere felix et nómine et coróna. Conféssus est enim, dilátus est ad torménta; álio die invéntum est in cárcere corpus eius exánime».

2. Commemorátio sancti Pauli, epíscoli Constantinopolitáni et mártiris, qui sæpe ab ariánis ob nicéenam fidem servátam pulsus et plúries in dignitátem restitútus, tandem a Constántio imperatóre Cucúsum, Cappadóciæ oppídulum, relegátus, ibídem ariánorum insídiis crudéliter strangulátus esse fertur.

3. Rhedónibus in Británnia Minóre, sancti Melánii, epíscoli, qui in loco «Plácium» ad Vicenóniam flumen, ubi ipse suis mánibus ecclésiám constrúxerat et mónachos ad servítium Dei congregáverat, ad Dóminum migrávit.

4*. In monastério *Llanilltud Fawr* in Cámbrica eius nómine nuncupáto, sancti Iltúti, abbátis, qui idem cœnóbium cóndidit, quo fama eius sanctitátis et exímie doctrínæ multos collégit discípulos.

5. Nobíliaci prope Lemóvicum in Aquitánia, sancti Leonárdi, eremítæ.

6. Hierosólymæ, sanctórum Callínici, Himérii, Theodóri, Stéphani, Petri, Pauli, Theodóri altérius, Ioánnis, Ioánnis altérius et alicúius ignóto nómine, mártirum, qui, mílites, urbe Gaza a Saracénis capta, ab hóstibus comprehénsi, sed a sancto Sophrónio epíscolo incitáti, Christum conféssi sunt, quaprópter decolláti martýrium suscepérunt.

7. Barcinóne in Hispánia, sancti Sevéri, epíscopi, qui martýrii corónam fertur accepísse.

8*. Apud Helvétios in Burgúndia, sancti Protásii, qui epíscopus Lausannénsis cólitur.

9. In pago Taruannénsi Austrásiæ, sancti Winnóci, abbátis, qui, britó génere, inter mónachos Sithivéneses a sancto Bertíno recéptus est, dein Wormínii cœnóbium cóndidit, cui sancte præfuit, ipsis mánibus suis multum labórans.

10*. Aptæ Iúliæ in Província Gállia, sancti Stéphani, epíscopi, mansuetúidine clari, qui binam Hierosólymam peregrinatióem suscepit et ecclésiám cathedrám restítuit.

11*. Doráti in pago Lemovicénsi Aquitánia, sancti Theobáldi, presbýteri, qui, canónicus reguláris sacri áditus officio præpósitus, numquam extra ecclésiásticas officínas egréssus est, nisi ut infirmis assidéret eorúmque necessitatibus subveníret.

12*. Prope Colóniam Agrippínam in Lotharíngia Germánia, beátæ Christínæ Stumbelénsis, vírginis, quæ, Christi passiónibus commúnicans, omnes temptatiónes mundi mirabíliter superávit.

Die 7 novémbris

Séptimo Idus novembris. Luna:

a	b	c	d	e	f	g	h	i	k	l	m	n	p	q	r	s	t	u
17	18	19	20	21	22	23	24	25	26	27	28	29	30	1	2	3	4	5
A	B	C	D	E	F	F	G	H	M	N	P							
6	7	8	9	10	11	11	12	13	14	15	16							

1. **P**atávii in Venétia, sancti Prosdócimi, qui huius Ecclésiæ primus epíscopus créditur fuisse.

2. Neocæsaréæ in Ponto, sancti Athenodóri, epíscopi, fratris sancti Gregórii Thaumáturgi, qui ádeo in divínis elóquiis profécit, ut, etsi iúvenis, idóneus existimarétur múnere episcopáli fungi.

3. Apud Albiam in Aquitánia, commemoratio sancti Amaránthi, mártiris.
4. Meliténe in Arménia, sanctorum Hierónis et plurimorum sociorum, mátyrum.
5. Perúsia in Umbria, sancti Herculáni, episcopi et mátyris, qui, iussu Tótilæ, Gothórum regis, cápite detruncátus est.
- 6*. Turónis in Néustria, sancti Baldi, episcopi, qui in eleemósynis aurum, quod decéssor reliquérat, paupéribus distribuit.
- 7*. In loco póstea Congresbúria nuncupáto in Anglia, sancti Cungári, abbátis, britónis género, cuius nómine plures gloriántur pagi et ecclésiæ.
8. Argentoráti in Burgúndia, commemoratio sancti Floréntii, episcopi, qui sancto Arbogásto succéssit.
9. Epternáci in Austrásia, depositio sancti Willibrórdi, qui, género anglus, a sancto Sergio papa Primo episcopus Ultraiecténsis ordinátus, in Frísia et Dánia Evangélium prædicávit et sedes episcopáles necnon monastéria cóndidit, donec labóre gravátus ætatéque conféctus, in cœnóbio ab ipso fundáto in Dómino obdormívit.
- 10*. In monte Galésio prope Ephesum in Asia, sancti Lázari, stylítæ, qui váriis in locis super columnam plúrimos annos vixit, grávibus étiam ferraméntis et caténis onerátus, tantum pane et aqua conténtus, qua aspérrima vitæ ratióne plúrimos fidéles attráxit.
11. Colóniæ Agrippínæ in Lotharíngia Germániæ, sancti Engelbérti, episcopi, qui, pro iustítia et Ecclésiæ libertátis defensióne, a sicáriis in via intercéptus multísque vulnéribus cæsus, occúbuit.
- 12*. In vico *Pofi* in Látio, beáti Antónii Baldinucci, presbýteri e Societáte Iesu, qui ad missiões pópulis prædicándas totus se dedit.
13. In civitaté *Ket Chợ* in Tunquíno, sanctorum Hyacínthi Castañeda et Vincéntii Lê Quang Liêm, presbyterórum ex Ordine Prædicatórum et mátyrum, qui, sub Trính Sâm regímine, evangélicos labóres ságuinis effusióne consummavérunt.
14. In loco *Zunyi* in Provinciá *Guizhou* Sinárum, sancti Petri Wu Guosheng, catechístæ et mátyris, qui pro Christo strangulátus est.

15*. Apud Cremónam in Itália, beáti Vincéntii Grossi, presbýteri, qui, parœciáli vacans múnere, Institutum Filiárum ab Oratório cóndidit.

Die 8 novémbris

Sexto Idus novembris. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	30	1	2	3	4	5	6
A	B	C	D	E	F	F	G	H	M	N	P							
7	8	9	10	11	12	12	13	14	15	16	17							

1. Commemoratio sanctorum Simproniáni, Cláudii, Nicóstrati, Castórii et Simplicii, mátyrum, qui, ut tráditur, fabri marmorárii apud Sírmium in Pannónia, cum simulácrum dei Æsculápii propter nomen Iesu Christi fíngere renúissent, a Diocletiáno imperátore in flúvium præcípites dari iussi sunt et a Deo martýrii grátia coronáti; quorum Romæ sub título Quáttuor Coronátorum in basílica Cælimontána véneratio ab antíquitus flóruit.

2. Apud Turónos in Gállia Lugdunénsi, sancti Clari, presbýteri, qui, sancti Martíni discípus, prope epíscopi monastérium mansiónem sibi constituit, ubi multos congregávit fratres.

3. Romæ apud sanctum Petrum, sancti Deúsdedit papæ Primi, qui clerum populúmque suum diléxit, simplicitáte et sapiéntia clarus.

4. Bremæ in Saxónia, sancti Willehádi, epíscopi, qui, in Northúmbria natus et amícus Alcuíno, post sanctum Bonifátium in Frísia et Saxónia Evangélium propagávit et, epíscopus ordinátus, sedem Breménsem constituit et sapiénter gubernávit.

5. Suessiône in Gállia, depositio sancti Godefrídi, epíscopi Ambianénsis, qui, monásticæ vitæ a quinquénio instrúctus, in certámine dominórum et plebis civitátis componéndo atque in reformándis cleri populíque móribus multa passus est.

6*. Colóniæ Agrippínæ in Lotharíngia Germániæ, beáti Ioánnis Duns Scoti, presbýteri ex Ordine Minórum, qui, e Scótia oriúndus, philosophiæ et theológiæ disciplínas Cantuáriæ, Oxónii, Parísii, demum Colóniæ dócuit, ingénio subtíli et mirábili fervóre magíster præclárus.

7*. Monte Novo in Picéno Itáliæ, beátæ Mariæ Crucifixæ (Elísabeth Mariæ) Satellico, abbatíssæ ex Ordine Clarissárum, in contemplándo Crucis mystério conspícuæ et mýsticis charismátibus refértæ.

8. In urbe *Nam Định* in Tunquíno, sanctórum mártýrum Ioséphi Nguyễn Định Nghi, Pauli Nguyễn Ngân, Martíni Tạ Đức Thịnh, presbyterórum, Martíni Thọ et Ioánnis Baptistæ Cồn, agrícolarum, qui sub imperatóre Thiệu Trị pro fide christiána decolláti sunt.

Die 9 novémbris

Quinto Idus novembris. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	30	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	13	14	15	16	17	18							

Festum dedicatiónis basilicæ Lateranénsis in honórem Christi Salvatóris a Constantíno imperatóre extrúctæ ut Romanórum episcopórum sedis, cuius anniversária célébritas in univérsa Latína Ecclésia signum éxstat dilectiónis et unitátis cum papa Románo.

2. Apud Biturígas in Gállia, sancti Ursíni, primi epíscopi, qui Christum Dóminum pópulo nuntiávit et pro credéntibus, qui ex paupéribus máxime erant, domum Leocádii, Galliárum senatóris adhuc pagáni, fecit ecclésiám.

3. Neápoli in Campánia, sancti Agrippíni, epíscopi inter primos, quem defensórem civitátis antíqua monuménta declárant.

4*. Virodúni in Gállia Bélgica, sancti Vitónis, epíscopi.

5. Constantinópoli, sanctárum Eustóliæ et. Sópatræ, vírginum et sanctimónialium.

6*. Ludévæ in Gállia Narbonénsi, sancti Geórgii, epíscopi.

7*. Signæ apud Floréntiam in Etrúria, beátæ Ioánnæ, vírginis, quæ vitam pro Christo duxit solitáriam.

8*. Ancónæ in Picéno Itáliæ, beāti Gabriélis Ferretti, presbýteri ex Ordine Minórum, qui parvulorum ægrotorúmque cura, obœdiéntia et regulári observántia cláruit.

9*. Bonóniæ in Æmília, beāti Ludovíci Morbioli, qui, a sémita vitiórum ad Deum convérsus, aspérrimam vitæ ratiónem pænítens elégit civésque ad pietátem verbo et exémplo revocávit.

10*. Muráni in Venétia, beāti Grátiae de Cátharo, religiósi ex Ordine Sancti Augustíni, qui, dum in magna egestáte cymbam ducébat, ut victum sibi comparáret, conciónibus beāti Simónis de Cameríno motus, religiósum hábitum impetrávit et vitam duxit piíssimam.

11*. Oxónii in Anglia, beāti Geórgii Napper, presbýteri et mártiris, qui tam in clandestíno ministerio, tam in cárcere mire operátus est, ut Christo in Ecclésia ánimas lucrarétur, et sub Iacóbo rege Primo propter sacerdotium martýrii corónam accípere mérui.

12*. Divióne in Gállia, beátæ Elísabeth a Sanctíssima Trinitáte Catez, vírginis ex Ordine Carmelitárum Discalceatárum, quæ a puerítia ad Trinitátem in imo corde inquiréndam et contemplándam stúduit et adhuc iúvenis, multis afflícta cruciátibus, «ad amórem, ad lucem, ad vitam», sicut optáverat, perréxit.

13*. In óppido *Borysów* in Polónia, beāti Henríci Hlebowicz, presbýteri et mártiris, bello sæviénte in ódium fidei plumbis interfécti.

14*. Romæ, beāti Aloýsii Beltrame Quattrocchi, qui, paterfamílias, tum in públicis cum in domésticis negótiis mandáta Christi servávit et diligéntia ac probitáte vitæ proclamávit.

Die 10 novémbris

Quarto Idus novembris. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	30	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	14	15	16	17	18	19							

Memória sancti Leónis papæ Primi, doctóris Ecclésiæ, qui, in Etrúria natus, primum diáconus Urbis díligens éxstitit, dein ad Petri cáthedram evéctus Magnus iure méruit appellári sive ob gregem suum exquisíto ac prudénti sermóne nutritum sive ob orthodóxam doctrínam de incarnatióne Dei in Chalcedonénsi Œcuménico Concílio per legátos strénue affirmátam, donec Romæ in Dómino quiévit, ubi hac die apud sanctum Petrum depósitus est.

2. In Pérside, tránsitus sancti Demetriáni, epíscopi Antiochéni, qui in exsílum deportátus est a Sápore rege Primo.

3. Tyánæ in Cappadócia, sancti Oréstis, mártiris.

4. Ravénnæ in Flamínia, sancti Probi, epíscopi, cuius nómini célebrem basílicam Classénsem sanctus Maximiánus epíscopus dedicávit.

5. In Pérside, sanctórum mártirum Narsétis, epíscopi, venerábilis senis, et Ioséphi, discípuli eius, iúvenis, qui, cum a Sápore rege Secúndo iussi solem adoráre renúissent, gládio decolláti sunt.

6. Cantuáriæ in Anglia, sancti Iusti, epíscopi, qui, una cum áliis mónachis a sancto Gregório papa Magno missus est, ut ad Angliam evangelizándam sanctum Augustínus adiuváret, et tandem huius sedis episcopátum accépit.

7*. In vico Foro in Subalpínis, sancti Baudolíni, eremítæ.

8. Neápoli in Campánia, sancti Andréæ Avellino, presbýteri e Congregatióne Clericórum Regulárium, sanctitáte et salútis proximórum procurándæ stúdio célebris, qui árduum se cotídie in virtútibus profectúrum votum suscepit et, méritis onústus, ad pedes altáris sancto fine quiévit.

9*. Barcinóne in Hispánia, beáti Acíscli Pina Piazuélo, religiósi ex Ordine Sancti Ioánnis a Deo et mártiris, qui, tempestáte persecutiónis furénte, in ódium religiónis enecátus est.

Die 11 novémbris

Tértio Idus novembris. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	30	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	15	16	17	18	19	20							

Memória sancti Martíni, epíscopi, in die eius depositiónis; qui, in Pannónia e paréntibus gentílibus natus et in Gállia sub vexíllis vocátus, adhuc catechúmenus Christum in páuperi veste sua contéxit; baptísimo suscep̃to, arma relíquit et apud Locogíacum vitam monásticam egit in cœnóbio a seípso cóndito, moderánte sancto Hilário Pictaviénsi; deínde sacerdotío initiátus et epíscopus Turonénsis eléctus, exémplum boni pastóris præ se ferens, alia monastéria parœciásque in vicis fundávit, clerum erudívit ac reconciliávit, rurícolas evangelizávit, donec Condáte ad Dóminum migrávit.

2. Trans lacum Mareótidem in Ægýpto, sancti Mennæ, mártiris.

3. Véntiæ in Província Gállia, commemorátio sancti Veráni, epíscopi, qui fílius sancti Euchérii epíscopi Lugdunénsis, in monastério Lirinénsi educátus, ad sanctum Leónem papam Magnum lítteras scripsit, grátias agens de fide in Verbo incarnáto in epístula eius ad Flaviánum.

4. In Província Sámni, commemorátio sancti Mennæ, solitárii, cuius virtútes sanctus Gregórius papa Magnus commémorat.

5. Amathúnte in ínsula Cypro, tránsitus sancti Ioánnis Eleemosynárii, Alexandríni epíscopi, misericórdia in páuperes célebris, qui, erga omnes caritáte replétus, ecclésias, valetudinária ac orphanotrophía plúrima exstruenda curávit et máxima sollicitúdine enísus est, ut omnem civitátis leváret misériam, ad hoc ipsum bona Ecclésiæ cónferens et assidue dívites ad erogándam beneficéntiam exhórtans.

6*. In monastério Malonnénsi in Brabántia, sancti Bertuíni, qui epíscopus et abbas cólitur.

7. Constantinópolis, sancti Theodóri Studítæ, abbátis, qui monastérium suum scholam effécit sapiéntium, sanctórum ac mártýrum, qui in persecutió nibus ab iconoclástis patrátis víctimæ occubuérunt; ter in exsílíum pulsus, tradítió nes patrú m Ecclésiæ magno in honóre hábuit et pro cathólicæ fidei expositi ó ne célebres scripsit Christiánæ doctrínæ instituti ó nes.

8. In monastério Cryptæ Ferrátæ in agro Tusculáno prope Romam, sancti Bartholomæi, abbátis, qui, in Calábria natus, ad sanctum Nilum ádiit, cuius mox vitam conscrípsit, et ipsi iam moribúndo in Tusculáno cœnóbio sub orientálium ascética disciplína condéndo ádfuit, quod regímine suo roborávit et scholam sciéntiæ artísque effécit.

9. Nagasákii in Iapónia, sanctæ Marínæ de Omura, vírginis et mártýris, quæ, in víncula coniécta, ludíbri o castimóniæ in públicis obnoxia fuit ac demum igne combústa.

10*. In óppido *Laski Piasnica* apud civitátem *Wejherowo* in Polónia, beátæ Alíciæ Kotowska, vírginis e Congregati ó ne Sorórum Resurrecti ó nis Dómini et mártýris, quæ in bello ob Christi fidem strénue servátam plumbis interfécta est.

11*. Sóphiæ in Bulgaria, pássio beáti Vincéntii Eugénii Bossilkov, epíscopi Nicopolitáni et mártýris, e Congregati ó ne Passi ó nis Iesu, qui sub tyránnico regímine, cum se a romána communi ó ne seiúngere recusáret, ad cárcerem ductus et dire vexátus sub crímine perduelli ó nis cápiti damnátus est et plumbis necatus.

Die										12										novémbris									
Prídie Idus novembris. Luna:																													
a	b	c	d	e	f	g	h	i	k	l	m	n	p	q	r	s	t	u											
22	23	24	25	26	27	28	29	30	1	2	3	4	5	6	7	8	9	10											
A		B		C		D		E		F		F		G		H		M		N		P							
11		12		13		14		15		16		16		17		18		19		20		21							

Memória passi ó nis sancti Iósaphat (Ioánnis) Kuncewicz, epíscopi Polocénsis Ruthenórum et mártýris, qui gregem suum ad cathólicam unitátem constánti stúdio ímpulit, ritum byzantínium-slavum pio amóre cóluit et, Vitépsci in Bielorússia, tunc sub dici ó ne Polóniæ, a

tumultuante plebe adversa crudeliter oppressus, pro unitate Ecclesiæ et catholicæ veritatis defensione occubuit.

2. Apud Ancýram Galatiæ, sancti Nili, abbátis, qui, discipulus sancti Ioánnis Chrysóstomi hábitus, cœnóbio diu præfuit asceticam doctrinam scriptis diffundens.

3*. In Máleo ínsula in Scótia, sancti Marcárii, epíscopi, qui, hibérnus génere, sancti Colúmbæ discipulus et huius Ecclesiæ fundátor habétur.

4*. Viennæ in Burgúndia, sancti Hesýchii, epíscopi, qui e senatória ad episcopálem dignitatem evéctus est; filii eius, quos ántea genúerat, fuérunt sancti Apollináris, antístes Ecclesiæ Valentinénsis, et Avítus, qui ipsi in sede Viennénsi succéssit.

5. In sáltibus Cucúllæ regiónis prope Vergégium in Hispánia, sancti Æmiliani, presbýteri, qui post eremíticam et clericálem, monásticam tandem vitam proféssus est, largitate erga páuperes et prophetiæ spíritu clarus.

6. Colóniæ Agrippinæ in Austrásia, sancti Cunibérti, epíscopi, qui post invasiones barbáricas in urbe et toto pago ecclésiasticam vitam et pietatem fidélium renovávit.

7. Davéntriæ in Frisia, sancti Lebuíni, presbýteri, qui, mónachus ex Anglia provéniens, incolis regiónis Christi pacem et salútem nuntiáre curávit.

8. Apud Casimíriam ad Vartam flúvium in Polónia, sanctórum Benedícti, Ioánnis, Matthæi et Isaac, mártirum, qui ad christiánam fidem in Polóniæ pártibus propagándam missi nocte a latrónibus iuguláti sunt; cum iis commemorátur étiam Christiánus, eórum fámulus, qui in área sacélli appénsus est.

9*. Pisis in Etrúria, beáti Ioánnis Cini, de Pace nuncupáti, qui e militári divíno se addíxit servítio in Tértio Ordine Sancti Francísci.

10. Complúti in Hispánia, sancti Dídaci, religiósi ex Ordine Minórum, qui, tum in Canáriis ínsulis, tum Romæ in cœnóbio Sanctæ Mariæ in Aracoeli, humilitate et caritate in curándis infirmis cláruit.

11. In urbe *Tulimán* in México, sancti Margaríti Flores, presbýteri et mártiris, qui in magna persecutióne erga Ecclesiám propter sacerdotium comprehénsus est et plumbis interféctus nóbili coronátus martýrio.

12*. In vico *Alcudia de Carlet* in pago Valentíno in Hispánia, beáti Ioséphi Medes Ferrís, mártiris, cui, témpore persecutiónis erga fidem, ob impávidam fidelitátem práemium Dóminus tríbuit aetérnum.

Die 13 novémbris

Idibus novembris. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	30	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	17	18	19	20	21	22							

1. **C**æsaréæ in Palæstína, pássio sanctórum mártýrum Antoníni, Nicéphori, Zebínæ, Germáni et Mánathæ, vírginis. Haec, sub Galério Maximino imperatóre, verbéribus caesa, igne cremáta est; illi vero, cum intrépidi ac líbera voce Firmiliánum práesidem, diis immolántem, impietátis árguerent, cápite cæsi sunt.

2. Aquis Séxtiis in Gállia Narbonénsi, sancti Mítriæ, qui, etsi condicióne servílis; in Christo tamen liber iustítiae a sáeculo victor abscéssit.

3. Turónis in Gállia Lugdunénsi, sancti Bríctii, epíscopi, qui, sancti Martíni discípulus, magístro succéssit et quadragínta et septem annos plúries advérsis pressus est.

4. In Africa, commemorátio sanctórum mártýrum hispanórum Arcádii, Paschásii, Probi et Euthychiáni, qui, cum in ariánam háeresim nullátenus se declinári pateréntur, a Genseríco rege Vandalórum primum proscrípti, deínde in exsílium acti atque atrócibus supplíciis cruciáti, postrémo divérso mortis génere interémpti sunt. Tunc et Paulílli puéruli, fratris Paschásii et Eutychiáni, constántia enítuit, qui, cum a fide cathólica divélli non posset, fústibus diu cæsus est et ad ínfimam servitútem damnátus.

5*. Viénnæ in Gállia Lugdunénsi, sancti Leoniáni, abbátis, qui ab inimíca gente e Pannónia illuc cáptivus dedúctus, primum Augustodúni, mox Viénnæ quadragínta ámplius annos mónachos et moniáles sanctíssime rexit.

6. Arvernæ in Aquitânia, sancti Quinctiáni, epíscopi, qui primum Ruthenénsem sedem tenuit, sed a Gothis in exsílum pulsus, epíscopus Arvernórum factus est.

7*. Tiférni Tiberíni in Umbria, commemorátio sanctórum Floréntii, epíscopi, cuius verídicae doctrínæ et sanctitátis sanctus Gregórius papa Magnus testis fuit, et Amántii eius presbýteri, caritáte in ægrótos omnibúsque virtútibus pleni.

8*. Ruthénis in Aquitânia, sancti Dalmátii, epíscopi, cuius sanctus Gregórius Turonénsis largitatem in páuperes laudat.

9*. In Valle Susingénsi apud Helvétios, sancti Himérii, eremítæ, qui ibídem Evangélium prædicávit.

10. Toléti in Hispânia, sancti Eugénii, epíscopi, qui sacrae litúrgiæ ordinándæ óperam dedit.

11*. In pago Cameracénsi in Gállia, sanctæ Maxelléndis, vírginis et mártiris, quæ, ut fertur, Christum eligens sibi sponsum, cum virum sequi recusáset, cui a paréntibus promíssa erat, ab eo gládio percússa occúbuit.

12. Romæ apud sanctum Petrum, sancti Nicolái papæ Primi, qui vigóre apostólico in Románi Pontíficis auctoritáte firmánda in unívsa Dei Ecclésia præstitit.

13*. In monastério Régulæ in Vascónia Gállia, tránsitus sancti Abbónis, abbátis Floriacénsis, divínis Scriptúris et lítteris mire edócti, qui, cum monásticam disciplínam defénderet et paci strénue favéret, láncea percússus occúbuit.

14*. Eporédiæ in Subalpínis, commemorátio beáti Varmúndi, epíscopi, viva fide, pietáte et humilitáte clari, qui libertátem Ecclésiæ ab insídiis poténtium vindicávit, ecclésiám cathedrále exstrúxit, órđinem monásticum fovit et scholam episcopálem promóvit.

15. Cremónæ in Langobárdia, sancti Homobóni, qui, negotiátor, caritáte erga páuperes, derelíctis púeris colligéndis ac educándis et famíliis pacificándis cláruit.

16. Romæ, sanctæ Augustínæ (Líviae) Pietrantoni, vírginis e Congregatióne Sorórum a Caritáte, quæ, tabe laborántium curæ in valetudinário Sancti Spíritus christiáne se dedit, donec ab ægróto quodam, homicidii furóre capto, cultro percússa occúbuit.

17*. In vico *Simat de Valldigna* in pago Valentíno Hispániæ, beāti Ioánnis Gongá Martínez, mártiris, qui, persecutióne erga fidem sæviénte, ságuinem pro Christo effúdit.

18*. In vico *Portichol de Tavernes* prope *Carcaixent* in eódem pago Hispániæ, beátæ Mariæ a Patrocínio a Sancto Ioáñne Giner Gomis, vírginis ex Institutó Sorórum Mariæ Immaculátæ Missionariárum Claretianárum et mártiris, quæ in eádem persecutióne per certámen fidei vitam accépit ætéram.

19*. Sóphiæ in Bulgaria, beatórum Petri Vičev, Pauli (Ioséphi) Džidžov et Iósaphat (Robérta Mattháei) Šiškov, presbyterórum e Congregatióne Augustinianórum ab Assumptiáne, qui, témpore regíminis in Deum hostílis proditiónis crímine falso insimuláti atque in cárcerem trusi quia christiani, mercédem fidélium discipulórum Christi mortis agóne accípere meruérunt.

Die 14 novémbris

Décimo Octávo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	30	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	18	19	20	21	22	23							

1. **H**eracléæ in Thrácia, sancti Theódoti, mártiris.

2. Gangra in Paphlagónia, sancti Hypátii, epíscopi, qui, a novatiánis hæréticis in via lapídibus óbrutus, martyr occúbuit.

3. Aveniáne in Província, sancti Rufi, qui primus communitátis cristiánæ huius loci præses censétur.

4*. In ínsula *Bardsey* ad oram Cábriæ septemtrionális, sancti Dubrícii, epíscopi et abbátis.

5*. Tragúrii in Dalmátia, sancti Ioánnis, epíscopi, qui, ex eremíta in monastério Camaldulénsium Absoritáno in episcopále munus ordinátus, civitátem a regis Colománni eversióne felíciter deféndit.

6. Augæ in Normánnia, tránsitus sancti Lauréntii O'Toole (Lorcan Ua Tuathail), epíscopi Dublinénsis, qui in angústiis ætátis suæ regulárem Ecclésiæ disciplínam strénue promóvit et concórdiam inter príncipes reconciliáre stúduit, demum Henríco rege Angliæ óbviám procedénte, ætérnæ pacis gáudia ipse consecútus est.

7*. In cœnóbio Sanctæ Mariæ de Gualdo Mazocca prope Campum Bassum in Itália, beáti Ioánnis de Tuphária, eremítæ.

8*. In Horto Sanctæ Mariæ in Frísia, sancti Siárdi, abbátis ex Ordine Præmonstraténsi, qui regulári observántia et liberalitáte erga páuperes enítuit.

9*. Icósii in Africa septemtrionáli, sancti Serapiónis, qui primus ex Ordine Beátæ Mariæ de Mercéde pro redemptióne fidélium captivórum et christiánæ fidei prædicatióne martýrii palmam méruiť obtinére.

10. Hierosólymæ, sanctórum Nicolái Tavelić, Deódati Aribert, Stéphani de Cúneo et Petri de Narbóne, presbyterórum ex Ordine Minórum et mártýrum, qui, christiánam religiónem coram Saracénis in público foro líbere prædicántes, constánter Christum Dei Fílium conféssi, igne cremáti sunt.

11 *. Cáccami in Sicília, beáti Ioánnis Liccio, presbýteri ex Ordine Prædicatórum, qui, indeféssa caritáte in próximos, precatiónis Rosárii propagatióne et reguláris disciplínæ stúdio conspicuus, annos centum et úndecim natus in Dómino quíevit.

12. In arce *Binh Dinh* in Cocincína, sancti Stéphani Theodóri Cuénót, epíscopi e Societáte Parisiénsi Missiónum ad éxteras gentes et mártýris, qui, post vigínti quinque annos in labóribus apostólicis peráctos, furénte in christiános persecutióne imperatóris Tỵ Đức, m elephántis stábulum coniéctus, ærúmnis exháustus occúbuit.

Die 15 novémbris

Décimo séptimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	30	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	19	20	21	22	23	24							

Sancti Albér̃ti, cognoménto Magni, ep̃scopi et Eccl̃siæ doct̃oris, qui Parisiis, in Ordinem Prædicatórum ingr̃ssus, philosóphicas divinásque doctr̃inas ore et scriptis dócuit, magíster sancti Thomæ de Aquíno, Sanctórum sapiéntiam cum humána ac naturáli sciéntia mirífice coniúgens; sedem Ratisbonénsem dein invítus recép̃it, pacem inter pópulos assídue firmáre énitens, sed post annum paupertátem Ordinis omni honóri præpósuit et Colóniæ Agríppinæ in Lotharíngia Germániæ pie obdormívit.

2. Hippóne Régio in Numídia, sanctórum vigínti márt̃yrum, quorum sanctus Augustínus celebrávit fidem et victóriam; ex his memorántur tantum nómina Fídentíani, ep̃scopi, Valeriánæ et Victóriæ.

3. Edéssæ in Osrhoéne, sanctórum márt̃yrum Gúriæ, ascétæ, et Samónæ, qui, sub Diocletiáno imperatóre post diutúr̃nos sævósque cruciátus a Mysiáno præfécto ad mortem damnáti, gládio decolláti sunt.

4*. Nolæ in Campánia, sancti Felícis, cuius cura pastoráli et cultu hæc cívitas honestátur.

5. In Británnia Minóre, sancti Maclóvii seu Machúti, ep̃scopi Alethénsis, qui in Cámbría natus et apud Sántonas obiisse tráditur.

6*. Cadúr̃ci in Aquitánia, sancti Desidérii, ep̃scopi, qui, plures exstrúxit eccl̃sias et monastéria, necnon ad commúnem utilitátem ædifícia, et ad cæléstem Sponsum ánimas, ut verum Christi templum, paráre mínime negléxit.

7*. In monte *Irschenberg* in Bavária, Sanctórum Maríni, ep̃scopi, et Aníani, márt̃yrum.

8*. Apud Rothómagum in Néustria, sancti Sidónii, abbátis, qui, ex Hibér̃nia oriúndus, vitam monásticam duxit, primum Gemmétici, dein in Hérió ínsula sub sancti Filibér̃ti regímine, demum in monastério, quod ipse cónclaustrávit.

9*. Rhenáugire apud Helvétios, sancti Fintáni, qui, ex Hibér̃nia oriúndus, diu in monastério diutiúsque in célula prope eccl̃siam reclúsus pro Dei amóre vixit.

10. In cœnóbio Claustri Neoburgénsis in Austria, depositio sancti Leopóldi, qui, eiúsdem térræ márchio, adhuc vivens cognómine «Pius» ornátus, pacis auctor, paupéribus et clero amícus éxstitit.

11*. Radíngæ in Anglia, beatórum mártýrum Hugónis Faringdon seu Cook, abbátis ex Ordine Sancti Benedícti, Ioánnis Eynon et Ioánnis Rugg, presbyterórum, qui Henríco regi Octávo primátum Ecclésiæ sibi affectánti tenáciter restitérunt, quaprópter proditionis insimuláti, coram monastério láqueo suspénsi ferróque laniáti occubuérunt.

12*. Glastóniæ item in Anglia, beatórum mártýrum Richárdi Whiting, abbátis, Rogérii James et Ioánnis Thorne, presbyterórum ex Ordine Sancti Benedícti, qui, proditionis vel sacrilégii falso insimuláti, sub eódem rege ad eádem supplícia ducti sunt.

13*. Ferráriæin Æmília, beátæ Lúciæ Broccadelli, religiósæ, quæ tum in matrimónio tum in monastério Tértii Ordinis Sancti Domínici multos dolóres vexationésque patiénter tulit.

14*. Nagasákii in Iapónia, beáti Caii Coréani, mártýris, qui, catechísta, pro Christi confessióne igni tráditus est.

15. In loco *Caaró* in Paraquária, sanctórum Rochi González et Alphónsi Rodriguez, presbyterórum e Societáte Iesu et mártýrum, qui derelíctos Christo lucrificérunt indígenos pópulos vicos «reductiónes» nuncupátos condéndo, ubi artes et vita sociális una cum christiána conversatióne líbere coniungeréntur, quaprópter a sicário viri mágicis ártibus addícti dolóse occísi sunt.

16. Romæ, sancti Ioséphi Pignatelli, presbýteri e Societáte Iesu, cui fere exstíntæ reficiéndre admódum ipse operátus est, caritáte, humilitáte et integritáte morum insígnis, ad maiórem Dei glóriam semper inténtus.

17. In loco *Mengo* in Ugánda, sancti Ioséphi Mkasa Balikuddembé, mártýris, qui, aulæ régiæ præfécus, post baptísmum suscepum multos iúvenes Christo lucrátus est puerósque áulicos a regis Mwenga vítiis túitus est; quam ob rem, vigínti quinque annos natus, ab iráto rege decollári iussus est, prima víctima eius persecutiónis.

18*. Matútæ in Ligúria Itáliæ, beátæ Mariæ a Passióne (Hélenæ) de Chappotin de Neuville, Vírginis, quæ, humilitáte ac simplicitáte sancti Francísci íntimo pectore

rapta, Soróres Franciscánas Missionárias Maríæ instítuit, curam múliebris condiciónis in terris Missiόνis iúgiter ádhibens.

19. Apud *Wadowice* in Polónia, sancti Raphaélisa Sancto Ioseph (Ioséphi) Kalinowski, presbýteri, qui, pópulo contra oppressórem insurgénte, in bello geréndo ab hóstibus captus et in Sibériam deportátus, multas ærúmnas perpéssus et libertáti demum rédditus, Ordinem Carmelitárum Discalceatórum ingrèssus est, quem valde promóvit.

Die 16 novémbris

Sextodécimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	30	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	20	21	22	23	24	25							

Sanctæ Margarítæ, quæ, in Hungária nata et Malcólmo regi Scótiæ Tértio nupta, octo péperit filios et de regni atque Ecclésiæ bono magnópere sollicita fuit, oratióni ieiuniisque largitátem iungens erga páuperes, exémplum sic præbens óptimæ cóniugis, matris et regínæ.

Sanctæ Gertrúdis, cognoménto Magnæ, vírginis, quæ, inde ab infántia solitúdini et litterárum stúdiis summo ardóre ac strenuitáte dédita, tota ad Deum convérta monastérium Cisterciénsium Helpithénse prope Islébiám in Saxónia Germániæ ingrèssa est, ubi mirum in modum viam perfectiόνis cucúrrit, oratió nibus et contempláti oni Christi crucifíxi se dévovens. Ípsius tránsitus postrídie huius diéi occúrrit.

3. Cápuæ in Campánia, sanctórum Augustíni et Felicitátis, márt yrum, qui sub Décio imperatóre passi esse ferúntur.

4*. Doli in território Bituricénsi Gállia, commemorátio sanctórum Leocádii et Lusóris, quorum prior, sénator Galliárum adhuc gentílis, primos apud Bituríges cristiánæ fidei præcónes suscepit et in hoc vico domum suam fecit Ecclésiám; alter vero, eius filius, in albis neóphytæ de sáeculo migrásse fertur.

5. Lugdúni item in Gállia, sancti Euchérii, qui, ex ordine senatório, cum família primum in ínsula próxima Lirinénsem ad vitam ascéticam se cóntulit; dein epíscopus Lugdunénsis eléctus, plúrimas sanctórum mártýrum passiónes conscrípsit.

6*. Apud Helvétios, sancti Othmári, abbátis, qui loco cellæ a sancto Gallo cónditæ parvum pro leprósis valetudinárium et cœnóbium sub observántia Régulæ sancti Benedícti fundávit, ob cuius iura defendénda mox in Rheni ínsulam a vicínis poténtibus deportátus exsul óbiit.

7*. In monastério Cavénsi in Campánia, beáti Simeónis, abbátis.

8. Apud Provínium Sénonum óppidum in Gállia, tránsitus sancti Edmúndi Rich, epíscopi Cantuariénsis, qui ob Ecclésiæ defensiónem exsílio afféctus, inter mónachos Cisterciénses Pontiníaci vitam sanctam agens óbiit.

9*. Asísii in Umbria ad Sanctum Damiánum, sanctæ Agnétis, vírginis, quæ sanctam Claram sorórem in flore iuventútis sequens, duce sancto Francísco paupertátem toto corde ampléxa est.

10*. Eboráci in Anglia, beáti Eduárdi Osbaldeston, presbýteri Lancastrénsis et mártýris, qui, alúmnus Collégii Anglórum Reménsis, sub Elísabeth regína Prima cápite damnátus quad Angliam sacérdos petivísset, suspéndii suppliciis tráditus est.

Die 17 novémbris

Quintodécimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	30	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	21	22	23	24	25	26							

Memória sanctæ Elísabeth Hungáriæ, quæ adhuc puéllula, nupta est Ludovíco, cómiti Thuríngiæ, cui tres génuít filios; vídua effécta, post graves ærúmnas fórtiter susténtas, iam dudum rerum cæléstium meditatóni inténta, Marbúrgi in Germánia in nosocomíum se recépít, quod condíderat, paupertátem ampléctens et in infirmos inopésque

curandos se impendens ad ultimum usque spiritum vitae, anno aetatis vigesimo quinto.

2. Neocæsaræ in Ponto, sancti Gregórii, epíscopi, qui aduléscens fidem christiánam amplexus est et, sive in humana sive in divína sciéntia progréssus, epíscopus ordinátus est, doctrína, virtútibus, labóribus apostólicis clarus et propter plúrima signa ab ipso patrata Thaumaturgus appellátus.

3. Cæsaræ in Palæstína, sanctórum Alpháei et Zacháei, mártyrum, qui, primo anno persecutiónis Diocletiáni imperatóris, cum solum Deum et Christum regem Iesum firmiter conféssi essent, post multa torménta capitálem senténtiam subiérunt.

4. Córdubæ in Hispánia Báetica, sancti Acíscli, mártýris.

5. Aureliáni in Gállia Lugdunénsi, sancti Aníani, epíscopi, qui, soli Deo confidens, cuius adiutórium oratióibus lacrimisque crebro impetrávit, civitátem suam ab Hunnis obséssam liberávit.

6*. Viénnæ in Burgúndia, sancti Namátii, epíscopi, qui tum civilibus officiis recte functus est, tum sedem episcopálem tenuit atque ornávit.

7. Turónis in Néustria, sancti Gregórii, epíscopi, qui in hac sede sancto Euphrónio succéssit et históriam Francórum veráci et simplici sermóne conscrípsit.

8*. Vítbiæ in Northúmbria, sanctæ Hildæ, abbatíssæ, quæ fidem sacramentáque Christi suscepit et, monastérii curæ præpósita, ad monachórum ac moniálium reguláris vitæ institutiónem, ad pacis et caritátis custódiam, ad labórem et divinárum Scripturárum lectiόnem tantópere incúbuit, ut in terris ópera cæléstia complevisse haberétur.

9*. Ramúsciae in Ráetia, sancti Floríni, presbýteri, curæ parœciáli fidéliter addícti.

10. Constantinópoli, sancti Lázari, mónachi, qui, in Arménia natus, sacrárum Imáginum pictor arte insígnis, cum ópera sua evértere renuisset, Theóphili imperatóris iconoclástæ iussu diris supplíciis excruciátus est; mox vero controversia de recto iconárum cultu compósita, a Michaéle imperatóre, Tértio Romam missus est ad concórdiam et unitátem totíus Ecclésiæ firmándam.

11*. Nucáriæ in Sicília, sancti Hugónis, abbátis, qui, a sancto Bernárdo Claravallénsi missus, ibídem et in Calábria Ordinem Cisterciénsem instituit.

12. Lincólniæ in Anglia, sancti Hugónis, epíscopi, qui, ex mónacho Cartusiénsi ad hanc sedem episcopálem vocátus, tam in defendéndas libertátes Ecclésiæ quam in Iudæos e mánibus inimicórum eripiéndos exímiam óperam navávit.

13*. Apud Cracóviam in Polónia, beátæ Salómeæ, quæ, regína Haliciénsis, cóniuge rege Colománo defúncto, Régulam Clarissárum professa est et abbatíssæ múnere sancte functa in monastério ab ipsa cóndito.

14. Helpíthis prope Islébiám in Saxónia, natális sanctæ Gertrúdis, vírginis, cuius memória pridie huius diéi reláta est.

15. Assumptióne in Paraquária, sancti Ioánnis del Castillo, presbýteri e Societáte Iesu et mártiris, qui in vico «reductióne» nuncupáto, eódem anno a sancto Rocho González fundáto et eius curis commísso, iussu viri mágicis ártibus addícti diris supplíciis afféctus et lapídibus óbrutus, pro Christo occúbuit.

16. Nagasákii in Iapónia, Sanctórum Iordáni (Hyacínthi) Ansalone et Thomæ Hioji Rokuzayemon Nishi, presbyterórum ex Ordine Prædicatórum et mártirum, quorum prior primum in ínsulis Philippínis, dein in Iapónia admódum pro Evangélio adlaborávit; alter vero in ínsula Formósa et, últimis annis, in pátria sua sédulus fuit in regiône Nagasakiénsi fidei propágator, donec utérque invícto ánimo sub suprémio duce Tokugawa Yemitsu septem dies in furca et fóvea diris torméntis excruciátus occúbuit.

17*. In æquóribus ponti ad litus Rupifórtii in Gállia, beáti Lupi Sebastiáni Hunot, presbýteri Senonénsis et mártiris, qui, témpore gállicæ perturbatiónis ob sacerdotium in tábidam navem coniéctus ad áncoras in salo constitútam, ómnia captivitátis dira pátiens, fébribus demum opprèssus martýrium complévit.

18*. In civitáte *Čapaivca* in pago Kioviénsi Ucrainæ, beáti Iósaphat Kocylovskyj, epíscopi Premisliénsis et mártiris, qui, pátria regímine in Deum hoste opprèssa, Christi discipulus fidélis ánimam réddidit.

Die 18 novémbris

Quartodécimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
28	29	30	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	22	23	24	25	26	27							

Dedicatio basilicarum Sanctorum Petri et Pauli, Apostolorum, quarum prior, a Constantino imperatore in colle Vaticano aedificata, super sepulcrum sancti Petri, sed vetustate collabens, in ampliore forma restituta, hac ipsa recurrente die denuo consecrata est; altera vero via Ostiensi, a Theodosio et Valentiniانو imperatoribus extructa, dein miserando incendio consumpta ac penitus reaedificata, die decima decembris dedicata est. Quarum communi commemoratione fraternitas Apostolorum unitasque Ecclesiae quodammodo significatur.

2. Antiochiae in Syria, sancti Romani, martyris, qui, Ecclesiae Caesariensis diaconus, cum in persecutione Diocletiani imperatoris christianos normis decretorum parere vidisset et ad idolorum simulacra properare liberaque voce ad resistendum excitavisset, post dira tormenta et abscissionem linguae, in carcere laqueo strangulatus, celebri martyrio coronatus est.

3*. Columbariis in pago Bituricensi Aquitaniae, sancti Patrocli, presbyteri, qui eremita et missionarius exstitit.

4*. In Britannia Minore, sancti Maudeti, abbatis, qui in deserta insula vitam duxit monasticam et, magister vitae spiritalis, plures sanctos in numerum discipulorum congregavit.

5*. Constantiae in Neustria, sancti Romacharii, episcopi.

6*. In pago Vellaico Aquitaniae, sancti Theofredi, abbatis et martyris.

7. Turonis in Neustria, transitus sancti Odonis, abbatis Cluniacensis, qui observantiam monasticam iuxta Regulam sancti Benedicti et disciplinam sancti Benedicti Anianensis instauravit.

8*. Nagasákii in Iapónia, beatórum mártýrum Leonárdi Kimura, religiōsi e Societáte Iesu, Andréæ Murayama Tokuan, Cosmæ Takeya, Ioánnis Yoshida Shoun, Domínici Jorge, qui pro christiáno nómine igne cremáti sunt.

9. In urbe Sancto Carólo in Missúria e Civitatibus Fœderátis Américæ Septemtrionális, sanctæ Philippínæ Duchesne, vírginis e Soróribus a Sacro Corde Iesu, quæ, in Gállia nata, perturbatióne in pátria sæviénte, communitátem religiósam aggregávit et in Américam tránsiens multas scholas instítuit.

10*. Fabratériæ apud Frusinónem in Itália, beáti Grimoáldi a Purificatióne (Ferdinandi) Santamaria, religiōsi e Congregatióne Passiōnis, qui, dum fervóre et gáudio ad sacerdotium se parábat, morbo corréptus pie óbiit.

11*. In vico *Wal-Ruda* in Polónia, beátæ Carolínæ Kózka, vírginis et mártýris, quæ, bello flagrante, cum a mílite castitátem suam défendere voluísset, ense concússa adhuc aduléscens pro Christo occúbuit.

12*. Apud Matritum in Hispánia, beatárum Mariæ a Refúgio (Mariæ Gabriélæ) Hinojosa y Naveros et quinque sociárum,¹ vírginum ex Ordine Visitatiōnis Sanctæ Mariæ et mártýrum, quæ, persecutióne sæviénte, in monastérium reclúsæ, sed dolóse a militiánis apprehénsæ, plumbis cæsæ ad Christum Sponsum migravérunt.

Die 19 novémbris

Tértiodécimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
29	30	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	23	24	25	26	27	28							

1. **C**ommemoratio sancti Abdíæ, prophétæ, qui post pópuli Israel exsílum iram Dómini contra gentes inimícas nuntiávit.

2. Cæsaréæ in Cappadócia, sancti Máximi, chorepíscopi et mártýris.

3. In vico Brennáco prope Viénnam in Gállia Lugdunénsi, sanctórum Severíni, Exsupérii et Feliciáni, mártýrum.

4. Antiochiæ in Sýria, sancti Barlaam, mártiris, qui, agréstis et rudis, sed Christi sapiéntia munítus, igne cum thure mánui impósito per invíctam fidei constántiam réstitit et ob feróciám tyránni ad palmam pervénit.

5. Heracléæ in Thrácia, sanctárum mulierum, vírginum et víduarum, número quadragínta, mártirum.

6*. In pago Velláico Aquitániæ, sancti Eudónis, abbátis.

7*. In monte Mercúrio in Calábria, sancti Simónis, eremítæ.

8*. In monastério Helpithénsi in Saxónia, sanctæ Mechtíldis, vírginis, quæ, múlier exquisítæ doctrínæ ac humilitátis fuit, supérno dono illustráta mýsticæ contemplátionis.

9*. Mántuæ in Langobárdia, beáti Iacóbi Benfatti, epíscopi, ex Ordine Prædicatórum, qui, dissídiis in civitáte compósitis, pópulum peste ac fame laborántem sublevávit.

10*. In vico *Garraf* in pago Valentíno Hispániæ, beatórum mártirum Elisæi García, religiósi e Societáte Salesiána, et Alexándri Planas Saurí, qui, témpore persecutiónis erga fidem, Christi salvífico certámini sociári dignáti sunt.

Die 20 novémbris

Duodécimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
30	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	24	25	26	27	28	29							

1. Antiochiæ in Sýria, sancti Basílii, mártiris.

2. In civitáte Astigitána in Hispánia Báetica, sancti Crispíni, epíscopi et mártiris.

3. Doróstori in Móesia, sancti Dásii, mártiris.

4. Augústæ Taurinórum in Ligúria, Sanctórum Octávii, Solutóris et Adventóris, mártýrum.

5*. Vercéllis item in Ligúria, sancti Theonésti, mártýris, in cuius honórem sanctus Eusébius epíscopus exstrúxit basilícam.

6*. Benevénti in Campánia, sancti Dori, epíscopi.

7. Cabillóni in Burgúndia, sancti Silvéstri, epíscopi, qui, quadragésimo secúndo sui sacerdotii anno, plenus diérum atque virtútum migrávit ad Dóminum.

8*. Ad montem Iuram in território Lugdunénsi, sancti Hippólyti, abbátis et epíscopi.

9. Constantinópoli, sancti Gregórii Decapolitáni, mónachi, qui monásticam primum et anachoréticam póstea vitam proféssus est; dein peregrínus efféctus, Thessalónicæ diútius consédit, tandem Constantinópoli, ubi pro defensióne sacrárum Imáginum fórtiter decértans ánimam Deo restítuit.

10. In Anglia, sancti Edmúndi, mártýris, qui, rex Anglórum orientálium, in proélio contra pagános invasóres captus pro Christi fide martýrio coronátus est.

11. Hildésiæ in Saxónia Germániæ, sancti Bernwárdi, epíscopi, qui gregem ab incursiónibus deféndit, cleri disciplínam plúribus sýnodis instaurávit vitámque monásticam fovit.

12*. In Calábria, sancti Cypriáni, abbátis Calamiténsis, qui orientálium institúta et exémpa fidéliter custodívit, in se sevérus, paupéribus vero largus omnibúsque bonus consiliárius.

13. Hanóii in Tunkuino, sancti Francísci Xavérii Can, mártýris, qui, catechísta, sub imperatóre Minh Mạng pro fide strangulátus et decollátus est.

14*. Vérulis in Látio Italiæ, beátæ Mariæ Fortunátæ (Annæ Felícis) Viti, ex Ordine Sancti Benedícti, quæ per totum fere vitæ cursum vestiárii curam gessit, solis Régulæ præcéptis toto corde servándis inténta.

15*. Prope Valéntiam in Hispánia, beatárum Angelæ a Sancto Ioseph (Francíscæ) Lloret Martí et quattuórdecim sociárum,² vírginum et mártýrum, quæ, áltera antístita generális, réliquæ religiósæ e Congregatióne Doctrínæ Christiánæ, persecutióne erga Ecclésiám in bello civíli sæviénte, pro Christi fide passæ sunt.

16*. In vico *Picadero de Paterna* item in pago Valentíno Hispániæ, beátæ Mariæ a Miráculis Ortells Gimeno, vírginis ex Ordine Clarissárum Capuccinárum et mártiris, in eádem tempestáte ob Christi testimónium coronátæ.

Die 21 novémbris

Undécimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	25	26	27	28	29	30							

Memória Præsentatiónis beátæ Mariæ Vírginis. Postrídie dedicatiónis basilicæ Sanctæ Mariæ Novæ, prope murum templi Hierosolymitáni exstrúctæ, celebrátur dedicatio illa, quam sui ípsius Deo ab infántia exhibuit futúra Dei Genetrix, movénte Spíritu Sancto, cuius grátia repléta erat in conceptiône sua immaculáta.

2. Commemorátio sancti Rufi, quem beátus Paulus Apóstolus ad Romános scribens eléctum esse a Dómino dicit.

3. Paréntii in Hístria, sancti Mauri, epíscopi et mártiris.

4. Cæsaréæ in Palæstína, sancti Agápíi, mártiris, qui, iam sáepius torméntis excruciátus, sed semper ad maióra certámina dilátus, in amphitheátri ludis coram ipso Maximíno, urso vorándus tráditus est et, cum adhuc spiráret, póstera die, lapídibus pédibus appénsis, in mare demérsus.

5. Romæ apud sanctum Petrum, sancti Gelásii papæ Primi, qui, doctrína et sanctitáte conspicuus, ne unitáti Ecclesiæ imperiális auctóritas obéset, duórum regíminum proprietátes ac mútuam libertátem primus fúnditus illustrávit; summa caritáte et necessitatibus egenórum motus, ut paupéribus subveníret, paupérrimus óbiit.

6. Cæsénæ in Flamínia, sancti Mauri, epíscopi.

7*. Romæ, beátæ Mariæ a Iesu Bono Pastóre (Francíscæ) de Siedliska, vírginis, quæ, e Polónia ob angústias rei públicæ profécta, Institutum Sorórum Sanctæ Famíliæ Nazarethánæ fundávit ad curam pátriæ suæ migrántium.

Die 22 novémbris

Décimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	26	27	28	29	30	1							

Memória sanctæ Cæciliæ, vírginis et mártiris, quæ dúplicem illam palmam Romæ in cœmetério Callísti via Appia pro Christi amóre consecúta esse tráditur cuiúsque nomen título Ecclésiæ Transtiberínus antíquitus præbet.

2. Commemorátio sancti Philemónis Colossénsis, cuius caritáte in Christum Iesum beátus Paulus Apóstolus gavísus est et qui una cum sancta Apphía uxóre cólitur.

3. Arbélis in Pérside, sancti Anánia, mártiris, qui, témpore persecutiónis Sáporis regis Secúndi, iubénte Ardisag archimágo, comprehénsus est ac fústibus ter tanta sævítia cæsus, ut carnífaces, eum iam interiísse rati, iacéntem in platéa relínquerent; nocte vero insequénti a christiánis domum suam delátus est, ubi ánimam exhalávit.

4. Medioláni in Ligúria, sancti Benígni, epíscopi, qui in magna invasiónum perturbatióne Ecclésiám ipsi commíssam summa constántia et religióne administrávit.

5. Augustodúni in Gállia Lugdunénsi, sancti Pragmátii, epíscopi.

6*. Apud rivum *Žihun* prope urbem *Maraš* in Cilícia, beatórum Salvatóris Lilli, presbýteri ex Ordine Fratrum Minórum, Ioánnis filii Balži atque aliórum sex sociórum Armenórum génere,³ mártirum, qui, a milítibus Othománis Christum negáre iussi, cum fidem suam pródere recusássent, cuspídibus transfóssi ad regnum ætérnum migravérunt.

7*. In vico Trióra in Ligúria Itáliæ regiône, beáti Thomæ Reggio, epíscopi Ianuénsis, qui, austeritáti vitæ miram suavitatē morum coniúgens, concórdiam civílem conciliávit atque inópibus omnímodo ádstitit, máxime agens curam humáni cœtus difficultátum.

8. In urbe *Teocaltitlán* in México, sancti Petri Esqueda Ramírez, presbýteri et mártiris, qui in persecutióne mexicána propter sacerdotium in cárcerem coniéctus est, demum plumbis interféctus.

9*. In civitáte *Patérna* in pago Valentíno Hispániæ, beatórum Eliæ (Iuliáni) Torrijo Sánchez et Bertrándi (Francísci) Lahoz Moliner, religiosórum ex Institúto Fratrum Scholárum Christianárum et mártýrum, qui, Christi exémplo suffúlti, in persecutióne religiósa præmium ætérnum perseverántibus promíssum cónsequi mériti sunt.

Die 23 novémbris

Nono Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	27	28	29	30	1	2							

Sancti Cleméntis papæ Primi, mártýris, qui, tértius post beátum Petrum Apóstolum, Románam rexit Ecclésiám et ad Corínthios præcláram scripsit epístulam ad pacem et concórdiam inter illos firmándam. Hac die depositio cörperis eius Romæ cólitur.

Sancti Columbáni, abbátis, qui hibérnus génere, pro Christo peregrínus efféctus ad gentes Gállíæ in Evangélio erudiéndas, Luxoviénse cum multis áliis monastériis fundávit, quæ ipse arcto regímine gubernávit; dehinc exsuláre coáctus, Alpes transgréssus est et Bobiénse cœnóbium in Ligúria cóndidit, disciplína ac stúdiis célebre, ubi óptime de Ecclésiá méritus in pace óbiit et eius corpus hac die depositum est.

3. Romæ in cœmetério Máximi via Salária Nova, sanctæ Felicitátis, mártýris.

4. Apud Clúsium in Etrúria, sanctæ Mustíolæ, mártýris.

5. Cýzici in Hellespónto, sancti Sisínnii, epíscopi et mártýris, qui in persecutióne Diocletiáni imperatóris post multa torménta gládio cæsus esse fertur.

6*. Metis in Gállia Bélgica, commemorátio sancti Cleméntis, qui primus epíscopus huius civitátis habétur.

7. Eméritæ in Lusitánia, sanctæ Lucrétiae, mártiris.

8. Icónii in Lycaónia, sancti Amphilóchii, epíscopi, qui, sanctorum Basílii et Gregórii Nazianzeni in erémo sócius et in episcopátu colléga, sanctitáte et doctrína clarus, multa suscepit pro cathólica fide certámina.

9. Parísii in Gállia Lugdunénsi, sancti Severíni, qui in cella reclúsus divínæ contemplátioni vacávit.

10. Agrigénti in Sicília, sancti Gregórii, epíscopi, qui líbros sacros illustravísse videtur, ut ábdita imperítis pánderet.

11. Sarchínii in Brabántia Austrásiæ, sancti Trudónis, presbýteri, qui bona sua Ecclesiæ Meténsi trádedit et ibídem monastérium ædificávit discipulósque congregávit.

12*. Albæ Pompéiæ in Subalpínis, beátæ Margarítæ de Sabáudia, quæ, vídua effécta, in monastério moniálíum Ordinis Prædicatórum, quod ipsa fundáverat, Deo se trádedit.

13. Seuli in Coréa, sanctæ Cæciliæ Yu So-sa, mártiris, quæ, vídua, propter fidem bonis destitúta et in cárcerem ducta, duodécies in quæstiónes postuláta est et ita supplício vérberum affécta, ut in cárcere prope octogenária obíret.

14*. In vico *Guádalupe* in território Zacatecénsi in México, beáti Michaélis Augustíni Pro, presbýteri e Societáte Iesu et mártiris, qui, persecutióne contra Ecclesiam sæviénte, quasi facínoris sócius sine iudício cápite damnátus, martýrium, quod eius ardens votum erat, complévit.

15*. Apud Matritum in Hispánia, beátæ Mariæ Cæciliæ (Mariæ Felicitátis) Cendoya y Araquistain, vírginis ex Ordine Visitatiónis Sanctæ Mariæ et mártiris, quæ in magna persecutióne, cum eius soróres comprehénsæ essent, sponte eádem nocte militiánis se trádedit et cum sodálíbus fidei testimónium suprémó sacrificio confirmávit.

Die 24 novémbris

Octávo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	28	29	30	1	2	3							

Memoria Sanctórum Andréæ Dũng Lạc, presbýteri, et sociórum,⁴ mártýrum. Commúni enim celebratióne centum decem et septem honorántur mártýres in Tunquinénsi, Annamiénsi et Cocinchinénsi Asiæ regiónibus, inter quos octo episcopi, permúlti presbýteri atque ingens turba christifidélium laicórum utriúsque sexus et omnis condiciónis ætátis, qui omnes exsília, carceres, cruciátus, extrémá dénique suppliciapati maluerunt quam crucem calcáre et a christiána fide lábi.

2. Aquiléiæ in Venétia, commemorátio sancti Chrysógoni, mártýris, qui Romæ die anniversária dedicatiónis ecclésiæ in título eiúsdem nóminis cólitur.

3. Ameriæ in Umbria, sanctæ Firmínæ, mártýris.

4. Medioláni in Ligúria, sancti Protásii, epíscopi, qui apud, Constántem imperatórem causam sancti Athanásii deféndit et in Concílio Sardicénsi sedit.

5. In castro Blávio territórii Burdigalénsis in Aquitánia, sancti Románi, presbýteri.

6*. Cluáni in Hibérnia, sancti Colmáni, epíscopi Cloynénsis.

7. In território Arvéno Aquitániæ, sancti Portiáni, abbátis, qui, servus in iuventúte, apud monastérium refúgium et libertátem quæsívit, ubi mónachus efféctus, deinde abbas, senex óbiit fessus ieiúniis.

8. Córdubæ in Vandalicia Hispániæ regióne, sanctárum Floræ et Mariæ, vírginum et mártýrum, quæ in Maurórum persecutióne cum sancto Eulógio in cárcerem coniéctæ sunt, deinde gládio interéptæ.

9. Remis in Gállia, pássio sancti Albérti Lovaniénsis, epíscopi Leodiénsis et mártýris, qui ob Ecclésiám defénsam exsílio afféctus, ibídem eódem anno et ordinátus et necátus est.

10*. In monastério Cavénsi in Campânia, beāti Bálsami, abbátis, qui inter túrbida et conflictiónes ætátis suæ cum sapiéntia et prudéntia múnere suo functus est.

11. In urbe Đông Hói in Annámia, sanctórum mártýrum Petri Dumoulin-Barie, epíscoli e Societáte Parisiénsi Missiόνum ad éxteras gentes, Petri Võ Đăng Khoa et Vincéntii Nguyễn Thế Điễm, presbyterórum, quorum primus decollátus est, céteri vero stranguláti, iussu imperatóris Minh Mạng.

12*. Medioláni in Itália, beatæ Mariæ: Annæ Sala, vírginis e Congregatióne Sorórum a Sancta Marcellína, quæ tota ad puéllas instituéndas incúbuit, sciéntiæ magístra fide ac pietáte suffúltæ.

13*. In vico *Picadero de Patérna* in pago Valentíno Hispániæ, beatárum Nicéthæ a Sancta Prudéntia Plaja Xifra et sociárum,⁵ vírginum ex Institutó Sorórum Carmelitárum a Caritate et mártýrum, quæ, lámpades splendéntes geréntes, cum Christo Sponso ad dapes ætérnas intráre dignátæ sunt.

Die 25 novémbris

Séptimo Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	29	30	1	2	3	4							

Sanctæ Catharínæ, quam víginem fuisse Alexandrínam et mártýrem narrátur Singénii acúmíne et sapiéntia non minus quam ánimi róbre refértam. Eius corpus in célebri cœnóbíó in monte Sina pia cólitur véneratióne.

2. Cæsaréæ in Cappadócia, sancti Mercúrii, mártýris.

3. Romæ, commemorátio sancti Móysis, presbýteri et mártýris, qui, sancto Fabiano papa sub Décio imperátore interémpto, una cum presbyterórum collégio curam fratrum in Ecclésia egit; pacem lápsis infirmis et in éxitu constitútis dandam iudicávit et, in cárcere diu deténtus, sæpe per sancti Cypriáni Carthaginénsis líttéras eos consolátus, exímio et admirábili martýrio coronátus est.

4. Alexandriæ in Ægýpto, sancti Petri, epíscopi et mártiris, qui, ómnibus virtútibus exornátus, repén-te, Galérii Maximiani imperatóris iussu cáp-ite obtruncátus, magnæ persecutiónis úl-tima víctima et sigíllum mártýrum éxstitit. Cum eo commemorántur epíscopi tres ægýptii, scílicet Hesýchius, Pachómius et Theodórus, cum multis áliis, qui, ítem Alexandriæ in eádem persecutióne passi sunt, gládio crudéli ad cælum evécti.

5. In Numídia, sancti Márculi, epíscopi, qui, ut fertur, Constántis imperatóris témpore, a Macário quodam e rupe præcipitátus martyr occúbuit.

6*. In agro Agennénsi in Aquitánia, sancti Mauríni, mártiris, qui, ad plebem rurálem evangelizándam incúmbens, a pagánis trucidátus esse tráditur.

7*. In pago Gálliae Valentinénsi, beátæ Beatrícis de Ornacieux, vírginis ex Ordine Cartusiénsi, quæ, amóre Crucis insígnis, in cœnóbio Emoscénsi, quad condíderat, in extrémá paupertáte vixit et óbiit.

8*. Ruéthi in Suévia, beátæ Elísabeth Achler, cognoménto Bonae, vírginis, quæ, in Tértio Ordine Regulári Sancti Francísci quasi reclúsa vivens, humilitátem, paupertátem corporisque afflictiónem mirífice cóluit.

9. Seuli in Coréa, sancti Petri Yi Ho-yöng, mártiris, qui, catechísta, una cum soróre sancta Agatha Yi So-sa a satellítibus captus, cum in confessiône fidei firmus permansísset, ter confráctis ei óssibus, quáttuor annos in cárcere deténtus est, ubi primus gloriósi ágminis mártýrum huius natiónis óbiit.

10*. In vico *Puebla de Hjar* prope Terúlum in Hispánia, beáti Hyacínthi Serrano López, presbýteri ex Ordine Prædicatórum et mártiris, in persecutióne erga Ecclésiám plumbis transfóssi. Cum eo commemorátur beátus martyr Iacóbus Meseguer Burillo, présbyter ex eódem Ordine, qui pro Christo Barcinóne ignóto die egrégium perégit certámen.

Die 26 novémbris

Sexto Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	1	30	1	2	3	4	5							

1. **R**omæ in cœmetério Priscillæ via Salária Nova, sancti Sirícii, papæ, quem vere magístrum laudat sanctus Ambrósius, útpote qui, ómnium episcopórum ferens póndera, eos Patrum dócuit documénta, quæ et apostólica auctoritáte firmávit.

2. Hadrianópolis in Paphlagónia, sancti Alýpii, diáconi et stylítæ, qui prope centenárius óbiit.

3. Constantiæ in Suévia Germániæ, sancti Conrádi, epíscopi, qui, óptimus gregis sui pastor, de suis lárgiter Ecclésiæ et paupéribus provídít.

4. Lacedæmone in Peloponnésó, sancti Nicónis, mónachi, qui, post cænobíticam et eremíticam vitam in Asia ductam, óperam impéndit in ínsulam Cretam Saracenórum iugo liberátam ad christiános mores evangélico zelo reducéndam; Græciam dein pæniténtiam prædicans peragrávit, donec in Spartáno cænóbíó, quod condíderat, óbiit.

5. In silva apud Fractam in território Rhodigiénsi in Venétia, pássio sancti Bellíni, epíscopi Patavíni et mártiris, qui, Ecclésiæ defénsor exímíus, a sicáriis crudéliter intercéptus, multis illátis vulnéríbus occúbuit.

6*. In monastério Canonicórum Regulárium Sisiénsi in Sabáudia, beáti Póntii Falciniacénsis, qui, olim abbas Abundántiæ, múnere depósito, tamquam simplex religiósus vóluit obíre.

7. Apud Fabriánum in Picéno Italiæ, sancti Silvétrí Gozzolini, abbátis, qui, cum ante apértum sepúlcrum amíci paulo ante defúnti omnem vanitátem mundi intellexísset, in erémum secéssit et, cum várias mutavísset sedes, ut magis hómines latéret, tandem in desérto apud Montemfánum Congregatiónis Silvestrinórum fundaménta iecit, sub Régula sancti Benedícti.

8*. Aptæ Iúliæ in Provinciá, beátæ Delphínæ, cóniugis sancti Elzeári de Sabran, quocum ambos castos fore vovit et post cuius mortem in paupertáte et oratióne mansit.

9*. Eboráci in Anglia, beatórum mártýrum Hugónis Taylor, presbýteri, et Marmadúci Bowes, quorum prior, iúvenis, quod sacerdos Angliam petivísset, alter vero, senex, quod eúndem sacerdotem adiuvísset, sub Elísabeth regína Prima patíbuli supplício affécti sunt.

10. Bisiniáni in Calábria, sancti Húmilis (Lucae Antónii) Pirozzo, religiósi ex Ordine Fratrum Minórum, spíritu prophetíæ et extásium frequéntia clari.

11. Romæ in convéntu Sancti Bonaventúre in Palatíno, sancti Leonárdi de Portu Maurítio, presbýteri ex Ordine Fratrum Minórum, qui, zelo animárum replétus, totam pæne vitam in prædicatiónes, in pios libros edéndos atque in trecéntas ámplius missiões in Urbe, in ínsula Córstica et per Itáliam septemtrionálem visitándas impéndit.

12. In urbe *Nam Định* in Tunquíno, sanctórum Thomæ Đình Viêt Dụ et Domínici Nguyễn Văn (Đoàn) Xuyên, presbyterórum ex Ordine Prædicatórum et mártýrum, qui ex decreto imperatóris Minh Mạng simul decolláti sunt.

13*. Passáni prope Vicétiam in Itália, beátæ Caietanæ Sterni, religiósæ, quæ, adhuc iúvenis in viduitáte relicta, omníno páuperum se dedit servítio et Congregatiónem Sorórum a Divína Voluntáte instituit, quæ paupéribus infirmisque ministrarent.

14*. Romæ, beáti Iacóbi Alberione, presbýteri, qui, evangelizatiónis summópere sollicitus, omni ope ac stúdio enísus est instruménta communicatiónis sociális in bonum humánæ societátis fléctere et tamquam subsidia effícere, quæ Christi veritátem effícacius nuntiarent, quaprópter Congregatiónem Piæ Societátis a Sancto Paulo Apóstolo fundávit.

Die 27 novémbris

Quinto Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	1	2	1	2	3	4	5	6							

1. **A**pud Cream flúvium in Gallácia, Sanctórum Facúndi et Primitívi, mártýrum.
2. Gruménti in Lucánia, sancti Lavérii, mártýris.
3. Aquiléiæ in Venétia, sancti Valeriáni, epíscopi, qui advérsus ariános fidem orthodoxam in Illýrico deféndit et cléricos ac láicos ad vitam commúnem ducéndam congregávit.
4. In Pérside, sancti Iacóbi, cognoménto Intercísi, mártýris, qui, témpore Theodósii iunióris imperatóris, cum in Iasdigérdis regis obséquium Christum negavísset, acérbe a matre sua et uxóre increpátus, hinc in se revértit et intrépide coram Varáme, Iasdigérdis filio ac successóre, se christiánum conféssus est; ideóque ab iráto rege, lata in eum mortis senténtia, membrátim iussus est concídi et cápite obtruncári.
5. Apud Regium in Província, sancti Máximi, post sanctum Honorátum Lirinénsis cœnóbii patris et mox Reiénsis Ecclésiæ epíscopi.
- 6*. In pago Blesénsi Gállia, sancti Eusícii, solitárii, qui ad Cari crepídinem célula sibi éxstruit.
- 7*. Carpentoráte in Província, sancti Siffrídi, epíscopi.
- 8*. Noviómi in Gállia, sancti Achárii, epíscopi, qui, ex mónacho Luxoviénsi ad Novioménsem Ecclésiam atque Tornacénsem eléctus, pópulis aquilonárium regiónum evangelizándis se trádídít.
- 9*. Moguntiæ in Rhenánia Austrásiæ, sanctæ Bilhíldis, vírginis, quæ cœnóbium exstrúxit, in quo pie óbiit.
- 10*. In Scótia, sancti Fergústi, epíscopi, qui apud Pictos munus exercúisse créditur.
11. Salisbúrgi in Bavária, sancti Virgílii, epíscopi, viri doctíssimi, natióne hibérni, qui, Pippíno rege favénte, Ecclésiæ Salisburgénsi præféctus est; ibi ecclésiám cathedrále in honórem sancti Rupérti exstrúxit atque fidei inter Carantános disseminándæ óperam felíciter navávit.
- 12*. In loco Bello Visu ad litus Gállia in pago Nanneténsi Británnia e Minóris, sancti Gulstáni, mónachi, qui, iúvenis e mánibus piratárum evásus et a sancto Felíce,

tunc eremita, acceptus, in monasterio Rhuvigiensi illitteratus memoriter psalterio recitando et navigantibus providendo claruit.

13*. Aquilae in Vestinis Italiae, beati Bernardini de Fossa (Ioannis) Amici, presbyteri ex Ordine Minorum, qui catholicam fidem plures in Italiae provincias propagavit.

14*. Nagasaki in Iaponia, beatorum Thomae Koteda Kiuni et decem sociorum,⁶ martyrum, qui in odium fidei iussu Gonzuku praesidis decollati sunt.

15*. Intra castra detentionis Dachani prope Monachium Bavariae in Germania, beati Bronislai Kostowski, martyris, qui, tempore Poloniae more militari in bello occupatae, diris tormentis in carcere afflictus palmam martyrii adeptus est.

Die 28 novembris

Quarto Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	1	2	3	2	3	4	5	6	7							

1. **S**ebaste in Armenia, sancti Irenarchi, martyris, qui, supplicii exactor, christianarum mulierum constantia ad Christum conversus atque sub Diocletiano imperatore et Maximo praeside securi percussus esse fertur.

2. In Africa, commemoratio sanctorum martyrum Papiniani Vitensis et Mansueti Urusitani, episcoporum, qui, tempore vandalicæ persecutionis, sub Genserico rege ariano pro catholicæ fidei defensione, candentibus ferri laminis toto corpore adusti, gloriosum agonem consummaverunt. Quo tempore, etiam alii sancti episcopi, scilicet Urbanus Girbitanus, Crescens Byzacensis, Habetdeus Teudalensis, Eustratius Sufetanus, Cresconius Oënsis, Vicis Sabratensis, Felix Hadrumetanus, posteaque, sub Hunnerico, Genserici filio, Hortulanus Bennefensis et Florentianus Midilensis, exsilio affecti, in confessione fidei cursum vitæ suæ impleverunt.

3. Constantinopoli, sancti Stephani iunioris, monachi et martyris, qui, sub Constantino Copronymo imperatore, pro sacrarum Imaginum cultu variis excruciatu suppliciis, veritatem catholicam effuso sanguine confirmavit.

4*. Prope Rossánium in Calábria, sanctæ Theodóræ, abbatíssæ, discípulæ sancti Nili iunióris et monásticæ conversatiónis magístræ.

5. Neápoli in Campánia, depositio sancti Iacóbi Picéni seu de Márchia, presbýteri ex Ordine Minórum, prædicatióne et vitæ asperitatē præclári.

6*. Eboráci in Anglia, beáti Iacóbi Thomson, presbýteri et mártiris, qui, sub Elísabeth regína Prima cápite damnátus, quad plúrimos Ecclésiæ Cathólicæ reconciliásset, patíbuli supplíciis tráditus est.

7. In pago *Khám* Đường in Annámia, sancti Andréæ Trần Văn Trông, mártiris, qui, cum crucem calcáre nolúisset, post cárcerem et atróces cruciátus sub imperatóre Minh Mạng cápite obtruncátus est.

8*. In loco *Paracuellos del Jarama* apud Matrítum in Hispánia, beatórum Ioánnis Iesu (Mariáni) Adrádas Gonzalo, presbýteri, et quattuórdecim sociórum,⁷ mártirum, qui, religiósi ex Ordine Sancti Ioánnis a Deo, persecutiónis témpore illústri passióne coronáti sunt.

9*. In vico *Picadero de Paterna* in pago Valentíno item in Hispánia, beáti Aloýsii Campos Górriz, mártiris, qui, in eádem persecutióne religiósa, vitam alácriter apostolátui caritatísque opéribus déditam gloriósa morte coronávit.

Die 29 novémbris

Tértio Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	1	2	3	4	3	4	5	6	7	8							

1. **R**omæ in cœmetério Trasónis via Salária Nova, sancti Saturníni Carthaginénsis, mártiris, qui, ut sanctus Dámasus papa refert, sub Décio imperatóre pro Christo in pátria in ecúleo impósitus est et Romam extórris missus, ubi, áliis atrócibus torméntis superátis, Gratiánum tyránnum ad fidem convértit et cápite obtruncáto coronam martýrii adéptus est.

2. Tolósæ in Gállia Narbonénsi, commemoratio sancti Saturnini, episcopi et mártiris, qui, ut fertur, eiúsdem Décii temporibus, in Capitólio huius urbis a pagánis tentus est et de summa arce per gradus præcipitatus, ut, cápite colliso et toto córpore dilaniáto, Christo ánimam rédderet.

3. Ancýræ in Galátia, sancti Philómeni, mártiris, qui, in persecutióne Aureliáni imperatóris, sub Felíce præside, in ignem illátus, dein mánibus pedibúsq; ac cápite clavis confixis, martýrium consummavísse fertur.

4. Tudérti in Umbria, sanctæ Illuminátæ, vírginis.

5. Bathnis item in Osrhoéne, sancti Iacóbi, episcopi Sarugénsis, qui, sermónibus, homiliis et versiúnibus Ecclésiám hanc puríssima illustrávit fide et cum sancto Ephræm doctor et columna Ecclésiæ apud Syros cólitur.

6*. Davéntriæ in Frísia, translátio sancti Radbódi, episcopi Ultraiecténsis, qui, doctus ac prudens pastor, in visitándis rústicis óbiit.

7*. Eboráci in Anglia, beáti Eduárdi Burden, presbýteri et mártiris, qui, stúdiis in Collégio Anglórum Reménsi peráctis, cum sacerdotio auctus in domínia Elísabeth regínæ Primæ revérsus esset, in patíbulo coram turba furénte passióem complévit.

8*. Ibídem, octo post annis, beatórum Geórgii Errington, Guliélmi Gibson et Guliélmi Knight, mártirum, qui, cum sacerdotés ipso tantum facto proscriptos túiti essent, per vários cruciátus martýrio tradíti sunt.

9*. In ínsula Sumatrénsi *Aceh*, beatórum mártirum Dionýsii a Nativitáte (Petri) Berthelot, presbýteri, et Redémpti a Cruce (Thomæ) Rodriguez, religiósi, ex Ordine Carmelitárum Discalceatórum, qui, primum a mahometánis in servitútem redácti sunt, tandem in lítore maris sagíttis et secúri interfécti.

10. Lucériæ in Apúlia, sancti Francísci Antónii Fasani, presbýteri ex Ordine Fratrum Minórum Conventuálium, qui, vir exquisítæ doctrínæ, prædicatiónis et pæniténtiæ stúdio magnópere suffúltus, paupéribus egenisque ita consúluit, ut numquam vestem sibi detráhere dubitáret, qua mendícum contegéret, et christiánum adiuméntum ómnibus offérre.

11*. In loco *El Saler* nuncupáto prope Valéntiam in Hispánia, beáti Alaphrídi Simon Colomina, presbýteri e Societáte Iesu et mártiris, qui in persecutióne erga Ecclésiám ságuine suo fidelitátem Dómino confirmávit.

Die 30 novémbris

Prídie Kalendas decembris. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	1	2	3	4	5	4	5	6	7	8	9							

Festum sancti Andréæ, Apóstoli, qui, Bethsáidæ natus, frater Simónis Petri et cum eo piscator, primus ex discípulis Ioánnis Baptístæ a Dómino Iesu vocátus apud Iordánem, ipsum secútus est et ad eum étiam fratrem addúxit; post Pentecósten Evangélium tráditur in Acháia prædicásse et apud Patras in cruce affixus esse. Quem Ecclésia Constantinopolitána patrónum perinsígnem habet coléndum.

2. Medioláni in Ligúria, sancti Mirocletis, epíscopi, cuius sanctus Ambrósius méminit inter fidéles epíscopos suos decessores.

3*. In Británnia Minóre, sancti Tugduali, cognométo Pabu, abbátis et epíscopi, qui in pago Trecorensi monastérium constitúit.

4. Ad montem Sébium in Etrúria, sancti Galgáni Guidotti, eremítæ, qui, post iuventútem dissipátam ad Deum convérsus, in voluntária córporis castigatióne réliquam vitam exégit.

5*. Monte Pessuláno in Província Gállia, beáti Ioánnis de Vercéllis Garbella, presbýteri, qui, magíster generális Ordinis Prædicatórum, reveréntiam erga nomen Iesu eníxe prædicávit.

6*. Rátisbonæ in Bavária Germániæ, beáti Frideríci, religiósi ex Ordine Eremitárum Sancti Augustíni, qui, sollers faber tignárius, orándi fervóre, obædiéntia et caritáte excélluit.

7. Sancti Stéphaní Fani in Anglia, sancti Cuthbérti Mayne, presbýteri et mártiris, qui, cathólicam fidem secútus et sacerdos ordinátus, ministérium in Cornúbia exércuit, donec sub Elísabeth regína Prima cápíte damnátus quod Litteras Apostólicas públici iuris fecísset, patíbuli supplício tráditus est, primus ex alúmnis Collégii Anglórum Duacénsis.

8*. Eboráci item in Anglia, beáti Alexándri Crow, presbýteri et mártiris, qui, ex húmili sutóre sacerdos factus, sub eádem regína propter sacerdotium in patíbulo cursum martýrii glorióse confécit.

9. In loco *Quxian* in *Sichuan* província Sinárum, sancti Thaddæi Liu Ruiting, presbýteri et mártiris, qui in ódium fidei strangulátus est.

10. Apud Huéum in Annámia, sancti Ioséphi Marchand, presbýteri e Societáte Parisiénsi Missiónum ad éxteras gentes et mártiris, qui sub imperatóre Minh Mạng supplício centum plagárum damnátus est.

11*. In loco *Paracuellos del Jarama* apud Matritum in Hispánia, beatórum Michaélis Ruedas Megias et sex sociórum,⁸ mártirum, qui, religiósi ex Ordine Sancti Ioánnis a Deo christiána confessióne clari, persecutióne sæviénte, vi inimicórum Ecclésiæ ad Dóminum migravérunt.

12*. Valentíæ item in Hispánia, beáti Ioséphi Otín Aquilé, presbýteri e Societáte Salesiána et mártiris, qui in eádem tempestáte constántia fidei invíctus in cæléste pervénit regnum.

13*. Prope Monáchium Baváriæ in Germánia intra castra detentiónis Dacháni, beáti Ludovíci Rochi Gientyngier, presbýteri et mártiris, qui, témpore occupatiónis Polóniæ in bello, in facinóribus a regímine fidei inimíco patrátis cruciátibus afféctus spíritum réddidit.

¹ Quarum nomina: beátiB Terésia María (Laura) Cavestany y Anduaga, Iosepha María (María del Carmen) Barrera y Izaguiræ, María Agnes (Agnes) Zudaire y Galdeano, María Angela (Martina) Olaizola y Garagarza, María Engrátia (Iosepha Ioachima) Lecuona y Aramburu.

² Quarum nomina: beátæ María a Suffrágio (Antónia María) Orts Baldo, María a Dolóribus (María de Monte Serráto) Llimona Planas, Terésia a Sancto Ioseph (Ascensio) Duart y Roig, Elísabeth Ferrer Sabria, María ab Assumptióne (Iosepha) Mongoche Homs, María a Conceptione (Æmília) Martí Lacal, María Gratia (Paula) a Sancto Antonio, Cor Iesu (María a Purificatione) Gómez Vives, María a Succúrsu (Terésia) Jimenez Baldovi, María a Dolóribus (Gertrúdis) Suris Brusola, Ignatia a Sanctíssimo Sacraménto (Iosepha) Pascual Pallardo, María a Rosário (Catharina) Calpe Ibæñz, María a Pace (María Isabella) López García, Marcella a Sancto Thoma (Aurea) Navarro.

³ Quorum nomina: beáti K'adir filius Xodianin, Cerun filius K'urazi, Vardavar filius Dimbalac, Paulus filius IeremiB, David et Theodorus filii Dávidis, fratres.

⁴ Quorum nomina: sancti Clemens Ignatius Delgado Cebrian, Dominicus Henares, HierónymusHermosilla, Josephus Maria Díaz Sanjurjo, Melchior García Sanpedro, Petrus Dumoulin-Borie, Valentinus Berrio Ochoa, episcopi; Augustinus Schoeffler, Bernárdus Vil VanDu~, Dominicus Cilm, Dominicus M?u, Dominicus Nguyễn Van (Doan) Xuyen, DominicusNguyễn Van H::inh (Dieu), Dominicus Tr::ich, Dominicus TuCíc, Emmanuel Nguyễn Van Tri~u,Franciscus Gil de Federich, Franciscus J accard, Hyacinthus Castaneda, Jacobus D6 Mai Nam,loannes Carolus Cornay, loannes D::it, loannes Doan Trinh Hoan, loannes Ludovicus Bonnard,loannes Theophanes Venard, Josephus D:ii.ng Dinh (Nien) Viện, Josephus D6 Quang Hi~n,Josephus Fernandez, Josephus Marchand, Josephus Nguyễn Dinh Nghi, Josephus Tufo, IsidorusGagelin, Lauréntius Nguyễn Van Huang, Lucas Vil Ba Loan, Martínus T::i Dlic Thinh, Matthreus Alonso de Leziniana, Paulus Le Bao Tinh, Paulus Le-Van-L9c, Paulus Nguyễn Ngan, Paulus Ph::im Khac Khoan, Petrus Almato Ribeira, Petrus Doan Cong Quy, Petrus Franciscus Neron, Petrus Khanh, Petrus Le Tuy, Petrus Nguyễn Ba Tuan, Petrus Nguyễn Van Lvu, Petrus Nguyễn Van Tv, Petrus Truong Van Thi, Philíppus Phan Van Minh, Thomas Dinh Viet D\l, Thomas Khuong, Vincentius D6 Yen, Vincentius Le Quang Liem, Vincentius Nguyễn The DiEm, presbyteri; Andréas Nguyễn Kim Thong Nam (Nam Thuong), Antonius Nguyễn Hl.tu (Nam) Quynh, Dominicus Bui Van Uy, Franciscus Xaverius Cfin, Franciscus Xaverius Ha Tr9ng M?u, loannes Baptista Dinh Van Thanh, Josephus Nguyễn Dinh Uyfn, Josephus Nguyễn Duy Khang, Josephus Nguyễn Van Lvu, Matthreus Nguyễn Van Phu<;fng, Paulus Nguyễn Van My, Petrus Doan Van Van, Petrus Nguyễn Khac Tv, Petrus Nguyễn Van Hieu, Petrus Truong Van Du<'.lng, Petrus Vil Van Tru?t, Thomas Toan, catechistre; Agnes Le Thi Thanh (De), Andréas Tu<'.lng, Andréas Trfin Van Trang, Antonius Nguyễn Dich, Augustinus Nguyễn Van Mai, Augustinus Phan Viet Huy, Dominicus Huyen, Dominicus M::io, Dominicus Ngan, Dominicus Nguyễn,,Dominicus Nhi, Dominicus Nicolaus Dinh D::it, Dominicus Ninh, Dominicus Ph::im Tr9ng (An) Kham, Dominicus To::ii, Emmanuel Le Van Ph\].ng, Emmanuel Le Van Ph\].ng, Franciscus D6 Minh Chiêu, Franciscus Trfin Van Trung, loannes Baptista Cdn, Josephus Hoang Luong Canh, Josephus Le Dang Thi, Josephus Ph::im Tr9ng (Cai) Ta, Josephus Tuan, Josephus Tue, Lucas (Cai) Thin, Martínus Th9, Matthreus Le Van Gftm, Michæl H6 Dinh Hy, Michæl Nguyễn Huy My, Nicolaus Bui Viet Th€, Paulus H::inh, Paulus Tong Vie't Budng, Petrus Ba, Petrus Bong, Petrus Dung, Petrus Thufin, Petrus Vo Bang Khoa, Simon Phan Bæ Hoa, Stephanus Nguy~n Van Vinh, Thomas Nguy~n Van£>~, Thomas Trfin Van Thi~n, Vincentius Duong, Vincentius Tuong.

⁵ Quarum nomina: Paula a Sancta Anastasia Isla Alonso, Antónia a Sancto Tímotheo Gosens Sæz de Ibarra, Daria a Sancta Sópia Campillo Paniagua, Erundina a Dómina Nostra a Monte Carmélo Colino Vega, Consolata a Sanctíssimo Sacraménto Cufiado González, concepta a Sancto Ignátio Odriozola Zabalia, Felician a Dómina Nostra a Monte Carmélo de Uribe Orbe, concepta a Sancta Magdaléna Rodriguez Fernández, Justa a María Immaculáta Maiza Goicoechea, Clara a Dómina Nostra a Spe Ezcurra Urrutia et Cándidæ a DóminaNostra Angelorum Cayuso González.

⁶ Quorum nomina: beáti Bartholomæus Seki, Antonius Kimura, Ioáannes Iwanaga, Aléxius Nakamura, Leo Nakanishi, Michæl Takeshita, Matthias Kozasa, Románus Matsuoka Miota, Matthias Nakano Miota, Ioáannes Motoyama.

⁷ Quorum nomina: beáti Guliélmus (Vincentius) Llop Gaya, Clemens Diez Sabagun, Lazarus (Ioáannes María) Mugica Goiburu, Martínianus (Antonius) Meléndez Sanchez, Petrus María Alcalde Negro, Iuliánus Plazaola Artola, Hilarius (Antonius) Delgado Vilchez, religiósi professi; Petrus de Alcántara Bernalte Calzado, Ioáannes Alcalde y Alcalde, Isidórus Martínez Izquierdo, Angelus Sastre Córporales, novitii; Josephus Mora Velasco, prësbyter et postulans; Josephus Ruiz Cuesta, postulans; Eduardus Baptista Jimenez.

⁸ Quorum nomina: beáti Didacus de Gádibus (Jacobus) García Molina, Nicephorus Salvador del Rio, Románus (RapHacl) Touceda Fernández, religiósi; Arthurus Donoso Murillo, Iesus Gesta de Piquer et Antonius Martínez Gil-Leónis, professi.

DECEMBER

Die 1 decémbris

Kaléndis decembris. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
1	2	3	4	5	6	5	6	7	8	9	10							

1. **C**ommemorátio sancti Nahum, prophétæ, qui Deum prædicávit cursum témporum regéntem et pópulos in iustítia iudicántem.

2. Medioláni in Transpadána, sancti Castritiáni, epíscopi.

3*. Apud Pictávium in Aquitánia, sanctæ Floréntiæ, vírginis, quæ, a sancto Hilário epíscopo in Asiam relegáto ad Deum verum convérsa, eum secúta est ad suos redeúntem.

4*. Apud Forum Iúlii in Provinciá, sancti Leóntii, epíscopi, qui institutiónem monásticam sancti Honoráti in ínsula Lirinénsi fovit cuíque sanctus Ioánnes Cassiánus, eius amícus, decem primas Collatiónes dicávit.

5. Apud Cenómanum in Néustria, sancti Domnóli, epíscopi, qui, ántea abbas monastérii Sancti Lauréntii Parisiénsis, virtúte miraculórum enítuit.

6. Apud Virodúnium in Austrásia, sancti Ageríci, epíscopi, qui ecclésias baptisteriáque extrúxit et, cum ecclésiám suam asýlum profugórum fecísset, a Theodóricó rege multa passus est.

7. Noviómi in Néustria, sancti Elígii, epíscopi, qui, áurifex et consiliárius Dagobértil regis, cum iam plúrima ædificávisset monastéria et sanctórum monuménta insígni arte ac décore fabricátus esset, ad sedem Novioménsem et Tornacénsem evéctus omni zelo ad apostólicam óperam incúbuit.

8*. In óppido Cotinióla in Æmília, beáti Antónii Bonfadini, presbýteri ex Ordine Minórum, qui, verbum Dei prædicans, multas Itáliæ regiónés et Terræ Sanctæ loca diútius peragrávit.

9*. Colcéstriæ in Anglia, beāti Ioánnis Beche, presbýteri ex Ordine Sancti Benedícti et mártiris, qui, abbas monastérii Sancti Ioánnis, in spéciem crímine proditionis, revéra propter fidelitátem erga Románum Pontíficem servátam, sub Henríco rege Octávo cápite damnátus est et patíbuli supplício tráditus.

10. Londínii item in Anglia, sanctórum Edmúndi Campion, Radúlphi Sherwin et Alexándri Briant, presbyterórum et mártirum sub Elísabeth regína Prima, ingénio et fortitúdone eximiórum. Sanctus Edmundus, qui fidem Cathólicam iúvenis proféssus erat, in Societátem Iesu Romæ admissus et Pragæ sacerdotio auctus in pátriam rédiit, ubi tam verbo quam scriptis fidélium ánimos valde confirmávit, quaprópter Tybúrne post multos cruciátus necátus est. Cum eo eádem torménta subiérunt sancti Radúlphus et Alexánder, quorum alter in cárcere in Societátem Iesu adscríbi méruit.

11*. Eboráci item in Anglia, beāti Richárdi Langley, mártiris, qui sub eádem regína Elísabeth ob sacerdótes hospítio recéptos cápite damnátus est et collo suspénsus.

12*. In campo exítii *Oświęcim* seu *Auschwitz* prope Cracóviam in Polónia, beāti Casimíri Sykulski, presbýteri et mártiris, qui ob fidem coram persecutóribus Ecclésiæ Dei in bello fórtiter servátam plumbis occísus est.

13*. In civitáte *Dire Dawa* in Æthiópia, beátæ Liduínæ (Helísæ Angelæ) Meneguzzi, vírginis ex Institúto Sancti Francísci Salèsii, quæ, verum facta humilitátis et christiánæ caritátis spéculum, misericórdiam Dei inter páuperes, ægrótos et captívos benígne fecit conspícua.

14*. In loco *Isiro* in interióre Reipúblicæ Popularis Congénsis parte, beátæ Clementínæ Nengapeta Anuarite, vírginis e Congregatióne Sorórum a Sacra Família et mártiris, quæ, persecutióne in bello civíli sæviénte, cum áliis religiósus apprehénsa, eas hortáta est, ut vigilárent et orárent, et tribúni mílitum libídinem magna vi recúsans, ab ipso furénte pro Christo Sponso enecáta est.

Die 2 decémbris

Quarto Nonas decembris. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	1
A	B	C	D	E	F	F	G	H	M	N	P							
2	3	4	5	6	7	6	7	8	9	10	11							

1. **C**ommemoratio sancti Hábacuc, prophetae, qui coram iniquitate et violentia hominum iudicium Domini nuntiavit, sed et eius misericordiam, dicens: «Iustus autem in fide sua vivet».

2. Romae, sanctae Bibianae, martyris, sub cuius nomine sanctus Simplicius papa basilicam in Esquilino nuncupavit.

3. Item Romae in coemeterio Pontiáni via Portuensi, sancti Piménii, presbyteri et martyris.

4. Aquilíae in Venétia, sancti Chromátii, episcopi, qui, verus artifex pacis, Italiae claustris ab Alaríco dirutis ac populorum luctibus remédia comparavit et, divini verbi mysteriorum exquisitus explanator ad altiora mentes extulit.

5. In insula Palmária, transitus sancti Silvérii, papae et martyris, qui, cum Anthimum, episcopum haereticum Constantinopolitanum, a sancto Agapíto praedecessore suo depositum restituere nolúisset, Theodórae imperatricis iussu sede orbatus et in exsiliu pulsus, ibidem multis aerúnnis confectus obiit.

6*. In monasterio Viridivallénsi in regione Bruxellénsi Brabantiae, beati Ioánnis Ruysbroeck, presbyteri et canonici Reguláris, qui admirabilia de váriis vitae spiritalis gradibus dócuit.

7*. Múrtiae in Hispánia, beatae Mariáe Angelae Astorch, abbatissae ex Ordine Clarissárum, quae, valde húmilis et pæniténtiis dédita, tam monialibus quam saecularibus solácium et consília in bonum praebébat.

8*. In loco *Logiewniki* in Polónia, beati Raphaélis (Melchióris) Chyliński, presbyteri ex Ordine Fratrum Minórum Conventuálium, qui Cracóviae témpore pestilentiae aegrotos visitabat, ut iis pie assidéret et de honesta et christiana morte cavéret.

9*. Stanislaoópoli in Ucraina, beati Ioánnis Slezyuk, episcopi et martyris, cui sub regimine Deo infénso ob ministériu clandestínu apud fideles Ritus byzantíni

indefesse explétum et impávidam ante persecutóres in Christo constántiam Dóminus tríbuit palmam ætérrnam.

Die 3 decébris

Tértio Nonas decembris. Luna:

a	b	c	d	e	f	g	h	i	k	l	m	n	p	q	r	s	t	u
13	14	15	16	17	18	19	20	21	22	23	24	25	26	27	28	29	1	2
A	B	C	D	E	F	F	G	H	M	N	P							
3	4	5	6	7	8	7	8	9	10	11	12							

Memória sancti Francísci Xavier, presbýteri e Societáte Iesu, Indiárum evangelizatóris, qui, in Navárre natus, ex primis sancti Ignátii sóciis, dilatándi Evangélii ardóre motus, innúmeris pópulis in India, in Molukénsibus aliisque ínsulis, deínde in Iapónia Christum impénse nuntiávit multósque ad fidem convértit et tandem in Sinárum ínsula Sanciána óbiit morbo et labóribus consúptus.

2. Commemorátio sancti Sophóniæ, prophétæ, qui in diébus Iosíæ, regis Iudæ, impiórum ruínam in die iræ Dómini nuntiávit et pópulum páuperum et egenórum in spe salútis roborávit.

3. Tingi in Mauretánia, sancti Cassiáni, mártiris.

4. Vintóniæ in Anglia, depositio sancti Biríni, qui, in Británniam inferiorem ab Honório papa missus, primus Dorcestriaénsem ténuít sedem et Sáxonum occidentálium genti núnctium salútis impénse vulgávit.

5. Curíæ Rhætórum apud Helvétios, sancti Lúcii, eremítæ.

6*. Londínii in Anglia, beáti Eduárdi Coleman, mártiris, qui ob fidem Cathólicam accéptam falso crímine coniuratiónis advérsus Cárolum regem Secúndum insimulátus est et Tybúrne láqueo suspénsus, demum adhuc vivens ferro laniátus.

7*. Tridénti in Venétia, beáti Ioánnis Nepomucéni De Tschiderer, epíscopi, qui cum evangélico ardóre fidei et lenitáte Ecclesiám illam administrávit et in témpore afflictiónis miríficum præbuit in suum gregem amoris testimónium.

Die 4 decembris

Prídie Nonas decembris. Luna:

a	b	c	d	e	f	g	h	i	k	l	m	n	p	q	r	s	t	u
14	15	16	17	18	19	20	21	22	23	24	25	26	27	28	29	1	2	3
A	B	C	D	E	F	G	F	G	H	M	N	P						
4	5	6	7	8	9	8	9	10	11	12	13							

Sancti Ioánnis Damascéni, presbýteri et Ecclésiæ doctóris, sanctitáte et doctrína célebris, qui pro cultu sacrárum Imáginum verbo et scriptis advérsus Leónem Isáuricum imperatórem strénue decertávit et, mónachus efféctus in laura Sancti Sabæ prope Hierosólymam, sacros hymnos compósuit ibíque quiévit. Eius corpus hac die depósitum est.

2. Commemorátio sanctæ Bárbaræ, quæ Nicomedíæ virgo et martyr fuisse tráditur.
3. Alexandríæ in Ægýpto, sancti Héraclæ, epíscopi, qui, Orígenis discípulus, sócius et succéssor in schola, celebérrimam invénit famam et ad hanc sedem regéndam eléctus est.
4. Sebastópoli in Ponto, sancti Melétii, epíscopi, qui, etsi iam eruditiónis prærogátiva exímus, virtúte vero ánimi et sinceritáte vitæ longe clárior éxstitit.
5. Bonóniæ in Æmília, sancti Felícis, epíscopi, qui sub sancto Ambrósio Mediolanénsis Ecclésiæ diáconus fúerat.
- 6*. Apud Viénnam in Gállia Lugdunénsi, sancti Apri, presbýteri, qui, pátriam relínquens, cèllulam sibi exstrúxit et solitáriam ac pæniténtem vitam egit.
- 7*. In pago Bituricénsi Aquitániæ, sancti Sigirámni, mónachi, peregríni et abbátis Longoreténsis.
- 8*. Cenómani in Néustria, sanctæ Adrehíldis seu Adæ, abbatíssæ monastérii Sanctæ Maríæ.
- 9*. In monastério Ellwangénsi in Bavária, sancti Solæ, presbýteri et eremítæ.

10. Polýboti in Phrýgia, sancti Ioánnis, cognomento Thaumaturgi, epíscopi, qui contra Leónis Arméni imperatóris consílium magnópere operátus est sacris Imagínibus coléndis.

11. In monastério Sigisburgénsi in Rhenánia Germániæ, sancti Annónis, epíscopi Colóniæ Agrippínæ, qui, Henríco imperatóre Quarto regnante, vir strénui ingénii, tam in Ecclesiá quam in públicis negótiis in magno fuit honóre et ad fidem pietatémque augéndam complúres ecclésiás et monastéria condi curávit.

12. Sarisbériæ in Anglia, sancti Osmúndi, epíscopi, qui, ex Normánnia cum Guliélmo rege in Angliam transgréssus, mox ad episcopátum promótus ecclésiám cathedrále[m] dicávit atque sedis administratió[n]i et cúl[t]ui divíno consúluit.

13. Pármæ in Æmília, sancti Bernárdi, epíscopi, qui mónachus in perfectiόνem vitæ, cardinális in bonum Ecclesiæ, epíscopus demum in salútem animárum semper inténdit.

14*. Senis in Etrúria, beáti Petri Pectinárii, religiósi e Tértio Ordine Sancti Francísci, peculiári caritaté in egénos ac infirmos, humilitaté et siléntio conspícu[i].

15*. In loco *Edo* in Iapónia, beatórum mártýrum Francísci Gálvez, presbýteri ex Ordine Fratrum Minórum, Hierónymi de Angelis, presbýteri, et Simónis Yempo, religiósi, utriúsque e Societáte Iesu, qui in ódium fidei igni tradíti sunt.

16*. Colóniæ Agrippínæ in Rhenánia Borússiæ, beáti Adólphi Kolping, presbýteri, qui, de opificibus et iustítia sociáli ardénter sollicitus, consociatió[n]em iúvenum operariórum cóndidit et complúribus locis diffúdit.

17. Verónæ in Itália, sancti Ioánnis Calábria, presbýteri, qui Congregatió[n]em Páuperum Servórum et Servárum a Divína Providéntia fundávit.

Die 5 decémb[ri]s

Nonis decembris. Luna:

a	b	c	d	e	f	g	h	i	k	l	m	n	p	q	r	s	t	u
15	16	17	18	19	20	21	22	23	24	25	26	27	28	29	1	2	3	4
A	B	C	D	E	F	F	G	H	M	N	P							
5	6	7	8	9	10	9	10	11	12	13	14							

1. **T**hevéste in Numídia, pássio sanctæ Crispínæ Thagorénsis, matrisfamílias, quæ, tempóribus Diocletiáni et Maximiáni, cum idólis sacrificáre noluisset, iussu Anolíni procónsulis decolláta est.

2. Prope Hierosólymam, sancti Sabæ, abbátis, qui, in Cappadócia natus, desértum Iudæ áttigit, ubi novum eremíticæ conversatiónis genus instituit in septem monastériis, quæ lauræ appelláta sunt, solitários cóngregans sub uno antístite; in magna laura, ípsius nómine póstmodum insigníta, longos annos transégit, sanctitátis exémplo refúlgens atque pro fide Chalcedonénsi strénue decértans.

3*. In cœnóbio Sancti Petri de Aquára in Lucánia, sancti Lúcidí, mónachi.

4*. Brácaræ in Lusitánia, commemorátio sancti Geráldi, epíscopi, cultu divíno instaurádo, ecclésiis reficiéndis et ecclésiastica disciplína promovénda insígnis, qui in loco *Bornos* nuncupáto pastoráles visitatiónes in díssita quadam regióne péragens óbiit.

5*. Mántuæ in Langobárdia, beáti Bartholomáei Fanti, presbýteri ex Ordine Carmelitárum, qui fidélium corda ad sanctum Dei amórem atque ad filiálem in Dei Genitrícem Mariám devótiónem verbis et exémpis excitávit.

6. Londínii in Anglia, sancti Ioánnis Almond, presbýteri et mártiris, qui decem ámplius annos ánimas occúlte curávit, donec sub Iacóbo rege Primo Tybúrne propter sacerdótium láqueum nactus est, ex ipso patíbulo eleemósynas dilargíri non désinens.

7*. Sveríni in Megalopolitána Germániæ regióne, tránsitus beáti Nicolái Stensen, epíscopi Titipolitáni, qui, e Dánia oriúndus, unus ex claríssimis témporis sui rerum natúræ inquisitóribus éxstitit; sed cathólicam fidem proféssus, Deo in tutélam veritátis servíre cúpiens présbyter factus est, dein epíscopus ordinátus ad Európæ septemtrionális missiόνem omnem curam impéndit.

8*. Augústæ Taurinórum in Itália, beáti Philíppi Rinaldi, presbýteri e Societáte Salesiána, qui fidei in terras missiónum dilatándæ óperam dedit.

9*. Prope Monáchium Baváriæ in Germánia, beáti Narcíssi Putz, presbýteri et mártýris, qui, Polónia sub aliéno regímine belli témpore coácta, ob constántiam fidei in castra detentiónis Dacháni coniéctus est, ubi diris torméntis conféctus occúbuit.

Die 6 decémbris

Octávo Idus decembris. Luna:

a	b	c	d	e	f	g	h	i	k	l	m	n	p	q	r	s	t	u
16	17	18	19	20	21	22	23	24	25	26	27	28	29	1	2	3	4	5
A	B	C	D	E	F	F	G	H	M	N	P							
6	7	8	9	10	11	10	11	12	13	14	15							

Sancti Nicolái, epíscopi Myrénsis in Lýcia, sanctitáte et intercésione apud thronum grátiae divínæ præclári.

2. Romæ, commemorátio sanctæ Aséllæ, vírginis, quæ, ut sanctus Hierónymus scribit, vitam in ieiúniis et oratióibus usque ad senéctam produxit.

3. In Africa, commemorátio sanctórum mártýrum, témpore vándalicæ persecutiónis sub Hunneríco rege ariáno, gravíssimis et innúmeris supplíciis pro cathólicæ fidei defensióne excruciatórum; ex quorum turma,¹ Dionýsia et filius eius Maióricus laudántur, qui, cum adulescéntulus adhuc esset ac torménta pavésceret, matris obtútibus verbísque corroborátus, céteris fórtior factus in torméntis ánimam réddidit.

4*. Bríxiæ in Langobárdia, sancti Obítii, qui, eques, ad Deum convérsus et peniténtiæ déditus, bona sua in públicam utilitátem erogávit.

5*. Granátæ in Hispánia, beáti mártýris Petri Pascual, epíscopi Giennénsis, ex Ordine de Mercéde, qui, dum gregem visitábat ad pópulum in fidei defensiónem exhortándum, a Mauris comprehénsus, in vínculis deténtus óbiit.

6. In civitáte *Hải Dương* in Tunquíno, sancti Ioséphi Nguyễn Duy Khang, mártýris, qui, catechísta et sancti epíscopi Hierónymi Hermosilla comes in itinéribus, cum eo

in persecutióne Tṽ Đúc imperatōris captus, flagellátus et in cárcere deténtus, novíssime decollátus est.

7*. In vico *Picadero de Patérna* in pago Valentíno Hispániæ, beátæ Aloýsiæ Mariæ Frías Cañizares, vírginis et mártiris, quæ, témpore persecutiónis erga fidem, certámine fidei fructum áttulit ætérnum.

Die 7 decémbbris

Séptimo Idus decembris. Luna:

Memória sancti Ambrósii, epíscopi Mediolanénsis et Ecclésiæ doctóris, qui pridie Nonas aprílis in Dómino obdormívit, sed hac die potíssimum cólitur, qua célebrem sedem adhuc catechúmenus gubernándam suscepit, cum civitátis præfectúræ officio fungebátur. Verus pastor et doctor fidélium, máxime in omnes caritátem exércuit, libertátem Ecclésiæ ac rectæ fidei doctrínam advérsus ariános strénue deféndit et commentáriis hymnísque concinéndis pópulum pie catechizávit.

2. Spoléti in Umbria, sancti Sabíni, qui epíscopus et martyr cólitur.

3. In Sýria, sancti Athenodóri, mártiris, qui, ut fertur, sub Diocletiáno imperatóre et Eléusio præside igne aliisque supplíciis tortus, demum cápite damnátus, cum cárnifex corruísset, nec ullus álius gládio illum fériæ ausus esset, orans obdormívit in Dómino.

4. Theáni in Campánia, sancti Urbani, epíscopi.

5. In Palæstína, sancti Ioánnis Silentiárii seu Hesychástis, qui episcopátu Coloniénsi in Arménia dimísso, in laura Sancti Sabæ tum in húmili servítio fratrum tum in solitúdine áspera et siléntio monásticam vitam duxit.

6. Eboríaci in pago Meldénsi in Gállia, sanctæ Farre, abbatíssæ, quæ, cum multos annos monastério præfuísset, demum ad coetum vírginum Agnum Dei sequéntium aggregáta est.

7. In Ontario Canadénsi regióne, pássio sancti Cároli Garnier, presbýteri e Societáte Iesu et mártiris, qui, dum aquam baptísmatis in catechúmenos effundébat, a pagánis

quibúsdam irrumpéntibus gráviter vulnerátus, demum secúris ictu percússus óbiit. Cuius memória die undevicésima octóbris cum áliis sóciis ágitur.

8. Savóne ad oram Itáliæ, sanctæ Mariæ Ioséphæ (Benedíctæ) Rossello, vírginis, quæ Institutum Filiárum Dóminæ Nostræ a Misericórdia cóndidit et in animárum salútem perficiéndam omni stúdio se impéndit, soli Deo fidens.

Die 8 decémbris

Sexto Idus decembris. Luna:

a	b	c	d	e	f	g	h	i	k	l	m	n	p	q	r	s	t	u
18	19	20	21	22	23	24	25	26	27	28	29	1	2	3	4	5	6	7
A	B	C	D	E	F	F	G	H	M	N	P							
8	9	10	11	12	13	12	13	14	15	16	17							

Sollémnitas Conceptionis Immaculátæ beátæ Mariæ Vírginis, quæ vere grátia plena et in múlueribus benedícta, ex prævísis ortu et salvífica Fílii Dei morte, in ipso primo instánti Conceptionis suæ, singulári Dei privilegio, ab omni originális culpæ labe immúnis præserváta est, sicut pro certo dógmate, ex vetustióre vero doctrína trádito, a Pio papa Nono, hac ipsa recurrénte die, sollémniter definítum est.

2. Alexandríæ in Ægýpto, commemorátio sancti Marcárii, mártiris, qui, témpore Décii imperatóris, cum multis verbis a iúdice ad negándum Christum suaderétur, sed maióre constántia fidem suam ipse profíterétur vivus ad últimum éxuri iussus est.

3. Romæ in cœmetério Callísti via Appia, depositio sancti Eutychiáni, papæ.

4. Tréviris in Gállia Bélgica, sancti Euchárii, qui primus epíscopus habétur huius civitátis.

5. Commemorátio sancti Patápii, solitárii, qui, ex Thebáide oriúndus, Constantinópoli apud Blachérnas convérsatus est et in Ægyptiórum monastério sepultús.

6. In monte Vósego in Burgúndia, sancti Romaríci, abbátis, qui, Theudebérti regis procer, in monastérium Luxoviense recéssit, deinde in fundo suo cœnóbium cōndidit, cui ipse tandem præfuit.

7*. Apud Valles Cernáii in agro Parisiensi, sancti Theobáldi de Marliáco, abbátis ex Ordine Cisterciensi, qui fratribus suis ínfima offícia pæstábat.

8. In Ontario Canadensi regione, pássio sancti Natalis Chabanel, presbýteri e Societate Iesu et mártiris, qui, cum Deo se usque ad mortem in missiõne sibi dilécta inter Hurónes mansúrum vovísset, iter fáciens in silva cum apóstata quodam, ab eódem in ódium fidei interféctus est. Eius memória die undevicésima octóbris cum sóciis celebrátur.

9*. Limæ in Perúvia, beátæ Narcíssæ a Iesu Martillo Morán, vírginis, quæ, paréntibus orbáta, victu expers, post multas ærúmnas in cœnóbium hospítio suscēpta, contínuæ precatiõni et áspæræ pæniténtiæ se dedit.

10*. In vico *Picadero de Patérna* in pago Valentíno Hispániæ, beáti Ioséphi Mariæ Zabal Blasco, mártiris, qui, paterfamílias, in persecutiõne erga fidem passiõnis suæ torménta fortitúdine in Christo superávit.

11*. Intra castra detentiõnis Dacháni prope Monáchium Baváriæ in Germánia, beáti Aloýsii Liguda, presbýteri e Societate Verbi Divíni et mártiris, qui, Polónia in bello invása, a vigílibus cárceris trucidátus Christum Dóminum ad mortem usque conféssus est.

Die 9 decémbris

Quinto Idus decembris. Luna:

a	b	c	d	e	f	g	h	i	k	l	m	n	p	q	r	s	t	u
19	20	21	22	23	24	25	26	27	28	29	1	2	3	4	5	6	7	8
A	B	C	D	E	F	F	G	H	M	N	P							
9	10	11	12	13	14	13	14	15	16	17	18							

Sancti Ioánnis Dídaci Cuauhtloatzin, qui, ex Indórum nativórum stirpe, vir fide puríssima præditus, humilitate et fervóre suo effécit, ut in honórem Beátæ Mariæ Vírginis de *Guádalupe* sanctuárium in colle

Tepeyac apud Mexicópolis ædificarétur, ubi eidem apparuit et ipse in Dómino quiévit.

2. Toléti in Hispánia, sanctæ Leocádiæ, vírginis et mártiris, Christi confessióne insígnis.

3. Pápiæ in Ligúria, sancti Syri, primi civitátis epíscopi.

4. Naziánzi in Cappadócia, sanctæ Gorgóniæ, matrisfamílias, quæ fuit sanctæ Nonnæ filia, atque sanctórum Gregórii Theólogi et Cæsárii soror, cuius ipse Gregórius virtútes conscrípsit.

5. In monastério Genoliacénsi apud Petricórdium in Gállia, sancti Cypriáni, abbátis, cura ægrotórum clari.

6*. Ad Mænum flúvium in Bavária Germániæ, beáti Libórii Wagner, presbýteri et mártiris, qui, caritáte exímus, curam pastorálem tam pro cathólicis quam pro dissidentibus effúso ságuine coronávit.

7. Graii in Burgúndia, quo exsul se recéperat, tránsitus sancti Petri Fourier, presbýteri, qui paupérrimam parœciam *Mattaincourt* in Lotharíngia sibi elégit ac mire curávit, Canónicos Régulares Salvatóris Nostri renovávit atque Institutum Canonissárum Regulárium Dóminæ Nostræ pro gratuító edocéndis puéllis fundávit.

8*. Moricóne in Sabína Itáliæ, beáti Bernárdi Mariæ a Iesu (Cáesaris) Silvestrelli, presbýteri e Congregatióne Pássionis, qui, præpósitus generális eléctus, in eiúsdem increméntum ac diffusióne alácriter enísus est.

9*. In óppido *Llombay* in pago Valentíno Hispániæ, beáti Ioséphi Ferrer Esteve, presbýteri ex Ordine Clericórum Regulárium Scholárum Piárum et mártiris, qui in ódium sacerdótii plumbis occísus est.

10*. In vico *Picadero de Paterna* item in pago Valentíno, beatórum Richárdi de los Ríos Fabregat, Iuliáni Rodríguez Sánchez et Ioséphi Giménez López, presbyterórum e Societáte Salesiána et mártirum, qui, persecutióne erga fidem sæviénte, pro Christo egrégium peregrerunt certámen.

Die 10 decémbriſ

Quarto Idus decembris. Luna:

a	b	c	d	e	f	g	h	i	k	l	m	n	p	q	r	s	t	u
20	21	22	23	24	25	26	27	28	29	1	2	3	4	5	6	7	8	9
A	B	C	D	E	F	F	G	H	M	N	P							
10	11	12	13	14	15	14	15	16	17	18	19							

1. **E**méritæ in Lusitânia, sanctæ Euláliæ, vírginis et mártiris, quæ, ut fertur, in iuveníli ætáte pro confessióne Christi vitam offérre non dubitávit.
2. Romæ in cœmetério Trasónis via Salária Nova, sancti Mauri, mártiris, quem sanctus Dámasus papa célebrat insóntem puérum nullo cruciátu a fide deiéctum.
3. Ancýræ in Galátia, sancti Gemélli, mártiris.
4. Romæ apud sanctum Petrum, sancti Gregórii papæ Tértii, qui Evangélium Germánis prædicáre curávit et advérsus iconoclástas Urbis ecclésias sacris Imagínibus ornávit.
- 5*. In monastério Sancti Nicolái de Viotoríto in Calábria, sancti Lucae, epíscopi Insulæ, qui pro bono páuperum et institutióne monachórum indefesse adlaborávit.
6. Londínii in Anglia, sanctórum mártirum Edmúndi Gennings, presbýteri, et Swithíni Wells, qui, sæviénte Elísabeth regínæ Primæ persecutióne, cápite damnáti, prior quod sacerdos esset, alter quod illum hospítio recepisset, ante portam domicílii láqueo suspénsi sunt et usque ad mortem cruciátibus confécti.
7. Item Londínii, sanctórum Polydóri Plascen et Eustátii White, presbyterórum, atque beatórum Bríani Lacy, Ioánnis Mason et Sydnéii Hodgson, mártirum, qui, eódem anno eádem supplícia Tybúrne passi sunt, álíi quod sacerdótes Angliam petivissent, álíi quod illis auxílium præstitissent.
8. Ibídem, Tybúrne, decem et novem post annis, sancti Ioánnis Roberts, ex Ordine Sancti Benedícti, et beáti Thomæ Somers, presbyterórum et mártirum, qui, sub Iacóbo rege Primo propter sacerdotium damnáti, sédecim latrónes ampléxi eódem patíbulo suspénsi sunt.

9*. In vico *Vallés* in pago Valentíno Hispániæ, beāti Gundisálvi Viñes Masip, presbýteri et mártýris, qui, témpore persecutiónis, pro Christo egrégium perégit certámen.

10*. In vico *Picadero de Paterna* in eódem pago Hispániæ, beatórum mártýrum Antónii Martin Hernández, presbýteri, et Augustíni García Calvo, religiósi, e Societáte Salesiána, qui in eádem tempestáte ob Christi fidem stolam glóriæ accepérunt.

Die 11 decémbri

Tértio Idus decembris. Luna:

a	b	c	d	e	f	g	h	i	k	l	m	n	p	q	r	s	t	u
21	22	23	24	25	26	27	28	29	1	2	3	4	5	6	7	8	9	10
A	B	C	D	E	F	F	G	H	M	N	P							
11	12	13	14	15	16	15	16	17	18	19	20							

Sancti Dámasi papæ Primi, qui, angústis tempóribus suis, contra schísmata et háereses complúres collégit sýnodos ad nicænam fidem defendéndam, líbros sacros a sancto Hierónymo latíne reddéndo curávit et sepúlcrá mártýrum pie excóluit versibúsque ornávit.

2. In pago Ambianénsi in Gállia Bélgica, sanctórum Victoríci et Fuscíani, mártýrum.

3. Placéntiæ in Æmília, sancti Sabíni, epíscopi, qui ad Christi fidem turbas vocávit, vírginum sacrária instítuit et veritátem nicænam invícite propugnávit.

4. Constantinópoli, sancti Daniélis, cognoménto Stylítæ, presbýteri, qui, post vitam in cænóbio ductam et multos susténtos labóres, more et exémplo sancti Simeónis in columnam elátus stetit, nulla vi frígoris vel æstus vel ventórum fractus annos trigínta tres tresque menses usque ad óbitum.

5*. In monastério Himmerodénsi apud Tréviros in Germánia, beāti Dávidis, mónachi, quem, córpore débilem, sanctus Bernárdus apud Claravállem accépit, deínde cum frátribus in Germániam misit ad novum monastérium condéndum, ubi die noctúque oratióni et bonis opéribus vacávit.

6*. Senis in Etrúria, beáti Franci Lippi, eremítæ ex Ordine Carmelitárum, exímia austeritatē vitæ clari.

7*. In pago Camerinénsi in Picéno Itáliæ, beáti Hugolíni Magalotti, eremítæ, ex Tértio Ordine Sancti Francísci.

8*. Apud Tiférnum Metaurénse item in Picéno, beáti Hierónymi, presbýteri ex Ordine Servórum Mariæ, qui in solitúdine et siléntio sciéntiam sanctorum assecútus est.

9*. Nagasákii in Iapónia, beatórum Martíni Lumbreras Peralta et Melchióris Sánchez Pérez, presbyterórum ex Ordine Sancti Augustíni et mártýrum, qui vix hanc civitatē ingressi deprehénsi sunt et in cellam obscuram coniécti, demum igni tradíti.

10*. Londínii in Anglia, beáti Arthúri Bell, presbýteri ex Ordine Fratrum Minórum et mártýris, qui sub Cárolo rege Primo propter solum sacerdotium cápite damnátus est et Tybúrni patíbulum perpéssus.

11*. In loco *El Saler* nuncupáto prope Valéntiam in Hispánia, beátæ Mariæ a Columna Villalonga Villalba, vírginis et mártýris, quæ, persecutióne religiósá furénte, martýrio suo vestígia Christi secúta est.

12. In óppido *La Aldehuela* in regione Matriténsi item in Hispánia, sanctæ Mirabíliæ a Iesu Pidal y Chico de Guzmán, vírginis ex Ordine Carmelitárum Discalceatárum, quæ plura monastéria in Hispánia atque in India cóndidit, vitam contemplatívam actuósæ caritatí coniúgens.

Die 12 decémbri

Prídie Idus decembris. Luna:

a	b	c	d	e	f	g	h	i	k	l	m	n	p	q	r	s	t	u
22	23	24	25	26	27	28	29	1	2	3	4	5	6	7	8	9	10	11
A	B	C	D	E	F	F	G	H	M	N	P							
12	13	14	15	16	17	16	17	18	19	20	21							

Beátæ Mariæ Virgini de *Guádalupe* in México, cuius matérnum auxílium ingens pópulus in colle *Tepeyac* prope Mexicópolis, ubi apparuit, humíliter implórat ac útpote stellam in evangelizándis famíliis populórum et indigenárum pauperúmque præsidium fidénter salútat.

2. Commemorátio sanctórum mártýrum Alexandrinórum Epímachi et Alexándri, qui, sub Décio imperatóre, post diútina víncula et vários cruciátus, ígnibus tandem pro Christi fide consúmpti sunt. Cum his passæ sunt sanctæ Ammonárion, virgo, Mercúria, Dionýsia et alia, quæ, cum iudex a féminis superári erubésceret ac dubitáret, ne, inaudítis in illas exércitis cruciaméntis, eárum étiam constántia vincerétur, statim iussæ sunt decollári.

3. In ínsula Cypro, sancti Spyridónis, epíscopi, veri óvium pastóris, cuius mirabília gesta ore ómnium celebrabántur.

4*. Clonárdiæ in Hibérnia, sancti Fínniani, abbátis, qui, plúrium monasteriórum cónditor, pater et magíster éxstitit ingéntis monachórum turmæ.

5*. Coriosópiti in Británnia Minóre, sancti Corentíni, qui primus epíscopus huius civitátis cólitur.

6*. Doráti in pago Lemovicénsi Aquitániæ, sancti Israëlís, presbýteri et canónici reguláris, qui magno adiuménto fuit epíscopo in verbi Dei prædicatione.

7*. Novi Monastérii in Holsátia Germániæ, natális sancti Vicelíni, epíscopi Oldenburgénsis, qui ad Slavos evangelizándos magnópere se cóntulit.

8*. Apud óppidum *Celloli* in Etrúria, beáti Bártholi Buonpedoni, presbýteri, qui, sexagenárius lepra corréptus, curam parœciálem depósuit et, Tértii Ordinis Sancti Francísci hábitum induens, in hospítio reclúsus ómnibus patiénter assédit.

9*. In pago *Bastia* prope Asísium in Umbria, beáti Conrádi de Ophyda, presbýteri ex Ordine Minórum, qui humilitátem et prístinam Ordinis paupertátem valde diléxit et quæsívit.

10*. Neápoli in Campánia, commemorátio beáti Iacóbi Capocci, epíscopi, qui ex eremíta Sancti Augustíni Ecclésiám Beneventánam, deínde Neapolitánam suscepit regéndam, quam sapiéntia, doctrína et prudéntia illustrávit.

11. Huéi in Annámia, sancti Simónis Phan Đắc Hòa, mártýris, qui, médicus ac paterfamílias páuperum caritáte exímíus, sub imperatóre Minh Mạng captus quod missionários hospítio accepísset, post cárceres ac flagellatiónes decollatióne martýrium consummávit.

12*. Prope Cracóviam in Polónia, beáti Pii Bartosik, presbýteri ex Ordine Fratrum Minórum Conventuálium et mártýris, qui, témpore Polóniæ sub aliénúm régimen in Deum hostíle redáctæ, in campo exítii *Oświęcim* seu *Auschwitz* cruciátibus fractus pro Christo martýrium consummávit.

Die 13 decémbris

Idibus decembris. Luna:

a	b	c	d	e	f	g	h	i	k	l	m	n	p	q	r	s	t	u
23	24	25	26	27	28	29	1	2	3	4	5	6	7	8	9	10	11	12
A	B	C	D	E	F	F	G	H	M	N	P							
13	14	15	16	17	18	17	18	19	20	21	22							

Memória sanctæ Lúciæ, vírginis et mártýris, quæ accénsam lámpadem in occúrsu Sponsi, dum víveret, custodívit et, Syracúsís in Sicília ad mortem pro Christo perdúcta, cum eo ad núptias introíre méruit et lumen indeficiens possidére.

2. In Portu Románo, sancti Aristónis, mártýris.

3. In Sulcitána península Sardíniæ, sancti Antíochi, mártýris.

4. In Arménia, sanctórum Eustrátii, Auxéntii, Eugénii, Mardárii et Orestis, mártýrum.

5. In Néustria septemtrionáli, sancti Iudóci, presbýteri et eremítæ, qui, fílius Iuthaélis, Armóricæ regis, et frater sancti Iudicaélis, ne patri succédere cogerétur, pátriam reliquit et ad vitam eremíticam secéssit.

6. Cameráci in Austrásia, sancti Autbéti, epíscopi.

7. In pago Argentoraténsi Burgúndiæ, sanctæ Othíliæ, vírginis et primæ abbatíssæ monastérii Altitonénsis ab Adalríco duce, eius patre, cónditi.

8*. Neápoli in Campánia, beáti Ioánnis (Francísci) Marinoni, presbýteri ex Ordine Clericórum Regulárium vulgo Theatinórum, qui una cum sancto Caietáno ad cleri reformatiónem ac animárum salútem se cóntulit et ad egénos sublevándos Monti Pietátis favit.

9. In monastério Visitatiónis Molinénsi in Gállia, natális sanctæ Ioánnæ Francíscæ Frémot de Chantal, cuius memória die duodécima augústi ágitur.

10*. Firmi in Picéno Itáliæ, beáti Antónii Grassi, presbýteri e Congregatióne Oratórii, viri húmilis et pacífici, qui exémplo suo admódum ad observándam régulam confrátres ímpulit.

11. In pago *Tjyen-Tiyou* in Coréa, sanctórum Petri Cho Hwa-sǒ, patrisfamílias, et quinque sociórum,² mártýrum, qui, a mandaríno promissió nibus vel torméntis temptáti, ut christiánam religió nem relínquerent, usque ad cápitis abscissió nem restitérunt.

Die 14 decémb ris

Décimo nono Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
24	25	26	27	28	29	1	2	3	4	5	6	7	8	9	10	11	12	13
A	B	C	D	E	F	F	G	H	M	N	P							
14	15	16	17	18	19	18	19	20	21	22	23							

Memória sancti Ioánnis a Cruce, presbýteri ex Ordine Carmelitárum et doctóris Ecclésiæ, qui, sancta Terésia a Iesu suadénte, primus inter fratres Ordinis reformatiónem aggréssus est, quam labóribus operibúsque innúmeris, necnon áspéris tribulatió nibus sustínuit et, scriptis eius testántibus, vitam se intus quærens abscónditam in Christo atque amóris Dei flamma combústus, per noctem obscúram ad montem Dei ascéndit; Ubédæ tandem in Vandalícia Hispániæ regióne in Dómino quíévit.

2. Alexandriæ in Ægýpto, commemoratio sanctórum mártýrum Herónis, Atéi et Isidóri, cum Dióscoro púero duódecim annos nato; quorum tres primos iudex in persecutióne deciána, cum váriis cruciátibus laniátos pari constántia fidei armátos vidéret, igni iussit tradi; sanctum Dióscorum vero, multiplicitér flagellátum, différri præcépit.
3. Apollóniæ in Bithýnia, sanctórum Thyrsi, Léucii, Callínici et sociórum, mártýrum, qui, témpore Décii imperatóris, passi esse narrántur.
4. Antiochiæ in Sýria, sanctæ Drósidis, mártýris, quam sanctus Ioánnes Chrysóstomus ásserit igne cremátam esse.
5. Ascalóne in Palæstína, sanctórum Ares, Promi et Eliæ, mártýrum, qui, cum ex Ægýpto Cilíciam pétère vellent, ut confessóres Christi in persecutióne Maximíni imperatóris visitárent et adiuvárent, Cæsaréæ deprehénsi, óculis pedibúque atróciter orbáti ac Ascalónem dedúcti, iussu Firmiliáni præsidis, Ares ígnibus, álíi vero decollatióne martýrium complevérunt.
6. Pápiæ in Ligúria, sancti Pompéii, epíscopi, qui paucos sed pacíficos annos sancti Syri succéssor agens ad Dóminum migrávit.
7. Remis in Gállia Bélgica, pássio sancti Nicásii, epíscopi, qui ante óstium basilicæ ab ipso cónditæ a pagánis irruéntibus cæsus est cum germána Eutrópia, vírgine Christo sacráta, Floréntio diácono et Iucúndo.
8. Neápoli in Campánia, sancti Agnélli, abbátis monastérii Sancti Gaudiósi.
- 9*. Pictávii in Aquitánia, sancti Venántii Fortunáti, epíscopi, qui multórum sanctórum gesta conscrípsit et expolítis hymnis sanctam Crucem celebrávit.
- 10*. Apud Mórinos in Gállia septemtrionáli, sancti Folcuíni, epíscopi Taruannénsis.
- 11*. Urbevéti in Túsca, beáti Bonaventúre de Pistório, presbýteri ex Ordine Servórum Mariæ, qui, sancti Philíppi Benizi prædicatióne commótus, eum in pace inter factiões componénda per urbes itálicas adiúvit.
12. In loco *Klifane* in território Libanénsi, sancti Nimatullácii al-Hardini (Ioséphi Kassab), presbýteri ex Ordine Libanénsi Maronítarum, qui in institutióne theológiæ, in iúvenum educatióne et in pastorálem navitátem incúbuit, oratiónis spírítu et pæniténtia éminens.

13*. Aquisgráni in Germánia, beátæ Franciscæ Schervier, vírginis, quæ aliquándiu in civitáte erga ínopes, ægrótos atque afflíctos sédula fuit et pro páuperum necessitatibus serviéndo Congregatióem Sorórum Páuperum a Sancto Francisco fundávit.

14*. Barcinóne in Hispánia, beáti Protásii (Antónii) Cubells Minguell, religiósi ex Ordine Sancti Ioánnis a Deo et mártiris, qui, cum persecútio in Ecclésiám sævíret, in ódium religiónis occísus est.

Die 15 decémbris

Décimo Octávo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
25	26	27	28	29	1	2	3	4	5	6	7	8	9	10	11	12	13	14
A	B	C	D	E	F	F	G	H	M	N	P							
15	16	17	18	19	20	19	20	21	22	23	24							

1. **C**ommemorátio sancti Valeriáni, epíscopi Avensáni in Africa, qui, octogenárius ámplius, in persecutióne vandálica a Genseríco rege ariáno expetítus, ut Ecclésiæ utensília tráderet, cum hoc fácere constánter renuísset, extra civitátem singuláris iussus est pelli; et cum præcéptum esset, ut nullus eum neque in domo sua neque in agro habitáre síneret, diutíssime in via pública sub nudo áere iácuit et ita, conféssor orthodóxæ veritátis, cursum beátæ vitæ complévit.

2. In território Aurelianénsi Gállia Lugdunénsis, sancti Maximíni, presbýteri, qui primus abbas Miciacénsis habétur.

3*. In monastério Cavénsi in Campánia, beáti Maríni, abbátis, fídelitáte erga Románum Pontíficem mirábilis.

4*. Génuæ in Ligúria, beátæ Mariæ Victóriæ Fornari, quæ, vídua effécta, Ordinem Annuntiatiónis fundávit.

5. Ibídem, sanctæ Virgíniæ Centurione Bracelli, víduæ, quæ, in servítium Dómini se impéndens, paupéribus multímodis subvénit, ecclésiás agréstes iuvávit atque Auxiliáres Matrónas a Misericórdia instítuit ac rexit.

6. Bríxiæ in Langobárdia, sanctæ Mariæ Crucifixæ De Rosa, vírginis, quæ pro salúte ánimæ corporisque próximi divítias suas ac seípsam impéndit et Institutum Ancillárum Caritátis fundávit.

7*. Verónæ in Venétia, beáti Cároli Steeb, presbýteri, qui, Tubíngæ natus, Verónæ fidem cathólicam proféssus est et sacerdotio auctus Institutum Sorórum a Misericórdia fundávit pro afflíctis egenisque et ægrótis curándis.

Die 16 decémbri

Décimo séptimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
26	27	28	29	1	2	3	4	5	6	7	8	9	10	11	12	13	14	15
A	B	C	D	E	F	F	G	H	M	N	P							
16	17	18	19	20	21	20	21	22	23	24	25							

1. **C**ommemoratio sancti Aggæi, prophætæ, qui, témpore Zoróbabel ducis Iudæ, pópulum admónuit, ut domus Dómini reædificarétur, in quam ventúrus erat thesáurus cunctárum géntium.

2. Commemoratio plurimárum sanctárum vírginum, quæ, in Africa in persecutióne vandálica sub ariáno rege Hunneríco, póndera laminásque ignítas perpéssæ, mártýrii agónem felíciter consummárun.

3. In Hibérnia, sancti Beáni, eremítæ.

4*. Cisónii in Artésia Gállia provincia, sancti Everárdi, qui, comes Foroiuliénsis, ibídem Canonicórum Regulárium monastérium cóndidit, in quo áliquot annis post mortem pie depósitus est.

5. Viennæ in Burgúndia, sancti Adónis, epíscopi, qui, ex mónacho epíscopus eléctus, Martyrológium compónens Sanctórum memóriam egrégie cóluit.

6. Elizátii prope Argentorátum in Lotharíngia Germániæ, sanctæ Adalhéidis, cui, imperatríci, erat erga domésticos gravis iucúnditas, erga extráneos honestíssima grávitás, in paupéribus infatigábilis píetas, in honorándis ecclésiis Dei affluentíssima lárgitas.

7*. In Lucânia, sancti Marcárii de Collesáno, mónachi, qui, humilitáte et abstinéntiis exímus, váriis cœnóbiis montis Mercúrii et Latiniáni prudénter præfuit.

8*. Génuæ in Ligúria, commemorátio beáti Sebastíani (Salvátici) de Mádiis, presbýteri ex Ordine Prædicatórum, qui pópulo regiónis Evangélium prædicávit et in convéntibus disciplínæ regulári consúluit.

9*. Augústæ Taurinórum in Subalpínis, beátæ Mariæ ab Angelis (Mariánnæ) Fontanella, vírginis ex Ordine Carmelitárum, quæ voluntáriis pæniténtiis necnon obœdiéntiæ virtúte cláruit.

10*. Ripæ Albæ in Itália, beáti Cleméntis Marchisio, presbýteri, qui, paróchus huius loci, Institutum Filiárum a Sancto Ioseph fundávit.

11*. In urbe *Nowe Miasto* in Polónia, beáti Honoráti de Biala Podlaska (Floréntii) Kazminsky, presbýteri ex Ordine Fratrum Minórum Capuccinórum, qui in pæniténtes ministrándos, in verbi Dei prædicatiónem et in ánimos captivórum in cárcere relevándos exímiam impéndit óperam.

12*. Prope urbem *Mukdahan* in Thailándia, beáti Philíppi Siphong Onphitak, mártiris, qui, paterfamílias, sacerdoté vici *Song-Khon* depúlso, dux communitátis christiánæ eléctus est et, persecutióne ineúnte advérsus christiános, iuxta rivum *Tum Nok* dolóse addúctus est et plumbis interféctus.

Die 17 decémbriis

Sextodecirno Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
27	28	29	1	2	3	4	5	6	7	8	9	10	11	12	13	14	15	16
A	B	C	D	E	F	F	G	H	M	N	P							
17	18	19	20	21	22	21	22	23	24	25	26							

1. **H**ierosólymæ, sancti Modéstii, epíscopi, qui, post Urbem Sanctam a Persis captam et vastátam, monastéria relevávit monachisque implévit et sanctuária incéndio díruta multo labóre refécit.

2. Eleutherópolis in Palæstína, pássio sanctórum quinquaginta mílitum,³ qui, témpore Heráclii imperatóris, a Saracénis Gazam obsidéntibus ob Christi fidem occísi sunt.

3*. In Británnia Minóre, sancti Iudicaélis, qui concórdiam inter Britónes et Francos valde conciliávit et, múnere regis depósito, vitam in monastério sancti Mevénni exegísse fertur.

4. Andénis in Brabántia, sanctæ Beggæ, víduæ, quæ, post cóniugis necem, monastérium Beátæ Maríæ Vírginis cóndidit, sub Régulis Sanctórum Columbáni et Benedícti.

5. In monastério Fuldénsi in Austrásia, sancti Stúrmii, abbátis, qui, discípulus sancti Bonifátii, Saxóniam evangelizávit et célebre hoc monastérium ex præcépto magístri ædificándum curávit ac primus abbas rexit.

6*. In monte Mercúrio in Lucánia, sancti Christophóri de Collesáno, mónachi, qui tota cum Família sua monásticæ conversatióni propagándæ summópere dedit óperam.

7. Prope Bruxéllas in Brabántia Lotharíngiæ, sanctæ Wíwinæ, Primæ abbatíssæ monastérii Beátæ Maríæ de Bigárdis.

8. Romæ in monte Cáelio, sancti Ioánnis de Matha, presbýteri, qui, gallus génere, Ordinem Sanctíssimæ Trinitátis pro captívis rediméndis instítuit.

9. Barcinóne in Hispánia, sancti Ioséphi Manyanet y Vives, presbýteri, qui, ut exémplo sanctæ illíus Nazarethánæ Iesu, Maríæ et Ioseph omnes famíliæ perféctæ redderéntur, Congregatiónes Filiórum et Filiárum a Sacra Família fundávit.

10*. In vico *Don Benito* prope Badaiócium in Hispánia, beátæ Mathíldis a Sacro Corde Téllez Robles, vírginis, quæ, in próximo suo imáginem Christi ípsius inspiciens, benígna cum sedulitáte materiáli máxime ac spiritáli egenórum auxílio se trádedit et Congregatiónem Filiárum Maríæ Matris Ecclésiæ fundávit.

11*. Romæ apud Sanctam Sabínam in Aventíno, beáti Hyacínthi (Henríci) Cormier, presbýteri, qui, magíster generális, Ordinem Prædicatórum prudénter rexit stúdia theológica ac spiritália admódum fovens.

Die 18 decémbriſ

Quintodécimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
28	29	1	2	3	4	5	6	7	8	9	10	11	12	13	14	15	16	17
A	B	C	D	E	F	F	G	H	M	N	P							
18	19	20	21	22	23	22	23	24	25	26	27							

1. **C**ommemoratio sancti Malachíæ, prophætæ; qui, post transmigratióem Babylóne diem magnum Dómini eiúsque advéntum in templum nuntiávit sempérque et ubíque mundam oblatiódem nómini eius offeréndam.

2. In Africa, commemoratio sanctórum mártýrum Namphamónis, Migginis, Sanámis et Lucítæ, qui, teste Máximo Madaurénsi gentíli in epístula ad sanctum Augustínus scripta, magnæ veneratióni pópulo christiáno erant.

3. Turónis in Gállia Lugdunénsi, sancti Gatiáni, primi epíscopi, qui ad illam civitátem ab urbe Roma transmíssus esse refértur et in ípsius vici cœmetério christianórum sepultús.

4*. Laóniæ in Hibérnia, sancti Flannáni, epíscopi.

5*. In monastério Heidenheiménsi in Bavária, sancti Winebáldi, abbátis, qui, anglus natione, cum fratre sancto Willibáldo sanctum Bonifátium secútus est et adiúvit in Germánis géntibus evangelizándis.

6. In colle *Gò-Voi* in Tunquíno, Sanctórum Pauli Nguyễn Văn Mỹ, Petri Truông Văn Đường et Petri Vũ Văn Truật, mártýrum, qui, catechístæ, firmi in fide sub imperatóre Minh Mạng stranguláti sunt.

7*. Borgári prope Augústam Taurinórum in Itália, beátæ Nemésíæ (Iúliæ) Valle, vírginis ex Institúto Sorórum a Caritate, quæ, in iuvénibus instruéndis et in amóre Evangélíi moderándis exímia, viam mandatórum Dómini per próximi dilectiódem iúgiter currit.

Die 19 decémbri

Quartodécimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
29	1	2	3	4	5	6	7	8	9	10	11	12	13	14	15	16	17	18
A	B	C	D	E	F	F	G	H	M	N	P							
19	20	21	22	23	24	23	24	25	26	27	28							

1. **R**omæ in cœmetério Pontiáni via Portuénsi, depositio sancti Anastásii papæ Primi, viri ditíssimæ paupertátis et apostólicæ sollicitúdinis, qui haéreticis doctrínis firme óbstitit.

2. Autissiodóri in Gállia Lugdunénsi, sancti Gregórii, epíscopi.

3*. In Cartúsia *Casotto* in Subalpínis, beáti Guliélmi de Fenólis, religiósi, qui prius vitam eremíticam dúxerat.

4*. Aveniône in Provinciá Gállia, beáti Urbáni papæ Quinti, qui, ex mónacho in Petri cáthedram sublátus, statim ad Sedem Apostólicam in Urbem reducéndam et ad unitátem Ecclésiæ restituéndam præcípue ánimun vertit.

5. In loco *Bac-Ninh* in Tunquíno, sanctórum mártýrum Francísci Xavérii Hà Trọng Mâu, Domínici Búi Văn Úy, catechistárum, Thomæ Nguyễn Văn Dê, sartóris, atque Augustíni Nguyễn Văn Mai et Stéphani Nguyễn Văn Vinh, agrícolarum, quorum alter neóphytus, alter adhuc catechúmenus, qui omnes crucem calcáre noléntes, cárcerem cruciátusque passi sunt, tandem iussu imperatóris Minh Mạng stranguláti.

6*. In óppido *Slonim* in Polónia, beatárum Mariæ Evæ de Providéntia Noiszewska et Mariæ Marthæ de Iesu Wołowsk, vírginum e Congregatióne Sorórum a Conceptione Immaculáta et mártýrum, quæ, témpore occupatiónis Polóniæ in bello, ob fidem servátam plumbis necátæ sunt.

Die 20 decémbri

Tértiodécimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
1	2	3	4	5	6	7	8	9	10	11	12	13	14	15	16	17	18	19
A	B	C	D	E	F	F	G	H	M	N	P							
20	21	22	23	24	25	24	25	26	27	28	29							

1. **R**omæ iuxta cœméterium Callísti via Appia, depositio sancti Zephyríni, papæ, qui decem et octo annos Románam Ecclésiám gubernávit et sancto Callísto suo diácono munus mandávit Ecclésiæ Románæ cœméterium via Appia condéndi.
2. Item Romæ via Salária Vétère in cœmetério ad Septem Palúmbas, sancti Liberális, mártiris, qui quondam in mundo consulári honóre perfúctus esse fertur.
3. Antiochiæ in Sýria, sancti Philogónii, epíscopi, qui, Dei nutu ex causídico ad hanc Ecclésiám regéndam accersítus, una cum sancto Alexándro epíscopo et sóciis advérsus Aríum primum pro fide cathólica certámen iniit clarúsque méritis quiévit in Dómino; quem sanctus Ioánnes Chrysóstomus præcláro encómio celebrávit.
- 4*. In Iura Helvético ad Dubim flumen, sancti Ursicíni, qui, discípulus sancti Columbáni, primum eremíticam vitam agens in solitúdine, mox detéctus multos ad idem vitæ genus incitávit.
5. In monastério Exiliénsi in Castélla Hispániæ regióne, sancti Domínici, abbátis, qui, ántea eremíta, dein hoc cœnóbium propémódum dilápsum restítuit, disciplínam redintegrávit et laudem divínam die ac nocte exaltávit.
- 6*. Turri Octávæ apud Neápolim in Campánia, beáti Vincéntii Romano, presbýteri, qui, paróchus, in púeros excoléndos et in opíficum atque piscatórum necessitátes curándas totum ánimun inténdit.
- 7*. In campo detentiónis Sachsenhúsæ in Germánia, beáti Michaélis Piaszczyński, presbýteri et mártiris, qui, polónus génere, in aliénam custódiám propter fidem cónditus per torménta ad cæléstem glóriam migrávit.

Die 21 decémbriſ

Duodécimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
2	3	4	5	6	7	8	9	10	11	12	13	14	15	16	17	18	19	20
A	B	C	D	E	F	F	G	H	M	N	P							
21	22	23	24	25	26	25	26	27	28	29	1							

Sancti Petri Canísii, presbýteri e Societáte Iesu et Ecclésiæ doctóris, qui, in Germániam missus, multos annos strénue ad fidem cathólicam tuéndam et firmándam prædicatióne et scriptis óperam navávit, inter quæ opus éminet, quod «Catechísmus» inscribitur; Fribúrgi Helvetiórum tandem a labóribus quiévit.

2. Commemorátio sancti Michææ, prophétæ, qui diébus Ióatham, Achaz et Ezechíæ, regum Iudæ, prædicatióne sua opprèssos deféndit, idóla ac improbitátes damnávit et pópulo elécto a diébus æternitátis egresso ducem in Bétlehem Iudæ nascitúrum nuntiávit, qui Israel pásceret in fortitúdiſe Dómini.

3. In Lýcia, sancti Themístoclis, mártiris, qui, sub Décio imperatóre, pro sancto Dióscoro, qui quærebátur ad necem, se obtulísse narrátur et, ecúleo tortus, raptátus ac fústibus cæsus, mártýrii corónam adéptus est.

4*. Monte Cerinióne in Flamínia, beáti Domínici Spadafora, presbýteri ex Ordine Prædicatórum, qui ministério prædicatiónis sédulo adlaborávit.

5. Hanóii in Tunquíno, pássio Sanctórum Andréæ Dũng Lạc et Petri Truông Vãn Thi, presbyterórum et mártýrum, qui, cum crucem calcándi iussum renúissent, decollatióne agónem consummárunť. Quorum memória die vigésima quarta novémbris celebrátur.

6*. Confluéntibus in Rhenánia Germániæ, beáti Petri Friedhofen, religiósi, qui, múnere primum purgatóris camínórum functus, dein Congregatióne Fratrum Misericórdiæ a Maríá Auxiliatríce fundávit, pro qua plácide et æquo ánimo multas passus est irrisiones et moléstias.

Die 22 decémbri

Undécimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
3	4	5	6	7	8	9	10	11	12	13	14	15	16	17	18	19	20	21
A	B	C	D	E	F	F	G	H	M	N	P							
22	23	24	25	26	27	26	27	28	29	1	2							

1. **C**ommemoratio Sanctórum Chærémonis, epíscopi Nilopolitáni, et aliórum plurimórum mártýrum in Ægýpto, quorum álii, sæviénte Décii imperatóris persecutióne, fuga dispérsi et in solitudínibus errántes, a béstiis interémpti sunt, álii fame, frígore ac languóre consúmpti, álii demum a bárbaris et latrónibus necáti, ita ut omnes dívérso mortis génere eádem martýrii glória coronaréntur.

2. Item commemoratio sancti Ischyriónis, mártýris in Ægýpto, qui, eódem témpore, cum convíciis et iniúriis sacrificáre contempsisset, præacúta sude per média víscera transverberátus, neci tráditus est.

3. Romæ via Labicána in cœmetério ad Duas Lauros, sanctórum trigínta mártýrum, qui omnes una die coronáti sunt.

4. In Raíthi regióne in Ægýpto, sanctórum quadragínta trium monachórum, qui pro christiána religióne a Blémmiis occísi sunt.

5*. Ultraiécti in Géldria Lotharíngiæ, sancti Hungéri, epíscopi.

6*. Londínii in Anglia, beáti Thomæ Holland, presbýteri e Societáte Iesu et mártýris, qui, clandestínium ministérium péragens, sub Carólo rege Primo cápite damnátus est et láqueo iugulátus spíritum réddidit.

7. Chicágiæ in Illinoésia ex Civitatibus Fœderátis Américæ Septemtrionális, sanctæ Francíscæ Xavériæ Cabrini, vírginis, quæ Institutum Missionariárum a Sacratíssimo Corde Iesu fundávit atque exímia caritáte omnem labórem migrántium curæ impértiit.

Die 23 decémbriſ

Décimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
4	5	6	7	8	9	10	11	12	13	14	15	16	17	18	19	20	21	22
A	B	C	D	E	F	F	G	H	M	N	P							
23	24	25	26	27	28	27	28	29	1	2	3							

Sancti Ioánnis de Kęty, presbýteri, qui, sacerdótio auctus, múnere docéndi plures annos in Cracoviénsi Academiá functus, Olkusiénsis deinde paróeciae curam pastorálem suscepit, ubi rectam fidem virtútibus cúmulus, pietátis et caritátis in próximis exémples cooperatóribus ac discipulis evásit et poſtrídies huius diéi Cracóviae in Polónia ad cæléstia gáudia migrávit.

2. Gortýnae in ínsula Creta, sanctórum decem mártýrum Theodúli, Saturníni, Eupóri, Gelásii, Euniciáni, Zótici, Póntii, Agathópi, Basílidis et Evarísti, qui, in Décii imperatóris persecutióne, cum in templi Fortúnæ dedicatióne sacrificáre iussi públice repugnávissent, torménta passi sunt et cápites cæsi.

3. Romæ, commemorátio sancti Sérvuli, qui, inde a prima ætáte paralýticus iacens in pórticu prope ecclésiám Sancti Cleméntis, in dolóre semper Deo grátias ágere stúduit, ut sanctus Gregórius Magnus scribit, et quidquid e stipe colligerat paupéribus erogábat.

4*. Carnúti in Gállia, sancti Ivónis, epíscopi, qui canonicórum órđinem restaurávit et multa pro sacerdótii et impérii concórdia atque Ecclésiæ utilitáte egit et scripsit.

5*. Brixínae in agro Tridentíno, beáti Hartmánni, epíscopi, qui ántea canónicus reguláris Ecclésiám illam prudénte et fidéliter gubernávit.

6*. In Islándia, sancti Thorláci, epíscopi Skalholténsis, qui in mores cleri et pópuli reformándos óperam impéndit.

7. Cantuáriæ in Anglia, commemorátio sancti Ioánnis Stone, presbýteri ex Ordine Fratrum Sancti Augustíni et mártýris, qui fidei cathólicæ strénuus propugnátor sub Henríco rege Octávo in patíbulo martýrium consummávit.

8*. Valéntiæ in Hispánia, beáti Nicolái, cognoménto Factóris, presbýteri ex Ordine Fratrum Minórum, qui, ardentíssima caritáte Dei incénsus, exstásibus raptus est.

9. Marianópolis in Cánada, sanctæ Mariæ Margaritæ d'Youville, religiósæ, quæ, materfamílias vídua effécta, duos filios pie educávit in viam sacerdótii et totas cóntulit vires ad infirmis, sénibus ac omnis géneris míseris assidéndum, pro quibus Congregatiónem Sorórum a Caritáte fundávit.

10*. Paulópolis in Brasília, beáti Antónii a Sancta Anna Galvão de França, presbýteri ex Ordine Fratrum Minórum, qui prædicatióni ac pæniténtiæ ministério fructuóse se dedit et Recéssum Lucis cóndidit, ubi communitátem Sorórum summa spiritáli rexit moderatióne.

11. In pago *Tjyen-Tiyon* in Coréa, sancti Ioséphi Cho Yun-ho, mártiris, qui, iúvenis vestígia sancti Petri Cho Hwa-sō, patris sui, sequens, pro christiáno nómine fústibus occísus est.

12*. In pago Valentíno Hispániæ, beáti Pauli Meléndez Gonzalo, mártiris, qui, paterfamílias, persecutióne erga fidem sæviénte, Christi vestígiis adhærens, per eius grátiam ad regna pervénit æténa.

Die 24 decémbri

Nono Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
5	6	7	8	9	10	11	12	13	14	15	16	17	18	19	20	21	22	23
A	B	C	D	E	F	F	G	H	M	N	P							
24	25	26	27	28	29	28	29	1	2	3	4							

1. **C**ommemoratio ómnium sanctórum avórum Iesu Christi, filii David, filii Abraham, filii Adam, patrum scílicet, qui Deo placuérunt et iusti invénti sunt et iuxta fidem defúnti, nullis accéptis promissiúnibus, sed longe eas aspiciéntes et salutántes, ex quibus natus est Christus secúndum carnem, qui est super ómnia Deus benedíctus in sáecula.

2. Burdígalæ in Aquitánia, sancti Delphíni, epíscopi, qui cum sancto Paulíno Noláno íntima familiaritáte coniúctus est et arcéndis Priscilliáni erróribus strénuam dedit óperam.

3. Romæ, commemorátio sanctæ Tarsíllæ, vírginis, cuius sanctus Gregórius Magnus, eius nepos, contínuam oratiónem, gravitátem vitæ et singulárem abstinéntiam laudat.

4. Apud Tréviros in Austrásia, sanctæ Irmínæ, abbatíssæ cœnóbii Horreénsis, quæ, matróna Deo sacráta, monastériolum ab ipsa in villa sua Epternáci fundátum sancto Willibrórdo donávit et de suis largíta est.

5. Cracóviæ in Polónia, natális sancti Ioánnis de Kęty, cuius memória prídíe huius diéi ágítur.

6*. Bonóniæ in Æmília, beáti Bartholomæi Mariæ Dal Monte, presbýteri, qui multis in regiónibus Itáliæ pópulo christiáno et clero verbum Dei prædicávit Piámque Óperam Missiónum ad eúndem finem instítuit.

7. Comónte apud Bérgomum in Langobárdia, sanctæ Paulæ Elísabeth (Constántiæ) Cerioli, quæ, ómnibus præmatúræ mórtuis filiis, vídua effécta, opes virésque ad rústicos púeros orphanósque sine spe futúri edocéndos impéndit et, Institútum Sorórum ac Congregatiónem Patrum Fratrúmque a Sacra Família fundans, gáudia matris in Dómino perdúxit.

8. Annáia. in Líbano, natális sancti Sarbélii (Ioséphi) Makhlūf, cuius memória die vigésima quarta mensis iúlii celebrátur.

Die 25 decémbris

Octávo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
6	7	8	9	10	11	12	13	14	15	16	17	18	19	20	21	22	23	24
A	B	C	D	E	F	F	G	H	M	N	P							
25	26	27	28	29	30	29	1	2	3	4	5							

Innúmeris transáctis sáeculis a creatiÓne mundi, quando. in princípío Deus creávit cælum et terram et hómínem formávit ad imáginem suam;

permúltis étiam sáeculis, ex quo post dilúvium Altíssimus in núbibus arcum posúerat, signum fœderis et pacis; a migratióne Abrahæ, patris nostri in fide, de Ur Chaldreórum sáeculo vigésimo primo; ab egressu pópuli Israel de Ægýpto, Móyse duce, sáeculo décimo tértio; ab unctiône David in regem, anno círciter millésimo; hebdómada sexagésima quinta, iuxta Daniélis prophetíam; Olympíade centésima nonagésima quarta; ab Urbe cóndita anno septingentésimo quinquagésimo secúndo; anno impérii Cáesaris Octaviáni Augústi quadragésimo secúndo; toto Orbe in pace compósito, Iesus Christus, ætérnus Deus æterníque Patris Fílius, mundum volens advéntu suo piíssimo consecráre, de Spíritu Sancto concéptus, novémque post conceptiόνem decúrsis ménsibus, in Béthlehem Iudæ nascitur ex María Vírgine factus homo: Natívitás Dómini nostri Iesu Christi secúndum carnem.

Textus cum cantu infra, pp. 71-74.

2. Romæ, commemorátio sanctæ Anastásiae, mártiris Sírmii in Pannónia.
3. Item Romæ in cœmetério Aproniáni via Latína, sanctæ Eugéniae, mártiris.
4. Item Romæ via Latína, sanctórum Iovíni et Basiléi, mártyrum.
- 5*. In cœnóbio Cluniacénsi in Burgúndia Gálliae, beáti Petri Venerábilis, abbátis, qui Ordinem monásticum prístinæ observántiae præcéptis rexit et multos compósuit tractátus.
- 6*. Septémpedæ in Picéno Itáliæ, beáti Bentivólii de Bonis, presbýteri ex Ordine Minimórum, concionatóris exímii.
- 7*. In civitaté *Unzen* in Iapónia, beáti Michaélis Nakashima, religiósi e Societáte Iesu et mártiris, qui, catechísta, propter fidem Christi in aquam fervéntem demérsus corónam martýrii consecútus est.
- 8*. Romæ, beátæ Mariæ ab Apóstolis (Mariæ Terésiae) von Wüllenweber, vírginis, germánæ génere, quæ, missionário ardóre incénsa, Tíburi in Látio Institutum Sorórum a Divíno Salvatóre fundávit.

9. Cracóviæ in Polónia, sancti Albérti (Adámi) Chmielowski, religiósi, qui, pictor arte clarus, paupéribus se vovit, studens illis esse in ómnibus bonus, atque Congregatiónes Fratrum et Sorórum Tértii Ordinis Sancti Francísci paupéribus serviéntium fundávit.

Die 26 decémbris

Séptimo Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
7	8	9	10	11	12	13	14	15	16	17	18	19	20	21	22	23	24	25
A	B	C	D	E	F	F	G	H	M	N	P							
26	27	28	29	30	1	1	2	3	4	5	6							

Festum sancti Stéphani, protomártiris, viri pleni fide et Spíritu Sancto, qui, primus e septem diáconis, quos Apóstoli elegérunt ut ministérii cooperatóres, primus étiam e discipulis Dómini sánguinem suum Hierosólymæ effúdit, testimónium práebens pro Christo Iesu, quem se vidére assérui stantem in glória a dextris Patris, et lapídibus óbrutus est pro persecutóribus súpplicans.

2. Romæ in cœmetério Callísti via Appia, sancti Dionýsii, papæ, qui, post Valeriáni imperatóris persecutiónem, fratres vel mæréntes lítteris et præsentia consolátus est, vel captívos a cruciátibus prétio redémit, vel ignáros documénta fidei dócuit, omni virtúte énitens.

3. Commemorátio sancti Zenónis, epíscopi Maiúmæ in Palæstína, qui consobrínis sanctis Eusébio, Nestábio et Zenóni, martýribus, basílicam ædificávit et usque ad éxitum vitæ textórium opus exércuit, ut victum quáereret ac paupéribus subveníret.

4. Romæ via Tiburtína apud beátum Lauréntium, depositio sancti Zósimi, papæ.

5. Sardis in Lýdia, sancti Euthýmii, epíscopi et mártiris, qui, ob cultum sacrárum Imáginum a Michaéle imperátore iconoclásta exsílio afféctus, demum, Theóphilo imperánte, búbulis nervis inhumániter cæsus, martýrium consummávit.

6. Matríti in Hispánia, sanctæ Vincéntiæ Mariæ López Vicuña, vírginis, quæ Institutum fundávit et diffúdit Filiárum Mariæ Immaculátæ, ut puéllis a famíliis segregátis et doméstico famulátui præpósitis ánimæ corporisque præberéntur subsídia.

7*. In vico *Song-Khon* in Thailándia, beatárum mártýrum Agnétis Phila et Lúciæ Khambang, vírginum e Soróribus Amántibus Crucem, necnon Agathæ Phutta, Cæcíliæ Butsi, Bibiánæ Hampai et Mariæ Phon, quæ cristiánam fidem negáre recusántes in pagi cœmetério plumbis necátæ sunt.

8*. Apud locum *Dragali* in Nigromóntio, beáti Secúndi Pollo, presbýteri Vercellensis, qui, cappellani mílitum officium exsequens témpore totíus orbis belli Secúndi, militi moriénti assidens ipse gravi vulnere afféctus est et paulo post, sángine amisso, spíritum Deo réddidit.

Die 27 decémbri

Sexto Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
8	9	10	11	12	13	14	15	16	17	18	19	20	21	22	23	24	25	26
A	B	C	D	E	F	F	G	H	M	N	P							
27	28	29	30	1	2	2	3	4	5	6	7							

Festum sancti Ioánnis, Apóstoli et Evangelistæ, qui, fílius Zebedæi, cum fratre Iacóbo et Petro testis fuit transfiguratiónis, necnon passiónis Dómini et ab ipso iuxta crucem Mariám accépit ut matrem. In Evangélio et áliis scriptis theólogum se præbet, qui, glóriam Verbi incarnáti contemplári dignátus, quod vidit annuntiávit.

2*. Commemorátio sanctæ Fabíolæ, víduæ románæ, quæ, teste sancto Hierónymo, pæniténtiam suam ad benefícium páuperum vertit et perfécit.

3. Apaméæ in Bithýnia, pássio sancti Theodóri, mónachi lauræ Sancti Sabæ in Palæstína, presbýteri et mártýris, qui, Constantinópoli cum fratre sancto Theóphane pro defensióne sacrárum Imáginum vérbera, cárceres, exsílium, necnon stigmata in fronte súbiit, quaprópter Graptus vocátus est, et in cárcere exspirávit.

4*. Bléndii in Cantábria ad litus Hispániæ, beáti Alaphrídi Parte, presbýteri ex Ordine Clericórum Regulárium Scholárum Piárum et mártýris, qui témpore persecutiónis, quod sacérdos esset, ad gloriósum martýrium ductus est.

5*. Item, in actuária in freto maris ante Bléndium in Hispánia, beáti Ioséphi Maríæ Corbin Ferrer, mártýris, qui pro Christo egrégium perégit certámen.

Die 28 decémbri

Quinto Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
9	10	11	12	13	14	15	16	17	18	19	20	21	22	23	24	25	26	27
A	B	C	D	E	F	F	G	H	M	N	P							
28	29	30	1	2	3	3	4	5	6	7	8							

Festum sanctórum Innocentium mártýrum. Púeri, qui Béthlehem Iudæ ab Heróde ímpio rege interfécti sunt, ut cum iis Iesus infans períret, quem Magi adoráverant, et mártýres Honoráti inde a primis Ecclésiæ sáeculis, primitiæ ómnium, qui sánguinem suum effusúri erant pro Deo et Agno.

2. Alexandríæ in Ægýpto, sancti Theónæ, epíscopi, qui magíster et decéssor fuit sancti Petri mártýris.

3. Commemorátio sancti Antónii, mónachi, qui vitam solitáriam egit et senex in monastérium Lirinénse in Província se recépit, ubi amábilis et doctus pie quiévit.

4*. Matilícæ in Picéno Itáliæ, beátæ Matthíæ de Nazaréis, abbatíssæ ex Ordine Clarissárum.

5. Lugdúni in Gállia, natális sancti Francísci de Salès, epíscopi Genevénsis, cuius memória ágitur die depositiúnis Annécii, vigésimo quarto ianuárii.

6. Romæ, sancti Gásparis del Bufalo, presbýteri, qui pro Ecclésiæ libertáte strénue decertávit et in cárcerem quoque detrúsus peccatóres ad rectam viam addúcere non cessávit, præsertim devotióne in pretiosíssimum sánguinem Christi, in cuius honórem Congregatiónes Missionariórum atque Sorórum instítuit.

7*. Neápoli in Itália, beátæ Catharínæ Volpicelli, vírginis, quæ, assisténtiæ páuperum et ægrotórum iúgiter dédita, Institutum Ancillárum Sacri Cordis fundávit, curans ut christiána cáritas actuositáte societátis témporis necessitatibus accommodáta semper exprimátur.

8*. Kióviæ in Ucráina, beáti Gregórii Khomyšyn, epíscopi Stanislaopolitáni et mártiris, qui, témpore persecutiónis erga fidem, in cælésti Agni dápibus discumbere méruit.

Die 29 decémbris

Quarto Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
10	11	12	13	14	15	16	17	18	19	20	21	22	23	24	25	26	27	28
A	B	C	D	E	F	F	G	H	M	N	P							
29	30	1	2	3	4	4	5	6	7	8	9							

Sancti Thomæ Becket, epíscopi et mártiris, qui ob iustítiæ et Ecclésiæ defensióem a sede Cantuariénsi et ab ipso regno Angliæ exsuláre coáctus est et post sex annos in pátriam revérsus multa adhuc sustínuit, donec ab Henríci regis Secúndi satellítibus in ecclésia cathedráli gládio percússus ad Christum migrávit.

2. Commemorátio sancti David, regis et prophétæ, qui, filius Iesse Bethlehemítæ, grátiam invénit ante Deum et óleo sancto a Samuéle prophéta unctus est, ut pópulum Israel régeret; in civitátem Ierúsalem Arcam fœderis Dómini tránstulit ac Dóminus ipse mox ei iurávit semen eius in ætérnum mansúrum esse, eo quod ex ipso Iesus Christus secúndum carnem nascitúrus esset.

3. Areláte in Província Gállia, sancti Tróphimi, qui primus epíscopus habétur huius civitátis.

4. Carthágine, sancti Libósi, Vagénsis epíscopi et mártiris, qui in Concílio Carthaginénsi de baptismo hæreticórum assérui: «In Evangélio Christus dixit: Ego sum véritas, et non: Ego sum consuetúdo».

5. Medioláni in Ligúria, sancti Martiniáni, epíscopi.

6. Constantinópoli, sancti Marcélli, abbátis monastérii Acemetárum ad Bósphorum, in quo die noctúque sine ulla unquam intermissióne psalmórum decantátio persequébatur.

7. Oximi in Néustria, sancti Ebrúlfí, abbátis monastérii Uticénsis, témpore Childebérti regis.

8*. Panórmi in Sicília, beáti Gerárdi Cagnoli, religiósi ex Ordine Minórum, qui prius et diútius in eremítica vita commorátus est.

9*. Londínii in Anglia, beáti Guliélmi Howard, mártiris, qui, vicecómes Statefurténsis, fidem cathólicam proféssus est, quaprópter coniuratiónis in Cárolum regem Secúndum falso insimulátus, secúri pro Christo percússus occúbuit.

10. Seuli in Coréa, Sanctórum Benedíctæ Hyön Kyöng-nyön, víduæ et catechístæ, et sex sociórum,⁴ mártirum, qui pro christiáno nómine plúribus supplíciis affécti sunt et decollatióne interémpti.

11*. In civitáte *Patérna* in pago Valentíno Hispániæ, beáti Ioséphi Aparicio Sanz, presbýteri et mártiris, qui, persecutióne erga fidem furénte, sánguinem pro Christo effúdit.

12*. In vico *Picadero de Patérna* item in pago Valentíno, beatórum mártirum Henríci Ioánnis Requena, presbýteri, et Ioséphi Perpiñá Nácher, qui pro Christo egrégium complevérunt certámen.

13*. In vico Sancto Michaéle Regum in eódem pago, beáti Ioánnis Baptístæ Ferreres Boluda, presbýteri e Societáte Iesu et mártiris, qui in eádem persecutióne, passióne Christi áemulans, illústrem cónsequi palmam méritus est.

Die 30 decémbri

Tértio Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
11	12	13	14	15	16	17	18	19	20	21	22	23	24	25	26	27	28	29
A	B	C	D	E	F	F	G	H	M	N	P							
30	1	2	3	4	5	5	6	7	8	9	10							

1. **R**omæ in cœmetério Callísti via Appia, deposítio sancti Felícis papæ Primi, qui sub Aureliáno imperatóre Románam Ecclésiám rexit.

2. Bonóniæ in Móesia, sancti Hermétis, exorcístæ et mártiris.

3. Commemorátio sancti Anýsii, epíscopi Thessalonicénsis, qui tempóribus Theodósii imperátoris cláruit, a Románis Pontificibus vicárius apostólicus in Illýrico constitútus et a sancto Ambrósio láudibus cumulátus.

4. Turónis in Gállia Lugdunénsi, sancti Perpétui, epíscopi, qui Sancti Martíni basílicam et multas álias in honórem sanctórum ædificávit atque usum ieiuniórum vigiliarúmque in Ecclésia sua ordinávit.

5*. Augústæ Prætoríæ in Alpibus Graiis, sancti Iucúndi, epíscopi.

6. Fláviæ in território Bellovacénsi Néustriæ, sancti Geremári, abbátis monastérii huius loci, quod cóndidit.

7*. Eveshámii in Anglia, sancti Egwíni, epíscopi, qui monastérium loci cóndidit.

8. In Vestínis Itáliæ, sancti Rainérii, epíscopi Furconénsis, cuius Alexánder papa Secúndus virtútem in administrándis bonis laudávit.

9*. Cannis in Apúlia, sancti Rogérii, epíscopi.

10*. Apud óppidum Fraxanónem in Sicília, sancti Lauréntii, mónachi sub orientálium præcéptis, vitæ asperitáte et indeféssa prædicatióne insígnis.

11*. Apud Præneste in Látio, beátæ Margarítæ Colonna, vírginis, quæ divítiis ac sáeculi oblectaméntis paupertátem pro Christo prætulit, cui Régulam sanctæ Claræ prófitens servívit.

12*. Génuae in Ligúria Itáliæ, beátæ Eugénia Ravasco, vírginis, quæ Institutum Sorórum Filiárum a Sacratíssimis Córdibus Iesu et Mariæ fundávit, cui puellárum institutiónis, necnon ægrotórum atque parvulórum puerórum necessitátum commísit curam.

13*. In pago *Pancalieri* prope Augústam Taurinórum in Itália, beáti Ioánnis Mariæ Boccoardo, presbýteri, qui inter multos impénsos labóres pro senum et ægrotórum cura ac puerórum christiána institutióne Congregatióem cóndidit Sorórum Páuperum Filiárum Sancti Caietáni.

Die 31 decémbri

Prídie Kalendas ianuárii. Luna:

a	b	c	d	e	f	g	h	i	k	l	m	n	p	q	r	s	t	u
12	13	14	15	16	17	18	19	20	21	22	23	24	25	26	27	28	29	30
A	B	C	D	E	F	F	G	H	M	N	P							
1	2	3	4	5	6	6	7	8	9	10	11							

Sancti Silvéstri papæ Primi, qui multos annos pie rexit Ecclésiám, témpore quo Constantínus Augústus venerándas extrúxit basílicas et Christum Fílium Dei Nicáena Sýnodus acclamávit. Hac die Romæ in cœmetério Priscíllæ eius corpus depósitum est.

2. Item Romæ in cœmetério Iordanórum via Salária Nova, sanctárum Donátæ, Paulínæ, Rogátæ, Dominándæ, Serótinæ, Saturnínæ et Hiláriæ, mártýrum.

3. Apud Senones in Gállia Lugdunénsi, sanctæ Colúmbæ, vírginis et mártýris.

4. Constantinópolis, sancti Zótici, presbýteri, qui alendórum orphanórum curam suscepit.

5. Hierosólymæ, sanctæ Melániæ iunióris, quæ cum cóniuge suo sancto Piniáno ex urbe Roma discéssit et ad Civitátem Sanctam profécta est; ibíque ipsa inter féminas Deo sacras et vir inter mónachos religiósam vitam exercuérunt et ambo sancto fine quievérunt.

6. Ravénnæ in Flamínia, sancti Barbátiani, presbýteri.

7*. Lausónii apud Helvétios, sancti Márii, epíscopi, qui sedem Avanticénsem illuc tránstulit, plures ecclésias ædificávit et páuperum defénsor éxstitit.

8. In pago *La Louvesc* in iugis prope Anícium in Gállia, sancti Ioánnis Francísci Regis, presbýteri e Societáte Iesu, qui prædicatióne ac celebratióne sacraménti pæniténtiæ per montes et pagos loci peregrínans de fide cathólica renovánda in ánimis incolárum indesinéter provídít.

9*. In arce *Merçuès* apud Cadúrcum in Gállia meridionáli, tránsitus beáti Aláni de Solminihac, epíscopi Cadurcénsis, qui pastorálibus visitatióibus morum pópuli emendatióni consúlere conténdit atque apostólica sedulitate Ecclésiám ipsi commíssam omnímodo renováre nisus est.

10. Parísii in Gállia, sanctæ Catharínæ Labouré, vírginis e Puéllis a Caritate, quæ Deíparam Immaculátam singuláriter cóluit et simplicitáte, caritate et patiéntia enítuit.

¹ Inter quos: sancti IEmilius médicus, Dativa, Leontia, Tertius, Bonifátius Sibidensis, Servius, Victrix.

² Quorum nomina: sancti Petrus Yi Myong-so et Bartholomæus Chong Mun-ho, patresfamílias; Petrus Son Son-ji, paterfamílias et catechísta; Ioséphus Petrus Han CHac-kwon, ántea catechísta; Petrus Chong Won-ji, aduléscens.

³ Inter quos: sancti IOANNES, Paulus, álius IOANNES, alter Paulus, Photinus, Zitas, Eugenius, Muselius, IOANNES, Stephanus, Theodorus, IOANNES, álius Theodorus, filius præcédentis, Georgius, Theopemptus, álius Georgius, Sergius, álius Georgius, álius Theodorus, Cyriacus, álius Ioannes, Zitas, Philoxenus, álius Georgius, álius IOANNES, álius Georgius, omnes ex cohorte Scythorum; Theodosius, Epiphanius, IOANNES, Theodorus, Sergius, Georgius, Thomas, Stephanus, Conon, alter Theodorus, Paulus, álius Ioannes, alter Georgius, álius IOANNES, álius IOANNES, Paulinus, Caiumas, Abramius, Marmises, Marinus, omnes ex cohorte Voluntariorum.

⁴ Quorum nomina: sancti Petrus Ch'oe Ch'ang-hub, catechísta; Bárbara Cho Chung-i, vídua sancti Sebastíani Nam I-gwan; Magdaléna Han Yong-i, vídua; Elísabeth Chong Chong-hye, virgo, filia sanctæ Cæciliæ Yu So-sa et soror sancti Pauli Chong Hasang; Bárbara Ko Sun-i, uxor sancti Augustíni Pak Chong-won; Magdaléna Yi Yong-dog, virgo, soror sanctæ Catharínæ Yi.